



New Testament

Gulay Language

Gulay - Bible - New Testament

Matthieu	3	
Marc	80	
Luc	130	
Jean	214	
Nyanra Njekawkulege	273	
Nje Ke Rome	348	
1 Nje Ke Corinthe	380	
2 Nje Ke Corinthe	413	
Nje Ke Galatie	433	
Nje Ke Ephese	444	
Nje Ke Philippes	455	
Nje Ke Colosses	463	
1 Nje Ke Thessalonique	470	
2 Nje Ke Thessalonique	477	
1 Timothee	481	
2 Timothee	490	
Tite	496	
Philemon	500	
Hebreuge	502	
Jacques	526	
1 Pierre	535	
2 Pierre	544	
1 Jean	550	
2 Jean	558	
3 Jean	560	
Jude	562	
Lookilera'n	565	

Gulay - Bible - New Testament

Matthieu

Matthieu 1

Tà ke oje dè girkà le Jésus

(An-in Luc 3.23-38 to)

- ¹Magtub ke oje dè girkà le Jésus-Krist ngonnkà David, ngonnkà Abraham,
- ²Abraham oje Isaac; Isaac oje Jacob, Jacob oje Juda se ngakonnge;
- ³Juda se neen'n Thamar oji Pérets se Zara; Pérets oje Esrom; Esrom oje Aram;
- ⁴Aram oje Aminadab; Aminadab oje Nasson; Nasson oje Salmon;
- ⁵Salmon oje Boaz se neen'n Rahab; Boaz se neen'n Ruth oji Obed; Obed oje Jessé,
- ⁶Jessé oje ngar David. David oje Salomon se neen njèyo Uri;
- ⁷Salomon oje Roboam; Roboam oje Abiya; Abiya oje Asa;
- ⁸Asa oje Josaphat; Josaphat oje Yoram; Yoram oje Ozias;
- ⁹Ozias oje Yotham; Yotham oje Achaz; Achaz oje Ezékias;
- ¹⁰Ezékias oje Manassé; Manassé oje Amon; Amon oje Josias;
- ¹¹Josias oje Yékonias se ngakonnge kêm bal ke d'uwe'n ngannkà Jacob ber d'aw'n se de kêm beekon ke Babylone.
- ¹²Loo ke d'uwe de ber d'aw se de Babylone bá baa, Yékonias oje Salathiel; Salathiel oje Zorobabel;
- ¹³Zorobabel oje Abiyud; Abiyud oje Eliakim; Eliakim oje Azor;
- ¹⁴Azor oje Sadok; Sadok oje Achim; Achim oje Eliud;
- ¹⁵Eliud oje Eléazar; Eléazar oje Matthan; Matthan oje Jacob;
- ¹⁶Jacob oje Joseph; Joseph ngaw Marie ke njèkoje Jésus ke dé bar'n Krist.
- ¹⁷Unn gir dè Abraham't sár tee dè David't nga, kutu dèkasenange malang è dɔg-gidé-sɔ. Unn gir dè David't sár tee'n kêm bal ke d'uwe'n ngannkà Jacob ber nga, è kutu dèkasenange dɔg-gidé-sɔ. Unn gir kêm bal ke d'uwe'n ngannkà Jacob ber

d'aw'n se de kêm beekon ke Babylone sár tee'n dè Krist't nga, è kutu dèkasenange dɔg-gidé-sɔ.

Koje Jésus-Krist

(An-in Luc 2.1-7 tɔ)

¹⁸Koje Jésus-Krist nga è titeke bè. Kon'n Marie nga, è njèng le Joseph. Marie ndann ngonn se go tɔgmong le Ndil-Kêmnda kété bita dé se Joseph dé ger nan ke dinye se dingem bai.

¹⁹Joseph njèng le Marie nga, è doo ke njèra nyan se dè naje'n. E ndige le tel Marie ke kurkogo le dooge lé. E oje kêm'n't le mbate'n se go ngein.

²⁰Nè loo ke Joseph ndi à gir tà dè nyan't nè nga bè bai baa, an! doo ke danran ke Kuwe-bee ule'n tee denn't pan ede'n tà se nin ede nè: – Joseph, ngonn David, i bel le taa Marie ke neein lé, tede ngonn ke tò kêm'n't nga in ra Ndil-Kêmnda't.

²¹Ngonn ke dingem ke a oje'n nga, i a kile ri'n nè Jésus. E kuwe á à ɔr kosdooge le'n dann kaiyage't le de kaje de.

²²Nyange nè malang aw loon't deŋ titeke Kuwe-bee ade njèribe-dè-tà ke tann't tam'n ndàt kété ede nè:

²³«An! ngomande ke nal ger dingem bai a ndann ngonn, a oje ngonn ke dingem, d'a d'ile ri'n nè Emmanuel.» Tel se tà koje jéi baa, è «Nube nain se jéi».

²⁴Loo ke Joseph in gir bi't baa, è ra titeke doo ke danran ke Kuwe-bee ule'n unn'n ndu'n ade'n kété nga tɔ. E taa Marie ke neen'n.

²⁵Nè Joseph tò se'n ke neen'n lé sár ade oje'n ngonn ke dingem ke ile ri'n nè Jésus.

Matthieu 2

Baw-nyangerge dɔyi ngonn ke kide

¹Jésu nga, ndɔ ke d'oje'n kêm bee-bò ke Bethléhem beekon ke le Juda. E kêm bal'n ke ngar Hérode ee'n njèkonbee beekon ke le Juda. An! baw-nyangerge in-in gugu loo tee't le kàde, ei reei kêm bee-bò't ke Jérusalem.

²Ei deji edi nè: – Ké ngar le Juipge ke d'oje'n ngɔr nè nga è loo ke ra't wa? Tede jè j'an kɔnyon le'n loo tee't le kade gugu nú á jè ree le dɔi'n.

³Loo ke ngar Hérode se dooge malang ke kêm bee-bò ke Jérusalem ooi tà nè nga titeke bè baa, tà ige de sêl.

⁴E bar maw njékuje nyan-mesege se njèndang magtubge le kosdooge ɔse nja de nan't deje de kade edii loo koje Krist.

⁵Dé tel d'ile'n dè't d'ede nè: – Krist nga d'oje'n kêm bee ke Bethléhem beekon ke le Juda. Njèribe-dè-tà ke tà Nube't karé ndang tà nè nga titeke bè kêm magtub't kété ede nè:

⁶«I Bethléhem, beekon le Juda nga, bee-bòge ke beekon't le Juda nga, d'a kur dèi ndan lé, tede ngar ke njèkul kosdooge le'm ke ei Juipge nga à in rai't.»

⁷Hérode ade dé bar baw-nyangerge se go ngein de je de kade edii ndo tee le konyon nè nga get-get.

⁸Go't gugu è ule baw-nyangerge nè nga kê m bee ke Bethléhem ede nè: – Awi i deji tà ke oje dè ngonn ke kide nè nga get-get ooi. Loo ke sei ingei bá baa, i reei edi man kade man kuwe m'aw m'doi'n to.

⁹Loo ke d'oo tà le ngar Hérode bè baa, d'ote d'aw. Nè konyon ke kété d'an'n loo tee't le kade nga or non de sár aw nda dè loo ke ngonn ke kide nè tò tutu.

¹⁰Loo ke baw-nyangerge an-in konyon nè nga baa, kê m de agen an kot-kot.

¹¹Loo ke d'aw kê m kei d'an ngonn ke kide nè se kon'n Marie baa, d'ose ke je de nang non ngonn ke kide't nè nga dé doi'n a to. Go't gugu, dé tee se nar-or se nyan ke ete sununn titeke katchatcha a, se nyan karé ke ri'n nè myrrhe kê m sanduge le de d'uwe'n se'n noje.

¹²Nube ede de se nin le kade dé tel ree ra Hérode't gugu lé. E á d'unn rebe ke rang dé tel d'aw beekon't le de.

Joseph an-in se Jésus aw se'n beekon ke Egypte't

¹³Loo ke baw-nyangerge oti awi bá baa, an! doo ke danran le Kuwe-bee tee hoi ke ra Joseph't se ni ede'n ede nè: – Ose nang in, unn ngonn ke kide nè nga se kon'n an-in se de aw se de beekon ke Egypte. I ndi tutu nú sár kade man kuwe m'edi bita i tel i ree bai tede Hérode sang le tol ngonn ke kide nè nga.

¹⁴Joseph ose nang in ke loon't nè, unn ngonn ke kide nè nga se kon'n an-in se de ndoo aw se de kê m beekon ke Egypte.

¹⁵E ndi tutu nú sár ade Hérode weii'n. Titeke bè á tà ke ndo ke kété Kuwe-bee ade njèribe-dè-tà ke tann't tam ede nè: «M'bar ngonn'm kade unde loo tee kê m beekon ke Egypte't koke» aw'n loon't de j.

Hérode ade dé tol nganng e kabak

¹⁶Loo ke Hérode an titeke baw-nyangerge ulei mbe dènn't baa, wong ase'n ná k. E ule ade dé tol nganng e ke dingem malang ke rai bal joo se njé ke bal de ase joo lé bai a to. Se go kurloo ke baw-nyangerge oji Hérode nga, è ade d'unn gir tol nganng e ke dingem kê m bee ke Bethléhem sár d'ose'n ngei ninn beekon le'n bere mbak.

¹⁷E á tà ke Jérémie njèribe-dè-tà ke tà Nube't tam kété ede nè:

¹⁸«Non se wuwi bar jiki kê m bee ke Rama. E Rachel á non tede nganng e ke gotoi. E ndige le kade doo karé bè géa gor'n lé.» Tà nè nga aw loon't de j.

Joseph in beekon ke Egypte tel aw Nazareth gugu

¹⁹Loo ke Hérode wei bá baa, doo ke danran le Kuwe-bee tee hoi ke ra Joseph't ede'n se ni kêm beekon ke Egypte ede'n ede nè:

²⁰– In dɔ, unn ngonn ke kide nè se kon'n, i tel aw se de kêm beekon ke Israel gugu tede njé ke sangi le tɔli ngonn ke kide nè nga weii bá ta.

²¹Joseph ɔse nang in unn ngonn ke kide nè nga se kon'n tel aw se de kêm beekon ke Israel.

²²Nè loo ke Joseph oo titeke Archélaus ngonn le Hérode on bee beekon't ke Judée gute bɔn't baa, è bel tel kaw ndi tutu. Se go tà ke Nube ede'n se ni kété nga, Joseph ɔr ra'n aw ndi kêm beekon ke Galilée.

²³E aw ndi kêm ngonn bee karé ke ri'n nè Nazareth tede kade tàge ke njéribè-dè-tà ke tà Nube't tami kété mari aw'n loon't deɟ. Ei tami edi nè: «E nè nga d'a bar'n doo ke Nazareth.»

Matthieu 3

Mber kile le Jean ke njèkule dooge manné njonm

(An-in Marc 1.1-8; Luc 3.1-18; Jean 1.19-28 tɔ)

¹Kêm ndɔnge't nè nga, Jean ke njèkule dooge manné njonm unde loo tee aw kêm dile't ke beekon ke Judée ile mber ede nè:

²– I turi hal si tede Konbee ke danran nain ngɔr ta.

³Esaie njéribè-dè-tà ke tà Nube't tam tà oje'n dè Jean kété ede nè: «E ndu è ke njèkile mber kêm dile't: I gɔli rebe le Kuwe-bee, i rai ngann rebege le'n adi asinan létêt-létêt.»

⁴Jean ule Kubu ke d'oyo se bin lugman rann't. E dɔ bédé'n se ndar. Bêtege se wubu tuju ke walé á è nyankuse'n se ndɔ'n-ndɔ'n.

⁵Dooge ke kêm bee-bò ke Jérusalem se njé ke beekon ke Judée bere mbak se njé ke ngann beege't ke gan dè ba ke Jourdain malang reei rann't.

⁶Dooge nè nga malang reei ra Jean't ɔri gir kaiyage le de ke nata adi nin ade ule'n de manné njonm dann ba ke Jourdain.

⁷Loo ke Jean an Pharisienne se Saddusienne bule reei rann't le kade ule de manné njonm baa, è tam se de ede nè: – Sei ke i tooi asinan se li jênênge, ké nan tɔje sei rebe kan-in wong le Nube ke ndi à ree nga wa?

⁸I turi hal si, i rai nyanrage ke maje.

⁹I piti ra si sei edi nè: «Jè jè ngannkà Abraham.» Man m'ede sei ndàt, kuberi herge ke tooi nè nga Nube asekum tel de ke ngannkà Abraham karè.

¹⁰Kunge ke janm tò ngire kagege't bá. Kage ke rara ke ann majelé baa, d'a tuge'n gang'n kile'n poro.

¹¹Man baa, mann á m'ule sei njonm tutu karè kade i turi hal si. Nè doo karé ke tɔgmong le'n dum le'm à ree goom't gugu non. Gabang ke njann't géa, man m'asekum tɔr se dè ra'm lé. Doo nè nga à ɔr sei kunde sei se ninn si gai se Ndil-Kêmnda a, se por a tɔ.

¹²Doo nè nga, kéee le'n è jinn't. A ɔi kêm gar le'n ndát-ndát a, a ɔse nja ko le'n nan't kêm dam't a tɔ. Nè a ró tise ko se por ke doo ase tɔl ndan lé.

Jésu ade Jean ule'n manné njonm

(An-in Marc 1.9-11; Luc 3.21-22 tɔ)

¹³Jésu in kêm beekon ke Galilée ree inge Jean tà ba ke Jourdain tede kade ule'n manné njonm.

¹⁴Nè Jean in se'n dè't ede nè: – Man m'aw ndoo kade i á ule'm manné njonm. Nè ké i kuwe i tel i ree ram't tabai wa?

¹⁵Nè Jésus tel ile'n dè't ede nè: – Inye ade m'ra d'arinè. Ra nyan ke kêm Nube ndige tɔl mbas nga, tuwe jè d'êw titeke bè. Jean inye Jésus ade ra titeke bè.

¹⁶Loo ke Jean ule Jésus manné njonm bá baa, Jésus unde loo tee nata. An! ke loon't nè kuwe, kum danran teen halal ade an ndil Nube rise ndi dènn't tite der-nda bè.

¹⁷An! ke loon't nè kuwe, ndu doo bar danran ede nè: – E nè nga è Ngonn'm ke m'tár'n ngain a, ra'm nel'm dènn't ngain a tɔ.

Matthieu 4

Sú nan kêm Jésus kêm dile't

(An-in Marc 1.12-13; Luc 4.1-13 tɔ)

¹Ndil ɔr non Jésus aw se'n kêm dile't le kade njè sú dooge nan'n.

²Bo ra Jésus tede ɔge ra'n dè nyankuse't ase dann kàde kɔr-sɔ se dann ndɔ kɔr-sɔ a tɔ.

³E á njèkule kêm dooge age meen-meen ke rann't ede nè: – Ke nè á i Ngonn le Nube kerɔte baa, ade kuberi herge nè nga teli mapa ade use.

⁴Nè Jésus tel ilé dè't ede nè: – Dé ndang kêm magtub't d'ede nè: «Doo à ndi kumgajer takul mapa á go karé lé. Nè doo à ndi kumgajer takul tà malang ke tee tà Nube't.»

⁵Tabai sú ɔr Jésus aw se'n Jérusalem, bee-bò ke tò se ninn'n, aw unde'n sêm Keit le Nube, ede'n ede nè:

⁶– Ke nè á i Ngonn Nube kerɔte baa, inye jii dɔ oso nang ade j'an tede dé ndang kêm Magtub't d'ede nè: «Nube à unn ndu'n kade dooge le'n ke danrán kɔje'n dèi. Dooge ke danrán nè nga, d'a geti se ji de nè bainléa a kunde njai dè kuberi her't.»

⁷Jésu tel ile sú dè't ede nè: – Dé ndang kêm Magtub't d'ede nè: «Kuwe-bee Nube lei nga, i a nan'n lé.»

⁸Go't gugu sú ɔr'n aw se'n dè mbal ke ngal lèng-lèng toje'n beekonge malang ke dè nang nè se nyan-majege le de ke mbirin-mbin,

⁹ede nè: – Ke nè á i ɔse keji nang nonm't, ule dèi ade'm baa, m'a m'adi nyan-majege nè nga malang.

¹⁰Jésu tel ede sú ede nè: – Ɔte tam't kɔke tede dé ndang kêm magtub't d'ede nè: «Kuwe-bee Nube lei nga, i a kɔse keji nang nonn't a, è kuwe karé bere luk-luk á i a ra ber le'n a tɔ.»

Jésu ɔr ra'n aw kêm beekon ke Galilée

¹¹Sú ɔr ra'n ra Jésu't kɔke ɔte aw. An! ke loon't nè kuwe, dooge ke danran reei rann't rai nyan adi nin.

Kunn gir kule le Jésu kêm beekon ke Galilée

(An-in Marc 1.14-15; Luc 4.14-15 tɔ)

¹²Loo ke Jésu oo titeke d'uwe Jean d'ile'n dangai baa, è ɔr ra'n aw kêm beekon ke Galilée.

¹³Jésu inye bee ke Nazareth aw ndi kêm bee-bò ke Capernaum kɔte ba ke dè ninn beekon le Zabulon se Nephtali.

¹⁴E ra titeke bè le kade tà ke Esaie njèribe-dè-tà ke tà Nube't tam kété aw'n loon't deɣ. Esaie tam kété ede nè:

¹⁵«Beekon le Zabulon, beekon le Nephtali, ke tooi gide ba ke Jourdain, I Galilée beekon le dooge ke ei Juipge lé.

¹⁶Kosdooge ke ndii dann tilkus't, An-in! lookar ke bò, Njé ke ndii gir tɔgmong't le yo géa, loo unn gir kar dè de't a tɔ.

¹⁷Unn gir kêm ndɔn't nè, Jésu ile mber ede nè: – I turi hal si tede konbee ke danrán nain ngɔr ta.

Jésu bar mbawge ɔɔ ke njékuwe-girnge

(An-in Marc 1.16-20; Luc 5.1-11 tɔ)

¹⁸Nɔɔ karé bè, Jésu njiye se tà ba ke Galilée. E an ngakon nange joo: Simon ke dé bar'n Pierre se André ndai ilei bure dann ba't tede ei mbawge ke njékɔse kanjege.

¹⁹E ede de ede nè: – Unni rebe goom't ɗarinè, m'a tel sei ke njé ndon dooge ta.

²⁰Ke loon't nè kuwe dé sure burege le de d'inye d'unn rebe goon't.

²¹Loo ke Jésu aw mbɔr ke kété bai baa, è an ngakon nange ke rang joo Jacques se Jean ngann le Zébédée ndii se bɔ de kêm ngonn bato't à tilei kum burege le de. Jésu bar de tɔ.

²²Ke loon't nè kuwe ei surei bɔ de se bato bere inyei unni rebe go Jésu't.

Jésu ndó dooge nyan a, aje dooge a tɔ

²³Jésu aw se loo-loo kêm beekon ke Galilée bere mbak ndó dooge nyan kêm kei kebe nange't le de ile mber Tà ke Maje ɔje dè konbee le Nube a, ɔr ratur ke rara ra njératurge dann kosdooge't a, se njè ke kèl ra de wei tonrin a tɔ.

²⁴Kɔbe nyan ke Jésus ra nga, oso se loo mbit-mbit kêm beekon ke Syrie bere mbak. Dé ree se njératurge ke raturge gai-gai rai kum de ndoo ra Jésus't. E ɔr ratur dè de't malang: Njé ke ndilge ke majelé tooi kêm de't se njé ke kɔnon tote de a, njé ke kèl ra de wei tonrin a tɔ.

²⁵Kosdoo-bulege ngain in-in kêm beekon ke Galilée se beekon ke Décapole se bee-bò ke Jérusalem se beekon ke Judée a, se beekon ke gide ba ke Jourdain't reei ndolèi go Jésus.

Matthieu 5

Jésu ndó kosdoo-bulege nyan dè mbal't (Loo kaya'n 5 sár 7)

¹Loo ke Jésus an kosdoo-bulege bè baa, è al dè mbal't dɔ. Loo ke è ndi nang bá baa, njékuwe-girnge reei rann't.

²E unn gir ndó de nyan ede nè:

Nganrankum ranel ke get

(An-in Luc 6.20-23 tɔ)

³- Njé ke geri kêm de't titeke ei njéndooge nga, ra de à nel de tede konbee ke danran è le de!

⁴Njé ke ndii se kumndoo yo nga, ra de à nel de tede Nube à gɔl kêm de bai!

⁵Njé ke awi lom-lom nga, ra de à nel de tede Nube à ade de Konbee ke danran ke nyan-ndube le de!

⁶Njé ke ngur nyanra ke se dè naje'n ra de pênn-pênn asenan se kunde mann éké bo ke ra de nga, ra de à nel de tede kêm de à ndann bai!

⁷Njé ke an-in kumndoo le made dege nga, ra de à nel de tede Nube à an kumtondoo le de tɔ!

⁸Njé ke nganrankêm de unju nyang-nyang nga, ra de à nel de tede d'a d'an Nube se kum de ndan-ndan!

⁹Njé ke d'ade made dege ingei kêm lom nga, ra de à nel de tede è dé kuwe á d'a bar de ngann Nubege!

¹⁰Njé ke dé ra kum de ndoo tede nyanra de ke dè se naje'n nga, ra de à nel de tede è de kuwe á Konbee ke danran è le de!

¹¹Loo ke dooge à taji sei a, a rai kum si ndoo a, a teti tàge ke majelé gai-gai kundei tà si't tede k'ee ke sei njékuwe-girmge nga baa, adi ra si nel sei.

12I rai ranel a, ali ra si se kêmnda káng tede nyan kuge dè ji si è ngain do danran. Njéribè-dè-tàge ke tà Nube't ke kété non si't nga géa, ndo ke dé ra kum de ndoo titeke dé ra'n kum si ndoo bè to.

Sei sei kate se lookar le njé ke dè nang nè

(An-in Marc 9.50; Luc 14.34-35 to)

13Sei sei kate le dooge ke dè nang nè. Ke nè á kate ke don tel bɔɔs baa, ké ri á d'a ra'n kade tel don gugu wa? Nyan ke le ra'n ke rang goto, nè d'a kunn kum nata kade dooge njiyei dè't.

14Sei sei lookar le dooge ke dè nang nè. Bee-bò ke tò dè mbal't do nga asekm bɔyɔ ra'n lé.

15Doo unde por tu lampe't tede le sebe debe dè't lé. Nè à naan tà kagenn't do kade unju ade njé ke kêm kei malang an-in loo.

16Sei géa, maje kade nyan-ndogó le si ndogó tàkum dooge't tede kade an-in nyanra maje le si baa, ilei ribar dè Bɔ si ke ndi danrán.

Nyan-ndó ke ɔje dè gute-ndu ke mari se njé ke kige

17Maje kade i giri kêm si't edi nè m'ree le tuju gute-ndu ke mari éké magtubge ke njéribè-dè-tàge ke tà Nube't ndangi nga lé. Man m'ree le tuju gute-ndu ke mari se tàge ke njéribè-dè-tàge ke tà Nube't ndangi nga lé, nè m'ree le kade maji ɔri njêt.

18Kerɔte kuwe, man m'ede sei ndàt, nyange ke ndêin-ndêin ke dé ndang kêm magtub gute-ndu ke mari't nga, karé bè géa à goto lé sár kade danran se dè nang à gotoi pa bita.

19E ke altà tà ndukunn't karé dann ndukunngé ke ndêin-ndêin nè a, ndó dooge le kade rai titeke bè a to nga baa, d'a d'an'n ke ngonk ke ndêin bè dum madenngé malang kêm Konbee ke danrán. Nè nanan ke an dè ndukunngé nè nga sêw-sêw a, ndó dooge kade rai titeke bè to baa, d'a d'an'n ke doo ke bò kêm Konbee ke danrán.

20Kerɔte kuwe,man m'ede sei ndàt, ke nè á nyanra si ke se dè naje'n dum dè le njéndang-magtubge se pharisiengé lé baa, sei a kilei nja si kêm Konbee ke danrán nga ndan lé.

Nyan-ndó ke ɔje dè ra wong

21Sei ooi titeke d'ede kàsige ke kété mari d'ede nè: «I a tol doo lé. Nanan ke tol doo baa, d'a gangtà dènn't.»

22Nè man m'ede sei, nanan ke ra wong se ngokon'n baa, d'a gangtà dènn't. Nanan ke tam se ngokon'n ede nè: «I mbe» baa, d'a d'aw se'n loo gangtà't ke bò. Nanan ke tam se ngokon'n ede nè: «Kêmi to kuju tà lé» baa, a inge ndutɔr lé sár nè kure nyanra'n à ɔde kum'n labi-labi.

23Ke nè á i aw se nyan-noje lei le kade dè dñinger loo nyankuje-mese't á ke loon't nè kêmi olé dè nyan ke ngokoin aw'n sei se tà baa,

24inye nyan-noje lei dè dñinger loo nyankuje-mese't, i tel aw inge ngokoin umi nan't pa bita i ree unn nyan-noje lei ade bai.

25Ute rai kalang um nan't se njèkɔse sei tà loo ke sei se'n i nain rebe bai. Nè bainléa à aw sei non njègangtà't, njègangtà à ulei ji paja't le'n kade aw sei ilei dangai't njing.

26Kerɔte kuwe, man m'edi ndàt, ke nè á paja le'n aw sei ilei dangai't bá baa, a uge kure nè nga ndát-ndát kade sisi karé géa à nain dèi't lé, bita a i tee dangai't bai.

Nyan-ndó ke ɔje dè tò se dinye ke rang

27Sei ooi titeke dé tam kété mari d'ede nè: «I a tò se dinye ke rang lé.»

28Nè man m'ede sei, nanan ke an dinye ke rang á ndinge'n baa, nganrankêm'n tò se'n bá ta.

29Ke nè á kumi ke kon ade i ra kaiya baa, uwe'n ɔr'n ile'n piring kɔke. Kade balkum rai karé udu è soo't dum kile danrai bere mbak dann loo ke tur't ke kure nyanrai à ɔde kumi tutu labi-labi.

30Ke nè á jikoin ade i ra kaiya baa, i tuge'n i gang'n ile'n piring kɔke. Kade balkum rai karé udu è soo't dum kade d'ile danrai bere mbak dann loo ke tur ke kure nyanrai à ɔde kumi tutu labi-labi.

Nyan-ndó ke ɔje dè mbate nan le dinye se dingem

(An-in Matt 19.9; Marc 11.11-12; Luc 16.18 to)

31Kété mari dé tam d'ede nè: «Ke nè á doo karé mbate neen'n baa, maje kade ade'n magtub mbate nan jinn't.

32Nè man m'ede sei ndàt, nanan ke mbate neen'n tede nyan ke rang lé nè tede tà le tò se nan ke kaiya't baa, è ile'n dè sang dingemge ke rang't. Nanan ke taa dinye ke dé mbate'n baa, tà kaiya uwe dè'n.

Nyan-ndó ke ɔje dè mann-ra

33Tabai sei ooi titeke d'ede kàsige kété mari d'ede nè: «I a kinye go mann-ra lei nga lé, nè nyan ke i unn ndui ade Kuwe-bee dè't nga, a i ra nyan'n kuwe.»

34Nè man m'ede sei ndàt, ubi ra si ndan lé. Ubi ra si se nyan karé ke danrán lé, tede danran nga è kutu-ngar le Nube.

35Ubi ra si se nyan karé dè nang nè lé, tede beekon nè nga, è nyan kum-nja le Nube. Ubi ra si se ri bee-bò ke Jérusalem lé, tede è bee le Ngar ke bòi.

36Ubu rai se dam dèi lé, tede i asekum kade bin dèi karé tel nda éké tel ndul lé.

³⁷Ke nè á tà le si è oiyo baa, è oiyo. Ke nè á tà le si è m-m baa, i tami go karé edi nè m-m. Tà ke rang ke i tami ilei dè made't nga in ra njèkemyê't.

Nyan-ndó ke oje dè dalban

(An-in Luc 6.29-30 to)

³⁸Sei ooi titeke dé tam kété mari d'ede nè: «Kum karé kum gute kum karé't, goge karé kum gute goge karé't.»

³⁹Man m'ede sei ndàt, doo ke ndige ra se si majelé nga, ilei ro adii lé. Loo ke doo karé unde mbori ke kon baa, i tur è ke karé rang ade'n unde to.

⁴⁰Ke nè á doo karé ndige sêki tede taa'n kubu lei ke kêm made't baa, or kubu lei ke bòi yul ade'n dè't.

⁴¹Ke nè á doo karé unde tog dèi't le kade aw se'n kurloo karé baa, aw se'n kurloo joo.

⁴²Doo ke deji nyan baa ade'n. Nanan ke ndige tunei nyan baa, i tur gidi ade'n lé.

I tári njé bange le si

(An-in Luc 6.27-28,32-36 to)

⁴³Sei ooi titeke dé tam kété mari d'ede nè: «I a tár doo-madi nè njèban lei baa, i a kor'n njê't.»

⁴⁴Nè man m'ede sei ndàt, i tári njé bange le si a, oji tà se Nube tede njé ke ori sei kororoi a to.

⁴⁵Ke nè á i rai titeke bè baa, a teli k'ei ngann Bo si Nube ke ndi danrán kuwe. E ade kàde le'n ube dè njé ra nyan majelége se njé ra nyan majege't a to. E ade ndi ede dè njé ra nyan se dè najenngé se dè njé ra nyan se dè naje'n lége a to.

⁴⁶Ke nè á i tári njé ke tári sei tá baa, ké nyan-kuge dè ji ke ra a ingei wa? Ké njétaa tirge kuwe géa dé ra titeke bè to lé wa?

⁴⁷Ke nè á i rai lapyá ngakon sige kuwe se kar de bere baa, ké è nyan ke deri á sei rai wa? Dooge ke geri Nube lé géa rai titeke bè to lé wa?

⁴⁸I maji ori njê't titeke Bo si ke ndi danran ee'n njè maje kor njê't nga to.

Matthieu 6

Tà ke oje dè kunn nyan kade njéndooge

¹An-in! tá nè a k'in-in kundi nyan ra ke se dè naje'n le si tàkum dooge't tede kade an-in sei. Ke nè á sei i rai titeke bè baa, a ingei nyan-kuge dè ji si ra Bo si ke ndi danran nga lé.

²Loo ke i unn nyan le kuwe'n noje baa, ade d'ile ndil dèi't titeke njékede gosge rai kêm kei kebe nange't se ka-rebege tede kade dooge ilei ribar dè de't bè lé. Kerote kuwe, man m'ede sei ndàt, dé nè nga d'inge nyan-kuge dè ji de d'arinè bá ta.

³Nè i baa, loo ke a unn nyan le kuwe'n noje nga, ade ji geli ger nyan ke ji koin ra lé,

⁴tede kade nyan ke i unn uwe'n noje nga è se go ngein. Titeke bè á Bɔi ke njè kan nyan ke tò loo ngeinn't nga à tel le kuge dè jii bai.

Nyan ndoo ke ɔje dè kɔje tà se Nube

(An-in Luc 11.2-4 tɔ)

⁵Loo ke a ɔji tà se Nube baa, i rai titeke njékede gosge rai nga lé. Dé nga, dé ndige kɔje tà se Nube kade kum dooge an de njung kêm kei kebe nange't a, se ngang rebege't a tɔ. Kerɔte kuwe, man m'ede sei ndàt, dé nè nga d'inge nyan-kuge dè ji de ɗarinè bá ta.

Jésu ndó njékuwe-girnge rebe kɔje tà se Nube

⁶Nè i, loo ke a ɔje tà se Nube baa, aw kêm kei lei utu tàbit kei lei dèi't bita ɔje tà se Bɔi ke ndi loo ngeinn't. Titeke bè á Bɔi ke njè kan nyan ke tò loo ngeinn't nga, à tel kuge dè jii bai.

⁷Loo ke a ɔji tà se Nube baa, i tami tàge dè nan't-dè nan't titeke dooge ke geri Nube lé rai nga lé. Ei giri titeke tàge ke n'ei n'tami ke dè nan't-dè nan't á Nube à ade'n de nyan ke n'deji nin nga.

⁸I teli i taai nan se de lé tede loo ke tà nain kêm si't bai kuwe géa, Bɔ si ger nyan ke sei awi ndoo'n kété bita i deji nin nyan nè bai.

⁹Loo ke a ɔji tà se Nube baa, i tami titeke bè edi nè: «Bɔ jé i ke njè ndi danrán, maje kade dooge malang geri titeke rii è ri ke tò se ninn'n gai.

¹⁰Maje kade on bee dè dooge a, maje kade dé ra gute ndui d'ade ɔr njêt titeke dé ra'n danrán a tɔ.

¹¹Maje kade bila ade jè nyankuse ke j'aw ndoo'n se ndɔ jé-ndɔ jé.

¹²Maje kade ade kêm si tin mbit dè kure majelége't le jé titeke jè géa j'ade kêm jé tin mbit dè kure majelé ke made jége rai se jé.

¹³Maje kade inye loo ade nyan sú nan jè lé, nè ɔr jè dann nyan ke majelé't kɔke.

¹⁴Ke nè á adi kêm si tin mbit dè dooge't ke njé ra se si majelé baa, Bɔ si ke ndi danrán géa à ade kêm'n à tin mbit dè si't tɔ.

¹⁵Ke nè á adi kêm si tin mbit dè dooge't ke njé ra se si majelé lé baa, Bɔ si ke ndi danran géa à ade kêm'n à tin mbit dè si't ndan lé tɔ.

Jésu ndó njékuwe-girnge rebe kɔge kêm bo

¹⁶Loo ke ɔgi kêm si bo baa, i siwi kum si siw-siw titeke njékede gosge rai nga lé. Ei rai titeke bè le kade dooge an-in titeke ɔgi kêm de bo. Kerɔte kuwe, man m'ede sei ndàt, dé nè nga d'inge nyankuge dè ji de ɗarinè bá ta.

17Nè i, loo ke i ɔge kêmi bo baa, ube dèi se wubu b̄ar-b̄ar a, i togo kumi ndát-ndát a tɔ.

18Titeke bè á dooge à an-in nin titeke i ɔge kêmi bo lé. Nè Bɔi ke ndi loo ngeinn't à an nyan ke i ra baa à tel kuge dè jii bai.

Jésu ndó dooge tà ke ɔje dè nyanbawge ke danrán

(An-in Luc 12.33-34 tɔ)

19Uwei dè nja nyanbawge ke dè nang nè nga undei konn tede le si lé, tede dè nang nè nga è loo ke gide se kar tuji nyange tutu a, njébog-ge mbuti kum loo bogi a tɔ.

20Nè uwei dè nja nyanbawge le si undei konn danrán ra Nube't, tede danrán nga è loo ke gide se kar tuji nyan tutu lé a, njébog-ge à mbuti kum loo le bogi lé a tɔ.

21Oiyo loo ke um nyanbaw lei tutu nga, bengrei à è dè't kuwe tchên.

Kum jéi tò asenan se lampe le danra jéi bè

(An-in Luc 11.34-36 tɔ)

22Kum jéi tò asenan se lampe le danra jéi bè. Ke nè á kum jéi an loo njai baa, danra jéi bere mbak è ke unju njai a tɔ.

23Nè loo ke kum jéi an loo majelé baa, danra jéi bere mbak ndi dann tilkus't a tɔ. Ke nè á lookar ke kê m jéi't kei tel è loo ndul baa, danra jéi bere mbak ndi dann loo ke ndul ndin-ndin't.

Doo asekum ra kule ber le Nube se ra kule ber le nar kade nan't joo lé

24Doo karé asekum ra kule kade kuwenge joo kê m kurloo ke karé't lé. E à ɔr è ke karé njêt, nè è à unde è karé ke rang dann kumn't. Tabai è à ile koje dè è ke karé't, nè à an è karé ke nyan lé. Sei asikum ra ber le Nube se ra ber le nar kade nan't joo mbak lé.

Adi kê m si tò kekek dè ra si't lé

(An-in Luc 12.22-31 tɔ)

25Gir'n ke nè á man m'ede'n sei: adi kê m si tò kekek ɔje nyankuse ke a usei éké mann kain si éké kubu kule ra si't lé. Ké ndikumgajer le doo nga è soo't dum nyankuse lé wa? Ké danra doo dum dè kubu kule ra't lé wa?

26Unni kum si an-in helge ke walé. Dé dubu ko éké dé sa ko d'ɔse nja nan't d'um kê m damge't lé a tɔ. Nè Bɔ si ke ndi danrán kuwe ul de. Sei nga ké gate si dum le helge nja bule ngain lé wa?

27Ké nan dann si't asekum kile bal ndikumgajer le'n dè made't se go kê m tò kekek le'n nga wa?

28Ké bain á adi kê m si tò kekek dè kubu kule ra si't tá wa? Undei kum si maje an-in loo tɔge le ndujege ke kê m ndr't. Ei rai kule ɔri yàl-yàl lé a, ojai kubu lé a tɔ.

29Kubu ngarge le Salomon maji ngain kuwe. Nè man m'ede sei, è ke karé bè ke maje tite putu-ndujege nè géa goto.

³⁰Sei ke kundekêm le si tin lé, mu ke walé ke barè d'ade ró'n se por gé bai á Nube ade in mande bila nè nga, ké Nube asekum kade sei kubu ulei ra si't lé wa?

³¹Adi kêm si tò kekek se ndɔge malang kade i tami edi nè: «Ké ri á barè j'à j'use? Ké ri á barè j'à kan-in? Ké ri á barè j'à kule ra jé't wa?» lé.

³²Nyange nè malang nga, è dooge ke geri Nube lé á ei njé sang de se ndɔge-ndɔge. Tede Bɔ si ke danrán ger nyange malang ke sei awi ndoo de.

³³Nè i sangi Konbee le Nube a, se nyan ke se dè naje'n bita Nube à ade sei gute nyange malang ke awi ndoo de.

³⁴Adi kêm si tò kekek dè ndɔ ke barè't lé, tede ndɔ ke barè à ree se kêm tò kekek ke ɔje dè'n è kuwe bai. Ndɔ karé aw se nyankêmkon le'n ke ase'n nák-nák.

Matthieu 7

I gangi tà dè dooge't lé

(An-in Luc 6.37-38,41-42 tɔ)

¹I gangi tà dè dooge't lé tede kade Nube gang'n tà dè si't lé tɔ.

²Kerɔte kuwe, kum tà ke sei gangi dè dooge't nè kuwe á Nube à gang dè si't tɔ. Nyan kɔje nyan ke sei ɔjii nyan adi dooge nè nga kuwe á Nube à ɔje'n nyan kade sei tɔ.

³Ké tede ri á oré kumi dè bum walè ke tò kum ngokoin't anje kan maman kage ke tò kumi't nga wa?

⁴Loo ke maman kage tò kumi't baa, ké a kede ngokoin kede nè: «Inye'm ade m'ɔr bum walè ke tò kumi't» nga titeke bain wa?

⁵I njèkede gos, ɔr maman kage ke tò kumi't kuwe kété bita a an loo njai le kɔr'n bum walè ke tò kum ngokoin't bai.

⁶Nyan ke tò se ninn'n gai nga adi bisege lé a, i tilei mede-ngarge le si nang non kɔsnyonge't lé a tɔ, nè bainléa à tubei nja de't nang le teli ton-in sei dè't bai.

I kɔi Nube nyan ke awi ndoo'n

(An-in Luc 11.9-13 tɔ)

⁷I kɔi Nube nyan ke awi ndoo'n baa à ade sei a, i sangi nyan ke awi ndoo'n baa a ingei. Undei tàbit kei baa, d'a d'ɔr kade sei bai a tɔ.

⁸Nanan ke kɔ nyan ke aw ndoo'n baa, d'a d'ade'n. Nanan ke sang nyan ke aw ndoo'n baa, d'a d'ade'n. Nanan ke unde tàbit kei baa, d'a d'ɔr kade'n a tɔ.

⁹Ké nan dann si't loo ke ngonn'n kɔ'n mapa baa, à kunn kuberi her tá kade'n taa'n gute mapa wa?

¹⁰E ké nan dann si't á ke nè á ngonn'n kɔ'n kanje baa, à kunn li jênênn kade'n taa'n gute kanje wa?

11Sei ke njékêmyêrge gé bai á i geri loo kade ngann sige nyan ke maje nè a, ké Bo si ke ndi danrán asekum kade nyange ke maje njé ke koi nin nyan lé wa?

12Nyan malang ke sei i ndigi kade dooge ke rang rai tede le si nga, sei géa i rai titeke bè tede le de tɔ. E ke nè á è tà ke ndɔ ke Moise se njéribè-dè-tàge ke tà Nube't ndooi dooge.

Jésu ndeje dooge le kade awi se tà rebe ke kél-kél tá

(An-in Luc 13.24 tɔ)

13Awi se tà rebe ke kél-kél tá. Kerɔte kuwe, tà rebe ke but-but è rebe aw ke loo tuju't. Rebe ke but-but nga dooge ngain awi tutu dik-dik.

14Nè tàbit kei ke aw loo ndikumgajer se non nga, è kél-kél a, è rebe ke njon a tɔ. Dooge ke ingei tàbit kei se rebe ke njon nè nga, ei ndêin bere bè.

Tà ndó ke ɔje dè kage se kann'n

(An-in Luc 6.43-44 tɔ)

15Undei kumkunju dè ra si't ɔje dè njé tête tà kunde tà Nube't. Ei rai ra de tite batege bè reei ra si't. Nè kêm de ke kei baa, ei heng-ge ke njé tɔ ko dooge.

16A i geri de se go nyanra de. Ké doo à kuje kann nduu dè kage konn't wa? Ké doo à kuje kann koté dè kage ngarr kalè't wa?

17Titeke bè kage ke maje ke rara nga ann maje, nè kage ke majelé baa ann majelé tɔ.

18Kage ke maje asekum kann majelé lé, éké kage ke majelé asekum kann maje ndan lé a tɔ.

19Kage ke rara ke ann majelé baa, dé tuge'n dé gang'n d'ile'n poro.

20Titeke bè á sei a geri njé tête tà kunde tà Nube't maje se go nyan ra de.

Njúkuwe-gir-Jésuge ke get

21Nanan ke bar'm ede nè: «Ngar, Ngar» karè à ile nja'n kêm konbee ke danrán lé. Nè nanan ke ra nyan ke kêm Bɔ'm ke danrán ndige bita à ile nja'n kêm Konbee't le Bɔ'm nga bai.

22Ndɔ gangtà't baa, dooge bule à deji man kedi nè: «Ngar, Ngar, ké ndɔ ke j'ile mber se rii lé wa? Ké ndɔ ke jè rɔ ndilge ke majelé kɔke se rii lé wa? Ké ndɔ ke j'unn rii jè ra'n nyankɔbege lé wa?»

23Kêm ndɔn't nè nga, m'a kede de ndàt kede nè: «Ma m'ger sei ndan lé. Ɔti tam't ke rang, sei njékaltàge se ndɔ si-ndɔ si.»

Tà ke ɔje dè kunde gir kei

(An-in Luc 6.47-49 tɔ)

24Nanan ke ree ram't ur mbi'n oo'n tàge le'm ra nyan'n baa, tò asenan se doo karé ke njé kêm tɔ kuju tà ke unde gir kei le'n dè kuberi herge't bè.

²⁵Ndi ede ndài-ndài a, mann ule gangang-gangang gir kei't nè a, nel bò ule mbin-mbin ɔje dè kei nè nga a tɔ. Nè kei nè nga oso lé tede d'unde gir'n dè kuberi herge't.

²⁶Nè doo ke rara ke ree ram't oo tàge le'm á ra nyan'n lé baa, tò asenan se doo ke njè kêm tɔ kaju tà lé ke unde gir kei le'n dè nyeenger't bè.

²⁷Loo ke ndi ede ndài-ndài ade mann ule gir kei nè nga gangang-gangang a, nel bò ule mbin-mbin ɔje dè kei nè nga a tɔ baa, kei nè nga oso gudu d'èk-d'èk.

Tɔgmong le Jésus

²⁸Loo ke Jésus ndó dooge tà nè nga gir gang bá baa, tà ige kosdoo-bulege sêl dè nyan ke è ndó de't.

²⁹E ndó de nyange se tɔgmong ke Nube ade'n m è ndó de nyan tite le njékɔrgir gute-nduge le de karè lé.

Matthieu 8

Jésu ɔr banje ra dingem karé't

(An-in Marc 1.40-45; Luc 5.12-16 tɔ)

¹Loo ke Jésus in dè mbal't rise nang bá baa, kosdoo-bulege ngain ndolèi goo'n.

²Njèbanje karé bè aw ngɔr ke ra Jésus't ɔse keje'n nang nonn't ede'n ede nè: – Kuwe-bee, ke nè á i ndige se'm le kade banje ɔr ram't ndát-ndát baa, ra'm à tel tò karè.

³Jésu ule ji'n ɔde'n ra njèbanje nè nga ede nè: – M'ndige sei bè kuwe, maje kade rai tel tò karè ndát-ndát. Ke loon't nè kuwe ra njèbanje tel tò karè ndát-ndát.

⁴Go't gugu Jésus ede njèbanje nè nga ede nè: – An tá nè a kade tà nè tee tàit'ade doo ke rang oo. Nè aw ra njèkuje nyan-mese't i toje'n rai ade an bita unn nyan-noje ade se go gute-ndu ke Moise ndang kêm magtub't le kade dé ger'n titeke banje ɔr rai't ndát-ndát.

Jésu aje ngonn njèndi le njèkan dè njérɔge ke aru karé

(An-in Luc 7.1-10; Jean 4.43-54 tɔ)

⁵Jésu aw kêm bee-bò ke Capernaum. Njèkan dè njérɔge ke aru karé ree ra ndoo rann't ede nè:

⁶– Kuwe-bee, ratur ra kum ngonn njèndi le'm ke dingem ndoo ngain. Nja'n wei girn't tonrin ade tò nang pɔbel béee non.

⁷Nè Jésus ede'n ede nè: – Oiyò, m'a m'aw le kaje'n kadi karè.

⁸Njèkan dè njérɔge ke aru karé nè nga tel ile Jésus dè't ede nè: – Kuwe-bee, i i doo ke bò. Man m'ase kade ile njai kêm kei le'm lé. Né i tam tà karé kuwe baa, ratur à ɔr dè ngonn njèndi't le'm nè nga karè.

⁹Man kuwe géa m'ile koje dè doo-dèmgé't a, m'aw se njérɔge ke ndii gir ndukunn't le'm. Loo ke m'ede njè ke karé m'ede nè: «Aw!» baa, è aw. Loo ke m'ede njè ke karé ke rang m'ede nè: «I ree nè» baa, è ɔte ree. Loo ke m'ede ber le'm m'ede nè: «I ra nyan ke nè» baa, è ra nyan nè nga tɔ.

¹⁰Loo ke Jésu oo tà tam doo nè nga bè baa, è an'n ke dɔ ke nang. Tabai è tur tà'n ede njé ke ndolèi goo'n ede nè: – Kerɔte kuwe, man m'ede sei ndàt, kêm beekon ke Israel nga géa, m'inge njèkunde kêm dè Nube't titeke bè ndɔ karé lé bai.

¹¹Man m'ede sei ndàt, dooge ngain à in-in loo tee't le kàde se loo kur't le kàde le ndii nan't se Abraham, Isaac se Jacob kêm Konbee ke danrán't.

¹²Nè njé ke d'uwe dè nja Konbee ke danrán d'ɔje'n dè de kété nga, d'a d'um de dann loo ke ndul ndin-ndin't. E loo ke a noin se mann non kum de't a, a ton-in tà de vbat-vbat tutu a tɔ.

¹³Go't gugu Jésu ede njèkan dè njérɔge ke aru karé nè nga ede nè: – I tel aw béee, nyan ke i unde kèmi dè't nga, a inge nyan'n kuwe. Kêm kàdenn't nè kuwe ratur ɔr dè ngonnnjèndi't nè nga.

Jésu ɔr raturge gai-gai ra dooge't

(An-in Marc 1.29-34; Luc 4.38-41 tɔ)

¹⁴Go't gugu Jésu aw béee le Pierre. Loo ke è aw kêm kei baa, è an wum Pierre ke dinye tò nang se ratur. Ra'n taa por làm-làm.

¹⁵Jésu lá ji'n uwe. Ke loon't nè kuwe taa por ratur ke ade ra wum Pierre taa por làm-làm nga in dènn't kengeng ade ɔse nang in dɔ. E unn gir ra nyankuse ade Jésu.

¹⁶Loo ke loo sɔl bá baa, dé ree se dooge bule ke ndilge ke majelé rai kum de ndoo ra Jésu't. E rɔ ndilge ke majelé nè nga se tà ke karé ke tee tann't. Njératurge malang ke dé ree se de rann't nga, ratur ɔr dè de't ade d'aje katch-katch.

¹⁷Tà ke Esaie njèribe-dè-tà ke tà Nube't tam kété mari ede nè: «E kuwe á taa yaige se raturge le jéi um dènn't.»Tà nè nga aw loon't deŋ.

Dooge joo ke awi ndoo kunn dè nja Jésu

(An-in Luc 9.57-62 tɔ)

¹⁸Loo ke Jésu an doobulege an-in dè'n girm baa, è unn ndu'n ade njèkuwe-girnge ede nè: – Adi jè gangi ba j'awi gidé nú.

¹⁹Njèkɔrgir gute-ndu karé bè ree ra Jésu't ede'n ede nè: – Njèndó dooge nyan, loo malang ke a aw tutu nga, m'a m'unn gooi têt-têt.

²⁰Jésu tel ile'n dè't ede nè: – Njange géa bolè tò de tò tutu a, helge géa ndis tò de tò tutu a tɔ. Nè man ke m'ee Ngonn doo nga, m'inge loo kule dè'm tutu taa kebe lé.

²¹Njèkuwe-gir Jésu karé ke rang dann madenngé't deje'n ede nè: – Kuwe-bee inye'm ade m'aw m'dubu bɔ'm bita.

22Jésu tel ile njèkuwe-gir'n nè nga dè't ede nè: – Unn goo'm, inye njé ke weii ade ei kuwe dubi nan.

Jésu ade nel bò ebe ra'n kule

(An-in Marc 4.35-41; Luc 8.22-25 to)

23Jésu al kê m ngonn bato't. Njèkuwe-girnge ndolèi goo'n.

24An! nel bò unde loo tee se de pitring. Kɔr mann tal bungus-bungus aw kê m bato't ade nain ndêin bè kade ndui se de mann. Nè Jésus à ɔdenan tò bi.

25Njèkuwe-girnge agi ngɔr ke rann't ndeli nin edi nè: – Kuwe-bee i din jè, j'à j'wei!

26Jésu de je de ede nè: – Ké bain á i beli bè wa? Sei nga kundekê m dè Nube't le si tin lé! E ɔse nang in ndáng nel se ba-bò. Ke loon't nè kuwe ká loo tel pà sibik.

27Dooge nè nga ndil de tee an-in soïn-soïn ade de ji nan edi nè: – Ké n'ee nga n'ee doo ke bain á nelge se ba géa ooi tà tàyé't bè wa?

Jésu aje dingemge joo ke ndilge ke majelé tooi kê m de't

(An-in Marc 5.1-20; Luc 8.26-39 to)

28Loo ke Jésus tee gide ba't nú, kê m beekon ke Gérasa baa, dingemge joo ke ndilge ke majelé tooi kê m de't undeï loo dè bada teei tilei kum'n. Ei rai ngang ngain ade doo karé bè géa aseku m koso se rebe nè nga lé.

29Dingemge nè nga tami se ndu de ke bòi beng edi nè: – I Jésus nga ké usi ri ra jé't wa? Ké i ree le ra kum jé ndoo bá ta wa?

30Kos kɔsnyonge ndai kɔte de't heb dèk à usei nyan.

31Ndilge ke majelé nè nga ndêti Jésus edi nè: – Ke nè á ayé rɔ jè baa, inye jè ade j'aw kê m kos kɔsnyonge't nè.

32Jésu ede de ede nè: – Awi. Ndilge ke majelé nè nga undeï loo teei awi kê m kɔsnyonge't. An! ke loon't nè kuwe kos kɔsnyonge nè nga in-in dɔ dè kong ba't, bungei nan bere mbak jɔréi dann ba-bò't weii kabak.

33Njékul kos kɔsnyonge nè teti nan an-in awi kê m bee-bò't. Ei ɔri ser nyange malang ke tee dè kɔsnyonge't se dè dingemge joo ke kété ndilge ke majelé tooi kê m de't kêrêr-kêrêr adi dooge ke rang ooi.

34An! dooge malang ke kê m bee-bò't nè nga reei dik-dik tilei kum Jésus. Loo ke an-in nin bá baa, è ndêti nin le kade inye kê m beekon le de aw rang.

Matthieu 9

Jésu aje dingem karé ke ra'n wei tonrin

(An-in Marc 2.1-12; Luc 5.17-26 to)

1Jésu al kê m ngonn bato't tel gang ba ree kê m bee-bò't le'n ke kinge'n.

²An! d'unn dingem karé ke ra'n wei tonrin se tuwe dé ree se'n d'ile'n nang non Jésu't. Loo ke è an kundekêm le dooge nè bè baa, è ede dingem ke ra'n wei tonrin nga, ede nè: – Basa, i nda kêmi káng, tede Nube ade kê'm'n tin mbit dè kaiyage't lei bá ta.

³An! njékɔrgir gute-nduge ke nange murin tà kê'm de't edi nè: – Doo nè nga nede Nube kerɔte kuwe.

⁴Jésu ger tàgirge le de ke kê'm de't mbak. Gir'n ke nè á è deje'n de ede nè: – Ké bain á i giri tàge ke majelé titeke bè dè bengre si't wa?

⁵«Nube ade kê'm'n tin mbit dè kaiyage't lei»,éké «ɔse nang in dɔ i njiye.» Ké è ke ra á è tà ke loo tam'n on lé wa?

⁶Jésu ede dingem ke ra'n wei tonrin nè nga ede nè: – ɔse nang in dɔ, unn tuwe-tooi, aw kei lei. M'ra titeke bè le kade i geri titeke man ke m'ee Ngonn doo nga m'aw se tɔgmong le kɔr'n kaiyage dè dooge't dè nang nè.

⁷Dingem nè nga ɔse nang in dɔ aw kê'm kei le'n.

⁸Loo ke kosdoo-bulege an-in bè baa, bel unde de ndàt gang dè ade dɔyi Nube ke njè kade dooge tɔgmong ke titeke bè nga.

Jésu bar Matthieu

(An-in Marc 2.13-17; Luc 5.27-32 tɔ)

⁹Loo ke Jésu in loon't nè à dese baa, è an dingem karé ndi kê'm kei taa tirge't. Dingem nè nga ri'n nè Matthieu. Jésu bar'n ede'n ede nè: – Unn rebe goom't. Ke loon't nè kuwe, è ɔse nang in unn rebe go Jésu't.

¹⁰Matthieu bar Jésu le kade aw se'n kê'm kei le'n use se'n nyan. Njékuwe-gir-Jésuge awi se'n nan't. Njétaa tirge bule se njé ke d'an de ke njé ra majelége géa ndii se de nan't tà nyankuse't nè nga tɔ.

¹¹Loo ke Pharisienne an-in titeke bè baa, ei deji njékuwe-gir-Jésuge edi nè: – Ké bain á njè ndó sei nyan use nyan nan't se njétaa tirge a, se dooge ke d'an de ke njé ra majelége nga wa?

¹²Nè loo ke Jésu oo tà nè bè baa, è tam ede nè: – Njé ke ra de mong maj-maj nga awi ndoo njékuge-kaje lé. Nè è njératurge á awi ndoo'n.

¹³Kê'mkanm á m'ndige m m'aw ndoo nyankuje-mese lé. Awi, i giri tà dè tà't nè nga an-in. Oiyò, man m'ree le bar njé ke an-in ra de ke njé ra nyan se dè najenngé lé, nè le bar njé ke an-in ra de ke njé ra majelége.

Jésu tam tà ke ɔje dè kɔge kê'm bo

(An-in Marc 2.18-22; Luc 5.33-39 tɔ)

¹⁴Ndɔ karé bè pajage le Jean reei ra Jésu't deji nin edi nè: – Jè se Pharisienne j'ɔge kê'm jé bo dɔ-dɔ, nè ké bain á njékuwe-girige baa ɔgi kê'm de bo lé wa?

15Jésu tel de je de ede nè: – Njètaa dinye kige nga, loo ke madenngé ei se'n bai nga, ké asi ndii dann nyantosowur't wa? Nè ndo ke d'a d'uwe njètaa dinye kige nè wont kór'n dann de't bita d'a koge kêm de bo bai.

16Doo karé bè asekum gangtà kubu ke kige le kile'n kum è ke ndis lé. Tà kubu ke kige nga à uwe è ke ndis donmin gang'n kade majelé dum ke kété.

17Doo à sur yibe nduu ke sol ke unn gir pà kêm solge ke mari't lé. Ke nè á bè lé baa, solge nè nga d'a til kade yibe nduu ule loo nang gangang-gangang a to. Nè yibe nduu ke sol ke unn gir pà nga, maje sur'n kêm solge't ke kige't. Titeke bè á dé joo mbak d'a ngonm'n nan maje.

Ngonn le Jairus ke dinye se dinye ke mese tal rann't

(An-in Marc 5.21-43; Luc 8.40-56 to)

18Loo ke Jésus ndi à ede de tâge nè nga bè-bè bai baa, ngar dè kei kebe nan ree ngor ke rann't ose keje'n nang ede nè: – Tà ngonn'm ke dinye tête nyonk darinè bai, i ree ile ji dènn't baa, à tel ndikumgajer bai.

19Jésu se njékuwe-girnge in-in kalang awi goon't.

20An! dinye karé bè ke mese an-in rann't ase bal dog-gidé-joo ngein jêke^-jêke^ go Jésus't ree ode tà kubu le'n ke rann't.

21Dinye nè nga tam kêm'n't ede nè: – Ke nè á m'ode tà kubu ke rayé't kuwe lêm baa, ratur nè nga à or dèm't.

22Loo ke Jésus tur goo'n an'n baa, ede'n ede nè: – Yaa, i nda kêmî káng tede kundekêm lei aji bá ta. Ke loon't nè kuwe ratur le dinye nè nga or dènn't.

23Loo ke Jésus ree tee kêm kei le ngar dè kei kebe nan pan baa, è an gos têbege se doobulege noin jik-jik. E ede de ede nè:

24– Utei ra si kôke, tede ngonn ke dinye nè nga wei lé bai, nè tò bi karè. Nè dooge ngoin kum de dè Jésus't.

25Loo ke Jésus ade dé ro dooge nata bá baa, è aw kei go ngonn ke dinye't nè nga, lá ji'n uwe. Ke loon't nè kuwe ngonn ke dinye nè ose nang karkat in do.

26Sertà nè oso se loo mbit-mbit kêm beekon't nè nga.

Jésu ade njékumtoge joo an-in loo

27Loo ke Jésus ote loon't nè le kaw baa, njékumtoge joo tami tà se ndu ke bòi beng ndoléi goo'n edi nè: – Ngonnkà ngar David, an kumtondoo le jé kôkrô karè.

28Loo ke Jésus aw tee kêm béee baa, njékumtoge nè nga agi ngor ke rann't. E de je de ede nè: – Ké sei giri titeke m'a m'ase ra nyan ke sei deji man nga wa? Dé tel d'ile'n dè't d'ede nè: – Oiyô Kuwe-bee, i asekum ra kuwe.

29E á Jésus ule ji'n ode'n kum de ede nè: – Maje kade Nube ra se si se go kundekêm le si.

³⁰Ke loon't nè kuwe, kum de an loo njai-njai. Jésu ndeje ndej-ndej ede nè: – Adi tà nè nga tee tà si't ade doo karé bè oo lé.

³¹Nè loo ke njékumtɔge ke joo nè undei loo teei baa, mɔr bè kuwe adi kɔbe Jésu oso se loo mbit-mbit kêm beekon't nè nga.

Jésu aje dingem karé ke ndil ke majelé ɔge'n tam tà

³²Loo ke a in-in le kawi baa, dé ree se dingem karé ke ndil ke majelé ɔge'n tam tà ra Jésu't.

³³Loo ke Jésu rɔ ndil ke majelé kɔke kêm dingem't nè bá baa, ke loon't nè kuwe dingem nè nga unn gir tam tà yàr-yàr. Ndil doobulege tee an-in soin-soin ade tami edi nè: – Ndɔ karé doo an nyan ke titeke bè kêm beekon ke Israel nga ndan lé bai.

³⁴Pharisienge tami edi nè: – E takul ngar le ndilge ke majelé á è rɔ'n ndilge ke majelé nè nga kɔke.

Jésu an kumtondoo le kosdoo-bulege

³⁵Jésu aw se kêm bee-bòge se ngann beege malang ndó dooge nyan kêm kei kebe nange't le de. E ile mber Tà ke Maje ke ɔje dè Konbee le Nube ade de a, è ɔr ratur ra njératurge't se njé ke kèl ra de wei tonrin a tɔ.

³⁶Jésu an kumtondoo le doobulege tede ɔri yàl-yàl a, awi dè nan't dɔtɔtɔ asenan se batege ke njékul dege gotoi bè a tɔ.

³⁷Go't gugu Jésu ede njékuwe-girnge ede nè: – Ko ke kum sa è ngain nè njé saange á di lé bai.

³⁸Bè baa, ɔji tà se Kuwe-bee ke njè ko le kade ule njé sa koge loo sa ko't le'n.

Matthieu 10

Jésu tɔr njékawkulege dɔg-gidé-joo

(An-in Marc 3.13-19; Luc 6.12-16 tɔ)

¹Jésu bar njékuwe-girnge ke dɔg-gidé-joo ade reei rann't. E ade de tɔgmong le kade dumi dè ndilge ke majelé a, se le rɔ'n de a tɔ. Tɔgmong nè nga, è ade de le kade d'ɔr'n ratur ke rara géa ra njératurge't a, se njé ke kèl ra wei tonrin a tɔ.

²Njékawkulege ke dɔg-gidé-joo nga ri de á tò nè: E ke desêin è Simon ke dé bar'n Pierre se ngokon'n André, Jacques ngonn Zébédée se ngokonn Jean,

³Philippe se Barthélemy, Thomas se Matthieu ke njètaa tirge, Jacques ngonn Alphée se Thadée.

⁴Simon ke njè kile ra'n kɔke tede bee le'n a, se Judas Iskariot ke ndɔ ke è njékunn dè Jésu.

Jésu ule njékuwe-girnge dɔg-gidé-joo loo kile mber't

(An-in Marc 6.7-13; Luc 9.1-6 tɔ)

⁵Njé ke dɔg-gidé-joo ke Jésu ule de nga, è unn ndu'n ade de ede nè: – Unni rebe ke ra dooge ke geri Nube't lé a, awi kêm bee-bòge ke Samarie nga lé a tɔ.

⁶Nè è soo't kade awi kum si ke ra batege ke kêm beekon ke Israel nga kété bita.

⁷Loo ke a awi baa, ilei mber dɔ-dɔ edi nè: «Konbee ke danrán nain ngɔr ta.»

⁸Ɔri ratur ra njératurge a, adi njé ke weii tɔsi ndeli in-in a, ɔri banje ra njébanjege't a, i rɔi ndilge ke majelé kêm dooge't kɔke a tɔ. Man m'ade sei tɔgmong nè nga kade i rai se dooge karè tite man m'ade sei karè nga tɔ.

⁹An-in! tá nè a kin-in kunni nar-ɔr, éké nar-nda, éké ninge-kase kêm mbuge't le si.

¹⁰Loo ke a awi baa, unni bɔkrɔ ji si't lé a, i tulei kubu dè nan't joo lé a, i tulei gabang't nja si't lé a, unni kage ke tà dɔge ji si't lé a tɔ. Kerɔte kuwe, njèkule à inge nyankuse'n kuwe gar-gar.

¹¹Kêm bee-bò éké ngonn bee ke rara ke sei a awi tutu nga, i deji ké doo karé ke asekum kuwe sei ke rann't ndi tutu wa? Ke nè á doo ke asekum kuwe sei ke rann't ndi tutu baa, è kuwe i ndii rann't sár kade in-in awi kété.

¹²Loo ke awi kêm kei karé't baa, i rai lapyà njékêmkeige edi nè: «Maje kade kêm lom nain se si.»

¹³Loo ke njébeege d'uwe sei ke ra de't baa, ndutɔr le si à nain dè de't. Ke nè á d'ute sei mbeng baa, ndutɔr le si à tel ke ra si't gugu.

¹⁴Ke nè á dooge ke kêm bee karé éké kêm bee-bò karé d'uwe sei ke ra de't lé a, d'oo tàge le si lé a tɔ baa, undei loo i teei. I geki bubur ke nja si't gák-gák kɔke.

¹⁵Kerɔte kuwe, man m'ede sei ndàt, ndɔ gangtà't nga nyan ke ndɔ ke tee dè njé ke beekon ke Sodome se Gomorhhe nga géa è soo't dum le dooge ke kêm bee-bò't nè nga bai.

Jésu ede njékuwe-girnge tà le nyankumndoo ke à ingei

(An-in Marc 13.9-13; Luc 21.12-17 tɔ)

¹⁶An-in! man m'ule sei titeke doo ule'n batege dann bise-kɔrge't bè. Undei kumkunju dè ra si't asenan se lige bè a, adi kêm si nda káng-káng tite der-ndage bè a tɔ.

¹⁷I ndai kêm si se dooge lé, tede à ulei sei ji njégangtàge't a, à tundeisi se se ndèin maru kêm kei kebe nange't a tɔ.

¹⁸D'ade kali sei kaw se si non njékonbeege't se non ngarge ke bò tede tà le'm. Bè baa, ɔri go tà le'm adi de a, adi dooge ke ei Juipge lé a tɔ.

¹⁹Nè loo ke d'a d'aw se si le kule sei ji de't nga, adi kêm si tò kekek dè tà ke uwei dè nja le tam nga lé. Tede tà ke sei a i tami nga, d'a d'ule tà si't kêm kàdenn't nè kuwe.

20Tà ke à tee tà si't kêm kàdenn't nè nga, è sei á a in-in se dè si tami lé. Nè è tà ke Bɔ si á ade Ndil-Kêmnda ule tà si't.

21Ngakon nange à unni dè nan le kade dé tɔl è ke karé a, bɔ nganngé à unni dè ngann dege. Nganngé à kin-in se njékoje dege a, à adi d'ade tɔl de a tɔ.

22Dooge malang à ɔri sei njêt tede ri'm man. Nè è ke nda dè njann't njáng sár ndo ke ngeinn't baa, Nube à aje'n.

23Loo ke d'a d'or sei kororoi kêm bee-bò ke nè't baa, an-in awi kêm bee-bò karé ke rang't. Kerɔte kuwe, man m'ede sei ndàt, sei a kɔri son bee-bòge le beekon ke Israel lé bai kuwe bainléa Ngonn doo à tel ree'n.

24Njèndó nyan dum dè njèndó'n nyan lé, éké ngonn njèndi à dum dè kuwe'n lé a tɔ.

25Maje kade njèndó nyan è tite njèndó'n nyan bè a, maje kade ngonn njèndi è tite kuwe'n bè a tɔ. Ke nè á d'ile ri-tɔi kuwe-kei d'ede nè: Ngar le ndilge ke majelé baa, ké njékêmkeige le'n nga d'a t'ile ri de dum le'n è bai lé wa? Kuwe-kei géa á dé bar'n Ngar le ndilge ke majelé nè a njékêmkeige le'n tá bai wa?

I beli doo karé lé

(An-in Luc 12.2-7 tɔ)

26I beli dooge nè nga ndan lé. Nyan karé ke tò loo bɔɔɔn't ɗarinè ke d'a nal tee se gir'n ke nata goto a, nyan karé ke tò loo ngeinn't ɗarinè ke d'a nal kuje gir'n ke nata ndát-ndát goto a tɔ.

27Tà ke m'ede sei dann ndɔɔ nga, ilei mber'n dann kada ndái-ndái. Tà ke dé kɔte mbi si't nga, ilei mber'n adi dooge malang se loo-loo.

28Njé ke à tɔli danra si nè asikum tɔl nganrankum ra si lé nga, i beli de lé. Nè è soo't kade i beli ndil Nube ke aseikum kade dé tɔl danra si se nganrankum ra si nan't bere mbak kum de dann loo ke tur't.

29Ké d'ige tuinge joo kum sisi karé d'ade an-in lé wa? Nè né è bè géa, è ke karé dann de't oso nang anje kêm ndige le Bɔ si lé.

30Sei baa, bin dè si géa dé tute malang.

31I beli nyan karé lé, tede sei nga gate si dum dè le kos tuinge nja bule.

Tam tà le Jésu ndàt non dooge't

(An-in Luc 12.8-9 tɔ)

32Nanan ke tam ndàt non dooge't ede nè: n'ee le'm baa, man géa m'a m'tam ndàt non Bɔ'm ke danrán titeke doo nè nga è le'm man kuwe.

33Nè doo ke rara ke naje se ra'n dèm't non dooge't baa, man géa man m'naje se ra'm dènn't non Bɔ'm ke danrán a tɔ.

Jésu ree se kêm lom ade dooge lé nè ree se tà tin nan

(An-in Luc 12.51-53; 14.26-27 to)

³⁴Ké sei giri kêm si't edi nè: man m' ree le kade dooge ke dè nang nè ndii se kêmlo m wa? M-m è bè lé. Nè man m'ree se kuye kaskar le kile'n tà tin nan dann dooge't dè nang nè.

³⁵Oiyo, man m'ree le kade ngonn ke dingem tin se bɔ'n a, le kade ngonn ke dinye tin se kon'n a, le kade kon dingem se wum'n ke dinye tin-in nan a to.

³⁶Njékê mkeige le doo karé à teli k'ei njé bange le'n.

³⁷Nanan ke ndige bɔ'n éké kon'n tá dum'm man baa, è asekum k'ee le'm man lé. Nanan ke ndige ngonn'n ke dingem éké ke dinye tá dum'm man baa, asekum k'ee le'm man lé.

³⁸Nanan ke uwe dè nja ra'n le kwei titeke man m'ra'n bè lé baa, asekum k'ee le'm man lé karè.

³⁹Nanan ke sang le kaje ra'n baa, ndɔn't à ile ra'n kɔke salang. Nanan ke ile ra'n kɔke salang tede'm man baa, à tel kinge ra'n bai.

Nyan-kunde njage

(An-in Marc 9.41 to)

⁴⁰Doo ke rara ke uwe sei ke rann't baa, è man kuwe á uwe'm ke rann't. Doo ke rara ke uwe'm ke rann't baa, è njèkule'm kuwe á uwe'n ke rann't.

⁴¹Doo ke uwe njè ribe-dè-tà ke tà Nube't ke rann't tede k'ee ke è njè ribe-dè-tà ke tà Nube't baa, a inge nyan-kunde nja ke d'a d'ade njè ribe-dè-tà ke tà Nube't nga to. Doo ke uwe njè ra nyan se dè naje'n ke rann't tede k'ee ke è njè ra nyan se dè naje'n baa, à inge nyan-kunde nja ke d'a d'ade njè ra nyan ke se dè naje'n nga a to.

⁴²Man m'ede sei ndàt, nanan ke ɔde mann ke sɔl kêm kalmann karé luk-luk ade ngonn karé dann madenng'e't ke ei njèkuwe-girmge't tede k'ee ke è njèkuwe-gir'm baa, à nal nyan-kunde nja'n ndan lé.

Matthieu 11

Jean Baptiste ule dooge ra Jésus't

(An-in Luc 7.18-35 to)

¹Loo ke Jésus unn ndu'n ade njèkuwe-girnge ke dɔg-gidé-joo bá baa, è in ke loon't nè aw rang le ndó dooge nyan a, le kile mber kêm bee-bòge't le beekon ke Galilée.

²Jean ke njèkule dooge manné njonm tò dangai't. E oo kɔbe nyange ke Krist ra. Jean ule pajage le'n ra Jésus't ade deji nin edi nè:

³- Ké è i nga kuwe á kété d'ede nè: gar-gar a i ree éké jè ndi jè ngine doo ke rang bai wa?

⁴Jésu tel ile de dè't ede nè: – Nyan ke sei ooi tà'n se mbi si a, an-in se kum si a to nga, awi edi tà'n Jean edi nè:

⁵Njékumtoge teli an-in loo a, njédoge metege teli njiyei mong dáj-dáj a, banje or ra njébanjege't ndát-ndát a, njémbi mbege teli ooi tà njai-njai a, dooge undei loo teei dann njé ke koo't a, Tà ke Maje nga géa d'ile mber'n d'ade njéndooge bá a tɔ.

⁶Doo ke nyange ke m'ra tuge'n jig't ile'n lé baa, ra'n à nel'n kuwe.

Jésu tam tà ɔje'n dè Jean ke njèkule dooge manné njonm

⁷Loo ke pajage le Jean ɔti awi bá baa, Jésus unn gir ndeje kosdoo-bulege tà ke ɔje dè Jean ede nè: – Ké ri á awi kêm dile't kan-in wa? Ké awi le kan-in walè tuwe-mann ke nel mbir'n mbar-mbar nga karè wa?

⁸Edi man. Ké ri á sei awi le kan-in wa? Ké awi le kan-in doo ke tule kubuge ke ndolé rann't wa? An-in! njé ke tulei kubuge ke ndolé ra de't nga ndii kêm kei ndi ngarge't.

⁹Nè ké ri á sei awi le kan-in kêm dile't wa? Ké awi le kan-in njèribe-dè-tà ke tà Nube't karé bè wa? Oiyó, man m'ede sei ndàt, doo ke sei awi le kan-in nga, dum dè njèribe-dè-tà ke tà Nube't bai.

¹⁰Doo nè nga, dé ndang tà kêm Magtub't le Nube d'ɔje'n dè'n d'ede nè: «An! man m'ule ngonn njèkule le'm noin't kété, è à gɔl rebe lei noin't kété.»

¹¹Kerɔte kuwe, man m'ede sei ndàt, dann dooge ke dinyege oji de nga, doo karé ke bòi dum dè Jean ke njèkule dooge manné njonm goto. Nè né è bè géa, ngonn ke ndèin bè ke kêm Konbee ke danrán dum dè'n.

¹²Unn gir kêm ndɔn't le Jean ke njèkule dooge manné njonm sár ɔarinè nga, njétɔgege à lái Konbee ke danrán kuwei dè ngɔde't.

¹³Njèribe-dè-tàge ke tà Nube't malang a, se magtub gute-ndu a tɔ, ilei mber sár teei dè Jean't.

¹⁴Ke nè á i ndigi taa tà le Jean baa, è è kuwe á è Elie ke à tel ree nga gar-gar.

¹⁵Nanan ke mbi'n tò tutu baa, maje kade ur mbi'n maje oo'n tà ke m'tam nè nga.

¹⁶Ké nan á m'a kuwe'n ɔje'n dooge ke ndii dè nang nè ɔarinè nga wa? E tooi asinan se nganngé ke ndii nang ndá-loo't bari made dege tami edi nè:

¹⁷«Jè j'unde kɔde ndam nè sei ndami lé a, j'ile pa non yo, nè sei noin undei kàde si dai-dai lé.»

¹⁸Oiyó ndɔ ke kété ke Jean ree nga, ɔge ra'n dè nyankuse't se dè nyankain't. Nè dooge tami edi nè: «Dè'n majelé a, ndil ke majelé tò kêm'n't a tɔ.»

¹⁹Nè loo ke man ke m'ee Ngonn doo nga m'ree baa, m'use nyan a, m'an-in nyan a tɔ baa, dooge tami edi nè: «An-in! doo nyankuse se doo nyankain. E uwe made nan se njétaa tirge se njé ra majélége.» Nè loo ke doo an nyange ke Nube ra se kumkunju le'n ke deri nè baa, à ger titeke Nube ndige kaje jèi kuwe.

Jésu in se dooge ke mbati turi hal de

(An-in Luc 10.13-15 to)

²⁰Dooge ke kêm bee-bòge ke ndo ke kété Jésu ra nyankobe ke nange tutu mbati turi hal de a, rai majelé kum de ke kété a to. Gir'n ke nè á Jésu ndáng de ede nè:

²¹– Sei dooge ke kêm bee-bò ke Chorazin se Bethsaida a an-in bai! Nyankobege malang ke ndo ke Nube ra kêm bee-bòge't le si nè nga, ke nè á ndo ke è ra titeke bè kêm bee-bò ke Tyr se Sidon baa, bainléa dooge à tulei kubu ndoo ndii dann bu't le turi hal de mari.

²²Gir'n ke nè á man m'ede sei ndàt, ndo ke Nube à gangtà dè dooge nga, tà ke d'a gang dè si't à tur ngain dum le dooge ke kêm bee-bò ke Tyr se Sidon nè nga bai.

²³Sei dooge ke kêm bee-bò ke Capernaum, ké sei i giri kêm si't edi nè Nube à kunn sei kunde sei do d'áng wa? M-m è bè lé. Nè Nube à tel kaw se si sár bee le njé ke koo. Kerote kuwe, nyankobege ke Nube ra dann si't nga, ke nè á ndo ke ra titeke bè ade njé ke Sodome an-in baa, bainléa bee-bò ke Sodome à tò tutu sár tee bila bai.

²⁴Gir'n ke nè á man m'ede sei ndàt, ndo gangtà't nga tà ke Nube à gang dè si't à tur ngain dum le njé ke bee-bò ke Sodome bai.

Jésu bar dooge malang kade reei rann't taai kebe

(An-in Luc 10.21-22 to)

²⁵Kêm ndon't nè nga, Jésu oje tà se Nube ede nè: – Bò'm Kuwe-bee ke danrán se nang nè, m'toyi tede ribe ke i ribe dè nyange nè ade nganngé ke ndéin. Nè njékumkunjuge se njégos nyangerge baa i boyo se de dè nyange nga kák.

²⁶Oiyo Bò'm, m'toyi titeke bè tede è ke nè á i an ke nyan ke maje tà kumi't.

²⁷Nyange malang nga Bò'm tel'n um jim't. Doo karé ke ger'm maje ke Ngonn'n goto. Nè Bò'm kuwe karé bere á ger'm maje. Doo karé ke ger Bò'm maje goto, nè man Ngonn'n kuwe karé á m'ger'n maje. Nanan ke man Ngonn doo m'ribe se'n dè Bò'm baa ase le ger'n maje.

²⁸Sei malang ke nyankoto d'uge sei ngong-ngong ade ori yàl-yàl nga, i reei ram't baa man m'ade sei loo taa kebe.

²⁹Ulei dè si i taai jug le'm, ulei ra si bàj dann nyan-ndóge't le'm tede man nga m'ee doo ke m'aw lom-lom anje ti ra'm. Titeke bè á nganrankum ra si à kinge'n loo taa kebe.

³⁰Tede jug le'm nga sol lom-lom a, nyankoto le'm nga géa olé pèl-pèl a to.

Matthieu 12

Jésu ede nè n'ee ngar dè ndo taa kebe

(An-in Marc 2.23-28; Luc 6.1-5 to)

¹Ndo karé bè, Jésu unde kêm ndor gang. Ndo nè nga è ndo taa kebe. Bo ra njékuwe-girnge ade unni gir tėti dè ko tonmi usei.

²Loo ke Pharisienne an-in nyan nè nga bè baa, ei deji Jésu edi nè: – An! Ké bain á njékuwe-girige unni kum de do rai nyan ke gute-ndu le jéi oge jéi ra se ndo taa kebe nga wa?

³Jésu deje de ede nè: – Nyan ke ndo ke David ra nga, ké sei i tutei tà'n an-in lé wa? Ndo karé bè bo ra'n. Njé ke awi se'n géa bo ra de to.

⁴E aw kêm kei kubu't le Nube, unn ngurwal ke tò se ninn'n use a, ade njé ke awi se'n usei a to. Nè ngurwal nè nga tò oje dè njékuje nyan-mesege kuwe deri.

⁵Eké tà ke tò kêm magtub gute-ndu't nga, ké sei tutei an-in lé wa? Njékuje nyan-mesege ke rai kule kêm kei't le Nube se ndo taa kebe nga ali tà tà gute-ndu't, nè tà'n uwe dè de lé.

⁶Nè man m'ede sei, doo karé ke bòi dum dè kei le Nube è laa.

⁷Ke nè á sei geri tà ke dé tam d'ede nè: «Kêmkam á m'ndige m m'aw ndoo nyankuje-mese lé» nga baa, bainléa a in-in kalang gangi tà dè njé ke tà uwe dè de lé bai nga lé.

⁸Oiyo, man Ngonn doo nga, m'ee ngar dè ndo taa kebe.

Jésu aje doo karé ke ji'n wei tonrin

(An-in Marc 3.1-6; Luc 6.6-11 to)

⁹Jésu in loon't nè aw kêm kei kebe nan't le de.

¹⁰Doo karé ke ji'n wei tonrin ndi kêm kei kebe nan't nè nga to. Dé deje Jésu d'ede nè: – Ké d'inye loo d'ade doo le kade or ratur ra njèratur't se ndo taa kebe nga wa? Dé deje'n tà nè nga titeke bè le kile'n tà denn't kede nè è altà tà gute-ndu't.

¹¹Nè Jésu deje de ede nè: – Ké nan dann si't ke nè á bate le'n ke karé bere luk-luk oso bolé se ndo taa kebe nga baa, à kuwe'n kor'n nata lé wa?

¹²Doo karé nga gate'n dum dè le bate karé nja bule lé wa? Ndo taa kebe nga, d'inye d'ade doo le kade ra'n nyan ke maje.

¹³E á Jésu ede doo ke ji'n wei tonrin nè nga ede nè: – I ndaje jii. Baa doo nè nga ndaje ji'n. Ke loon't nè kuwe, ji'n ke karé ke wei tonrin nga tel mong maje tite made ke karé.

¹⁴Loo ke Pharisienne undei loo teei baa, awi ori nan tà dè nyange ke kum kade adi dé ra le kuwe'n Jésu tol'n koke.

Jésu è ngonn njékule ke Nube kuwe or'n

¹⁵Loo ke Jésu ger titeke Pharisienne ori nan tà denn't le kuwe'n tol'n baa, è inye loo nè or ra'n aw rang. Kosdoo-bulege ngain ndolèi goo'n. E or ratur ra de't malang.

- 16Jésu on de njanm-njanm le kade d'ade doo karé bè géa ger'n lé.
- 17Tà ke Esaie, njèribe-dè-tà ke tà Nube't tam kété mari ede nè:
- 18«An! ngonn njèndi le'm ke man kuwe m'or'n a, m'tár'n a, ra'm nel'n dènn't ngain a tɔ. M'a m'ade ndil'm à um dènn't le kade ile mber nyanra ke se dè naje'n ade dooge ke geri Nube lé.
- 19A è njè kɔl nan se doo kade ndu'n bar beng-beng lé a, doo à oo ndu'n se ka-rebege lé a tɔ.
- 20Tuwe mann ke gudu ngoin-ngoin nga à uwe'n tête'n danné lé, tà kubu ke à su sa bai nga, è à tɔl'n lé sár kade ade nyanra ke se dè naje'n unn'n banga.
- 21Dooge ke geri Nube lé à undei kêm de tchên ke dè rinn't.» Tà nè nga aw loon't deĵ.

Jésu rɔ ndilge ke majelé se tɔgmong le Nube

(An-in Marc 3.22-30; Luc 11.14-23 tɔ)

- 22Dé ree se dingem karé ke ndil ke majelé tò kêm'n't ra Jésus't. Dingem nè nga è njèkumtɔ a, tam tà lé a tɔ. Jésus ɔr ratur ra dingem't nè ade tam tà yoror-yoror a, an loo njai-njai a tɔ.
- 23Tà ige kosdoo-bulege sêl ade tami edi nè: – Ké è nè nga á è ngonnkà David lé wa?
- 24Loo ke Pharisienne ooi tà nè nga bè baa, teli tami edi nè: – Doo nè nga rɔ ndilge ke majelé se tɔgmong ke Béelzéboul, ngar le ndilge ke majelé ade'n.
- 25Jésu ger tàgir le de ke kêm de't mbak, gir'n ke nè á ede'n de ede nè: – Ke nè á dooge ke kêm beekon le ngar karé kuwe in-in kayai nan loo joo baa, beekon nè nga à tel k'ee ndube. Bee-bò ke rara ke kaya ra'n danné loo joo baa, à asekum tò lé a, girkoje ke rara ke kaya ra'n danné loo joo baa, à asekum ndi lé a tɔ.
- 26Ke nè á Sú rɔ se Sú nata baa, è kaya ra'n danné loo joo. Ke nè á Sú kaya ra'n danné loo joo titeke bè baa, ké beekon le'n à asekum tò titeke bain wa?
- 27Ke nè á m'rɔ ndilge ke majelé kɔke se tɔgmong ke Béelzéboul ade'm baa, ké nan ade tɔgmong pajage le si á rɔii ndilge ke majelé nga ta wa? Gir'n ke nè á dé pajage le si kuwe d'a k'ee njégangtà dè sige't.
- 28Ke nè á m'rɔ ndilge ke majelé se tɔgmong le Nube baa, è tà le kade i geri titeke Konbee le'n ube sei nang bá ta.
- 29Ké doo karé asekum kaw kêm kei le njètɔge ndur nyange le'n tàkumn't anje kuwe'n tɔ'n njanm-njanm kété wa? Ke nè á uwe'n tɔ'n njanm-njanm kété baa, è asekum ndur nyange ke kêm kei le doo nè nga ndát-ndát kɔke.
- 30Nanan ke nain se'm lé baa, è njèkɔse se'm tà. Nanan ke ra se'm dè kɔse nja batege nan't lé baa, è njé sanrin de sák-sák.

31 Gir'n ke nè á man m'ede sei ndàt, kaiya ke rara ke dooge rai nga, d'a kade kêm de tin mbit dè't bai a, nede ke dooge nedi Nube nga géa, d'a kade kêm de tin mbit dè't bai a tɔ. Nè nede ke dooge nedi Ndil-Kêmnda nga, d'a kade kêm de tin mbit dè't ndan lé.

32 Ke nè á doo karé tam tà ke majelé se'm man Ngonn doo baa, d'a kade kêm de tin mbit dè't bai. Nè ke nè á doo karé tam tà ke majelé se Ndil-Kêmnda baa, d'a d'ade kêm de tin mbit dènn't kêm balge't ke d'arinè éké kêm balge't ke à reei nga lé a tɔ.

Nyanra doo á d'a ger'n ke doo ke maje éké ke majelé

(An-in Luc 6.43-45 tɔ)

33 Bainléa sei i tami edi nè: Ke nè á ra kage maje baa, kann'n à è ke maje. Ke nè á ra kage majelé baa, kann'n géa à è ke majelé tɔ. Oiyoy, kann kage á d'a ger'n ra kage.

34 Sei ke i tooi asinan se li jênênge ke njékêmyêrge! Ké a asikum tam tàge ke maje loo ke ra't wa? Nyan rusu kêm bengre doo njin-njin bita tà'n tee tànn't bai.

35 Doo ke maje à tee se nyanra ke maje ke tò kêm bengrenn't ke nata. Doo ke majelé à tee se nyanrage ke majelé ke tò kêm bengrenn't ke nata a tɔ.

36 E á man m'ede sei ndàt, titeke tà malang ke dooge tami ke nonon karè nga, à ugei kure'n ndo gangtà't.

37 Kerote kuwe, tàge ke teei tàit' á Nube à ɔr'n tà dèit' a, à gang'n tà dèit' a tɔ.

Jésu mbate ra nyankobe kade Pharisienne an-in

(An-in Marc 8.11-12; Luc 11.29-32 tɔ)

38 Njékɔrgir gute-nduge se Pharisienne ke nange deji Jésus edi nè: – Ngar, jè ndige le kade i ra nyankobe karé ade j'an.

39 Nè Jésus ile de dè't ede nè: – Sei njékêm majélege ke njé tur gide si kade Nube ke d'arinè i ndii dè nang nè nga, i sangi le kan-in nyankobe. Nè nyankobe karé bè ke rang géa a an-in lé. Nè Jonas njèribe-dè-tà ke tà Nube't ke ndo ke è nyankobe ke an-in kété fá non kuwe ase.

40 Titeke kété Jonas too'n kêm kanje bò't ase ndo mute nga, man ke m'ee Ngonn doo nga géa le'm à è titeke bè tɔ. M'a m'tò ngaran nang't ase ndo mute tɔ.

41 Dooge ke kêm bee-bò ke Ninive nga ndo ke in-in kalang turi hal de se go mber kile le Jonas ke ile ade de. An-in! doo karé ke bò ke dum dè Jonas nda laa. Gir'n ke nè á ndo ke Nube à gangtà dè girkoje dooge ke ndii dè nang nè d'arinè nga baa, njé ke kêm bee-bò ke Ninive à in-in le kilei tà dè de't.

42 Ndo gangtà't nga, ngar ke dinye ke in kèl dè jikon le beekon le Arabege à in le kile tà dè girkoje dooge ke ndii dè nang nè d'arinè nga, tede kin ke è in ngei bee't nú ree le koo gostà kumkunju le ngar Salomon. An-in! doo karé ke bò dum dè Salomon nda laa.

Ndil ke majelé ɔse wan tel ree ndi kêm doo't gugu

(An-in Luc 11.24-26 to)

⁴³Loo ke ndil ke majelé unde loo tee kêm doo't baa, aw ile gam-gam kêm looge ke mann goto tutu, sang loo taa kebe nè inge lé sár.

⁴⁴E á è tam kêm'n't ede nè: «M'a m'tel kaw kêm kei le'm ke kété m'unde loo m'tee tutu nga.» Loo ke è tel ree tee pan baa, è an titeke kêm kei le'n tò wei karè a, d'wi náng-náng a, dé gɔl maje a to.

⁴⁵E ɔse wan tel aw ɔr ndilge ke majelé ngain dumi è bai ji sejimute ree se de ade awi ndii se'n kêm kei nè nga to. Doo nè nga, kêm'n tel majelé ngain dum è ke kété. Girkoje dooge ke njékêm majelége ke ndii dè nang nè ɔarinè nga géa le de à è titeke bè to.

Ngarankum njénojege le Jésus

(An-in Marc 3.31-35; Luc 8.19-21 to)

⁴⁶Loo ke Jésus ndi à ede kosdoo-bulege tà bè-bè bai baa, an! kon'n se ngakonngé ke dingem reei ndai nata. Ei sangi le kedi nin tà.

⁴⁷Doo karé bè ede Jésus ede nè: – An! koin se ngakoinge ke dingem ndai nata non, sangi le kedi nin tà.

⁴⁸Nè Jésus ile doo nè nga dè't ede nè: – Ké nan è kon'm se ngakonmge ke dingem wa?

⁴⁹Jésu tel ule ji'n njúng ke dè njékuwe-girnge't ede nè: – An! kon'm se ngakonmge ke dingem á ndii nè.

⁵⁰Nanan ke ra nyan ke kêm Bɔ'm ke danrán ndige baa, è nè nga è tite ngokon'm ke dingem se kon nann'm se kon'm ke get a to.

Matthieu 13

Jésu ɔr sertà le njédubu ko nyan

(An-in Marc 4.1-9; Luc 8.4-8 to)

¹Kêm ndɔn't nè nga, Jésus unde loo tee kêm bee't aw ndi nang tà ba-bò't.

²Kosdoo-bulege ngain njin nan rann't njàng-njàng ade an bè baa, al ndi kêm bato't. Doobulege malang ndi nang rip-rip ngang ba-bò't.

³Jésu ede de tà ngain se gostàge ede nè: – An-in! njédubu ko karé bè tee aw le dubu ko.

⁴Loo ke njédubu ko nda à dubu koo baa, njar ko ke nange téé toso ka-rebe't ade helge otoi on-in.

⁵Njar ko ke nange téé toso dè her't. Ke loon't nè kuwe ubei tede nang ɔlé pèl-pèl dè de't.

⁶Nè loo ke kàde ɔse ramam baa, ko ke ube nga ndolè ade tutu ngarr a tɔ, tede ngire'n aw nang ngain lé.

⁷E ke nange téé toso dann konnge't ade pujuri dè de.

⁸Njar ko ke nange téé toso dè nang ke maje't. Njar ko karé unde kum'n ase aru karé, njè ke rang unde kum'n ase kɔr-mute-mute, njè ke karé ke rang unde kum'n ase kɔr-mute a tɔ.

⁹Nanan ke ka mbi'n tò le koo'n tà baa, gar-gar maje kade nel mbi'n oo'n tà nè nga maje.

Gir nyan ke ade Jésu ede'n dooge tà se gostàge

(An-in Marc 4.10-12; Luc 8.9-10 tɔ)

¹⁰Njékuwe-gir-Jésuge agi ngɔr ke rann't deji nin edi nè: – Ké bain á unn gostàge tá ede'n dooge tà wa?

¹¹Jésu tel ile de dè't ede nè: – Sei baa, d'ade non si ar ade i geri nyange ke tooi loo bɔyɔn't kêm Konbee ke danrán. Nè dé baa, d'ade non de ar tite sei lé bai.

¹²Doo ke rara ke aw se nyan jinn't baa, d'a d'ade'n made ngain dè't le kade taa ra'n pel-pel. Nè nanan ke aw se nyan jinn't lé baa, nyan ke ndèin bè ke tò jinn't kuwe d'a d'uwe wont taa jinn't.

¹³Gir'n ke nè á m'ede'n de tà se gostàge tede kum de tò tutu kuwe, nè d'an'n loo lé, mbi de tò tutu kuwe, nè d'oo'n tà lé a, dé ger'n gir tàge nè nga lé a tɔ.

¹⁴Tà ke Esaie, njèribe-dè-tà ke tà Nube't tam kété mari ɔje'n dè de ede nè: «Sei ooi tàge nè se mbi si kuwe nè i geri gir lé. Sei an-in nyange nè se kum si kuwe nè i teri get-get lé.

¹⁵Oiyo, dè bengre kosdooge nè nga nder dâk-dâk. Dé njé kunn mbi de dè tàge't nga, d'utu kum de nám-nám nè bainléa n'a kan-in loo, dé tɔse mbi de ká-ká dé tɔ nè bainléa n'a kooi tà. D'ade bengre de nder dâk-dâk, nè bainléa n'a geri tà nè nga kade n'osi wan n'teli ke ram't le kade m'aje'n dé.» Tà nè nga aw loon't deɔ.

¹⁶Nè sei nga, ra si nel sei tede an-in nyan nè nga se kum si bá a, ooi tà'n se mbi si bá a tɔ.

¹⁷Kerɔte kuwe, man m'ede sei ndàt, njèribe-dè-tàge ke tà Nube't se njé ra nyan se dè najenngé ngain ndingei le kan-in nyan ke sei an-in nè an-in lé a, ndingei ra de le kooi tà ke sei ooi nè ooi lé a tɔ.

Jésu ɔrgir sertà le ko ke dubu

(An-in Marc 4.13-20; Luc 8.11-15 tɔ)

¹⁸Sei nga, maje kade uri mbi si maje ooi gir gostà ke ɔje dè njèdubu ko nè nga.

¹⁹Loo ke doo oo tà ke oje dè Konbee le Nube nè ger gir tà nè nga lé baa, njèkèmyèr ree or tà ke dé dubu dè bengrenn't nga wont kòke. Doo nè nga tò asenan se njar ko ke dubu ngang rebe't bè.

²⁰Njar ko ke dubu dè her't nga tò asenan se doo ke oo tà baa, ke loon't nè kuwe è taa se ranel.

²¹Nè tà nè nga ule ngire'n nang rann't lé, è doo ke nda dè njann't njáng lé. Loo ke nyantosowurge gai-gai éké nyankumndoo undei loo teei tede tà nè nga baa, ke loon't nè kuwe, nyan tuge'n ade oso bá ta.

²²Njar ko ke dubu dann konnge't nga, tò asenan se doo ke oo tà nè, nè kêm'n tò kekek a, nyan sú le nyanbawge ke dè nang nè pujuri dè tà nè nga ade ur kuju.

²³Njar ko ke doo dubu dè nang ke maje't nga tò asenan se doo ke oo tà a, ger gir'n a tɔ. Doo nè nga tò asenan se ko ke unde maje. E ke karé ann aru karé, è ke karé ke rang unde kum'n kɔr-mute-mute, è ke karé ke rang unde kum'n kɔr-mute tɔ.

Gostà ke oje dè baja éké jer

²⁴Go't gugu Jésu unn gostà karé ke rang ede de ede nè: – Konbee ke danrán nga, è tite doo karé ke unn ko nyan ke maje dubu kêm ndɔr't le'n.

²⁵Nè loo ke dooge tooi bi sibik baa, njèban le'n ree dubu jer danné baa, ote dák aw.

²⁶Loo ke ko ke dubu nga ube a, ndann ngann a baa, jer géa tɔje ra'n ke nata a tɔ.

²⁷Ngann njéndige le kuwe-ndɔr reei rann't deji nin edi nè: «Kuwe jé, ké njar ko ke maje á ndɔ ke i dubu kêm ndɔr't lei lé wa? Ké jer in ra danné wa?»

²⁸E ede de ede nè: «E njèban á ra nyan non.» Ngann njéndige teli deji kuwe de edi nè: «A baa, ké i ndige le kade j'aw jè rein jer nè nga j'um kòke wa?»

²⁹«M-m, inyei adi tò bè tede bainléa a kin-in rein-in se ko nan't.

³⁰Inyei de adi d'oje nan't joo mbak sár ndɔ sa ko't. Kêm ndɔn't nè bita, man kuwe m'a m'ede njésa koge kede nè: I rein-in jer, i toi dâp-dâp le ró pa bita osi nja ko nan't umi damé le'm bai.»

Jésu unn gostà ke oje dè kum kage ke ri'n nè Mutarde

(An-in Marc 4.30-32; Luc 13.18-19 tɔ)

³¹Jésu unn gostà karé ke rang ede dooge bai ede nè: – Konbee ke danrán nga tò asenan se kum kage ke ri'n nè Mutarde ke dingem karé unn aw dubu kêm ndɔr't le'n bè.

³²Kage Mutarde nga è nyan ke kum'n kide dum kage nyange ke rang malang. Nè loo ke kum'n ube bá baa, tɔge dum mbi-kange ke rang malang tel ule yir-yir. Balkumnge tɔ pel-pel ade helge ke walé reei rai ndisge le de dè't.

Gostà ke oje dè pululu

(An-in Luc 13.20-21 to)

33Jésu unn gostà karé ke rang ede kosdoo-bulege ede nè: – Konbee ke danrán nga, tò asenan se pululu ke dinye din tēnn guru'n dann nduju ke è din kēm ngó mute mboin. Mbər baa nduju ke mboin nè nga bere mbak in ti ngiring-ngiring.

Nyan ke Jésus tam'n tà se gostà

(An-in Marc 4.33-34 to)

34Jésu ede kosdoo-bulege tà nyange nè malang se gostàge. Tà karé ke ede de nal gostà goto.

35E ra titeke bè le kade tà ke njèribe-dè-tà ke tà Nube't tam kété mari ede nè: «M'a m'ede de tà se gostàge, m'a m'ər gir nyange ke tooi loo bɔyɔn't mari loo kunde gir nang't.» Tà nè nga aw loon't deĵ.

Jésu ɔrgir gostà ke ɔje dè jer nga

36Loo ke Jésus inye kosdoo-bulege baa, è tel ree béee. Njékuwe-girnge reei ngər ke rann't edi nè: – ɔrgir gostà le jer ke tò kēm ndɔr't nga ade jè.

37E tel ile de dè't ede nè: – E ke njè dubu njar ko ke maje nga, è man ke m'ee Ngonn doo nga.

38Ndɔr nga è dè nang nè. Njar ko ke maje nga, è njé ke ndigi le kade Nube on bee dè de't. Jer nga è njé ke ndigi le kade njèkēm majelé on bee dè de't.

39Njèban ke njèdubu jer nga, è sú. Nan sa ko è ndɔ ke ngeinn't. Njé sa koge nga ei dooge ke danrán.

40Titeke dé rein jer le ró'n poro nga, ndɔ ke ngeinn't baa d'a ra titeke bè to.

41Man ke m'ee Ngonn doo nga m'a m'ule dooge le'm ke danrán kade rein-in njétuge madege jig't kade osoi dann kaiya't a, se njékaltà tà ndukunng'e't le Nube malang kum de nata kɔke kēm Konbee't le'm.

42Dé nè nga malang á d'a rein de kum de pɔtɔk dann por ke nunge palang. E loo ke d'ade non se wuwi jik-jik tutu a, d'ade ton tà de vbat-vbat tutu a to.

43Nè njé ra nyan se dè najenng'e à ndubi ra de tite kàde bè kēm Konbee't le Bɔ de. Nanan ke ka mbi'n tò le koo'n tà baa, gar gar è tà le kade ur mbi'n maje oo'n tàge ke m'ndi m'tam nè nga.

Gostà ke ɔje dè nyanbaw ke tò loo bɔyɔn't se mede-ngar

44Konbee ke danrán nga è tite nyanbaw ke dé bɔyɔ'n kēm ndɔr't. Nja doo karé tuge'n dè nyanbaw't nè nga baa, è unn aw bɔyɔ ke kété ke le'n. Ra'n nel'n ngain ade aw ige nyanbawge le'n malang tel ndogo'n loo ndɔr nè nga.

45Konbee ke danrán nga tò asenan se njé ra gate ke aw sang mede-ngarge ke maje ngain.

⁴⁶Loo ke è inge mede-ngar karé ke gate'n è ngain bá baa, è tel aw ige nyan kingenngé ke kété malang aw ndogo'n mede-ngar nè nga.

Gostà ke ɔje dè bure

⁴⁷Konbee ke danrán nga tò asenan se bure karé ke d'ile dann ba-bò't d'ade ɔse nja kanjege ke se ri de-ri de nan't ree se de nata.

⁴⁸Loo ke kanjege rusi bure nè nga neŋ baa, dé ndr de dé ree'n nata dè kong't. Go't gugu dé tel dé ndi nang d'or dann kanjege ke maje-maje d'um kêm janga't a, njé ke majelé baa d'um de kòke a tɔ.

⁴⁹Ndo ke ngeinn't nga baa à è titeke bè tɔ. Dooge ke danrán à reei le kòri kum njékêm majelége dann njé ra nyan se dè najenngé't.

⁵⁰Dooge ke danrán à umi njékêm majelége nè nga pɔtɔk dann por ke nunge palang. E loo ke a noin wuwi tutu dël-dël a, a toin tà de tutu vbat-vbat a tɔ.

Nyan-bawge ke kige se ke kon'n

⁵¹Jésu deje njékuwe-girngé ede nè: – Ké i geri gir nyan nè nga malang maje kuwe wa? Dé tel d'ile'n dè't d'ede nè: – Oiyó

⁵²Jésu ede de ede nè: – Gir'n ke nè á njèkɔrgir gute-ndu ke rara ke ndó nyange ke ɔje Konbee ke danrán baa tò asenan se kuwe-kei ke ɔr nyanbawge le'n ke kige se ke konn unde nata.

Njé ke kêm bee ke Nazareth utei Jésus mbeng

(An-in Marc 6.1-6; Luc 4.16-30 tɔ)

⁵³Loo ke Jésus ede de gostàge nè nga gir gang dás bá baa, in loo't nè kòke aw.

⁵⁴E tel ree kêm bee-bò't le'n ke Nazareth ndó dooge nyan kêm kei kebe nan't le de. Tà ige de sêl ade dé tam d'ede nè: – Ké n'ee nga, n'in se kumkunju ke titeke bè ra wa?

⁵⁵Ké nan adé tɔgmong á n'ra'n nyankɔbege nè nga wa? Ké n'ee nga n'ee Ngonn le njè ra kule kage karè lé wa? Ké ri konyé è Marie lé wa? Ké Jacques se Joseph, se Simon se Jude nga ei ngakonyége ke dingem lé wa?

⁵⁶Ké kon nannége malang ndii dann jéi't laa lé wa? A baa, ké nyange nè malang nga n'in'n ra wa?

D'ade ndige njèribe-dè-tà ke tà Nube't kêm bee kojenn't lé

⁵⁷Jésu tel è jig ke tuge de ile de dann kaiya't. E ede de nè: – Njèribe-dè-tà ke tà Nube't nga, njé ke beekon't le'n se njénojege le'n kuwe karé bere á d'ann'n ke nyan lé.

⁵⁸E ra nyankɔbege ngain kêm bee ke Nazareth lé tede kundekêm le de goto.

Matthieu 14

Kwei le Jean ke njèkule dooge manné njonm

(An-in Marc 6.14-29; Luc 9.7-9 tɔ)

- ¹Kêm baln't nè nga, ngar Hérode Antipas oo kɔbe nyan ra Jésu. Ngar Hérode Antipas è njèkonbee ke Galilée kèl beekon karé ke kété bɔ'n Hérode on.
- ²E ede ngann njéndice le'n ede nè: – Doo nè nga, è Jean ke njé kule dooge manné njonm á tɔse ndel in dann njé ke koo't. Gir'n ke nè á è aw'n se tɔgmong le ra'n nyankɔbege.
- ³Kété Hérode ade d'uwe Jean, dé tɔ'n d'ile'n dangai't tede tà le Hérodiane neen ngokon'n Philippe.
- ⁴Kerɔte kuwe, Jean ede Hérode nja bule ede nè: «D'inye loo d'adi kade i taa dinye nè nga ke neein lé.»
- ⁵Hérode ndige le kade d'ade kum Jean udu. Nè è bel kum doobulege tede an-in Jean ke njèribe-dè-tà ke tà Nube't.
- ⁶Ndɔ karé bè, Hérode ra nan koje'n. E bar dooge bule ngain. Ngonn le Hérodiane ke mande ɔse nang in ndam tàkum dooge't nè nga ade taa kum Hérode.
- ⁷Gir'n ke nè á è unn'n ndu'n se mann-ra ade ngomande nè ede nè: – Nyan malang ke ayé deje'm nga, né riri géa m'a m'adi kuwe.
- ⁸Kon'n sule'n ade aw ede Hérode ede nè: – Ile dè Jean ke njèkule dooge manné njonm kêm tasa't nè ade'm.
- ⁹Tà ige ngar Hérode sêl ade tel ndi tikn. Nè tede mann ke è mann ra'n tàkum dooge ke è bar de nga, è unn ndu'n le kade d'ade dè Jean ke njèkule dooge manné njonm ngomande nè nga.
- ¹⁰E ule kule kei dangai't ade dé tuge dè Jean dé gang.
- ¹¹Dé ree se dè Jean kêm tasa't d'ade ngomande nè. E taa aw'n ade kon'n.
- ¹²Pajage le Jean unni ninn'n awi dubi pa bita go't gugu awi edi tà'n Jésu adi oo bai.

Jésu ade dooge aru dɔg loo mi mapa usei

(An-in Marc 6.30-44; Luc 9.10-17; Jean 6.1-14 tɔ)

- ¹³Loo ke Jésu oo tà nè nga bè baa, è al kêm bato't ɔr ra'n se kar'n aw kêm dile loo't se kar'n. Nè loo ke kosdoo-bulege ooi ká'n baa ei in-in se kêm bee-bòge gai-gai awi goon't se nja de.
- ¹⁴Jésu in kêm bato't rise nang. Doobulege ngain kujei nan rann't hakl. E an kumndoo le de a, è ɔr ratur ra njératurge't le de a tɔ.
- ¹⁵Nain ngɔr kade ndɔ il, njékuwe-gir Jésuge reei rann't edi nin edi nè: – Loo nè nga è kêm dile karé a, loo à ndul a tɔ. Inye kosdoo-bulege ade awi kêm ngann beege't ndogoi nyankuse de.

16Nè Jésu tel ede de ede nè: – Dé nga d’aw ndoo kɔte bè kaw lé. Sei kuwe adi de nyan d’use.

17Nè dé tel d’ede Jésu d’ede nè: – Mapa mi se tutu kanje joo bere á tò ji jé’t laa.

18Jésu tel ede njékuwe-girnge ede nè: – I reeii laa adi man.

19Tabai è unn ndu’n ade kosdoo-bulege ade tėti ra de ndii nang dè walè’t. E oto mapage ke mi se tutu kanjege ke joo nè nga, an loo ke danrán ra Nube oiyo. Go’t gugu è tête mapa nè nga danné ade njékuwe-girnge, tabai in-in ke kété noboi kosdoo-bulege tɔ.

20Ei malang usei ade kêm de ndann gɔj-gɔj. Dé tann gute nyon-nyon mapa ke nain nga rusu janga dɔg-gidé-joo.

21Njé ke usei mapa nè nga asi dingemge aru dɔg loo mi anje tute dinyege se nganngé.

Jésu njiye dè mann ba’t

(An-in Marc 6.45-52; Jean 6.15-21 tɔ)

22Kété bita kade Jésu inye kosdoo-bulege ade awi baa, è ɔse njékuwe-girnge ade ali kêm bato’t gangi ba awi nonn’t kété.

23Loo ke è inye kosdoo-bulege ade awi bá baa, è al aw dè mbal’t nú le kɔje tà se Nube. Nain ngɔr baa kàde à ur, nè Jésu nain se kar’n bere dè mbal’t nè.

24Loo ke Jésu nain dè mbal’t bai nga, bato aw dann ba’t danné bɔp bá ta. Kɔr mann tal tile bato mbàs-mbàs tede nel ule tile kum’n.

25Tà gir loo’t, Jésu njiye dè ba’t kum’n ke ra njékuwe-girnge’t.

26Loo ke d’an’n njiye dè ba’t bè baa, d’aw dè nan’t kutri, bel unde de ndàt gang de ade dé ra nyan jiki d’ede nè: – E doo ke koo.

27Ke loon’t né kuwe, Jésu ede de ede ne: – I ndai kêm si káng, i beli lé è man kuwe.

28Pierre tel ede Jésu ede nè: – Kuwe-bee, ke nè á è i kerɔte baa, unn ndui ade m’in m’njiye dè mann’t m’aw rai’t.

29Jésu ede Pierre ede nè: – I ree ke laa. Pierre rise kêm bato’t, njiye dè mann’t kum’n ke ra Jésu’t.

30Nè loo ke Pierre an titeke nel ule se tɔg’n ngain baa, bel unde’n ndàt gang’n ade unn gir ndui mann. E ule tà’n non’t ede nè: – Kuwe-bee, I taa’m tà yo’t aje’m.

31Ke loon’t nè kuwe, Jésu ule ji’n uwe’n Pierre, tabai deje’n ede nè: – Ké i doo ri á kundekêm lei ii lé bè wa? Ké bain á i naje se rai bè wa?

32Loo ke Jésu se Pierre ali kêm bato’t bá baa, nel gang dás.

³³Loo ke njé ke ndii kê m bato't an-in bè baa, ei d'oyi Jé su edi nè: – Kerote, i i Ngonn Nube nga kuwe.

Jé su aje njératurge ke beekon ke Génésareth

(An-in Marc 6.53-56 to)

³⁴Jé su se njékuwe-girnge gangi ba awi kê m beekon ke Génésareth.

³⁵Dooge ke kê m beekon't nè nga geri Jé su maje. Ei ulei kule se kê m beege malang ke an-in dè de adi dooge otoi njératurge reei se de.

³⁶Dé ra ndoo ra Jé su't le kade inye loo ade d'ode tà kubu ke rann't lê m. Dooge malang ke odi tà kubu ke rann't lê m nga, ra de tel tò karé ndát-ndát.

Matthieu 15

Pharisienge deji Jé su tà oje dè nyangirkà

(An-in Marc 7.1-13 to)

¹Pharisienge se njé ndang magtubge in-in Jérusalem reei ra Jé su't deji nin edi nè:

²– Ké bain á njékuwe-girige ali tà tà nyangirkà't le kà jéige wa? Ké bain á ei togoi ji de lé kuwe usei nyan wa?

³Nè Jé su deje de ede nè: – A sei, ké bain á ali tà tà ndukunn't le Nube tede nyangirkà le si tá wa?

⁴Oiyo Nube tam ede nè: «Ile koje dè boi't se koin» éké «Nanan ke tam tà ke majelé se bo'n éké kon'n baa, d'a d'ade kum'n à udu gar-gar.»

⁵Nè sei baa, i tami edi nè: «Nanan ke ede bo'n éké kon'n ede nè: nyan ke m'ayé ra'n sei nga, m'unn m'unde se ninn'n m'ade Nube bá ta.» Doo ke ra titeke bè nga baa, ile koje dè bo'n se kon'n lé.

⁶Titeke bè á sei adi nyangirkà le si tá pujur dè tà le Nube.

⁷Sei njékede gosge! Tà ke Esaie tam kété mari oje'n dè si ede nè:

⁸«Kosdooge nè nga d'oyi man se tà de karè, nè bengre de heb se'm.

⁹Dé d'oi'm ke nonon bè karè, tede nyan ke dé ndó nan nga, è ndukunngé ke in ra dooge ke dè nang nè karè.»

Nyange ke ade doo mine'n

(An-in Marc 7.14-23 to)

¹⁰Go't gugu Jé su bar doobulege ade reei rann't. E ede de ede nè: – Uri mbi si ooi tà nè maje le kade i geri gir'n.

¹¹Nyan ke in nata aw kê m doo't á tel'n ke doo ke mine lé, nè nyan ke in kê m doo't tee tànn't á ke nyan ke ade doo tel mine'n.

¹²Njékuwe-gir-Jésuge reei rann't edi nin edi nè: – Tà ke i tam á Pharisienge ooi nga tuge de jig't, nè ké i ger bè lé wa?

- 13Jésu ile de dè't ede nè: – Kage ke rara ke Bò'm ke danrán man'n lé baa, d'ade d'òr'n se ngire'n bere barak kile'n kòke.
- 14Inyei de! tede dé njékumtòge ke njékòr non njékumtò made dege. Ke nè á njékumtò òr non njékumtò made'n baa, ei joo mbak à osoi kêm bolè't.
- 15Pierre deje Jésu ede nè: – Òrgir gostà nè nga ade jè sei.
- 16Jésu deje Pierre ede nè: – Sei géa, ké òarinè i geri gir gostà nè nga lé bai tò wa?
- 17Nyan malang ke in nata aw kêm tà doo't nga, tuge gang aw jebelenn't ade aw ede'n yide. Ké sei geri bè lé wa?
- 18Nyan ke tee tà doo't nga in dè bengrenn't. E nè á è nyan ke tel doo ke nyan ke mine.
- 19Tàgirge ke majelé, tól doo, sang dinye le doo, tò se nan ke kaiya't, mëndé nyan, tête tà kunde tà doo't, taje ndu a tò nga, in-in dè bengre doo't.
- 20Nyange nè á tel doo ke nyan ke mine, nè kuse nyan anje togo ji à ade doo à mine lé.

Kundekêm le dinye ke è doo ke do

(An-in Marc 7.24-30 tó)

- 21Jésu in loon't nè aw kêm bee-bòge ke Tyr se Sidon.
- 22An! dinye karé ke kêm bee ke Canan unde loo tee tam tà se ndu'n ke bòi beng ede Jésu ede nè: – Kuwe-bee, Ngonn David, an kumtondoo le'm kòkrò karè. Ndil ke majelé ra kum ngonn'm ke dinye ndoo ngain.
- 23Nè Jésu ile'n dè't lé. Njékuwe-girnge reei edi nin edi nè: – I ròyé ade n'aw tede n'non go jéi't dèl-dèl ngain.
- 24Jésu tel ile de dè't ede nè: – Man nga Nube ule'm òje dè batege ke kêm beekon ke Israel ke ndemi kuwe karé bere.
- 25Nè dinye nè nga ree òse keje'n non Jésu't ede'n ede nè: – Kuwe-bee, kòkrò karè i ra se'm kuwe.
- 26Jésu tel ile dinye nè nga dè't ede nè: – Kunn mapa le ngann dooge kile kade ngann bisege nga majelé.
- 27Dinye nè nga ile jésu dè't ede nè: – Oiyò Kuwe-bee, è kum kuwe. Nè ngann bisege nga, nyon-nyon mapa ke toso nang gir table't le kuwe dege á usei.
- 28E á Jésu tel ede dinye nè ede nè: – Hai! dinye, kundekêm lei tò bel ngain. M'a m'ra nyan ke i deje nga le kadi. Kêm kàdenn't nè kuwe ra ngonn le dinye nè tel tò karè ndát-ndát.

Jésu aje njératurge gai-gai

²⁹Jésu in kêm bee-bòge ke Tyr se Sidon aw kum'n ke ngang ba't ke beekon ke Galilée. E al aw ndi dè mbal't.

³⁰Kosdoo-bulege ngain reei rann't dik-dik. Ei reei se njé njiye metege se njédɔgemetege se njékumtɔge a, se njé ke tami tà lé a tɔ. Kosdoo-bulege nè nga reei se njératurge ke rang bule undei de nang nja Jésus't dèng-dèng. E ɔr ratur ra de't.

³¹Ndil kosdoo-bulege tee an-in soin-soin. Njé ke tami tà lé unni gir tami tà. Njédɔgemetege teli njiyei dáj-dáj. Njémetege njiyei awi a, teli a, njékumtɔge géa an-in loo njai-njai a tɔ. Doobulege ɔsi pa ulei ndubra dè Nube't le Israel.

Jésu ade dooge aru dɔg loo sɔ mapa usei

(An-in Marc 8.1-10 tɔ)

³²Jésu bar njékuwe-girnge rann't ede de ede nè: – Man m'an kumndoo le doobulege nè nga. An-in! ei ndii se'm ase ndɔ mute nè ingei nyan usei lé. Man m'ndige le kinye de kade awi kêm de bo lé nè bainléa kumkil à ra de rebe.

³³Njékuwe-gir-Jésuge deji nin edi nè: – Ké j'à j'ingei mapa ra kêm dile loo't nè le kade ase dooge ke bulei tchaprai nè nga wa?

³⁴Jésu ede de ede nè: – Ké awi se mapa kandang ji si't wa? Dé d'ede'n d'ede nè: – J'aw se wal mapa ji sejimute se ngann kanjege ndêin a tɔ.

³⁵Jésu unn ndu'n ade doobulege teli ndii nang.

³⁶E unn mapa ke ji sejimute se kanjege nè nga, ra Nube oiyo bita uwe tête danné ade njékuwe-girnge. Njékuwe-girnge in-in ke kété adi doobulege.

³⁷Dé malang d'use mapa dé ndann gɔj-gɔj. Dé tann gute nyon-nyon mur ke nain nang janga ji sejimute.

³⁸Dooge malang ke usei mapa nga asi dingemge aru dɔg loo sɔ nal mbɔje dinyege se nganngé.

³⁹Loo ke Jésus inye doobulege ade awi bá baa, è al kêm bato't aw kêm beekon ke Magadan.

Matthieu 16

Pharisienge se Saddusienge deji Jésus kade ra nyankɔbe ade an-in

(An-in Marc 8.11-13; Luc 12.54-56 tɔ)

¹Pharisienge se Saddusienge reei ra Jésus't nain kêm'n. Ei deji nin le kade ra nyankɔbe ke gai ke in danrán ade n'an-in tá n'a n'geri titeke è Nube kuwe á ule'n.

²Nè è ile de dè't ede nè: – Loo ke loo sɔl bá baa, sei tami edi nè: «Barè loo à in d'áng-d'áng tede kàde danran ker siw.»

³Loo ke loo ar yerer baa, sei tami edi nè: «Bila ndi à ede, tede kàde danran tile guri-guri.» Sei geri loo kɔr kum nyange ke kàde danran't, nè ké sei asi kɔri kum nyange ke ɗarinè nga lé wa?

⁴Sei dooge ke njé kêm majelége se njétur gide si kade Nube ke ɗarinè i ndii dè nang nè nga, i sangi le kan-in nyankɔbe. Nè nyankɔbe karé ke rang géa a an-in lé. Jonas njèribe-dè-tà ke tà Nube't ke è nyankɔbe ke ndɔ ke an-in kété bá non kuwe ase. Loo ke Jésu tam tà nè nga bè baa, è inye de ɔte aw.

Jésu ndeje njékuwe-girnge le kade ei njékede gosge tite Pharisienne lé

(An-in Marc 8.14-21 tɔ)

⁵Loo ke njékuwe-gir-Jésuge ali ba awi gide ke nú't bá baa, kêm de wei nal dè kɔi mapa ji de't.

⁶Jésu ede de ede nè: – Kêm si dè ra si't, undei kumkunju dè ra si't le kade sei njékede gosge tite Pharisienne se Saddusienne bè lé.

⁷Njékuwe-gir- Jésume murin tà kêm de't edi nè: – N'tam bè tede mapa ke j'inyei nang anje kɔi ji jéi't.

⁸Nè Jésu ger mbak, è deje de ede nè: – Sei nga kundekêm le si tin lé. Ké bain á i murin tà kêm si't edi nè è tede mapa á sei ɔyi ji si't lé á m'tam'n se si wa?

⁹Ké kum si gang dè't lé bai wa? Mapa ke mi ke ndɔ ke i noboi dooge aru ɗɔg loo mi nga, ké kêm si olé dè't lé wa? Ké ndɔ ke i tanni gute nyon-nyon mapa ke nain janga kandang wa?

¹⁰Ké kum si gang dè't lé bai wa? Mapa ji sejimute ke ndɔ ke i noboi dooge aru ɗɔg loo sɔ nga, ké kêm si olé de't lé bai wa? Ké ndɔ ke i tanni gute nyon-nyon'n ke nain janga kandang wa?

¹¹Ma m'ede sei m'ede nè: Undei kumkunju dè ra si't le kade sei njékede gosge tite Pharisienne se Saddusienne lé á m'tam bè m m'tam se si tede mapa ke sei ɔyi ji si't lé nga lé. Ké bain á kum si gang dè tà't nè nga lé sár wa?

¹²Ke loon't nè bita kum de gang dè't ade dé ger titeke tà ke Jésu tam nga ɔje dè pululu karè lé nè è tà ke ɔje dè kede gos titeke Pharisienne se Saddusienne rai.

Pierre tam ndàt ede nè Jésu è Ngonn Nube

(An-in Marc 8.27-30; Luc 9.18-21 tɔ)

¹³Loo ke Jésu ree tee bee-bò't le Philippe ke ri'n nè Césarée baa, è deje njékuwe-girnge ede nè: – Man ke m'ee Ngonn doo nga ké dooge tami edi nè man nan wa?

¹⁴Dé d'ile'n dè't d'ede nè: – Njé ke nange tami edi nè: i i Jean ke njékule dooge manné njonm, njé ke nange tami edi nè: i i Elie, njé ke nange ke rang edi nè: i i Jérémie éké njèribe-dè-tà ke tà Nube't karé.

¹⁵Jésu tel deje kuwe bai ede nè: – A baa sei, ké i tami edi nè man m'ee nan wa?

16 Simon Pierre in ile jésu dè't ede nè: – I i Krist, Ngonn le Nube ke njèndi kumgajer.

17 Jésu ede Pierre ede nè: – Simon, ngonn Jonas, rai neli tede è doo ndul á ade kumi gang dè tà't nè nga lé. Nè è Bò'm ke danrán kuwe ade kumi gang dè tà't nè nga.

18 Nè man m'edi titeke i i Pierre, dè kuberi her ke m'an m'unde njékebe nange le'm dè't. Tɔgmong le yo ase ra se de nyan karé lé.

19 M'a m'adi tɔgmong kɔr tà rebe Konbee ke danrán. Nyan ke i ɔge ra dè nang nè nga baa, d'a d'ɔge ra danrán tɔ. Nyan ke i inye loo ade dé ra dè nang nè nga, d'a d'inye loo kade dé ra danrán tɔ.

20 Jésu on njékuwe-girnge njanm-njanm le kade edi doo karé tite ke n'ee Krist nga lé.

Jésu tel ede de tà kwei se kunde loo tee le'n dann njé ke koo't

(An-in Marc 8.31–9.1; Luc 9.22-27 tɔ)

21 Unn gir kê'm ndɔn't nè nga, Jésu-Krist ede njékuwe-girnge ede nè: – Gar-gar m'a m'aw ke kê'm bee-bò ke Jérusalem. Ngatɔgege se maw njékuje nyan-mesege a, se njéndang magtubge a tɔ, à rai se'm nyantosowur. D'ade tɔl'm nè ndɔ ke njékon't mute baa, m'a m'unde loo tee dann njé ke koo't.

22 Pierre ɔr Jésu njɔl se kar'n aw se'n in se'n dè tà't nè ede nè: – Kuwe-bee, maje kade Nube ngonmi ade nyan nè nga tee dèi't lé.

23 Nè Jésu tel mer Pierre ede'n ede nè: – Njèban, ɔte tam't kɔke. I tel i jig ke le tuge'm kile'm dann kaiya't, tede tàgir lei in ra Nube't lé, nè in ra dooge't.

24 Tabai Jésu ede njékuwe-girnge ede nè: – Ke nè á doo karé ndige kunn rebe goom't baa, maje kade inye go tàgir ke ɔje dè ra'n kɔke a, maje kade uwe dè nja ra'n se ndɔge malang le kwei titeke man m'ra'n bè bita unn dè nja'm têt-têt bai.

25 Nanan ke ndige kaje ra'n baa à ile ra'n kɔke salang. Nè nanan ke ile ra'n kɔke salang tede'm man baa à ndi kumgajer kuwe.

26 Ke nè á doo karé inge nyan malang ke dè nang nè, nè ile ngarankum ra'n kɔke salang baa, ké ri á è soon't wa?

27 Ndɔ karé ke man ke m'ee Ngonn doo nga, m'a tel ree se dooge le'm ke danran dann ndubra't le Bò'm baa, kê'm ndɔn't nè nga m'a m'uge nanan géa se goo nyan ra'n ra'n.

28 Kerɔte kuwe, man m'ede sei ndàt, njé ke nange dann dooge ke ndii nè nga à an-in Konbee le'm man Ngonn doo se kum de pa bita à weii bai.

Matthieu 17

Njékuwe-gir-Jésuge an-in nin dann ndubra't le'n

(An-in Marc 9.2-13; Luc 9.28-36 to)

- ¹Loo ke ra ndo mute-mute baa, è or Pierre se Jacques se ngokon'n Jean njol aw se de se kar de bere dè mbal ke ngal lèng-lèng.
- ²Ke loon't nè kuwe ra'n tel waks tàkum de't. Tàkum'n ndoin kein-kein tite kàde a, kubuge ke rann't tel nda káng-káng a, unji njai-njai tite lookar bè.
- ³An! ke loon't nè kuwe, Moise se Elie teei hoi ke ra de't ndai oji tà se Jésus.
- ⁴Pierre ede Jésus ede nè: – Kuwe-bee, è soo't kade jè ndii loo ke nè't kuwe ta. Ke nè á i ndige baa, m'a ra kei kubu mute loo ke nè't: karé lei a, karé le Moise a, karé le Elie a to.
- ⁵Loo ke tà nain tà Pierre't bai baa, bum ke ndoin ree lirr utu dè de lèt. Ndu Nube bar dann bum't nè nga, ede nè: – E nè nga è Ngonn'm ke m'tár'n ngain a, ra'm nel'm dènn't ngain a to. Ooi tà tànn't.
- ⁶Loo ke njékuwe-gir-Jésuge ooi tà nè nga bè baa, bel unde de ndàt gang de ade tosoi, sebi kum de nang.
- ⁷Jésu ree ngor ke ra de't ule de yèk-yèk ede nè: – I beli lé, in-in do.
- ⁸Loo ke ei ori dè de do baa, ei an-in Jésus kuwe se kar'n bere á nda.
- ⁹Loo ke Jésus se njékuwe-girnge in-in dè mbal't à risi nang baa, Jésus unn ndu'n ade de ede nè: – Nyan ke sei an-in nè nga, i tami tà'n adi doo karé ke rang oo lé sár kade man ke m'ee Ngonn doo m'unde'n loo m'tee'n dann njé ke koo't.
- ¹⁰Njékuwe-gir-Jésuge deji nin edi nè: – Ké bain á njéndang magtubge tami edi nè: Gar-gar Elie à tel ree kété bita Krist Ngonn doo à tel ree bai wa?
- ¹¹Jésu tel ile de dè't ede nè: – E kum kuwe, nè gar-gar Elie à tel ree gól nyange malang kade tel tò loon't gugu.
- ¹²Nè man m'ede sei titeke Elie nga tel ree bá ta, nè dooge geri nin lé a, rai se'n nyan titeke kêm de ndige lé a to. Man ke m'ee Ngonn doo nga géa, d'ade ra se'm nyantosowur titeke bè to.
- ¹³Njékuwe-gir-Jésuge geri titeke è tam tà nè nga oje'n dè Jean ke njèkule dooge manné njonm.

Jésu aje ngonn ke dingem ke kɔnon ra'n

(An-in Marc 9.14-29; Luc 9.37-43a to)

- ¹⁴Loo ke Jésus se njékuwe-girnge reei teei ra doobulege't ngor baa, dingem karé aw ra Jésus't ose keje'n nang nonn't ede'n ede nè:
- ¹⁵– Kuwe-bee, an! kumtondoo le ngonn'm ke dingem nè nga kòkrò karè. Ngonn nè kɔnon ra'n ndoo ngain. Do-do è toso poro a, toso manné a to.
- ¹⁶M'ree se'n ra njékuwe-girige't, nè asikum kori ratur nè nga rann't lé.

17Jésu tel tam ede de ede nè: – Sei njé kunn mbi dè tà'tge se njéndoje lók-lókge. Ké m'a m'ndi se si ndo kandang bai wa? I reei se ngonnn nè nga ke ram't nè.

18Jésu ndáng ndil ke majelé nè nga ade unde loo tee kóke kêm ngonnn't nè. Kum kádenn't nè kuwe, ratur or dè ngonnn't nè nga kóke.

19Loo ke Jésus nain se kar'n bere baa, njékuwe-girnge agi meen-meen ke rann't deji nin edi nè: – Ke bain á tóg jé ase ro ndil ke majelé nè nga kóke lé wa?

20Jésu tel ede de ede nè: – E tede kundekêm le si ke tin lé. Kerote kuwe, man m'ede sei ndát, ke nè á kundekêm le si è tite kum kage Mutarde bè baa, sei asikum kedi mbal nè kedi nè: «Or rai loo ke nè't kóke aw i nda nú bè» baa, mbal nè nga à or ra'n se gir son'n bere kaw kuwe to. Nyan karé bè ke à dum si goto.

21Nè ndil ke majelé ke tite è ke nè nga, ke nè á ogi kêm si bo oji tà se Nube lé baa, sei asikum ro nin kóke lé.

Jésu tel ede de tà kwei se kunde loo tee le'n dann njé koo't

(An-in Marc 9.30-32; Luc 9.43b-45 to)

22Ndo karé bè njékuwe-gir-Jésuge oji nja nan kêm beekon ke Galilée baa, è ede de ede nè: – Man ke m'ee Ngonn doo nga, nain ngor kade d'uwe'm d'ule'm ji dooge't.

23Dooge à toli man nè ndo ke njékon't mute baa, m'a m'unde loo tee dann njé ke koo't. Tà nè nga ade njékuwe-gir-Jésuge kêmkon ngain.

Kuge tir ke oje dè ra kei le Nube

24Loo ke Jésus se njékuwe-girnge reei teei kêm bee-bò ke Capernaum baa, njétaa tirge ke oje dè ra kei le Nube osoi ra Pierre't deji nin edi nè: – Ké njéndó sei nyan à uge tir ke sile joo nga lé wa?

25Pierre ede de ede nè: – Oiyoy, à uge kuwe. Loo ke è tel aw kêm kei baa, Jésus unn tà kété deje'n ede nè: – Simon, ké tàgir lei è bain dè tà't nè wa? Ngarge ke dè nang nè nga, ké nanange á tanni nyan éké taai tir ji de't wa? Ké tanni nyan éké taai tir ji ngann njébeege éké ji dooge ke do't wa?

26Pierre ile jésu dè't ede nè: – E ji dooge ke do't. Jésus ede Pierre ede nè: – Né è bè baa, ngann njébeege ndii dè de pal karè.

27Nè né è bè géa, è tà le kade j'ilei de kage lé. Aw tà ba-bò't ile kui. Kanje ke desêin ke a uwe'n nga, loo ke a i teen tà'n baa, a inge nar ke kum sile so. Or i ree'n ade de tede le'm a, tede lei a to.

Matthieu 18

Ké nan á è doo ke bò dum madenngé wa?

(An-in Marc 9.33-37; Luc 9.46-48 to)

1Kêm kádenn't nè nga njékuwe-gir-Jésuge reei rann't deji nin edi nè: – Ké nan á è doo ke bò dum madenngé kêm Konbee ke danrán wa?

²Jésu bar ngonn ke dap bè unde'n dann de't ede nè:

³- Kerote kuwe, man m'ede sei ndàt, ke nè á i turi hal si, i teli i tooi asinan se nganngé ke dap-dap lé baa, a ulei dè si kêm Konbee ke danrán ndan lé.

⁴Nanan ke ule dè'n tite ngonn ke dap nè baa, è nè á à è doo ke à dum dè madenngé kêm Konbee ke danrán.

⁵Doo ke uwe ngonn karé ke dap tite njè ke nè ke rann't se ri'm man baa, è man kuwe á uwe'm ke rann't non.

Tà ke oje dè ra doo madi kade oso dann kaiya't

(An-in Marc 9.42-48; Luc 17.1-2 to)

⁶Nanan ke tel ra'n ke jig tuge nja ngonn karé dann njé ke undei kêm de dèm't ade oso dann kaiya't baa, è soo't le tó kuberi mbal ke bò kɔbenn't bita kunn'n kile'n dunge ba-bò't kade ndui mann wei kɔke.

⁷Sei dooge ke njé tel jig tuge nja madesige kade osoi dann kaiya't nga, a an-in bai! Gar-gar nyange ke à tugei dooge jig't kade osoi dann kaiya't à tooi dè nang nè. Nè doo ke njè kunde gir nyange nè nga, à an bai!

⁸Ke nè á jii éké njai à tugei jig't le kade oso dann kaiya't baa, i tuge'n i gang'n ile'n heb. Kawi loo ndikumgajer se non se meti nga, è soo't dum kade d'ilei se jii éké njai joo mbak dann por ke tò sár se non.

⁹Ke nè á kumi karé à tugei jig't le kade oso dann kaiya't baa, uwe'n barak ɔr'n ile'n mbeng kɔke. Kawi loo ndikumgajer se non se kumi karé nga, è soo't dum kade d'ilei se kumi joo mbak loo ke tur't, dann por't.

Gostà ke oje dè kon bate ke ndem

(An-in Luc 15.3-7 to)

¹⁰An-in! tá nè a kin-in nedi ngonn karé bè dann madenngé't nè. Man m'ede sei titeke dooge le de ke danrán ndai tàkum Baa ke ndi danrán ndêrm se ndɔ karé-karé malang tede tà le de.

¹¹Man ke m'ee Ngonn doo nga, m' ree le tel se njé ke kété ndemi osoi kɔke ke ra Nube't.

¹²Ké tà ri á sei giri dè tà't nè nga wa? Doo karé aw se kon batege aru karé. Kon bate ke karé ndem dann madege't. Ké doo nè nga à inye njé ke kɔr-jisɔ-jimi-gidé-jisɔ-jimi nè dè mbal't le kaw sang kon bate ke ndem nga lé wa?

¹³Kerote kuwe, man m'ede sei ndàt, loo ke è doo nè nga aw sár inge'n baa, ra'n à nel'n ngain dè kon bate ke karé't nè dum gute njé ke kɔr-jisɔ-jimi-gidé-jisɔ-jimi ke ndemi lé nè nga.

¹⁴E titeke bè tàkum Nube Bɔ si ke ndi danrán. E ndige kade ngonn karé bè dann madenngé't nè nga ndem oso kɔke lé.

Tà ke oje dè ngokon jéi karé ke ra majelé

¹⁵Ke nè á ngokoin ra majelé baa aw inge'n se kar'n, i tɔje'n majelé le'n ke ra ade kum'n gang dè't. Loo ke è oo tà lei baa, i inge ngokoin bá.

¹⁶Nè loo ke è mbate koo tà lei baa, i tel aw se doo karé éké joo sei inge'n. Ke nè á tà le njékɔrgotàge joo éké mute aw go nan't baa, è ke nè kuwe ase gɔl nyan malang.

¹⁷Ke nè á è mbate koo tà le dooge nè nga bai baa, aw ede tà'n njékebenange le Nube. Ke nè á njékebenange le Nube kuwe è mbate koo tà le de bai baa, maje kade an'n tite doo ke ger Nube lé a, ke njètaa tir karè a tɔ.

¹⁸Kerɔte kuwe, man m'ede sei ndàt, nyan malang ke sei ɔgi ra dè nang nè nga, Nube à ɔge tɔ. Nyan malang ke sei inyei loo adi dooge rai dè nang nè nga, Nube à inye loo kade dooge rai tɔ.

¹⁹Kerɔte kuwe, man m'tel m'ede sei bai, ke nè á dooge joo dann si't dè nang nè umi tà le de nan't le deji nyan ke bain-bain géa, Bɔ'm ke ndi danrán à ade de nyan nè nga kuwe.

²⁰Kerɔte kuwe, loo ke dooge joo éké mute kebi nan se ri'm baa, m'ee dann de't non.

Gostà ke ɔje dè ngonn njèndi ke ade kêm'n tin mbit dè madenn't lé

²¹Pierre ree ra Jésus't deje'n ede nè: – Kuwe-bee, ke nè á ngokon'm ra se'm majelé baa, ké m'a m'ade kêm'm à tin mbit dènn't nja kandang wa? Ké m'a m'ade kêm'm tin mbit dènn't sár nja ji sejimute wa?

²²Jésu tel ile'n dè't ede nè: – Man m'edi m'ede nè i a kade kèmi tin mbit dènn't nja ji sejimute bere lé, nè sár nja kɔr-ji sejimute nja ji sejimute.

²³Gir'n ke nè á, Konbee ke danrán nga tò asenan se ngar karé bè ke ndige kade ngann njéndige le'n mbɔji go nyange le'n ke um ji de't adi oo.

²⁴Loo ke ngar unn gir mbɔji go nyange le'n nga baa, d'uwe ngonn njèndi le'n karé ke kure le'n tò dènn't ase sak aru dɔg loo kɔr-mute dé ree se'n rann't.

²⁵Nè titeke ngonn njèndi nè aw se nar ke le kuge'n kure nè nga dènn't lé baa, kuwe'n ngar unn ndu'n le kade d'ige'n se dinye le'n, se ngannenge a, se nyankingé'n bere mbak le kuge'n kure ke tò dènn't.

²⁶Ngonn njèndi nè nga ɔse keje'n nang non ngar't le'n ndète'n ede nè: «Ile kèmi pon dèm't baa, man m'ugei kure lei ke tò dèm't nga ndát-ndát bai.»

²⁷Ngar an kumtondoo le ngonn njèndi nè nga. E ɔr kure le'n ke tò dènn't nga, se girson'n bere mbak inye'n ade aw dè'n pal.

²⁸Loo ke ngonn njèndi nè unde loo tee nata baa, è dar njèmade kule le'n karé ke kure le'n tò dènn't asekum nar kule ke ndɔ aru karé deɣ. E oso kɔbenn't uwe'n ade

kum'n nda ngengeng. E ede'n ede nè: «Gar-gar, uge'm kure le'm ke tò dèi't nga d'arinè kuwe.»

²⁹Njèmade kule le ngonn njèndi nè nga ɔse keje'n nang nonn't ndête'n ede nè: «Ile kêmi pon dèm't baa, m'a m'ugei kure lei ke tò dèm't nga bai.»

³⁰Nè ngonn njèndi nè nga mbate njing, tabai aw se made'n nè ade d'ile'n dangai't sár kade uge'n kure le'n ke tò dènn't nga bita.

³¹Loo ke ngann njèndi madenngè an-in nyan ke è ra nè nga bè baa, wong ase de nák ade awi ɔri ser nyan malang ke tee adi kuwe de oo.

³²Loo ke kuwe de oo tà nè nga bè baa, è ade dé bar ngonn njèndi le'n nga, ede'n ede nè: «I i ngonn njèndi ke majelé. Kété m'ɔr kure le'm dèi't se girson'n bere tede i ndête'm bɔk-bɔk.

³³Né riri géa, ké asekum kan kumtondoo le njèmade kule lei titeke ndɔ ke m'an'n kumtondoo lei nga lé tɔ wa?»

³⁴Wong ase kuwe ngonn njèndi nè nga nák ade uwe'n ule'n ji njé ra dooge manrin't sár le kade uge kure ke tò dènn't nga ndát-ndát bita.

³⁵Jésu ede de ede nè: – Ke nè á nanan dann si't ade kê'm'n tin mbit dè ngokonn't se kê'mnda káng lé baa, Bɔ'm ke danrán géa à ra se'n titeke bè kuwe tɔ.

Matthieu 19

Ké dingem se neen'n asikum mbati nan wa?

(An-in Marc 10.1-12 tɔ)

¹Loo ke Jésus ndó de tàge nè gir gang bá baa, è in beekon ke Galilée aw gide ba Jourdain kêl beekon ke Judée.

²Kosdoo-bulege ngain unni dè nja'n awi goon't nú ade ɔr ratur ra de't.

³Pharisienge reei ra Jésus't le ndon tà'n se tà. Ei deji nin edi nè: – Ké dingem asekum mbate neen'n tede tà le nyan ke rara géa wa?

⁴Jésu ile de dè't ede nè: – Tà ke kê'm magtub't nè nga, ké sei i tutei an-in lé wa? Oiyó, kété ke desêin sàk-sàk nga, Nube Njèkunde nyange malang unde dingem karé se dinye karé a tɔ.

⁵Tabai è tam ede nè: «Gir'n ke nè á dingem à inye bɔ'n se kon'n le kum nan't bɔk se neen'n. Ei joo mbak à teli k'eei danra ke karé bere luk-luk ta.»

⁶Titeke bè, ei danra ke gai-gai joo lé ta, nè ei danra ke karé bere luk-luk. Dingem se neen'n ke Nube um de nan't nga, maje kade doo kai de danné lé.

⁷Pharisienge teli deji Jésus edi nè: – A baa, ké bain á ndɔ ke Moise unn ndu'n le kade loo ke dingem à mbate neen'n baa, maje kade ade'n magtub tin nan jinn't kété bita mbate'n bai wa?

⁸Jésu tel ile de dè't ede nè: – E tede dum nan le si á ndò ke Moise inye'n loo ade sei adi i mbati neen sige. Nè kété ke desêin sàk-sàk nga è titeke bè lé.

⁹Man m'ede sei ndàt, nanan ke mbate neen'n tede tà le nyan ke rang lé, nè tede tò se nan ke kaiya't tel taa dinye ke rang baa, tà tò se nan ke kaiya't uwe dè'n.

¹⁰Njékuwe-gir-Jésuge tami edi nè: – Ke nè á taa dinye è nyan ke bè tede dingem baa, taa dinye lé è soo't ngain.

¹¹Nè Jésus tel ile de dè't ede nè: – Dooge malang à geri gir tà nè nga lé, nè njé ke Nube ade de nonkar tá asikum taai tà nè nga.

¹²Gir nyange ke ade dingemge ke nange asikum taai dinye lé tò loo bule. Njé ke nange è kuju ke in-in kêm kon dege't a, njé ke nange baa è dooge á ori de kuju a, dooge ke nange tò baa è ei kuwe á teli ra de ke kuju tede Konbee ke danrán a tò. Nanan ke asekum taa tà nè nga baa, maje kade taa.

Jésu tɔr ndu'n dè nganng'e't
(An-in Marc 10.13-16; Luc 18.15-17 tɔ)

¹³Dooge reei se nganng'e ra Jésus't le kade ile ji'n dè de't a, le kade tɔr ndu'n dè de't a tɔ. Nè njékuwe-girnge in-in se njé ke reei se nganng'e nè nga.

¹⁴Nè Jésus ede njékuwe-girnge ede nè: – Inyei nganng'e adi reei ram't m'ogi de lé. Kerɔte kuwe, Konbee ke danrán è tede le njé ke tooi asinan se nganng'e nè nga bè.

¹⁵Loo ke Jésus ile ji'n dè de't bá baa, in loon't nè aw rang.

Nube aje njé ke inyei go nyanking'e dege le kunni rebe go Jésus't
(An-in Marc 10.17-31; Luc 18.18-30 tɔ)

¹⁶Dingem karé bè ree ra Jésus't deje'n ede nè: – Njèndó dooge nyan, ké nyan ri ke maje á m'a ra gar-gar tá le kinge'n ndikumgajer se non nga wa?

¹⁷Jésu tel deje dingem nè nga ede nè: – Ké bain i deje'm tà oje dè nyan ke maje ɔr njê't wa? Doo karé ke njè ra nyan ke maje ɔr njê't goto. Nè Nube kuwe karé bere á è njèra maje. Ke nè á i ndige kaw loo ndikumgajer't baa, an dè ndukunng'e sêw-sêw a, i ra nyan'n a tɔ.

¹⁸Doo nè nga tel deje Jésus ede nè: – Ké ndukunn ke ra tabai wa? Jésus tel ilé dè't ede nè: – I a tɔl doo lé; i a sang dinye le doo lé; i a boge lé; i a tête tà kunde tà doo't lé;

¹⁹i a kile koje dè boi se koin; i a tár doo ndul madi titeke i ra'n se rai i kuwe bè tɔ.

²⁰Basa doo nè nga ede Jésus ede nè: – Nyange nè nga malang m'an dè sêw-sêw bá, ké ri á nain kade m'ra tabai wa?

²¹Jésu ede dingem nè nga ede nè: – Ke nè á i ndige le k'ee doo ke maje ɔr njê't baa, aw ige nyanbawge lei malang inye nar'n i kai njèndooge baa a inge nyanbaw ra Nube't danrán nú. Aw i ra nyange nè pa bita i tel ree unn rebe goom't bai.

²²Nè loo ke basa doo nè nga oo tà nè nga bè baa, kêm'n nel'n lé ade ɔte se wong biring aw tede nyankinge'n è ngain.

²³Jésu tel ede njékuwe-girnge ede nè: – Kerɔte kuwe, man m'ede sei ndàt, le kade baw um nan't bɔk se Nube nga è nyan ke loo'n tur ngain.

²⁴Man m'tel m'ede sei bai: le kade lugman ur bolè libri't tee nga è nyan ke tur ngain. Nè le kade baw ile nja'n kêm Konbee't le Nube nga, è nyan ke loo'n tur ngain dum le lugman bai.

²⁵Loo ke njékuwe-gir-Jésuge ooi tà nè bè baa, tà ige de sêl-sêl ade tami edi nè: – Ke nè á è bè baa, ké nan d'asekum kaje'n ta wa?

²⁶Jésu tel an de gerer baa, è ede de ede nè: – Nyan malang ke dooge asikum rai lé nga, Nube asikum ra.

²⁷Pierre tel ree dè tà't nè bai ede nè: – An! jè nga géa j'ube nyange le jé malang j'inye, j'unn rebe gooi't. Ké le jé à è bain tɔ wa?

²⁸Jésu tel ede de ede nè: – Kerɔte kuwe, man m'ede sei ndàt, ndɔ ke d'a tel gɔl nyange malang kade tel tò loon't gugu nga, man ke m'ee Ngonn doo m'a m'al d'áng ndi dè kutu-ngar ndubra't le'm baa, sei ke unni dè nja'm têt-têt nga géa a i ndii dè kutu-ngarge't ke dɔg-gidé-joo le gangtà dè girrà't le kosdooge ke Israel.

²⁹Nanan ke inye kei le'n éké ngakonngé ke dingem éké njé ke dinye, bɔ'n éké kon'n, ngann'n éké loo ndɔrge le'n tede ri'm man baa, à inge nyan-kunde dè nja'n bule ngain dè made't. Tá à inge ndikumgajer se non dè't bai.

³⁰Dooge ngain ke ei ngawtà made dege d'arinè nga, à teli k'ei njékutu go made dege. Dooge ke ei njékutu go made dege d'arinè à teli k'ei ngawtà made dege a tɔ.

Matthieu 20

Sertà ke ɔje dè njéra kule kêm ndɔr nduu't

¹Konbee ke danrán nga tò asenan se kuwe-kei ke tee se ndɔgé bat tede kɔi dooge kade rai kule kêm ndɔr nduu't le'n bè.

²E ɔje se de sile karé kêm ndɔ karé. Loo ke njékulege ndigi se'n dè't bá baa, è ule se de kêm ndɔr nduu't le'n.

³E tel unde loo tee nata se kàde ke jisɔ-jimi baa, è an njé ke rang ndai ndá-loo't karè anje ra kule.

⁴E ede de ede nè: «Sei géa, ɔti awi kêm ndɔr nduu't le'm baa, m'a m'uge sei se go rebe'n.»Dooge nè ɔti awi kuwe tɔ.

⁵Kuwe-kei nè nga tel unde loo tee se kàde ke nda dann bee bɔp a, se kàde ke mute ke loo solé a tɔ baa, è inge dooge ke rang ule de ndɔrɔ go made dege't bai.

⁶Sár kàde mi ke loo solé, è unde loo tee kuwe bai. E inge dooge ke rang ndai ndá-loo't anje ra kule baa, è deje de ede nè: «Ké bain á sei ndai ndá-loo't nè se ndogé sár ðarinè nal ra kule wa?»

⁷Dé tel d'ede'n d'ede nè: «Doo karé bè ke njé koi jè kule't goto.» Kuwe-kei nè nga ede de ede nè: «Sei géa, òti awi kêm ndor nduu't le'm to.»

⁸Loo ke kàde ur bá baa, kuwe-kei bar paja le'n ede'n ede nè: «I bar njékulege uge de nar le de, unn gir dè njé ke reei gugu sár i tee'n dè njé ke reei desêin.»

⁹Njékulege ke reei se kàde mi ke loo solé nga, nanan géa taa sile karé-karé.

¹⁰Njékulege ke desêin nga reei; ei giri kêm de't titeke n'ayé kingei nar dum njé ke reei gugu. Nè ei géa ingei sile karé-karé to.

¹¹Loo taa sile karé't nè nga, dé bar tà nyon-nyon dè kuwe-kei't nè nga,

¹²d'ede nè: «Njé ke reei gugu nga rai kule ase kàde karé bere, nè i ra se de tite jé jè ke jè ra kule kum kàde't se ndogé bere j'or yàl-yàl.»

¹³Nè kuwe-kei nè nga ede njé ke karé dann de't ede nè: «Made'm, m'banmi lé. Ké kété i ndigi se'm dè sile karé't lé wa?

¹⁴I taa nar kuge dè ji òte aw. M'ndige le kade è ke ree gugu nga nyan ngain dum lei.

¹⁵Ké nyan kinge'm nga m'ase ra'n nyan titeke kêm'm ndige lé wa? Ké ra maje le'm nga i an ke nyan ke majelé tà kumi't wa?»

¹⁶Titeke bè á njé ke gugu à teli k'ei njé ke kété a, njé ke kété à teli k'ei njé ke gugu a to.

Jésu ede de njekon't mute tà kwei se kunde loo tee le'n dann njé ke koo't

(An-in Marc 10.32-34; Luc 18.31-34 to)

¹⁷Loo ke Jésus à aw ke kêm bee-bò ke Jérusalem baa, è bar njékuwe-girnge dog-gidé-joo gai rann't. E ede de rebe ede nè:

¹⁸– An-in! j'à j'awi ke Jérusalem. Man ke m'ee Ngonn doo nga, d'a d'uwe'm kule'm ji maw njékuje nyan-mesege't se njéndang magtubge le kade gangi tà yo dèm't.

¹⁹Dé nè nga, d'a d'in se'm ke kété kule'm ji dooge ke geri Nube lé le kade ulei mbe dèm't. A undei man se ndêin a, à beri man kàde kage-ke-dese't a to. Nè ndo ke njekon't mute baa, man m'unde loo tee dann njé ke koo't.

Kon ngann le Zébédée deje nyan tede le ngann'n

(An-in Marc 10.35-45 to)

²⁰Kon Jacques se Jean ngann le Zébédée ree se de ra Jésus't. E òse keje'n nanga non Jésus't le deje'n nyan karé.

21Jésu de je kon nganngé nè nga ede nè: – Ké ri á i ndige wa? E tel ile Jésu dè't ede nè: – Ngann'm ke joo nè nga, unn ndui ade njé ke karé ndi dè jikoin't a, ade è ke karé ndi dè jigeli't a tɔ kêm beekon't lei.

22Jésu tel ile de dè't ede nè: – Nyan ke sei i deji nga, i geri loo'n lé. Nyantosowur ke Nube à ade ra'm nga, ké a asi kade rai sei se'm tɔ wa? Dé tel d'ile Jésu dè't d'ede nè: – Oiyoy, j'à j'ase kade ra jè sei kuwe. Jésu tel ile de dè't ede nè:

23– Nyantosowur ke Nube à ade ra'm nga, à ra sei se'm kuwe. Nè tà ke ɔje dè ndi dè jikonm't éké dè jigelm't nga, è tà le'm lé. Loo nè nga, njé ke Bɔ'm uwe dè nja ɔje'n dè de á d'a d'inge.

24Loo ke gute njékuwe-gir-Jésuge ke dɔg ooi tà nè nga bè baa, kêm de on de dè ngakon nange ke joo nga.

25Nè Jésu bar de ade reei rann't ede de ede nè: – Njé ke geri Nube lé nga, sei geri titeke ngarge le de on-in de njanm-njanm ade dooge ke bɔge géa ndii dè de't ndeɣ a tɔ.

26Nè sei nga, gar-gar à è titeke bè dann si't lé. Nanan ke ndige le k'ee ngawtà si baa, maje kade tel ra'n ke ngonn njékule le si.

27Nanan ke ndige le k'ee ngawtà si baa, maje kade tel ra'n ke ber le si.

28E titeke bè á man ke m'ee Ngonn doo nga, m'ree'n dè nang nè. M'ree le kade dooge ei ngann njékulege le'm lé, nè m'ree tede le k'ee ngonn njékule le dooge a, le kinye ra'm kade yo tede le kuge'n dè de a tɔ.

Jésu ade kum njékumtɔge joo an loo

(An-in Marc 10.46-52; Luc 18.35-43 tɔ)

29Loo ke Jésu se njékuwe-girnge undei loo kêm bee-bò ke Jéricho teei baa, kosdoo-bulege ndolèi go Jésu.

30An! njékumtɔge joo ndii nang ngang rebe't. Ei ooi titeke Jésu à dese le kaw baa, ei tami tà se ndu de ke bòi edi nè: – Kɔkrɔ karè, Kuwe bee, Ngonnkà David, an kumtondoo le jé.

31Doobulege in-in se de le kade ebi't. Nè dé tel dé tam se ndu de ke bòi beng ke kété-kété d'ede nè: – Kɔkrɔ karè, Kuwe-bee, Ngonnkà David, an kumtondoo le jé kuwe tɔg.

32Jésu tel nda nang gek, è bar de rann't de je de ede nè: – Ké ri á sei ndigi kade m'ra m'ade sei wa?

33Dé tel d'ile'n dè't d'ede nè: – Kuwe-bee, maje kade ade kum jé tel an loo.

34Jésu an kumtondoo le njékumtɔge ade ule ji'n ɔde'n kum de. Ke loon't nè kuwe, kum de tel an loo njai-njai. Dé liger lagr-lagr go Jésu't.

Matthieu 21

Jésu aw kêm bee-bò't tite ngar bè

(An-in Marc 11.1-11; Luc 19.28-40; Jean 12.12-19 to)

¹Jésu se njékuwe-girnge reei teei kêm kɔki bee ke ri'n nè Bethpagé, tò kɔte mbal ke kage olivierge ndai tutu. Loo ke ei undei dè bee-bò ke Jérusalem ngɔr baa, Jésus ɔr njékuwe-girnge joo ule de kété ede nè:

²– Awi kêm bee ke tò non si't kété non. Loo ke i teei kêm bee't nè nga baa, ke loon't nè kuwe a ingei kon koro ke dɔ nang se ngonn koro ke dingem nda nang se'n. I tuti de i reei se de adi man.

³Ke nè á doo karé à deje sei tà baa, edi nin edi nè: «E Kuwe-bee á aw ndoo de.» Ke loon't nè kuwe d'a d'inye de kade i reei se de.

⁴Nyan nè nga tee titeke bè le kade tà ke Zacharie njèribe-dè-tà ke tà Nube't tam kété mari aw'n loon't de. E tam kété mari ede nè:

⁵«Edi dooge ke kêm bee-bò ke Jérusalem edi nè: An-in! ngar le si à ree ke ra si't. Ngar le si nga è doo ke aw lom-lom, è al dè kon koro't. E al dè ngonn koro ke dingem to.»

⁶Njékuwe-gir-Jésuge awi rai titeke è unn'n ndu'n ade de.

⁷Ei reei se kon koro a, se ngonn'n ke dingem a to. Ei labi kubuge le de gide koroge't nè adi Jésus al ndi dè't.

⁸Doobulege ngain labi kubuge le de ke bòi yul-yul nang ka-rebe't. Njé ke nange tėti kam labi nang rebe a to.

⁹Doobulege ke njiyei non Jésus't kété a, se njé ke njiyei goon't a to rai nyan beng-beng edi nè: – Maje kade dè mong kang-kang nain se Ngonnkà David. E ke ree se ri Kuwe-bee nga, maje kade ndutɔr nain se'n. Njèndi sêm danran't nga, maje kade dè'n mong kang-kang.»

¹⁰Loo ke Jésus aw kêm bee-bò ke Jérusalem bá baa, dooge malang ke kêm bee-bò't nè nga, ndil de tee an-in soin-soin ade awi dè nan't kutri edi nè: – Ké doo nè nga è nan wa?

¹¹Njé ke nange dann doobulege't nè tami edi nè: – E Jésus njèribe-dè-tà ke tà Nube't ke bee ke Nazareth beekon ke Galilée.

Jésu ɔr njéra gatege nata kêm kei le Nube

(An-in Marc 11.15-19; Luc 19.45-48; Jean 2.13-22 to)

¹²Go't gugu, Jésus aw kêm kei le Nube. E unn gir ɔr njékige nyange se njéndogo nyange nata malang. E tile table le njémbel narge se kali ndi le njékige der-ndage piring-piring kɔke.

¹³Jésu ede de ede nè: – Dé ndang kêm magtub ke tò se ninn'n d'ede nè: «Kei le'm nga,d'a bar'n kei kɔje tà se Nube.» Nè sei baa, i telii ke mbonreen loo bɔyɔ ra le gon-bogege.

14Njékumtɔge se njémetege reei ra Jésu't kêm kei le Nube ade ɔr ratur ra de't.

15Nè njékuje nyan-mesege se njéndang magtubge an-in nyange ke dum kum ke Jésu ra a, an-in nganngé ke rai nyan beng-beng kêm kei't le Nube edi nè: – Ngonnkà David nga, maje kade dè'n mong kang-kang. Loo ke njékuje nyan-mesege se njékɔrgir gute-nduge ooi tà nè nga bè baa, wong ra de ade tami se'n edi nè:

16– Ké i oo tàge ke nganngé tami nga wa? Nè Jésu tel ile de dè't ede nè: – Oiyó, m'oo maje kuwe. Tà ke Magtub tam ede nè: «I ade tà nganngé ke ndèin bè se nganngé ke à ili mba teen se pa dɔyi nin» nga, ké sei i tutei nja karé ndan lé bai wa?

17Go't gugu, Jésu inye de unde loo tee kêm bee-bò ke Jérusalem aw kêm bee ke Béthanie tò tutu nú.

Jésu mann kage koté ke ann lé

(An-in Marc 11.12-14, 20-24 tɔ)

18Barè se ndɔgé bat, loo ke Jésu tel à ree ke kêm bee-bò't nè nga baa, bo ra'n.

19E an kage koté karé ngang rebe't ngɔr. E tɔ aw tutu, è inge kann'n karé bè lé nè mbi'n á tò karè. Jésu tel tam se kage koté nè ede nè: – I a tel kann gugu ndan lé sár se non. Ke loon't nè kuwe kage koté nè nga wei tutu njanm.

20Loo ke njékuwe-gir-Jésuge an-in nyan nè nga bè baa, tà ige de sêl ade deji Jésu edi nè: – Ké è titeke bain á kage koté nè wei kalang bè wa?

21Jésu tel ile de dè't ede nè: – Kerɔte kuwe, man m'ede sei ndàt, ke nè á awi se kundekêm ke get á i naji se ra si dè't lé baa, a i rai nyan ke m'ra se kage koté nè nga á go karé bere lé, nè ke nè á edi mbal nè edi nè: «Ɔr rai loo ke nè't i kile oso dann ba't nú» baa, mbal nè nga à ra titeke bè kuwe tɔ.

22Nyan ke rara ke sei deji Nube se kundekêm baa, a ingei nyan nè nga kuwe.

Njékɔr non Juipge deji Jésu gir tɔgmong le'n

(An-in Marc 11.27-33; Luc 20.1-8 tɔ)

23Jésu aw kêm kei't le Nube. Loo ke è unn gir ndó dooge nyan baa, maw njékuje nyan-mesege se ngatɔge dooge le kosdooge reei rann't dejii edi nè: – Ké takul tɔgmong ke ra á i ra'n nyange nè nga wa? Ké nan unn ndu'n adi á i ra'n nyange nè titeke bè wa?

24Jésu tel ile de dè't ede nè: – Man géa m'a m'deje sei tà karé bere luk-luk. Ke nè á ilei man dè't baa, man géa m'a m'ede sei loo ke m'inge tɔgmong le'm tutu á m'a m'ɔde'n nan ra'n nyange nè nga tɔ.

25Ké kule ke Jean ule dooge manné njonm nga, gir'n in ra wa? Ké gir'n in ra Nube't éké in ra dooge't wa? Dé murin tà kêm de't d'ede nè: – Ke nè á j'edi nè:

«Gir'n in danran» baa, n'a tel de je jèi kede nè: «A baa, bain á umi kêm si dènn't lé wa?»

²⁶A ke nè á j'edi nè: «Gir'n in ra dooge't» baa, a in-in se jéi se tà tede dooge malang an-in Jean ke njèribe-dè-tà ke tà Nube't.

²⁷D'an bè baa, dé tel d'ile Jésu dè't d'ede nè: – Jè jè ger lé. Jésu géa tel ede de ede nè: – A baa, man géa m'a m'ede sei loo ke m'in se tɔgmong le'm tutu á m'ndi m'a m'ra'n nyange nè nga lé tɔ.

Sertà le ngann ke dingemge joo

²⁸Jésu tel de je de ede nè: – Ké tà ri á sei giri dè tà't nè wa? Doo karé bè aw se nganngé ke dingem joo. E aw ra njé ke desèin't ede'n ede nè: «Ngonn'm, aw i ra kule kêm ndɔr nduu't le'm bila ade'm.»

²⁹Ngonn nè nga tel ile bɔ'n dè't ede nè: «M'ndige lé.» Nè mbɔr baa, ngonn nè nga tel gir baa ɔte aw kêm ndɔr nduu't.

³⁰Bɔ nganngé nè ɔte aw ra ngonn'n karé ke rang ede'n ede nè: «Ngonn'm aw i ra kule kêm ndɔr nduu't le'm bila ade'm sei.» Ngonn nè nga tel ile bɔ'n dè't ede nè: «Kuwe'm, m'a m'aw d'arinè-d'arinè kuwe.» Nè go't gugu baa, è mbate kaw sár.

³¹Nganngé ke joo nè nga, ké è ke ra ra nyan ke kêm bɔ'n ndige wa? Njékɔr non Juipge teli ilei Jésu dè't edi nè: – E ke desèin. Jésu ede de ede nè: – Kerɔte kuwe, man m'ede sei ndàt, njétaa tirge se kaiya-dinyege á ei non si't kété kêm Konbee't le Nube.

³²Kerɔte kuwe, Jean ree tɔje sei rebe ra nyan ke se dè naje'n kade i taai kum Nube. Nè sei umi kêm si dènn't lé; nè njétaa tirge se kaiya-dinyege á umi kêm de dènn't. Sei an-in nyange ke dé ra nè nga se kum si nè sei i turi hal si le kunde'n kêm si dènn't lé.

Jésu ɔr sertà le njéra kule ndɔr nduu ke tɔli ngonn le kuwe de

(An-in Marc 12.1-12; Luc 20.9-19 tɔ)

³³Jésu ede dooge ede nè: – Uri mbi si ooi sertà karé ke rang bai. Doo karé bè è kuwe-kei. E uwe loo ndɔr nduu. E ɔr gali gan'n dè a, è nder bolè le kade dé mboré'n mann nduu tutu a, è ra kei ndi ngonm ndɔr tutu a tɔ. E bar dooge um kule'n ji de't baa, è ɔte dák aw mba't.

³⁴Loo ke nan kuje kann nduu ase bá baa, è ule ngann njéndige le'n ra njéra kule ndɔr nduuge't le kade adi nin kann nduu ke ɔje dè'n.

³⁵Nè njéra kule ndɔr nduuge nè nga tuwei ngann njéndige nè nga tundei è ke karé gangi ra'n dáp-dáp a, tɔli è ke karé a, tilei è ke karé ke rang se kuberi her tɔli nin ke le'n a tɔ.

³⁶Kuwe-ndɔr nduu nè nga tel ule ngann njéndige le'n ke rang bule dum njé ke è ule de kété. Nè njéra kule ndɔr nduuge rai ngann njéndige titeke rai njé ke kété nga kuwe bai.

³⁷Loo tɔl tà'n baa, kuwe-ndɔr nduu nè ule ngonn kê'm'n kuwe ra de't. E gir kê'mn't ede nè: «Ngonn'm baa, bainléa d'a d'ile koje dènn't.»

³⁸Nè loo ke njéra kule kê'm ndɔr nduuge't an-in pan baa, edi nan edi nè: «An-in! njèkɔi nyan-ndube nga aw nè: i reei adi jè tɔli nin, jè kayai nan nyan-ndube le'n kɔke.»

³⁹D'uwe'n dé ndɔr'n d'aw se'n ngang ndɔr nduu't nata, dé tɔl'n.

⁴⁰Loo ke kuwe-ndɔr nduu nè nga à ree baa, ké ri á à ra se njéra kule kê'm ndɔr nduuge't nè nga wa?

⁴¹Njékɔr non Juipge teli ilei Jésus de't edi nè: – E à unn kum'n mbeng le kade dé tɔl njékêmyêrge nè nga kɔke baa, è à um kule ndɔr nduu nga ji njéra kule ndɔr nduuge ke rang. Dé nè nga loo ke nan kuje kann nduu ase de'f bá baa, d'a d'ade'n le'n ke ɔje dè'n.

⁴²Jésu tel ede de ede nè: – Tà ke dé ndang kê'm magtub ge ke tò se ninn'n d'ede nè: «Kuberi her ke njékunde keige mbati nin nga, tel è kuberi her ke njè mong de kum kei. E ke nè á è kule ra Kuwe-bee. Jè j'an ke nyan ke dum kum jé.» Tà nè nga ké sei tutei ndɔ karé bè ndan lé bai wa?

⁴³Gir'n ke nè á, man m'ede sei ndàt, Konbee le Nube nga d'a d'uwe wont taa ji si't le kade girkoje dooge ke à adi nyan tee kɔde. [

⁴⁴Doo ke oso de kuberi her't nè nga, à gudu dèk-dèk a, doo ke kuberi her nè oso dènn't baa, à ide'n nduju reend-reend a tɔ.]

⁴⁵Loo ke maw njékuje nyan-mesege se Pharisienne ooi gostàge nè bè baa, kum de gang reng ade geri titeke Jésus tam tà nè ɔje'n de de.

⁴⁶Ei sangi le kuwei Jésus nè ei beli kum kosdoo-bulege tede an-in nin ke njèribe-dè-tà ke tà Nube't.

Matthieu 22

Dooge ke mbati reei loo mur tête tà bee't

(An-in Luc 14.15-24 tɔ)

¹Jésu tel ede doobulege tà se gostàge ede nè:

²– Konbee ke danrán nga tò asenan se ngar karé bè ke ade dé koré mur tête tà bee le ngonn'n ke dingem.

³E ule ngann njéndige le'n ade awi edi njé ke ndɔ ke è bar de loo mur tête tà bee't nè nga. Nè dé ndige ree lé.

- ⁴E tel ule ngann njéndige le'n ke rang tabai ede nè: «Awi edi njé ke m'bar de loo mur tête tà bee't nga edi nè: An-in! m'ade dé koré mur tête tà bee nga wei bá ta. Tabai m'ade dé tɔl dig mangege se nar-kulge le'm ke der ndɔl-ndɔl bá a, d'uwe dè nja nyan malang bá a tɔ. I reei loo mur tête tà bee't nè nga ta.»
- ⁵Nè use de nyan lé ade d'ote dák d'aw looge le de. E ke karé ɔte aw ndɔrɔ le'n a, è ke karé ke rang ɔte aw loo ra gate't le'n a tɔ.
- ⁶Gute njé ke rang tuwei ngann njéndige le'n rai se de nyan ke tur a, tɔli de a tɔ.
- ⁷Ke loon't nè kuwe wong ra ngar ade ule kos njérɔge le'n ade awi tɔli dé njé tɔl dooge nè nga kɔke a, tulei por dè bee-bò't le de adi ró rák-rák a tɔ.
- ⁸Ngar ede ngann njéndige le'n ede nè: «Mur tête tà bee nga, è ke kuwe dè nja bá, nè njé ke ndɔ ke m'bar de nga, asi ndii loon't lé kuwe.
- ⁹Ɔti awi i ndai tà gaje rebege't gide bee't nata. Dooge malang ke a ingei de nga i bari de i reei se de loo mur tête tà bee't nè nga.»
- ¹⁰Ngann njéndige nè nga ɔti awi se ngann rebege gai-gai kebi njé ke majelé se njé ke majege malang ke ingei de nga reei se de ade rusi loo kê m kei nè nga táp-táp.
- ¹¹Loo ke ngar aw kê m kei le kan dooge ke è bar de nga baa, an dingem karé ke ule kubu ra nan rann't lé.
- ¹²E tel deje doo nè nga ede nè: «Dingem, ké i ra bain á i ree'n loo't nè anje kule kubu ra nan rai't wa?» Dingem nè nga an tà ke le tam lé.
- ¹³Ke loon't nè kuwe ngar ede ngann njéndige le'n ede nè: «Uwei n'ee, i tɔi jiyé se njayé ilei n'ee dann loo ke ndul ndin-ndin't nata. E loo ke dooge à noin jik-jik tutu a, à toin tà de tutu vbat-vbat a tɔ.»
- ¹⁴Jésu tel ede de ede nè: – Kerɔte kuwe, dooge ke dé bar de nga bulei kuwe, nè njé ke dé tɔr de d'unde de se ei ngain lé karè.

Nyan ke ɔje dè Nube se nyan ke ɔje dè ngar César

(An-in Marc 12.13-17; Luc 20. 20-26 tɔ)

- ¹⁵Pharisienge ɔri nan tà dè nyan ke kum ra le kile'n tà dè Jésus't se go tà karé ke à tee tànn't.
- ¹⁶Pharisienge ɔri pajage le de se njé le Hérode ulei de ra Jésus kade deji nin edi nè: – Njèndó dooge nyan, jè ger titeke i i njè kusu dè tà lé a, rebe nyange ke Nube ɔje ke i ndó dooge nga è ngarankum tà kerɔte kuwe. I i njè ndête kum doo karé bè tede nyankinge'n éké tede girkoje le'n lé a tɔ.
- ¹⁷Ede jè, tà gir lei dè tà't nè: Kuge tir César nga, è nyan ke kum ra éké kum ra lé wa?
- ¹⁸Nè Jésus ger kêmyêr le de mbak bá. E tam se de ede nè: – Sei njékede gosge, ké bain á uyei gum nonm't wa?

¹⁹Ɔji man sile ke d'uge'n tir nga adi m'an. Dé ree se sile nar kule ke ndo karé dé tɔje'n.

²⁰Jésu deje de ede nè: – Ké dè nan éké ri nan dé ndang tu sile't nè nga wa?

²¹Dé tel d'ile'n dè't d'ede nè: – Dè doo nè nga, è dè ngar ke bò César a, ri doo nè nga géa è ri César a tɔ. Jésus tel ede de ede nè: – Adi César nyan ke ɔje dè'n a, nyan ke ɔje dè Nube baa, adii a tɔ.

²²Loo ke d'oo tà nè nga bè baa, tà ige de sêl ade d'innye Jésus d'in mênênn-mênênn d'aw loo le de.

Nyange ke à teei ndo kunde loo tee't le njé ke koo

(An-in Marc 12.18-27; Luc 20.27-40 tɔ)

²³Kêm ndon't nè nga Saddusienge ke njé tam kede nè: dooge à undei loo teei koo ndan lé nga reei ra Jésus't. Ei deji nin tà karé edi nè:

²⁴– Njèndó dooge nyan, ndo ke Moise tam ede nè: «Ke nè á dingem se dinye taai nan, nè oji ngonn ke dingem lé bai á dingem wei baa, maje kade ngokon'n ke ndêin taa dinye nè unde'n gute ngokon'n ke wei.»

²⁵An! kété ngakon nange ji sejimute ndii dann jé't laa. Njè ke ngatɔg taa dinye nè wei anje koje ngonn ke dingem. E inye dinye nè nga nang ade ngokon'n ke girn't.

²⁶Nè ngokon'n ke girn't nga géa wei nal koje ngonn ke dingem tɔ. Njèkon de't mute géa, è titeke bè tɔ sár tee'n dè njèkon de't ji sejimute.

²⁷Loo tɔl tà'n baa, dinye nè nga géa wei utu go de mbak.

²⁸Ndo ke dooge à undei loo teei koo nga baa, ké nan á à è ngaw dinye nè ke get dann de't wa? Kerɔte kuwe, dé ji sejimute mbak dé taa'n ke neen de.

²⁹Jésu tel ile de dè't ede nè: – Sei ndemi uri walé bá ta, tede sei geri magtubge ke tooi se ninn de nga lé a, tɔgmong le Nube géa sei geri lé a mbak.

³⁰Ndo ke dooge à undei loo teei koo nga, dingem à taa dinye lé a, d'a d'ade dinye à taa ngaw lé a tɔ. Nè tàgir le de à tò ɔje dè ra kule kade Nube se ɔɔi'n kuwe karé bere tite dooge ke danrán bè tɔ.

³¹Tà ke Nube tam ede sei ɔje dè dooge ke à undei loo teei koo nga, ké sei tutei an-in lé bai wa? Nube tam ede nè:

³²« Man m'ee Nube le Abraham se Isaac se Jacob a tɔ.» Nube nga, è Nube le njé ke weii lé, nè è Nube le njé ke ndii kumgajer.

³³Loo ke kosdoo-bulege ooi tà nè bè baa, ndil de tee an-in soin-soin dè tà ke Jésus ndó de't.

Ndukunn ke dum dè madege malang

(An-in Marc 12.28-34; Luc 10.25-28 tɔ)

³⁴Loo ke Pharisienne ooi titeke Jésu uwe tà Saddusienne se tà baa, ɔsi nan reei ingei nin.

³⁵E ke karé dann de't è njèndó dooge gute-ndu Nube deje Jésu tà karé le kuye'n gum nonn't ede nè:

³⁶– Njèndó dooge nyan, ké ndukunn ke ra dum dè madege malang kêm magtub gute-ndu't nga wa?

³⁷Jésu tel ile'n dè't ede nè: «Gar-gar i a tár Kuwe-bee Nube lei nga dè bengrei't se danrai bere mbak a, se tàgir lei bere mbak a ɔ.»

³⁸E ke nè á è ndukunn ke desêin ke dum dè madege malang.

³⁹Ndukunn ke njékon't joo nga tò tanan se è ke desêin kuwe bai ede nè: «Gar-gar i a tár doo madi titeke i ra'n se rai bè ɔ.»

⁴⁰Ndukunne ke joo nè nga ei gir gute-ndu bere mbak ke Moise ndang a, se magtubge le njéribè-dè-tàge ke tà Nube't a ɔ.

Jésu deje Pharisienne tà ke ɔje dè Messie nga

(An-in Marc 12.35-37; Luc 20.41-44 ɔ)

⁴¹Loo ke Pharisienne ɔsi nja nan ra Jésu't baa, è deje de ede nè:

⁴²– Ké tà ri á sei giri ɔje dè Messie nga wa? Ké sei giri kêm si't edi nè: è ngonnkà nan wa? Dé tel d'ile'n dè't d'ede nè: – E nga, è ngonnkà David.

⁴³Jésu tel deje de ede nè: – A baa ké bain Ndil-Kêmnda ɔse David ade bar'n Kuwe-bee le'n wa? Tede David nga ndɔ ke Ndil-Kêmnda ule tà tànn't ade tam ndàt ede nè:

⁴⁴«Kuwe-bee ede Kuwe-bee le'm ede nè: I ndi dè jikonm't sár kade m'ade njébangé lei teli ei nyan-sure-nja kum lei.»

⁴⁵Ke nè á ndɔ ke David bar'n Kuwe-bee bá baa, ké Messie à tel k'ee ngonnkà'n titeke bain tabai wa?

⁴⁶Doo bè karé géa asekum kile Jésu dè tà't nè nga lé. Unn gir kêm ndɔn't nè nga, doo karé bè géa ndige tel deje'n tà gugu lé ta.

Matthieu 23

Jésu ndeje dooge kade ndaji nyanra njékɔr non Juipge lé

(An-in Marc 12.38-39; Luc 11.43,46; 20.45-46 ɔ)

¹Jésu ede kosdoo-bulege se njékuwe-girnge tà ede nè:

²– Njékɔrgir gute-nduge se Pharisienne ndii ɔje dè kɔrgir gute-ndu Nube ke Moise ndang.

³Nyan malang ke à edi sei nga, i rai se ngang'n lêr -lêr. Nè i ndaji nyanra de lé, tede tami tà tà de't karè anje ra nyan'n.

⁴Ei toi nyankotoge ke woi undei bage dooge't, nè ei baa ngaw ji de géa ndigi kulei kodi lêm lé.

⁵Nyan ra de malang è tede kunde'n ra de kum dooge't karè. Gir'n ke nè á ei tóri gute-nduge ke nange ei tėti lanyange ke laa pe-pe toi kil ji de't se nat-non de't. Tabai ei rai ji kubuge le de ade laai ber-ber a tɔ.

⁶Ke nè á dé bar de loo ra nan't baa, dé ndigi ndi loo ndi dooge ke bò't kété. Kêm kei kebe nan't géa, dé ra titeke bè a tɔ.

⁷Dé ndigi le kade dooge rai de lapyá ndá-looge't a, le kade dooge bari de njé nyangerge a tɔ.

⁸Nè sei baa, adi dooge bari sei titeke bè lé, tede sei nga njè ndó sei nyan kuwe è karé bere. Gute si malang baa, sei ngakon nange.

⁹I bari doo karé bè géa Bɔ si dè nang nè lé, tede è ke ndi danrán kuwe karé bere á è Bɔ si.

¹⁰Tabai adi doo bar sei njékɔr non dege lé, tede njékɔr non si kuwe è Krist karé bere.

¹¹E ke ndige k'ee doo ke bò dann si't baa, maje kade tel ra'n ke ngonn njékule le si.

¹²Nanan ke unde dè'n dɔ baa, d'a d'ade dè'n à è nang bai. Nanan ke ule dè'n baa, d'a d'ade à unde dè'n dɔ mbeng bai.

Jésu in se njékɔrgir gute-nduge dè ra ngang't le de

¹³Sei njékɔrgir gute-nduge se sei Pharisienne ke njékede gosge, a an-in bai! Tede sei ilei dooge kage ɔgi de loo kile nja de kêm Konbee ke danrán't. Njé ke ndigi kilei nja de tutu nga, sei ɔgi de rebe'n. Bè baa, sei géa a ilei nja si tutu ndan lé tɔ.

[¹⁴Sei njékɔrgir gute-nduge se sei Pharisienne ke njékede gosge nga, a an-in bai! Sei tosoi kêm kei le njékei-kingege, i kotoi nyange le de malang awi i tuji. Tabai sei ndai ke loon't nè ɔji tà se Nube adi kur si heb ďak tede libe'n kum de. Gir'n ke né á tà ke d'a gang dè si't ndɔ gangtà't nga, a tur ngain dum le njé ke rang malang.]

¹⁵Sei njékɔrgir gute-nduge se sei Pharisienne ke njékede gosge, a an-in bai! Sei asi loo ná-k-nák dann ba-bò't se dè nang nè, tede kinge doo karé ke njè ger Nube tite si. Nè loo ke è tel è njè ger Nube bá baa, sei telii ke doo ke aw dann loo ke tur't dum sei nja joo bai.

¹⁶Sei njékɔr non dooge nè sei njékumtɔge, a an-in bai! Kerɔte kuwe, sei tami edi nè: «Ke nè á doo ubu ra'n se ri loo ke tò se ninn'n gai baa, sei tami edi nè: E nyan ke get lé bai. Nè ke nè á doo ubu ra'n se ri nar-ɔr le loo ke tò se ninn'n gai baa, sei tami edi nè: Kure nain dènn't bai.»

- 17**Sei njé kêm tɔ kuju tà lége ke njékumtɔge, ké ri á è nyan ke bòi dum dè made'n wa?
- 18**Ké nar-ɔr éké loo ke tò se ninn'n gai kêm kei't le Nube ke tel nar-ɔr ke nyan ke tò se ninn'n gai nga wa?
- 19**Sei njékumtɔge, ké ri á è nyan ke bòi dum dè made'n wa? Ké è nyan kade noje éké loo ró nyankuje-mese ke unde nyan kade noje se ninn'n gai nga wa?
- 20**Nanan ke ubu ra'n se ri loo ró nyankuje-mese baa, è ubu ra'n se ri nyan malang ke tò tutu.
- 21**Nanan ke ubu ra'n se ri gile kei ke tò se ninn'n le Nube nga baa, è ubu ra'n se ri Nube ke njè ndi tutu nga a tɔ.
- 22**Nanan ke ubu ra'n se ri danran baa, ubu ra'n se ri kutu-ngar le Nube ke njè ndi dè't nga a tɔ.
- 23**Sei njékɔr gir gute-nduge se sei Pharisienne, a an-in bai! Sei ugei dime mbi targe ke ri de nè menthe se fenouil, se cumin a tɔ. Nè nyan ke bò ngain ke gute-ndu ɔje ke tite nyanra ke se dè naje'n, se kêmkanm se kundekêm a tɔ nga baa, sei dannii undeii ngangé karè. Dége nè nga, dé nyange ke né gar-gar a i rai de kété anje kin bal dè gute dege ke rang.
- 24**Sei njékɔr non dooge nè sei njékumtɔge! Sei ndeein mann ɔgi ngann mann kaw kêm si't, nè sei uri lugman kêm si't mban.
- 25**Sei njékɔrgir gute-nduge se sei Pharisienne ke njékede gosge a an-in bai! Sei togoi gide nyankain manngé se nyankuse nyange le si adi d'unju nyan-nyang. Nè ngur banm dooge se kêmkein rusu kêm si njin-njin.
- 26**I Pharisien ke njékumtɔ: I togo kêm nyankain mann se nyankuse nyan ade unju kété bita i togo gide de ade unju bai.
- 27**Sei njékɔrgir gute-nduge se sei Pharisienne ke njékede gosge a an-in bai! Sei tooi asinan se dè badege ke dé ra ponron gidé nata d'ade ndai káng-káng. Nè kinge ninngé se nyange ke mine ke se ri de-ri de rusi kêm de ke kei njin-njin.
- 28**Sei géa, è titeke bè tɔ. Sei rai ra si ke njé ra nyan se dè najenngé tàkum dooge't, nè kede gos se nyan ra bann-bann rusu kêm si njin-njin.
- 29**Sei njékɔrgir gute-nduge se sei Pharisienne ke njékede gosge a an-in bai! Sei unde dè bade njéribé-dè-tàge ke tà Nube't adi maje ndèi a, sei gɔli dè bade njé ra nyan se dè najenngé adi tel maje pêt-pêt a tɔ.
- 30**Baa sei tami edi nè: «Kêm ndɔnge't le kà jége nga, ke nè á ndɔ ke jè se de nan't baa, j'à j'um nan't se de dè tɔl ke dé tɔl njéribé-dè-tàge ke tà Nube't nga lé.»
- 31**Ra ke sei rai titeke bè nga, sei kuwe ɔri gir si titeke sei sei ngann le njé tɔl njéribé-dè-tàge ke tà Nube't nga kerɔte.

³²Nyan ke kà sige ɔji rai kété nga, sei tɔli tà'n mbas bá ta.

³³Sei i tooi asinan se li jênênge, tà ke d'a gang dè si't dann loo ke tur't nga, ké à nal sei titeke bain wa?

³⁴Gir'n ke nè á an-in! m'a m'ule se njéribè-dè-tàge ke tà Nube't se njékumkunjuge a, se njéndang magtubge a tɔ ra si't. Nè sei a tɔli njé ke karége a, a i beri njé ke nange kàde kage-ke-dese't a, a i tundei njé ke nange se ndèin maru kêm kei kebe nan't le si a, a ɔri njé ke nange kororoi se kêm bee-bee a tɔ.

³⁵E titeke bè tede le mese njé ra nyan se dè najenngè malang ke an-in ule nang nè, unn gir dè Abel njè ra nyan se dè naje'n sár tee'n dè Zakarie ngonn le Baraki, ke sei tɔli nin dadann gile kei't le Nube se dinger loo nyankuje-mese't nga, tà yo de à uwe dè si.

³⁶Kerɔte kuwe, man m'ede sei tà nyange nè nga à uwe dè girkoje dooge ke ndii dè nang nè d'arinè nga.

Jésu tam tà le bee-bò ke Jérusalem ke à tuju

(An-in Luc 13.34-35 tɔ)

³⁷Sei dooge ke i ndii kêm bee-bò ke Jérusalem, sei ke njé tile dooge ke Nube ule de ra si't se kuberi her tɔl de. Dɔ-dɔ, m'ndige kɔse nja si nan't titeke kon kunje kebe'n ngann'n gir bagenn't, nè sei ndigi kinyei man kade m'ra titeke bè lé.

³⁸An-in! d'arinè Nube asekum kan-in ngang si lé ta.

³⁹Ma m'ede sei ndàt, loo naje'n goto, sei a teli kan-in man gugu ndan lé sár kade i tami edi nè: «E ke ree se ri Kuwe-bee nga, maje kade dè'n mong kang-kang.»

Matthieu 24

Jésu ede de tà kei le Nube ke à tuju

(An-in Marc 13.1-2; Luc 21.5-6 tɔ)

¹Loo ke Jésus unde loo kêm kei't le Nube tee le kaw ɓaa, njékuwe-girnge reei rann't le toje'n herge ke mbirin mbin ke d'unde'n kei ke kige le Nube le kade an.

²Nè Jésus tel ile de dè't ede nè: –An-in nyange nè nga malang maje. Kerɔte kuwe, man m'ede sei, kuberi herge ke an-in de nè nga, karé bè ke à nain dè made't anje kade d'a jɔré'n nang goto.

Nyankumndooge ke à teei kété bita dè nang nè a tuju bai

(An-in Marc 13.3-13; Luc 21.7-19 tɔ)

³Tabai Jésus ɔte aw ndi dè mbal't ke kage olivierge ndai tutu. Njékuwe-girnge awi ingeii se kar'n deji nin edi nè: – Ede jè, ké ndɔ ke ra nyange nè nga à teei wa? Ké ri á à toji jè kade jè ger ndɔ teli nga wa? Ké ndɔ ke ra gir nang nè à gang dás wa?

⁴Jésu tel ile de dè't ede nè: – Kêm si dè ra si't le kade doo karé bè géa sú sei lé.

- ⁵Oiyo, dooge bule à unni ri'm le reei kedi nè: «Man nga kuwe m'ee Krist.» D'a tam bè le sú'n dooge bule kade ndemi.
- ⁶Sei a kooi ká rɔ se ser rɔ ke dooge à rɔi nan. Nè adii kàde si gete get-get lé. Gar-gar nyange nè nga à teei kété bita, nè à è ngei ndɔ kade dè nang nè bere mbak tuju'n lé bai.
- ⁷Girkoje dooge ke karé à in-in le rɔi se girkoje dooge karé ke rang a, ngar ke kêm beekon karé à in le rɔ se ngar made'n ke kêm beekon karé ke rang a tɔ. Bo-bò à oso se loo-loo a, kél loo ke nange nang à yei buk-buk a tɔ.
- ⁸Nè nyange nè malang è kunn gir nyantosowur ke à ra sei ke ra bai titeke ndo ra'n dinye bè.
- ⁹D'a tuwe sei ra kum si ndoo a, d'a tɔl sei a, dooge ke geri Nube lé à ɔri sei njêta a tɔ, tede ri'm man ke m'ee Ngonn doo nga.
- ¹⁰Gir'n ke nè á, dooge bule à tusi kundekêm le de kinyei a, à unni dè nan a tɔ.
- ¹¹Njé tête tà kunde tà Nube'tge bule à ɔsi nang kin-in le súi dooge bule a tɔ.
- ¹²Nyan ra ke bann-bann à in dè made't ke kété-kété. Gir'n ke nè á tár nan le dooge bule à tel sɔl dêng-dêng.
- ¹³Nè nanan ke nda dè njann't njáng sár ndɔ ke ngeinn't baa, d'a d'aje'n.
- ¹⁴Konbee le Nube nga, d'a d'ile mber'n kade dooge malang ke geri Nube lé ke ndii dè nang nè bere mbak ooi kété bita dè nang nè à tuju bai.

Jésu ede de tà tuju le bee-bò ke Jérusalem

(An-in Marc 13.14-23; Luc 21.20-24 tɔ)

- ¹⁵Ndɔ karé a an-in Njé tuju loo à al d'áng ndi loo ke tò se ninnen't. Doo nè nga, Daniel njèribe-dè-tà ke tà Nube't tam tà le'n kété. Maje kade nanan ke tute magtub nè baa, gir tà nè nga maje le ger.
- ¹⁶Kêm ndɔn't nè nga maje kade njétaakêm-Kristge ke ndii kêm beekon ke Judée an-in awi dè mbalge't.
- ¹⁷Doo ke kêm ndɔn't nè, ndi dè kei't dɔ baa, maje kade tel rise nang aw kei le'n unn nyan karé lé ta.
- ¹⁸E ke nda kêm ndɔr't kêm ndɔn't nè baa, maje kade tel aw béee unn kubu le'n ke bòi yul lé ta.
- ¹⁹Habi! à è kumndoo ngain tede dinyege ke njé ndann nganngé se njé ke nganngé à ili mba kàde de't bai kêm ndɔnge't nè nga.
- ²⁰Ɔji tà se Nube le kade nan kan-in nan le si nga è bara lé a, éké se ndɔ taa kebe lé a tɔ.

²¹Nyantowurge ke à teei kêm ndonge't nè nga, ei nyange ke teei ndo karé lé mari loo kunde gir nang't sár tee bila. Tagar nyantowurge nè à teei gugu rang ndan lé a to.

²²Ke nè á Nube gang tà ndoge nè nga do lé baa, doo karé ke ayé kinge kaje géa goto. Nè Nube à gang tà ndoge nè do tede tà le njé ke è tor de.

²³Ke nè á doo karé ede sei ede nè: «An-in! Krist nga è nè», éké «è nú bè» baa, umi kêm si dè tà't le'n lé.

²⁴Njé tête tà kunde tà Krist't se njé tête tà kunde tà Nube't à undei loo teei. A rai nyankobege se nyanpindege ke tooi bel tede le kade bainléa súii njé ke Nube tor de kuwe géa to.

²⁵Gir'n ke nè á man m'ede'n sei tà nyange nè nga kété kade ooi.

²⁶Ke nè á d'ede sei d'ede nè: «An-in! n'ee nga, n'nda kêm dile't non» baa, i teei awi tutu lé. Loo ke d'ede sei d'ede nè: «An-in! n'ee nga, n'ndi du loo't kei non» baa, umi kêm si dè't lé.

²⁷Titeke ndi têt loo tee't le kàde ndoin sár tee loo kur't le kàde nga, ndo tel ree le'm man ke m'ee Ngonn doo nga géa à è titeke bè to.

²⁸Loo ke rara ke ninn tò tutu baa, è loo'n nè á malge à kebi nan tutu.

Ndo tel le'm man Ngonn doo

(An-in Marc 13.24-27; Luc 21.25-28 to)

²⁹Go ndo nyantowurge't nè nga baa, ke loon't nè kuwe kàde à tel ndul a, nan à nda lé a, konyonge à unni gir tosoi nang a, togmong-ge ke uwei nyange ke danrán nan't sêm-sêm nga, à yeyi buk-buk a to.

³⁰Nyantowege le'm man ke m'ee Ngonn doo à teei kàde danran't. E á girkoje dooge malang ke dè nang nè à undei de dai-dai se non. Girkoje dooge malang à an-in man ke m'ee Ngonn doo loo tel ree't le'm dann kil't le ndi se togmong a, se ndubra a to.

³¹M'a m'ule dooge le'm ke danrán se burunju ke à bar kase loo nák-nák le kade oosi nja dooge le'm ke m'tor de m'unde de se ninn'n gai dè nang bere mbak, loo tee't se loo kur't le kàde, dè jikon se dè jigel a to.

Jésu unn tà le kage koté oje'n dè Konbee le Nube ke nain ngor

(An-in Marc 13.28-31; Luc 21.29-33 to)

³²Gostà ke oje dè kage koté nga, à ade a i geri gir tà nè nga maje. Loo ke balkumnge unni gir tube mên-mên a, mbinngi iti duk-duk a to baa, sei geri titeke nan bar è ngor.

³³Sei géa, loo ke an-in nyange nè nga teei malang titeke bè baa, maje kade i geri titeke man ke m'ee Ngonn doo nga m'ee ngor tàbit keige't.

34 Kerote kuwe, man m'ede sei ndàt, nyange nè nga malang à undei loo teei kété pa bita girkoje dooge ke ndii dè nang nè darinè à gang dás bai.

35 Danran se nang nè à gotoi bai, nè tàge le'm à teli yai ndan lé sár kade nyange nè malang undei loo teei kété bita.

Nube kuwe karé á ger ndo tee le nyange nè

(An-in Marc 13.32-37; Luc 17.26-30,34-36 to)

36 Tà ke oje dè ndo'n éké kàde'n nga, doo karé bè géa ger lé. Dooge ke danrán éké man ke m'ee Ngonn doo nga géa jè ger lé a to. Nè Bo'm kuwe se kar'n bere á ger.

37 Nyan ke ndo ke tee kêm ndonge't le Noé nga à è titeke bè ndo tel ree le'm man ke m'ee Ngonn doo nga to.

38 Kété bita kade ndo ke mann bêlm ree bai nga, dooge usei se an-in nyan se go dege non dege a, dé táa nan a, d'ade ngann dege géa taai nan a to. Dé ra titeke bè sár tee'n kêm ndon't ke Noé in ur'n kák kêm bato't.

39 Dooge ndii neng sár ade mann bêlm ree pujur'n dè de a, ndum'n de ndarak a to. Ndo tel ree le'm man ke m'ee Ngonn doo géa à è titeke bè kuwe to.

40 Kêm ndo'n nè nga, loo ke dooge joo ndai à rai kule kêm ndor't baa, d'a d'ose njè ke karé seen kunn'n kaw se'n baa, d'a d'inye è ke karé loo ndann't jêke^.

41 Kêm ndon't nè nga, loo ke dinyege joo ndai à uri nyan kêm bir karé't baa, d'a d'ose njè ke karé seen kunn'n kaw se'n, nè d'a d'inye è ke karé loo ndann't jêke^.

42 Bè baa, i ndii kum tede sei geri ndo tel le Kuwe-bee le si nga lé.

43 Maje kade i geri tà nè nga maje: loo ke kuwe-kei ger kàde ke njèbog à ree'n baa, è à oge kum'n bi le kinye loo kade mbuté'n kum bolè bogé'n nyange le'n ke kêm kei lé.

44 Gir'n ke nè á sei géa, uwei dè nja ra si tede man ke m'ee Ngonn doo nga m'a m'tel ree dè kàde ke sei giri't nga lé.

Gar-gar njékuwe-gir-Jésuge à rai kule le'n se ngonn koje

(An-in Luc 12.41-48 to)

45 Ké nan è ngonn njèndi ke gang tchat ke kuwe'n or'n unde'n dè gute madenngé't le kade kai de nyankuse de se ndo karé-karé malang wa?

46 Ngonn njèndi ke ra titeke bè nga, loo ke kuwe'n ree inge'n dè't baa, ra'n a nel'n ngain.

47 Kerote kuwe, man m'ede sei ndàt, kuwe'n à unde'n ke njèkan dè nyanbawge le'n malang.

48 Nè ke né á è ngonn njèndi ke majelé baa, à tam kêm'n't k'ede nè: «Kuwe'm à tile mbor bai.»

⁴⁹E unn gir kuse se kain nyan se goonge nonnge a, tunde ngann njéndi madenngé a tɔ.

⁵⁰Kuwe ngonn njéndi nè nga à tel se ndɔ ke è ndi ngine'n lé a, se kàde ke è ger lé a tɔ.

⁵¹Kuwe'n à rɔ'n kɔke a, à kade aw loo ndi't le njékede gosge. E loo ke ndɔn't dooge à non-in jik-jik tutu a, à ton-in tà de vbat-vbat tutu a tɔ.

Matthieu 25

Sertà le ngamandége ke dɔg

¹Konbee ke danrán nga tò asenan se sertà le ngamandége ke dɔg ke anji geri dingem bai. Ei otoi lampege le de ji de't teei awi tilei non njè taa dinye kige.

²Njé ke mige dann de't ei njé kêm tɔ kuju tà lége a, njé ke mige ei ke gangi tchatge a tɔ.

³Njé ke mige ke njé kêm tɔ kuju tà lége nga, ei otoi lampege le de anje koto wubu'n ji de't.

⁴Nè njé ke gangi tchat nga otoi lampege le de ji de't se wubu'n nan't mbak.

⁵Loo ke njè taa dinye kige nga ree kalang lé bai baa, kum de ojo nan't ngandang-ngandang se bi ade go't baa, dé tò bi sibik a tɔ.

⁶Dann loo bɔp baa, doo karé tam tà beng ede nè: «An-in! njè taa dinye kige nga, i teei i tilei non'n.»

⁷Ngamandége ke dɔg nè nga ɔsi nang wum in-in gir bi't, gɔli lampege le de.

⁸Njé ke kêm de tɔ kuju tà lége nga deji njé ke gangi tchat edi nè: «Adi jè wubu lampe nga ndêin se si, tede lampege le jé à wei.»

⁹Ngamandége ke gangi tchat nga teli ilei de dè't edi nè: «Naje, naje, wubu le jé nga ase kade jè kayai nan lé. Sei kuwe ɔti awi bee le njé kigenngé i ndogoi le si.»

¹⁰Nè loo ke d'a d'aw ke loo ndogonn't bai baa, njè taa dinye kige nga tee pan. Ngamandége ke uwei dè nja ra de nga uri lèbêt awi se njè taa dinye kige nè nga kei nan't. Ke loon't nè kuwe d'utu tàbit kei.

¹¹Mbɔr go't gugu baa, ngamandége ke mi nga teli reei edi nè: «Kuwe-bee, Kuwe-bee, ɔr tàbit kei ade jè sei.»

¹²Nè Kuwe-bee tel ede de ede nè: «Kerɔte kuwe, man m'ede sei ndàt, man m'ger sei lé.»

¹³Jésu tel ede de bai ede nè: – I ndii dè nja si't tchên tede sei geri ndɔ'n éké kàde'n lé.

Sertà le ngonn ngar ke um nar ji ngann njéndige't le'n

(An-in Luc 19.11-27 tɔ)

- 14**Konbee ke danrán nga, è tite dingem karé bè ke ndi aw mba kêm beekon ke rang't. E bar ngann njéndice le'n ke kinge'n um nar le'n ji de't. E ade de nar ase de tɔg de, tɔg de.
- 15**E ke karé, è ade'n nar kule ke ndɔ aru mi. Ngonn njéndice ke njèkon't joo nga, è ade'n nar kule ke ndɔ aru joo. E ade ngonn njéndice le'n ke njèkon't mute nar kule ke ndɔ aru karé. Kuwe ngann njéndice nè nga ade nar ase de tɔg de, tɔg de baa, è ɔte dáak aw.
- 16**Ngonn njéndice ke inge nar kule ke ndɔ aru mi nga, ɔte ke loon't nè aw ndogo'n nyan tur gir baa, è inge made aru mi de't.
- 17**Ngonn njéndice ke njèkon't joo nga géa, aw ndogo nyan tur gir tɔ. E inge made aru joo de't.
- 18**Ngonn njéndice ke njèkon't mute ke inge nar kule ke ndɔ aru karé nga, ɔte aw dubu nar le kuwe'n nè nga nang bàj.
- 19**Loo ke kur'n heb dáak baa, kuwe ngann njéndice nè tel ree le mboje kɔr nar le'n ke è um ji de't nga le kan.
- 20**E ke d'ade'n nar kule ke ndɔ aru mi nga, inge made de't aru mi. E ree ra kuwen't ede'n ede nè: «kuwe'm, ndɔ ke ade'm nar kule ke ndɔ aru mi. An! darinè, m'inge made aru mi de't.»
- 21**Kuwe'n tel ile'n de't ede nè: «Maje ngain, i i ngonn njéndice ke maje, m'ase kum kêm'm deit kuwe. Nyan ke ndèin bè ke ndɔ ke m'adi nga, i tɔse kumi de't ade tee kɔde. M'a m'ori kundei ke njèkan de nyange le'm ke rang bai. I ree, i ra ranel se'm man kuwei.»
- 22**Ngonn njéndice ke d'ade'n nar kule ke ndɔ aru joo nga géa ree ra kuwen't tɔ ede nè: «Kuwe'm, ndɔ ke i ade'm nar kule ke ndɔ aru joo. An! m'inge made aru joo de't bai.»
- 23**Kuwe'n tel ede'n ede nè: «Maje ngain, i i ngonn njéndice ke maje, m'asekum kêm'm deit kuwe. Nyan ke ndèin ke ndɔ ke m'adi nga, i tɔse kumi de't ade tee kɔde. Man m'ori kundei ke njèkan de nyange le'm ke rang bai. I ree i ra ranel se'm man kuwei.»
- 24**Ngonn njéndice ke d'ade'n nar kule ke ndɔ aru karé nga géa ree ke le'n tɔ. E ede kuwe'n ede nè: «Kuwe'm m'ger kété mari titeke i doo ke tur ngain, tede loo ke i dubu ko tutu lé géa aw i sa ko tutu a, kêm gar ke i naje nyan tutu lé géa aw ɔi nyan tutu a tɔ.
- 25**Gir'n ke nè á, m'beli ngain ade m'aw se nar lei ke ndɔ ke ade'm nga, m'dubu nanga m'boɔɔ. An! nyan lei á tò nè, i taa.»

²⁶Kuwe'n tel ile'n dè't ede nè: «I i ngonn njèndi ke njèkêmyêr se njèdabe. Ke nè á i ger kété mari tite m'aw m'sa ko loo ke m'dubu nyan tutu lé a, kêm gar ke m'naje nyan tutu lé géa m'aw m'oi nyan tutu a tɔ baa,

²⁷né ndɔ ke a inye nar le'm ji njé ngonm narge kei ngonmn't kade ndɔ tel'm baa, m'inge mann'n dè't.

²⁸I taai nar kule ke ndɔ aru karé nga jiyé't kɔke adi madé ke aw se nar kule ke ndɔ aru mi nga dè made't.

²⁹Oiyo, nanan ke aw se nyan jinn't baa, d'a d'ade'n made ngain dè't kade taa ra'n pel-pel. Nè nanan ke aw se nyan jinn't lé baa, nyan ke ndêin bè ke tò jinn't nè nga d'a d'uwe wont taa jinn't kɔke.

³⁰Ngonn njèndi ke njè kɔge nyan tee kɔde nga, ilei nin dann loo ke ndul't nata. E loo ke ndɔn't dooge à non-in se mann non kum de't tutu a, à toin tà de vbat-vbat tutu a tɔ.

Krist, Ngonn doo tel à ree le gangtà ke ngeinn't

³¹Loo ke man ke m'ee Ngonn doo m'a m'tel ree se dooge ke danrán malang dann ndubra't le'm, kêm ndɔn't nè nga m'a m'al dáng ndi dè kutu-ngar't le'm.

³²Kêm ndɔn't nè d'a d'ose nja kosdooge ke dè nang nè malang nan't nonm't. M'a m'or kum dooge ke nange dann made dege't titeke njèkul nyan ɔr'n kum batege se bal-binyege bè.

³³M'a m'ade batege à ndai dè jikonm't a, bal-binyege à ndai dè jigelm't a tɔ.

³⁴Ngar à ede njé ke ndai dè jikonn't kede nè: «Sei njénonkarge ke ingei ndutor le Bɔ'm nga, i reei on-in bee ke d'uwe dè nja d'ɔje'n dè si kété mari loo kunde gir nang't.

³⁵Kerɔte kuwe, ndɔ ke ɓo ra'm baa, sei adi man nyan m'use. Ndɔ ke kunde mann tɔl'm baa, sei adi man mann m'an-in. Ndɔ ke m'ee doo ke dɔ baa, sei uwei man ke ra si't.

³⁶Ndɔ ke m'njiye ra'm karè ndát-ndát baa, sei adi man kubu m'tule ram't. Ndɔ ke ra'm tur'm baa, sei ilei kum si dèm't. Ndɔ ke m'tò dangai't baa, sei reei an-in man.»

³⁷Njé ra nyan se dè najenngé à deji Jésu kedi nè: «Kuwe-bee, ké ndɔ ke ra á j'an-in loo ɓo ke rai't á j'adi nyan use wa? Ké ndɔ ke ra á j'an-in loo kunde mann ke rai't á j'adi mann j'adi an-in wa?

³⁸Ke ndɔ ke ra j'an-in ke doo ke dɔ á j'uwei ke ra jé't wa? Ké ndɔ ke ra á i njiye rai karé ndát-ndát á j'adi kubu i tule rai't wa?

³⁹Ké ndɔ ke ra á i tò ratur éké i tò dangai't á j'aw j'an-in wa?»

⁴⁰Ngar à tel kile de dè't kede nè: «Kerote kuwe, man m'ede sei ndàt, nyan malang ke do-do sei i rai se ngonn karé ke ndêin bè dann ngakonmge ke ndii nè't nga baa, è man kuwe á i rai se'm non.»

⁴¹Ngar à kede njè ke ndai dè jigeln't k'ede nè: «Sei njénonkilge, òti tam't ke rang awi dann por ke à wei ndan lé ke d'uwe dè nja d'òje'n dè sú se ngann njékulege le'n.

⁴²Oiyo, ndo ke bo ra'm baa, sei adi man nyan m'use lé. Ndo ke kunde mann ra'm baa, sei adi man mann m'an-in lé.

⁴³Ndo ke m'ee doo ke do baa, sei uwei man ke ra si't lé. Ndo ke m'aw ra'm karé ndát-ndát baa, sei adi man kubu m'tule ram't lé. Ndo ke ra'm tur'm a, m'tò dangai't a to baa, sei i reei an-in man lé.»

⁴⁴Njé ke ndai dè jigeln't nga géa à teli deji ngar kedi nè: «Kuwe-bee, ké ndo ke ra á j'an-in loo bo se kunde mann ke rai't éké j'an-in ke doo ke do éké aw rai karé ndát-ndát éké ratur rai éké i tò dangai't á jè mbate ra sei wa?»

⁴⁵Ngar à tel kile de dè't kede nè: «Kerote kuwe, man m'ede sei ndàt, nyan malang ke sei mbati rai se ngonn ke ndêin bè karé dann madenng'e't nè nga baa, è man kuwe á i rai se'm non to.»

⁴⁶Njé ke ndai dè jigel à òti kawi loo ke kure nyan ra de à òde kum de tutu sár se non. Nè njé ra nyan se dè najenng'e à òti kawi loo ndikumgajer sár se non.

Matthieu 26

Juipge ori nan tà le toli Jésus

(An-in Marc 14.1-2; Luc 22.1-2; Jean 11.45-53 to)

¹Loo ke Jésus tam tàge nè nga gir gang dás bá baa, è ede njékuwe-girnge ede nè:

²– Sei geri titeke nain ndo joo baa à è ndo ra nan Paque. Man ke m'ee Ngonn doo nga, d'a d'uwe'm kule'm ji dooge ke geri Nube lé tede kàde beri man do kàde kage-ke-dese't.

³Maw njékuje nyan-mesege se dooge ke kum de unju dann kosdooge ke Israel òsi nja nan nam-nam kêm geng't le maw njékuje nyan-mese ke ri'n nè Caiphe.

⁴Ei umi tà le de nan't têtêre^ le kade dé ra gos d'uwe Jésus dé tol'n kòke.

⁵Nè ei tami edi nè: – E tà le kuwe'n tàkum dooge ndo ra nan't lé, tede kosdooge à in-in se jéi se tà.

Dinye karé tête wubu dè Jésus't

(An-in Marc 14.3-9; Jean 12.1-8 to)

⁶Jésu ndi kêm bee ke Béthanie kei le Simon ke kété banje ra'n.

⁷Loo ke è ndi tà nyankuse't baa, dinye karé bè ree aw kei goon't se ku wubu ke dé ra se her ke ri'n nè albatre. Wubu nè nga rusu kêm kuu'n neŋ. E wubu ke nar'n ur kugu, nè dinye nè or tà'n tabai è tête de Jésus't.

⁸Loo ke njékuwe-gir-Jésuge an-in bè baa, wur de gang mbann ade tami edi nè: – Ké tede ri á dinye nè nga nuju wubu nè se ndáng kòke bè wa?

⁹Ke nè á d'ige wubu nè baa, d'a d'inge nar'n ngain le kai njéndooge.

¹⁰Jésu oo tà ke dé tam nè nga mbak. E deje de ede nè: – Ké è tede ri á i rai dinye nè nga adi or'n yàl-yàl bè wa? Nyan ke è ra se'm nè nga è nyan ke maje.

¹¹Njéndooge nga ndii se si se ndoge malang, nè man baa m'a m'ndi se si se ndo'm ndo'm lé.

¹²Dinye nè nga ndum'm wubu unde konn bita kade d'um'm ngire bai.

¹³Kerote kuwe, man m'ede sei ndat, loo malang ke de nang nè ke d'a d'ile mber Tà ke Maje nè tutu nga, d'a d'or ser nyanra dinye nè kade kêm dooge à olé'n dènn't a to.

Judas uwe de nja kige Jésus bá

(An-in Marc 14.10-11; Luc 22.3-6 to)

¹⁴Judas Iskariot è njékuwe-gir-Jésu ke karé dann njé ke dog-gidé-joo't. E aw ra maw njékuje nyan-mesege't ede de ede nè:

¹⁵– Ke nè á m'ule Jésus nga ji si't baa, ké ri á a adi man wa? Maw njékuje nyan-mesege mboji nar-nda kor-mute adi Judas.

¹⁶Unn gir kêm ndon't nè nga, è sang loo ke kanm le kule'n ji de't.

Jésu ade d'uwe de nja nyan ra nan Paque

(An-in Marc 14.12-21; Luc 22.7-14,21-23; Jean 13.21-30 to)

¹⁷Ndo ke desêin le nan Paque ke anje pululu nga, njékuwe-gir-Jésuge reei rann't deji nin edi nè: – Ké loo ke ra i ndige kade j'uwe de nja nyan ra nan Paque nga tutu j'adi wa?

¹⁸Jésu tel ile de de't ede nè: – Oti awi kêm bee-bò't kêm kei le doo karé edi nin edi nè: «Njèndó dooge nyan tam ede nè: Ndo le'm nain ngor. Man se njékuwe-girmge j'à j'use mapa ke oje de nan Paque nga kêm kei lei.»

¹⁹Njékuwe-gir-Jésuge rai titeke è ede'n de kété nga. Ei uwei de nja nyan ra nan Paque adi asenan bá.

²⁰Tà ndo't baa, Jésus se njékuwe-girnge ke dog-gidé-joo awi ndii tà nyankuse't.

²¹Loo ke ndii à usei nyan baa, Jésus ede de ede nè: – Kerote kuwe, man m'ede sei ndat, doo karé dann si't à ule'm ji dooge't.

22 Kum njékuwe-girnge malang il kororo ade unni gir deje'n tà se gonan-gonan edi nè: – Kuwe-bee, ké è man lé láa?

23 Jésu tel ile de dè't ede nè: – E è ke ule ji'n se'm nan't kê m nyankuse nyan't kuwe á à ule'm ji dooge't.

24 Man ke m'ee Ngonn doo nga, m'a m'ote kaw se go tà ke dé ndang kê m magtub't d'oje'n dè'm. Nè doo ke njèkule'm ji dooge't nga, à an bai! Doo nè nga, ke nè á ndo ke d'oje'n lé géa è soo't.

25 Judas ke njèkule'n ji de't nga deje'n to ede nè: – Njèndó dooge nyan, ké è man wa? Jésu tel ile'n dè't ede nè: – E kuwe i tam tàit non.

Jésu unde gir mapa le Kuwe-bee

(An-in Marc 14.22-26; Luc 22.14-20; 1 Cor 11.23-24 to)

26 Loo ke dé ndi tà nyankuse't baa, Jésu unn mapa karé deje ndutor le Nube bita tête danné ade njékuwe-girnge ede nè: – I taai usei, è ke nè è danra'm.

27 Go't gugu è unn nyankain mann nduu deje ndutor le Kuwe-bee bita tel'n ade njékuwe-girnge ede nè: – Umi pêm-pêm adi nan gute malang.

28 Oiyoy, è ke nè nga è mese'm, mese mann-ra ke d'ade an-in dè nang nè kade dooge bule ingei kê m tin mbit dè kaiyage't le de.

29 Man m'ede sei ndàt, m'a tel kain mann nduu nè gugu ndan lé sár kade ndo ke m'an-in'n se si njè ke kige kê m Konbee't le Baa.

30 Go't gugu, d'ose page bita d'unde loo dé tee d'aw dè mbal't ke kage olivierge ndai tutu bai.

Jésu ede Pierre ede nè a i naji se rai dèm't

(An-in Marc 14.27-31; Luc 22.31-34; Jean 13.36-38 to)

31 Jésu ede njékuwe-girnge ede nè: – Dann ndoo nè kuwe, loo ke a an-in nyan ke à tee dèm't baa, sei malang a i tusi kundekê m le si kinyei. Dé ndang kê m magtub't d'ede nè: «M'a m'unde njèkul dange kum yoo'n baa, kos batege à an-in sanréi nan karé-karé.»

32 Nè loo ke d'a d'ade m'a m'unde loo tee dann njé ke koo't baa, m'a m'aw kété non si't kê m beekon ke Galilée.

33 Pierre unn tà tam ede Jésu ede nè: – Ke nè á dooge ke rang malang à tusi kundekê m le de kinyei tede nyan ke à tee dèit nè nga géa, man baa, m'a m'tusi kinyei ndan lé.

34 Jésu tel ile'n dè't ede nè: – Man m'edi ndàt, dann ndoo nè kuwe a i naje se rai dèm't nja mute bita kuren kunje à non kokero kon bai.

35 Pierre tel ede Jésu ede nè: – Né è tà le kade m'wei sei géa, gar-gar m'a m'tor naje se ra'm dèit ndan lé. Gute njékuwe-gir-Jésuge malang géa tami titeke bè kuwe to.

Jésu ɔje tà se Nube kêl loo ke ri'n nè Gethsémané

(An-in Marc 14.32-42; Luc 22.39-46 to)

36Jésu ree tee se njékuwe-girnge kêl loo ke dé man kagege tutu. Loo nè nga ri'n nè Gethsémané. E ede de ede nè: – I ndii nang loo ke nè't sár adi m'aw nú m'ɔje tà se Nube bita.

37Jésu ade Pierre se ngann le Zébédéege ke joo awi se'n nan't. Nyantosowur unn gir taa ra'n pel-pel ade kàde'n gete get-get.

38E ede de ede nè: – Kêm'm ndinge ra'm sár à kase yoo'm. I ndii loo ke nè't, ɔgi kum si bi se'm.

39Jésu aw mbɔr ke kété baa, oso labe tà kêm'n nang ɔje tà se Nube ede nè: – Bɔ'm, i aseku kute nyantosowur nè nga dèm't mbeng ke rang kuwe. Né è bè géa, i ra nyan ke kêm'm man á ndige lé, nè i ra nyan ke kêmi ndige.

40Loo ke è tel ree ra njékuwe-girnge ke mute't baa, è inge de dè bi't. E deje Pierre ede nè: – Ké sei asikum kɔge kum si bi se'm ase kurloo karé bè lé wa?

41I ndii dè nja si't ɔji tà se Nube tede le kade osoi dann nyan sú't lé. Ndil si ndi kum kuwe, nè danra si á yai.

42Jésu ɔte aw heb dèk ɔje tà se Nube njèkon't joo ede nè: – Bɔ'm ke nè á loo ke kade ute nyantosowur nè nga dèm't mbeng ke rang goto baa, i ra nyan ke kêmi ndige.

43Go't gugu, è tel ree ra njékuwe-girnge't baa, è inge de dè bi't tede kum de ojo nan't ngandang-ngandang se bi.

44Jésu inye de ɔte aw heb dèk ɔje tà se Nube njèkon't mute. E tam kum tà ke kété nga kuwe bai.

45E tel ree ra njékuwe-girnge't bai ede de ede nè: – Ké a ɔdi nan tò bi se taa kebe le si nga kuwe bai wa? An-in! kàde ke d'ule'm man ke m'ee Ngonn doo ji njé ra majelége't ase bá ta.

46In-in do ade j'awi, tede njékule'm ji dooge't nga à ree non.

D'uwe Jésus

(An-in Marc 14.43-50; Luc 22.47-53; Jean 18.3-12 to)

47Loo ke tà nain tà Jésus't bai baa, Judas njékuwe-gir-Jésu ke karé dann njé ke dɔg-gidé-joo't ɔr non kos njérɔge mbuu tee'n pan. Kos njérɔge nè nga ei se kuye kaskar, se dɔgur kage ji de't kêl-kêl. E maw njékuje nyan-mesege se ngatɔgege le kosdooge ke Israel á ulei kos njérɔge nè nga.

48E njékule Jésus ji de't ra nyan karé toje'n dè loo kuwe'n ede nè: – Doo ke m'a m'ra'n lapy a, m'uwe'n kàdem't sêm a to baa, è doo'n nga kuwe, uwei nin.

49Ke loon't nè kuwe, Judas aw ngor ke ra Jésus't ede nè: – Lapyà ngar. E ra'n lapyà a, uwe'n kàdenn't sêm a tɔ.

50Jésu tel deje'n ede nè: – Made'm, nyan ke i ree le ra nga, i ra ta. Dooge agi ke ra Jésus't uwei nin.

51An! doo karé dann njémade-loo-kawge le Jésus or kuye kaskar lêw tuge'n mbi ngonn njèndi le maw njékuje-nyanmese yap.

52Ke loon't nè kuwe Jésus ede doo nè nga ede nè: – I tel se kuye kaskar lei ule kêm sabann't gugu jêke^ . Kerɔte kuwe, njé ke unni kuye kaskar rɔi nga à weii yo kuye kaskar tɔ.

53Ké i gir kêmî't titeke ðarinè m'asekum ðar Bɔ'm kade din-in'm se kos njérɔge ke asi aru ðɔg loo kɔr-mute-mute nga lé wa?

54Tà ke dé ndang kêm magtub ke tò se ninn'n d'ede nè: «Gar-gar nyan nè nga à tee titeke bè» nga, ké à aw loon't deŷ titeke bain wa?

55Kêm kàdenn't nè nga, Jésus deje kosdoo-bulege ede nè: – Ké man m'ee ngar le njékɔse tà se njékonbeege á i reei se kuye kaskarge se ðugur kagege ji si't kêl-kêl tá le kuwe'm wa? Nɔɔ karé-karé malang m'ndi nang dann si't m'ndó dooge nyan kêm kei't le Nube a tɔ. Nè sei uwei man lé.

56Nè nyan nè nga, è titeke bè le kade tà ke njérîbe-dè-tàge ke tà Nube't tami nga aw'n loon't deŷ. Njékuwe gir-Jésuge malang inyei nin ɔti an-in nan karé-karé.

Juipge gangi tà dè Jésus't

An-in Marc 14.53-65; Luc 22.54-55,63-71; Jean 18.13-14,19-24 tɔ)

57Njékɔrgir gute-nduge se ke ngatɔgege ɔsi nja nan kêm kei le Caiphe maw njékuje nyan-mese ndii ngineii. Njé ke reei uwei Jésus nga, awi se'n ra de't.

58Pierre ndolè goo'n nè ade dann de heb ðêk ndêin sár aw'n kêm geng't le maw njékuje nyan-mese. E tête ra'n ndi nang se ngann njéndige le Caiphe tede le kan girson nyan ke d'ayé ra se Jésus.

59Nè maw njékuje nyan-mesege se njégangtàge sangi dooge kade tète tà undei tà Jésus't le kade adi dé tɔl'n.

60Njékɔrgotàge ke lanmge bulei reei loon't, nè ingei tà karé bè ke le tête kunde tànn't lé. Go't gugu ðaa, dooge joo reei tami edi nè:

61– Doo nè nga ndɔ ke tam ede nè: n'asekum tuju gile kei ke tò se ninn'n le Nube nga kɔke le tel ra rang dann ndɔ mute ke mute nè.

62Maw njékuje nyan-mese ɔse nang in ðɔ deje Jésus ede nè: – Tà ge ke dooge nè ilei dèi't nga, ké a tel kile de dè't lé wa?

⁶³Nè Jésu an'n mar-mar anje kile de dè't. Maw njèkuje nyan-mese tel deje Jésu ede nè: – Man m'deji se ri Nube ke njèndi kumgajer le kade ede jè ndàt: ké i nga i Krist Ngonn Nube kuwe wa?

⁶⁴Jésu tel ilé dè't ede nè: – E nga kuwe i tam non bá. Nè man m'ede sei ndàt, unn gir darinè, sei a an-in man ke m'ee Ngonn doo m'a m'ndi dè jikon Nube ke Njètɔgmong't. Sei a kan-in man loo ree't le'm dann bum't dɔ danrán.

⁶⁵Ke loon't nè kuwe maw njèkuje nyan-mese tuwe kubuge ke rann't til parang-parang ede nè: – N'ee nga n'taje Nube bá ta. Ké j'awi ndoo njékɔrgotàge ke rang tede ri bai wa? Dariné n'taje Nube ade ooi se mbi si bá.

⁶⁶Ké tà ri sei giri wa? Njékɔrgir gute-nduge se ngatɔgege ilei maw njèkuje nyan-mese dè't edi nè: – Doo nè nga tà yo uwe dè'n kerɔte kuwe.

⁶⁷Ke loon't nè kuwe d'unn gir tibe yoro kumn't a, dé tunde mbɔr'n njanm-njanm a, njé ke nange biri ji de tɔsi nin tɔlɔk-tɔlɔk a tɔ edi nè:

⁶⁸– Krist, ede jè, ké nan undei non wa?

Pierre tam njáng ede nè n'ger Jésu lé

(An-in Marc 14.66-72; Luc 22.56-62; Jean 18.15-18,25-27 tɔ)

⁶⁹Pierre ndi nang nata kêm geng't. Ngonn njèndi ke dinye karé bè ree ngɔr rann't tam se'n ede nè: – I géa ndɔ ke i njiye nan't se Jésu, doo ke beekon ke Galilée nga tɔ.

⁷⁰Nè Pierre naje se ra'n dè Jésu't tàkum dooge't malang ede nè: – Tà ke i tam nga, m'ger suu'n lé.

⁷¹Pierre ɔse nang in aw kum'n ke tà rebe geng't nata. Ngonn njèndi ke dinye karé ke rang an'n baa, ede dooge ke ndai kêm geng't ede nè: – Doo nè nga, ndɔ ke è nan't se Jésu, doo ke beekon ke Nazareth nga tɔ.

⁷²Pierre tel naje se ra'n dè Jésu't njáng ede nè: – M'ger doo nè nga lé njing kerɔte kuwe.

⁷³Mbɔr go't gugu baa, njé ke ndai kêm geng't reei ra Pierre't edi nin edi nè: – Loo naje'n goto, i nga géa ndɔ ke i dann de't tɔ. Tà tami kuwe ɔr giri.

⁷⁴E á Pierre unn gir mann ra'n dap-dap ede nè: – Naje, doo le si non nga m'ger'n lé njing. Ke loon't nè kuwe kuren kunje non kɔkerɔ kon.

⁷⁵Kêm Pierre olé dè tà ke ndɔ ke Jésu ede'n kété ede nè: «Kété bita kade kuren kunje non kɔkerɔ kon nga, a i naje se rai dèm't ase nja mute.» Pierre unde loo tee nata non bɔkl-bɔkl.

Matthieu 27

D'aw se Jésu non ngar Pilate

(An-in Marc 15.1; Luc 23.1-2; Jean 18.28-32 tɔ)

¹Loo ke loo ar yerer bá baa, maw njékuje nyan-mesege se ngatogege malang le kosdooge malang ke Israel ori nan tà dè Jésu't le kade dé tól'n.

²Loo ke adi d'uwe'n dé tó'n bá baa, adi d'aw se'n d'ule'n ji Pilate njèkonbee't.

Judas ile kule wei mbeng kòke

(An-in NRNK 1.18-19 to)

³Judas ke ndò ke è njèkule Jésu ji de't an titeke dé gangtà yo dè Jésu't bá ta. Ndinge ra ase'n nák. E tel se nar-nda ke kòr-mute nga aw'n ra maw njékuje nyan-mese't se ngatogege le kosdooge ke Israel.

⁴E ede de ede nè: – M'ra majelé tede m'ule è ke tà uwe dè'n lé ji si't. Nè njèkòr non Juipge edi Judas edi nè: – Usu jè nyan karé lé ta. E tà kingei i kuwe.

⁵Judas òte se nar-nda nè nga aw um kòke se ke gile kei't le Nube. E unde loo tee aw ile kule wei.

⁶Nè maw njékuje nyan-mesege òyi nar nda nè nga baa, ei tami edi nè: – Nar nè nga, gute-ndu le jéi inye loo ade jéi le kade jè teli j'umi dann made ke tò se ninn'n kêm sandu't gugu lé, tede è nar mese ta.

⁷Loo ke ori nan tà bá baa, ei òyi nar nè awi ndogoi loo ndòr ji dingem karé ke njèkube jóge. Maw njékuje nyan-mesege ndogoi loo nè nga tede kade è loo dubu dooge ke dòge.

⁸Gir'n ke nè á sár bila géa dé bar'n loo nè nga «ndòr mese.»

⁹Tà ke Jérémie njèribe-dè-tà ke tà Nube't tam kété nga aw loon't deŷ. E tam ede nè: «Dé taa nar-nda kòr-mute, è nar ke ngannkà Israel òji le ndogoi nin.

¹⁰Nar nda nè nga in-in ke kété awi ndogoi loo ndòr le dingem karé ke njèkube jóge. E ke nè á è tà ke ndò ke Kuwe-òee unn'n ndu'n ade'm le kade m'ede de.»

Pilate ule Jésu ji de't kade dé tól'n

(An-in Marc 15.2-5; Luc 23.3-5; Jean 18.33-38 to)

¹¹Jésu nda non Pilate njèkonbee't. E deŷe Jésu ede nè: – Ké i ngar le Juipge wa? Jésu tel ile'n dè't ede nè: – E nga kuwe á i tam non bá.

¹²Nè tàge ke maw njékuje nyan-mesege se ngatogege le kosdooge ke Israel ilei dè Jésu't nga an mar-mar anje kile de dè't.

¹³Tabai Pilate tel deŷe Jésu ede nè: – Tàge malang ke dé tête d'unde tàit nga, ké i oo lé wa?

Dé gang tà yo dè Jésu't

¹⁴Nè Jésu ile'n dè't karé bè lé sár. Tà ige Pilate njèkonbee sêl-sêl.

¹⁵Se bal-bal, loo ke d'ade ra nan Paque baa, njèkonbee òr dangai karé ke doobulege ndigii inye'n dò ade de.

¹⁶Kêm baln't nè nga, doo karé ke kòbe'n oso se loo mbit-mbit tò dangai't. Doo nè nga ri'n nè Barabbas.

¹⁷Loo ke Pilate an doobulege ɔsi nja nan nam-nam baa, è deje de ede nè: – Ké nan sei i ndigii kade m'inye'n do m'ade sei wa? Ké sei i ndigi Barabbas éké Jésus ke dé bar'n Krist nga wa?

¹⁸Pilate ger kété titeke d'uwe Jésus d'ule'n jinn't se go kêmkein karè.

¹⁹Loo ke Pilate ndi nang dè d'inger loo gangtà't baa, neen'n ule doo karé rann't ede nè: – Ile tàì tu tà't le njè ra nyan se dè naje'n nè nga lé. Ndoɔ laa m'nin se'n tò bel ngain.

²⁰Maw njékuje nyan-mesege se ngatɔgege le kosdooge ke Israel umi tà kêm doobulege't le kade deji Pilate ade inye Barabbas tá do ade de, nè Jésus baa ndigi le kade dé tɔl'n kòke.

²¹Pilate njèkonbee tel unn tà deje de bai ede nè: – Dooge ke joo nè nga, ké nan dann de't á sei i ndigi kade m'inye'n do m'ade sei wa? Dé tel d'ile'n dè't d'ede nè: – Barabbas á j'è ndige kade inye'n do ade jè.

²²Pilate tel deje de kuwe bai ede nè: – A baa, ké ri á m'a ra se Jésus ke dé bar'n Krist nga wa? Dé malang dé tel d'ile'n dè't d'ede nè: – Maje kade ade dé ber'n kàde kage-ke-dese't.

²³Pilate tel nda deje de kuwe bai ede nè: – Ké majelé ri á è ra wa? Nè dé tel ra nyan wuu se tɔg de d'ede nè: – Maje kade ade dé ber'n kàde kage-ke-dese't ke ber kuwe bè.

²⁴Loo ke Pilate an titeke nyan ke soo't goto nè doobulege rai nyan wuu ke kété-kété baa, è unn mann togo'n ji'n tàkum dooge't malang ede nè: – Man baa, tà le mese njè ra nyan se dè naje'n nè nga uwe dè'm man lé. E tà le si sei kuwe.

²⁵Kosdooge malang ilei nin dè't edi nè: – Maje kade tà le mese'n uwe dè jè se ngann jége.

²⁶Titeke bè Pilate ɔr Barabbas inye'n do ade de. Nè Jésus baa, ade d'unde'n se ndèin maru dáp-dáp bita ule'n ji de't le kade d'aw se'n dé ber'n kàde kage-ke-dese't bai.

Njérɔge tulei mbe dè Ngar't le Juipge

(An-in Marc 15.16-20; Jean 19.2-3 tɔ)

²⁷Njérɔge le Pilate njèkonbee ɔri Jésus awi se'n kei le Pilate. Ei ɔsi nja njérɔge nan't malang an-in dè Jésus kíng-kíng.

²⁸Loo ke ei tɔri kubuge le'n rann't bá baa, ei ulei nin kubu le de ke bòi yul a, ker perm-perm a tɔ rann't.

²⁹Dé pete konn ke jɔkɔ-ngar d'ule dènn't a, dé ra kage ke tà duge d'ule jikonn't ke kage-tɔse le ngarge a tɔ. D'ɔse keje de nang nonn't d'ule'n mbe dènn't d'ede nè: – Ngar le Juipge lapyta.

³⁰Dé tibe yoro kunn't a, dé taa kage ke tà duge ke jinn't dé tunde'n dè'n vbak-vbak a tɔ.

³¹Loo ke njérɔge ulei mbe dè Jésu't ase de bá baa, ɔri kubu le de ke bòi yul ke ker perm-perm ke kété ulei rann't kɔke. Go't gugu ei teli tulei nin kubu le'n pa bita awi se'n le tɔl'n kàde kage-ke-dese't bai.

D'aw se Jésu loo tɔln't

(An-in Marc 15.21-32; Luc 23.26-43; Jean 19.17-27 tɔ)

³²Loo ke njérɔge à undei loo le teei se Jésu kawu se'n gide bee-bò't nata baa, ei ingei dingem karé ke bee le'n è Cyrène deɲ. Ei undei tɔg dènn't le kade unn kage-ke-dese le Jésu nga oto. Dingem nè nga ri'n nè Simon.

³³Dé ree tee loo karé't bè ke ri'n nè Golgotha, tel ta kɔje jéi baa è «Ngó dè dooge».

³⁴Njérɔge adi Jésu mann nduu ke pɔti nan't se mann nyan karé ke ate ngain kade an-in. Nè loo ke è nan ndèin baa, è ndige kain lé.

³⁵Loo ke njérɔge beri nin kàde kage-ke-dese't bá baa, ei tɔri kubuge le'n ke rann't turi jala dè't le kan ké à ei le nan wa?

³⁶Dé tel dé ndi nang d'ade ngonm Jésu.

³⁷Dé ndang gir tà ke d'ile'n tà dènn't kade kage-ke-dese't, dènn't dɔ d'ede nè: «Doo nè nga è Jésu, ngar le Juipge.»

³⁸Dé ber gon-bogege joo se'n nan't. Dé ber è ke karé dè jikonn't a, è ke karé dè jigeln't a tɔ.

³⁹Dooge ke derri loo't nè nga taji Jésu a, tugei dè de nèk-nèk a tɔ, edi nè:

⁴⁰– I ke njè tuju gile kei ke tò se ninn'n le Nube le tel ra'n gugu rang dann ndo mute't nè kuwe, ke nè á i Ngonn Nube kerɔte baa, i taa rai i kuwe tà yo't, i rise nang kàde kage-ke-dese't nè nga ade j'an ta.

⁴¹Maw njékuje nyan-mesege géa tulei mbe dènn't titeke njékɔrgir gute-nduge se ngatɔgege tulei mbe dènn't nga tɔ.

⁴²Njékuje nyan-mesege tami edi nè: – Ndo ke n'aje njé ke rang nè n'ase kaje rayé n'ee kuwe lé. Ke nè á n'ee ngar le Israelge kerɔte baa, maje kade n'rise nang kade kage-ke-dese't d'arinè n'ade j'an baa, j'à j'um kêm jé dèyé't.

⁴³N'unde kêmé dè Nube't tchên. Ke nè á tur'n tedé kerɔte baa, maje kade taayé tà yo't d'arinè ade j'an, tede ndo ke n'tam n'ede nè: «Man m'ee Ngonn Nube.»

⁴⁴Gon-bogege ke joo ke dé ber de se Jésus nan't kade kage-ke-dese't nga géa, taji nin tɔ.

Tà Jésus tête nyonk

(An-in Marc 15.33-41; Luc 23.44-49; Jean 19.28-30 tɔ)

⁴⁵Kàde nda dann bee bɔp. Tilkus sebe rip dè nang nè bere mbak sár ade kàde ke mute ke loo solé ase'n.

⁴⁶Loo ke nain ngɔr kade kàde ke mute ase baa, Jésus tam tà se ndu'n ke bòi beng ede nè: – Eli, Eli, lema Sabachthani, gir'n è: «Nube le'm, Nube le'm, ké tede ri á i sure'm inye'm wa?»

⁴⁷Loo ke doo ke nange ke ndai loon't nè ooi tà ke Jésus tam nè nga baa, ei tami edi nè: – Ooi, doo nga bar Elie.

⁴⁸Ke loon't nè kuwe, doo karé dann de't an-in ngɔde aw unn nyan karé ke tanan se kann njan bè ule dann mann nduu ke mase't. Tabai è ule tà kàde nyan't ule ade Jésus le kade njibe.

⁴⁹Nè njé ke rang tami edi nè: – Inye ade j'an-in ké Elie nga à ree le kajé wa?

⁵⁰Jésu tel tam tà se ndu'n ke bòi beng, ke loon't nè kuwe tà'n tête nyonk.

⁵¹An! tà kubu ke dé gang'n gile kei ke tò se ninn'n ribe danné loo joo, unn gir do sár oso'n nang banjang. Ke loon't nè kuwe, nang yei buk-buk a, herge njanrein danné ngangang-ngangang a tɔ.

⁵²Tà be-badege tein ade danra njétaakêm-Kristge bule ke ndɔ ke weii undei loo teei dann njé ke koo't a tɔ.

⁵³Loo ke Jésus unde loo tee dann njé ke koo't bá baa, njétaakêm-Kristge ke ndɔ ke weii undei loo teei pan awi kêm bee-bò ke tò se ninn'n adi dooge bule ngain an-in de.

⁵⁴Loo ke njèkan dè njérɔge ke aru karé se njérɔge ke ngonmi Jésus se'n, ei an-in nang ke yei buk-buk se nyange ke teei nè nga baa, bel unde ndàt gang dè ade tami edi nè: – Loo naje'n goto, doo nè nga è Ngonn Nube kerɔte kuwe.

⁵⁵Dinyege bule ke unni gir danni Jésus beekon ke Galilée nga ndai heb, ei an-in nyange ke teei nè nga. Dinyege nè nga, ndɔ ke ei njé ra se Jésus dè nyange ke è aw ndoo'n.

⁵⁶Marie ke bee le'n è Magdala se Marie ke kon Jacques se Joseph se kon nganngé le Zébédée géa ei dann dinyege't nè nga tɔ.

Joseph ke bee le'n Arimathée dubu ninn Jésus

(An-in Marc 15.42-47; Luc 23.50-56; Jean 19.38-42 tɔ)

⁵⁷Loo ke loo sol bá baa, dingem karé ke è baw ree. Doo nè nga géa è njèkuwe-gir-Jésu tɔ. Ri'n nè Joseph. Bee le'n è Arimathée.

⁵⁸Dingem nè nga aw ra Pilate't de je'n ninn Jésu. Pilate unn ndu'n le kade d'ade Joseph ninn Jésu.

⁵⁹Joseph unn ninn Jésu aw'n um'n ngire se tà kubu ke kige ke ra lënd-lënd.

⁶⁰E unn ninn Jésu aw unde ndeŋ kêm bolè mbal ke ade dé son kige oje'n dè'n è Joseph kuwe. Go't gugu, è ndubri kuberi her ke bòi utu'n tà be-bade nè nga bita ote aw bai.

⁶¹Marie ke bee le'n è Magdala se Marie ke karé ke rang ndii nang turi kum de ke tà bade't.

Njérɔge ngonmi dè bade Jésu tchên

⁶²Barè lookar'n à è ndo ke njè kutu go ndo kuwe dè nja nyange. Maw njékuje nyan-mese se Pharisienne o si nja nan awi se ra de ra Pilate't edi nin edi nè:

⁶³– Ngar ke maje, kêm jé olé dè tà't le njè libe kum dooge nè. Kété ke ndii'n se dè'n do bai nga, è tam ede nè: «Ndo ke njékon't mute baa, m'a m'unde loo tee dann njé ke koo't.»

⁶⁴Unn ndui ade njérɔge ngonmi dè bade nè nga tchên sár ndo ke njékon mute, nè bainléa njékuwe-girége à reei kori ninné se boge baa, à teli kawi kedi kosdooge kedi nè: «Jésu nga unde loo tee dann njé ke koo't bá.» E ke nè á è tà libe kum dooge ke à majelé ngain dum ke kété nga bai.

⁶⁵Pilate ede de ede nè: – An-in! njérɔge á ndai nè. Awi baa i ngonmi dè bade nè nga tchên titeke sei ooi se mbi si.

⁶⁶Maw njékuje nyan-mesege se Pharisienne o ti awi ndubri kuberi her ilei tà be bade't, tabai, lon-in tà langt-langt bita undei njérɔge tà't kade ngonmi bai.

Matthieu 28

Jésu unde loo tee bada

(An-in Marc 16.1-10; Luc 24.1-12; Jean 20. 1-10 to)

¹Ndo ke njè kutu go ndo taa kebe nga, Marie ke bee le'n è Magdala se Marie karé ke rang teei tàgir loo't karè awi le kan-in dè bade.

²An! ke loon't nè kuwe nang yei buk-buk. Kuwe-bee ule doo le'n ade in danrán ree ndubri her ke bòi ke d'utu'n tà be bade nè nga ile rang al ndi dè't.

³Ra'n ndoin tite ndi ke têt a, kubu ke rann't nda káng-káng tite kew bè a to.

⁴Bel ra njé ngonm looge ngain ade ndebi nginn-nginn teli tooi asinan se ninngè bè.

⁵Doo ke danrán ke Kuwe-bee ule'n nga ede dinyege ede nè: – Sei baa, i beli lé. Ma m'ger titeke sei sangi Jésu ke dé ber'n kàde kage-ke-dese't nga.

⁶E goto loo ke nè ta, tede è unde loo tee dann njé ke koo't titeke è tam'n kété nga. I reei an-in loo ke kété tò tutu nga.

⁷Awi law-law edi njékuwe-girnge edi nè: «Jésu nga unde loo tee dann njé ke koo't bá. An-in! è aw non si't kété kê m beekon ke Galilée. E á à è loo ke sei a kan-in nin tutu nú.» E ke nè á è tà ke man m'ede sei.

⁸Ke loon't nè kuwe bel ra dinyege nè ngain ade òsi nang in-in dè bada se ngode awi. Nè ra de nel de ngain. Ei awi se tàge nè edi njékuwe-gir-Jésuge.

⁹Jésu unde loo tee pan ke ra de't ede de ede nè: – M'ra sei lapyá. Dinyege nè agi ngor reei rann't uwei nja'n, òyi nin.

¹⁰Jésu ede de ede nè: – I beli lé ta. Awi edi ngakonmge ade awi gar-gar kê m beekon ke Galilée. E á è loo ke à an-in man tutu nú.

Ser nyange ke njérõge òri adi maw njékuje nyan-mesege

¹¹Loo ke nja dinyege nè nain rebe bai baa, njérõge ke nange ke njé ngonm dè badege teli awi kê m bee-bò't òri ser nyange malang ke teei nga kété adi maw njékuje nyan-mesege ooi.

¹²Maw njékuje nyan-mesege awi òsi nja ngatõgege le kosdooge ke Israel nan't òri nan tà. Loo ke umi tà le de nan't bá baa, go't gugu òyi nar buk adi njérõge baa, ei edi de edi nè:

¹³– Awi i tami edi nè: njékuwe-girnge á reei ndõ òri ninn'n se bõge loo ke sei i tooi bi.

¹⁴Ke nè á tà nè nga oso mbi njékonbee't baa, jè kuwe j'à ger loo k'ee der gir si kade kê m si too'n lom.

¹⁵Njérõge taai nar nè nga baa, ei rai titeke d'ede'n de kété nga tõ. Titeke bè á tà nè nga oso'n se loo mbit-mbit dann Juipge't sár tee kê m ndõ ke bila.

Jésu tõe ra'n ade njékuwe-girnge an-in nin

(An-in Marc 16.14-18; Luc 24.36-49; Jean 20.19-23; NRNK 1.6-8 tõ)

¹⁶Njékuwe-gir-Jésu ke òg-gidé-karé òti awi kê m beekon ke Galilée dè mbal't ke ndõ ke Jésus unn ndu'n ade de le kade d'inge'n tutu nga.

¹⁷Loo ke d'an'n bá baa, d'ule dè de nang dé òi'n, nè kê m njé ke nange nda geng dènn't bai.

¹⁸Jésu aw ngor ke ra de't ede de tàge titeke bè ede nè: – Man nga, d'ade'm tõgmong dè nyange malang ke danrán se ke dè nang nè.

¹⁹Awi, i teli dooge malang ke ei Juipge lé ke njékuwe-girmge. Ulei de manné njõnm se ri Bõ'm a, se ri Ngonn a, se ri Ndil-Kê mnda a tõ.

²⁰I ndói de loo kile koje dè ndukunngé malang ke kété m'unn m'ade sei nga. An-in! man nga géa m'a m'ee der gir si se ndõ karé-karé malang sár ndõ ke ngeinn't.

Marc

Marc 1

Mber kile le Jean ke njèkule dooge manné njonm

(An-in Matt 3.1-12; Luc 3.1-18; Jean 1.19-28 to)

- ¹Tà ke Maje le Jésu-Krist, Ngonn le Nube nga unn gir'n titeke bè.
- ²Dé ndang kêm magtub't le Esaie njèribe-dè-tà ke tà Nube't d'ede nè: «An! m'ule njèkawkule le'm noin't. E à gɔl rebe lei.
- ³E ndu dingem karé ke njèkile mber kêm dile't ede nè: I gɔli rebe le Kuwe-bee Krist, i rai kile rebe le'n adi asenan lêtêt.»
- ⁴Jean ke njèkule dooge manné njonm unde loo tee kêm dile't ile mber ede nè: – I turi hal si adi d'ule sei manné njonm. Titeke bè á Nube à inye'n go kaiyage le si.
- ⁵Dooge ke beekon ke Judée bere mbak se njé ke kêm bee-bò ke Jérusalem malang awi rann't ɔri gir kaiyage le de ke nata adi ule'n de manné njonm dann ba ke Jourdain loo ke ɔri gir kaiyage le de ke nata.
- ⁶Jean ule kubu ke ngal ke d'ojo se bin lugman rann't, è dɔ bedé'n se ndar; ganrin dɔg-ge se wubu tuju ke walé á ke nyankuse'n.
- ⁷E ede doobulege ndàt ede nè: – E ke à ree goom't gugu non nga tɔgmong le'n dum dè le'm; man m'ase tutu kule gabang-ge ke njann't lé.
- ⁸Ma m'ule sei manné njonm, nè è baa à ɔr sei kunde sei se ninn'n se Ndil-Kêmnda.

Jean ule Jésu manné njonm a, sú nan'n a tɔ

(An-in Matt 3.13–4.11; Luc 3.21-22; 4.1-13 to)

- ⁹Kêm ndɔnge't nè nga, Jésu in Nazareth beekon ke Galilée ree ade Jean ule'n manné njonm dann mann ke Jourdain.
- ¹⁰Loo ke à unde loo dann mann't le tee baa, ke loon't nè kuwe è an kum danran teen halal, Ndil ree ndi dènn't tite der-nda bè.
- ¹¹Ndu Nube bar danran nú ede nè: – I i Ngonn'm ke m'tári ngain, i nyan ranel le'm a tɔ.
- ¹²Ke loon't nè kuwe, Ndil ɔse'n aw se'n kêm dile't.
- ¹³E ra ndɔ kɔr-sɔ kêm dile't, Sú ree rann't ule kêm'n. E ra bee se dange ke walé, nè dooge ke danrán rai se'n dè nyan ke aw ndoo'n.

Jésu bar mbawge sɔ

(An-in Matt 4.12-22; Luc 4.14-15; 5.1-11 to)

- ¹⁴Loo ke d'uwe Jean d'ile'n dangai't bá baa, Jésu in ree beekon ke Galilée, è ile mber Tà ke Maje le Nube, ede nè:

15– Ndo ke Nube oje nga ase deŋ ďarinè ta, Konbee le Nube nain ngor. I turi hal si, undei kêm si dè Tà ke Maje't a to.

16Loo ke Jèsu à njiye tà ba ke Galilée baa, è an Simon se ngokon'n André ndai à ilei bure le de dann ba't tede ei mbawge ke njékose kanjege.

17Jèsu ede de ede nè: – Unni rebe goom't, m'a m'tel sei ke njéndon dooge ďarinè ta.

18Ke loon't nè kuwe, d'inye burege le de, d'unn rebe goon't.

19Loo ke è aw ndêin ke kété baa, an Jacques ngonn le Zébédée, se ngokon'n Jean, ndii kêm ngonn bato't à goli burege le de.

20Ke loon't nè kuwe, Jèsu bar de baa, ei inyei bo de Zébédée kêm ngonn bato't se njékulege le'n unni rebe go Jèsu't.

Jèsu aje dingem ke ndil ke majelé tò kêm'n't

(An-in Luc 4.31-37 to)

21Jèsu se njékuwe-girnge awi kêm bee ke Capernaum. Ke loon't nè kuwe, Jèsu aw kêm kei kebe nan't se ndo taa kebe, è unn gir ndó dooge nyan.

22Tà ige de sêl dè gos nyan-ndó't le'n. E ndó de nyan se togmong ke Nube ade'n m ndó de nyan tite le njékorgir gute-nduge karè lé.

23Dingem karé ke ndil ke majelé tò kêm'n't ndi kêm kei kebe nan't nè nga to. Ke loon't nè kuwe, è tam tà se ndu'n ke bòi ede nè:

24– Ké usi ri ra jé't wa? I Jèsu ke Nazareth. Ké i ree le tuju jè kòke ta wa? Man m'geri mbak, i i ke njè maje kor njêt le Nube.

25Jèsu in se ndil ke majelé ndáng'n ede nè: – Ade asi, unde loo i tee kêm dingem't nè kòke.

26Ndil ke majelé sure dingem nè mbangang-mbangang a, ade non berer-berer bita unde loo tee kêm'n't bai.

27Ndil dooge malang tee an-in soin-soin ade deji nan tà edi nè: – Ké nyan nè nga è ri wa? E nyan-ndó ke gai se togmong ke in ra Nube't. Ndilge ke majelé géa Jèsu on de njanm-njanm ade ulei dè de adii.

28Ke loon't nè kuwe, kòbe nyan ke Jèsu ra nga oso se loo mbit mbit kêm beekon ke Galilée bere mbak.

Jèsu or ratur ra dooge't bule

(An-in Matt 8.14-17; Luc 4.38-41 to)

29Loo ke Jèsu unde loo tee nata kêm kei kebe nan't baa, ke loon't nè kuwe è se Jacques se Jean, awi kêm kei le Simon se André.

30Wum Simon ke dinye tò nang se ratur. Ra'n taa por làm-làm. Ke loon't nè kuwe, dé ree d'ede Jésu tà'n.

31Jésu aw rann't, uwe ji'n ute'n dɔ. Ra'n ke taa làm-làm nga in kengeng. E unn gir ra nyan kuse ade de.

32Tà loo solé, loo ke kàde ur bá baa, d'oto njératurge malang se njé ke ndilge ke majelé rai kum de ndoo dé ree se de som-som ra Jésu't.

33Dooge ke kêm bee-bò't nè bere mbak kebi nan tàbit kei rebe't.

34Jésu ɔr ratur ra njératurge't ke raturge gai-gai rai kum de ndoo. E ɔ ndilge ke majelé kɔke bule kêm dooge't. E inye loo ade ndilge ke majelé tami tà lé, tede ei nè nga geri Jésu mbak.

Jésu ile mber guguru'n kêm beekon ke Galilée

(An-in Luc 4.42-44 tɔ)

35Tà gir loo't, loo ke loo ar lé bai, Jésu in gir bi't unde loo tee kêm kei aw ngang loo't nata. E unn gir kɔje tà se Nube.

36Simon se njé ke ei se'n ndolèi go Jésu.

37Loo ke ingei nin deɣ bá baa, edi nin edi nè: – Dooge malang sangi nin.

38Jésu ede de nè: – Ade j'awi kêm beege ke rang ke tooi kɔte nan't nè, le kade m'ile mber tà le Nube tutu tɔ. E tede è ke nè á m'unde loo m'tee'n kêm bee-bò't.

39Jésu aw ile mber kêm kei kebe nange't le de ke beekon ke Galilée bere mbak. E ɔ ndilge ke majelé kɔke a tɔ.

Jésu ɔr banje ra dingem karé't

(An-in Matt 8.1-4; Luc 5.12-16 tɔ)

40Dingem karé ree ra Jésu't. E ɔse keje'n nang nonn't, ndête'n ɔk-ɔk ede nè: – Kɔkɔ karè, ke nè á i ndige se'm le kade banje ɔr ram't ndát-ndát baa, ram à tel tò karè ndát-ndát kuwe tɔ.

41Jésu an kumndoo le dingem ke njèbanje. E ule ji'n ɔde'n ra njèbanje, ede'n ede nè: – M'ndige bè kuwe, maje kade rai tel tò karè ndát-ndát.

42Ke loon't nè kuwe, banje ɔr ra dingem't nè nga nyonk.

43Jésu ede'n tàge ke rang ngain bita inye'n ade aw bai.

44Go't gugu, è ede dingem ke banje ɔr rann't nga ede nè: – I tam tà nè nga ade doo karé bè géa oo lé nè aw ra njèkuje nyan-mese't, i tɔje'n rai ade an. Go't bita unn nyan-noje ade se go gute-ndu ke Moise ndang. Titeke bè á i tɔje'n njèkuje nyan-mesege titeke banje ɔr rai't bá ta.

⁴⁵Nè loo ke dingem nè ɔte aw baa, è unn gir kɔrgir nyan ke tee nè nga ase'n loo nák-nák. Gir'n ke nè á Jésu ase kum kaw bee-bò't tàkum dooge't ndái-ndái lé. E ndi ngang loo't nata nè dooge in-in se loo-loo reei rann't som-som.

Marc 2

Jésu aje dingem ke ra'n wei tonrin

(An-in Matt 9.1-8; Luc 5.17-26 ɔ)

¹Ase ndɔ bule go't gugu baa, Jésu tel ree kêm bee-bò ke Capernaum. Dooge ooi ser'n titeke è ndi kêm kei karé bè.

²Kosdooge ngain njin nan rann't njàng-njàng kêm kei ade loo ube de bang sár tee'n tà kei't nata. Jésu ndi ede de Tà ke Maje.

³Dingemge ɔ unni doo karé ke ra'n wei tonrin mari reei se'n ra Jésu't.

⁴Dingemge nè nga asikum kawi se njèdɔgemete nè ra Jésu't lé, tede doobulege rusi loo táp-táp. Dé d'al dɔ d'ɔr dè kei ke ɔbe dè loo ke Jésu ndii'n tutu. Go't gugu d'unn dingem ke ra'n wei tonrin nè nga d'ule'n yêrêr se nyan too'n bere mbak se kum bolè.

⁵Loo ke Jésu an kundekêm le de titeke bè baa, è ede doo ke ra'n wei tonrin nè nga ede nè: – Ngonn basa, kaiyage lei ɔr dèi't bá ta.

⁶Njékɔrgir gute-nduge ke nange ndii loon't nè nga ɔ. Ei giri tà dè bengre de't edi nè:

⁷– Ké bain á doo-nyan le doo nè nga tam tà titeke bè wa? E nede Nube. Ké Nube kuwe karé bere á ase kum kɔr kaiya dè dooge't lé wa?

⁸Ke loon't nè kuwe Jésu ger tàgirge le de ke kêm bengre de't mbak. E deje de ede nè: – Ké bain á sei giri tàge ke titeke bè dè bengre si't wa?

⁹Kede doo ke ra'n wei tonri kede nè: «Kaiyage lei ɔr dèi't éké ɔse nang in dɔ, i bir nyan tooi, ɔte i njiye.» Ké è ke ra á è tà ke loo tam'n tur dum made wa?

¹⁰Nè m'a m'tɔje sei le kade i geri titeke man Ngonn doo m'aw se ɔgmong le kɔr'n kaiya dè dooge't dè nang nè. Jésu ede doo ke ra'n wei tonrin ede nè:

¹¹– M'edi, ɔse nang in dɔ, i bir nyan tooi baa ɔte aw kêm kei lei.

¹²Ke loon't nè kuwe, dingem nè nga ɔse nang in dɔ, bir nyan too'n, unde loo tee tàkum dooge't malang ade teli ndii giw. Dooge malang ulei ndubra dè Nube't edi nè: – Jè j'an nyan ke titeke bè nja karé ndan lé bai.

Jésu bar Lévi njètaa tir

(An-in Matt 9.9-13; Luc 5.27-32 ɔ)

¹³Ndɔ karé bè Jésu tel aw tà ba-bò ke Galilée gugu. Kosdooge malang reei rann't ade ndó de nyan.

14Loo ke Jésu à dere le kaw baa, è an Lévi ngonn Alphée ndi tà kei taa tirge't. E ede'n ede nè: – Unn rebe goom't. Lévi ɔse nang in, unn rebe go Jésu't.

15Ndo karé bè, Jésu se njékuwe-girnge ndii à usei nyan kêm kei le Lévi. Njétaa tirge se njé ke d'an de ke njé ra majelége bule ndolèi go de awi usei se de nyan.

16Njékɔrgir gute-nduge le Pharisienne ke nange géa ndii tutu tɔ. Loo ke an-in dooge ke d'an de ke njé ra majelége a, se njétaa tirge a tɔ, tà nyankuse't se Jésu baa, ei deji njékuwe-girnge edi nè: – Ké bain á n'gang keng ke dann dooge't nè nga n'use se de nyan wa?

17Loo ke Jésu oo tà ke dé tam nga bè baa, è ede de ede nè: – Njé ke ra de mong maj-maj nga, awi ndoo njèkuge kaje ra de't lé. Nè è njératurge á awi ndoo'n. M'ree dè nang nè le bar njé ke an-in ra de ke njé ra nyan se dè najenngé lé. Nè m'ree le bar njé ke d'an de ke njé ra nyan majelége.

Tà deje ke ɔje dè kɔge kêm bo

(An-in Matt 9.14-17; Luc 5.33-39 tɔ)

18Ndo karé bè, pajage le Jean ke njèkule dooge manné njonm se njé ke le Pharisienne ɔgi kêm de bo. Pharisienne ke nange reei ra Jésu't deji nin edi nè: – Pajage le Jean se njé ke le jé ɔgi kêm de bo. Ké bain á i baa, njé ke lei ɔgi kêm de bo lé wa?

19Jésu deje de ede nè: – Dooge ke njè taa dinye kige bar de loo taa nan't le'n nga, ké asikum kɔgi kêm de bo wa? M-m, è bè lé! Kêm ndɔge malang ke ei nain-in se'n bai nga, ei asikum kɔgi kêm de bo lé.

20Nè ndo ke d'a d'uwe njè taa dinye kige dann de't wont kɔr'n bita, d'a d'ɔge kêm de bo kêm ndɔn't nè bai. Jésu tel ede de ede nè:

21– Doo à kunn tà kubu ke kige kile'n kum è ke ndise lé. Ke nè á doo karé unn tà kubu ke kige ile'n kum è ke ndise baa, tà kubu ke kige à uwe è ke ndise le til'n banjáng-banjáng dum ke kété bai.

22Doo à sur yibe nduu ke sɔl ke unn gir pà kêm sɔlge ke mari't lé, tede yibe nduu ke sɔl ke unn gir pà nga, à unde sɔlge ke mari ndàt gang kade yibe ule nang gɔngong-gɔngong a, sɔlge géa ei nyange ke tuju a tɔ. Gar-gar, i suri yibe ke sɔl ke unn gir pà kêm sɔlge ke kige't ta.

Jésu ede nè, n'ee ngar dè ndo taa kebe

(An-in Matt 12.1-8; Luc 6.1-5 tɔ)

23Ndo taa kebe karé bè, Jésu se njékuwe-girnge unni rebe ke tee kêm ndɔrge't. Njékuwe-girnge unni gir tète dè ko tonmi usei dɔ-dɔ.

24Pharisienne deji Jésu edi nè: – Ké bain i se njékuwe-girige ali tà tà gute-ndu't le jéi wa?

²⁵Jésu tel de je de ede nè: – Nyan ke ndo ke David ra nga, ké i tutei tà'n an-in ndan lé wa? Ndo karé bè, bo ra de se dooge le'n. Nè nyan ke kade usei goto.

²⁶David ur lèbêt aw kê m kei kubu't le Nube koto ngurwalge use a, ade dooge le'n usei a to. Ngurwalge ke tooi se ninn de nè nga oji dè njékuje nyan-mesege kuwe karé bere. E kê m ndon't ke Abiatar ee'n maw njékuje nyan-mese.

²⁷Tabai Jésus ede de ede nè: – Nube unde gir ndo taa kebe tede le doo. Nè doo nga, Nube unde'n tede le ndo taa kebe lé.

²⁸Gir'n ke nè á man ke m'ee Ngonn doo nga, m'ee ngar dè ndo taa kebe.

Marc 3

Jésu aje dingem karé ke ji'n wei tonrin se ndo taa kebe

(An-in Matt 12.9-14; Luc 6.6-11 to)

¹Ndo karé ke rang, Jésus tel aw kê m kei kebe nan't. Dingem karé ke ji'n wei tonrin ndi kê m kei kebe nan't nè nga to.

²E ndo taa kebe. Dooge kê m kei kebe nan't undei kum de lèr -lèr le kan ké Jésus ayé kaje dingem nè nga se ndo taa kebe wa? Dé ra titeke bè le kile'n tà dènn't.

³Jésu ede doo ke ji'n wei tonrin nga ede nè: – Ose nang in do ade d'an-in malang.

⁴Jésu de je de ede nè: – Ké ndo taa kebe nga, tò tede le ra'n maje se dooge éké le ra'n se de majelé wa? Ké ndo taa kebe tò tede le kaje'n doo éké le kinye'n doo kade tuju wa? Nè d'ile'n dè't lé.

⁵Jésu an de dèrêr-dèrêr baa, wur'n ndir'n njàk-njàk tede kê m majelé le de. Go't gugu è ede dingem ke ji'n wei tonrin nè nga ede nè: – I ndaje jii. Dingem nè nga ndaje ji'n baa, tel tò karé titeke kété.

⁶Ke loon't nè kuwe, Pharisienne undei loo teei kê m kei kebe nan't teei awi ori nan tà se pajage le ngar Hérode Antipas dè rebe ke ayé toli Jésus.

Kosdoo-bulege reei ra Jésus't

⁷Jésu or ra'n se njékuwe-girnge awi tà ba-bò ke beekon ke Galilée. Kosdoo-bulege ndolèi goo'n. Kosdoo-bulege nè nga njé ke nange in-in kê m beekon ke Galilée se Judée.

⁸Kê m bee-bò ke Jérusalem se beekon ke Idumée, njé ke in-in gide ba't ke Jourdain se njé ke in-in ngann beege le beekon ke Tyr se Sidon géa ndolèi go Jésus to. Kosdoo-bulege nè nga reei ra Jésus't tede ooi ser nyange malang ke è ra.

⁹Jésu ede njékuwe-girnge kade uwei dè nja ngonn bato undei konn tede le kade doobulege mboin-in de nang lé.

¹⁰Jésu or ratur ra dooge't bule kê m ndon't nè nga. Gir'n ke nè á njé raturge malang nanri nan loo tede kòde ra'n lêm.

11Dɔ-dɔ loo ke ndilge ke majelé an-in Jésu baa, ei osoi nang njann't bari nin kaláng-kaláng edi nè: – I, i Ngonn Nube kerɔte kuwe.

12Nè Jésu ndáng de le kade d'ɔr gir'n ɗarinè titeke è Ngonn Nube lé bai.

Jésu tɔr njékuwe-girnge ɗɔg-gidé-joo

(An-in Matt 10.1-14; Luc 6.12-16 tɔ)

13Go't gugu, Jésu al dè mbal't ɗɔ. E bar njé ke è aw ndoo de ade undei loo dann doobulege't teei reei rann't.

14E tɔr dooge ɗɔg-gidé-joo unde de ke njékawkulege. Jésu tɔr de unde de le kade umi se'n nan't bɔk a, le kule de loo kile mber't a tɔ.

15Tabai è ade de tɔgmong le rɔ'n ndilge ke majelé kêm dooge't a tɔ.

16Dooge ke ɗɔg-gidé-joo ke Jésu tɔr de unde de ke njékawkulege nga, ri de á tò nè: Simon ke Jésu ile ri tɔy'n nè Pierre,

17Jacques ngonn le Zébédée se ngokon'n Jean ke Jésu ile ri tɔy de nè Boanergès (tel se tà koje jéi baa, è ngann ndi ke ndang),

18André, Philippe, Barthélemy a, Matthieu a, Thomas, Jacques ngonn le Alphée a, Thaddée, Simon doo ke bee le'n è Cana a,

19Judas Iskariot ke njèkunn dè Jésu.

Njénojege le Jésu reei le kɔr'n kaw se'n

20Jésu tel aw kêm kei karé't bè. Doobulege teli ɔsi nja nan rann't ade è se njékuwe-girnge an-in loo kuse nyan lé.

21Loo ke njénojege le Jésu ooi tà ke ɔje dè'n bè baa, in-in awi le kɔr'n dann doobulege't le tel ree se'n béee. Ei giri kêm de't edi nè: – Tà gir le'n ke maje tel waks.

Jésu tam tà dè rann't non njékɔrgir gute-nduge

(An-in Matt 12.22-32; Luc 11.14-23; 12.10 tɔ)

22Njékɔrgir gute-nduge ke in-in kêm bee-bò ke Jérusalem reei tami edi nè: – Jésu nga, ngar le ndilge ke majelé ke ri'n nè Béelzébul tò kêm'n't. E takul ngar le ndilge ke majelé nè á è rɔ'n ndilge ke majelé kɔke.

23Jésu bar njékɔrgir gute-nduge rann't deje de se gos ede nè: – Ké Sú asekum tel rɔ se ra'n titeke bain wa?

24Ke nè á beekon le ngar karé kaya ra'n danné loo joo baa, beekon nè nga à aw mbɔr ndan lé.

25Ke nè á dooge ke kêm bee karé kayai nan loo joo le rɔi nan baa, bee nè nga à aw mbɔr ndan lé.

²⁶Ke nè á Sú ɔse nang in do se ra'n è kuwe baa, è kaya ra'n loo joo, togmong le'n à aw mbor lé a, gir'n à gang dás a to.

²⁷Doo karé à kin se dè ra'n kaw kê m kei le njétɔg ndur nyange le'n lé. Maje kade uwe'n to'n njanm-njanm kété bita à inge loo kɔi nyange le'n kei ráw-ráw bai.

²⁸Kerɔte kuwe, man m'ede sei ndàt, kaiyage malang ke dooge rai se tàge ke majelé ke dooge tami do-do se Nube nga, Nube à ade kê m'n à tin mbit dè't bai.

²⁹Nè nanan ke nede Ndil-Kê mnda nga, Nube à ade kê m'n à tin mbit dè't ndan lé sár se non.

³⁰Jésu tam tà titeke bè se njékɔrgir gute-nduge tede tam ke tami edi nè: «Jésu nga ngar le ndilge ke majelé tò kê mn't.»

Dooge ke ei kon Jésus se ngakonnge

(An-in Matt 12.46-50; Luc 8.19-21 to)

³¹Kon Jésus se ngakonnge ke ndê in reei ndai nata, ulei kule bari nin.

³²Doobulege njin nan ra Jésus't njàng-njàng. Doo karé ree ede Jésus ede nè: – An, koin se ngakoinge ndai nata non à deji nin.

³³Jésu deje de ede nè: – Ké dooge ke bain á ei konmge se ngakonmge wa?

³⁴E unn kum'n an njé ke ndii gan-in dè'n wàk dêrêr-dêrêr baa, ede de ede nè: – An-in konmge se ngakonmge á ndii nè.

³⁵Nanan ke ra nyan ke kê m Nube ndige baa, è nè nga è ngokon'm, se kon nann'm a to.

Marc 4

Jésu ɔr sertà le dubu ko nyan

(An-in Matt 13.1-9; Luc 8.4-8 to)

¹Jésu tel unn gir ndó dooge nyan tà ba't. Kosdoo-bulege ngain njin nan rann't njàng-njàng. E al ndi kê m ngonn bato't. Kosdoo-bulege malang ndii nang rip-rip ngang ba't.

²E unn sertàge ndó'n de nyan ngain. Loo ke è ndi à ndó de nyange baa, è ede de ede nè:

³– Uri mbi si maje ooi tà nè. Njèkunde ko tee aw le kunde ko.

⁴Loo ke è ndà à unde ko baa, njar ko ke nange té e toso nang ka-rebe't ade helge reei kotoi on-in kòke.

⁵E ke nange té e toso mba her't ke nang è ngain tutu lé; ke loon't nè kuwe ubei kalang tede nang nder dè't ngain lé.

⁶Loo ke kàde ose ramam baa, ndolèi sabak tede ngire de aw nang ngain lé ade tuti parr.

⁷E ke nange téei tosoi dann konnge't ade konnge in-in pujuri dè de ade uri kuju karè.

⁸E ke nange ke rang téei tosoi dè nang ke maje't baa, ubei a, tɔgi a, ɔri dè de a tɔ. Ke nange unde kum'n kɔr-mute, ke nange unde kum'n kɔr-mute-mute, ke nange unde kum'n aru a tɔ.

⁹Loo ke Jésu tam tà nè nga ile nang bá baa, è tel ede kosdooge nè ede nè: – Nanan ke ka mbi'n tò tutu baa, gar-gar maje kade ur mbi'n maje oo'n tà nè maje.

Jésu ɔrgir nyan ke ade ndó'n dooge nyan se gostà

(An-in Matt 13.10-17; Luc 8.9-10 tɔ)

¹⁰Loo ke Jésu ɔr ra'n ra kosdoo-bulege't aw ndi mbeng se kar'n baa, njékuwe-girnge se njékawkulege ke dɔg-gidé-joo a tɔ, deji nin gir sertà nè nga.

¹¹Jésu ede de ede nè: – Sei baa, Nube ade sei nonkar ade i geri nyan ke kété tò loo bɔyɔn't ɔje dè Konbee le'n. Nè dooge ke nata baa, d'a d'ede de nyange malang se sertàge.

¹²Nyan nè nga tee titeke bè, Le kade d'an se kum de, nè d'an njai lé; le kade d'oo se mbi de, nè d'oo ke koo m dé ger gir'n njai lé. Ke nè á dé ger gir njai baa, d'ayé tur hal de le kɔse wan tel ke ra Nube't baa, Nube ayé kade kê'm'n tin mbit dè de't.»

Jésu ɔrgir gostà ke ɔje dè njèkunde ko

(An-in Matt 13.18-23; Luc 8.11-15 tɔ)

¹³Go't gugu, Jésu deje njékuwe-girnge ede nè: – Ke nè á i geri gir gostà ke nè nga lé baa, ké a i geri gir ke rang-ge ke ɔje dè Konbee le Nube nga titeke bain wa?

¹⁴Njèkunde ko tò asenan se doo ke dubu Tà ke Maje kê'm dooge't bè.

¹⁵Njar ko ke téei tosoi nang ka-rebe't nga, ei dooge ke ooi Tà ke maje baa ke loon't nè kuwe Sú ree ɔr Tà ke Maje ke dé dubu dè bengre de't nga wont kɔke.

¹⁶Njar ko ke téei tosoi mba her't nga, tooi asinan se njé ke ooi Tà ke Maje baa ke loon't nè kuwe taai se ranel.

¹⁷Nè Tà ke Maje nè nga ule ngire'n nang dè bengre de't lé, tede ei njé kê'm mɔrége. Loo ke nyan ke tur éké nyankumndoo undei loo tee pitring ɔje dè Tà ke Maje baa, ke loon't nè kuwe ei surei Tà ke Maje nè nga inyei.

¹⁸Njar ko ke nange ke téei tosoi dann konnge't nga, ei njé ke ooi Tà ke Maje le Krist nga.

¹⁹Nè kê'm de tò kekek ke dè nyange ke dè nang nè se ndɔ de-ndɔ de. Tabai ngur nyankinge a, se ngur nyange ke rang gai-gai leši de awi ndii dè bengre de't. Nyange nè nga malang in-in pujuri dè Tà ke Maje ke dé dubu dè bengre de't nga ade dè'n ur kuju karè.

20Njar ko ke rang ke nange ke téei tosoi dè nang ke maje't nga, ei njé ke ooi Tà ke Maje baa, taai se kêmnda káng. Tabai, an-in dè Tà ke Maje nè nga ade loo ke nange kann'n tò tutu ase kór-mute-mute a, aru a tɔ.

Gostà ke oje dè lampe

(An-in Luc 8.16-18 tɔ)

21Tabai Jésus tel ede njékuwe-girnge ede nè: – Ké lampe nga d'unde por tutu le sebe debe dè't éké le kule gir tire't wa? Ké d'a ree'n le kunde dè dîre't dɔ lé wa?

22Ke nè á nyan karé tò loo bɔyɔn't dārinè baa, d'a tee se gir'n ndɔ ke rang bai. Ke nè á nyan karé tò loo ngeinn't dārinè baa, d'a kuje gir'n ndát-ndát ndɔ ke rang bai.

23Nanan ke ka mbi'n tò tutu baa, gar-gar maje kade ur mbi'n maje oo'n tà nè nga.

24Jésu tel ede de kuwe bai ede nè: – Undei kumkunju dè ra si't oje dè tà ke ooi nè nga. Nyan ke sei oji nyan adi dooge nga kuwe tɔ á Nube à oje'n nyan kade sei. Nyan ke sei oji nyan adi dooge nga, Nube à ile made dè't kade sei.

25Nanan ke aw se nyan ndêin jinn't baa, Nube à ile made dè't kade'n. Ke nè á doo aw se nyan ndêin bè jinn't baa, è ke ndêin bè ke jinn't nè kuwe Nube à uwe taa jinn't.

Gostà ke oje dè ko ke tɔg se dè ra'n

26Jésu tel ede de kuwe bai ede nè: – An-in! gos ke Nube on'n bee dè dooge't. Gos konbee le'n nga tò asenan karé se doo ke unn ko nyan aw dubu kêm ndɔr't baa, è tel aw ndi loo le'n.

27Loo ke doo nè tò bi éké oge kum'n bi ndɔ a, kada a géa, ko nyan ke è dubu nga in se dè ra'n tɔge ke kété-kété anje kade doo nè ger gir.

28Nang kuwe ade ko nyan nè ube a, in ra tɔge sár ade oje bita unde kum'n bai.

29Loo ke ko ide bá baa, è ule njékuje koge se kuye ade awi ujei ko tede è nan sa ko ta.

Jésu unn gostà ke oje dè kann Mutarde ede'n de tà

(An-in Matt 13.31-34; Luc 13.18-19 tɔ)

30Jésu tel deje de kuwe bai ede nè: – Ké ri á j'à kuwe kɔje'n Konbee le Nube wa? Ké gostà ri á j'à kunn kɔje'n dè Konbee le Nube nga wa?

31Konbee le Nube nga tò tite kum mbi tar karé ke ri'n nè Mutarde. E mbi tar ke kum'n kide nyeem-nyeem dum kum mbi targe ke rang malang ke dé ndɔr dè nang nè se bal-bal.

32Nè loo ke dé dubu'n bá baa, ube tɔge yir-yir dum mbi targe ke rang malang. Balkumnge tɔ pel-pel ade helge ke walé asikum rai ndisge le de dè't.

33Jésu unn gostàge ke titeke bè ngain ile'n mber Tà ke Maje le Nube ade dooge malang ade ase dè tɔg de't.

³⁴Jésu unn gostà ede'n doobulege tà. Nè loo ke è ndi se kar'n se njékuwe-girnge baa, è ɔrgir gostàge nè malang ade de.

Jésu ade nel bò ebe ra'n kule mbin-mbin

(An-in Matt 8.23-27; Luc 8.22-25 tɔ)

³⁵Kêm ndɔn't nè kuwe, loo ke loo sɔl bá baa, Jésu ede njékuwe-girnge ede nè: – Ade j'awi gide ba't nú.

³⁶Loo ke njékuwegir-Jésuge inyei doobulege ade awi baa, ei unni Jésu kêm ngonn bato ke ndi kêmé kété awi se'n. Ngann batoge ke rang géa awi se de tɔ.

³⁷Nganelmal ke bò unde loo tee pitring. Kɔr mann tal bungus-bungus aw kêm bato't ade nain ngɔr kade rusu kêm'n neɓ.

³⁸Nè Jésu tò nang gete dè'n se kali too'n bi bong bato't. Njékuwe-girnge reei ndeli nin edi nin ede nè: – Ngar, j'à j'wei. Ké tà yo jé on-in lé á i too'n bè-bè wa?

³⁹Loo ke è in gir bi't rat baa, è ndáng nganelmal tabai ede mann ede nè: – Ebe't ade loo tò nding. Nel ebe ra'n kule ade dè mann tel toso dêng-dêng.

⁴⁰Go't gugu, Jésu deje njékuwe-girnge ede nè: – Ké tede ri á i beli bè wa? Ké bain á kundekêm dè Nube't le si goto bè wa?

⁴¹Bel unde de ndàt gang de ade dé deje nan d'ede nè: – Ké doo nè nga è doo ké bain á nel se ba kuwe géa ooi tà tànn't bè wa?

Marc 5

Jésu ɔ ndilge ke majelé kêm dingem karé't

¹Jésu se njékuwe-girnge gangi ba awi kêm beekon ke Gérasa.

²Loo ke Jésu à rise ke nang kêm bato't bai baa, ke loon't nè kuwe, dingem karé ke ndil ke majelé tò kêm'n't unde loo pitring tee dè bada dar'n deɓ.

³Doo nè ra bee dè bada. Nè né è se sul géa, doo karé bè asekum tel tɔ'n ndan lé ta.

⁴Dɔ-dɔ dé tɔ'n se sul a, d'ile kanglang njann't a tɔ. Nè è gang sul dáp-dáp a, tête kanglang jap-jap a tɔ. Doo karé bè géa asekum kuwe'n tɔ'n njanm-njanm lé.

⁵Se ndɔge malang, kada a, ndɔɔ a, è ra bee dè bada a, dè mbalge't a tɔ. E ur kɔl a, tuje ra'n patat-patat se gaje mbalge a tɔ.

⁶Loo ke è an Jésu heb bai kuwe baa, è tɔ ngɔde ree ɔse keje'n nonn't.

⁷E tam tà se ndu'n ke bòi ede nè: – Ké usi ri ram't wa? I Jésu Ngonn Nube ke Njèndi sêm danran't. M'ndêti se ri Nube le kade i ra se'm ndáng lé.

⁸E tam tà nè nga titeke bè tede kunn ke Jésu unn ndu'n ade ndil ke majelé ede nè: – I ndil ke majelé, unde loo i tee kêm dingem't nè nga kɔke.

⁹Jésu de je dingem nè nga ede nè: – Ké ri è nan wa? E ile'n dè't ede nè: – Ri'm nè «kos njérɔge», tede jè bule ngain.

¹⁰Dingem ke ndilge ke majelé tò kêm'n't nga kate Jésus kàt-kàt le kade rɔ de kêm beekon ke Gérasa nga kɔke lé.

¹¹Kos kɔsnyonge ndai ngɔr kade mbal't à usei nyan.

¹²Ndilge ke majelé kati Jésus kàt-kàt edi nè: – Inye jé ade j'aw jè tò kêm kos kɔsnyonge't nè nga.

¹³Jésu inye loo ade de. Ndilge ke majelé undei loo teei kêm dingem't nè nga, awi kêm kos kɔsnyonge't bungei nan dè mbal't dɔ jɔréi dann ba't weii kabak. Kos kɔsnyonge nè nga asi aru dɔg loo jooge bè.

¹⁴Loo ke njé ngonm dege an-in nyan ke tee nè bè baa, in-in se ngɔde awi se tà nè nga asi loo nák-nák kêm bee-bò't se ngann beege. Dooge teei som-som le kawi kan-in nyan ke tee nè nga se kum de.

¹⁵Loo ke dooge reei ra Jésus't baa, ei teri dingem ke kété kos ndilge ke majelé undei loo teei kêm'n't nga. Kum'n tel tête rɔk ade tule kubuge rann't ndii'n maje pê-t-pê. Bel unde dooge ndàt gang de.

¹⁶Njé ke an-in nyan ke tee dè dingem ke kété ndilge ke majelé undei loo teei kêm'n't a, se nyan ke tee dè kos kɔsnyonge't a tɔ se kum de nga, ɔri ser'n adi dooge ke rang ooi.

¹⁷Dooge malang unni gir ndêti Jésus le kade inye beekon le de aw loo ke rang't.

¹⁸Loo ke Jésus à al kêm ngonn bato't baa, dingem ke kété ndilge ke majelé tooi kêm'n't nga de je'n ede nè: – Kɔkrɔ karè, ade m'aw sei kuwe.

¹⁹Jésu inye loo ade doo nè nga aw se'n lé, nè è ede'n ede nè: – Ɔte aw ra njé ke lei't, ɔrgir kêmkanm se nyan malang ke Nube ra sei ade ooi.

²⁰Loo ke dingem nè ɔte aw baa, unn gir kɔr ser nyan malang ke Jésus ra se'n ase'n loo nák-nák kêm beekon ke ri'n nè Décapole. Kàde dooge malang gete gete dè tà ke ooi tà dingem't nè nga.

Jésu ɔr ratur ra dinye karé't a, ade ngonn le Jairus ke dinye tɔse ndel in a tɔ

(An-in Matt 9.18-26; Luc 8.40-56 tɔ)

²¹Loo ke Jésus in gide ba't nú tel ree se ngonn bato baa, kosdoo-bulege ɔsi nja nan rann't neĵ-neĵ. E nda tà kong ba't.

²²Dingem karé bè ri'n nè Jairus. E ngar dè kei kebe nan karé dann madenngé't aw ra Jésus't. Loo ke è an'n baa, è ɔse ke je'n nang nonn't.

²³E ndête Jésus bɔk-bɔk ede nè: – Ngar, ngonn'm ke dinye tò tà yo't. M'deji le kade i ree ile jii dènn't a je'n ade'm, m inye'n ade wei lé.

- 24Jésu in aw se Jairus. Kosdooge ngain ndolèi goo'n awi rusi nan rann't njàng-njàng.
- 25Dinye karé ke mese tal rann't ase lo dɔg-gidé-joo nda dann kosdooge't nè nga to.
- 26E gui ra njékugege't bule ade ra'n tur'n se ndáng karè. Tabai è tuju nyan kingege le'n malang anje kade ratur le'n ɔr dènn't, nè lot bè á ratur le'n nè nga aw kum'n ke kété-kété.
- 27Dinye nè oo ser nyanra Jésus baa, è kɔi dann doobulege tɔde go Jésus't aw ɔde tà kubu ke rann't lêm.
- 28Dinye nè tam kêmn't ede nè: «Ke nè á m'aw m'ɔde tà kubuge ke ra Jésus't lêm baa, ratur à ɔr dèm't karè.»
- 29Loo ke è ɔde tà kubuge ke ra Jésus't lêm baa, ke loon't nè kuwe mese ke tal rann't gang dás. E ger kêmn't titeke ratur le'n nga ɔr dènn't bá ta.
- 30Ke loon't nè kuwe, Jésus ger kêmn't titeke tɔgmong kaje dooge tee rann't ndèin. E tel tur kum'n ke ra doobulege't deje de ede nè: – Ké nan ɔde tà kubu ke ram't nè wa?
- 31Njékuwe-girnge deji nin edi nè: – Kosdooge ke njin nan rai't njàng-njàng nè nga an de lé á i deje doo ke njè kɔde rai tabai wa?
- 32Jésu an kosdooge dêrêr-dêrêr le ger dinye ke njè kɔde ra'n nè nga.
- 33Bel ra dinye nè nga ade ndebe nginn-nginn, tede è ger nyan ke è ra nè nga se kêm'n mbak. E ree ɔse keje'n nang non Jésus't ɔrgir nyan malang ke tee dènn't nga se ngang'n-ngang'n ade oo.
- 34Nè Jésus ede dinye nè nga ede nè: – Yaa, ratur lei ɔr dèi't bá tede kêmi ke unde dèm't. Aw se kêmlom, ratur nè nga à tel rai gugu ndan lé ta.
- 35Loo ke tà nè nain tà Jésus't bai baa, dooge in-in kêmi kei le Jairus ngar dè kei kebe nan, reei edi nin edi nè: – Ngonni ke dinye nga wei bá ta. Ké ri tabai á ɔge'n njèndó dooge nyan taa kebe wa?
- 36Nè Jésus unn mbi'n dè tà't nè nga, è ede Jairus ngar dè kei kebe nan ede nè: – I bel lé, unde kêmi dè'm man't kuwe karé bere.
- 37Jésu inye loo ade doo karé ke rang dann'n lé, nè ade Pierre se Jacques se ngokon'n Jean dann'i nin awi se'n.
- 38Loo ke ei reei teei kêmi geng't le ngar dè kei kebe nan baa, Jésus an dooge ndai à noin se wuwi jik-jik.
- 39Jésu ur go de't deje de ede nè: – Ké bain á i noin se wuwi jik-jik bè wa? Ngomande nga wei lé bai nè tò bi karè.

⁴⁰Dé ngon kum de dè Jésu't. Jésu ade dé rɔ dooge nata baa, ɔr bɔ se kon ngonn ke dinye nè nga a, se njékuwe-girnge ke mute a tɔ ade awi se'n. Jésu aw kê m kei ke ngonn ke dinye nè nga tɔ tutu.

⁴¹E uwe ji'n ede'n ede nè: – Talita kum, tel se tà kɔje jéi baa, è «Ngomande, i tɔse ndel in dɔ.»

⁴²Ke loon't nè kuwe ngomande nè nga ɔse nang in njiye. Ngonn ke dinye nè nga bal kɔje'n è dɔg-gidé-joo. Dooge malang ke ndai tu nyan ke tee't nè nga, bel ra de ngain.

⁴³Jésu unn ndu'n ade de le kade d'ɔr sertà nè nga d'ade doo ke rang karé bè géa oo lé. Nè è unn ndu'n ade de le kade d'ade ngomande nè nyan use.

Marc 6

Dooge ke Nazareth undei kê m de dè Jésu't lé

(An-in Matt 13.53-58; Luc 4.16-30 tɔ)

¹Jésu in loon't nè tel aw kê m bee ke Nazareth ke ndɔ ke tɔge tutu. Njékuwe-girnge dannin nin awi se'n.

²E unn gir ndó dooge nyan kê m kei kebe nan't se ndɔ taa kebe. Doobulege ke ndii tutu ooi tà lé'n nga, tà ige de sêl ade tami edi nè: – Ké n'inge tàgirge ke titeke bè nga ra wa? Ké gos nyanger nè nga n'in'n ra wa? Ké nan adé tɔgmong á n'ra'n nyankɔbege ke doo an kété ndan lé nè nga wa?

³Ké n'ee nga n'ee njè tɔl kagege ke n'ee ngonn le Marie nga lé wa? Ké Jacques se Joses se Jude se Simon nga ei ngakonyége lé wa? Ké kon nannége ei dann jéi't laa lé wa? Kê m dooge ke Nazareth on de ngain dè Jésu't ade undei kê m de dènn't lé.

⁴Nè Jésu ede de ede nè: – Njèribe-dè-tà ke tà Nube't nga d'ile ribar dènn't se looge ke rang malang. Nè njé ke bee kojenn't se njé ke girka't le'n, se njénojege le'n kuwe karé á ilei ribar dènn't lé.

⁵Jésu asekum ra nyankɔbe karé bè kê m bee ke Nazareth't nga lé. Nè né è bè géa, è ɔr ratur ra dooge ke nange.

⁶Tà ige Jésu sêl dè kunn mbi dè tà't le doobulege.

Jésu ule njékuwe-girnge ke dɔg-gidé-joo

(An-in Matt 10.5-15; Luc 9.1-6 tɔ)

Jésu ɔte aw se ngann beege ke gan-in dè Nazareth gêrêr ndó dooge nyan.

⁷E bar njékuwe-girnge ke dɔg-gidé-joo rann't. E unn gir kule de joo-joo loo kile mber Tà ke Maje't. E ade de tɔgmong le rɔ'n ndilge ke majelé.

⁸Jésu unn ndu'n ade njékuwe-girnge ede nè: – Loo ke a awi baa unni sade, éké mbu kɔ nyan, éké nar ji si't lé nè unni kage tɔse kuwe karé bere ji si't.

⁹I tulei gabang't nja si't, nè i tulei kubu dè nan't joo lé.

¹⁰E tel ede de ede nè: – Kêm kei ke rara ke awi tutu nga, è kuwe i ndii tutu sár kade in-in awi kété.

¹¹Kêm bee-bò ke rara ke awi tutu nga, ke nè á dooge ke kêm bee't nè uwei sei ke ra de't lé a, ooi tà le si lé a tɔ baa, loo ke a undei loo le teei nata kêm bee't nè nga baa, i gegi bubur ke nja si't gák-gák umi dè de't undei naje le si.

¹²Njékuwe-gir-Jésuge ke dɔg-gidé-joo ɔti awi ilei mber edi nè: – I turi hal si le kade i ndii kumgajer se non.

¹³Njékuwegir-Jésuge rɔi ndilge ke majelé bule ngain kêm dooge't a, ndumi wubu dè njératurge't bule ɔri raturge dè de't a tɔ.

Kwei le Jean ke njèkule dooge manné njonm

(An-in Matt 14.1-12; Luc 9.7-9 tɔ)

¹⁴Ngar Hérode Antipas oo titeke kɔbe Jésus oso se loo mbit-mbit ade dooge ke nange tami edi nè: – E Jean ke ndɔ ke è njèkule dooge manné njonm nè á unde loo tee dann njé ke koo't. Gir'n ke nè á aw'n se tɔgmong le ra'n nyankɔbege gai-gai.

¹⁵Dooge ke nange tami edi nè: – E Elie. Njé ke nange ke rang tami edi nè: – E njèribe-dè-tà ke tà Nube't ke tite made'n karé dann njèribe-dè-tàge ke kété mari á unde loo tee dann njé ke koo't.

¹⁶Nè loo ke ngar Hérode Antipas oo sertàge nè nga bè baa, è tam kêm'n't ede nè: – E Jean ke njèkule dooge manné njonm ke ndɔ ke m'ade dé tuge kobe'n dé gang nè nga kuwe á unde loo tee dann njé ke koo't non.

¹⁷Hérode Antipas kuwe ndɔ ke unn ndu'n ade d'uwe Jean dé tɔ'n d'ile'n dangai't. E ra bè tede le taa'n kum neen'n Hérodiane. Hérodiane nga kété taa Hérode Philippe ngokon Hérode Antipas.

¹⁸Jean nga ndɔ ke ede Hérode Antipas ede nè: «Taa neen ngokoin nga è nyan ke kum ra lé sár.»

¹⁹Wong ra Hérodiane ngain dè Jean't ade ndige tɔl'n. Nè è se dè ra'n asekum sule Hérode kade tɔl Jean lé.

²⁰Hérode Antipas ile koje dè Jean't ngain. E ger'n ke doo ke njè ra nyan se dè naje'n a, se doo ke tò se ninn'n a tɔ. E an dè Jean sêw-sêw, nè loo ke è oo tà le'n baa, tàgir le'n aw yo-yo, nè-nè. Nè né è bè géa, Hérode Antipas ur mbi'n oo'n tà le Jean se ranel.

²¹Ndɔ karé bè, Hérode ra nan ke ɔje dè bal koje'n. E ndɔ ke kanm ke Hérodiane ndi ngine tchên. Hérode Antipas ade dé ra nyankusege ranm-ranm bar'n balkum njékonbeege le'n se njé kan dè njérɔge a se dooge ke ngàk-ngàk ke kêm beekon ke Galilée a tɔ.

²²Ngonn le Hérodiade ke mande aw go de't kêm kei loo ra nan't nè nga. E ndam ade nel ngar Hérode se njé ke è bar de loo nyankuse't nè nga. Ngar Hérode ede ngomande nè nga ede nè: – Nyan riri géa i deje'm baa, m'a m'adi kuwe.

²³Hérode in ile tà kòke salang ede nè: – M'unn ndu'm se ri Nube, nyan riri ke i deje'm nga, né è debe beekon le'm géa, m'a m'adi kuwe.

²⁴Ngomande nè nga unde loo tee aw deje kon'n ede nè: – Ké ri á i ndige kade m'deje wa? Kon'n ede'n ede nè: – I deje dè Jean ke njèkule dooge manné njonm nga.

²⁵Ke loon't nè kuwe, ngomande nè nga òse wan tel dè njann't aw ra ngar Hérode't ede'n ede nè: – Ade'm dè Jean ke njèkule dooge manné njonm kêm nyan't dari-darinè.

²⁶Ngar tel ndinge ra'n. Nè è asekum kòge nyan ke ngomande deje'n nè nga lé, tede tà ke kété in ile kòke salang tàkum dooge ke è bar de loo nyankuse't nga.

²⁷Ke loon't nè kuwe, ngar Hérode Antipas unn ndu'n ade njèrò karé ke njè ngonm dangaige ede nè: – Aw i ree se dè Jean ke njèkule dooge manné njonm ade'm. Njèrò nè nga òte aw kêm kei dangai't, tuge dè Jean se kuye kaskar gang.

²⁸Loo ke è tuge dè Jean gang bá baa, è ile kêm nyan ke laa't ree'n ade ngomande. Ngomande nè nga in-in'n ke kété aw'n ade kon'n.

²⁹Loo ke pajage le Jean ooi tà'n baa, awi unni ninn'n dubi.

Jésu ade nyankuse dooge aru dɔg loo mi usei

(An-in Matt 14.13-21; Luc 9.10-17; Jean 6.1-14 tɔ)

³⁰Njékawkulege teli reei òsi nja nan ra Jésus't òri ser kulege malang ke kété rai a, se nyange malang ke kété ndói dooge a tɔ adi oo.

³¹Jésu unn ndu'n ade de ede nè: – Sei kuwe i reei ade j'awi ngang loo't nata jè taai kebe ndêin bita. Tede doobulege awi a, teli a, ade d'inge loo kuse nyan bè géa lé.

³²Jésu se njékuwe-girnge ali kêm ngonn bato't, awi ngang loo't nata.

³³Dooge ngain an-in de loo kaw't a, geri loo ke d'a d'aw ke tutu a tɔ. Dooge in-in se kêm bee-bee malang awi se nja de teei loo ke Jésus se njékuwe-girnge à awi ke tutu nga kété.

³⁴Loo ke Jésus rise nang kêm ngonn bato't baa, an kosdoo-bulege. E an kumndoo le de tede tooi asinan se batege ke njèkul de goto bè. E an kumndoo le de ade unn gir ndó de tàge ngain bè.

³⁵Nain ngɔr kade kàde ur. Njékuwe-gir-Jésuge reei rann't edi nin edi nè: – Loo ke nè nga è ngang loo ke nata karè a, kàde géa à ur ngɔr a tɔ.

³⁶Unn ndui ade doobulege teli awi kêm beege't se ngann beege ke dè nan't gèrêr nè, ndogoi nyan usei.

³⁷Jésu ede de ede nè: – Sei kuwe adi de nyan d’use. Nè njékuwe-girnge deji nin se gos edi nè: – Ké i ndige kade j’aw jè ndogo nyankuse kum nar kule ke ndo aru joo baa, j’ade de d’use wa?

³⁸Jésu tel deje de se gos ede nè: – Ké mapa ke ji si’t nga è kandang wa? Awi an-in bita. Loo ke d’aw dé deje baa, d’ede’n d’ede nè: – Mapa è mi a, tutu kanje è joo a to.

³⁹Jésu unn ndu’n ade njékuwe-girnge ede nè: – Adi dooge malang ndii nang. Adi mate de ke karé ndii dè walè ke tebe’t nè a, adi mate de karé ke rang ndii dè walè ke tebe’t nú a to.

⁴⁰Dooge ndi nang rip-rip se mate de, mate de. Njé ke nange ndii dè nan’t aru, njé ke nange ndii dè nan’t asi kor-mi a to.

⁴¹Jésu unn mapa ke mi se tutu kanjege ke joo nè nga jinn’t. E an loo ke danrán, ra Nube oiyo bita tête danné ade njékuwe-girnge le kade kayai awi undeï non mate dooge malang. Go’t gugu, Jésus kai kanje ke joo nè nga kosdooge malang.

⁴²Nanan géa use mapa ndann gɔj-gɔj.

⁴³Gute mapa se kanje ke nain nga njékuwegir-Jésuge otoi rusu ngann janga dog-gidé-joo.

⁴⁴Dann dooge ke usei mapa nga, dingemge ei aru dog loo mi.

Jésu njiye dè mann ba’t

(An-in Matt 14,22-23; Jean 6.15-21 to)

⁴⁵Loo ke Jésus nda ede doobulege kade teli awi béee baa, ke loon’t nè kuwe è unn ndu’n ade njékuwe-girnge ede nè: – Ali kê m bato’t awi gide ba’t kété nonm’t kum si ke bee ke Bethsaida.

⁴⁶Loo ke è inye de ade d’aw bá baa, è ote aw kum’n ke dè mbal’t tede kɔje tà se Nube.

⁴⁷Ndo il bá, njékuwe-gir-Jésuge ali kê m bato’t awi danné bɔp. Jésus kuwe se kar’n bere á nain nang.

⁴⁸E an titeke tur se njékuwe-girnge ngain loo kɔse bato kade aw ke kété tede nel tile kum de o se de ke gugu-gugu. Ase tite tà gir loo’t á Jésus njiye dè ba’t oje ke ra njékuwe-girnge’t. E ra titeke ayé tuge tà de gang bè.

⁴⁹Loo ke njékuwe-gir-Jésuge an-in nin njiye dè ba’t titeke bè baa, ei giri kê m de’t edi nè è doo ke koo. E á ei noin kaláng-kaláng.

⁵⁰Tede loo ke d’an’n baa, ndil de tee an-in soin-soin. Ke loon’t nè kuwe, Jésus tam se de ede nè: – Ebi’t bel, è man Jésus kuwe.

⁵¹Go’t gugu, Jésus al aw ndi kɔte de’t kê m bato’t baa, ke loon’t nè kuwe, nel gang dás. Njékuwe-girnge malang teli ndii giw.

⁵²Dé ger gir nyan ke oje dè mapa ke Jésu ade in dè made't ke kété-kété nga lé. Nè d'uwe kêm de mong dè kunn mbi dè tà't le de nga ke kété-kété.

Jésu aje njératurge ke kêm beekon ke Génésareth

(An-in Matt 14.34-36 to)

⁵³Loo ke Jésu se njékuwe-girnge gangi ba baa, ei reei teei kêm beekon ke Génésareth, undei bato le de tà ba't.

⁵⁴Loo ke ei undei loo kêm bato't teei nata baa, ke loon't nè kuwe, dooge an-in Jésu geri nin bá ta.

⁵⁵Dooge awi se loo-loo kêm beekon't nè bere mbak. Tabai unni gir koto njératurge se nyan tò de reei se de ra Jésu't tede d'ede de loo ke è ndi tutu.

⁵⁶Se looge malang ke Jésu aw tutu, kêm ngann beege se bee-bòge éké loo ndorge géa, dooge otoi njératurge umi de nang rip-rip ndá-loo't. Dé ndête Jésu le kade inye njératurge ade oidi tà kubu ke rann't lêm. Gir'n ke nè á, njératurge malang ke oidi tà kubu ke rann't baa, ratur le de in dè de't kengeng.

Marc 7

Nyan-ndó ke oje dè nyangirkà

(An-in Matt 15.1-9 to)

¹Pharisienge se njékorgir gute-nduge ke nange in-in kêm bee-bò ke Jérusalem reei kebi nan ra Jésu't.

²Ei an-in njékuwe-gir-Jésuge ke nange ndii usei nyan se ji de ke mine anje togo se go nyangirkà le Pharisienge.

³Pharisienge se gute Juipge ke rang malang nga togoi ji de tchák-tchák undei kil de't do bita usei nyan bai. E nyangirkà le de bè.

⁴Loo ke Juipge se Pharisienge in-in nata teli reei kêm kei baa, ndogi mann bita usei nyan bai. Nyangirkàge ke rang ngain ke tite togo nyankain mannge se jó gorge se jó ke ninge-kasege nga, d'an go de sêw-sêw. E ke nè á se kar lé; gute nyangirkàge nain bai.

⁵Gir'n ke nè á Pharisienge se njékorgir gute-nduge deji Jésu edi nè: – Ké bain á njékuwe-girige inyei go nyangirkà le bo dege baa, usei nyan se ji de ke yoro wa?

⁶Jésu ede de ede nè: – Sei njé kede gosge! Tà ke ndo ke Esaie njèribe-dè-tà ke tà Nube't tam kété mari oje'n dè si nga è kum kuwe. Oiyò, ndo ke è ndang kêm magtub't ede nè: «Kosdooge le Nube nè nga d'oyi man se tà de karè, nè ngarankêm de ndii heb se'm.

⁷Dé d'oi'm ke non-non karè, tede dé ndó dooge nyangirkà le de titeke ei ndukunngé le'm man Nube bè.»

⁸Jésu ede nè: – Sei inyei go ndukunngé le Nube baa, nyangirkà le dooge karè tá i tɔsi kum si dè't.

⁹Jésu aw se de ke kété-kété ede nè: – Kerɔte kuwe, sei surei go ndukunngé le Nube inyei tede le liger dè nyangirkà't le si tá lagr-lagr.

¹⁰Ndɔ ke kété Moise tam ede nè: «I dɔi bɔi se koin.» Tabai ndɔ ke è tam ede nè: «Doo ke nede bɔ'n éké kon'n baa, d'ade tɔl'n kɔke gar-gar.»

¹¹Nè sei tami edi nè: «Ke nè á doo karé ede bɔ'n éké kon'n ede nè: Nyan nè nga kété m'ayé ra'n sei, nè d'arinè loo'n goto tede m'unn m'ade Nube ta.»

¹²Sei inyei loo adi doo nè nga le kade ra se bɔ'n éké kon'n lé ta.

¹³Titeke bè á, sei teli tà le Nube ke nyan ke raikarè tede nyangirkà le si ke i ndói nan ke kété-kété nga. E ke nè á se kar'n lé, nè sei rai nyange ke rang ke titeke bè ngain bai.

Nyan ke ade doo mine

(An-in Matt 15.10-20 tɔ)

¹⁴Go't gugu, Jésu tel bar doobulege rann't ede de ede nè: – Sei malang uri mbi si ooi tà ke m'a m'tam nè tede kade i giri gir'n njai.

¹⁵Nyan ke doo use nga, è karé bè ke à tel'n ke doo ke mine goto. Nè nyan ke in bengre doo't á à tel'n ke doo ke mine.

[¹⁶Nanan ke ka mbi'n tò tutu le koo'n tà baa, maje kade nel mbi'n oo'n tà le'm.]

¹⁷Loo ke Jésu inye doobulege tel ree kei baa, njékuwe-girnge deji nin gir gostà nè.

¹⁸E ede de ede nè: – Sei géa ké kêm si tɔ kuju tà lé titeke bè tɔ wa? Nyan ke doo use nga à tel'n ke doo ke mine lé.

¹⁹Kerɔte kuwe, nyan ke doo use nga aw kêm bengrenn't lé, nè aw kêm jebelenn't ade go't gugu baa, è aw ede'n yide. Jésu tam tà nè nga titeke bè tede è tel nyankuse malang ade è ke unju tede le njétaa-kêmnge.

²⁰Jésu ede de bai ede nè: – Nyan ke in kêm bengre doo't á tel'n ke doo ke mine.

²¹Tàgirge ke majelé in-in kêm bengre dooge't kei. Titeke bè á dooge teli ei njé tooi se nan ke kaiya't, njéboog-ge, njé tɔl dooge,

²²njé sang neen dooge, njékêmkeinge, njékêmyêrge, njé ra nyan pás-pàsge se njé tête tàge, njé ti rage a, se njé tam tàge ke raikarè a tɔ.

²³Nyange ke majelé malang nè nga in-in kêm bengre doo't kei á adi doo mine'n tanm-tanm.

Kundekêm le dinye ke è doo ke dɔ

(An-in Matt 15.21-28 tɔ)

24Jésu in loon't nè aw kê m beekon ke Tyr. E aw ndi kê m kei karé't bè. E ndige le kade doo karé bè géa ger lé, nè è asekum ndi kê m kei nè nga se go ngein lé.

25Ke loon't nè kuwe, dinye karé ke ndil ke majelé tò kê m ngonn'n ke dinye't nga oo ser Jésu. E ree oso nang njann't gɔrɔk.

26Dinye nga è Grec, doo ke dɔ ke d'oje'n kê m bee ke Phénicie beekon ke Syrie. E deje Jésu le kade rɔ ndil ke majelé kê m ngonn'n ke dinye't kɔke.

27Jésu ede dinye nè nga ede nè: – Inye loo ade ngann njébeege usei nyan ndanni bita. Kunn nyankuse le ngann njébeege kile kade ngann bisege nga è loon't lé.

28Dinye nè nga tel ile jésu dè't ede nè: – Ngar i tam è kum kuwe, nè ngann bisege nga tooi gir table't le kuse nyon-nyon mur le ngann njébeege ke toso nang.

29Jésu tel ede dinye nè nga ede nè: – Se go tà ke i tam ede'm nè nga, maje kade i tel aw béee. An! ndil ke majelé nga unde loo tee kê m ngonni ke dinye't nga bá ta.

30Loo ke dinye nè tel aw béee baa, è inge ngonn'n nè nga tò dè tire't jêke^ tede ndil ke majelé nga unde loo tee kê mn't bá ta.

Jésu aje njè mbi mbe ke tam tà lé

31Go't gugu baa, Jésu in kê m bee-bò ke Tyr aw kê m beekon ke Sidon. E unde kê m beekon ke Décapole gang tel ree kum'n ke tà ba ke Galilée gugu.

32Dooge ke nange reei se dingem karé ke njè mbi mbe ra Jésu't. Dingem nè nga gaker tà ngain. Dé ndète Jésu le kade ile ji'n dènn't aje'n ade de.

33Jésu ɔr njè mbi mbe nè nga njɔl dann doobulege't se kar'n aw se'n ngang loo't nata. E ra mann tà'n ngaw-jinn't tule mbi dingem't nè nga.

34Go't gugu Jésu an loo ke dɔ danrán, ile kê m'n puun baa, è ede njè mbi mbe nè ede nè: – Ephrata! tel se tà koje jéi baa, è «Ka mbi dingem i gang reng.»

35Ke loon't nè kuwe, ka mbi dingem nè gang reng a, ndon'n dîle ra'n ade unn gir tam tà njai-njai a tɔ.

36Jésu unn ndu'n ade dooge ke ndai loon't ede nè: – Adi ta nè nga tee tà si't ade doo ke rang karé bè géa oo lé. Nè loo ke è tam se de tà nè bè baa, lotbè á d'unn tà nè nga d'ase'n loo ná k-nák.

37Ndil de tee an-in soin-soin ade dé tam d'ede nè: – N'ra nyange ke dum kum. N'ade njé mbi mbege teli ooi tà d'arinè a, n'ade njé ke kété asikum tami tà njai lé géa, teli tami tà njai-njai d'arinè a tɔ.

Marc 8

Jésu ade kosdoo-bulege aru dɔg loo sɔ nyan usei

(An-in Matt 15.32-39 tɔ)

- ¹Kêm ndon't nè nga, kosdoo-bulege teli kebi nan ra Jésu't. Nyan ke bè le kade usei goto. Jésu bar njékuwe-girnge rann't ede de ede nè:
- ²- M'an kumndoo le kosdooge nè nga. An-in! dé ndi se'm ase ndo mute bila. Nè darinè nyan ke bè le kade d'use goto.
- ³Ke nè á m'inye de bè m'ade dé tel d'aw béee kêm de bo baa, kumkil à ra de rebe, tede njé ke nange dann de't in-in heb ngain.
- ⁴Njékuwe-gir-Jésuge edi nin edi nè: - Loo ke nè nga, è kêm dile karè. Ké j'à j'ingei mapa ra le kade dooge nè nga usei ade kêm de ndann wa?
- ⁵Jésu deje njékuwe-girnge ede nè: - Ké mapa ke ji si't nga è kandang wa? Njékuwe-girnge teli ilei nin dè't edi nè: - Mapa ke tò ji jé't nga è ji sejimute bere.
- ⁶Jésu unn ndu'n ade doobulege ede nè: - I ndii nang se mate si-mate si. Go't gugu è unn mapa ke ji sejimute nè nga jinn't, è an loo ke danrán, ra Nube oiyo bita uwe tête danné ade njékuwe-girnge kade kayai mate doobulege nè nga. Njékuwe-girnge kayai mapa nè nga kosdoo-bulege se mate de-mate de.
- ⁷Ngann kanjege ke kɔbe tò ji de't tɔ. Jésu ra Nube oiyo dè't bita ede njékuwe-girnge le kade unni awi undei non kosdoo-bulege nè nga tɔ.
- ⁸Kosdooge usei mapa ndanni gɔj-gɔj. Njékuwe-gir-Jésuge kotoi gute ke nain nanga rusu ngann janga ji sejimute.
- ⁹Dooge ke usei mapa nga ei dingemge aru dɔg loo sɔ. Jésu unn ndu'n ade doobulege teli awi béee le de.
- ¹⁰Ke loon't nè kuwe, Jésu se njékuwe-girnge ali kêm bato't awi kum de ke beekon ke Dalmanutha.

Pharisienge deji Jésu kade ra nyankɔbe ade an-in

(An-in Matt 16.1-4 tɔ)

- ¹¹Pharisienge reei ra Jésu't, ei unni gir naji se'n tà. Ei deji nin le kade ra nyankɔbe tɔje'n de titeke tɔgmong le'n nga in danran ra Nube't kuwe. Dé ra titeke bè le nan'n kêm'n.
- ¹²Jésu ile kêm'n puun ede nè: - Ké bain á sei dooge ke i ndii dè nang darinè i deji nyankɔbe ke gai ke in danrán ra Nube't wa? Kerɔte kuwe, man m'ede sei ndàt, nyankɔbe ke i deji nga, d'a ra kade an-in ndan lé.
- ¹³Jésu se njékuwe-girnge inyei Pharisienge ali kêm bato't awi gide ba't gugu.

Tà ke ɔje dè pululu le Pharisienge se le Hérode

(An-in Matt 16.5-12 tɔ)

- ¹⁴Kêm njékuwe-gir-Jésuge wei nal dè kɔi mapa bule ji de't. Nè nyan ra maje ade mapa karé bere luk-luk nain kêm bato't.

15Jésu ndeje njékuwe-girnge ndej-ndej ede nè: – Undei kumkunju dè ra si't le gang kote pululu't le Pharisienne éké le Hérode Antipas nga lé.

16Njékuwe-gir-Jésuge murin tà dann de't edi nè: – Ké n'tam tà nè nga bè tede mapa ke goto ji jéi't nga wa?

17Jésu ger tà ke kêm de't nga mbak. E deje de ede nè: – Ké bain á sei murin tà edi nè: «E tede mapa ke goto ji si't wa?» Ké è tede kunn mbi dè tà't le si nga wa?

18Kum si tò tutu kuwe, nè sei an-in loo lé. Ka mbi si tò tutu kuwe, nè sei ooi tà lé. Ké kêm si wei nal dè mapa ke ndo ke m'ade i kayai dooge nè ta wa?

19Mapa ke mi ke ndo ke m'tête danné m'ade i kayai kosdoo-bulege aru mi loo dog nga, ké ndo ke i kotoi gute ke nain rusu ngann janga kandang wa? Njékuwe-gir-Jésuge ilei nin dè't edi nè: – Ndo ke j'oto gute ke nain rusu ngann janga dog-gidé-joo.

20– Mapa ke ji sejimute ke ndo ke m'tête danné m'ade i kayai kosdoo-bulege aru so loo dog nga, ké i kotoi gute ke nain rusu ngann janga kandang wa? Dé tel d'ile'n dè't d'ede nè: – Ndo ke j'oto gute ke nain rusu ngann janga ji sejimute.

21Jésu tel deje njékuwe-girnge ede nè: – A baa, ké kêm si to kuju tà ade i geri tà nè njai lé bai wa?

Jésu ade njèkumto karé an loo njai-njai

22Jésu se njékuwe-girnge reei kêm bee ke ri'n nè Bethsaida. Dooge ori non dingem karé ke njèkumto reei se'n ra Jésus't. Dé ndête Jésus le kade ule ji'n ode'n ra dingem nè nga lêm.

23Jésu uwe ji njèkumto nè nga or'n njol aw se'n gide bee't nata. Go't gugu è ra mann tà'n jinn't ode'n kum njèkumto nè nga baa, è deje'n ede nè: – Ké an loo lit-lit ndèin wa?

24Doo nè nga teen kum'n baa ede nè: – M'an dooge njiyei gangi lit-lit takum't tite kagege bè.

25Go't gugu Jésus tel ode kum dingem nè nga se ji'n. Dingem ke njèkumto or kum'n an loo gerer baa, kum'n tel tò karé ade an'n loo njai-njai.

26Jésu ede njèkumto nè nga ede nè: – Aw kumi ke kété m i tel aw kêm bee't gugu lé ta.

Pierre tam ndàt ede nè: Jésus è Messie

(An-in Matt 16.13-20; Luc 9.18-21 to)

27Jésu se njékuwe-girnge awi ke kêm ngann beege le beekon ke Césarée le Philippe. Loo ke dé nain rebe bai baa, Jésus deje njékuwe-girnge ede nè: – Man nga, ké dooge tami edi nè m'ee nan wa?

28Dé d'ede'n d'ede nè: – Doo ke nange tami edi nè: I Jean ke ndo ke è njèkule dooge manné njonm; njé ke nange edi nè: I Elie; njé ke nange ke rang edi nè: I njéribè-dè-tà ke tà Nube't karé dann njéribè-dè-tàge't le'n ke mari.

29Jésu de je njékuwe-girnge ede nè: – A baa sei, ké i tami edi nè m'ee nan wa? Pierre tel ile jésu dè't ede nè: – I i Messie.

30Jésu oge de le kade dé ribe dè'n d'ade doo karé bè géa oo lé.

Jésu ede dè tà kwei se kunde loo tee le'n dann njé ke koo't

(An-in Matt 16.21-28; Luc 9.22-27 to)

31Unn gir kêm ndon't nè nga, Jésus ede njékuwe-girnge ede nè: – Man ke m'ee Ngonn doo nga, nyankêmkonge ngain à rai man. Ngatogege le Israel se njékørgir gute-nduge se maw njékuje nyan-mesege à utei man mbeng a, à tɔli man a to. Ndo ke njékon't mute baa, m'a m'unde loo tee dann njé ke koo't.

32Jésu ede de tà nè nga ndàt. Nè Pierre or'n njol aw se'n ede'n ede nè: – I tam tà titeke bè lé.

33Nè Jésus tel tur kum'n ke ra njékuwe-girnge't ke rang. E ndáng Pierre ede nè: – Sú, ote tám't ke rang tede nyan ke Nube ndige uwe kèmi lé, nè nyan ke dooge ndigi tá uwe kèmi.

34Tabai è bar doobulege se njékuwe-girnge ke rann't ede de ede nè: – Ke nè á doo karé ndige le k'ee njékuwe-gir'm baa, maje kade inye go tàgir ke oje dè ra'n kòke a, maje kade unn kage-ke-dese le'n ndolè'n goo'm a to.

35Nanan ke ndige ngonm ra'n sár-sár baa à wei, nè nanan ke ile ra'n kòke salang tede tà le'm a, tede Tà ke Maje a to baa, à ndi kumgajer kerote.

36Ke nè á doo karé inge nyan-majege malang ke dè nang nè, nè kure nyan ra'n ode kum ngarankum ra'n baa, ké ri á à è soon't wa?

37Ké ri á doo ayé kade le taa'n ngarankum ra'n wa?

38Man Ngonn doo nga m'a m'tel ree dann ndubra't le B'òm se njékêmdage ke danrán. Nanan ke ra'n sol'n dèm't se dè tà't le'm non njé ra majelége ke njé mbate Nubege ke ndii dè nang nè baa, man Ngonn doo nga géa ra'm à sol'm dènn't to.

Marc 9

1Jésu ede doobulege se njékuwe-girnge ede nè: – An-in! man m'ede sei ndàt, dooge ke nange dann si sei ke i ndii nè't a an-in Konbee le Nube ke ndo ke rang à ree se togmong nga pa bita à weii bai.

Njékuwe-gir-Jésuge an-in nin dann ndubra't le Nube

(An-in Matt 17.1-13; Luc 9.28-36 to)

²Loo ke Jésu ede njékuwe-girnge tà yoo'n se kunde loo tee le'n dann njé ke koo't, ra ndo mute-mute baa, è or Pierre, Jacques se Jean njol ade awi se'n do dè mbal karé't bè. Ra'n tel waks tàkum de't.

³Kubuge le'n ke rann't unni gir ndoléi kein-kein a, ndai káng-káng a to. Doo karé ke dè nang nè ase togo kubu kade nda tite kubuge le Jésu ke rann't nè goto.

⁴Njékuwegir-Jésuge ke mute nè nga an-in njèyo Moise se njèyo Elie undei loo teei hoi ke ra de't, ndai oji tà se Jésu.

⁵Pierre unn tà tam ede Jésu ede nè: – Ngar, è soo't kade jè ndii nè: J'à ra kei kanm mute, karé à è lei, karé à è le Moise, karé à è le Elie a to.

⁶Pierre ger gir tà ke è tam nè nga lé, tede bel ra Pierre se madenngé ke joo nè nga ngain.

⁷Bum ree utu dè de lét, Nube tam tà dann bum't nè ede nè: – E nè nga è Ngonn'm ke m'tár'n ngain, ooi tà tànn't.

⁸Ke loon't nè kuwe, njékuwe-gir-Jésuge ke mute gon-in loo yó, ke nè. Moise se Elie gotoi njêl karè. Nè Jésu kuwe se kar'n luk-luk á nain se de.

⁹Jésu se njékuwe-girnge ke mute nè in-in dè mbal't do à risi ke nang baa, è ndeje de ndej-ndej ede nè: – Nyan ke sei an-in nga, ori ser'n adi doo karé ke rang bè oo lé sár kade man ke m'ee Ngonn doo m'unde'n loo m'tee'n dann njé ke koo't bita.

¹⁰Njékuwe-gir-Jésuge ilei koje dè tà ke è ede de't nga. Nè né è bè géa, ei deji nan tà dann de't edi nè: – Kunde loo tee dann njé ke koo't leyé ke n'tam tà'n nga, ké gir'n è ri wa?

¹¹Njékuwe-gir-Jésuge deji nin edi nè: – Ké bain á njékorgir gute-nduge tami do-do edi nè: Gar-gar Elie à tel ree pa bita nyange ke rang à teei bai wa?

¹²Jésu ede de ede nè: – Elie à tel ree le gól nyange malang kade teli tooi loon't titeke kété pa bita. A baa, ké bain á dé ndang tà kêm Magtubge't d'oje'n dè'm man Ngonn doo d'ede nè: Gar-gar nyankêmkonge ngain à ra'm a, d'a d'an'm ke nyan lé a to wa?

¹³Nè né è bè géa, man m'ede sei titeke Elie nga tel ree bá, nè dooge ke nange rai se'n nyan titeke kêm de ndige se go tà ke dé ndang kêm magtub't d'oje'n dè'n kété mari.

Jésu aje basa karé ke ndil ke majelé ra kum'n ndoo

(An-in Matt 17.14-21; Luc 9.37-43a to)

¹⁴Jésu se njékuwe-girnge ke mute teli à reei ke ra njékuwe-girnge ke rang. Ei an-in doobulege gugi dè njékuwe-girnge ke rang nè nga wàk. Njékorgir gute-nduge ndii à naji se de tà ke kété-kété.

- 15**Loo ke kosdoo-bulege an-in Jésu pan baa, ke loon't nè kuwe, ei ndebi dèk-dèk, an-in ngòde le rai nin lapyà.
- 16**Jésu deje njékuwe-girnge ede nè: – Ké tà ri á i ndii i naji nan se njékòrgir gute-nduge wa?
- 17**Dingem karé dann kosdoo-bulege't in ile jésu dè't ede nè: – Ngar, m'ree se ngonn'm ke dingem ke ndil ke majelé òge'n tam tà rai't.
- 18**Loo ke rara géa, ndil ke majelé uwe'n ile'n nanga barak. Loo ke uwe'n ile'n nang barak baa, pululu téé tànn't pòt-pòt a, use gòge'n matchatch-matchatch a, sure mbangang-mbangang a tó. M'deje njékuwe-girige le kade ròi ndil ke majelé nè nga kòke kèmn't, nè tóg de ase lé.
- 19**Jésu deje njékuwe-girnge bai ede nè: – Sei dooge ke i ndii dè nang nè ðarinè nga, ké sei doo rige á kundekè m le si goto bè wa? Ké m'a ndi se si dè nang nè ndò kandang bita kundekè m le si à tò bai wa? Ké m'a kile kè m'm dè si't nja kandang wa? I reei se ngonn nè nga ram't laa.
- 20**Dé ree se ngonn nè nga ra Jésu't. Loo ke ndil majelé an Jésu pan baa, ke loon't nè kuwe è unn ngonn nè nga yei'n yák yák ile'n nang barak. Ngonn nè ndubri nang gurur-gurur a, pululu téé tànn't pòt-pòt a tó.
- 21**Jésu deje bò ngonn ke dingem nè nga ede nè: – Ké nyan nè nga ra ngonni ase ndò kandang ðarinè ta wa? E tel ile jésu dè't ede nè: – Nyan nè nga ra'n se ngonn'n mari.
- 22**Dò-dò ndil ke majelé sure ngonn nè nga ile'n poro éké manné le kade an-in mann wei. Nè ke nè á ase ra nyan karé tede tà le'n baa, kòkrò karè i din-in jè.
- 23**Jésu tel deje bò ngonn nè nga ede nè: – Ké bain á i tam ede nè: Ke nè á ase ra nyan karè wa? Doo ke unde kè m'n dè Nube't baa, Nube asekum ra nyan malang tede'n kuwe.
- 24**Ke loon't nè kuwe, bò ngonn nè nga tam se ndu'n ke bòi beng ede nè: – Kuwe-bee, m'unde kè m dè Nube't kuwe! I din-in'm tede kundekè m le'm ase lé.
- 25**Jésu an kosdoo-bulege tètì nan yip à reei ke ra de't. E unn gir ndáng ndil ke majelé nè nga ede nè: – I ndil ke majelé ke njé kòge ngonn nè tam tà se koo tà nga, man m'unn ndu'm m'adi, unde loo i tee kè mn't aw se noin.
- 26**Ndil ke majelé ra ngonn nè ade non kaláng-kaláng a, sure mbangang-mbangang a, bita unde loo tee aw bai. Ngonn nè tel tò nang ratch. Dooge bule dann njé ke ndai loon't edi nè: – Ngonn basa nga wei bá ta.
- 27**Nè Jésu uwe ji'n ade òse nang in nda dò.
- 28**Jésu tel aw béee. Loo ke njékuwe-girnge ndii se'n se kar de bere baa, ei deji nin edi nè: – Ké gir'n è ri á jè j'aw se tógmong le rò'n ndil ke majelé nè nga kòke lé wa?

29Jésu ede de ede nè: – Ndil ke majelé ke tite è ke nè bè nga, asekum kunde loo tee takul kɔje tà se Nube kuwe karé bere luk-luk.

Jésu tel ede de tà kwei se kunde loo tee le'n dann njé ke koo't

(An-in Matt 17.22-23; Luc 9.43b-45 to)

30Jésu se njékuwe-girnge in-in loo't nè awi undei kêm beekon ke Galilée gangi se nja de do. Jésu ndige le kade doo karé bè géa ger tede'n lé.

31Tede è ndi à ndó nyan njékuwe-girnge ede nè: – Man ke m'ee Ngonn doo nga, d'a d'uwe'm kule'm ji togmong't le dooge a, d'ade tol'm a to. Ndo ke njèkon't mute go kwei't le'm baa, m'a m'unde loo tee dann njé ke koo't.

32Njékuwe-gir-Jésuge geri tàge nè nga njai lé bai, nè ei beli le deji nin gir.

Ké nan è doo ke bò dum madenngé wa?

(An-in Matt 18.1-5; Luc 9.46-48 to)

33Jésu se njékuwe-girnge awi teei kêm bee-bò ke ri'n nè Capernaum. Loo ke ei awi teei kêm kei béee baa, Jésu deje de ede nè: – Ké ri á i naji nan tà dè't kété loo ke jè njiyei rebe bai nga wa?

34Nè doo karé bè dann de't ile'n dè't lé, tede kété dé naje nan tà rebe d'ede nè: Ké nan à è doo ke bò dum dè madenngé wa?

35Jésu tête ra'n ndi nang. E deje njékuwe-girnge ke dog-gidé-joo le kade reei rann't an-in dè'n ulei nan't. Jésu ede de ede nè: – Ke nè á doo karé ndige le k'ee ngawtà madenngé baa, gar-gar maje kade tel ra'n ke njè kutu go madenngé malang a, ke njèkule le de malang a to.

36Jésu uwe ji ngonn karé bè, or non'n aw se'n danné bɔp non njékuwe-girnge't ke an-in dè'n ulei nan't wàk nga. Go't gugu è unn'n unde'n non kejenn't baa, è ede de ede nè:

37– Nanan ke uwe ngonn ke nain dap tite njè ke nè ke rann't tede tà le'm baa, è man kuwe á uwe'm ke rann't non. Nanan ke uwe'm ke rann't baa, è man á uwe'm ke rann't lé, nè è Nube ke njèkule'm kuwe á uwe'n ke rann't non.

Doo ke ute jèi mbeng lé baa è le jéi kuwe

(An-in Luc 9.49-50 to)

38Jean ede Jésu ede nè: – Kuwe jé, kété j'an doo karé unn rii ro'n ndilge ke majelé kêm dooge't kɔke, nè jè j'ɔge'n dè't tede è le jéi lé.

39Nè Jésu ede'n ede nè: – ɔgi n'ee dè't lé, tede doo karé ke unn ri'm ra'n nyankɔbe nga, asekum tam tà le'm majelé mbɔr go't gugu lé.

40Kerɔte kuwe, doo ke ute jéi mbeng lé baa, è le jéi kuwe.

41Nanan ke ade sei mann kain kêm kalmann karé tede k'ee ke sei le'm man Krist nga baa, man m'ede sei ndàt, doo nè nga à inge nyan-kunde nja'n kuwe mbain.

Tà gang ke bò ke à uwe dè njé ra majelége

(An-in Matt 18.6-9; Luc 17.1-2 to)

⁴²Doo karé ke ra ngonn ke nain dap ke unde kêm'n dèm't tite njé ke nè bè ade oso dann majelé't nga, è soo't le to kule tu kuberi mbal ke bòi kòbenn't, kile'n dunge ba't.

⁴³Ke nè á jii karé è nyan ke à tugei jig't kade oso dann kaiya't baa, uje'n i gang'n kòke kade aw danrán loo ndikumgajer se non se meti nga, maje dum kade d'ilei se jii joo mbak loo ke tur't, dann por't ke wei ndan lé't.

[⁴⁴E loo ke kodége ke tooi tutu weii ndan lé a, por ke tutu wei ndan lé a to.]

⁴⁵A ke nè á njai karé è nyan ke à oti dann majelé't baa, uje'n i gang'n kòke. E soo't kade aw danrán loo ndikumgajer se non se meti maje dum kade d'ilei se njai joo mbak loo ke tur't.

[⁴⁶E loo ke kodége ke tooi tutu weii ndan lé a, por ke tutu géa wei ndan lé a to.]

⁴⁷Ke nè á kumi è nyan ke à tugei jig't kade oso dann majelé't baa, uwe'n barak or'n kòke. Kawi se kumi ke karé kêm Konbee't le Nube nga, maje dum kade d'ilei se kumi joo mbak loo ke tur't.

⁴⁸E loo ke kodége ke tooi tutu weii ndan lé a, por ke tutu wei ndan lé a to.

⁴⁹Nanan géa d'a d'ule'n por ke tur't titeke d'ile'n kate ke don janm tu nyankuse't bè.

⁵⁰Kate nga è nyan ke maje. Nè ke nè á kate tel bòlòs baa, ké ri á a i rai kade tel don gugu wa? Sei kuwe i teli i tooi tite kate ke don bè. Umi kêm si nan't bók.

Marc 10

Tà ke oje dè mbate nan le dinye se dingem

(An-in Matt 19.1-12; Luc 16.18 to)

¹Jésu in kêm bee ke Capernaum aw kêm beekon ke Judée gide ba ke ri'n Jourdain. Doobulege ngain teli kebi nan rann't. E unn gir ndó de nyan titeke ra'n kété-kété.

²Pharisienge ke nange reei ra Jésus't deji nin edi nè: – Ké gute-ndu inye loo ade dingem kade mbate neen'n wa? Dé deje'n titeke bè le koo'n tà ke se go rebe'n lé ke à tee tànn't.

³Nè Jésus deje de ede nè: – Ké ri á Moise unn ndu'n le kade i rai wa?

⁴Dé tel d'ile'n dè't d'ede nè: – Moise inye loo ade dingem le kade ndang magtub mbate nan ade neen'n kété pa bita à kinye loo kade aw loo le'n bai.

⁵Jésu ede de ede nè: – E tede dum nan le si á Moise ndang'n magtub ndukunn nè ade sei se go nyan ke sei giri le rai.

⁶Nè kété ke desêin loo kunde-gir nyange malang nga, Nube ra dingem se dinye.

⁷Gir'n ke nè á dingem à inye kei le bo'n se kon'n le kum nan't bók se neen'n.

⁸D'a kum nan't bok le tel tò asenan se danra ke karé bere luk-luk.

⁹Titeke bè á d'a k'ee dooge ke gai-gai joo lé ta, nè d'a tel tò titeke kété d'ee'n doo ke karé bere luk-luk bè. Dooge ke Nube um de nan't bok se go rebe taa nan nga, maje kade doo ade mbati nan lé.

¹⁰Loo ke Jésu se njékuwe-girnge teli awi kêm kei baa, ei deji nin tà oje dè mbate nan le dingem se neen'n nga bai.

¹¹Jésu ede de ede nè: – Ke nè á dingem mbate neen'n aw taa dinye ke rang baa, tà kaiya uwe dè'n tede neen'n ke kété ke è mbate'n.

¹²Dinye géa, ke nè á mbate ngaw'n aw taa dingem ke rang baa, tà kaiya uwe dè'n to.

Jésu tɔr ndu'n dè nganng'e't

(An-in Matt 19.13-15; Luc 18.15-17 to)

¹³Dooge ori non nganng'e reei se de ra Jésu't le kade tɔr ndu'n dè de't. Njékuwe-gir-Jésuge in-in se njé ke ori non nganng'e nè nga, ei ndigi kɔgi de loo.

¹⁴Nè loo ke Jésu an nyan ra njékuwe-girnge bè baa, wong ra'n ade ede de ede nè: – Inyei nganng'e adi reei ram't m ogi de lé. Kerɔte kuwe, Nube à on bee dè dooge ke hal de tò tanan se le de dé nganng'e nè nga bè.

¹⁵Kerɔte kuwe, man m'ede sei ndát, nanan ke ndige kade Nube on'n titeke ngonn ra'n lé baa, à ile nja'n kêm Konbee't le'n ndan lé.

¹⁶Jésu ile ji'n dè nganng'e't se gonan-gonan ede nè: – Maje kade Nube tɔr ndu'n dè si't.

Jésu se basa ke è baw

(An-in Matt 19.16-30; Luc 18.18-30 to)

¹⁷Loo ke Jésu in oso rebe le kaw baa, dingem karé bè an-in ngode ree ose keje'n nang nonn't. E deje'n ede nè: – Ngar, i i doo ke maje, ké m'a ra ri á le kinge'n ndikumgajer se non nga wa?

¹⁸Jésu deje dingem nè nga ede nè: – Ké bain á i bar'm doo ke maje or njê't wa? Doo karé ke maje or njê't goto ndát-ndát. Nè Nube kuwe karé bere á è njè maje kor njê't.

¹⁹Nube unn ndu'n ede nè: «I a tɔl doo lé; i a sang dinye ke rang lé, i a boge lé, i a tête tà kunde tà doo't lé; i a kede gos taa'n nyan le doo lé; i a kule dèi kade boi se koin a to.» Ké ndukunng'e nè nga i ger de mbak lé wa?

²⁰Basa nè nga ede Jésu ede nè: – Ngar, m'an dè ndukunng'e nè sêw-sêw se basa'm karé sár tee bila.

²¹Jésu an basa nè nga gerer, tede è tár'n ngain. Jésu ede'n ede nè: – Nain nyan karé kade i ra bai. Aw, ige nyankingeige malang, i kai nar'n njéndooge baa, a inge nyanbaw danrán. I ra nyange nè malang pa bita i ree unn rebe goom't bai.

²²Loo ke Jésu tam tà nè bè baa, wur basa nè gang bann ade òte mbiring aw, tede nyanbaw le'n ke dè nang nè è ngain.

²³Jésu an njékuwe-girnge dârêr-dârêr baa, è ede de ede nè: – Njé ke awi se nyanbaw ngain dè nang nè nga, kaw kêm Konbee't le Nube à tur se de ngain.

²⁴Ndil de tee an-in soin-soin dè tà ke è tam't nè nga. Nè Jésu tel ede de ede nè: – Basage, njé ke umi kêm de dè nyanbawge ke dè nang nè nga, kaw kêm Konbee't le Nube à tur se de ngain.

²⁵Tur ngain le kade lugman ur aw kêm bolè libri kur nyan't tee. Nè le kade baw aw kêm Konbee't le Nube nga, à tur se'n ngain dum è ke nè bai.

²⁶Ndil njékuwe-gir-Jésuge tee an-in soin-soin dum ke kété, ade ei kuwe deji nan tà edi nè: – Ke nè á è bè baa, ké nan d'a d'aje'n ta wa?

²⁷Jésu an de gerer baa, è ede de ede nè: – Dooge asikum kaji ra de lé, nè Nube aseku kaje de, tede nyan ke à dum'n goto.

²⁸Pierre unn gir kede Jésu tà ede nè: – An! jè j'inye go nyankinge le jé malang kòke, j'unn rebe gooi't dariné.

²⁹Jésu ile Pierre dè't ede nè: – Keròte kuwe, man m'ede sei ndàt, ke nè á doo karé inye bee koje'n éké ngakonngé se kon nannenge ke tóge se njé ke girn't éké kon'n, éké bò'n, éké ngann'n, éké loo ndóge le'n tede'm man a, tede Tà ke Maje a tó baa,

³⁰doo nè nga à inge nyange malang ke kété inye tede tà le'm a, tede Tà ke Maje a tó nga, à inge made dè't nja aru dariné se kumndoo. Tá kêm ndóge ke à reei, à inge ndikumgajer se non bai.

³¹Dooge bule dann njé ke ei ngawtà made dege dariné à teli k'ei dann njé ke gugu't. Dooge bule dann njé ke gugu't dariné à teli k'ei dann njé ke kété't.

Jésu tel ede de kuwe bai tà yoo'n se tà kunde loo tee le'n dann njé ke koo't

(An-in Matt 20.17-19; Luc 18.31-34 tó)

³²Jésu se dooge ke ndolèi goo'n in-in awi kum de ke kêm bee-bò ke Jérusalem. Jésu oso non de't kété. Kêm njékuwe-girnge tò kekek. Dooge ke ndolèi go Jésu nga géa, bel ra de a tó. Jésu or njékuwe-girnge ke dóg-gidé-joo njol aw se de se kar de loo ke rang't. E ede de nyange ke dooge ayé rai se'n.

³³Jésu ede njékuwe-girnge ede nè: – An-in! j'à j'awi ke kêm bee-bò ke Jérusalem. Man ke m'ee Ngonn doo nga, d'a d'ulem ji maw njékuje-nyan-mesege't se ji njékórgirgute-nduge't. Dé nè nga, d'ade gang tà yo dèm't a, d'ade d'ule'm ji dooge ke dó ke geri Nube lé.

³⁴Dooge ke do à tulei mbe dèm't a, à tibi yoro kum't a, à tunde man se ndêin a, à toli man a to. Nè ndo ke njèkon't mute baa, m'a m'unde loo tee dann njé ke koo't.

Jacques se Jean ngann le Zébédée deji nyan Jésus

(An-in Matt 20.20-28 to)

³⁵Go't gugu, Jacques se Jean ngann le Zébédée reei ra Jésus't edi nin edi nè: – Kuwe jé, jè ndige le kade i ra nyan ke j'aw ndoo'n ade jè.

³⁶Jésu deje de ede nè: – Ké ri á sei awi ndoo'n le kade m'ra made sei wa?

³⁷Jacques se Jean teli edi Jésus edi nè: – Inye loo ade jé le kade doo karé ndi dè jikoin't a, doo karé ndi dè jigeli't a to, ndo ndubra't lei.

³⁸Jésu tel ede de ede nè: – Nyan ke sei koi nga, i geri gir lé. Ké sei asikum kain nyan ke kêm kalmann't ke m'a m'an-in nè nga kuwe wa? Ké sei asikum kade d'ule sei manné ngonm titeke d'a d'ule'm nga kuwe wa?

³⁹Jacques se Jean ilei Jésus dè't edi nè: – J'asekum ra nyan nè nga kuwe. Jésus tel ede de ede nè: – Kerote kuwe, a an-in nyan ke kêm kal mann't ke m'a m'an-in a, d'a d'ule sei manné ngonm titeke d'a d'ule'm nga a to.

⁴⁰Nè tà ke oje dè ndi dè jikonm't éké dè jigelm't nga, è tà le'm lé. Loo nè nga, è le njé ke Nube uwe dè nja oje'n dè de kété.

⁴¹Go't gugu, loo ke njékuwe-gir-Jésuge ke rang ke dog ooi tà ke Jacques se Jean deji bè baa, ei unni gir rai wong se de.

⁴²Jésu tel bar de malang rann't ede de ede nè: – Sei geri mbak, njé ke d'an de ke ngarge le dooge ke dè nang nè nga, oji nyange gai-gai dè dooge't. Njèkonbeege ke bòi on-in dooge njanm-njanm a to.

⁴³Nè sei baa, gar-gar maje kade i rai titeke bè lé. Ke nè á doo karé dann si't aw ndoo le k'ee doo ke bò dum madenngé malang dann si't baa, gar-gar maje kade tel ra'n ke ngonm njékule le si.

⁴⁴Ke nè á doo karé dann si't aw ndoo le k'ee doo dè si baa, gar-gar à tel ra'n ke bolè le si malang.

⁴⁵Oiyo man Ngonn doo géa, m'ree le kade dooge ei ngann njékulege le'm lé, nè m'ree le kade m'ee ngonm njékule le de a, le kinye ra'm kade yo ke nyan gang dè dooge bule a to.

Jésu ade kum Bartimée njèkumto an loo

(An-in Matt 20.29-34; Luc 18.35-43 to)

⁴⁶Jésu se njékuwe-girnge a, se kosdoo-bulege reei teei kêm bee-bò ke Jéricho. Loo ke à unde loo le tee baa, njèkumto karé ke njèko nyan ndi nang ngang rebe't à ko nyan. Njèkumto nè nga ri'n nè Bartimée, è ngonm le Timée.

⁴⁷Loo ke Bartimée oo titeke Jésu ke Nazareth à dere baa, è unn gir tam tà se ndu'n ke bòi ede nè: – Jésu ngonnkà David, kòkrò karè an kumndoo le'm.

⁴⁸Dooge ndángi nin le kade ebe't tam tà. Nè loo ke d'ade ndáng'n le kade ebe't baa, lotbè á è tam tà se ndu'n ke bòi dum ke kété ede nè: – Jésu, ngonnkà David, kòkrò karè, an kumndoo le'm kuwe.

⁴⁹Jésu tel nda nang gek, è ede njékuwe-girnge ede nè: – I bari n'ee adi n'ree. Njékuwe-gir-Jésuge edi njèkumtò nè nga edi nè: – Ade kèmi tò lom, òse nang in aw ingé, è n'ee kuwe á n'bari.

⁵⁰Njèkumtò ile kubu le'n ke bòi yul piring kòke, òse nang karkat in ree ra Jésu't.

⁵¹Jésu deje njèkumtò ede nè: – Ké ri á aw ndoo kade m'ra m'adi wa? Njèkumtò tel ede Jésu ede nè: – Ngar le'm, m'ndige kade kum'm tel an loo.

⁵²Jésu tel ede njèkumtò nè nga ede nè: – Aw ta, tede kundekêm lei aji bá. Ke loon't nè kuwe, njèkumtò tel an loo njai-njai titeke kété. E unn gir njiye go Jésu't.

Marc 11

Jésu aw kêm bee-bò ke Jérusalem

(An-in Matt 21.1-11; Luc 19.28-40; Jean 12.12-19 to)

¹Jésu se njékuwe-girnge undei dè bee ke Bethpagé se Béthanie ngɔr. Bethpagé se Béthanie nga, ei kòki beege le bee-bò ke Jérusalem. Loo ke ei awi teei kàde mbal ke kage olivierge ndai tutu baa, Jésu ɔr njékuwe-girnge joo ule de nonn't kété.

²E ede de ede nè: – Awi kêm kòki bee ke tò non si't non. Loo ke awi i teei kêm bee't nè baa, ke loon't nè kuwe a ingei ngonn koro ke dingem ke dé dɔ'n nang. E ngonn koro ke ndɔ karé doo in dènn't lé bai. I tutii, i reei se'n adi man.

³Ke nè á doo karé deje sei ede nè: «Ké bain á sei tutii wa?» baa, edi nin edi nè: «E Kuwe-bee lei Jésu á aw ndoo kin dènn't.» Ke loon't nè kuwe à inye sei kade i reei se ngonn koro nga.

⁴Loo ke njékuwegir-Jésuge ke joo nè ɔti awi baa, ingei ngonn koro nè nga tɔ. Dé dɔ'n nang ka-rebe't ngɔr se tàbit kei ke nata baa, dé tutu'n.

⁵Dooge ke nange ke ndai loon't deji de edi nè: – Ké i tuti ngonn koro nè nga le rai ri wa?

⁶Njékuwe-gire-Jésuge edi dooge nè nga titeke Jésu ede'n de. D'inye loo d'ade njékuwe-gir-Jésuge tuti koro nè nga ɔti awi.

⁷Njékuwe-gir-Jésuge reei se ngonn koro nè nga rann't. Ei labi kubuge le de ke bòi yul-yul dè ngonn koro't adi Jésu al ndi dè't mbeng.

⁸Dooge ngain labi kubuge le de ke de bòi yul nanga. Njé ke nange tėti balkum kagege labi nang ka-rebe't kété non Jésu't dɔyi nin.

⁹Dooge ke nonn't kété se njé ke goon't gugu rai nyan jik-jik edi nè: – Ngar ke Kuwe-bee Nube ule'n nga, maje kade ndutɔr le Nube nain se'n ade dè'n mong káng-káng.

¹⁰Maje kade ndutɔr nain se konbee ke ndi à ree. Konbee nè nga à tò tite le kà jéi David ke kété. Ulei ndubra dè Nube ke njè ndi kêm danran't dɔ.

¹¹Jésu ree tee kêm bee-bò ke Jérusalem. E aw kêm kei le Nube gon loo d̄êr̄êr̄. E tel se njékuwe-girnge ke dɔg-gidé-joo reei kêm ngonn bee ke Béthanie tede ndɔ il bá ta.

Jésu mann kage koté ke ann lé

(An-in Matt 21.18-19 to)

¹²Ndɔ ke njékon't joo, loo ke Jésus se njékuwe-girnge à in-in Béthanie le kawi baa, bo ra Jésus.

¹³Loo ke è unn kum'n baa, è an dè kage koté ite lurr. E to aw giré kade bainléa n'inge kann'n dè't n'use. Nè loo ke è ree ngɔr baa, è an mbi'n karè tede nan kann le kage koté nain bai.

¹⁴Jésu tam se kage ede nè: – Doo karé bè géa à kuse kanni gugu ndan lé. Njékuwe-gir-Jésuge ooi tà ke è tam nè nga se mbi de.

Jésu rɔ njéra gatege kêm kei't le Nube

(An-in Matt 21.12-17; Luc 19.45-48; Jean 2.13-22 to)

¹⁵Jésu se njékuwe-girnge teei kêm bee-bò ke Jérusalem. Jésus aw kêm kei't le Nube. E unn gir rɔ njékige nyange se njéndogo nyange nata. E koto tablege le njémbel narge se nyan-ndige le njékige derge tile piring-piring kɔke.

¹⁶Jésu inye doo karé bè géa ade unn nyan tuge'n kêm kei le Nube gang lé.

¹⁷E deje de ede nè: – Kei le'm nga, ké njéribè-dè-tàge ke tà Nube't ndangi kêm magtub't edi nè: «A è kei kɔje tà se Nube le kosdooge malang» lé wa? Ké bain á sei i telii ke mbonreen loo bɔyɔ ra le gon-bogege wa?

¹⁸Maw njékuje nyan-mesege se njékɔrgir gute-nduge ooi sertà nè. Ei sangi ké se rebe ke ra n'a tɔli Jésus wa? Nè dé bel'n tede doobulege malang nga, ndil de tee an-in soin-soin dè nyan ke è ndó de se ndɔge-ndɔge.

¹⁹Loo ke ndɔ il bá baa, Jésus se njékuwe-girnge undei loo kêm bee-bò't nè teei awi.

Jésu tel tam tà ɔje'n dè kage koté ke è mann'n

²⁰Barè se ndɔgé bat, loo ke Jésus se njékuwe-girnge teli teei loo ke kage koté nda tutu nga baa, ei an-in nin tutu wùm sár tee'n girn't nang.

²¹Kêm Pierre olé dè tà ke tagela Jésus tam se kage koté baa, è ede Jésus ede nè: – Kuwe jé, an! kage koté ke tagela ɔr se'n nga wei njanm.

²²Jésu ede njékuwe-girnge ede nè: – Undei kêm si dè Nube't.

²³Kerɔte kuwe, man m'ede sei ndàt, ke nè á doo karé ede mbal nè ede nè: «Ɔr rai loo ke nè't kɔke aw oso ba baa, d'ade ra nyan nè kade'n kuwe. Nè è tà le kade um kêm'n dè't bɔk-bɔk m naje se ra'n dè't lé.

²⁴Gir'n ke nè á man m'ede sei: nyan malang ke sei deji Nube loo ke ɔjii se'n tà nga, ke nè á umi kêm si dè't titeke a ingei nga nyan nè nga kerɔte kuwe baa, d'a d'ade sei nyan nè kuwe.

²⁵Dɔ-dɔ loo ke in-in i ndai dɔ le kɔji tà se Nube nga, ke nè á kêm si on sei dè doo karé't baa, inyei go nyanrage le'n ke se go rebe'n lé. Titeke bè á Bɔ si ke ndi danrán géa à inye go nyanrage le si ke se go rebe'n lé le si nga tɔ.

²⁶Nè ke nè á inyei go nyanrage ke se go rebe'n lé le dooge ke rang lé baa, Bɔ si ke ndi danrán géa à inye go nyanrage le si ke se go rebe'n lé nga ndan lé tɔ.

Dooge naji se ra de dè tɔgmong't le Jésus

(An-in Matt 21.23-27; Luc 20.1-8 tɔ)

²⁷Jésu se njékuwe-girnge teli reei kêm bee-bò ke Jérusalem gugu. Jésus njiye kêm kei le Nube. Ke loon't nè kuwe, maw njékuje nyan-mesege se njékɔrgir gute-nduge se ngatɔgege reei rann't deji nin edi nè:

²⁸– Ké nan adi tɔgmong á i ra'n nyange nè nga wa? Ké nan á inye loo adi kade i ra'n nyange ke titeke bè wa?

²⁹Jésu ede de ede nè: – M'a deje sei tà karé luk-luk le koo. Ke nè á ilei man dè't baa, m'a m'ede sei ri njèkinye loo kade m'ra'n nyange nè nga tɔ.

³⁰Kule dooge manné njonm ke ndɔ ke Jean ile m'ber'n kété bita ule dooge manné njonm a tɔ nga, ké gir'n in danrán ra Nube't éké in ra dooge't wa? Ilei man dè't.

³¹Dé murin tà dann de't d'ede nè: – Ké j'à kilei n'ee dè tà't kedi nè ri wa? Ke nè á j'à j'ilei n'ee dè't kedi nè: Gir'n in danrán ra Nube't baa, n'a n'deje jèi kede nè: A baa ké bain á umi kêm si dè tà't le Jean lé wa?

³²Ke nè á j'à j'ilei n'ee dè't kedi nè: Gir'n in ra dooge't baa, kosdoo-bulege à in-in se jéi se tà ke le de tɔ. Dé bel kosdoo-bulege tede dooge malang an-in Jean ke ngarankum njèribe-dè-tà ke tà Nube't.

³³Gir'n ke nè á dé tel d'ile'n Jésus dè't d'ede nè: – Jè, jè ger lé. Jésus tel ede de ede nè: – Ke nè á è bè baa, m'a m'ede sei ri njèkinye loo kade m'ra'n nyange nè nga ndan lé tɔ.

Marc 12

Sertà le njéra kule kêm ndɔr nduu't

(An-in Matt 21.33-46; Luc 20.9-19 tɔ)

¹Jésu unn gir kede dooge tà se gostàge ede nè: – Doo karé bè aw se loo ndɔr nduu, è man kage nduuge tutu. E ɔr gali gan'n dè wàk. E nder bolè le kade dé mboré

mann nduu d'um tutu a, è ra kei ngonm loo a tɔ. Go't gugu, è bar njéra kule kêm ndɔr nduuge't um kule'n ji de't bita ɔte aw mba't dè bee ke rang.

²Loo ke nan kuje kann nduu ase bá baa, kuwe-ndɔr nè ule ngonn njèndi le'n ra njéra kule kêm ndɔr nduuge't le kade adii kann nduu ke ɔje dè'n.

³Njéra kule kêm ndɔr nduu't nè nga, uwei ngonn njèndi nè nga tundei nin, tabai rɔi nin ade tel ji'n karè d'áng-d'áng.

⁴Kuwe-ndɔr nduu ɔr ngonn njèndi le'n karé ke rang ule'n ra de't. E nè nga géa, d'unde dè'n se dò katem a, dé taje'n a tɔ.

⁵E ɔr ngonn njèndi le'n ke njèkon madege't mute ule'n ra de't kuwe bai, nè dé tɔl'n. E ɔr ngann njéndige le'n ke rang bule ule de ra njéra kule kêm ndɔr nduu't. Njéra kule kêm ndɔr nduu't tundei njé ke nange a, tɔli njé ke karége a tɔ.

⁶Kuwe-ndɔr nduu nè aw se ngonn ke dingem ke dagi. E tár'n ngain. E nè kuwe karé luk-luk á nain. E ule'n ke ngei njékulege le'n ra njéra kule kêm ndɔr nduu't ede nè: «D'a bel ndil ngonn kêm'n.»

⁷Nè njéra kule kêm ndɔr nduu't nè edi nan edi nè: «An-in! njè ba nyan-ndube ke ndɔ ke rang nga. I reei ade j'umi tà le jéi nan't, jè tɔli nin baa, ndɔr nduu nè à tel k'ee nyankinge jéi.»

⁸D'in d'uwe'n, dé ndɔr'n kêm ndɔr nduu't d'aw se'n ngang loo't nata, dé tunde'n njanm-njanm dé tɔl'n.

⁹Jésu deje maw njékuje nyan-mesege se njékɔrgir gute-nduge se ngatɔgege a tɔ, ede nè: – Ké ri á kuwe-ndɔr nduu à ra ta wa? E à aw le kade dé tɔl njéra kule kêm ndɔr nduu't. Tabai è à tel se kule kan dè ndɔr nduu nga kum ji dooge ke rang.

¹⁰Magtub ke tò se ninn'n tam ede nè: «Kuberi her ke njékunde keige an-in ke nyan lé nga, tel è njè mong kum kei ke get-get.

¹¹Nyan nè nga, è kule ra Nube. E nyan ke dum kum jéi kerɔte kuwe.» Sei i tutei tà nè nga an-in bá.

¹²Njékɔr non Juipge geri titeke Jésus tam gostà nè ɔje'n dè de. Ei sangi le kade d'uwe'n, nè beli kum doobulege baa, ei inyei nin ɔti awi.

Nyan ke ɔje dè Nube se nyan ke ɔje dè ngar César

(An-in Matt 22.15-22; Luc 20.20-26 tɔ)

¹³D'ɔr Pharisienne se pajage le Hérode Antipas ke nange d'ule de ra Jésus't le kade uwei nin se tà se go tà ke à tee tànn't.

¹⁴Ei reei rann't edi nin edi nè: – Ngar, jè ger titeke i njè tam ngarankum tà kuwe. I njè ndète kum doo lé a, i njékɔr kum doo lé a tɔ. I ndó dooge ngarankum nyan ke Nube ɔje a tɔ. Kuge tir le ngar ke bò César nga, è loon't lé wa? Gar-gar, j'à j'ugei éké j'à j'ugei lé wa? Ede jè.

15Nè Jésu ger kede gos le de mbak baa, è de je de ede nè: – Ké bain á ulei kêm'm wa? E ede de ede nè: – I reei se nar kule ke ndo karé nga adi man!

16Dé ree se nar kule ke ndo karé nga d'ade Jésu an. E de je de ede nè: – E ndil dè doo se ri doo ke dé ndang tu sile't nè nga, ké oje dè nan wa? Dé tel d'ile'n dè't d'ede nè: – E ndil dè César a, è ri César a to á dé ndang tutu.

17E á Jésu tel ede de ede nè: – Nyan ke oje dè ngar César baa i teli adi ngar César, nyan ke è le Kuwe-bee Nube baa i teli adi Kuwe-bee Nube a to. Tà ige de sêl dè tà ke è tam't.

Tà ke oje dè kunde loo tee dann njé ke koo't

(An-in Matt 22.23-33; Luc 20.27-40 to)

18Saddusienge nga tami edi nè: Doo à kunde loo tee dann njé ke koo't ndan lé. Njé ke nange dann de't reei ra Jésu't deji nin tà karé edi nè:

19– Njèndó dooge nyan, Moise ndang tà nè ade jéi Juipge ede nè: «Ke nè á doo taa dinye nal koje'n ngonn á wei baa, ngokon'n ke ndèin à taa dinye ndube nè le kunde'n ko ngokon'n ke wei.»

20Kété mari, ngakon nange ke dingem ji sejimute ndii tutu. Njé ke toge taa dinye oje'n ngonn unde ko'n lé bai kuwe baa, è wei.

21Ngokon'n ke girn't taa dinye ndube nga oje'n ngonn unde ko ngokon'n ke toge lé bai kuwe baa, è wei ke le'n to. Njèkon de't mute nga géa, è wei titeke bè to.

22Dinye ndube nè nga, ngakon nange ke ji sejimute mbak taai nin. Nè è oje ngonn se doo karé dann de't lé sár ade weii oji gonan-gonan malang. Dinye nè nga géa wei utu go de mbak.

23Loo ke ndon't dooge à undei loo teei dann njé ke koo't baa, ké nan dann de't á à è ngaw dinye nè wa? Kerote kuwe, dé ngakon nange ke ji sejimute nè nga, dé taa'n ke dinye le de mbak.

24Jésu ede de ndat ede nè: – Sei geri Magtub le Nube lé a, togmong le'n lé a to. Gir'n ke nè á in-in ilei tà koke salang. Ké è bè lé wa?

25Ndo ke dooge à undei loo teei dann njé ke koo't baa, dingemge se dinyege à taai nan lé, nè à ndii tite dooge ke danrán bè.

26Tà ke oje dè dooge ke à undei loo teei dann njé ke koo't nga, ndo ke Nube ede Moise tà'n kété ede nè: «Man Nube le Abraham, le Isaac, le Jacob a to.» Nube ede Moise tà nè kote ngonn kage ngarr't ke on por bilm-bilm. Ké bain á i tutei magtub ke Moise ndang oje'n dè tà nè nga an-in lé wa?

27Nube nga è Nube le dooge ke ndii kumgajer m è Nube le dooge ke weii lé. Tà nè nga ur se si walé ngain.

Gute-ndu ke dum dè madege malang

(An-in Matt 22.34-40; Luc 10.25-28 to)

28Njèkɔrgir gute-ndu karé bè oo ndu de ke dé naje'n nan tà. E an tite Jésu ile Saddusiengé dè't maje ngain baa, age meen-meen ree rann't deje'n ede nè: – Dann gute-nduge't malang nga, ké è ke ra dum dè madege malang wa?

29Jésu tel ile doo nè dè't ede nè: – Sei Israelge, uri mbi si maje ooi gute-ndu ke desèin ke dum dè madege malang á tò nè: «Kuwe-bee Nube le jéi kuwe è Nube karé bere luk-luk.

30Gar-gar i a tár Kuwe-bee Nube ke è Nube lei nga se ngaran kêmi bere mbak a, se danrai bere mbak, se tàgir lei bere mbak a, se tɔgi bere mbak a tɔ.»

31An! gute-ndu ke njèkon't joo ke dum dè madege malang á tò nè: «Gar-gar i a tár doo madi titeke i tár'n danrai i kuwe bè.» Gute-ndu ke rang ke dum dè gute-nduge ke joo nè goto.

32Njèkɔrgir gute-ndu nè ile Jésu dè't ede nè: – Maje ngain, njèndó dooge nyan! I tam è kum kerɔte, tede i tam ede nè: Kuwe-bee Nube kuwe è Nube se kar'n bere luk-luk.

33Gar-gar i a tár Nube se ngaran kêmi bere mbak a, se tàgir lei a, se tɔgi bere mbak a tɔ. Tabai i a tár doo madi titeke i tár'n danrai i kuwe bè tɔ. E ke nè è soo't ngain dum nyankuje-mesege se nyankulge ke tɔl ró se por kade Nube nga.

34Loo ke Jésu an titeke njèkɔrgir gute-ndu nè nga ile'n dè't se kumkunju'n baa, è ede'n ede nè: – Nube à on bee dèi't ngɔr ta. Dooge malang beli teli deje Jésu tà.

Krist nga è Kuwe-bee le ngar David

(An-in Matt 22.41-46; Luc 20.41-44 tɔ)

35Loo ke Jésu ndi à ndó dooge nyan kêmi kei le Nube baa, è deje de ede nè: – Ké è titeke bain á njèkɔrgir gute-nduge tami edi nè Krist nga è ngonnkà David karé wa?

36E David nga géa, Ndil-Kêmnda ɔse'n balang-balang ade tam ede nè: «Nube ede Kuwe-bee le'm ede nè: I ndi dè jikonm't sár le kade m'ade njébange lei teli nyan-sure-nja kum lei.»

37David ke karé nè kuwe ɔar doo nè nga Kuwe-bee Nube le'm. A baa, ké Kuwe-bee le'n à tel k'ee ngon'n titeke bain tabai wa? Tà ke Jésu ndó kosdoo-bulege nga, nel de ngain ade uri mbi de tchên ke rann't.

I ndaji nyanra njèkɔrgir gute-nduge lé

(An-in Matt 23.1-36; Luc 20.45-47 tɔ)

38Loo ke Jésu ndi à ndó dooge nyan baa, è ede de ede nè: – Undei kumkunju dè ra si't nè a kin-in ndaji nyanra njèkɔrgir gute-nduge. E ndigi ringei se kubu ke ngal julul-julul a, ndigi kade dooge rai de lapyà ndá-looge't a tɔ.

³⁹Njèkɔrgir gute-nduge nga ndigi ndii loo ke kété non kosdooge't kêm kei kebe nan't. Loo ke dé bar de loo nyankuse't géa, ei ndigi ndii loo ndi dooge ke bò't kété a tɔ.

⁴⁰Ei njé taa nyange le dinye ke njèkei-kingege ndát-ndát a, ɔji tà se Nube adi kur de heb fak tede le libe'n kum dooge. Dé nè nga, ndɔ gangtà't baa, Nube à gangtà ke bòi dum madege dè de't.

Nyan-noje le njèkei-kinge dum dè le njé ke rang

(An-in Luc 21.1-4 tɔ)

⁴¹Jésu ndi nang kɔte mbu ke dooge umi nar tutu't. E an doobulege unni gir kum nar tutu. Njé ke nyankinge de è ngain baa, umi nar tutu ngain tɔ.

⁴²Njèkei-kinge karé bè ree se ngann sile ke njèk-njèk joo um kêm mbu nar't nè nga tɔ.

⁴³Jésu bar njèkuwe-girnge ke rann't baa, è ede de ede nè: – Kerɔte kuwe, man m'ede sei ndát, ngann nar ke njèkei-kinge um nè nga dum dè nar malang ke njé ke rang umi.

⁴⁴Njé ke rang malang baa, unni tà nar ke ase de nák-nák á ilei. Njèkei-kinge nè nga, unn nyan ndoo le'n ke ayé ngonm'n ra'n mbak ade.

Marc 13

Jésu ede njèkuwe-girnge tà tuju le kei le Nube

(An-in Matt 24.1-2; Luc 5-6 tɔ)

¹Loo ke Jésus à unde loo tee kêm kei le Nube baa, njèkuwe-gir'n karé ede'n ede nè: – Pebli, Ngar, an! herge ke tɔl ke d'unde'n kei ke tò bel nè non!

²Jésu tel ile'n dè't ede nè: – Herge ke d'unde'n kei ke tò bel ke an nè nga, karé bè ke d'a d'inye'n dè made't dɔ goto. D'ade jɔrè de nang bɔrɔr-bɔrɔr malang.

Nyankumndooge se nyantosowurge ke à undei loo teei

(An-in Matt 24.3-14; Luc 21.7-19 tɔ)

³Jésu ndi dè mbal ke kage olivierge ndai tutu sɔbe kàde kei le Nube. Pierre se Jean se Jacques a, se André a tɔ deji Jésus tà, loo ke nain-in se'n se kar de edi nè:

⁴– Ede jè, ké ndɔ ke ra á nyange ke i tam tà'n nè nga à awi loon't deŋ wa? Ké nyan ri á à tɔje jè ndɔ tee le nyange nè nga malang wa?

⁵Jésu unn gir kede de ede nè: – Kêm si de ra si't le kade doo karé géa sú kum si lé.

⁶Kerɔte kuwe, dooge bule à unni ri'm le tami kedi nè: «Man nga m'ee Krist.» D'a tam bè le sú'n kum dooge bule.

⁷Loo ke ooi tà rɔ éké ser rɔ ke ndɔn't dooge à rɔi nan baa, adi kàde si gete get-get lé. Gar-gar nyange nè à reei kerɔte, nè à è ngang'n lé bai.

⁸Girkà ke karé à in rɔ se girkà karé ke rang, ngar-bee karé à in le rɔ se ngar-bee karé ke rang a tɔ. Nang nè à yei buk-buk a, ɓo à oso a tɔ. Nyange nè nga, ei tàpitem nyankêmkonge ke ndii à reei ke ree bai.

⁹Nè sei baa, kê m si dè ra si't oje dè nyange ke d'ade ra se si. D'ade tuwe sei kaw se si gangtà dè si't a, d'ade tunde sei kê m kei kebe nange't a tɔ. D'ade kali sei kaw se si non njêkonbeege't se non ngar-beege't a tɔ, tede tà le'm man le kade ɔri go tà le'm adi de.

¹⁰Gar-gar d'a d'ile mber Tà ke Maje nè nga kade dooge malang kété pa bita.

¹¹Loo ke d'ade tuwe sei kaw se si non njêkonbeege't le kade gangi tà dè si't baa, adi kê m si tò kekek dè tà ke a i tami nga lé. Nube kuwe à ule tà ke a i tami tà si't kê m ndɔn't nè nga. E Ndil-Kê mnda á à ule tà tà si't kade i tami.

¹²Ngakon nange ke dingem joo à unni dè nan. Njè ke tɔge à unn dè njè ke ndêin kade dé tɔl'n. ɓo nganngè à unni dè ngann dege le kade dé tɔl de a, nganngè géa à unni dè ɓo dege le kade dé tɔl de a tɔ.

¹³Dooge malang à ɔri sei njêt tede tà le'm. Nè doo ke orè tà'n njak sár wei'n baa, Nube à aje'n.

Nyankêmkon à ra dooge

(An-in Matt 24.15-28; Luc 21.20-24 tɔ)

¹⁴Nɔn't a an-in njè tuju loo ke tò bel à unde loo tee le kaw ndi kê l loo ke ndête kade ndi tutu lé nga bai. Gar-gar è tà le kade njè tute magtub nè ger maje. Ndɔn nè nga, njé ke à ndii kê m ɓeekon ke Judée gar-gar è tà le kade an-in nan awi ke dè mbalge't.

¹⁵Kê m ndɔn't nè nga, doo ke ndi dè kei't dɔ baa, è asekum le tel kaw kê m kei kunn nyan karé lé ta.

¹⁶Kê m ndɔn't nè nga, doo ke nda à ra kule kê m ndɔr't baa, è asekum tel kaw kê m kei le'n le kunn kubu le'n ke bòi yul lé ta.

¹⁷Habi! à è kumndoo ngain kê m ndɔn't nè nga tede le dinyege ke njé ndann nganngè se njé ke nganngè à ili mbà kàde de't bai nga a tɔ.

¹⁸Ɔji tà se Nube le kade nyan nè nga tee ɓara lé.

¹⁹Oiyo, nyantosowurge ke à teei kê m ndɔn't nè nga, mari ke Nube unde'n nang sár tee bila nga, nyantosowurge nè teei lé bai. Gar-gar nyantosowurge nè nga à teei gugu rang ndan lé a tɔ.

²⁰Ke nè á Nube gang tà ndɔge nè dɔ tede le njékê mndage le'n ke è tɔr de lé baa, doo karé ke ayé ndi kumgajer goto. Nè è gang tà ndɔge nè nga dɔ tede njékê mndage le'n ke è tɔr de unde de se ninn de.

21Ke nè á doo karé ede sei ede nè: «An-in! Krist nda nè!» Eké «Krist nda nú bè» baa, umi kêm si dè tà't le'n lé.

22Tede njé ra ra de ke Krist se njé ra ra de ke njéribé-dè-tàge ke tà Nube't à òsi nang kin-in. Ei à rai nyankòbege le kade bainléa libi kum njékêmdage ke Nube tɔr de.

23Nè sei baa, undei kumkunju dè ra si't òje dè nyange ke ndii à reei nga.

Ngonn doo à tel ree dann ndubra't

(An-in Matt 24.29-31; Luc 21.25-28 tɔ)

24Nyantosowur à ra dooge ngain kêm ndɔn't nè. Go't gugu baa, kàde à tel tuge ndul ndáng-ndáng, nan à nda lé.

25Kɔnyonge à in-in danrán tosoi nang a, tɔgmong-ge ke ade nyange ke danrán uwei nan sêm-sêm à yeii buk-buk a tɔ.

26Kerɔte kuwe, d'a d'an'm man Ngonn doo loo tel ree't le'm dann bum't se tɔgmong a, se riɓar a tɔ.

27Kerɔte kuwe, m'a mule dooge le'm ke danrán kade awi se loo malang dè nang nè òsi nja njé ke m'tɔr de dè nan't neɓ-neɓ.

Jésu unn tà le kage koté òje'n dè Konbee le Nube

(An-in Matt 24.32-35; Luc 21.29-33 tɔ)

28An-in! kage koté ke nyan ndó ke òje dè ndɔ ree Ngonn doo nga. Loo ke balkumngé unni gir tubei mên-mên a, mbinngé iti duk-duk a tɔ baa, sei geri titeke ɓar è ngɔr.

29Sei géa, loo ke an-in nyange nè à undei loo teei baa, gar-gar sei geri titeke ndɔ ree le'm man Ngonn doo nain ngɔr, m'ee tà rebe't ta.

30Kerɔte kuwe, man m'ede sei ndàt titeke dooge ke ndii dè nang nè ðarinè à an-in nyange nè se kum de pa ɓita à weii ɓai.

31Danran se nang nè à kudi ɓai, nè tàge le'm à teli yayi ndan lé.

Jésu ndeje dooge kade ndii kum òje dè ndɔ tel le'n

(An-in Matt 24.36-44 tɔ)

32Doo karé bè à ger ndɔ se kàde ke nyange nè à undei loo teei nga lé. Dooge ke danrán géa à geri lé a, man Ngonn doo géa m'ger lé a tɔ. Nè Bɔ'm kuwe se kar'n bere á ger.

33Undei kumkunju dè ra si't. I ndii dè nja si't tchên, tede sei geri ndɔ ke è òje nga lé.

34Nyange nè nga tooi asinan deɓ se le doo karé bè ke inye kei le'n aw mba. Kété ɓita kade aw baa, è unn ndu'n ade ngann njéndige le'n le kade nanan géa tɔse

kum'n dè kule't le'n-le'n. Tabai è unn ndu'n ade njè ngonm tà kei le kade ndi dè njann't kekek a tɔ.

³⁵Sei géa, i ndii dè nja si't kekek tede sei geri ndɔ éké kàde ke kuwe-kei à tel ree'n nga lé. Bainléa à è tà ndalé, éké dann loo bɔp, éké non kunje ke desêin, éké tàgir loo't.

³⁶I ndii kum le kade loo ke è à unde loo tee pan baa, à inge sei dè bi't lé.

³⁷Tà ke m'ede sei nè nga ɔje dè dooge malang a tɔ. I ndii dè nja si't tchên kuwe.

Marc 14

D'ɔr nan tà dè Jésus't

(An-in Matt 26.1-5; Luc 22.1-2; Jean 11.45-53 tɔ)

¹Ndɔ ra nan ke anje pululu se ndɔ ra nan ke dé bar'n Paque nain ndɔ joo. Maw njékuje nyan-mesege se njékɔrgir-gute-nduge sangi gos ke le kuwe'n Jésus tɔl'n.

²Ei edi nan edi nè: – Gar-gar ade j'adi d'uwé, dé tɔlé se go ngein nè bainléa kosdooge ke reei loo ra nan't nè à in-in rɔi se jéi.

Marie tête wubu dè Jésus't kêm bee ke Béthanie

(An-in Matt 26.6-13; Jean 12.1-8 tɔ)

³Jésu ndi kêm bee ke Béthanie kei le Simon ke ndɔ ke kété banje ra'n. Jésus ndi à use nyan. Dinye karé bè ree se ku wubu ke dé ra se her ke ri'n nè albatre aw'n go Jésus't kei. Dinye nè nga ree se wubu ke ete maje ngain ke dé bar'n nard kuwe deri rusu ku'n táp-táp. Wubu nè nga è wubu ke nar'n ur kugu, nè dinye nè uwe tà dap tête tête dè Jésus't.

⁴Wong ra dooge ke nange ke ndii loon't adi deji nan tà edi nè: – Ké dinye nè nuju wubu nè kɔke se ndáng tede ri wa?

⁵Wong ra de ngain dè dinye't nè ade dé tam d'ede nè: – Ke nè á kété d'ige wubu nè nga kɔke baa, d'ayé kinge nar dum dè nar kule ke ndɔ aru mute le kai njéndooge.

⁶Nè Jésus ede de ede nè: – Inyei n'ee jêke^ adi n'ra. Ké tede ri á i ndɔji n'ee adi n'ɔr'n yàl-yàl bè wa? Nyan ke n'ra tede'm nga, è nyan ke maje ngain.

⁷Njéndooge ndii se si se ndɔge malang. Sei asikum kuwei se de noje titeke kêm si ndige. Nè man baa, m'a m'ndi se si se ndɔge malang lé.

⁸Dinye nè ra nyan ke ase dè tɔgn't. E ndum'm wubu ke ete maje ngain nè kété bita le kade ndɔn't d'um'm ngire bai.

⁹Kerɔte kuwe, man m'ede sei ndàt, se loo malang dè nang nè, loo ke d'a d'ile mber Tà ke Maje tutu nga, d'a kɔr ser nyan ra dinye nè nga tɔ, tede kade kɔbe'n oso'n se loo mbit-mbit ade kêm dooge olé'n dènn't.

Judas ndige kule Jésus ji maw njékuje nyan-mesege't

(An-in Matt 26.14-16; Luc 22.3-6 to)

¹⁰Go't gugu Judas Iskariot, è ke karé dann njékuwe-gir-Jésuge ke dɔg-gidé-joo aw inge maw njékuje nyan-mesege. E ndige le kule Jésus ji de't.

¹¹Loo ke d'oo tà le Judas Iskariot bè baa, ra de nel de ngain ade d'unn ndu de le kade'n nar ndêin. Judas unn gir sang ndɔ ke kanm tede kule'n Jésus ji maw njékuje nyan-mesege't.

Jésu ade njékuwe-girnge uwei dè nja nyan ra Paque

(An-in Matt 26.17-25; Luc 22.7-14,21-23; Jean 13.21-30 to)

¹²Dé tɔl ngann batege le ra'n nyankuse. E nyankuse ke olé kê m ngannkà Israel dè ndɔ ke Nube gang'n dè de. Barè lookar'n à è ndɔ ke desêin le nan ke ɔje dè mapage ke anje pululu. Njékuwe-gir-Jésuge deji nin edi nè: – Ké loo ke ra i ndige kade j'aw tutu, j'uwe dè nja nyankusei wa?

¹³Jésu ɔr njékuwe-girnge joo ule de kade uwei dè nja nyan ra nan Paque. E ede de ede nè: – Ɔti awi kê m bee-bò ke Jérusalem. Loo ke ingei dingem karé ke oto ku mann dènn't baa, awi goon't.

¹⁴Kê m kei ke dingem nè à aw tutu nga awi se'n baa, sei edi kuwe-kei nè nga edi nè: «Ngar deji nè: ké kê m kei ke ra á n'ee se njékuwe-girnge n'à n'usei nyan nan Paque tutu wa?»

¹⁵Kuwe-kei nè à tɔje sei kei ke dè made't dɔ. E kei ke dé gɔl kê m'n maje a, nyange malang ke j'awi ndoo'n tò kê mé a tɔ. E á è loo ke a uwei dè nja nyan ra nan Paque nga tutu tede le jéi.

¹⁶Loo ke njékuwe-gir-Jésuge ɔti awi kê m bee-bò't baa, ingei nyange malang tooi loon't titeke è ede'n de kété nga. D'uwe dè nja nyankuse nan Paque kê m kei nè.

¹⁷Loo ke kàde ur bá baa, Jésus ree se njékuwe-girnge ke dɔg-gidé-joo.

¹⁸Loo ke ei ndii à usei nyan baa, Jésus ede de ede nè: – Kerɔte kuwe, man m'ede sei ndàt, doo karé dann si't à unn dè'm. Doo nè à è ke karé dann njé ke ndii à usei se'm nyan't nè.

¹⁹Wur de gang mbann ade d'unn gir deji Jésus tà d'ede nè: – Ké è man lé lóa?

²⁰Jésu ede de ede nè: – E doo karé dann si sei njékuwe-girmge ke dɔg-gidé-joo ke ule ji'n kê m tasa tar't se'm nan't nè kuwe.

²¹Ngonn doo nga à ɔte le kaw se go tàge ke dé ndang kê m Magtub ke tò se ninn'n d'ɔje'n dè'n. Habi! doo ke njèkule Ngonn doo ji de't nga, nyankê mkon à ra'n. Doo nè nga né d'ɔje'n lé géa è soo't.

Jésu unde gir mapa le Kuwe-bee

(An-in Matt 26.26-30; Luc 22.14-20; 1 Cor.23-25 to)

²²Loo ke Jésus se njékuwe-girnge ndii tà nyankuse't baa, Jésus unn mapa karé, è ra Nube oiyo bita uwe tête danné ade de ede nè: – I taai, è ke nè è danra'm.

²³Go't gugu baa, è unn mann nduu kêm kalmann't ra Nube oiyo bita è ule ade d'an-in pêrm-pêrm d'ade nan gute.

²⁴Tabai Jésus ede njékuwe-girnge ede nè: – E ke nè, è mese mann-ra ke an-in uge dè dooge bule.

²⁵Kerote kuwe, man m'ede sei ndàt, m'a tel kain mann nduu gugu ndan lé kade m'an-in'n è ke kige kêm Konbee't le Nube.

²⁶Loo ke gir nyan nè gang bá baa, d'ose page d'ule'n ndubra dè Nube't bita d'unde loo dé tee d'aw dè mbal ke kage olivierge ndai tutu bai.

Jésu ede Pierre ede nè a i naje se rai dèm't

(An-in Matt 26.31-35; Luc 22.31-34; Jean 13.36-38 tɔ)

²⁷Jésu ede njékuwe-girnge ede nè: – Sei malang a teli tɔri naji se ra si dèm't. Tede dé ndang kêm magtub't d'ede nè: «M'a kunde njèkul batege mbas tɔl'n. Batege à an-in a, à yali nan biriri ke looge't.»

²⁸Nè loo ke Nube à ade m'a m'unde loo tee baa, m'a m'aw kété ngine sei kêm beekon ke Galilée.

²⁹Pierre ede Jésus ede nè: – Ke nè á njé ke rang malang à tɔri naji se ra de dèi't géa, man Pierre baa, m'a m'naji se ra'm dèi't ndan lé.

³⁰Jésu ede Pierre ede nè: – Kerote kuwe, man m'edi ndàt, bila dann ndo nè kuwe, kété bita kade kuren kunje non nja joo nga, a i naje se rai dèm't nja mute kede nè i ger'm lé.

³¹Pierre tel ile Jésus dè't ede nè: – Ke nè á è le kade dé tɔl'm sei nan't géa, m'a m'naje se ra'm dèi't kede nè m'geri lé ndan lé. Gute njékuwe-gir-Jésuge ke rang malang géa tami titeke bè tɔ.

Jésu oje tà se Nube dè mbal ke kage olivierge ndai tutu

(An-in Matt 26.36-46; Luc 22.39-46 tɔ)

³²Go't gugu Jésus se njékuwe-girnge reei teei loo karé ke ri'n nè Gethsémané. E ede de ede nè: – I ndii nang nè adi m'aw m'oje tà se Nube bita.

³³E ade Pierre, Jacques se Jean á dann nin. Bel unn gir kunde'n ndàt gang'n ade kàde'n gete get-get.

³⁴Jésu ede njé ke dann nin ede nè: – Kêm'm ndinge ra'm sár kade m'wei'n. I ndii loo ke nè't a, i ndii dè nja si't a tɔ.

³⁵E aw mbɔr ke kété baa, labe tà kêm'n nang oje tà se Nube le kade bainléa nyantosowur nè nga gang kɔtenn't lé.

³⁶Jésu ede nè: – Bɔ'm, i baa ase ra nyange malang. Ute nyantosowur nè ram't mbeng ke rang. Nè né è bè géa, i ra nyan ke kêm'm man á ndige lé, nè nyan ke kèmi oje.

³⁷Jésu tel ree ra njékuwe-girnge't baa, è inge de dè bi't. E de je Pierre ede nè: – Simon, ké i tò bi wa? Ké i ase ndikum mbor lé wa?

³⁸I ndii dè nja si't kekek oji tà se Nube. Ke nè á i rai titeke bè se ndoge malang baa a osoi dann kaiya't lé. Tàgir le si maje nè danra si á yai.

³⁹Jésu ose wan dè njann't tel aw oje tà se Nube. Kum tà ke è oje se'n kété nga kuwe tel oje se'n bai.

⁴⁰Mbor baa, Jésus ose wan tel ree ra njékuwe-girnge't kuwe bai. Kum de ojo nan't ngandang-ngandang se bi ade geri tà ke le kedi nin lé.

⁴¹Jésu ose wan tel ree ra de't njèkon't mute de je de ede nè: – Ké awi ndoo tò bi a, taa kebe ke kété-kété bai wa? Adi ase sei bè! Kàde'n ase bá ta. An-in! man Ngonn doo nga, d'a d'ule'm ji njékaltàge tà Nube't.

⁴²In-in do, adi jè tilei kum de. An-in! njèkule'm ji de't nga è ngor ta.

Judas ule Jésus ji de't

(An-in Matt 26.47-56; Luc 22.47-53; Jean 18.3-12 to)

⁴³Loo ke tà nain tà Jésus't bai baa, ke loon't nè kuwe Judas, è ke karé dann njé ke dog-gidé-joo't tee pan se doobulege goon't mbuu. Doobulege ke go Judas't nga, ei maw njékuje nyan-mesege a, njèkorgir gute-nduge se ngatogege le Israelge á ulei de. Doobulege nè nga reei se nyankatege se dugur kagege ji de't kêl-kêl.

⁴⁴Judas Iskariot ke njèkule Jésus ji de't nga, è ra nyan karé kété toje'n doobulege loo kuwe'n ede nè: – Doo ke m'a m'ra'n lapyà m'uwe'n kàdem't sêm baa, è doo'n nga kuwe. Uwei nin maje awi se'n.

⁴⁵Loo ke Judas tee pan baa, ke loon't nè kuwe, aw ngor ke ra Jésus't bar'n ede nè: – Kuwe jé! Go't gugu baa è ra'n lapyà uwe'n kàdenn't sêm.

⁴⁶Doobulege lái Jésus mêtch uwei nin.

⁴⁷Njèkuwe-gir-Jésu karé nda dann doobulege't nè; è or kuye kaskar tuge'n gir mbi ngonn njèndi le maw njékuje nyan-mese dêng gang.

⁴⁸Jésu de je njé ree kuwenge ede nè: – Ké man njèkose tà se njèkonbeege á i reei se nyankatege se dugur kagege ji si't kêl-kêl tá le kuwe'm wa?

⁴⁹M'ndi se si dann kada se ndoge malang m'ndó dooge nyan kêl kei le Nube. Nè sei uwei man lé. Nè nyan nè nga tee titeke bè le kade nyange ke dé ndang tà'n kêl Magtubge't le Nube nga, awi loon't de'j gar-gar.

⁵⁰Njèkuwe-gir-Jésuge malang inyei nin an-in nan.

⁵¹Basa karé bè to tà kubu ke olé wêrêr rann't karè ndolé'n go Jésus. Njè ke nange dann doobulege nè osoi se'n uwei nin.

52 Nè è pusur ra'n, inye tà kubu nè nga ji de't nyein tee an-in ra'n karè ndát-ndát aw.

Njékɔr non Juipge uwei Jésus awi se'n loo gangtà't

(An-in Matt 26.57-68; Luc 22.54-55,63-71; Jean 18.13-14,19-24 to)

53 D'uwe Jésus d'aw se'n kei le maw njékuje nyan-mese. Ngar le njékuje nyan-mesege se ngatɔgege se njékɔrgir gute-nduge malang ɔsi nja nan káng-káng kêm kei le maw njékuje nyan-mese nè nga.

54 Pierre tɔde go de't jêke^jêke^ ndolè go Jésus, nè è ade dann'n heb dèk sár aw tee'n kêm geng't le maw njékuje nyan-mese nè nga. E ndi nang à ndibe por se njé ngonm tà looge.

55 Ngar le njékuje nyan-mesege se gute njégangtà le Juipge malang sangi dooge patkann kade ilei tà dè Jésus't. Dé sang le kade d'uwe Jésus dé tɔl'n se go tà ke dooge nè ayé tami. Nè né è bè géa, d'inge doo karé bè lé.

56 Dooge bule tėti tà undei tà Jésus't. Nè tàge malang ke tami nga, awi go nan't lé.

57 Njé ke nange ɔsi nang jain in-in tėti tà tchap-tchap undei tà Jésus't edi nè:

58 – Nɔ ke n'tam n'ede nè: N'a n'tuju kei le Nube ke dooge rai nè nga kɔke. Nè ndo ke njékon't mute baa, n'a n'tel ra è ke rang ke dooge à rai lé ta. Nɔ ke n'tam n'ade jè kuwe j'oo se mbi jé.

59 Nè né è bè géa, tàge ke dé tam nga awi gai-gai m awi go nan't lé.

60 Maw njékuje nyan-mese ɔse nang in tàkum dooge't malang deje Jésus ede nè: – Ké aw se tà karé bè le kile dè tàge ke dé tète d'unde tàit nè nga lé wa?

61 Nè Jésus ndi an'n mar-mar anje kile maw njékuje nyan-mese dè't. Maw njékuje nyan-mese tel deje Jésus ede nè: – Ké i nga kuwe á i Krist, Ngonn le Nube le jé ke jè dɔi'n nè nga wa?

62 Jésus tel ilé dè't ede nè: – Ma m'ee è nga kuwe. Ndɔn't a an-in man Ngonn doo; m'a m'ndi dè jikon Nube ke njètɔgmong. Ndɔn't a an-in man loo tel ree dann bum't danrán a tɔ.

63 Loo ke maw njékuje nyan-mese oo tà nè nga bè baa, tuwe kubuge le'n ke rann't til parang-parang ede nè: – Ké j'awi ndoo tà le doo ke rang tá le kile'n tà dèyé't bai wa?

64 Sei ooi tàge ke majelé ke n'tam se Nube nga se mbi si bá. A baa, ké tà ri á sei giri dè't wa? Dooge malang gangi tà dè Jésus't edi nè: – N'ee doo ke le tolé kuwe gar-gar.

65 Njé ke nange unni gir tibi yoro kum Jésus't a, labi ji de kumn't a, biri ji de tundei nin a, tabai ei deji nin edi nè: – Ede jè ri doo ke njè kundi. Njé ngonm tà looge géa tunde mbi Jésus njanm-njanm a tɔ.

Pierre naje se ra'n dè Jésus't

(An-in Matt 26.69-75; Luc 22.56-62; Jean 18.15-18,25-27 to)

⁶⁶Loo ke Pierre ndi nang kêm geng't le maw njèkuje nyan-mese bè baa, ngonn njèndi ke dinye le maw njèkuje nyan-mese ree tee pan loon't nè.

⁶⁷Pierre ndi à ndibe por. Ngonn njèndi nè nga an Pierre gerer baa, è tam se'n ede nè: – I géa ndo ke i doo le Jésus ke Nazareth nga to.

⁶⁸Pierre naje se ra'n ede nè: – Naje! Tà ke i tam nè nga, m'ger suu'n lé. Loo ke Pierre tam tà nè bè baa, è unde loo tee aw nda nata tà rebe geng't.

⁶⁹Ngonn njèndi ke dinye nè nga tel an Pierre baa, ede dooge ke ndii se'n ede nè: – N'ee géa, n'ee njèmade-loo-kaw le doo nè nga to. Nè Pierre tel to naje kuwe bai.

⁷⁰Mboꝛ go't gugu baa, njé ke ndii se Pierre nan't nga teli tami edi nè: – Loo naje'n goto, i géa i se dooge nè nga to. Tede i géa, i doo ke beekon ke Galilée. Tà tami tanan se le de to.

⁷¹Pierre ubu ra'n ede nè: – Tà ke m'ede sei nè nga, ke nè á è tà lanm baa, maje kade Nube gangtà dèm't. Doo nè nga m'ger'n lé kerote kuwe.

⁷²Ke loon't nè kuwe, kuren kunje non ke njèkon't joo. Kêm Pierre olé dè tà ke Jésus tam kété ede nè: «Kété bita kade kuren kunje non ke njèkon't joo nga, i à to naje se rai dèm't nja mute kede nè i ger'm lé.» Loo ke kêm Pierre olé dè tà't nè nga baa, ke loon't nè kuwe, è unn gir non boꝛl-boꝛl.

Marc 15

D'uwe Jésus d'aw se'n non ngar Pilate't

(An-in Matt 27.1-2,11-14; Luc 23.1-5; Jean 18.28-38 to)

¹Se ndogé bat loo ke kàde tee lé bai, maw njèkuje nyan-mesege se ngatogege le Israelge se njèkorgir gute-nduge, se gute njégangtège ke rang malang ori nan tà dè nyan ke kum ra. Ei adi d'uwe Jésus dé to'n d'aw se'n d'ule'n ji ngar Pilate't.

²Pilate deje Jésus ede nè: – Ké i a i ngar le kos Juipge nè wa? Jésus ile Pilate dè't ede nè: – E kuwe i tam tà't non.

³Maw njèkuje nyan-mesege tėti tège bule undei tànn't edi nè è ra nyange ke majelé ngain.

⁴Pilate tel deje Jésus ede nè: – Ké oo tège malang ke dé tête d'unde tà't nè lé wa? Ké aw se tà karé bè le kile dè tège't nè nga lé sár wa?

⁵Nè Jésus tel ile Pilate dè tà't nè nga lé njing ade tà ige Pilate sêl.

Ngar Pilate ule Jésus ji de't le kade dé to'n

(An-in Matt 27.15-26; Luc 23.13-25; Jean 18.39–19.16 to)

⁶Se bal-bal loo ke d'ade ra nan Paque baa, Pilate or dangai karé ke doobulege deji nin inye'n do ade de.

⁷Ndo ke dingem karé bè ke ri'n nè Barabbas tò dangai't nan't se madenngé ke njékɔse tà se njékonbeege. Loo ke ndo ke in-in ilei ro dè njékonbeege't nga, dingem nè tol doo karé kêm ndon't nè.

⁸Dooge bule ɔsi nang in-in wum awi kêm kei le Pilate deji nin edi nè: – Nyan ke i ra ade jè se bal-bal nga, i ra ade jè bila ta.

⁹Ngar Pilate ile de dè't ede nè: – Ké sei i ndigi le kade m'inye ngar le si sei Juipge nga do m'ade sei ta wa?

¹⁰Pilate ger kêm'n't kété mbak titeke maw njékuje nyan-mesege rai jang se Jésus. Gir'n ke nè á ei uwei nin reei se'n, ulei nin jinn't karè.

¹¹Nè maw njékuje nyan-mesege umi tà kêm doobulege't edi nè: – I deji Pilate le kade ade d'inye Barabbas tá do d'ade jèi.

¹²Pilate tel deje doobulege ede nè: – A baa, è ke sei Juipge i bari nin ngar le si nga, ké ri á i ndigi kade m'ra se'n tà wa?

¹³Doobulege unni gir rai nyan wuu-wuu edi nè: – Ade dé beré kàde kage-ke-dese't.

¹⁴Pilate deje de ede nè: – Ké majelé ri á n'ra wa? Nè loo ke Pilate deje de tà nè bè baa, dé tel dé ra nyan wuu-wuu d'ede nè: – Ade dé beré kàde kage-ke-dese't ke ber kuwe bè.

¹⁵Pilate ndige le kade ra doobulege nel de. Gir'n ke nè á è ɔr'n Barabbas inye'n do. E ade njérɔge undei Jésus se ndêin maru pa bita ule'n ji de't le kade awi se'n beri nin kàde kage-ke-dese't bai.

Njérɔge ulei mbe dè Jésus't

(An-in Matt 27.27-31; Jean 19.2-3 to)

¹⁶Njérɔge awi se Jésus kêm geng't le ngar ke bò loo ndi de't. Ei bari gute njéro madedege ɔsi nja nan.

¹⁷Dé tɔr kubuge le'n ke rann't kɔke baa, d'ule'n kubu ke ker perm-perm a, dé pete jɔkɔ konn gèrèr d'ule dènn't a to.

¹⁸Go't gugu njérɔge unni gir ra Jésus lapyà edi nè: – Ngar le Juipge, maje kade dèi mong káng-káng.

¹⁹Dé tunde dè Jésus se kage vɔak-vɔak a, dé tibe yoro kumn't a, d'ɔse keje de nang nonn't titeke d'ile koje dènn't bè. Dé ra se'n nyange malang d'ade nan gute-gute.

²⁰Loo ke njérɔge ulei mbe dènn't ase de bá baa, ei ɔri kubu ke ker perm-perm ke kété ulei rann't nè nga kɔke tel ulei nin kubuge le'n rann't gugu. Go't gugu bita ei ndɔri Jésus awi se'n ngang loo't nata le tol'n bai.

Njérɔge awi se Jésus berii kàde kage-ke-dese't

(An-in Matt 27.32-44; Luc 23.26-43; Jean 19.17-27 to)

- ²¹Simon karé bè ke bee le'n è Cyrène. E bɔ Alexandre se Rufus. Loo ke è in kêm ngonn bee karé't bè ree le dere baa, njérɔge undei tɔg dènn't le kade taa kage-ke-dese le Jésu oto.
- ²²Dé ndɔr Jésu d'aw se'n kèl loo karé ke dé bar'n Golgotha: se tà koje jéi baa è «Ngó non dooge.»
- ²³Dé nan le kade Jésu yibe nduu ke pɔti nan't se walé nyan karé ke ate ke ri'n nè myrrhe kade an-in. Nè è mbate sár.
- ²⁴Njérɔge beri Jésu kàde kage-ke-dese't. Go't gugu, ei turi jala dè kubuge't le kan-in ké nan à unn kubu le'n ke non éké kubu le'n ke nè wa? Dé kai nan kubuge le Jésu ke rann't nga titeke bè.
- ²⁵Njérɔge beri Jésu kàde kage-ke-dese't se kade ke jiso-jimi ke se ndɔgé.
- ²⁶Dé ndang tàge kêm begre nyan't, dé ber dɔ dènn't d'ɔr'n gir nyan ke ade dé ber'n kade kage-ke-dese't nga d'ede nè: Doo nè nga, è «Ngar ke bò le Juipge.»
- ²⁷Kêm ndɔn't nè nga, dé ber njékaltàge tà gute-ndu't joo kàde kage-dese't kɔte Jésu't. Dé ber è ke karé dè jikonn't a, è ke karé dè jigeln't a tɔ.
- ²⁸Titeke bè á, tà ke dé ndang kêm Magtub't le Nube d'ede nè: «Dé tute'n nan't se njékaltàge tà gute-ndu't» nga, aw loon't deŋ.
- ²⁹Dooge ke deri loon't nè nga taji Jésu a, tugei dè de nèk-nèk a tɔ, edi nè: – Kanm ke tutu. Hai! i njè tuju kei le Nube le tel ra rang kêm ndɔ mute bere nga,
- ³⁰i kuwe aje yo i rise nang dè kage-ke-dese't ade j'an.
- ³¹Maw njékuje nyan-mesege se njékɔrgir gute-nduge kuwe géa, ei tami dann de't tulei mbe dè Jésu't edi nè: – N'ade njé ke rang aji yo, nè n'ee kuwe n'ase kaje yo lé.
- ³²Krist ke è ngar ke bò le kosdooge ke Israel nga, gar-gar maje kade i rise nang d'arinè kàde kage-ke-dese't. Ke nè á è rise ade j'àn baa, j'à j'unde kêm jé dènn't kerɔte. Njé ke dé ber de kàde kage-ke-dese't kɔte Jésu nga géa taji nin ke le de a tɔ.

Tà Jésu tête nyonk dɔ kàde kage-ke-dese't

(An-in Matt 27.45-56; Luc 23.44-49; Jean 19.28-30 tɔ)

- ³³Kàde nda dann bee bɔp, loo unn gir tuge ndul bigm sár kàde mute ke tà loo sɔl't.
- ³⁴Loo ke kàde ke mute ke tà loo sɔl't ase bá baa, Jésu non se ndu'n ke bòi ede nè: – Eloi, Eloi, lema sabachthani? (Gir'n nè: «Nube le'm, Nube le'm, ké bain á inye'm wa?»)»
- ³⁵Njé ke nange ke ndai loon't ooi ndu Jésu nga tami edi nè: – Ooi, n'ee nga n'non n'bar Elie kade dinyé.

³⁶Doo karé dann de't an-in ngode aw ule kann njan dann mann nduu't ke mase njákr-njákr't njonm. E ule kann njan nè nga tà káde nyan't ree'n. E nan le kule tà Jésu le kade njibe. E tam ede nè: – I nginei ade j'an-in, ké Elie à ree le koré kàde kage-ke-dese't risé nang wa?

³⁷Nè Jésu tel non se ndu'n ke bòi berer bita tà'n tête nyonk bai.

³⁸Tà kubu ke bòi ke dé gang'n gile kei ke tò se ninn'n le Nube danné joo nga, unn gir ribe do sár oso'n nang banjang.

³⁹Njèkan dè njérɔge ke aru karé ke nda tàkum Jésu't an'n loo ke tà'n tête'n nyonk nga, è tam ede nè: – Loo naje'n goto, doo nè nga è Ngonn Nube ke dagi kerɔte kuwe.

⁴⁰Dinyege ke nange ndai heb an-in nyan ke d'ade ra se Jésu nga sêw-sêw. Marie ke bee le'n è Magdala, Salomé se Marie ke kon Jacques ke ndêin a, se Joses a to, ei se de nan't.

⁴¹Loo ke ndo ke Jésu nain kêm beekon ke Galilée bai nga, dinyege nè danni nin loo kile mber't a, ndiri nyan adi use a to. Dinyege ke rang bule géa ndo ke danni nin awi se'n kêm bee-bò ke Jérusalem a to.

Joseph ke Arimathée dubu ninn Jésu

(An-in Matt 27.57-61; Luc 23.50-56; Jean 19.38-42 to)

⁴²Ndo'n nè nga, è ndo kuwe dè nja nyan ra nan Paque. Loo ke nain ngor kade kàde ur baa,

⁴³Joseph, doo ke bee le'n è Arimathée, unde loo tee pan. Doo nè nga è balkum njégangtà le Juipge ke d'ile koje dènn't ngain. Joseph nè ndi ngine ndo ke Nube ayé kon'n bee nga tchên. E njiye masas aw ra Pilate't deje'n ninn Jésu.

⁴⁴Kàde Pilate gete get-get dè ninn Jésu't ade ule kule bar njèkan dè njérɔge ke aru karè. Loo ke è ree bá baa, Pilate deje'n ede nè: – Ké Jésu nga tà'n tête bá kerɔte wa?

⁴⁵Njèkan dè njérɔge ke aru karè ede ngar Pilate ede nè: – Jésu wei bá kerɔte. Pilate inye loo ade Joseph or ninn Jésu kàde kage-ke-dese't aw dubu.

⁴⁶Joseph aw ndogo tà kubu ke nda káng-káng. E or ninn Jésu kàde kage-ke-dese't, um'n ngire, tabai è aw unde'n kêm bolè mbal ke dé son kété mari. Go't gugu baa, Joseph ndubri kuberi mbal utu'n tà be bade.

⁴⁷Marie ke bee le'n è Magdala se Marie ke kon Jacques ke ndêin ndai teri loo ke d'unde ninn Jésu tutu nga.

Marc 16

Jésu unde loo tee dann njé ke koo't

(An-in Matt 28.1-8; Luc 24.1-12; Jean 20.1-10 to)

¹Loo ke ndɔ taa kebe dere bá baa, Marie ke bee le'n è Magdala a, Salomé se Marie kon Jacques ke ndêin ndogoi wubuge ke ete maje tede kaw'n barè ndum ninn Jésu.

²Ndɔ ke desêin ke njè kutu go ndɔ taa kebe nga, dinyege nè teei se ndɔgé bat loo ke kàde tee lé bai awi dè bada.

³Ei deji nan rebe edi nè: – Ké nan à ndubri kuberi mbal ke bòi ke d'utu'n tà be bade nè nga kile rang kade jéi wa?

⁴Dinyege nè reei teei dè bada teri loo an-in. Ei an-in titeke kuberi mbal ke bòi ke d'utu'n tà be bade nga, doo ndubri ile rang bá ta.

⁵Tabai loo ke d'aw kê m bolè mbal ke dé son baa, d'an ngonng basa karé. E ndi nang se ke dè jikon, è ule kubu ke ngal ke nda káng-káng rann't. Loo ke d'an'n bè baa, tà ige de sêl ade ndil de tee an-in soin-soin.

⁶Ngonng basa nè nga ede de ede nè: – Adi ndil si tee an-in soin-soin lé. Sei sangi Jésu ke Nazareth ke ndɔ ke dé tol'n kàde kage-ke-dese't nga; Nube ade unde loo tee dann njé ke koo't bá. E goto loo ke nè't. An-in! è loo ke nè á ndɔ ke d'unde ninn'n tutu.

⁷Nè awi edi Pierre se njékuwe-gir-Jésuge ke rang titeke Jésu ndi aw kum'n ke Galilée non si't kété non. A an-in Jésu kê m beekon ke Galilée titeke ndɔ ke kété ede'n sei nga.

⁸Marie ke bee le'n è Magdala se Salomé a, se Marie kon Jacques ke ndêin, undei loo teei kê m be-bade ke dé son kàde mbal't. Tà ige de sêl ade ndebi nginn-nginn. Bel unde de ndàt gang de ade tà karé bè géa tee tà de't ade doo oo lé.

Jésu unde loo tee pan kum Marie ke Magdala

(An-in Matt 28.9-10; Jean 20.11-18 tɔ)

⁹Jésu unde loo tee dann njé ke koo't tàgir loo't. E ndɔ ke desêin ke njè kutu go ndɔ taa kebe. E unde loo tee pan kum Marie ke bee le'n è Magdala. Marie ke Magdala nga, ndɔ ke kété Jésu rɔ ndilge ke majelé ji sejimute kê mn't kɔke.

¹⁰Marie tel aw ra njémade-loo-kawge le Jésu ke kété ei nan't se'n. Ei ndii dann kumndoo't à noin. E ede de titeke Jésu nga unde loo tee dann njé ke koo't bá.

¹¹Marie ede de ede nè: – Jésu nga ndi kumgajer, m'an'n se kum'm. Nè d'unn mbi de dè tà't le'n.

Jésu unde loo tee pan kum njékuwe-girnge joo

(An-in Luc 24.13-35 tɔ)

¹²Njékuwe-gir-Jésuge joo in-in Jérusalem kê m ndɔn't nè à awi ke ngonng bee karé't bè. Jésu unde loo tee pan kum de't. Nè ra ra'n tite doo ke rang bè.

¹³Njé ke joo nè nga teli awi kê m bee-bò ke Jérusalem. Ei edi gute njékuwegir-Jésu made dege ke rang tà nè; nè ei unni mbi de dè tà't le njé ke joo nè kuwe bai.

Jésu unde loo tee pan kum njékuwe-girnge ke dɔg-gidé-karé

(An-in Matt 28.16-20; Luc 24.36-49; Jean 20.19-23; NRNK 1.6-8 tɔ)

- 14**Loo ke njékuwe-gir-Jésuge ke dɔg-gidé-karé ndii à usei nyan baa, Jésus tee pan kum de't malang. Jésus in se de ede nè: – Sei njé kunn mbi dè tàgè't se njékêm nderge! Sei mbati kumi kêm si dè tà't le njè ke an-in man kumgajer loo kunde loo tee't le'm dann njé ke koo't.
- 15**Go't gugu Jésus ede de ede nè: – Awi se loo malang dè nang nè, ilei mber Tà ke Maje adi dookundege bere mbak.
- 16**Doo ke um kêm'n dè Tà ke Maje't ade d'ule'n manné njonm baa, d'a d'aje'n. Nè doo ke um kêm'n dè't lé baa, tà à uwe dè'n ndɔ gangtà't.
- 17**Njé ke d'um kêm de dè Tà ke Maje't nga, Nube à ade d'ade ra nyankɔbege ke nè: d'a rɔ ndilge ke majelé se rí'm, d'a tam tà tam dooge ke rang.
- 18**Ke nè á d'uwe li jênênge se ji de, ke nè á d'an-in kugege ke asikum tɔl de géa, à rai se de nyan karé bè lé a tɔ. Ke nè á d'ile ji de dè njératurge't baa, ra de à tel mong maj-maj a tɔ.

Jésu tel aw ra Nube't gugu

(An-in Luc 24.50-53; NRNK 1.9-11 tɔ)

- 19**Loo ke Kuwe-bee Jésus ede de tàgè nè gir gang bá baa, Nube ade aw ndi dè jikonn't danrán nú.
- 20**Njékuwe-gir-Jésuge undei loo teei kêm bee ke Jérusalem awi ilei mber Tà ke Maje se loo malang. Kuwe-bee è der gir de ade dé ra nyankɔbege d'utu'n go Tà ke Maje ke d'ile mber'n. Gir'n ke nè á dooge an-in tà le'n ke ngarankum tà.]

Luc

Luc 1

Luc ɔrgir nyan ke è ndang'n magtub nè

- ¹Dooge bule unni gir ndangi sertà ke ɔje dè nyange ke kété teei dann jéi't,
- ²se gonan-gonan titeke njé ke an-in se kum de ɔri adi jéi. Njé ke kété an-in nyange nè se kum de nga, bila teli ei njékile mber Tà ke Maje le Nube.
- ³M'nder gir nyange nè nga mari. Darinè, man géa, m'an titeke maje kum ndang tà'n kunde non-in't se gonan-gonan le kade i Théophile ke njè maje dum.
- ⁴M'ra titeke bè le kade i ger'n titeke nyange nè ke d'ɔr ser'n d'edi nga, ei nyange kerɔte.

Tà ke ɔje dè koje Jean ke njèkule dooge manné njonm

- ⁵Nyange nè malang teei kêm lo ke ngar Hérode ee'n njèkonbee ke beekon ke Juda. Njèkuje nyan-mese karé bè ndi tutu ri'n nè Zacharie. E dann njé ke le njèyo't Abia. Dinye le'n ri'n nè Elisabeth, è girkà le Aaron maw njèkuje nyan-mese.
- ⁶Zacharie se dinye le'n Elisabeth ei njé ra nyange ke danné sêw tàkum Nube't a, ei njiyei se go gute-ndu Nube têt-têt a tɔ.
- ⁷Nè ei oji ngonn lé tede Elisabeth è kuju. Ei joo mbak bugei gɔk-gɔk ta.
- ⁸Ndɔ karé bè, Zacharie ndi à ra kule kuje nyan-mese non Nube't tede è ndɔ le njé ke le'n.
- ⁹Se go nyanra njèkuje nyan-mesege ke ei ra dɔ-dɔ, ei naji nan tà le kan-in ké nan á jala à ɔse'n dann de't le kade ra kule kêm ndɔn't nè wa? Gir'n ke nè á d'ɔr'n Zacharie le kade ró katchatcha kêm kei ke tò se ninn'n le Nube.
- ¹⁰Gute kosdooge malang ndai nata kêm kei le Kuwe-bee à ɔji se'n tà.
- ¹¹Doo ke danrán ke Kuwe-bee ule'n tee hɔi ke ra Zacharie't, è nda se ke dè jikon dinger loo ró katchatcha't.
- ¹²Loo ke Zacharie an'n baa, tà ige'n sêl ade bel unde'n ndàt gang'n.
- ¹³Nè doo ke danrán ke Kuwe-bee ule'n nga ede Zacharie ede nè: – Ebe rai bel, Zacharie, ndinge ndoo lei oso mbi Nube't. Dinye lei Elisabeth à oje ngonn ke dingem. I a kile ri'n nè Jean.
- ¹⁴A i ra ranel ngain dè koje ngonn't nè nga. E i á se kari lé, nè dooge bule d'a d'al ra de sei nan't ɔje dè koje ngonn nè nga.
- ¹⁵Tede à è doo ke bò tàkum Kuwe-bee't. E à kain yibe nduu ke ate éké yibe ke ate karé ke rang lé a tɔ. Loo ke è nain kêm konn't bai kuwe Ndil-Kêmnda taa kêm'n pel-pel.

¹⁶Ngonn nè nga à ade ngannkà Israelge à ɔsi wan teli kilei koje dè Kuwe-bee't le de.

¹⁷E à njiye kété non Nube't se tɔgmong le Ndil a, se tɔgmong ke Elie njèribe-dè-tà ke tà Nube't ra'n kule kété mari. E à um bɔ nganngé nan't se ngann dege. E à tel njékaltàge kade ei njéra nyan danné sêwge. E à uwe dè nja njé ke nange dann kosdooge ke Israel. E ra titeke bè le kade dé ndi dè nja de't tchên le kuwe Kuwe-bee ke ra de't a tɔ.

¹⁸Zacharie deje doo ke danrán ke Nube ule'n ede nè: – Ké ri á à ade m'a m'ger titeke tà ke ede'm nga à è tà kerɔte wa? Tede man jè se neen'm jè buge ngain ta.

¹⁹Doo ke danrán ke Kuwe-bee ule'n nga tel ile Zacharie dè't ede nè: – Man m'ee Gabriel ke njè nda non Nube't se ndɔge-ndɔge. E Nube kuwe á ule'm rai't le kade m'ɔje sei tà a, le kade m'ile mber Tà ke Maje nè nga m'adi a tɔ.

²⁰Nè titeke i um kêmi dè tà't ke m'edi nga lé baa, d'arinè kɔbi à utu, i asekum tam tà lé sár kade nyange nè ke m'edi tà'n aw'n loon't deŷ bita.

²¹Loo ke Zacharie ndi oo tà le doo ke danrán ke Nube ule'n nga baa, gute dooge ke ndii nginei nga, kêmi de tò kekek tede è nain kêmi kei ke tò se ninn't le Kuwe-bee ade kur'n heb dák.

²²Loo ke Zacharie unde loo tee nata baa, è asekum tam tà kede de lé. Mbi'n se kɔbè'n utu ade yei ji'n bák-bák karè. Loon't nè bita kum kosdooge gang reng ade geri titeke nyan-pinde tee dènn't kêmi kei le Nube bai.

²³Ndɔ ke Zacharie tɔl ngang kule le'n kêmi kei't le Nube mbas bá baa, è tel aw kêmi kei le'n.

²⁴Mbɔr go't baa, neen'n Elisabeth ndann ngonn. Elisabeth bɔyɔ ra'n kêmi kei ase nan mi. E tam ede nè:

²⁵– An-in nyan ke Kuwe-bee ra tede tà le'm. Dariné è ɔr rasɔl dèm't tàkum dooge't malang.

Koje ke d'a d'oje Jésus

²⁶Loo ke Elisabeth ndann ngonn ra nan mute-mute baa, Nube ule Gabriel, doo ke danrán kêmi ngonn bee karé ke beekon ke Galilée, ri'n nè Nazareth.

²⁷Doo ke danrán nè nga Nube ule'n ra ngomande karé ke è njèngong le dingem ke ri'n nè Joseph. Joseph nga è girkà le ngar David. Ri ngomande ke nal ger dingem bai nè nga, è Marie.

²⁸Doo ke danrán ree ra Marie't ede'n ede nè: – M'rai lapyà, i nga Kuwe-bee uwe sei noje a, tɔse kum'n dèi't a tɔ.

²⁹Loo ke Marie oo tà nè bè baa, tà ige'n sêl. E deje ra'n tà dè bengren't ede nè: – Ké lapyà ke bain á bè wa?

30Doo ke danrán ke Kuwe-bee ule'n nga ede Marie ede nè: – Marie, ebe rai bel tede Nube tári ngain.

31An! ðarinè i a ndann ngonn, i a koje ngonn ke dingem, a ile ri'n nè Jésus.

32A è doo ke bò a, d'a ðar'n Ngonn Nube ke njèdum dè nyange malang. Kuwe-bee Nube le jéi à ade à è ngar titeke ndo ke unn'n ndu'n ade kà'n ngar David.

33Ngonn nè nga à on bee dè kosdooge ke Israel't sár se non. Konbee le'n nga, ngei'n goto.

34Marie tel deje doo ke danrán ke Nube ule'n nga ede nè: – Dingem oðe ra'm ndo karé lé. Ké m'a m'ndann ngonn titeke bain wa?

35Doo ke danran nè nga ile Marie dè't ede nè: – Ndil-Kêmnda à ra kule rai't a, togmong le Nube Njèdum dè nyange malang à sebe dèi't titeke ndil oso'n dè doo't bè. Gir'n ke nè á, ngonn ke tò se ninn'n ke a oje'n nga d'a ðar'n Ngonn Nube.

36An! bêni Elisabeth ke d'an'n ke kuju nga, ndann ngonn ke dingem dè ðugenn't ase nan mute-mute ðarinè ta.

37Tede togmong le Nube asekum ra nyan malang.

38Marie tel ile Gabriel dè't ede nè: – Man m'ee ngonn njèndi le Kuwe-bee ke dinye karè. Maje kade è ra se'm titeke i tam'n. Ke loon't nè kuwe Gabriel inye Marie ote aw.

Marie aw an Elisabeth

39Kêm ndon't nè kuwe Marie oðe nang kalang in aw ngonn bee ke tò dè mbalge ke beekon le Juda.

40E aw kêm kei le Zacharie ra lapyà Elisabeth.

41Loo ke Elisabeth oo ndu Marie ke ra'n lapyà ðaa, ngonn ke kêm'n't unn gir tose'n gùl-gùl. Ke loon't nè kuwe Ndil-Kêmnda taa kêm Elisabeth pel-pel.

42Elisabeth tam tà se ndu'n ke bòi beng ede nè: – Nube tor ndu'n dèi't dum dinyege ke rang malang a, ndutor le'n nè nga à nain se ngonn ke a oje'n a to.

43Ké man nga m'ee nan kade Kuwe-bee le'm ree ram't wa?

44An! loo ke ndui ke i ra'm lapyà nga oso mbim't ðaa, ra ngonn ke kêm't nel'n ade tose'm gùl-gùl.

45Rai neli tede i naje se rai dè nyange ke Kuwe-bee Nube ule doo ke danrán ade edi nga lé. I um kêm dè't titeke à aw loon't deð kuwe!

Pa le Marie ke oðe

46Marie tam ede nè: – Ngarakum ra'm ile ribar dè Kuwe-bee't a,

47Ngarakum ra'm ra ranel dè Kuwe-bee Nube ke njètaa'm tà yo't a to.

48Man m'ee ngonn njèndi le'n ke dinye karè nè è gir dèm't. Unn gir'n òarinè sár ke kété, girkoje dooge ke ɔsi gonan-gonan à bari man dinye ke njèranel.

49Tede Nube ke tɔgmong le'n dum dè nyange malang ra nyange ke tò bel tede'm. Ri'n è ri ke tò se ninn'n gai .

50Kêmkanm le'n nga, ngei'n goto tede le njé ke ilei koje dènn't.

51E ra nyange ke bò se go tɔgmong le ji'n. E jɔrè ngarge ke njé tɔgmong-ge

52nang bɔrɔr-bɔrɔr dè kutu-ngarge't, nè è unn njétɔgmong-ge lé unde de dɔ dǎng.

53Njé ke ɓo ra de nga, è uwe se de noje se nyange ndàj-ndàj, nè è rɔ njényan kingege ji de karè dǎng-dǎng.

54E din kosdooge ke ei Israel, ngonn njèndi le'n, tede kêm'n olé dè kêmkanm't le'n titeke è unn'n ndu'n ade Abraham kété mari nga.

55Ndukunn nè nga tò njáng tede le ngannkà Abrahamge.

56Marie ndi se Elisabeth kêm kei le'n ase nan mute bita tel aw béee le'n bai.

Koje Jean ke njèkule dooge manné njonm

57Loo ke ndɔ koje ngonn le Elisabeth ase bá baa, è oje ngonn ke dingem.

58Loo ke njémade tà keige le Elisabeth se njénojege le'n an-in titeke Kuwe-bee ra kêmkanm se'n baa, rai ranel se'n nan't.

59Loo ke ngonn ke kide nè ra ndɔ ji sejimute, njèkon't sɔsɔ baa, dé ree le kuje tà mɔte'n. Dé ndige le ɓar'n se ri ɓɔ'n Zacharie.

60Nè kon'n ede de ede nè: – M-m, j'à bari n'ee Jean tá.

61Dé tel d'ile'n dèt d'ede nè: – Dann njénojege't lei malang nga, doo karé ke ri'n nè Jean goto.

62Dé tel dé deje Zacharie tà se ji de d'ede nè: – Ké ngonni nga i ndige kade jè ɓarii nan wa?

63Zacharie ade dé ree se bà ndang magtub d'ade'n. E ndang tà kêm bà't nè ede nè: – Ri ngonn nè nga è Jean. Dé malang tà ige de sêl dè ri ngonn't nè nga.

64Ke loon't nè kuwe ndon Zacharie ðile warar ade teen tà'n tam'n tà yarar-yarar ɗɔi'n Nube.

65Bel unde njé ke kêm ngonn bee't nè nga ndàt gang de malang. Ser nyange nè nga oso se loo mbit-mbit kêm beege ke tooi dè mbalge't le beekon le Juda bere mbak.

66Dooge malang ke ooi ser nyange nè nga, giri tà kêm de't edi nè: – Ngonn nè nga ké ndɔ ke rang à è doo ke bain wa? Tɔgmong le Kuwe-bee gete'n se ndɔge malang.

Zacharie ɔse pa ɔɔi'n Nube

⁶⁷Ndil-Kêmnda taa kêm Zacharie bɔ ngonn nè nga pel-pel ade ɔr'n gir nyan ke Nube toje'n ede nè:

⁶⁸- Kuwe-bee Nube le kosdooge ke Israel nga, maje kade dooge malang ilei ribar dènn't. Tede è ree din jéi balkum kosdooge le'n ke uge dè jéi.

⁶⁹E ade njètaa dè dooge ɔse nang in dann girkà't le David ke kété è ngonn njèndi le'n nga.

⁷⁰E tam tà nè nga kété mari se go rebe ke ra njéribè-dè-tàgè't le'n ke tooi se ninn'n ede nè:

⁷¹N'a n'taa jéi ji njébange't le jéi a, se ji dooge't malang ke ɔri jéi njèt nga a tɔ.

⁷²Nube ra se jéi kêmkanm titeke bè tede kêm'n olé dè mann-ra't le'n ke tò se ninn'n ke è mann'n ra'n ade kà jéige kété mari nga.

⁷³E ade kêm'n olé dè mann-ra ke è mann'n ra'n ade kà jéi Abraham ede nè: N'a n'taa jéi ji njébange't le jéi.

⁷⁴Loo ke è uwe jéi wont ɔr jéi ji njébange't le jéi bá baa, è ade jéi tɔgmong le ra'n kule kade'n se kêmnda káng.

⁷⁵Nube ndige le kade jè rai nyan ke se dè naje'n tàkumn't sár ngei ndo ndikumgajer le jéi dè nang nè.

⁷⁶Ngonn nè nga d'a ɔar'n njéribè-dè-tà ke tà Nube't ke njè dum dè nyange malang. Ngonn nè nga à njiye non Kuwe-bee't le gɔl rebege le'n ke à ree'n.

⁷⁷E ade balkum kosdooge le'n à geri titeke Nube aje de a, à ade kêm'n à tin mbit dè kaiyage't a tɔ.

⁷⁸Tede Nube le jéi nga, kêmkanm taa ra'n pel-pel. E takul kêmkanm le'n á ade lookar le'n in-in'n danrán nú ree ndogó'n dè jéi't.

⁷⁹Lookar nè nga à ndogó dè njé ke ndii dann tilkus't se njé ke ndii tà yo't. Lookar nè nga à ɔr non jéi dè rebe ndi se kêmlo m dann nan't a tɔ.

⁸⁰Ngonn nè nga, ra tɔge ke kété-kété a, hal'n ɔeber a tɔ. E ra ɔbee kêm dile't sár kade ndo ke rang à kile'n ra'n ke nata tàkum dooge ke Israel.

Luc 2

Marie oje Jésus kêm ɔbee ke Bethléhem

(An-in Matt 1.18-25 tɔ)

¹Kêm ɔaln't nè nga, César Auguste, ngar ke bɔ ke ɔbeekon ke Rome unn ndu'n le kade d'unde ri dooge karé-karé malang kêm magtub tute kɔr dooge't.

²Kunde ri dooge kêm magtub tute kɔr dooge ke desêin sàk-sàk nga, è kêm bal ke Kirinius on'n debe beekon ke Rome ke dé ɓar'n Syrie.

³Gir'n ke nè á, nanan géa tel aw kêm bee kojenn't le kade d'unde ri'n kêm magtub tute kɔr dooge't nè nga.

⁴Titeke bè á, Joseph in-in'n kêm bee ke ri'n nè Nazareth, beekon ke Galilée aw'n kêm bee ke ri'n nè Bethléhem beekon ke le Juda. Bethléhem nga, è bee koje ngar David. Joseph aw le kade d'unde ri'n kêm bee-bò't nè nga, tede è géa è girka le David tɔ.

⁵Joseph awi se njèngong le'n Marie kêm bee ke Bethléhem le kade d'unde ri de kêm magtub tute kɔr dooge't. Nè Marie ndann ngonn kêm'n tɔg lèng-lèng.

⁶Loo ke dé nain kêm bee ke Bethléhem ɓai ɓaa, ndɔ koje ngonn le Marie tee pan.

⁷E oje ngonn der'n ke dingem. E ɓir'n se tà kubu ile'n kêm begre kuse nyan le dange, tede dooge ubei nan loo njàng-njàng kêm kei tò mbage't.

Doo ke danrán ede njékul nyange tà ke ɔje dè koje njèkaje dooge

⁸Njékul nyange ndii kèl loo't nè nga tɔ. Dé ndi ngang loo't walé, d'ade ngonm nyankulge.

⁹Doo ke danrán ke Kuwe-bee ule'n tee hoi ke ra de't. Ndubra le Kuwe-bee ndogó gan dè de wàk ade ɓel unde de ndàt gang de.

¹⁰Nè doo ke danrán nè nga, ede de ede nè: – Ebi ra si ɓel, tede m'ree le kede sei Tà ke Maje. Tà ke maje nè nga è gir kalra le kosdooge malang ke Israel.

¹¹Bila d'oje njèkaje sei kêm bee't le ngar David. E nè nga à è Kuwe-bee a, Krist a tɔ.

¹²Nyan ke à tɔje sei se'n kade i geri á tò ne: Loo ke ingei ngonn ke kide ke dé ɓir'n se tà kubu d'ile'n kêm begre kuse nyan le dange ɓaa, è è kuwe.

¹³Ke loon't nè kuwe, kosdooge ke danrán tei pan gan-in dè made de ke Kuwe-bee ule'n nga wàk. Dé mbak d'ɔse pa dé ɗɔi'n Nube d'ede nè:

¹⁴– Maje kade dooge ulei ndubra dè Nube ke njèndi sêm danran't. Maje kade kèmlom le Nube nain se dooge ke taai kêm'n dè nang nè a tɔ.

Njékul nyange awi kêm bee ke Bethléhem

¹⁵Loo ke dooge ke danrán inyei njékul nyange le teli kawi ɓaa, njékul nyange edi nan edi nè: – Kuwe-bee ade jè geri nyan ke tee nè nga ɓá. Bè ɓaa, ade j'awi sár kêm bee-bò ke Bethléhem j'an-in nyan nè nga se kum jéi.

¹⁶Njékul nyange ɔti kalang awi Bethléhem ɓaa ingei Marie se Joseph se ngonn ke kide.

¹⁷Njékul nyange awi an-in ngonn ke kide nè baa, unni sertà ke doo ke danrán ede de kété oje de ngonn nè tami.

¹⁸Dooge malang ke ooi sertàge ke njékul nyange tami nga baa, tà ige de sêl.

¹⁹Nè Marie girtà de nyange't nè nga malang ke kété a, ke gugu a, m ade kêm'n wei nal de't lé.

²⁰Loo ke njékul nyange à teli ke ra nyankulge't le de gugu baa, ei ulei ndubra de Nube't a, oxi pa dɔyi nin a tɔ. Nyange malang ke ei ooi tà'n se mbi de a, an-in se kum de a tɔ nga, awi loon't deɣ titeke doo ke danrán ke Nube ule'n ede'n de kété nga.

D'ile ri Jésus

²¹Loo ke ngonn ke kide nè nga ra ndɔ sɔsɔ baa, njékojenge adi d'uje tà mɔte'n, tabai d'ile ri'n nè Jésus. Ri nè nga è ri ke doo ke danrán ke Kuwe-bee ule'n ede de kété bita kon'n ndann'n bai.

D'aw se Jésus kêm bee-bò ke Jérusalem dé toje'n Nube

²²Ndɔ kɔr se ra le Marie ase deɣ se go gute-ndu Nube ke Moise ndang kêm magtub't. Joseph se Marie unni ngonn ke kide nè nga awi se'n kêm bee-bò ke Jérusalem le toje'n Kuwe-bee le kade è nyan kinge'n è kuwe deri gai.

²³Gute-ndu Kuwe-bee ke Moise ndang kêm Magtub't nga tam ede nè: «Loo ke dinye oje ngonn de der'n, ke nè á ngonn nè è dingem baa, d'a d'unde'n se ninn'n kade è nyan kinge Kuwe-bee kuwe deri.»

²⁴Joseph se Marie adi der-nda joo éké ngann der-dum joo ke nyankuje-mese se go gute-ndu Kuwe-bee ke Moise ndang kêm magtub't nga.

²⁵Dingem karé bè, ri'n nè Siméon, è ndi kêm bee-bò ke Jérusalem. Dingem nè nga, è njè ra nyan se de naje'n tàkum Nube't a, è njè kile koje dènn't a tɔ. E ndi ngine è ke njèkaje ngannkà Israel nga tchên. Ndil-Kêmnda nain se Siméon.

²⁶Nube ade Ndil-Kêmnda ede Siméon kété titeke ayé kwei lé sár kade an Kuwe-bee Krist ke Nube ule'n nga se kum'n bita.

²⁷Ndil-Kêmnda oxi Siméon balang-balang ade aw kêm kei le Nube. Loo ke Joseph se Marie reei se ngonn de ke kide nè nga le toje'n Nube titeke gute-ndu tam'n baa,

²⁸Siméon taa'n uwe'n kàdenn't sêm dɔi'n Nube ede nè:

²⁹– Kuwe'm, inye'm man ngonn njèndi lei ade m'aw se kêm lom d'arinè ta se go tà ke tee tàit kété.

³⁰Tede m'an njèkaje dooge ke i ule'n nga se kum ndan-ndan bá ta.

³¹Kaje ke i uwe de nja kété nga, tò nata tàkum kosdooge't malang bá.

³²Njèkaje dooge nga, è lookar le kade dooge malang ke dè nang nè dé geri a, à è ribar le kosdooge ke ei ngannkà Israel a tɔ.

Tà ke Siméon tam ɔje'n dè Jésus

³³Loo ke Joseph bɔ Jésus se kon'n Marie ooi tà ke Siméon tam ɔje'n dè ngonn de nè nga baa, tà ige de sêl.

³⁴Siméon tɔr tà'n dè de't baa, è ede Marie ede nè: – An! ngonn nè nga Nube ɔr'n unde'n ke nyan-tɔje. A è gir koso a, à è gir kɔse nang kin le dooge bule ke beekon ke Israel. Ngonn nè nga, à è nyan-tɔje le Nube. Nè dooge à uteii mbeng.

³⁵Ngonn nè nga à ade tàgir le dooge bule ke dè bengre de't à kuje ke nata. Nè i Marie kuwe géa, nyankêmkon à ribei danné titeke kuye kaskar ribe'n nyan danné bè tɔ.

Tà ke Anne tam ɔje'n dè Jésus

³⁶Njèribe-dè-tà ke tà Nube't ke dinye karé ri'n nè Anne. E ndi kê m bee-bò ke Jérusalem. E ngonn le dingem karé ke ri'n nè Phanuel. Phanuel nga è girkà le Aser, njèribe-dè-tà ke tà Nube't. Dinye nè nga buge gɔk-gɔk. Ndɔ ke è ndi kê m kei ngaw mandenn't ase bal ji sejimute.

³⁷Loo ke ngaw'n wei baa, è tel taa ngaw gugu lé sár ade bal koje'n ase'n kɔr-sɔsɔ-gidé-sɔ. Anne ra kule ade Nube se ndɔge malang. Gir'n ke nè á è inye'n kê m kei le Nube sengel lé. E ɔge kê m'n bo dɔ-dɔ tede ndinge'n ndoo tà Nube't kada a, ndɔ a tɔ.

³⁸Loo ke Siméon ndi à tam tà ɔje'n dè ngonn nè nga baa, Anne géa tee hɔi tɔ. E unn gir ra Nube oiyo tede tà le ngonn nè. Dooge malang ke ndii nginei ndɔ ke Nube à ɔr'n dooge ke Jérusalem dann kumndoo't le de nga, Anne ede de tà ke ɔje dè ngonn ke kide nè nga.

Joseph se Marie teli awi se Jésus Nazareth

³⁹Loo ke Joseph se Marie toli ngang nyan ke gute-ndu Kuwe-bee ɔje bá baa, ei teli awi béee Nazareth kê m beekon ke Galilée.

⁴⁰Ngonn nè nga ra tɔg ke kété-kété a, tàgir le'n beber a tɔ. Kumkunju rusu bengre'n njin-njin. Dooge d'an titeke Nube tár'n ngain a tɔ.

Jésu naje tà se njékɔrgir gute-nduge kê m kei le Nube

⁴¹Bal karé-karé malang Joseph se Marie awi kê m bee-bò ke Jérusalem le rai nan ke dé bar'n Paque.

⁴²Loo ke bal koje Jésus ase dɔg-gidé-joo bá baa, è aw se njékojenngé nan't titeke rai se bal-bal nga.

⁴³Ndɔ ke gir ra nan gang dás bá baa, Joseph se Marie teli awi béee le de, nè ngonn de Jésus tel ɔɔ nain gugu Jérusalem nal kade dé ger.

⁴⁴Dé gir kêm de't d'ede nè bainléa Jésu nain se njémade-loo-kawge le de. Dé njiye dé sang'n ase ndo karé dann njénojege't le de se njé ke geri dege't a to.

⁴⁵Nè loo ke d'inge'n lé baa, d'ose wan dé tel dè nja de't d'aw Jérusalem gugu, dé sang'n se loo malang.

⁴⁶Ndo ke njèkon't mute bita d'inge'n kêm kei le Nube. Jésu ndi dann njékorgir gute-nduge ur mbi'n oo tà ndó le de a, tel deje de tà dè't a to.

⁴⁷Dooge malang ke ooi tà ke Jésu tam nga, tà ige de sêl dè gos nyanger't le'n se dè tà ke è ile de dè't se kumkunju'n a to.

⁴⁸Loo ke njékoje Jésuge an-in nin baa, ndil de tee an-in soin-soin. Kon'n deje'n ede nè: – Ngonn'm, ké bain á i ra se jé ndáng bè wa? An! jè se boi joo mbak jè sangi j'or yàl-yàl.

⁴⁹Jésu tel ile de dè't ede nè: – Ké i sangi man tede ri wa? Gar-gar è tà le'm le ndi kêm kei le bo'm Nube. Ké sei geri bè lé wa?

⁵⁰Nè dé ger girtà ke Jésu tam nè nga njai lé.

⁵¹E oo tà tà njékojenng'e't tel aw se de béee Nazareth. Kon'n Marie girtà ke kété a, ke gugu a, dè nyange malang ke teei nè nga m ade kêm'n wei nal dè't lé.

⁵²Danra Jésu ra tog ke kété-kété. Kumkunju le'n géa in dè made't ke kété-kété a to. Nube a, dooge malang a, tarii ngain.

Luc 3

Mber kile le Jean ke njékule dooge manné njonm

(An-in Matt 3.1-12; Marc 1.1-8; Jean 1.19-28 to)

¹Ngar ke bò, Tibère César on bee bal dog-gidé-mi. Ngar Ponce Pilate on bee dè nang't le Juda. Ngar Hérode Antipas on bee dè nang ke Galilée. Kêm balng'e't nè nga, ngar Philippe ngokon Hérode Antipas ke tog on bee dè nang ke Iturée se Trakonite. Ngar Lysanias è njèkon'bee ke dè nang ke Abilène a to.

²Hanne se Caiphe ei maw njékuje nyan-mesege a to. E kêm baln't nè á tà le Nube oso'n mbi Jean ngonn le Zacharie kêm dile't.

³Gir'n ke nè á, Jean unn'n gir kaw se loo-loo kêm beege ke an-in dè ba ke Jourdain ile'n mber ade dooge ede nè: – I turi hal si, adi d'ule sei manné njonm baa, kêm Nube à tin mbit dè kaiyage't le si.

⁴Titeke bè á, tà ke Esaie, njèribe-dè-tà ke tà Nube't ndang kêm magtub't kété mari nga aw loon't deŷ. E tam kété ede nè: «Doo karé tam tà kêm dile't se ndu'n ke bòi bèng ede nè: I goli rebe ree le Kuwe-bee adi nda danné jap, i rai rebe ree le Kuwe-bee adi asenan létêt a to.

⁵Gute loo malang ke oso nang nga, umi nang tutu adi ndal do daks. I tugei dè mbal se dè herge malang ke in-in do, i ribei de adi d'asenan létêt. Rebege ke bòi ke dŷgi

kongel-kongel nga i rai de adi tooi danné. Kum ngann rebege ke tɔri bɔrɔk-bɔrɔk nga, uti adi asenan lêtêt-lêtêt a tɔ.

⁶Titeke bè á, dooge malang à an-in titeke Nube è njèkaje jéi.

⁷Kosdoo-bulege reei ra Jean't le kade ule de manné njonm. E deje de ede nè: – Sei njé ra gos tite jênênge bè nga, ké nan á toje sei rebe kain wong le Nube ke ndi à ree nga wa?

⁸Ke nè á i ndigi kan-in wong le Nube ke ndi à ree nga baa, i rai nyanra ke maje ke toje titeke i turi hal si. Ebi't tam kê m si't kedi nè: «Jè jè ngannkà Abrahamge.» Man m'ede sei ndàt titeke ngann herge ke tooi nè nga, Nube asekum tel de ke ngannkà Abraham karè.

⁹Darinè kunge tò oje dè ngire nja kage karé-karé malang. Sei géa, i tooi asinan se kagege bè tɔ. Kage ke rara ke ann majelé baa, d'a tuge'n gang'n kile'n poro.

¹⁰Kosdoo-bulege deji Jean tà ke kété-kété edi nè: – Ké ri á Nube ndige kade jè ra d'arinè ta wa?

¹¹E tel ile de dè't ede nè: – Ke nè á doo karé dann si't aw se kubu joo baa, maje kade unn karé ade doo ke le'n goto. Doo ke inge nyankuse géa, maje kade ra titeke bè tɔ.

¹²Njétaa tirge géa reei le kade Jean ule de manné njonm tɔ. Dé deje'n d'ede nè: – Njèndó dooge nyan, ké ri á Nube ndige kade jè ra tɔ wa?

¹³Jean tel ile de dè't ede nè: – Nyan ke kuwe sige oji kade i taai nga, ilei made dè't lé.

¹⁴Njérɔge ke le de tɔ dejii edi nè: – A jè baa, ké ri á tò oje dè jé tɔ wa? Jean tel ile de dè't ede nè: – Ulei bel kê m doo't ékè i banmi doo i taai nyan le'n lé a, i têtì tà undei tà doo't i taai nyan le'n lé a tɔ. Nè umi kê m si dè nar kuge dè ji si't kuwe.

¹⁵Kosdooge malang ke reei ra Jean't nga, kê m de tò kekek. Nanan géa dann de't deje ra'n tà dè bengrenn't ede nè: – Ké doo nè nga è Krist nga lé bai wa?

¹⁶Nè Jean ede de ndàt ede nè: – Man m'or sei kunde sei se ninn si gai se mann. Nè doo karé ke tɔgmong le'n dum dè le'm à ree goom't non. Man m'ase tutu sa ke njann't lé. Doo nè nga, à or sei kunde sei se ninn'n gai se Ndil-Kê mnda a, se por a tɔ.

¹⁷Doo nè nga aw se nyan gɔl nyinge dè ko le'n jinn't. E à gɔl dè njar ko le'n yák-yák kɔse nja nan't kum damé. Nè à ró tise'n rák-rák se por ke à wei ndan lé.

¹⁸Jean ede dooge ke rang tàge bule ndeje'n de titeke bè a, ile'n mber Tà ke Maje ade'n de a tɔ.

¹⁹Nè né è bè géa, Jean in se ngar Hérode dè tà ke ɔje dè Hérodiade, dinye le ngokon'n Philippe nja bule. E in se'n dè nyange ke majelé ke rang malang ke è ra nga a tɔ.

²⁰Tabai kuwe ke Hérode ade d'uwe Jean d'ile'n dangai't nga, è majelé ke è ra ile dè made't.

Jean ule Jésus manné njonm a, Nube bar'n Ngonn'n a tɔ

(An-in Matt 3.13-17; Marc 1.9-11 tɔ)

²¹Loo ke Jean ule kosdooge malang manné njonm bá baa, Jésus géa ree ade ule'n manné njonm tɔ. Loo ke Jésus nda ɔje tà se Nube bè-bè bai baa, kum danran teen ngalal.

²²Ndil-Kêmnda ree uwe dènn't ade d'an tò asenan se der-nda bè. Ndu Nube bar danrán nú ede nè: – I nga i ngonm'm ke m'tári ngain. Ra'm nel'm dè kɔr ke m'ɔri't nga ngain a tɔ.

Girkà le Jésus

(An-in Matt 1.1-17 tɔ)

²³Loo ke Jésus unn gir kule le'n nga, bal koje'n ase kɔr-mute. Dooge an-in nin ke ngonm le Joseph. Joseph nga è ngonm le Eli.

²⁴Joseph nga è ngonnkà dɔg Matthat, ngonnkà Lévi, ngonnkà Melki, ngonnkà Jannai, ngonnkà Joseph,

²⁵ngonnkà Matthatias, ngonnkà Amos, ngonnkà Nahum, ngonnkà Esli, ngonnkà Naggai,

²⁶ngonnkà Maath, ngonnkà Matthatias, ngonnkà Séméin, ngonnkà Josech, ngonnkà Joda,

²⁷ngonnkà Joanan, ngonnkà Rhésa, ngonnkà Zorobabel, ngonnkà Salathiel, ngonnkà Néri,

²⁸ngonnkà Melki, ngonnkà Addi, ngonnkà Kosam, ngonnkà Elmadam, ngonnkà Er,

²⁹ngonnkà Jésus, ngonnkà Eliézer, ngonnkà Jorim, ngonnkà Matthat, ngonnkà Lévi,

³⁰Lévi ngonnkà Siméon, ngonnkà Juda, ngonnkà Joseph, ngonnkà Jonam,

³¹ngonnkà Eliakim, ngonnkà Méléa, ngonnkà Menna, ngonnkà Matthata, ngonnkà Nathan, ngonnkà David,

³²ngonnkà Isai, ngonnkà Obed, ngonnkà Boaz, ngonnkà Salmon ngonnkà Naasson,

³³ngonnkà Aminadab, ngonnkà Admin, ngonnkà Arni, ngonnkà Esrom, ngonnkà Pharès, ngonnkà Juda,

³⁴ngonnkà Jacob, ngonnkà Isaac, ngonnkà Abraham, ngonnkà Thara, ngonnkà Nahor,

³⁵ngonnkà Seruch, ngonnkà Ragau, ngonnkà Phalek, ngonnkà Eber, ngonnkà Sala,

³⁶ngonnkà Kainam, ngonnkà Arpaksad, ngonnkà Sem, ngonnkà Noé ngonnkà Lémek

³⁷ngonnkà Metushela, ngonnkà Hénok, ngonnkà Yared, ngonnkà Malélél, ngonnkà Kainan,

³⁸ngonnkà Enos, ngonnkà Seth, ngonnkà Adam, Adam è ngonn le Nube.

Luc 4

Sú nan kê m Jé su kê m dile't

(An-in Matt 4.1-11; Marc 1.12-13 to)

¹Ndil-Kê mnda taa kê m Jé su pel-pel loo ke in-in'n tà ba ke dé bar'n Jourdain ree'n. Ndil-Kê mnda or non'n aw se'n kê m dile't.

²Sú ree nan kê m Jé su ase ndo kor-so loo ke è ndii'n kê m dile't nú nga. Loo ke ndo kor-so nè nga dese bá baa, bo ra Jé su tede nyankuse ke ndê in bè gé a o de tà'n lê m lé.

³Ke loon't nè kuwe sú ree ra Jé su't ede'n ede nè: – Ke nè á i Ngonn le Nube kerote baa, unn ndui ade kuberi mbal nè nga tel nyankuse ade use.

⁴Jé su tel ilé de't ede nè: – Gute-ndu Nube ke dé ndang kê m magtub't kété nga tam ede nè: «Nyankuse kuwe go karé á doo à ndii'n kumgajer lé.»

⁵Tabai njè sú dooge ree or'n aw se'n do mbeng baa, ke loon't nè kuwe, è toje'n beekonge malang ke de nang nè ede nè:

⁶– Togmong se nyankingege malang le beekonge nè nga ei kê m jim't. M'ase kade nanan gé a titeke kê m'm ndige.

⁷Ke nè á i do'i'm baa, m'a m'adi nyange nè malang ke nyan kingei i kuwe.

⁸Jé su tel ile sú de't ede nè: – Magtub ke tò se ninn'n tam ndat ede nè: «Kuwe-bee Nube lei nga, i a do'i'n è a, è kuwe karé bere á i a ra kule kade'n a to.»

⁹Go't gugu njè sú dooge or non Jé su aw se'n kê m bee-bò ke Jérusalem. Tabai unn'n unde'n sê m kei't le Nube baa, è ede'n ede nè: – Ke nè á i Ngonn le Nube kerote baa, inye jii do oso nang ade j'an.

¹⁰Tede magtub ke tò se ninn'n tam ede nè: «Nube à unn ndu'n kade dooge le'n ke danrán an-in de'i sê w-sê w.»

¹¹Tabai: «Nube à kade dé lá i do d'uwei nal kade oso njanm unde njai de her't.»

12Jésu tel ile sú dè't ede nè: – Magtub le Nube tam ede nè: «Kuwe-bee Nube lei nga, i a nan'n ndan lé.»

13Loo ke sú nan kê m Jésu se nyange gai-gai gir gang bá baa, inye'n banm ngine'n ndo ke rang.

Jésu unn gir kule le'n kê m beekon ke Galilée

(An-in Matt 4.12-17; Marc 1.14-15 to)

14Loo ke Jésu à tel kê m beekon ke Galilée baa, togmong le Ndil-Kê mnda taa ra'n pel-pel. Kò be tà le Jésu nga unn gir koso se loo mbit-mbit kê m beekon ke Galilée bere mbak.

15Tà ke Jésu ndó dooge kê m kei kebe nange't nga, nel de ngain ade dé malang d'ule ndubra dènn't.

Dooge ke Nazareth utei Jésu mbeng

(An-in Matt 13.53-58; Marc 6.1-6 to)

16Jésu in loon't nè aw bee ke Nazareth. Nazareth nga, è bee ke ndo ke d'oto'n tutu d'ade toge. E aw se de kê m kei kebe nan't se go ra ke è ra'n kété-kété se ndo taa kebe. E ò se nang in do le tute magtub le Nube kade de.

17Dé ree se magtub ke Esaie, njè ribe-dè-tà ke tà Nube't ndang d'ade'n. Loo ke Jésu teen kê m magtub inge tà nè nga baa, è tute se ndu'n ke bò i ede nè:

18– «Ndil Kuwe-bee nain se'm. Kuwe-bee ò r'm le kade m'ile mber Tà ke Maje m'ade njè dooge. E ulè m le kade m'ile mber m'ade njé ke tooi dangai't titeke d'a d'inye de do a, le kade m'ede njékumtoge titeke d'a tel kan loo gugu a, è ulè m le kade m'ede njé ke dé ra de ndoo titeke Nube à taa de kinye de do bai a,

19è ulè m le kade m'ile mber ò je dè bal ke Kuwe-bee à uwe'n de ke rann't a to.»

20Loo ke Jésu tute magtub nè nga gir gang bá baa, unde nan't tel'n ade njè ngonm tà kei kebe nan baa, è tel ndi nang ndó de nyan. Dooge malang ke kê m kei kebe nan't nè nga d'an'n sikm.

21Tabai Jésu unn gir kede de ede nè: – Nyange ke Magtub tam tà'n ade ooi se mbi si nga bila aw loon't de'j bá ta.

22Dooge malang d'ò r go tà le Jésu maje. Tà ige de sè l dè tà kê mnoje le Nube ke tee tann't ade d'oo. Dé tam tà d'ede nè: – Ké n'ee nga, n'ee ngonm le Joseph karè lé wa?

23Jésu ede de ede nè: – Kerò te kuwe, sei a kundi se'm kuju-tam kedi nè: «Njè kuge-kaje i kuwe aje rai bita.» Tabai sei a tami se'm kedi nè: «J'oo tà nyange malang ke i ra kê m bee-bò ke Capernaum. I ra nyange nè nga kê m bee koji't ade j'an to.»

24Go't gugu, Jésu ede de ede nè: – Kerò te kuwe, man m'ede sei ndà t, njè ribe-dè-tà ke tà Nube't karé bè ke d'oo tà tà nn't bee kojenn't nga goto.

²⁵Kerote kuwe, man m'ede sei ndàt, kété kêm ndon't le Elie nga, bo-bò oso se loo malang kêm beekon ke Israel tede ndi ede lé ase bal mute se nan mute-mute. Kêm ndon nè nga, njékei-kingege bule ndii kêm beekon ke Israel.

²⁶Nè né è bè géa, Nube ule Elie le kade ra se è ke karé bè dann de't lé, nè è ule'n le kade ra se njèkei-kinge karé ke kêm bee ke Sarepta beekon ke Sidon nú.

²⁷Kété kêm ndon't le Elie, njèribe-dè-tà ke tà Nube't nga géa, njébanjege bulei ndii kêm beekon ke Israel to. Nè né è bè géa, doo karé bè dann de't ke banje or rann't goto. Nè Naaman, doo ke beekon ke Syrie nú nga kuwe karé á ndo ke banje or rann't ndát-ndát.

²⁸Loo ke dooge malang ke ndii kêm kei kebe nan't ooi tàge nè bè baa, wong ra de ade kêm de aw biriri-biriri.

²⁹Dooge ke ndii kêm kei kebe nan't nè nga rai keige le de kàde mbal't. Loo ke ooi tàge nè bè baa, osi nang in-in uwei Jésu ndorii ngander-ngander awi se'n gide bee't nata sêm mbal't. D'aw se'n titeke bè, tede le kaw sure'n kile'n nang barak.

³⁰Nè è tee dann de't njol aw.

Jésu ade ndil ke majelé unde loo tee kêm dingem karé't

(An-in Marc 1.21-28 to)

³¹Jésu in loon't nè aw kêm bee-bò ke Capernaum, beekon ke Galilée. E ndó dooge nyan kêm kei kebe nan't se ndo taa kebe karé bè.

³²Ndil de tee an-in soin-soin dè gos nyange ke è ndó de't, tede è ndó de nyange nè nga se togmong.

³³Dingem karé ke ndil ke majelé tò kêm'n't ndi kêm kei kebe nan't nè nga to. E tam tà se ndu'n ke bòi beng ede nè:

³⁴– Hai, Jésu ke Nazareth! Ké usi ri ra jé't wa? Ké i ree le tuju jè kòke ta wa? Man m'geri mbak: i i njèkawkule le Nube ke è kuwe ori undei se ninn'n gai.

³⁵Jésu in se ndil ke majelé nè ndáng'n ede nè: – Ebe rai tam tà, unde loo i tee kòke kêm dingem't nè. Ndil ke majelé unn dingem nè nga ile'n nang njanm dann dooge't baa, unde loo tee nyorong aw nal ra se'n nyan karé ke majelé.

³⁶Dooge malang ke ndii tutu nga, tà ige de sêl ade ei deje nan tà edi nè: – Ké è tà ri á bè wa? Doo nè nga on ndilge ke majelé njanm-njanm ede nè: «Undei loo i teei» baa, ke loon't nè kuwe, undei loo teei an-in nan.

³⁷Nyan ke Jésu ra nga, kòbe'n oso se loo mbit-mbit kêm beekon ke Galilée.

Jésu aje njératurge bule

(An-in Matt 8.14-17; Marc 1.29-34 to)

³⁸Jésu unde loo kêm kei kebe nan't tee aw kei le Simon. Wum Simon ke dinye oso se ratur ade ra'n taa por làm-làm. Dé deje Jésu le kade ra se'n.

³⁹Jésu age ngɔr ke ra njèratur't nè nga, ðuge nang dènn't, tabai è ndáng ratur le kade unde loo tee ɓaa, ratur nè nga unde loo tee kuwe tɔ. Tajinan't nè kuwe, wum Simon ke dinye nga ɔse nang in ðɔ ɓaa, è unn gir kade de nyankuse d'use.

⁴⁰Loo ke gir ndɔ taa kebe gang ade kàde ur ɓá ɓaa, dooge malang otoi njératurge ke raturge gai-gai ra de reei se de som-som ra Jésu't. E ile'n ji'n dè de't karé-karé malang, ɔr'n ratur ra de't.

⁴¹Ndilge ke majelé géa undei loo teei kêm dooge't bule se non tà de't beng-beng edi nè: – I i Ngonn le Nube. Jésu on de njanm-njanm ɔge de tam tà, tede dé ger'n mbak titeke è Krist.

Jésu in ɓeeƙon ke Capernaum aw rang

⁴²Loo ke loo ar yerer ɓaa, Jésu unde loo tee kêm ɓee't aw ngang loo't nata. Dooge ngain unni gir sang'n par-par. Loo ke ingeii deɓ ɓá ɓaa, ei ndigi kɔgii nang edi nè: – Inye jè aw rang lé ta.

⁴³Nè Jésu ede de ede nè: – Gar-gar, m'a m'ile mber Konɓee le Nube nga kade dooge ke kêm ɓeege ke rang tɔ. E tede è ke nè á Nube ule'm.

⁴⁴E ile mber Tà ke Maje nè nga, kêm kei kebe nange't ke ɓeeƙon ke Judée.

Luc 5

Jésu ɓar njéƙɔse kanjege mute ade unni rebe goon't

(An-in Matt 4.18-22; Marc 1.16-20 tɔ)

¹Nɔ karé bè, Jésu nda tà ba ke Génésareth. Doobulege njin nan rann't njàng-njàng tede le koo tà le Nube.

²E an ngann batoge joo ndai tà ba't. Mbawge risi nang kêm batoge't nè nga ndai togoi burege le de manné.

³Jésu al ndi kêm bato karé't. Bato nè nga è le Simon. E ede Simon ede nè: – Ɔse bato nga age'n kété ndèin dann ba't. Jésu ndó doobulege nyan kum'n ke kété-kété.

⁴Loo ke è ebe ra'n ndó de nyan ɓaa, è ede Simon ede nè: – Ɔse bato nga age'n kété dunge mann't. Tabai umi burege le si manné ɔsi kanjege.

⁵Simon tel ile Jésu dè't ede nè: – Ngar, jè ra kule kɔse kanje ndɔ laa j'ɔr yàl-yàl nal kuwe ngonn kanje karé ke luk-luk. Nè se go tà tami nga ɓaa, m'a tel kule burege manné gugu kan.

⁶Loo ke dé ra titeke bè ɓaa, kanjege rusi kêm burege le de njin-njin ade teɓ léa burege le de gang.

⁷Dé tuge ji de dé ɓar'n made dege ke nain-in kêm bato karé ke rang le kade reei orèi de. Loo ke ei nè reei ɓá ɓaa, dé malang d'uwe kanje rusu bato joo mbak ade nain ngɔr ɓaa, batoge nduii mann.

⁸Loo ke Simon ke dé bar'n Pierre an bè baa, ɔse keje'n nanga non Jésu't ede'n ede nè: – Kuwe-bee ute rai ram't kɔke, tede man m'ee njè ra majelé.

⁹Bel unde Simon se njé ke se'n malang ndàt gang dè, tede kanje ke d'uwe d'ade al dè loo'n.

¹⁰Jacques se Jean ngann le Zébédée ke njémade-kulege le Simon nga géa, bel unde de ndàt gang de tɔ. Gir'n ke nè á, Jésu ede Simon ede nè: – Ebe't bel, unn gir'n d'arinè, à i njèndon kanjege lé ta, nè a i njèndon dooge.

¹¹Loo ke Simon se njékɔse kanje madenngé teli se batoge le de reei tɔi nang tà ba't gugu baa, turi gide de adi nyankingege le de malang, unni rebe go Jésu't.

Jésu ade banje ɔr ra dingem karé't ndát-ndát

(An-in Matt 8.1-4; Marc 1.40-45 tɔ)

¹²Ndɔ karé ke rang, Jésu ndi ngonn bee ke kêm beekon't nè nga. Dingem karé ke banje mbanran nan rann't ree tee pan. Loo ke è tête kum'n an Jésu baa, è ɔse keje'n nanga nonn't ede'n ede nè: – Kuwe-bee, ke nè á i ndige le kade banje ɔr ram't ndát-ndát baa, i aw se tɔgmong tede le ra bè kuwe.

¹³Jésu ule jí'n ɔde'n ra njèbanje nè nga ede nè: – Oiyoy, m'ndige sei dè't kuwe, maje kade rai tel tò karè ndát-ndát. Ke loon't nè kuwe, banje ɔr ndát-ndát ra dingem't nè nga tɔ.

¹⁴Go't gugu, Jésu unn ndu'n ade dingem ke banje ɔr rann't ndát-ndát nè nga ede nè: – I tam tà le rai ke tel tò karè nè nga ade doo karé géa oo lé. Nè aw i deje njèkuje nyan-mese le kade gon rai an bita i unn nyan kade noje ade titeke gute-ndu Moise tam'n. I ra bè le kade dooge malang geri titeke rai tel tò karè ndát-ndát bá ta.

¹⁵Gir'n ke nè á, kɔbe nyan ra Jésu oso'n se loo-loo. Dooge ngain kebi nan reei rann't le koo tà le'n a, njé ke nange dann de't ke ei njératurge dejii le kade ɔr raturge le de kɔke a tɔ.

¹⁶Nè Jésu ɔr ra'n dann de't aw ngang loo't ɔje tà se Nube titeke è ra'n dɔ-dɔ.

Jésu aje dingem karé ke kêl ra'n wei tonrin

(An-in Matt 9.1-8; Marc 2.1-12 tɔ)

¹⁷Ndɔ karé bè Jésu ndi ndó dooge nyan. Pharienge se njékɔrgir gute-ndu Nube ke Moise ndang reei ra Jésu't. Dooge in-in se kêm beege gai-gai ke beekon ke Galilée, se beekon le Juda a, se bee-bò ke Jérusalem géa reei rann't a tɔ. Tɔgmong le Nube nain se Jésu ade aje'n njératurge.

¹⁸An! dooge unni dingem karé ke kêl ra'n wei tonrin se tuwe too'n bere-mbak reei se'n ke ra Jésu't. Dé sang rebe le kaw se'n kile'n nang non Jésu't.

¹⁹Nè dooge ke njé koo tàge ubei kêm kei njàng. Gir'n ke ne á dingemge nè nga ingei loo kaw se njératurge nè ra Jésu't lé. Titeke ei ingei rebe kaw se'n lé baa, ei ali

dɔ̀ dè kei't, ɔ̀ri kèl loo karé, tabai ei ulei njèratur nè yêrêr undei nang ndeɣ dann dooge't non Jèsu't.

²⁰Loo ke Jèsu an kunde ke dingemge nè undei kêm de dènn't titeke bè ɓaa, è ede njèratur nè nga ede nè: – Man m'edi ndàt titeke kêm Nube tin mbit dè kaiyage't lei ɓá.

²¹Loo ke njékɔ̀rgir gute-ndu Nube se Pharisienge ooi tà ke Jèsu tam nè nga bè ɓaa, wong in se de ade unni gir murin tà edi nè: – Ké doo nè nga è nan á ile rasɔ̀l dè Nube't bè wa? Ké Nube kuwe karé á aseku tam ndàt kede nè n'ade kêm'n tin mbit dè kaiya ra dooge't lé wa?

²²Jèsu ger tàgir le de ke kêm de't mbak. E deje de ede nè: – Ké bain á sei giri tàge ke titeke bè dè bengre si't wa?

²³Tam ndàt kede nè: «Kêm Nube tin mbit dè kaiyage't lei» éké tam ndàt kede nè: «ɔ̀se nang in dɔ̀, i njiye» nga, ké è ke ra è nyan ke loo ra'n tur ngain dum made wa?

²⁴M'ra nyan nè nga titeke bè le kade i geri titeke man ke m'ee Ngon doo nga, m'aw se tɔ̀gmong dè nang nè le kade kêm'm tin mbit dè kaiyage't. Go't gugu Jèsu ede doo ke kèl ra'n wei tonrin nga ede nè: – Man m'edi, ɔ̀se nang in dɔ̀, unn tuwe lei aw béee.

²⁵Ke loon't nè kuwe, dingem nè nga ɔ̀se nang karkat in dɔ̀, è unn tuwe too'n ɔ̀se dènn't, pite Nube dɔ̀-dɔ̀ ke béee. Dooge malang an-in goo'n sikm.

²⁶Dé malang tà ige de sèl ade d'ule'n ndubra dè Nube't. Bel unde de ndàt gang de ade d'ede nè: – Bila j'an nyange ke dum kum.

Jèsu ede Lévi kade unn rebe goon't

(An-in Matt 9.9-13; Marc 2.13-17 tɔ̀)

²⁷Go't gugu Jèsu unde loo tee. E an dingem karé ke njétaa tir ke dé ɓar'n Lévi ndi nanga loo taa tir't. Jèsu ede'n ede nè: – Unn rebe goom't.

²⁸Lévi inye go kule le'n malang, ɔ̀se nang in unn rebe go Jèsu't.

²⁹Go't gugu, Lévi ade dé ra mur tête tà bee ke bò kêm kei le'n tede le Jèsu. Njétaa tir madenngé se dooge ke rang ngain on-in se de mur nan't tɔ̀.

³⁰Pharisienge se njékɔ̀rgir gute-nduge le de murin tà a, deji njékuwe-gir-Jésuge edi nè: – Ké bain usei se an-in nyan nan't se njétaa tirge a, se dooge ke njé ra majelége a tɔ̀ wa?

³¹Loo ke Jèsu oo tà deje le de bè ɓaa, è ile de dè't ede nè: – Njé ke ra de mong maj-maj nga awi ndoo njékuge-kaje lé, nè njératurge á awi ndoo'n.

³²Nube ule'm kade m'ɓar njé ke d'an de ke njéra nyan danné sêwge á bè lé, nè è ule'm le kade m'ɓar njé ke d'an de ke njé ra majelége tede le kade turi hal de.

Jésu ɔrgir nyan ke ade njékuwe-girnge ɔgi kêm de ɓo

(An-in Matt 9.14-17; Marc 2.18-22 to)

³³Dooge reei edi Jésu edi nè: – Pajage le Jean se njé le Pharisienge ɔgi kêm de ɓo ɔji tà se Nube dɔ-dɔ. Nè njékuwe-girige ɓaa, kuse nyan a, kain nyan tá è nyan le de.

³⁴Jésu ede de ede nè: – Njètaa dinye kige nga, loo ke madenngé nain-in se'n ɓai nga, asi kɔgi kêm de ɓo lé.

³⁵Nè ndɔ ke d'a d'uwe'n kɔr'n wont dann de't ɓaa, ndɔ'n nè ɓita madenngé à ɔgi kêm de ɓo ɓai.

³⁶Jésu unn nyan-tɔje karé ke rang tɔje de ede nè: – Doo à gang tà kubu ke kige kile'n kum è ke ndise lé, tede tà kubu ke kige se è ke ndise nga, nduje de à um nan't lé.

³⁷Doo à kum mann nduu ke sɔl kêm sɔlge ke mari't lé, tede mann nduu ke sɔl nga, loo ke à unn gir pà ɓaa, à unde sɔlge ke mari nga ndàt gang le kule nang gangang-gangang. Sɔlge nè nga géa, ei nyange ke tuju a tɔ.

³⁸Nè mann nduu ke sɔl nga, umi kêm sɔlge ke kige't gar-gar.

³⁹Nanan ke an-in mann nduu ke ate ɓá nga aw ndoo kain è ke sɔl lé, tede à tam kede nè: «E ke ate tá m'ndige.»

Luc 6

Jésu ede nè n'ee ngar dè ndɔ taa kebe

(An-in Matt 12.1-8; Marc 2.23-28 to)

¹Nɔ taa kebe karé bè, Jésu unde kêm ndɔr gang. Njékuwe-girnge tėti dè ko tonmi usei.

²Pharisienge ke nange deji de edi nè: – Ké bain sei rai nyan ke gute-ndu le jéi ɔge jéi ra se ndɔ taa kebe nga wa?

³Jésu tel ile de dè't ede nè: – Nyan ke ndɔ ke David ra nga, ké sei i tutei tà'n an-in lé wa? Ndɔ karé bè, ɓo ra David se dooge le'n ngain.

⁴E aw kêm kei kubu't le Nube, è unn mur ke tò se ninn'n on a, ade dooge le'n on-in a tɔ. Nè gute-ndu le jéi ɔge nanan géa kon mur nè tede tò ɔje dè njékuje nyan-mesege kuwe se kar de bere.

⁵Jésu tel ede de kuwe ɓai ede nè: – Man ke m'ee Ngonn doo nga, m'ee ngar dè ndɔ taa kebe't.

Jésu aje dingem ke ji'n wei tonrin se ndɔ taa kebe

(An-in Matt 12.9-14; Marc 3.1-6 to)

⁶Nɔ taa kebe karé ke rang, Jésu aw kêm kei kebe nan't. E unn gir ndó de nyan. Dingem karé ke jikon'n wei tonrin ndi dann de't tɔ.

⁷Njékɔrgir gute-nduge se Pharisienne undei kum de lèr-lèr le kan-in ké Jésu ayé kɔr ratur ra dingem't nè nga se ndɔ taa kebe wa? Dé ra titeke bè le kile'n tà dènn't kede nè è al tà tà gute-ndu't le de.

⁸Nè Jésu ger tàgirge le de ke kêm de't mbak. Gir'n ke nè á, è ede'n dingem ke ji'n wei tonrin nè nga ede nè: – Ɔse nang in dɔ i nda dann de't nè ade d'an-in. E ɔse nang in nda dɔ dann de't ngurung.

⁹Go't gugu, Jésu deje de ede nè: – Man m'deje sei tà karé koo: Ké gute-ndu inye loo ade jéi se ndɔ taa kebe le ra maje se doo éké le ra se'n majelé wa? Ké è tà le jéi le kaje doo kêm ndɔn't nè éké le kinye'n kade tuju kɔke wa?

¹⁰Jésu an de dèrêr-dèrêr malang baa, è ede dingem ke ji'n wei kàdenn't tonrin nè nga ede nè: – I ndaje jii. Baa è ndaje ji'n kuwe tɔ. Ji dingem nè nga tel tò karè ndát- ndát titeke kété.

¹¹Nè wong ase njékɔrgir gute-nduge se Pharisienne nák ade unni gir kɔr nan tà dè nyan ke ayé rai se Jésu.

Jésu tɔr njékawkulege dɔg-gidé-joo

(An-in Matt 10.1-4; Marc 3.13-19 tɔ)

¹²Kêm ndɔn't nè nga, Jésu aw dè mbal't le kɔje tà se Nube. E ɔje se'n tà dann ndɔ sár ade loo ar yerer.

¹³Loo ke loo ar yerer bá baa, Jésu bar njékuwe-girnge rann't. E tɔr njé ke dɔg-gidé-joo nga unde de se ninn de ke njékawkulege.

¹⁴Njékawkulege nè nga ri de á nè: Simon ke Jésu ile ri'n nè Pierre se André ngokon'n ke ndèin, Jacques se Jean, Philippe se Barthélemy,

¹⁵Matthieu se Thomas, Jacques ngonn le Alphée se Simon ke njèrakólé,

¹⁶Jude ngonn le Jacques se Judas Iskariot ke tel è njèkunn dè Jésu nga.

Jésu ndó doobulege nyan a, aje njératurge a tɔ

(An-in Matt 10.1-4; Marc 3.13-19 tɔ)

¹⁷Jésu rise se njékuwe-girnge aw se de kade mbal't inge'n kutu kos njékuwe-girnge. Kosdoo-bulege in-in dè nang't le Juda malang se kêm bee-bò ke Jérusalem se kêm beege ke tooi tà ba-kate't, Tyr a, Sidon a tɔ.

¹⁸Dooge nè nga reei le kooi tà le Jésu a, le kade ɔr raturge ra de't a tɔ. Njé ke ndilge ke majelé tooi kêm de't géa, Jésu aje de a tɔ.

¹⁹Nanan géa dann de't sang le kɔde ra'n lêm tede tɔgmong kaje njératurge tee rann't aje de malang.

Nyan ke kum ra le njékuwe-gir-Jésuge

(An-in Matt 5.1-12 tɔ)

²⁰Loo ke Jésu ɔr kum'n dɔ an njékuwe-girnge ɓaa, è ede de ede nè: – Sei njéndooge, adi ra si nel sei tede Konbee le Nube è le si!

²¹Sei ke ɓo tɔl sei ɗarinè nga, ali ra si tede ndɔ ke rang d'a d'ade a i ndanni gɔj-gɔj bai! Sei ke i noin se mann non kum si't ɗarinè nga, ndɔ ke rang a ali ra si bai!

²²Ke nè á dooge ɔri sei njêt a, dé mbate sei a, dé taje sei a, se d'an sei ke dooge ke majelé tede k'ee ke sei njékuwe-gir'm man ke m'ee Ngonn doo nga ɓaa, adi ra si nel sei!

²³I rai ranel kê m ndɔn't nè nga, ali ra si se kê mnda káng a tɔ, tede nyan-kunde nja si ke bô tò ngine sei danrán. Kà de dé njékɔr sei njêtge nè géa, kété dé ra nyange nè titeke bè se njéribè-dè-tàge ke tà Nube't tɔ.

²⁴Nè sei njényan kingege a an-in bai, tede sei ingei nyange ase sei nák-nák ɗarinè ɓá!

²⁵Sei ke kê m si ndann gɔj-gɔj ɗarinè nga a an-in bai, tede ndɔ ke rang ɓo à ra sei ɓai! Sei ke gɔge si nda se kogo ɗarinè nga, a an-in bai, tede ndɔ ke rang a i ndii se kumndoo-yo a, a i noin se mann non kum si't ɓai a tɔ!

²⁶Sei ke dooge malang piti sei nga, a an-in bai, tede kà de dége nè géa, ndɔ ke rai titeke bè se njé ke rai ra de ke njéribè-dè-tàge ke tà Nube't!

Undei njé bange le si dann kum si't

(An-in Matt 5.38-48; 7.12a)

²⁷Nè sei ke ɗarinè uri mbi si ooi tàge le'm nga, man m'ede sei ndàt: I tári njé bange le si a, i rai maje se njékɔr sei njêtge a tɔ.

²⁸I deji Nube le kade tɔr ndu'n dè njé ke d'ɔr se si a, ɔji tà se'n tede le njé ra se si majelége a tɔ.

²⁹Ke nè á doo karé unde mbɔri karé ɓaa, inye'n ade unde mbɔri ke kê l karé bai. Ke nè á doo banmi taa kubu lei ke bòi yul ɓaa, inye'n ade ɔr kubu lei ke kàdi't tɔ.

³⁰Nanan ke deji nyan ɓaa, ade'n. Ke nè á doo taa nyange lei ɓaa, i deje'n kade tel'n adi gugu lé.

³¹Nyan ke sei ndigi kade dooge ke rang rai tede le si nga, sei géa, i rai titeke bè tede le de tɔ.

³²Ke nè á sei tári njé ke tári sei tá ɓaa, ké i giri kê m si't titeke è kê mnoje ke ngain á sei rai wa? Tede njé ke ali tà tà Nube't nga géa rai titeke bè se nan tɔ.

³³Ke nè á i rai maje se njé ke rai se si maje tá ɓaa, ké sei giri kê m si't titeke è kê mnoje ke ngain á sei rai wa? Tede njé ke ali tà tà Nube't nga géa rai titeke bè se nan tɔ.

³⁴Dooge ke sei giri kêm si't titeke à teli kuge sei kure tá adi tunei sei nyan nga, ké sei giri kêm si't titeke è kêmnoje ke ngain á sei rai wa? Tede njé ke ali tà tà Nube't nga géa tunei nan nyan dann de't tede le teli kingei gugu bai.

³⁵Nè sei baa, i tári njébange le si, i rai de maje, adi dooge tunei sei nyan, nè i giri kêm si't edi nè: «M'a tel kinge gugu bai» lé. Titeke bè á, nyan-kuge dè ji si à ee'n ngain a, a k'eei ngann le Nube ke Njèndi sêm danran't. Tede Nube ke Njèndi sêm danran't nga, è njè ra maje se dooge ke geri loo tel ra'n oiyo lé a, è njè ra maje se njékêmyêrge a tɔ.

³⁶I rai kêmkanm titeke bɔ jéi ra'n kêmkanm se dooge bè tɔ.

Ilei tà dè njé ke rang't lé

(An-in Matt 7.1-5 tɔ)

³⁷Ilei tà dè dooge't lé baa, Nube à ile tà dè si't lé tɔ. Uwei dooge se tà lé baa, Nube géa à uwe sei se tà lé tɔ. Adi kêm si tin mbit dè majelége't le dooge baa, Nube géa à ade kêm'n à tin mbit dè majelége't le si tɔ.

³⁸Adi dooge nyan baa, Nube géa à ade sei nyan tɔ. Nube à um nyan kêm nyan-kɔje nyan't le si le korè gam-gam maje a, à mbusu nják-nják kade ribe nang a tɔ. Nyan ke sei ɔjii nyan adi dooge nga, Nube à ɔje'n nyan kade sei tɔ.

³⁹Go't gugu, Jésu unn nyan-tɔje karé tɔje de ede nè: – Ké njèkumtɔ karé asekum kule kage ji njèkumtɔ madenn't wa? M-m! Ke nè á njèkumtɔ ule kage ji njèkumtɔ madenn't baa, ké dé joo mbak d'a nal pater koso kêm bolè't lé wa?

⁴⁰Njèndó nyan à ger nyan dum njèndóo'n nyan lé, nè loo ke tɔl ngang nyan ndó le'n mbas bita à è tite njèndóo'n nyan bai.

⁴¹Ké bain á oré kumi dè bum walè ke tò kum ngokoin't tá nal kade kèmi olé dè maman kage ke tò kumi't wa?

⁴²Ké asekum kede ngokoin kede nè: «Ngokon'm, inye'm ade m'or walè ke tò kumi't», nal kade kèmi olé dè maman kage ke tò kumi't titeke bain wa? I njèkede gos, or maman kage ke tò kumi't pa bita asekum kan loo njai le kor'n bum walè ke tò kum ngokoin't nga bai.

Njékuwe-gir-Jésuge asikum rai nyange ke maje

(An-in Matt 7.16-20; 12.33-35 tɔ)

⁴³Kage ke sɔl asekum kann se kann'n ke ate lé. Kage ke ate nga asekum kann se kann'n ke sɔl lé tɔ.

⁴⁴Jè geri kagege se go kann de ke ɔje dè de-dè de. Doo asekum kuje kann koté dè kage-ngarr't lé a, doo asekum kuje kann nduu dè ngarr-kalè't lé a tɔ.

⁴⁵Doo ke bengre'n maje baa, à ra nyan ke maje. Doo ke bengre'n majelé baa, à ra nyanra ke majelé a tɔ. Nyan ke rusu kêm bengre doo njin-njin bita al tee tànn't bai.

Kei ke ra dè mbal't se kei ke ra dè nyeenger't

(An-in Matt 7.24-27 to)

⁴⁶Ké bain á sei bari man «Ngar, Ngar» se ndoge malang, nè i rai nyan ke man m'unn ndu'm kade i rai nga lé wa?

⁴⁷Nanan ke ree ram't oo tàge le'm ra nyan'n baa, m'a m'ede sei, è tò asenan se:

⁴⁸Doo karé ke njèkunde kei ke nder bolè ade heb ďak baa, è um kuberi herge tutu bita unde gir kei le'n dè't dɔ mbeng bai. Loo ke ndi ede ndai-ndai ade mann'n ule loo gangang-gangang gir kei't nè nga. Nè kei nè nga yei lé, tede njèkunde'n unde maje.

⁴⁹Nè nanan ke oo tàge le'm nal ra nyan'n baa, tò asenan se doo ke unde gir kei dè nyeenger't anje nder bolè kade heb ďak. Loo ke ndi ede ndai-ndai ade mann'n ule gangang-gangang gir kei't nè baa, ke loon't nè kuwe-kei nè oso tête dèk-dèk.

Luc 7

Jésu aje ngonn njèndi le njèkan dè njérɔge ke aru

(An-in Matt 8.5-13 to)

¹Loo ke Jésus ede kosdooge tàge le'n malang gir gang bá baa, ɔse nang in aw kêm bee ke Capernaum.

²Ngonn njèndi le njèkan dè njérɔge ke aru karé bè, ra'n tur'n ngain ade nain ngɔr baa tà'n à tête. Ngonn njèndi nè nga kuwe'n tár'n ngain.

³Njèkan dè njérɔge nè nga oo kɔbe Jésus. E ule Juipge ke nange ke kum de unju ra Jésus't le kade edii ade ree se de aje ngonn njèndi le'n ade'n.

⁴Loo ke ei reei ingei Jésus bá baa, awi se'n kabr-kabr edi nè: – Kɔkrɔ karè, doo nè nga maje kade i ra nyan ke è deji ade'n.

⁵Tede è tár girkoje le jéi ngain. Tabai è kuwe ade d'unde kei kebe nan le jéi nga a to.

⁶Jésu in aw se de. Loo ke è unde dè kei ngɔr baa, njèkan dè njérɔge ke aru nè nga ule madenngé ade edi Jésus edi nè: – Kuwe-bee, i ndɔje rai lé, tede man nga m'ee doo ke m'ase kade ile njai kêm kei le'm lé.

⁷Gir'n ke nè á, man m'an'n ra'm ke doo ke asekum kaw se ra'n rai't lé. Nè i tam tà karé bere kuwe baa, ngonn njèndi le'm à aje.

⁸M'tam tà nè tede man nga géa, doo-dèmge ndii tutu. Nè man géa, man doo dè njérɔge to. Ke nè á m'unn ndu'm m'ade è ke karé m'ede nè: «Aw» baa, à aw. Ke nè á m'unn ndu'm m'ade è karé ke rang m'ede nè: «I ree» baa, è ree kuwe to. Ke nè á m'unn ndu'm m'ade ngonn njèndi le'm m'ede nè: «I ra nyan ke nè» baa, è ra.

⁹Loo ke Jésus oo tàge le njèkan dè njérɔge nè bè baa, tà ige'n sêl. Tabai è tel ra'n ke dè doobulege't ke ndolèi goo'n, è ede de ede nè: – Man m'ede sei ndàt, doo nè nga

unde kêm'n dèm't kerote kuwe. Kêm beekon ke Israel nga, m'an gar kundekêm ke titeke bè ndan lé bai.

¹⁰Loo ke njékulege le njèkan dè njérɔge ke aru nè teli awi béee baa, ei ingei ngonn njèndi nè nga tel ndi karè maj-maj.

Jésu ade ngonn dagi le njèkei-kinge tɔse ndel in

¹¹Go't gugu Jésus se njékuwe-girnge in-in awi kêm ngonn bee karé ke ri'n nè Nain. Dooge ke rang bule awi se'n tɔ.

¹²Loo ke nain ngɔr kade Jésus tee tà kei geng't le ngonn bee nè baa, dooge unni ninn kage-tée siriri darii deŋ awi ke bada. Basa doo ke wei nè nga, è ngonn ke dingem ke dagi ji konn't ke njèkei-kinge. Doobulege ngain kêm bee't nè awi se kon ngonn nè nga nan't bada tɔ.

¹³Loo ke Kuwe-bee Jésus tête kum'n an kon ngonn nè nga baa, kêm'n aw biriri-biriri ade ede nè: – Ebe't non.

¹⁴Jésu aw ngɔr kote kage-tée't ule ji'n ɔde'n. Njé kunn ninnge teli ndai nang gek. Jésus ede ninn basa nè nga ede nè: – Ngonn basa, m'unn ndu'm m'adi, i tɔse ndel in.

¹⁵Basa doo ke wei nè nga tɔse ndel in ndi dɔ a, è unn gir tam tà a tɔ. Jésus tel se'n ule'n ji konn't mɔr.

¹⁶Dooge malang ke an-in nyan nè nga, bel unde de ndàt gang de ade ulei ndubra dè Nube't edi nè: – Njèribe-dè-tà ke tà Nube't karé ke bò unde loo tee dann jéi't! E Nube kuwe á ree din-in kosdooge le'n!

¹⁷Kɔbe nyan ke Jésus ra nè nga oso se loo mbit-mbit kêm beekon ke Judée bere mbak a, se kêm ngann beege ke gan-in dè'n wàk a tɔ.

Jésu unn tà le Jean ede kosdoo-bulege

(An-in Matt 11.2-19 tɔ)

¹⁸Pajage le Jean ɔri ser nyange nè nga malang ade oo kété. E bar njé ke jooge dann de't ule de ra Jésus't ade dejii edi nè:

¹⁹– Ké i nga kuwe á ndɔ ke d'ede nè a i ree éké jè ndi jè ngine doo ke rang bai wa?

²⁰Loo ke pajage le Jean reei ingei Jésus bá baa, ei edi nin edi nè: – Jean ke ndɔ ke è njékule dooge manné njonm nga, è ule jè rai i Kuwe-bee't kade jè deji: «Ké è i nga kuwe á ndɔ ke d'ede nè a i ree éké jè ndi jè ngine doo ke rang bai wa?»

²¹Kêm kàde'n ke d'ade reenn't nga, Jésus ndi ɔr ratur ra dooge't bule. Njé ke raturge ke se ri de-ri de rai de nga géa, è ɔr ra de't. E ɔr ndilge ke majelé kêm dooge't kɔke a, è uwe noje se njékumtɔge ade teli an-in loo njai-njai a tɔ.

²²Go't gugu Jésus tel ede njé ke Jean ule de ede nè: – Nyange malang ke an-in se kum si a, ooi tà'n se mbi si a tɔ nga, awi edi Jean tà'n edi nè: Njékumtɔge teli an-in

loo a, njédogemetege teli njiyei mongi dáj-dáj a, banje or ra njébanjege't ndát-ndát a, njé mbi kutuge teli ooi tà njai-njai a, dooge undei loo teei dann njé ke koo't a, Tà ke Maje nga d'ile mber'n d'ade njéndooge bá a tɔ.

²³Nanan ke nyange ke m'ra tuge'n jig't ile'n lé baa, ra'n à nel'n.

²⁴Loo ke njé ke Jean ule de teli awi bá baa, Jésu unn tà ke oje dè Jean deje doobulege ede nè: – Ké ri á awi kêm dile't le kan-in wa? Ké awi le kan-in walè tuwe-mann ke nel mbir'n mbar-mbar karè wa?

²⁵Nè ké ri á awi le kan-in kêm dile't wa? Ké sei awi le kan-in dingem karé ke ule kubu ke bin maje rann't wa? An-in! njé ke ulei kubu ke ndolé nga ndii dann maje't kêm kei ndi ngarge't.

²⁶Nè ké nyan ke sêw ke awi le kan-in nga è ri wa? Sei giri kêm si't titeke awi le kan-in njèribe-dè-tà ke tà Nube't, nè man m'ede sei ndàt: è ke awi le kan-in nga bòi dum dè njèribe-dè-tà ke tà Nube't bai.

²⁷Nube tam tà kêm Magtub't le'n oje'n dè Jean ede nè: «An! njèkawkule le'm ke m'ule'n le kade gɔl rebe noin't.»

²⁸Jésu ede de ndàt ede nè: – Dooge malang ke d'oje de dè nang nè nga, doo karè bè ke bòi dum dè Jean goto. Nè né è bè géa, doo ke d'an'n ke nyan lé ke Nube on bee dènn't nga, bòi dum dè Jean bai.

²⁹Kosdooge malang se njétaa tirge ke ooi tà nè nga adi Jean ule de manné njonm tede an-in Nube ke njèra nyan se dè naje'n.

³⁰Nè Pharisienne se njéndó dooge gute-ndu Nube d'ute nyan ke Nube ndige kade dé ra nga mbeng mbati kade Jean ule de manné njonm.

³¹Jésu tel tam ede nè: – Dooge ke ei dèkasanage ke ndii dè nang nè d'arinè nga, ké m'a kuwe de kɔje'n nange wa? Ké dé tò d'asenan se nange wa?

³²Dé tò d'asenan se ngannge ke ndii nang ndá-loo't bari nan edi nè: «Jè j'unde kɔde ndam, nè sei i ndami lé a, j'ile pa non yo nè sei i taai tà jé't lé a tɔ.»

³³Loo ke Jean ke njèkule dooge manné njonm ree nga, è oje ra'n dè nyankuse se dè kain yibe nduu't a tɔ. Nè sei tami edi nè: «Ndil ke majelé tò kèmn't.»

³⁴Nè loo ke man ke m'ee Ngonn doo nga m'ree dè nang nè baa, m'use nyan a, m'an-in a tɔ. Nè sei i tami edi nè: «An-in! doo nyankuse se gon nyankain, tabai è made njétaa tirge se njé ra majelége a tɔ.»

³⁵Nè dooge malang ke taai kumkunju le Nube undei kêm de dè't nga, an-in ke ngarankum nyan.

Jésu ade kêm'n tin mbit dè kaiya-dinye't

³⁶Pharisien karé bè bar Jésu kade aw use se'n nyan. Jésu aw se dingem nè nga kêm kei le'n ndi use se'n nyan.

- 37**Dinye karé bè ke d'an'n ke kaiya-dinye ndi kêm bee't nè nga tɔ. E ger titeke Jésu ndi à use nyan kêm kei le Simon ke è Pharisien nga. Dinye nè nga ree se wubu ke ete sununn rusu kêm ku'n ke dé ra se her ke ri'n nè Albatre.
- 38**E ree ndi nang go Jésu't non sɔk-sɔk uwe'n nja'n. Mann kum'n ke non'n nga tɔl nja Jésu tɔbl. E tise nja Jésu se bin dè'n, tabai è tête wubu ke ete sununn nè nga njann't a tɔ.
- 39**Loo ke Simon ke njè bar Jésu nga an nyan nè nga titeke bè baa, è girtà kêm'n't ede nè: – Ke nè á dingem nè è njèribe-dè-tà ke tà Nube't kerɔte baa, ayé ger titeke dinye ke ɔde ra'n nè nga, è dinye ke d'an'n ke kaiya-dinye kuwe.
- 40**Jésu ger tàgir le Simon ke kêm'n't mbak. E ede'n ede nè: – Simon, m'aw ndoo kedi tà karé. Simon tel ile'n dè't ede nè: – Njèndó dooge nyan, m'ur mbi'm le koo'n tà ke ayé tam nga.
- 41**Jésu unn gostà tam ede nè: – Dingem karé bè ndi non. E ade dooge joo tuneii nar. E ke karé bè taa nar kule ndɔ aru mi. E ke njèkon't joo baa tune nar kule ndɔ kɔr-mi tɔ.
- 42**Dingem nè nga ɔr kure le'n dè de't kɔke tede dé joo mbak d'asekum kuge'n kure le'n nga lé. Dann dooge ke joo nè nga, ké è ke ra i gir kêm'i't titeke à tár njèkɔr kure dè de't nè nga ngain dum made'n wa?
- 43**Simon tel ile jésu dè't ede nè: – Le'm ke kêm't baa, è è ke kure le'n è ngain nè á à tár njèkɔr kure dè de't nè ngain dum made'n. Jésu tel ede Simon ede nè: – I tam è kum kuwe.
- 44**Jésu tel tur kum'n ke ra dinye't nè nga ede nè: – Simon, ké an nyan ke dinye nè ra nga wa? M'ree kêm kei lei, nè i ade'm mann m'togo'n nja'm lé. Nè dinye nè togo nja'm se mann kum'n a, tise nja'm se bin dè'n a tɔ.
- 45**I uwe'm kàdi't sêm ade dé togo nja'm lé. Nè dinye nè ebe ra'n dè kuwe njam't lé loo ke m'ree'n har kêm kei.
- 46**I tête wubu dèm't lé, nè è tête wubu ke ete sununn njam't.
- 47**Simon, man m'edi ndàt titeke Nube ade kêm'n sɔl lom dè bò kaiyage't le dinye nè, gir'n ke nè á è tár'm ngain. Doo ke nè á Nube ɔr kaiya dènn't ndèin bè baa, à tár'm ndèin bè tɔ.
- 48**Jésu tel ede dinye nè nga ede nè: – Man m'edi ndàt titeke Nube ɔr kaiyage lei dèi't kɔke.
- 49**Njé ke ndii se Jésu nan't tà nyankuse't nga unni gir murin tà kêm de't edi nè: – Ké doo nè nga è nan á aw sár tam ndàt ede nè: Nube ɔr kaiya dè dooge't wa?
- 50**Jésu tel ede dinye nè ede nè: – Nube ɔri ji ber't le kaiya bá tede kèmi ke unde dèm't. Darinè, aw se kèmlom.

Luc 8

Njékuwe-gir-Jésuge ke dɔg-gidé-joo se dinyege danni nin kile mber't

¹Go't gugu baa, Jésus aw se loo-loo kêm bee-bòge se kêm ngann beege ile mber Tà ke Maje ke ɔje dè Konbee le Nube ade dooge. Njékuwe-girnge ke dɔg-gidé-joo danni nin.

²Dinyege ke nange ke Jésus rɔ ndilge ke majelé kêm de't se dinyege ke rang ke è ɔr raturge gai-gai ra de't nga géa danni nin a tɔ. Dé dinyege nè nga ri de á tò ne: Marie ke bee le'n è Magdala ke ndɔ ke Jésus rɔ ndilge ke majelé ji sejimute kêmnt',

³se Jeanne, dinye le Suza njèkan dè nyange le ngar Hérode, se Suzanne a, se njé ke rang bule a tɔ. Dinyege nè malang unni nyankingege le de rai se Jésus se njékuwe-girnge.

Jésu ɔr sertà le njèkunde ko nyan kêm ndɔr't

(An-in Matt 13.1-9; Marc 4.1-9 tɔ)

⁴Dooge in-in se kêm bee-bee reei ra Jésus't. E unn gostà karé ede dooge ke ɔsi nja nan rann't ede nè:

⁵– Dingem karé ndi tutu. E in se ko nyan kêm kei le'n aw'n unde kêm ndɔr't. Loo ke è nda à unde ko nyan kêm ndɔr't le'n nga, njar ko ke nange téé toso nang ngang rebe't. Dooge njiyei dè't a, helge ke walé otoi turi a tɔ.

⁶Njar ko ke nange ke rang téé toso dè her't tɔ. Loo ke ubei baa, ke loon't nè kuwe ndolèi sabak a, tuti parr tede nang ke gir de't è ngain lé.

⁷Tabai njar ko ke nange ke rang téé toso dè jig-konngé't ade ubei nan't, nè konngé in-in pujuri dè de mbak.

⁸E ke nange téé toso dè nang ke maje't ade ubei a, tɔgi a, ɔri dè de maje a tɔ. Dè ko karé-karé malang ide ase njar'n aru. Tabai Jésus tam se ndu'n ke bòi ede nè: – Ke nè á mbi si tò tutu baa, uri maje ooi tà ke m'ede sei nè.

Nyan ke Jésus ndó'n dooge nyan se gostà

(Matt 13.10-17; Marc 4.10-12 tɔ)

⁹Njékuwe-gir-Jésuge dejii le kade ɔgir gostà nè nga ade de.

¹⁰E tel ile de dè't ede nè: – Sei baa, Nube ɔgir nyange ke ɔje dè Konbee le'n ke tò loo bɔyɔn't nga ade sei geri bá. Nè dooge ke rang baa, nyange ke tooi loo bɔyɔn't ɔje dè Konbee le Nube nga, d'a d'ede de se gostà. «Nyan nè nga tee titeke bè le kade d'an se kum de, nè d'an njai lé, le kade d'oo se mbi de, nè geri gir njai lé a tɔ.»

Jésu ɔgir sertà le njèkunde ko nyan ke kunde kêm ndɔr't

(An-in Matt 13.18-23; Marc 4.13-20 tɔ)

¹¹Jésu ede de ede nè: – Gir gostà nè nga á tò nè: Tà le Nube nga tò asenan se ko nyan ke doo unde bè.

¹²Dooge ke nange tooi asinan se njar ko ke tée toso ngang rebe't. D'oo Tà ke Maje le Nube kuwe, nè njèban ree or Tà ke Maje nè nga dè bengre de't wont kòke oge de kum kêm de dè't kaje'n ra de. Dé nè nga, dé tò d'asenan se njar ko ke tée toso dè her't bè.

¹³Dooge ke nange taai Tà ke Maje nè nga se ranel. Nè tà nè nga ule ngire'n nang dè bengre de't lé. D'um kêm de dè't mbor nè loo ke nyan unde loo tee nan kundekêm le de baa, ke loon't nè kuwe dé sure go kundekêm le de d'inye.

¹⁴Njar ko ke tée toso dè jig-konng'e't nga, ei dooge ke ooi Tà ke Maje, nè inyei loo adi tàgirge ke oje dè nyankinge se ngur-nyange gai-gai ke dè nang nè pujuri dè Tà ke Maje nè nga se rebe kòke nuji.

¹⁵Njar ko ke tée toso dè nang ke maje't nga, ei dooge ke ooi Tà ke Maje se kêmnda káng baa ngonmi dè bengre de't a, ligri dè't lagr-lagr sár adi kann de tò tutu.

Gostà ke oje dè lampe

(An-in Marc 4.21-25 to)

¹⁶Loo ke doo unde por tu lampe't baa, à tel sebe nyan dè't éké à tel kule gir tire't lé. Nè à nan do tà kage't le kade njé ke reei kêm kei an-in loo njai-njai.

¹⁷Nyan malang ke tò loo boyon't dariné nga, ndo ke rang d'a tee se gir'n nata bai, nyan malang ke tò loo ngeinn't dariné nga, ndo ke rang d'kuje gir ndát-ndát bai.

¹⁸Undei kumkunju dè ra si't dè tà ke ooi't nga. Nanan ke aw se nyan jinn't lé baa, nyan ke ndêin bè ke è gir kêm'n't ede nè è nyan le'n nga, Nube à uwe taa jinn't wont kòke.

Kon Jésus se ngakonng'e reei le kan-in nin

(An-in Matt 12.46-50; Marc 3.31-35 to)

¹⁹Kon Jésus se ngakonng'e reei le kan-in nin nè asi kawi teei rann't lé tede dooge njin nan rann't njàng-njàng.

²⁰Doo karé ree ede'n ede nè: – Koin se ngakoinge ndai nata non ndigi kilei kum de dèi't.

²¹Jésu ede dooge malang ede nè: – Dooge malang ke ooi Tà le Nube rai nyan'n nga, ei á m'an de tite kon'm se ngakonng'e bè.

Jésu ade nel-bò ebe ra'n kule

(An-in Matt 8.23-27; Marc 4.35-41 to)

²²Ndo karé bè, Jésus se njékuwe-girng'e ali kêm bato't baa, è ede de ede nè: – Ade jè gangi ba j'awi gide ke nú't. D'ote ke loon't nè d'aw kuwe to.

²³Loo ke d'ade gang ba baa, Jésus tò bi ndêr-ndêr. Ke loon't nè kuwe nel-bò unde loo tee pitring sebe dè ba't gap. Mann unn gir taa kêm bato pel-pel ade dé malang ndi tà yo't.

24Njékuwe-gir-Jésuge reei rann't ndelii edi nè: – Ngar, ngar, mann à uwe jéi. Loo ke Jésus in gir bi't baa, unn ndu'n ade nel-bò a, se kɔr-mann ke tal bungus-bungus a tɔ ebe't ra'n kule a, ade dè mann toso dɛng-dɛng a tɔ. Ká loo tel pa sibik.

25Tabai Jésus deje njékuwe-girnge ede nè: – Ké kundekêm dèm't le si tò ra wa? Nè bel unde de ndàt gang dè ade dé deje nan tà d'ede nè: – Ké doo nè nga è doo ke bain á nel-bò se mann-ba géa ooi tà tànn't titeke bè wa?

Jésu rɔ ndilge ke majelé kêm dingem karé't

(An-in Matt 8.28-34; Marc 5.1-20 tɔ)

26Jésu se njékuwe-girnge gangi ba awi kêm beekon ke Gérasa ke tà'n sɔbe nan se beekon ke Galilée.

27Loo ke Jésus rise nang bá baa, dingem karé ke kêm bee't nè nga ree tile kum'n. Dingem nè nga ndilge ke majelé tooi kêm'n't. Doo nè nga ule kubu rann't lé mari bere a, ndi kêm bee't lé nè ra bee kêm be-badege a tɔ.

28Loo ke è tête kum'n an Jésus baa, è oso nang njann't, tabai unn gir tam tà se ndu'n ke bòi beng ede nè: – Jésus, Ngonn le Nube ke njèdum dè nyange malang, ké ri lei á i sang ram't wa? Kɔkrɔ karè, i ra kum ndoo lé.

29Dingem nè tam tà nè nga titeke bè tede Jésus unn ndu'n ade ndil ke majelé le kade unde loo tee kɔke kêm doo't nè. Dɔ-dɔ ndil ke majelé nè nga unn dingem nè tile'n barak-barak. Doo nè nga, dɔ-dɔ dé tɔ ji'n se sul a, d'ile kanglang njann't dé ngonm'n nang. Nè è gang sul ke jinn't nga dɔp-dɔp a, tête kanglang ke njann't dap-dap a tɔ. Ndil ke majelé nga ɔr dingem nè aw se'n kêm dilege't a tɔ.

30Jésu deje dingem nè nga ede nè: – Ké rii nè nan wa? E tel ile'n dè't ede nè: – Ri'm nè «kos njérɔge.» E tam tà nè nga titeke bè tede ndilge ke majelé ke ndii kêm'n't nga bulei ngain.

31Ndilge ke majelé nè nga, ndingei ndoo tà Jésus't le kade unn ndu'n ade n'undei loo n'teei n'awi kêm bolè ke son'n goto't nga lé.

32Kos kɔsnyonge ndai dè mbal't ngɔr kɔte loo't nè nga à usei nyan. Ndilge ke majelé nga rai ndoo ra Jésus't le kade inye loo ade n'awi kêm kos kɔsnyonge't nè nga. E inye loo ade de le kade d'aw kêm kos kɔsnyonge't nè nga.

33Ndilge ke majelé undei loo kêm dingem't nè teei awi kêm kos kɔsnyonge't. Ke loon't nè kuwe, kos kɔsnyonge nè nga in-in dè mbal't bungei nan an-in jɔrèi baa weii kabak.

34Loo ke njé ngonm kos kɔsnyonge an-in nyan ke tee nè nga bè baa, an-in nan awi se tà nè nga asi loo ná-kém kêm bee-bò't se kêm kɔki beege malang ke an-in dè'n.

35Dooge malang ke tà nè oso mbi de't nga teei som-som le kawii kan-in nyan ke tee nè nga se kum de. Loo ke dé tee ra Jésus't baa, d'inge dingem ke ndilge ke

majelé undei loo teei kêm'n't nga. Dè'n tel tò maje ade tule kubuge rann't ndii'n nang ngêrêng nja Jésus't. Bel unde dooge ndàt gang de.

³⁶Njé ke an-in nyan ke tee nè nga se kum de, ɔri ser'n adi dooge ke rang titeke dingem ke ndilge ke majelé ndii kêm'n't nga d'ade tel ndi karè ta.

³⁷Dooge malang ke kêm beekon ke Gérasa nga bel ra de ngain ade deji Jésus le kade in aw rang. Jésus al kêm bato't tede le tel kaw.

³⁸Ke loon't nè kuwe dingem ke ndɔ ke ndilge ke majelé undei loo teei kêm'n't nga, è deje Jésus ede nè: – Tàì tò njak, ade m'aw sei.

³⁹Nè Jésus ede dingem nè nga ede nè: – I tel aw ra njé lei't, ɔr ser nyan malang ke Nube ra tedei ade d'oo. Dingem nga tel aw, ɔr ser nyan malang ke Jésus ra tede'n nga ase'n loo nák-nák kêm bee-bò't nè nga bere mbak.

Jésu ɔr ratur ra dinye karé't a, è ade ngonn le Jairus ke dinye tɔse ndel in tɔ

(An-in Matt 9.18-26; Marc 5.21-43 tɔ)

⁴⁰Loo ke Jésus in gide ba't nú à ree baa, doobulege reei tilei kum'n se rebe tede dooge malang ndii tchên nginei ndɔ tel'n.

⁴¹Dingem karé bè ri'n nè Jairus ree tee pan. Doo nè nga, è ngar dè kei kebe nan. E oso nang nja Jésus't ndête'n bɔk-bɔk le kade aw se'n kêm kei le'n,

⁴²tede ngonn'n ke dinye ke dagi nga tò à tile pal yo. Ngonn ke dinye nè nga aw se bal dɔg-gidé-joo ta. Jésus in ke loon't kuwe aw se Jairus, nè dooge njin nan ra Jésus't njàng-njàng ɔgii loo taa kebe.

⁴³Dinye karé ke mese tal rann't gavbak-gavbak ase lo dɔg-gidé-joo nda dann dooge't nè tɔ. E tunde nyankingege le'n malang tin sakt-sakt kɔke ra njékugege't. Nè doo karé bè ke njékuge asekum kɔr ratur nè rann't lé.

⁴⁴E ngein go Jésus't ree ɔde tà kubu ke kàdenn't lêm. Ke loon't nè kuwe mese ke tal rann't nga gang dás.

⁴⁵Jésu deje ede nè: – Ké nan ɔde ra'm nè wa? Dé malang dé naje. Pierre tam ede nè: – Ngar, doobulege ke njin nan rai't njàng-njàng nè nga ké an de lé wa?

⁴⁶Nè Jésus ede Pierre ede nè: – Kerɔte kuwe, doo karé ɔde ra'm, tede m'ger titeke tɔgmong le'm tee ram't ndêin.

⁴⁷Loo ke dinye nè an titeke nyan ke è ra se gide ngein nga gir tee bá baa, ra'n ndebe ngann-ngann ade ree uwe nja Jésus. E ɔgir nyan ke in kêm'n't á ade n'aw n'ɔde'n ra Jésus a, ke loon't nè kuwe ade ratur ɔr'n dènn't a tɔ. E ɔr gir nyan nga ade kosdooge malang ke ndai tutu ooi.

⁴⁸Jésu ede dinye nè nga ede nè: – Yaa, kundekêm lei aji bá ta. Aw se kêm lom.

⁴⁹Loo ke tà nain tà Jésu't bai baa, njèkule karé in kêm kei le Jairus, ngar dè kei kebe nan ree ede'n ede nè: – Ngonni ke dinye nga tà'n tête bá, an tá nè à kade njèndó jéi nyan or se ndáng karè.

⁵⁰Nè loo ke Jésu oo tà le njèkule nè nga bè baa, è ede Jairus ede nè: – I bel lé nè um kèmi dè'm man't kuwe karé baa, ngonni ke dinye nè à tɔse ndel kin bai.

⁵¹Loo ke Jésu aw tee béee baa, è inye loo ade doo karé ke rang aw se'n kêm kei dè ninn ngonni ke dinye't nè nga lé. Nè è inye loo ade Pierre, Jean, se Jacques, bo ngonni se kon ngonni ke dinye nè ade awi se'n kei.

⁵²Dooge malang ke ndai loon't nè nga noin jik-jik a, undei kàde de dai-dai a tɔ, tede ngonni ke dinye nè nga. Nè Jésu ede de ede nè: – Ebi't non jik-jik. Ngonni ke dinye nè nga wei lé, nè tò bi karè.

⁵³Nè dé ngonni kum de go Jésu't ngonni tede dé ger kêm de't mbak titeke ngonni ke dinye nè nga wei kerɔte.

⁵⁴Jésu uwe ji'n bar'n se ndu'n ke bòi ede nè: – Ngomande, i tɔse ndel in.

⁵⁵Ke loon't nè kuwe ndil'n tel ree rann't ade tɔse ndel in ndi dɔ. Jésu unn ndu'n ade de le kade d'ade ngomande nè nyan use.

⁵⁶Njékoje ngonni ke dinye nè nga tà ige de sèl, nè Jésu ndeje de le kade dé tam tà nyan ke tee nè nga d'ade doo karé bè géa oo lé.

Luc 9

Jésu ule njékuwe-girnge ke dɔg-gidé-joo kile mber't

(An-in Matt 10.5-15; Marc 6.7-13 tɔ)

¹Ndɔ karé bè, Jésu bar njékuwe-girnge ke dɔg-gidé-joo ɔse nja de nan't. E ade de dèmong se tɔgmong le rɔ'n ndilge ke majelé malang kêm njératurge't a, se le kɔr'n ratur ra dooge't a tɔ.

²Jésu ule de le kade d'ile mber Konbee le Nube á go karé lé. Nè è ule de le kade d'or ratur ra njératurge't a tɔ.

³Tabai Jésu ede njékuwe-girnge ke dɔg-gidé-joo nga ede nè: – Mba ke a awi nga, otoi nyange ke tite kage ke tà duge, éké mbu, éké nyankuse, éké nar ji si't lé. I tulei kubu dè nan't joo lé a tɔ.

⁴Kêm kei ke rara ke d'uwe sei mba tutu nga, è kuwe i ndii kêmé sár le kade in-in awi kété.

⁵Kêm bee ke rara ke dooge d'uwe sei ke ra de't lé nga, loo ke a undei loo teei baa, i geki bubur ke nja si't gák-gák, undei naje le si.

⁶Titeke bè á, njékuwe-gir-Jésuge awi se kêm bee-bee ilei mber Tà ke Maje a, ori ratur ra dooge't se loo malang a tɔ.

Hérode de je ra'n tà ké Jésus nga è nan wa?

(An-in Matt 14.1-12; Marc 6.14-29 to)

⁷Loo ke ngar Hérode, njèkonbee ke dè nang ke Galilée oo ser nyange ke teei nè baa, è ger nyan ke get kum ra lé. Tede dooge ke nange tami tà oji dè Jésus edi nè: – E Jean ke njèkule dooge manné njonm á unde loo tee dann njé ke koo't.

⁸Njé ke nange tami edi nè: – E Elie njèribe-dè-tà ke tà Nube't á unde loo tee hoi. Njé ke rang edi nè: – E doo karé ke dann njèribe-dè-tàge ke tà Nube't ke kété mari á unde loo tee dann njé ke koo't.

⁹Hérode tam kèmn't ede nè: – Jean géa è man kuwe á ndo ke m'ade dé tuge kobe'n dé gang bá. A baa, doo ke dé tam tà nyange ke titeke bè d'oje'n dè'n á m'oo nè nga, è nan tabai wa? Hérode sang le kan Jésus se kum'n.

Jésu ade kosdoo-bulege mur on-in

(An-in Matt 14.13-21; Marc 6.30-44; Jean 6.1-14 to)

¹⁰Loo ke njékawkulege in-in mba't teli reei bá baa, ori ser nyange malang ke rai adi Jésus oo se de. E or ra'n se de aw se de ngang loo't nata kum'n ke bee ke Bethsaida.

¹¹Loo ke kosdoo-bulege geri tà kaw de baa, ndolèi go de. Jésus uwe de ke rann't ede de tà ke oje dè Konbee le Nube a, dooge ke awi ndoo kade ratur or dè de't nga, è or ratur ra de't a to.

¹²Nain ngor kade kàde ur. Njékuwe-gir-Jésuge ke dog-gidé-joo reei rann't edi nin edi nè: – Ngar, inye dooge ade awi kêm beege ke dè nan't gèrèr nè se kêm ngann beege sangi loo tò de se nyankuse de. Tede loo ke jè ndi tutu nè nga, è dè dile-loo karè.

¹³Jésu ede de ede nè: – Sei kuwe adi de nyan d'use. Dé tel d'ede'n d'ede nè: – Ke nè á j'aw le ndogo nyankuse ke rang lé baa, wal-mur ke mi se tutu kanje ke joo bere nè nga, à ase kosdoo-bulege nè nga malang titeke bain wa?

¹⁴Kor dingemge malang nga è aru dog loo mige bè. Jésus ede njékuwe-girnge ede nè: – Uwei de dè nan't ase kor-mi, kor-mi.

¹⁵Dé ra titeke è ede'n de baa, d'ade dooge ndii nang malang se mate de-mate de.

¹⁶Jésu koto wal-mur ke mi se tutu kanjege ke joo nè, an loo ke danrán, ra Nube oiyo bita è kai ade njékuwe-girnge kade noboi doobulege nè nga bai.

¹⁷Dé malang d'on mur d'ade kêm de ndann gøj-gøj. Gute wal-mur ke nain nang nga d'oi kêm ngann janga dog-gidé-joo.

Pierre tam ndàt ede nè Jésus è Krist

(An-in Matt 16.13-19; Marc 8.27-29 to)

18 Ndo karé bè, Jésu aw ngang loo't nata ndi oje tà se Nube se kar'n. Nè njékuwe-girnge ndii kótenn't. E unn tà karé deje de ede nè: – Man nga, ké dooge tami edi nè man nan wa?

19 Dé tel d'ile'n dè't d'ede nè: – I nga dooge ke nange tami tà oji dèi edi nè: «I Jean ke ndo ke è njékule dooge manné njonm, njé ke nange giri kêm de't edi nè: i Elie, njé ke nange ke rang tami edi nè: i njèribe-dè-tà ke tà Nube't ke kété mari á unde loo tee dann njé ke koo't.»

20 Jésu tel deje de ede nè: – A baa sei, ké i tami edi nè m'ee nan wa? Pierre ile jésu dè't ede nè: – I i Krist ke Nube ule'n.

Jésu ede de tà kwei le'n se kunde loo tee le'n dann njé ke koo't

(An-in Matt 16.20-28; Marc 8.30–9.1 to)

21 Jésu on njékuwe-girnge njanm-njanm ede nè: – I tami tà nè nga adi doo karé bè oo lé.

22 Tabai è ede de ede nè: – Man ke m'ee Ngonn doo nga, gar-gar m'a m'inge nyantosowur. Ngatogege le juipge se maw njékuje nyan-mesege a, se njékøgir gute-nduge à adi d'ade ber'm kàde kage-ke-dese't. Nè ndo ke njèkon't mute baa, m'a m'unde loo tee dann njé ke koo't.

23 Go't gugu, Jésu ede dooge malang ke ndai rann't ede nè: – Ke nè á doo karé ndige kunn dè nja'm têt-têt baa, maje kade an ra'n ke nyan lé a, maje kade uwe dè nja ra'n le kwei tite man m'ra'n bè, bita unn rebe goom't se ndoge malang bai.

24 Ke nè á doo karé ndige kaje ra'n baa, à ile ra'n køke salang; nè ke nè á doo karé ile ra'n køke salang tede kunn ke è unn rebe goom't nga baa, è doo nè nga á ndi kumgajer kerøte kuwe.

25 Ke nè á doo karé inge nyan malang ke dè nang nè, nè ile ndikumgajer le'n ke get køke salang baa, ke ri á à è soon't wa?

26 Ke nè á doo karé ra rasol dèm't se dè tàge't le'm baa, man ke m'ee Ngonn doo nga, ndo ke m'a m'tel ree dann ndubra't le'm se le Bø'm se le njékêmdage ke danrán a to baa, ra'm à sol'm dènn't to.

27 Kerøte kuwe, man m'ede sei ndàt, doo ke nange dann njé ke ndai nè à weii lé sár kade an-in Konbee le Nube se kum de bita à weii bai.

Njékuwe-gir-Jésuge an-in nin dann ndubra't le Nube

(An-in Matt 17.1-8; Marc 9.2-8 to)

28 Jésu ede dooge tà kwei le'n se tà kunde loo tee le'n dann njé ke koo't. Loo ke ra ndo sòsò baa, è or Pierre se Jean se Jacques aw se de dè mbal't tede kaje tà se Nube.

29 Loo ke è nda à oje tà se Nube baa, tàkum'n tel waks. Kubuge le'n ke rann't teli ndai káng-káng a, ndoléi kein-kein a to.

30An! dingemge joo teei ndai à ɔji tà se Jésus. Dooge ke joo nè nga, è njèyo Moise se njèyo Elie.

31Moise se Elie undei loo teei dann ndubra't ndai à ɔji tà se Jésus. E tà ke ɔje dè rebe ke Jésus ayé kɔr'n son kule le'n se yo kêm bee-bò ke Jérusalem.

32Bi ase Pierre se njé ke ei se'n nák. Nè ei uwei ra de mong kêm ndɔn't nè an-in Jésus se dingemge ke joo ke ndai se'n dann ndubra't le'n nga.

33Loo ke dingemge nè à inyei Jésus le kɔti kawi baa, Pierre ede'n ede nè: – Ngar, è soo't ngain kade jè ndii nè. Ade jè rai kei kam mute, karé à è lei, karé à è le Moise, è ke karé à è le Elie tɔ. Pierre tam tà nè nga bè anje ger gir.

34Loo ke tà nain tànn't bai baa, ke loon't nè kuwe, bum ree sebe rap dè Jésus se dingemge joo ke ndai à ɔji se'n tà nga. Loo ke njékuwe-girnge an-in de dann bum't nè baa, bel unde de ndàt gang de.

35Ndu Nube bar dann bum't nè ede nè: – E nè nga è Ngonn'm ke get, è man kuwe á m'ɔr'n m'unde'n se ninn'n gai. Ooi tà tànn't.

36Loo ke Nube tam tà nè bè bá baa, Jésus kuwe se kar'n bere á nain. Njékuwe-girnge ndii tà de mundu. Kêm ndɔn't nè, d'ɔr ser nyan karé bè ke d'an se kum de nè nga d'ade doo karé bè géa oo lé.

Jésu ɔ ndil ke majelé kêm ngonnn ke dingem karé't

(An-in Matt 17.14-18; Marc 9.14-27 tɔ)

37Barè lookar'n, Jésus se njékuwe-girnge in-in dè mbal't à risi nang. Kosdoo-bulege ngain reei tilei kum'n.

38An! dingem karé bè in dann doobulege't nè nga tam tà se ndu'n ke bòi ede nè: – Njèndó dooge nyan, m'ra ndoo rai't, kɔkrɔ karé, i ree ile kumi dè ngonnm't ade'm sei. Tede è nga è ngonnn dagi le'm ke dingem.

39An! ndil ke majelé uwe ngonnn nè nga mêtch, ke loon't nè kuwe ra'n ade non berer-berer a, sure mbangang-mbangang ade pululu tee tànn't pɔt-pɔt a tɔ. Tabai ndil nè nga uwe'n gudu'n ngoin-ngoin ke mari-mari bita inye'n bai.

40M'deje njékuwe-girige tede kade ɔi ndil ke majelé nè nga kɔke, nè tɔg de ase lé.

41Jésu unn tà tam ede nè: – Sei ke njé kunn mbi dè tàgè't se njé ndɔje lɔk-lɔkge ke d'arinè nga, ké m'a ndi se si dè nang nè ndɔ kandang bai wa? Ké m'a kile kêm dè si't nja kandang bai wa? Jésus tel ede dingem nè nga ede nè: – I ree se ngonni nga ke nè.

42Loo ke bɔ ngonnn nè à ree se'n baa, ndil ke majelé unn ngonnn nè ile'n nang njanm ade sure mbangang-mbangang. Nè Jésus in se ndil ke majelé nè nga ndáng'n. E aje ngonnn nè nga tel ule'n ji bɔn't.

43Ndil doobulege malang tee an-in soin-soin dè tɔgmong ke bò le Nube nga.

Jésu tel ede de tà kwei le'n

(An-in Matt 17.22-23; Marc 9.30-32 to)

Tà ige doobulege nè sêl dè nyange malang ke Jésu ra ade teli ndii giw. E ede njékuwe-girnge ede nè:

44– Sei baa, uri mbi si maje ooi tàge ke m'a m'ede sei d'arinè. Man ke m'ee Ngonn doo nga, d'a d'ule'm ji dooge't.

45Nè njékuwe-gir-Jésuge geri tà nè nga lé. D'ade gir tà nè tò putru kum de't tede kade dé ger'n gir njai lé. Nè né è bè géa, njékuwe-gir-Jésuge beli dejii tà dè tà't nè to.

Ké nan è doo ke bò dum madenngé wa?

(An-in Matt 18.1-5; Marc 9.33-37 to)

46Tàgir karé in dann njékuwe-gir-Jésuge ade unni gir deji nan tà edi nè: – Ké nan dann jéi't è doo ke bò dum jéi malang wa?

47Nè Jésu ger tàgir le de ke dè bengre de't mbak. E unn ngonn karé ke ndêin bè unde'n kōtenn't baa, è ede de ede nè:

48– Nanan ke uwe ngonn ke tite njè ke nè ke rann't tede ri'm baa, è man kuwe á uwe'm ke rann't. Nanan ke uwe'm ke rann't baa, è njèkule'm kuwe á uwe'n ke rann't. Nanan ke tel ra'n ke ngonn ke ndêin bè dann si't malang, è nè nga ndon't à è doo ke bò dum sei malang.

Doo ke ute jèi mbeng lé baa, è le jéi kuwe

(An-in Marc 9.38-40 to)

49Jean unn tà tam ede nè: – Kuwe jé, j'an dingem karé bè rō ndilge ke majelé kōke se rii. Nè j'in se'n dè't tede è nè nga, è njèkuwe-giri tite jé jè lé.

50Nè Jésu in se'n dè't ede nè: – Ōgi nin dè't lé. Tede nanan ke ose se si tà lé baa, è njèmade kule le si.

Dooge ke kêm bee karé ke beekon ke Samarie utei Jésu mbeng

51Ndo ke d'a d'unn Jésu dè nang nè kaw se'n danrán nain ngor ta. E oje njáng le kaw kêm bee-bò ke Jérusalem.

52Jésu or ngann njékulege le'n ule de nonn't kété. Ngann njékulege le'n nga in-in osoi rebe awi teei kêm bee karé ke beekon ke Samarie tede kade uwei dè nja nyange tede'n.

53Nè dooge ke kêm bee't nè nga utei Jésu mbeng tede kaw ke ndi aw kum'n ke bee-bò ke Jérusalem.

54Loo ke njékuwe-gir-Jésuge joo, Jacques se Jean ooi tà nè nga bè baa, ei deji Jésu edi nè: – Kuwe-bee, ke nè á i ndige baa, ade j'ade ndi ile de njanm ró de rák-rák kōke.

55Nè Jésu tel tur ra'n dè de't, è in se de ndáng de dè tà tam de't.

⁵⁶Dé d'ote d'aw kêm ngonn bee karé ke rang.

Dooge ke awi ndoo kunn dè nja Jésus

(An-in Matt 8.19-22 tɔ)

⁵⁷Loo ke dé nain se rebe bai baa, doo karé ede Jésus ede nè: – Ngar, loo malang ke i a aw tutu nga, m'a m'aw sei nan't, nan't.

⁵⁸Jésu ile doo nè nga dè't se gostà ede nè: – Njange géa ingei bolè tò de a, helge ke walé géa ingei ndis tò de a tɔ. Nè man ke m'ee Ngonn doo nga, m'inge loo kule dè'm bè taa kebe lé.

⁵⁹Jésu bar doo karé ke rang kuwe bai ede'n ede nè: – Unn dè nja'm têt-têt. Nè doo nè nga tel ede Jésus ede nè: – Ngar, inye'm ade m'aw m'dubu ninn bɔ'm bita.

⁶⁰Jésu tel ile doo nè nga dè't ede nè: – Dubu ninn dooge nga, è kule ke ɔje dèi lé ta. Nè i baa, aw ile mber Konbee le Nube ade dooge ke rang.

⁶¹Doo karé ke rang ree ede Jésus ede nè: – Kuwe-bee, m'a m'unn dè njai têt-têt kuwe, nè inye'm ade m'aw m'an kum njénojege le'm m'nain'n kété pa bita.

⁶²Jésu ile doo nè nga dè't ede nè: – Doo ke rara ke uwe dè kɔse-mang à ndɔr'n á tel mer loo ke goon't gugu baa, Konbee le Nube tò ɔje dè'n lé.

Luc 10

Jésu ule njékuwe-girnge kɔr-ji sejimute-gidé-joo kile mber't

¹Go't gugu, Kuwe-bee ɔr njékuwe-girnge ke rang kɔr-ji sejimute-gidé-joo ule de joo-joo nonn't kété kêm bee-bòge se kêm beege malang ke ndi à aw ke tutu bai nga.

²E ede de ede nè: – Ko ke ide kum kuje è ngain, nè njékujenngé ii lé bai. I deji Nube ke è kuwe-ndɔr le kade ule njékuje koge loo sa ko't le'n.

³Awi, an-in! sei i tooi asinan se ngann batege ke m'ule de dann heng-ge't bè.

⁴Loo ke a awi baa, an-in tá nè a kin-in kunni nar éké mbu ji si't; i tulei gabang't nja si't lé tɔ. Ke nè á a awi baa, i ndai nang se rebe-rebe i rai dooge lapyá lé.

⁵Kêm kei ke rara ke a awi tutu nga, edi dooge ke kêm kei nè titeke bè kété edi nè: «Maje kade ndutɔr nain se si.»

⁶Ke nè á doo karé ke ndi dè njann't tchên le kinge ndutɔr ndi kêm kei nè nga baa, ndutɔr le si à nain se'n. Ke nè á è bè lé baa, ndutɔr le si à tel ree kinge sei gugu.

⁷Kêm kei ke rara ke awi tutu nga, è kuwe i ndii tutu, usei a, an-in nyan ke d'ade sei a tɔ; tede tete ndam á tɔ karè m tete kule tɔ karè lé. Awi asi loo ná-k-nák tà keige't le dooge lé.

⁸Kêm bee ke rara ke a awi tutu nga, ke nè á dooge uwei sei ke ra de't adi sei nyankuse baa, usei.

⁹Ori ratur ra njératurge ke kêm bee't nè a, edi dooge ke kêm bee't nè nga edi nè: «Konbee le Nube nain ngɔr se si ta.»

¹⁰Nè kêm bee ke rara ke a awi tutu nga, ke nè á dooge ke kêm bee't nè uwei sei ke ra de't lé baa, undei loo i teei awi ndá-loo't i tami edi nè:

¹¹«Bubur ke kêm bee't le si ke uwe nja j'é't nga, jè geke gák-gák j'um dè si't.» Nè gar-gar, è tà le kade i geri titeke Nube à on bee dè si't ngɔr ta.

¹²Kerɔte kuwe, man m'ede sei ndàt, titeke kêm ndɔn't nè nga, tà ke d'a gang dè dooge ke kêm bee't nè à tur ngain dum tà ke ndɔ ke Nube à gang dè dooge ke kêm bee-bò ke Sodome nga bai.

Jésu in se dooge ke mbati turi hal de

(An-in Matt 11.20-24 tɔ)

¹³Sei dooge ke kêm bee ke Chorazin nga a an-in bai! Sei dooge ke kêm bee ke Bethsaida nga, a an-in bai! Nyankɔbege ke ndɔ ke dé ra dann si't nè nga, ke nè á ndɔ ke kété dé ra d'ade dooge ke kêm bee ke Tyr se Sidon an-in baa, bainléa bila à tulei kubu ndoo ndii nang dann bu't tede turi hal de mari bere.

¹⁴Gir'n ke nè á, ndɔ gangtà't baa, tà ke d'a gang dè dooge ke kêm bee ke Tyr se Sidon nga à è soo't dum le si.

¹⁵Sei dooge ke kêm bee ke Capernaum, ké sei giri kêm si't edi nè bee le si nga d'a tel'n ke bee ke bò wa? M-m è bè lé, bee le si nga d'a tel'n ke bee ke njè kutu go madenngé malang.

¹⁶Jésu tel ede njékuwe-girnge ede nè: – Nanan ke ur mbi'n oo'n tà le si baa, è man kuwe á ur mbi'n oo'n tà le'm. Doo ke rara ke ute sei mbeng baa, è man kuwe á ute'm mbeng. Ke nè á doo ute'm man mbeng baa, è njèkule'm á ute'n mbeng m è man lé.

Njékuwe-gir-Jésuge ke kɔr-ji sejimute-gidé-joo teli mba't reei

¹⁷Go't gugu, njékuwe-gir-Jésuge ke kɔr-ji sejimute-gidé-joo teli se ranel reei edi nin edi nè: – Kuwe-bee, ndilge ke majelé géa, loo ke jè tam tà se rii baa, d'ule dè de d'ade jè.

¹⁸Nè Jésus tel ile de dè't ede nè: – Loo ke m'an loo gerer baa, m'an Mweisekar'm lé in danrán oso nang tite ndi ke têt bè.

¹⁹An-in! man m'ade sei tɔgmong le kade i tubei dè li jênênngé se kuju-nang-ge nang a, le kade i leri tɔgmong le njèban nang làr a tɔ. Nyan karé bè géa à ra sei majelé lé.

²⁰Nè né è bè géa, i rai ranel tede ri si ke dé ndang kêm Konbee ke danrán't, m i rai ranel tede ndilge ke majelé ke ulei dè de adi sei nga lé.

Jésu tɔje Bɔ'n njékuwe-girnge ade geri nin

(An-in Matt 11.25-27; 13.16-17 tɔ)

21Kêm kàdenn't nè nga, Ndil-Kêmnda ade ranel rusu kêm Jésu njin-njin ade tam ede nè: – Bɔ́m, i Kuwe-ḃee ke danrán se ke dè nang nè, m'tɔyi tede i ribe dè nyange nè nga ade dooge ke nyanger le de goto, nè njékumkunjuge se njényangerge ḃaa, i ḃɔyɔ se de dè kák. Oiyɔ Bɔ́m, m'tɔyi tede i kuwe ɔje nyan nè nga titeke bè se go kêmkanm lei.

22Bɔ́m tel se nyan malang um jim't. Doo karè bè ke ger'm man ke Ngonn'n goto, nè Bɔ́m karè bere á ger'm ke ngonn'n. Doo karé ke ger Bɔ́m goto, nè man Ngonn'n kuwe karé bere á m'ger'n. Doo ke man Ngonn'n kuwe m'ndige ḃita m'a m'ribe se'n dè Bɔ́m kade ger'n ke doo ke bè ḃai.

23Loo ke dooge ke rang gotoi se njékuwe-girnge ḃaa, Jésu tel tur ra'n dè de't ede de ede nè: – Doo ke kum'n an nyan ke sei an-in nè nga ḃaa, ra'n à nel'n.

24Man m'ede sei ndàt, njéribè-dè-tàge ke tà Nube't se ngar-ḃeege bule ke kété mari ndigi kan-in nyange ke sei an-in ḃarinè, nè d'an lé. Dé ndige koo tàge ke sei ooi ḃarinè, nè d'oo lé.

Sertà le dingem ke njè ra kêmkanm ke ḃee le'n è Samarie

25Njèkɔrgir gute-ndu Nube karé bè ɔse nang in dɔ, unn tà deje Jésu an-in'n kêm'n ede nè: – Njèndó dooge nyan, ké ri á m'a ra ḃarinè le kinge'n ndikumgajer ke à tò se non nga wa?

26Jésu tel deje dingem nè nga ede nè: – Ké tà ri á magtub gute-ndu Nube ke ndɔ ke Moise ndang tam wa? Ké ri á i tute kêm magtub't nè nga wa?

27Dingem nè nga ile jésu dè't ede nè: – Magtub gute-ndu Nube ke ndɔ ke Moise ndang nga tam ede nè: «Gar-gar, i tár Kuwe-ḃee Nube lei dè ḃengrei't se rai bere mbak, se tɔgi a, se tàgir lei bere mbak a tɔ. Tabai i a tár doo madige titeke i tár'n danrai i kuwe bè.»

28Jésu tel ede doo nè nga ede nè: – I tam è kum kuwe. Ke nè á i ra titeke bè ḃaa, a i ndi kumgajer sár se non.

29Nè è njèkɔrgir gute-ndu nè nga ndige le kɔr rasɔl dènn't ḃaa, è tel deje Jésu ede nè: – Ké doo mademge nga, ei nange wa?

30Jésu tel ede doo nè ede nè: – Doo karé ndi non. E in kêm ḃee-bò ke Jérusalem ndi aw ke kêm ḃee ke Jéricho. E oso ji gon-ḃogege't ke ndii umii rebe, ade tundei mbàs-mbàs, tɔri kubuge le'n ke rann't, ndɔrii ndɔlong ilei se tà'n ḃaa, ɔti ḃák awi.

31Njèkuje nyan-mese karé bè ree tee pan tɔ. Loo ke è tête kum'n an doo nè nga ḃaa, è unn tà rebe le'n unde rang.

32Go't gugu, doo karé bè ke è girkà le Lévi ree tee pan loon't nè nga tɔ. Loo ke è an doo nè nga ḃaa, è unn tà rebe unde rang gang dɔ aw.

33Nè dingem karé bè, ke ḃee le'n è Samarie, ndi aw se rebe nè nga tɔ. E age ngɔr ke ra doo't nè nga an'n. Ke loon't nè kuwe, kêm'n tɔse'n se non mbik-mbik.

³⁴E ree ra dingem't nè tise tà dòge ke rann't, ra wubu tà't a, tête mann-nduu tà't tó'n njanm-njanm. Go't gugu, è unn'n unde'n dè koro't le'n ke kinge'n, or non'n aw se'n kêm kei tò mbage't, tabai tóse kum'n dènn't maje.

³⁵Barè lookar'n, è tór nar kule ke ndo joo bere mbak ade kuwe kei-mba nè baa, è ede'n ede nè: «I tóse kumi dè dingem't nè nga ade'm sei. Nyan malang ke a i tuju'n dum dè nar ke m'adi nè nga, ndo ke m'a m'tel baa, man kuwe m'a m'ugei bai.»

³⁶Loo ke Jésus tam gostà nè nga gir gang d'ás baa, è tel deje njèkorgir gute-ndu Nube ede nè: – A baa, dann dooge ke mute nè nga, ké è ke ra an titeke è doo-made dingem ke oso ji gon-bogege't nè wa?

³⁷E ile Jésus dè't ede nè: – E è ke njè ra kêmkanm se doo nè nga. Jésus tel ede njèkorgir gute-ndu Nube nè ede nè: – Aw, i ra titeke bè tó.

Marthe se Marie uwei Jésus ke ra de't rai nin mba

³⁸Loo ke Jésus se njèkuwe-girnge à awi rebe bai baa, è aw kêm bee karé't bè. Dinye karé ke ri'n nè Marthe aw se'n kêm kei le'n ra'n mba.

³⁹Marthe aw se ngokon'n ke dinye ke girn't ri'n nè Marie. Marie ndi nang nja Kuwe-bee't ur mbi'n oo'n tà le'n.

⁴⁰Nè kêm Marthe tò kekek tede kulege gai-gai an-in dè'n king-king. E unde-loo tee pitring ree ra Jésus't ede'n ede nè: – Kuwe-bee, kinye ke Marie inye'm tà kulege't se kar'm bere nga, ké usi nyan lé wa? Ede'n ade in ree ra se'm.

⁴¹Kuwe-bee tel ile Marthe dè't ede nè: – Marthe, Marthe, i ade kèmi olé bót-bót a, i ndoje rai oje dè nyange bule a tó.

⁴²Nè kèl nyan karé ke Marie or dann madege't nga, è nyan ke maje, doo karé géa ase taa jinn't lé.

Luc 11

Jésu ndó njèkuwe-girnge rebe kóje tà se Nube

(An-in Matt 6.9-13; 7.7-11 tó)

¹Ndo karé bè, Jésus ndi oje tà se Nube kèl loo karé't bè. Loo ke oje se'n tà gir gang bá baa, njèkuwe-gir'n karé ede'n ede nè: – Kuwe-bee, i ndó jè rebe kóje tà se Nube titeke Jean ndó'n pajage le'n bè.

²Jésu ede de ede nè: – Loo ke a oji tà se Nube baa, i tami edi nè: «Bójé, Maje kade dooge malang geri titeke rii è ri ke tò se ninn'n gai; Maje kade on bee dè dooge't.

³Ade jè nyankuse ke j'aw ndoo'n se ndo jé-ndo jé.

⁴Ade kèmi tin mbit dè kaiyage't le jé, titeke jè kuwe géa j'ade kêm jé tin mbit dè dooge malang ke rai se jé majelé. Inye jè ade j'oso dann nyan su't lé.»

⁵Jésu unn tà karé ke rang ede njékuwe-girnge ede nè: – Bainléa doo karé bè dann si't aw se made'n ke è tár'n ngain, bainléa è ree ingei dann ndɔɔ bɔp deji ede nè: «Ade m'tunei wal-mur mute,

⁶tede made'm karé in mba't ree tee dèm't pan, ade m'an nyan karé bè ke le kade'n use lé.»

⁷Bainléa made'n ke tò kêm kei nga à kile'n dèt kede nè: «I ndɔje'm lé tede jè se ngann'm j'utu tàbit kei dè jét a, jè tò nang bá, m'asekum kin dɔ kadi mur ke i deje'm lé.»

⁸Ma m'ede sei, doo nè à in dɔ tede kade'n nyan dum dè è ke aw ndoo'n. Gar-gar à in dɔ le kade'n nyan ke è deje'n tede k'ee ke ei made nange lé ta, nè tede ndɔje ke è ndɔje'n ke kété-kété.

⁹Nè man m'ede sei: I kɔi nyan ke awi ndoo'n baa, d'a d'ade sei. I sangi nyan ke awi ndoo'n baa, a ingei. Undei tàbit kei baa, d'a d'ɔr kade sei a tɔ.

¹⁰Nanan ke kɔ nyan ke è aw ndoo'n baa, d'a d'ade'n; nanan ke unde tàbit kei baa, d'a teen kade'n a tɔ.

¹¹Ké bɔ ngonn ke ra dann si't á ngonn'n deje'n kanje le kuse baa, è à kunn li jênênn tá kade'n taa'n gute kanje wa?

¹²Eké bɔ ngonn ke ra dann si't á ngonn'n deje'n kaw-kunje le kuse baa, à kunn kaju-nang tá kade'n taa'n gute kaw-kunje wa?

¹³Sei ke njékêmyêrge gé bai á i geri kade nyange ke maje nganngè nè a, ké bɔ jéi ke ndi danrán à asekum kade Ndil-Kêmnda njé ke dejii lé wa?

Jésu ndó dooge rebe ke è rɔ'n ndil ke majelé

(An-in Matt 12.22-30; Marc 3.22-27 tɔ)

¹⁴Ndil ke majelé tò kêm dingem karé't. Ndɔ karé bè, Jésus rɔ ndil ke majelé ke ɔge dingem nè tam tà nga kɔke. Loo ke ndil ke majelé nè unde loo tee nata baa, dingem nè unn gir tam tà. Kosdoo-bulege ke ndai loon't nga, ndil de tee an-in soïn-soïn.

¹⁵Nè njé ke nange dann de't edi nè: – Jésus rɔ ndilge ke majelé se tɔgmong le ngar le de ke ri'n nè Béelzéboul ade'n.

¹⁶Njé ke rang ulei kêm Jésus le kade ra nyankɔbe tɔje'n de titeke tɔgmong le'n nga in ra Nube't danrán kuwe.

¹⁷Nè Jésus ger tàgirge le de mbak. E ede de ede nè: – Ke nè á dooge ke kêm beekon ke karé in-in kayai nan loo joo baa, beekon nè à tel k'ee ndube. Keige ke kêm beekon't nè nga géa à jɔréi nang bɔrɔr- bɔrɔr a tɔ.

18Ke nè á njé ke Mweisekar'm lé on de in-in kayai nan danné loo joo rɔi nan baa, ké tɔgmong le Mweisekar'm lé à tò kuwe wa? Tede sei i tami edi nè: «M'ɔ ndilge ke majelé se tɔgmong ke ngar le de Béelzébul ade'm.»

19Ke nè á m'ɔ ndilge ke majelé se tɔgmong le Béelzébul baa, ké nan ade tɔgmong pajage le si á rɔi ndilge ke majelé nga ta wa? Dé pajage le si nè kuwe d'a d'in se si dè tà tam si't nè bai.

20Nè ke nè á m'ɔ ndilge ke majelé kɔke se tɔgmong le Nube baa, Nube on bee dann si't nè bá ta.

21Ke nè á doo ke njètɔge ndi se nyankatege le'n jinn't ngonm'n dè kei le'n baa, nyankinge'n ke kê m kei à tò jêke^.

22Nè loo ke dingem made'n karé ke rang ke tɔg'n dum dè le'n tee pitring oso rɔ rann't á tête'n rɔ baa, à taa nyankatege le'n ke unde kê m'n dè't nga jinn't ndát-ndát. Nyange malang ke è taa jinn't nga à nobo dooge kɔke.

23Nanan ke nain se'm lé baa, è njèkɔse se'm tà. Nanan ke ra se'm dè kɔse nja batege nan't lé baa, è njè sanrin de kɔke.

Ndil ke majelé ɔse wan tel ree ndi kê m doo't

(An-in Matt 12.43-45 tɔ)

24Ndil ke majelé unde loo tee kê m dingem karé't aw ile gam-gam kê m dilege't sang loo kule dè'n. Nè loo ke inge loo ke le taa'n kebe lé baa, è tam kê mn't ede nè: «M'a m'tel kaw gugu kê m kei le'm ke ndɔ ke m'unde loo m'tee tutu kɔke nga.»

25Loo ke è ɔse wan tel ree baa, è an titeke kê m kei nè nga d'ɔi d'ade unju ná ng- ná ng.

26Loo ke è an kê m kei tò wei nal ndi tutu baa, è ɔse wan tel aw bar ndilge ke majelé ngain dumi è bai, ji sejimute um de dè nn't ree ndii'n kê m kei nè nga gugu. Doo nè nga, loo tɔl tà'n baa, kê m'n tel majelé ngain dum è ke kété bai.

Njé ke ooi tà le Nube umi kê m de dè't á ra de à nel de

27Loo ke Jé su ndi à tam tà nè nga bè-bè bai baa, dinye karé in tam se'n se ndu'n ke bòi dann doobulege ede nè: – Dinye ke njèkoji kule mba tàit nga, ra'n à nel'n kuwe.

28Nè Jé su ile'n dè't ede nè: – Nè dooge ke ra de à nel de ke get-get nga, è njé ke ooi tà le Nube a, an-in dè sêw-sêw a tɔ.

Jé su mbate ra nyankɔbe kade dooge an-in

(An-in Matt 12.38-42 tɔ)

29Doobulege njin nan ra Jé su't njàng-njà ng. E unn gir kede de tà ede nè: – Sei ke njé kê m majelé ge ke d'arinè nga, i deji nyan-tɔje ke in ra Nube't. Nè nyan-tɔje karé bè gé a, Nube à ra kade an-in lé. Nyan-tɔje le Jonas ke ndɔ ke an-in kété bá non kuwe ase.

30Ndo ke Jonas, njèribe-dè-tà ke tà Nube't è nyan-toje tede le dooge ke kêm bee-bò ke Ninive. Man ke m'ee Ngonn doo nga géa, m'a m'ee nyan-toje tede le si sei dooge ke ðarinè titeke bè tɔ.

31Ndo ke dinye le ngar ke ndi se ke dè jikon nga in ngei nang't nú ree oo tà kumkunju le ngar Salomon. Ndo gangtà't baa, è dinye nè nga kuwe à in le kile tà dè dooge ke ndii dè nang nè ðarinè. An-in! doo karé ke bò dum ngar Salomon nda dann si't laa.

32Dooge ke kêm bee-bò ke Ninive nga, loo ke ndo ke Jonas njèribe-dè-tà ke tà Nube't ile mber ade de baa, dé tur hal de. Ndo gangtà't baa, dé nè kuwe d'a d'in kile tà dè dooge ke ei dèkasnange ke ndii dè nang nè ðarinè. An-in! doo karé ke bò dum Jonas è dann si't laa.

Kum doo tò asenan se lampe le danra'n bè

(An-in Matt 5.15; 6.22-23 tɔ)

33Doo unde por tu lampe't baa, à tel kaw kule mbonreen loo't éké à sebe debe dè't lé tɔ. Nè è à nan do tà kagenn't le kade njé ke reei kêm kei an-in loo njai.

34Kum jéi tò asenan se lampe le danra jéi. Loo ke kum jéi an loo njai baa, danra jéi bere mbak è ke unju. Nè loo ke kum jéi majelé baa, danra jéi bere mbak ndi dann tilkus't.

35J'undei kumkunju dè ra jéi't le kade lookar ke kêm jéi't tel è tilkus lé.

36Ke nè á danra jéi bere mbak ndi dann lookar't anje kade kél'n karé ndi dann tilkus't baa, danra jéi bere mbak ndi dann lookar't bondum titeke lampe ade loo ndoin'n dè jéi't kotong bè.

Jésu in se Pharisienne dè ra ngang't le de

(An-in Matt 23.1-36; Marc 12.38-40 tɔ)

37Loo ke tà nain tà Jésus't bai baa, Pharisien karé bè bar'n kade aw se'n kêm kei le'n use se'n nyan. Jésus aw se'n kêm kei le'n use se'n nyan.

38Loo ke Pharisien nè an titeke Jésus use nyan nal togo ji'n kété baa, tà ige'n sèl.

39Nè Kuwe-bee ede doo nè nga ede nè: – Sei Pharisienne, sei i togoi gide nyankain mannge se nyankuse nyange adi unju nyang-nyang nè ngur banm dooge táa nyan le de ji de't a, se kemyêr rusu kêm si njin-njin.

40Sei njé kêm tɔ kuju tà lége, ké è Nube kuwe á ra gide nyan a, kêm nyan a tɔ lé wa?

41Ngarankêm si tá adi Nube ke nyan-noje baa, nyankain mannge se nyankuse nyange le si malang à unji.

42Sei Pharisienne, a an-in bai! Kam nyange ke ri de nè menthe se goje-ndube se kam wubu géa, ke nè á è doḡ baa ori tà karé adi Nube. Mbi targe malang géa, ke nè á è doḡ baa, unni karé adi Nube a tɔ. Nè nyanra ke se dè naje'n a, tár Nube a tɔ

nga, sei an-in de ke nyan lé. Nyanra ke se naje'n se tár Nube nga, ei nyange ke a i rai de gar-gar kété bita nyange ke rang à orèi go de bai.

⁴³Sei Pharisienne a an-in bai! Sei ndigi ndii kété non dooge't kêm kei kebe nange't a, sei ndigi kade dooge rai sei lapyá ndá-looge't a tɔ.

⁴⁴Sei nga a an-in bai! Tede i tooi asinan se dè bade ke loo ke dooge an-in lé njiyei dè't nal ger.

⁴⁵Doo karé dann njékɔrgir gute-nduge de je Jésu ede nè: – Njèndó dooge nyan, tàge ke i tam nè nga, è titeke unde jè nan't mbak i taje jè. Ké an bè lé wa?

⁴⁶Jésu ile njékɔrgir gute-ndu nè nga dè't ede nè: – Sei njékɔrgir gute-nduge nga géa, a an-in bai! Sei unni nyan-kotoge ke wɔi undei dè dooge't. Nè ngaw ji si géa ulei ɔdii nyan-kotoge nè nga lêm lé.

⁴⁷Sei nga a an-in bai! Tede sei undei kei dè bade njéribè-dè-tàge ke tà Nube't adi maje ndêi. Nè dé ke sei undei kei adi de adi maje ndêi nè nga, è bɔsige á ndɔ ke tɔli de.

⁴⁸Loo ke sei rai titeke bè nga, sei umi nan't bɔk se bɔsige dè nyan ra de't. Ei ei njétɔl njéribè-dè-tàge ke tà Nube't kété, nè sei baa, sei njé ra dè bade dege kade unju nyang-nyang.

⁴⁹Gir'n ke nè á, Nube ke njékumkunju tam'n tà kété ɔje'n dè si ede nè: «M'a m'ule se njéribè-dè-tàge se njékawkulege kade de. D'ade tɔl njé ke nange a, d'a d'ɔr njé ke nange kororoi a tɔ.»

⁵⁰Njéribè-dè-tàge ke tà Nube't malang ke d'ile mese de nang unn gir loo kunde gir nang't sár tee'n bila nga, Nube à ade kure'n à ɔde kum dooge ke ndii dè nang nè d'arinè bai.

⁵¹Unn gir dè Abel ke d'ile mese'n nang kété sár tee'n dè Zacharie ke ndɔ ke dé tɔl'n dadann d'inger loo nyankuje-mese se kêm kei ke tò se ninn'n. Oiyò, mese dooge nè malang ke an-in nang nga, man m'ede sei ndàt, Nube à ade kure'n à ɔde kum dooge ke ndii dè nang nè d'arinè bai.

⁵²Sei njékɔrgir gute-nduge, a an-in bai! tede sei ɔri lakêlé tà rebe nyanger ke ɔje dè Nube nga ji si't. Sei géa ilei nja si tu rebe't nè nga lé a, njé ke ndigi kawi se rebe nè nga géa, ɔgi de a tɔ.

⁵³Loo ke Jésu unde loo tee nata kêm kei le Pharisien nè nga baa, Pharisienne ke ei njékɔrgir gute-nduge se gute de ke rang nga, wong ra de dè Jésu't ngain ade osoi rann't dejii tàge bule adi tà téè tànn't pɔt-pɔt.

⁵⁴D'um'n titeke bè tede le kile'n tà dènn't se go tàge ke à tee tànn't nga.

Luc 12

Jésu ndeje njékuwe-girnge le kade ei njékede gos tite Pharisienne lé

(An-in Matt 10.26-27 to)

¹Kêm ndɔn't nè nga, doobulege kebi nan ra Jésu't se mate de-mate de asi aru dɔg loo bule. Dé njin nan rann't njàng-njàng ade nain ngɔr kade dé tube nan nang mbajer-mbajer. Jésu unn gir kede njékuwe-girnge kuwe tà kété ede nè: – Kêm si dè ra si't le kade sei njékede gos tite Pharisienne bèle.

²Nyan karé bè ke tò loo bɔyɔn't ɔarinè ke ndɔ ke rang d'a nal tee se gir'n nata goto. Nyan karé bè ke tò loo ngeinn't ɔarinè ke ndɔ ke rang d'a nal kuje gir'n ke nata ndát-ndát goto.

³Gir'n ke nè á, nyange ke a i tami tà'n dann ndɔɔ nga, dooge à ooi tà'n dann kada ndái-ndái bai. Nyange malang ke a i kɔti tà'n mbi nan't kêm kei karang nga, dooge à ilei mber ndá-looge't beng-beng bai.

Njé ke geri tɔgmong le Nube asikum beli dooge lé

(An-in Matt 10.28-31 to)

⁴Jésu ede de ede nè: – Sei ke sei mademge kerɔte nga, m'ede sei ndát: Dooge ke asikum tɔli danra si nè go't gugu asikum rai se si nyan ke rang lé nga, i beli de lé.

⁵M'a m'ede sei è ke kade i belii gar-gar. I beli Nube ke aw se tɔgmong le kɔr kebe le si a, le gangtà dè si't a, kile sei dann por't a tɔ.

⁶Ké d'ige tuinge mi kum sisi joo lé wa? Nè né è bè géa, kêm Nube wei nal dè è ke karé bè dann de't lé.

⁷Tabai, kɔr yinge dè si géa Nube tute ger mbak. Ebi't bel tede sei nga gate si è ngain dum tuinge ke bulei dik-dik.

Ndil-Kêmnda ra se njé le Jésu ade tami tà le'n ndát

(An-in Matt 10.32-33; 12.32; 10.19-20 to)

⁸Man m'ede sei ndát, nanan ke tam ndát tàkum dooge't ede nè n'ee le'm baa, man ke m'ee Ngonn doo nga géa, m'a m'tam ndát tàkum dooge ke danrán le Nube titeke doo nè nga è le'm man kuwe tɔ.

⁹Nè nanan ke naje se ra'n tàkum dooge't ede nè n'ger'm lé baa, man Ngonn doo nga, m'a m'tam ndát tàkum dooge ke danrán't le Nube titeke man géa, m'ger'n lé tɔ.

¹⁰Nanan ke tam tà le'm man Ngonn doo nga majelé baa, Nube à ade kêm'n tin mbit dènn't bai. Nè nanan ke taje Ndil-Kêmnda baa, Nube à ade kêm'n à tin mbit dènn't ndan lé.

¹¹Loo ke d'ade kali sei kaw se si gangtà dè si't kêm kei kebe nange't éké non ngar beege't, éké non njékonbeege't géa, adi kêm si tò kekek dè gos ke a ɔri tà le taai dè si, éké dè tà ke kum tam't nga lé a tɔ.

¹²Awi baa Ndil-Kêmnda kuwe à ndó sei tà ke kade i tami kêm ndɔn't nè gar-gar.

Jésu ɔr sertà le baw ke kêm'n tɔ kuju tà lé

13Doo karé bè dann doobulege't ede Jésus ede nè: – Njèndó dooge nyan, unn ndui ade ngokon'm ke tɔg le kade kai nyan-ndube ke le'm ade'm pa bita.

14Nè Jésus deje doo nè ede nè: – Hai dingem, ké nan unde'm ke njègangtà le si éké ke njè kai sei nyan danné wa?

15Tabai Jésus ede doobulege ede nè: – Kêm si dè ra si't nè a kadi ngur kebe nyanbawge ke rara dè nang nè ra sei pênn-pênn. Tede ndikumgajer le doo nga, tò ɔje dè nyanbawge le'n ke tò ndaj-ndaj nga lé.

16Go't gugu Jésus tel unn gostà karé ede de ede nè: – Dingem karé bè è baw. E aw se loo ndɔrge ke inge'n ko ngain.

17Dingem nè nga girtà kêm'n't ede nè: «Ké m'a ra bain wa? Tede loo ke kade m'ɔse nja ko le'm tutu goto.»

18E tam kêm'n't ede nè: «An! m'ger nyan ke kum ra ta. Dariné m'a m'janrin damge ke kété kɔke; m'a m'tel kojo ège ke bòi-bòì, m'a m'ɔse nja ko le'm se nyan-kingege le'm ke rang malang tutu.

19Go't gugu, m'a tel kede ra'm kede nè: An! nyankingege tooi ndaj-ndaj asikum rai sei bal bule. I tel i ndi jêke^ i taa kebe, use a, an-in a, i ndii'n dann ranel't a tɔ.»

20Nè Nube ede dingem nè nga ede nè: «I njè kêm tɔ kaju tà lé. Ndɔɔ nè kuwe a wei. A baa, nyan malang ke i uwe dè nja nga, ké à k'ee le nan ta wa?»

21Jésu tel ede de bai ede nè: – Doo ke kebe nyankingege ke dè nang nè ɔje'n dè ra'n è kuwe nal kade è baw tàkum Nube't nga, le'n à è titeke bè tɔ.

Nube ade njékuwe-gir-Jésuge nyange ke awi ndoo'n

(An-in Matt 6.25-34 tɔ)

22Go't gugu Jésus ede njékuwe-girnge ede nè: – Gir'n ke nè á man m'ede sei ndàt: adi kêm si tò kekek dè ra si't ɔje dè nyan ke a usei éké kubu ke a ulei ra si't nga lé.

23Tede ndikumgajer le si nga dum nyan kuse a, danra si nga dum kubu ke kule ra si't tɔ.

24Undei kum si an-in haberage: dé dubu ko lé a, d'uje ko lé a, loo ngonm nyan le de éké dam le de goto a tɔ. Nè Nube kuwe á ul de. Sei nga, gate si è ngain dum helge ke Nube ul de.

25Ké nan dann si't asekum kile ndɔ karé dè bal ndikumgajer't le'n se go kêm tò kekek le'n wa?

26Ke nè á sei asikum ra nyan ke ndêin bè titeke nè nga lé baa, ké bain á adi kêm si tò kekek dè gute nyange ke rang't wa?

27Undei kum si an-in putu ndujege. Dé ra kule d'ɔr yàl-yàl lé a, d'ojo kubu lé a tɔ. Nè man m'ede sei ndàt, kubu ngarge le Salomon maji ngain kuwe. Nè né è bè géa è ke karé bè ke maje tite putu ndujege nè nga goto.

28Sei ke kundekêm le si tin lé: mu ke walé ke barè d'a d'ile'n poro kade por ró'n rák-rák bai géa Nube ade in mande bila, nè à ké sei tá ase kade sei kubu ulei ra si't lé wa?

29Nè sei baa, nyan ke a usei éké nyan ke a an-in nga, adi kêm si tò kekek dè sang de't se ndoge malang lé.

30Nyange nè malang nga, è dooge ke dè nang nè ke geri Nube lé á ei njé sang de se ndoge-ndoge. Nè sei baa, Bɔ jéi ger mbak titeke j'awi ndoo nyange nè nga.

31I sangi Konbee le Nube kété bita Nube à ade sei gute nyange ke rang malang ke awi ndoo'n.

Uwei dè nja nyanbawge ke ra Nube't

(An-in Matt 6.19-21 tɔ)

32– Sei ke i tooi asinan se nyankulge le'm ke tchɔp bè nga, ebi't bel; tede Bɔ jéi ade sei Konbee le'n.

33Igi nyankingege le si, inyei nar'n uwei noje se njéndooge. Uri mbu narge ke à ndis lé. I kebi nyanbawge ke à tò sár se non danrán. E loo ke njébog-ge à teei tutu lé a, gide à unde nyan tutu tuju'n lé a tɔ.

34Tede loo ke nyanbaw lei tò tutu nga, è loo'n nè kuwe á bengrei è dè't tɔ.

Gar-gar njékuwe-gir-Jésuge à rai kule nginei ndo tel le'n

35– I ndii se kubu ra kule ra si't. Umi mine bedé si't a, adi lampe le si ndogó kotong a tɔ.

36I rai tite dooge ke nginei kuwe de ke à in loo dann bee't le ree. Loo ke è à ree kunde tà kei baa, ke loon't nè kuwe d'a teen tà kei kade'n.

37Ngann njéndige nè nga, loo ke kuwe de tel à ree á inge de dè bi't lé baa, ra de à nel de. Kerɔte kuwe, man m'ede sei ndàt, kuwe de à ule kubu ra kule rann't, à uwe bedé'n se ndar le bar de kade de nyankuse kade d'use a tɔ.

38Ke nè á kuwe de ree dann ndɔ bɔp éké se non kunje ke desêin á inge de dè bi't lé baa, ra de à nel de.

39Ooi tà nè maje: ke nè á kuwe-kei ger kàde ke njébog à ree'n kété baa, gar-gar à inye'n kade mbute kum bolè bogé'n nyange ke kêm kei le'n lé.

40Sei géa, i ndii dè nja si't kekek tede man ke m'ee Ngonn doo nga, m'a m'tel ree dè kàde ke sei giri titeke m'a m'tel reenn't lé.

Gar-gar njékuwe-gir-Jésuge à rai kule le'n se ngonn koje

(An-in Matt 24.45-51 tɔ)

41Pierre deje Jésus ede nè: – Kuwe-bee, gostà nè nga, i tam ɔje'n dè jé jè kuwe éké ɔje'n dè dooge malang wa?

⁴²Kuwe-ḃee tel de je Pierre ede nè: – Bè ḃaa, ké nan è ngonn njèndi ke gang tchat ke maje kule wa? E è ke kuwe'n à ɔr'n kunde'n ke njèkan dè ngann njèndi madenng'e't, kade nobo de nyankuse ke ɔje dè de-dè de se kàde'n a, se ndɔ karé-karé malang a ɔ.

⁴³Ngonn njèndi nè ke ra kule ke kuwe'n um jinn't se ngang'n lêrlêr ade ree inge'n dè't nga, ra'n à nel'n kuwe.

⁴⁴Kerɔte kuwe, man m'ede sei ndàt, ngonn njèndi ke ra titeke bè nga, kuwe'n à ɔr'n kunde'n ke njèkan dè nyange le'n malang.

⁴⁵Ke nè á ngonn njèndi nè nga tam kêmn't ede nè: «Kuwe'm à tel ree kalang lé bai.» Nè loo ke è unn gir kuse nyan se kain yibe ade al dè'n, è ur dè gute ngann njèndi madenng'e't ke dingem se njé ke dinye tunde de, yal de karé-karé.

⁴⁶Kuwe'n à tel tee dènn't pan ndɔ karé se kàde ke è ger lé. Kuwe'n à ide'n nduju reend-reend a, à ra se'n nyan ke d'ade ra se njékaltàge tà Nube't nga a ɔ.

⁴⁷Ke nè á ngonn njèndi ger nyan ke kuwe'n ndige kade ra, nè è uwe dè nja nyan karé lé ḃaa, d'a d'unde'n gang ra'n dáp-dáp.

⁴⁸Nè ngonn njèndi ke ger nyan ke kuwe'n ndige lé nga, ke nè á ra nyan ke kum kade d'unde'n ngain géa, d'a d'unde'n ase loon't bè. Nanan ke d'ade'n nyan ngain ḃaa, d'a tel de je'n go ngain ɔ. Nanan ke d'um nyan jinn't ngain ḃaa, d'a de je'n go ngain ɔ.

Ree le Jésus ade tà tin nan oso dann dooge't

(An-in Matt 10.34-36 ɔ)

⁴⁹Jésu ede de ede nè: – Man m'ree se por m'ile dè nang nè. Ke nè á por ke m'ree'n m'ile nga taa loo't ḃaa, ké nyan ke m'aw ndoo'n è ri bai wa?

⁵⁰Gar-gar nyankêmkon à pujur dè'm tite doo ke d'ule'n manné njonm bè. Nyan nè nga à nder dè'm't sár kade aw'n loon't deɣ.

⁵¹Ké sei i giri kê m si't edi nè: ree'm ke m'ree dè nang nè nga, m'ree le kade dooge ndii se kêmlom wa? M-m è bè lé. Man m'ree se tà tin nan m'ile dann dooge ke dè nang nè.

⁵²Unn gir ḃarinè, loo ke dooge mi ndii nan't kê m kei karé ḃaa, njé ke mutege dann de't d'ade tin se njé ke jooge a, njé ke jooge d'ade tin se njé ke mutege a ɔ.

⁵³Bɔ ngonn à tin se ngonn'n ke dingem, ngonn ke dingem à tin se bɔ'n, kon ngonn à tin se ngonn'n ke dinye, ngonn ke dinye à tin se kon'n. Kon dingem à tin se wum'n ke dinye, dinye à tin se kon ngaw'n.

Jésu nde je dooge kade geri kurloo ra nyan

(An-in Matt 16.2-3 ɔ)

⁵⁴Tabai Jésu ede kosdoo-bulege ede nè: – Loo ke an-in ndi in ngiring-ngiring loo kur't le kàde baa, ke loon't nè kuwe sei tami edi nè: «Nain ngɔr baa ndi à ree» baa, ndi ree kuwe tɔ.

⁵⁵Dɔ-dɔ loo ke sei an-in nel ule ɔje dè jikon baa, sei tami edi nè: «Loo à unn gir tunge ngain» baa, loo tunge'n kuwe tɔ.

⁵⁶Sei njékede gosge, sei geri loo ter nyan ke nange ke dè nang nè se ke danrán a tɔ. Nè ké bain á sei mbati teri nyange ke teei d'arinè nga wa?

Kum nan't se njè kaw sei se tà è nyan ke soo't ngain

⁵⁷Ké bain á sei kuwe in-in se kêm si ɔji nyan ke kum ra lé bai wa?

⁵⁸Loo ke i se njè kaw sei se tà awi ke non njègangtà't baa, loo ke i nain-in rebe bai kuwe ute rai kalang le kum se'n nan't. Ke nè á i ra titeke bè lé baa, bainléa à oso sei non njègangtà't kade d'uwei d'ilei dangai't njing.

⁵⁹Man m'ede sei ndát, a i tee dangai't lé sár kade uge kure nè nga ndát-ndát kade sisi karé géa à nain dèi't lé.

Luc 13

Jésu ndó dooge kade turi hal de ke nè á ndigi tuji lé

¹Kêm ndɔ ke dooge d'ade ra nyankuje-mese nga, njèkonbee Pilate ade dé tɔl dooge ke Galilée d'ade mese de potinan se le nyankulge ke dé tɔl de. Dooge ke nange reei ra Jésu't edii tà nè.

²Jésu tel deje de ede nè: – Dooge ke beekon ke Galilée ke dé tɔl de nga, sei giri titeke ei njé ra majelé dum made dege ke rang malang wa?

³M-m, è bè lé. Nè sei géa, ke nè á sei turi hal si lé baa, a tuji malang titeke dooge ke Galilée tujii bè tɔ.

⁴Eké dooge ke dɔg-gidé-sɔsɔ ke kêm bee ke Siloé ke kei ke ngal lêng-lêng tête unde de tɔl de nga, ké sei giri titeke ei nè á tà uwe dè de dum gute dooge ke rang malang ke ndii kêm bee-bò ke Jérusalem wa?

⁵M-m, è bè lé. Nè sei géa, ke nè á sei turi hal si lé baa, a i tuji malang titeke bè tɔ.

Jésu unn gostà ke ɔje dè kage koté ndó'n dooge nyan

⁶Tabai Jésu ede de ede nè: – Dingem karé bè man kage koté kêm ndɔr nduu't le'n. Ndɔ karé bè è aw le kuje kann'n baa inge lé.

⁷E ede njè ngonm ndɔr nduu nè nga ede nè: «An! ase bal mute d'arinè ke m'ree tede le kuje kann koté nè. Nè kann'n karé bè géa m'inge lé. I tuge'n i gang'n kɔke. Man m'an nyan karé ke kade nda baa'n loo bai-bai lé.»

⁸Njè ngonm ndɔr nduu nè nga ede kuwe'n ede nè: «Kuwe'm, inye'n ade nda ase bal karé kade m'um yede nyange tutu m'ade j'an bita.

⁹Bainléa kal ke rang à ann bai. Loo ke nè á n'ann lé njing baa, inye'm ade m'tugé m'gangé bai.»

Jésu ndó dooge nyan ke kum ra se ndo taa kebe

¹⁰Ndo karé bè, Jésus ndó dooge nyan kêm kei kebe nan't. Ndo nè nga è ndo taa kebe.

¹¹An! dinye karé bè ke ndil ke majelé tel'n ke njèdɔgemete ase bal dɔg-gidé-sɔsɔ ndi se de kêm kei kebe nan't nè nga tɔ. Ndil ke majelé nè nga uwe'n duge'n ngong ade aseku kute tà'n dɔ lé.

¹²Loo ke Jésus tête kum'n an'n baa, è bar'n ede'n ede nè: – Dinye, m'ɔr ratur lei dèi't bá ta.

¹³Jésu ile jì'n dè dinye't nè nga baa, ke loon't nè kuwe è ute tà'n dɔ a, è unn gir kule ndubra dè Nube't se ndo karé-karé malang a tɔ.

¹⁴Nè wong ra ngar dè kei kebe nan tede kaje ke Jésus aje dinye nè se ndo taa kebe. Ngar dè kei kebe nan nè nga ede dooge malang ke ndii tutu ede nè: – Gar-gar j'á ra kule ase ndo mute-mute. I reei kêm ndoge't nè nga adi d'ɔr ratur ra si't m i nginei ndo taa kebe tá lé.

¹⁵Kuwe-bee tel ile de dè't ede nè: – Sei njékede gosge, ndo taa kebe nga ké nan dann si't tutu mang éké koro le'n dè bel't aw se'n ade an-in mann lé wa?

¹⁶An! dinye nè nga è ngonnkà Abraham. Nè njèban ade ratur tɔ'n nang njanm-njanm ase bal dɔg-gidé-sɔsɔ d'arinè. Gar-gar man tutu'n kinye'n dɔ. Ké tede k'ee ke è ndo taa kebe á kade m'aje'n lé wa?

¹⁷Loo ke Jésus tam tà nè nga baa, njébange le'n malang ndii dann rasɔ't. Nè gute kosdooge malang nga ra de nel de ngain dè nyankɔbege ke Jésus ra ade d'an.

Jésu unn gostà ke ɔje dè kum kage ke ri'n nè Mutarde

(An-in Matt 13.31-32; Marc 4.30-32 tɔ)

¹⁸Jésu unn gostà ke rang ede nè: – Ké Konbee le Nube nga tò tanan bain wa? Ké nyan ri á m'a kunn tɔje'n sei kade i geri maje wa?

¹⁹An! Konbee le Nube nga tò asenan se kum kage karé ke kide nyeem-nyeem ke ri'n nè Mutarde ke doo dubu kêm ndɔr't. Loo ke è ube bá baa, tɔge yir-yir. Balkumnge tɔ pel-pel ade helge ke walé rai ndisge le de dè't.

Jésu ndó dooge rebe ke Nube on'n bee dè de't

(An-in Matt 13.33 tɔ)

²⁰Tabai Jésus tel tam ede nè: – Ké nyan ri á m'a kunn tɔje'n sei kade i geri maje wa?

²¹Konbee le Nube nga tò asenan se pululu ke dinye din tènngur'n nduju ke ɔr kêm ngó mute. Titeke bè á mbɔr baa, nduju nè nga in ti ngiring-ngiring.

Njé ra majelége asikum kilei nja de kêm Konbee't le Nube lé

(An-in Matt 7.13-14, 21-23 to)

- ²²Jésu aw ndó dooge nyan se kêm bee-bòge se ngann beege tuge'n gang'n ke Jérusalem bè aw'n.
- ²³Doo karé bè deje'n ede nè: – Ngar, dooge ke ndai nè nga, njé ke d'inge kaje dé ngain lé. Ké è kum kerote kuwe wa?
- ²⁴Jésu tel ile'n dè't ede nè: – I sangi loo le kaw se tàbit kei ke njon tede man m'ede sei ndàt, dooge ngain dann si't à sangi rebe le kaw kêm Konbee't le Nube. Nè asikum kilei nja de tutu ndan lé.
- ²⁵Loo ke kuwe-kei à òse nang le kin do kutu tà rebe baa, ei ke nain-in nata à kunni gir kunde tà rebe kedi nè: « Kuwe-bee, tàì tò nják, or tà rebe ade jè.» E à tel kile sei dè't kede nè: «Man m'ger sei lé.»
- ²⁶Kêm ndon'n nè nga, sei a kunni gir tami kedi nè: «Jè nga ndo ke j'use sei a, j'an-in sei nan't a, i ndó dooge nyan ndá-looge't le jé a to.»
- ²⁷Kuwe-kei nè nga à tel kile sei dè't kede nè: «Man m'ger sei lé, òti tà m't kòke sei malang ke njé ra nyan pás-pàsge.»
- ²⁸Sei a noin jik-jik a, a usei tà si kakl-kakl a to. Wong à ra sei ngain loo ke sei a kan-in kà si Abraham, se Isaac, se Jacob se njéribè-dè-tàge ke tà Nube't malang kêm Konbee't le'n. Nè sei baa, d'a koge sei loo kile nja si tutu.
- ²⁹Dooge in-in se loo-loo dè nang nè, loo tee't le kàde se loo kur't le kàde, dèji gel se dèji kon a to. D'a ndi tà nyankuse't kêm Konbee't le Nube.
- ³⁰An-in maje, njé ke gugu à teli k'ei ngawtà made dege a, njé ke ei ngawtà made dege à teli k'ei njé kutu go made dege a to.

Jésu tam tà le Jérusalem ke à tuju

(An-in Matt 23.37-39 to)

- ³¹Kêm ndon't nè nga Pharisienne ke nange reei edi Jésu edi nè: – Unde loo kêm beekon ke Galilée i tee kòke aw rang tede ngar Hérode Antipas ndige le kade dé teli.
- ³²Jésu tel ile de dè't ede nè: – Awi edi njan nè nga: «Jésu ro ndilge ke majelé a, or ratur ra dooge't bila a, barè a to. Ndo ke njèkon't mute baa, à tol gang kule le'n ta.»
- ³³Gar-gar m'a m'aw kum'm ke kété bila a, barè a se ndo ke rang a to. Tede njéribè-dè-tà ke tà Nube't aseku kwei loo ke rang't lé, nè Jérusalem kuwe karé bere.
- ³⁴Sei dooge ke i ndii kêm bee-bò ke Jérusalem, sei njé tile njéribè-dè-tàge ke Nube ule de ra si't se kuberi her tol de. Do-do m'ndige le kòse nja si nan't titeke kon kunje kebe'n ngannenge gir bagenn't bè. Nè sei ndigi kinyei man kade m'ra titeke bè lé.

³⁵An-in! darinè Nube asekum kain ngang si lé ta. Loo naje'n goto: sei a kan-in man gugu ndan lé sár kade a tami kedi nè: «Maje kade ndutør nain se è ke Kuwe-bee Nube ule'n nga.»

Luc 14

Jésu aje njèratur se ndo taa kebe

¹Doo karé dann një ke bõge't le Pharisienne bar Jésu kade aw kei le'n use se'n nyan se ndo taa kebe karé bè. Njékørgir gute-nduge se Pharisienne ke ndii loon't nè nga, unde kum de lêrlêr an-in Jésu.

²Dingem karé bè ke ratur ile mann kêmn't ndi nang kété non Jésu't.

³Jésu unn tà karé deje njékørgir gute-nduge se Pharisienne ede nè: – Gute-ndu le jéi nga inye loo ade jéi éké øge jéi kaje doo se ndo taa kebe wa?

⁴Nè dé ndi d'an kum nan-nan anje kile'n dèt. Loo ke Jésu an bè baa, uwe ji njèratur nè nga aje'n tabai tel ede'n ede nè: – In aw loo lei.

⁵Go't gugu Jésu tel deje de ede nè: – Ké nan dann si't ke nè á ngonn'n éké mang le'n oso bolé né è ndo taa kebe géa, ké à unn'n nata lé wa?

⁶Tà ke è deje de nga d'asekum kile'n dèt lé.

Tà ke øje dè ndi non dooge't kété

⁷Loo ke Jésu an titeke dooge ke Pharisien nè bar de loo nyankuse't nga nanri nan loo tede ndi non made dege't kété baa, è unn gostà karé ede de ede nè:

⁸– Loo ke doo karé bari loo dann-bee't baa, maje kade i nanr loo tede kaw ndi kété non dooge't lé.

⁹Bainléa doo karé ke dum dèi ndi dann dooge't nè le kade è ke bar sei ree edi ede nè: «Inye loo ke nè ade doo ke nè.» Ke loon't nè kuwe à øse nang kin se rasøl kaw ndi go de't gugu.

¹⁰Nè loo ke dé bari loo nyankuse't baa, maje kade aw i ndi gugu go dooge't. Loo ke è ke një bari loo nyankuse't à ree kaw kê m kei baa, à edi kede nè: «Basa made'm, i ree ke kété nè.» Titeke bè á, dèi à in tchakm tàkum madige't ke ndii sei tà nyankuse't nè nga.

¹¹Nanan ke unde dè'n do baa, d'a d'ade dè'n à è nang bai, nè nanan ke ule dè'n baa, d'a d'unn'n kunde'n d'áng do bai.

¹²Go't gugu Jésu ede doo ke një bar'n se nyankuse nè nga ede'n nè: – Ndo ke rang loo ke ade d'ade ra mur tête tà bee ke kada éké ndoo baa, maje kade i bar madige, se ngakoinge, se njénojege lei, se njémade-tà-keige lei ke njényan kingege lé. Tede dé nè nga bainléa d'asekum tel bari se nyankuse gute made't. Loo ke dé ra sei titeke bè baa, bainléa è nar kunde njai kuwe á i inge nè bá ta.

13Nè loo ke ade d'ade ra mur tête tà bee baa, maje kade i bar njéndooge a, njékumtoge se njédogemetege se njé ke kêl ra de wei tonrin a tɔ.

14Ke nè á i ra titeke bè baa, rai à neli tede dé nè nga d'asekum le tel bari se nyankuse gute made't lé. Nè Nube kuwe à uge dè jii ndɔ ke njé ra majege à undei loo teei dann njé ke koo't.

Sertà ke ɔje dè dooge ke mbati reei loo mur tête tà bee't le ngar

(An-in Matt 22.1-10 tɔ)

15Loo ke doo karé dann njé ke ndii tà nyankuse't nè nga oo tàge nè nga bè baa, ede Jésus ede nè: – Doo ke ndi tà nyankuse't kê m Konbee't le Nube nga, ra'n à nel'n kuwe.

16Jésu tel ede doo nè ede nè: – Ndɔ karé bè doo karé ade dé ra mur tête tà bee ke bò bar'n dooge ngain.

17Loo ke kàde nyankuse nain ngɔr baa, doo nè nga ule ngonn njèndi le'n ede nè: «Aw ede dooge ke m'bar de nga ade reei ta tede m'uwe dè nja nyange malang bá ta.»

18Nè dooge nè nga nanan géa dann de't unn gir ra gos. Njè ke desêin tam ede nè: «Aw ede kuwei ade ade kê m'n sɔl lom dèm't tede m'ndogo loo ndɔr, m'a m'aw le kan.»

19E ke njèkon't joo tam ede nè: «Aw ede kuwei ade kê m'n sɔl lom dèm't tede m'ndogo mangege dɔg, m'a m'aw le nan de kan.»

20E ke njèkon't mute tam ede nè: «Aw ede kuwei ede nè: m'asekum kaw lé tede jè se dinye le'm jè taa nan kige bai.»

21Ngonn njèndi nè nga tel ree ra kuwen't ɔr go tàge nè malang ade'n. Loo ke kuwe'n oo tàge nè nga bè baa, kê m'n aw biriri-biriri ade ede ngonn njèndi le'n nè nga ede nè: «I tel aw law-law ndá-looge't i ree se njéndooge se njé ke kêl ra de wei tonrin a, njédogemetege a, njékumtoge a tɔ.»

22Go't gugu loo ke è tel ree baa, ede kuwe'n ede nè: «Nyange ke i ede'm nga, m'ra bá nè gute loo nain karè bai.»

23Kuwe ngonn njèndi nè nga tel ede'n ede nè: «Unde loo i tee aw kê m ngann beege't a, se ngang galige a tɔ. Dooge malang ke inge de nga, i kate de kàt-kàt ade dé ree dé rusu kê m kei le'm neŷ.

24Ma m'ede sei ndàt: Dooge ke m'bar de desêin nga, doo karé bè géa à ɔde nyankuse nè tànn't lêm lé.»

Nyan ke kum ra le tel k'ee'n njèkuwe-gir-Jésu

(An-in Matt 10.37-38 tɔ)

25Loo ke Jésus in le kaw baa, kosdoo-bulege awi se'n. E tel mer de baa ede de ede nè:

26– Doo ke inye go bɔ́n se kon'n, dinye le'n se ngann'n, ngakonngɛ se kon nannenge lé baa, è asekum k'ee njèkuwe-gir'm lé.

27Ke nè á njèkuwe-gir'm uwe dè nja ra'n le kwei kàde kage-ke-dese't titeke man m'ra'n bè lé baa, è asekum kunn dè nja'm têt-têt lé.

28Loo ke doo karé dann si't ndige le ra kei ke bòi baa, à kuwe dè nja ra'n kété le kan ké nar ke tò jinn't nga asekum ra'n kei nè nga tɔl mbas kuwe wa?

29Ke nè á è ra titeke bè lé baa, gir kei ke è unde nga asekum ra tɔl mbas lé. Loo ke è ra tɔl mbas lé baa, dooge malang ke an-in gir kei nè nga à ogoi dènn't kedi nè:

30«An-in! doo nè nga unde gir kei ke bòi nè loo ra'n tɔl mbas dum'n bang.»

31Eké loo ke ngar karé ndige le kaw rɔ se ngar made'n ke rang baa, è à kuwe dè nja ra'n kété le kan maje ké njérɔge le'n ke aru dɔg loo dɔg nè nga ase kade aw oso'n rɔ ra njèban't le'n ke uwe dè nja ra'n kété se njérɔge le'n aru dɔg loo kɔr-joo nga kuwe wa?

32Ke nè á tɔg'n ase lé baa, loo ke njèban le'n nain heb bai kuwe baa, è à ɔr dooge kule de ra njèban't le'n nè nga le kade dejii edi nè: «Ede'm nyange ke le ra kade tà goto'n dann jè sei't.»

33Jésu tɔl ngang tà nè nga ede nè: – Sei géa è titeke bè tɔ. Ke nè á doo karé dann si't inye go nyankingege le'n lé baa, è asekum k'ee njèkunn dè nja'm têt-têt lé.

Sei sei kate le dooge ke dè nang nè

(An-in Matt 5.13; Marc 9.50 tɔ)

34Sei geri mbak titeke kate è nyan ke maje. Nè ke nè á kate tel bɔlɔs baa, ké ri á j'à ra'n kade tel don gugu wa?

35Nyan karé ke rang ke le ra'n goto, nè à tel k'ee nyan le birbite. Nanan ke asekum koo tà nè nga baa, maje kade ur mbi'n maje oo'n tà ke m'ede sei nè nga.

Luc 15

Gostà ke oje dè bate ke ndem

(An-in Matt 18.12-14 tɔ)

1Ndɔ karé bè, njétaa tirge se njé ke d'an de ke dooge ke majelé reei ra Jésus't le koo tàge ke à ndó de.

2Pharisienge se njékɔrgir gute-nduge murin tà kêm de't edi nè: – An-in! doo nè nga uwe njékaiyage ke rann't a, use se de nyan nan't a tɔ.

3Jésu unn gostà karé ke rang ede nè:

4– Loo ke doo karé bè dann si't aw se batege aru. Ke nè á ke karé ndem dann madege't baa, ké à inye njé ke kɔr-jisɔ-jimi-gidé-jisɔ-jimi nè nga le kaw sang'n sár kinge'n lé wa?

⁵Loo ke è inge'n bá baa, è à unn'n se ranel le sebe'n bagenn't.

⁶Loo ke è ree se'n béee bá baa, è bar madenngé se njémade-tà-keige le'n ɔse nja de nan't ede nè: «Ade jè rai ranel tede bate le'm ke ndɔ ke ndem nga, m'inge'n bá ta.»

⁷Titeke bè á man m'ede sei ndàt, Nube se dooge le'n ke danrán ali ra de ngain tede tà le njèkaiya karé ke inye go kaiya le'n tel tur hal'n. Kalra le de dum dè kalra ke d'a d'inye ɔje dè njè ke kɔr-jisɔ-jimi-gidé-jisɔ-jimi ke an-in ra de ke njéra nyan danné sêwge.

Sile ke oso kɔke ke dinye tel inge

⁸Eké loo ke dinye karé aw se nar kule ke ndɔ dɔg jinn't. Ke nè á nar karé tee dann madege't oso nang kê m kei le'n. Ké dinye nè nga à unde por tu lampe't kɔii'n loo tede le sang'n nar nè nga jêke^ -jêke^ sár kade tel inge gugu lé wa?

⁹Loo ke è inge nar ke oso kɔke nè bá baa, è bar dinye madenngé se njémade-tà-keige le'n ɔse nja de nan't ede nè: «Ade jè rai ranel tede nar le'm karé ke tee dann madege't oso kɔke nga, m'inge'n bá ta.»

¹⁰Titeke bè á man m'ede sei ndàt, Nube se ngann njéndige le'n ke danrán ali ra de ngain tede tà le njèkaiya karé ke inye go kaiya le'n tel tur hal'n.

Jésu ɔr sertà le dingem karé se ngannenge ke dingem joo

¹¹Jésu unn gostà karé ke rang tam ede nè: – Dingem karé bè aw se ngannenge ke dingemge joo.

¹²E ke ndêin ede bɔ'n ede nè: «Bɔ'm, i kai nyan-ndube ke ɔje dè'm ade'm d'arinè bita.» Ke loon't nè kuwe, bɔ de kai nyan-ndube ke ɔje dè de-dè de ade de.

¹³Mbɔr go't baa, ngonn ke ndêin nè nga ige nyan-ndube le'n malang. E ɔse nja nar'n nan't neĵ-neĵ, in'n dák aw'n dè bee ke heb aw tuju'n se goonge nonnge mbak.

¹⁴Loo ke è tuju nar le'n mbak bá baa, ɔo-bò oso tip kê m beekon't nè nga ade ɔo unn gir ra kum'n ndoo.

¹⁵E aw ule dè'n gir doo karé ke ndi kê m beekon't nè nga. Doo nè ule se ngonn ke ndêin nè nga walé kê m ndɔr't le'n le kade ngonm kɔsnyonge le'n.

¹⁶Ngonn nga ndinge ra'n le kuse kann nyange ke kɔsnyonge usei le tête'n tà ɔorɔk. Nè doo karé géa unn ade'n lé.

¹⁷Nè loo ke kum'n gang dè rann't bá baa, è tam kê mn't ede nè: «Njérakulege le bɔ'm usei nyan ade ase de nák, nè man tá m'ndi m'wei yo ɔo.

¹⁸M'a m'ɔse nang kin kaw ra bɔm't kede'n kede nè: Bɔ'm, m'ra kaiya tàkum Nube't a, m'ra sei majelé a tɔ.

- 19**M'ase kade i bar'm ngonni lé ta. Nè an'm tite njèkule lei ke karé dann madege't bè.»
- 20**Loo ke ngonni ke ndèin tam tà nè nga titeke bè bá baa, è ɔse nang in aw kum'n ke ra bon't. Loo ke è nain heb bai kuwe baa, bɔ'n an'n bá. Ke loon't nè kêm'n tɔse'n se non mbik-mbik ade in an-in ngɔde tile non'n, uwe'n kàdenn't sêm.
- 21**Ngonni nè nga ede bɔ'n ede nè: «Bɔ'm m'ra kaiya tàkum Nube't a, m'ra sei majelé a tɔ. M'ase kade i bar'm ngonni gugu lé ta.»
- 22**Nè loo ke dé ree tee kêm kei baa, bɔ'n ede ngann njéndige le'n ede nè: «Awi law-law unni kubu ke maje ke bɔi yul i reei ulei ra ngonnm't. I reei se ninge-bise ulei jinn't a, i reei se sa ulei njann't a tɔ.
- 23**Awi i reei se dalu-mang ke er lot-lot, i tɔlii adi j'usei a, j'ali ra jéi a tɔ.
- 24**An-in! ngonni'm ke nda nè nga, man m'an'n ke doo ke wei bá nè tel tɔse ndel. Ma m'an'n ke doo ke ndem oso kɔke nè m'tel m'inge'n bai.» Ke loon't nè kuwe d'unn gir kal ra de.
- 25**Loo ke dé nda d'a d'al ra de titeke bè baa, ngonni ke tɔg nda ra kule kêm ndɔr't walé. Loo ke è à tel ree ngɔr se bee baa, è oo ká nyan-kundege ke d'ade ndam'n nan.
- 26**E bar ngonni njèndi karé deje'n ede nè: «Ké ri á ra nyan wa?»
- 27**Ngonni njèndi nga ede'n ede nè: «Ngokoin ke ndèin nga tel ree, è á bɔi ade dé tɔl dalu-mang ke er lot-lot tede è inge'n se lapyà karè.»
- 28**Loo ke ngonni ke ngatɔg oo tà nè nga bè baa, è ra wong ndige le tel kile nja'n kêm kei lé. Nè bɔ'n unde loo tee aw ndète'n le kade tel ree kêm geng't.
- 29**Nè è ede bɔ'n ede nè: «Bɔ'm, an! bal bule ngain ke m'ra kule m'adi tite ber bè. Ndɔ karé bè m'al tà tàit lé. Nè ndɔ karé bè géa ade'm ngonni-binye ke ɔje dè'm kade m'tɔl m'ade j'use se basa mademge jè ra'n ranel lé.
- 30**Nè ngonni ke nda nè ke njétuju nyange lei malang dè kaiya-dinyege't tel ree dɔ baa, i ade dé tɔl dalu-mang ke er lot-lot tede tà le'n.»
- 31**Nè bɔ de tel ede ngonni'n ke ngatɔg nè nga ede nè: «Ngonni'm, i ndi se'm nan't se ndɔge malang, nyankingemge malang nga è lei i kuwe.
- 32**Gar-gar è tà le jé le kade j'ade dé ra mur tête tà bee kade j'ali ra jéi. Tede ngokoin ke nda nè nga man m'an'n ke doo ke wei bá, nè è tel tɔse ndel; man m'an'n ke doo ke ndem oso kɔke nè m'tel m'inge'n.»

Luc 16

Jésu ɔr sertà le njèkan-dè-nyange ke njègos

- ¹Jésu unn gostà karé ede njékuwe-girnge ede nè: – Baw karé unn doo karé ade è njèkan-dè-nyange le'n. Ndɔ karé bè, dé ree d'ede baw nè nga d'ede nè: «Doo ke i unn'n unde'n ke njèkan-dè-nyange lei nga tuju nyange lei ngain.»
- ²Kuwe'n bar'n ade ree. E ede'n ede nè: «D'ɔr ser nyan raige ke majelé ngain d'ade m'oo. I tɔje'm go nyange le'm ke m'um jii't ade m'an, tede i asekum k'ee njèkan-dè-nyange le'm gugu ndan lé ta.»
- ³Njèkan-dè-nyange le kuwe'n nè nga tam kêm'n't ede nè: «Ké ri á m'a ra d'arinè ta wa, tede kuwe'm ɔr'm kêm kule't kɔke. Man nga tɔg'm ase ra kule ndɔr lé a, kaw kɔr loo tà dooge't le kɔ de nyan nga too'm rasɔl a tɔ.
- ⁴M'ger nyan ke kum ra d'arinè ta. Titeke bè á loo ke kuwe'm à rɔ'm kule't kɔke baa, dooge à uwei man ke ra de't.»
- ⁵E bar njékurege le kuwe'n ade reei ingei nin karé-karé malang. E deje njè ke ree desèin ede nè: «Ké kure le kuwe'm ke tò dèi't nga è kandang wa?»
- ⁶Njékure nè nga tel ile'n dè't ede nè: «Kure le kuwei ke tò dèm't nga, è ku wubu kage-olivier ke bòi-bòi aru karé.» Njèkan-dè-nyange le kuwe'n ede doo ke kure tò dènn't nga ede nè: «I tel kalang i ndi nang, i ndang kêm magtub't ede nè è ku wubu kage-olivier kɔr-mi.»
- ⁷Go't gugu, è bar njékure ke rang deje'n ede nè: «A i, ké kure le kuwe'm ke tò dèi't è kandang tɔ wa?» Doo nè nga tel ilé de't ede nè: «Kure le kuwei ke tò dèm't nga è debe ko aru karé.» Njèkan-dè-nyange le kuwe'n ede doo nè nga ede nè: «I tel i ndi nang, i ndang kêm magtub't ede nè è debe ko kɔr-sɔsɔ.»
- ⁸Kuwe njèkan-dè-nyange ke njègos nè nga ede nè: «I ger nyan ngain kuwe.» E ke nè á ke nyan ra dooge ke ei le nang nè ke rai se nan dum njè ke dé le lookar.
- ⁹Jésu tel ede de ede nè: – Man m'ede sei, nar ke get lé ke tò ji si't nga uwei made nan se dooge. Titeke bè á loo ke gir nar nè à gang d'ás ji si't baa, Nube à uwe sei ke rann't loo ndi ke à tò se non.
- ¹⁰Nanan ke tɔse kum'n dè nyan ke ndèin bè ke d'um jinn't nga, à tɔse kum'n dè nyan ke bòi ke d'um jinn't tɔ. Nè nanan ke tɔse kum'n dè nyan ke ndèin bè ke d'um jinn't lé baa, à tɔse kum'n dè nyan ke bòi ke d'um jinn't nga lé tɔ.
- ¹¹Nar ke get lé ke tò ji si't nga, loo ke sei tɔsi kum si dè't lé baa, ké nan à ade sei ngarankum nyan le kade i ngonmi wa?
- ¹²Loo ke sei tɔsi kum si dè nyan le doo ke rang ke tò ji si't lé baa, Nube à ade sei nyan ke ɔje dè si lé.
- ¹³Ngonn njèndi karé asekum ra kule kade kuwenge joo kêm kurloo ke karé't lé. E à ɔr è ke karé njèt, nè è à unde è ke karé dann kumn't. E à ile koje dè è ke karé't, nè à an njè ke karé ke rang ke nyan lé. Sei asikum ra ber le Nube se ra ber le nar kade nan't joo mbak lé.

Jésu tam tà ke nange ndàt

(An-in Matt 11.12-13; 5.31-32; Marc 10.11-12 tɔ)

- 14**Loo ke Jésu tam tàge nè nga titeke bè baa, Pharisienne ke një kunde nar dann kum de't an-in tà le'n ke nyan lé.
- 15**Jésu ede de ede nè: – Sei an-in ra si ke njëra nyan danné sêwge tàkum dooge't nè Nube ger ngarankêm si mbak. Nyan ke è ngarankum nyan tàkum dooge't nga, Nube an ke nyan ke tò yêr tàkumn't.
- 16**Gute-ndu Nube ke Moise ndang se magtubge ke njëribe-dè-tàge ke tà Nube't ndangi a tɔ nga, dé ndó dooge sár d'ade Jean ke njëkule dooge manné njonm ree'n. Nè unn gir ndɔ ree le Jean sár tee bila nga, m'ile mber Tà ke Maje m'ade dooge. Gir'n ke nè á nanan géa uwe'n ra'n mong le kum nan't bɔk se Nube.
- 17**Danran se nang nè à gotoi se nel'n karè pa bita tàge ke ndêin-ndêin bè ke dé ndang kêm magtub gute-ndu't à udi bai.
- 18**Nanan ke mbate dinye le'n tel taa è ke rang baa, tà kaiya uwe dè'n. Nanan ke taa dinye ke ngaw'n mbate'n baa, tà kaiya uwe dè'n a tɔ.

Gostà ke ɔje dè baw karé se Lazare ke njèndoo

- 19**Kété mari doo karé bè ke è baw ndi tutu. E tule kubuge ke ker perm-perm ke maje rann't. Doo nè nga use a, an-in a, ra ranel se ndɔge malang a tɔ.
- 20**Doo karé bè ke njèndoo ri'n nè Lazare ndi tutu tɔ. Nyan tɔr'n se dò wɔkte-wɔkte. Dé ree d'ile'n nang pɔbel tà kei't le baw.
- 21**E ndinge ra'n le kade d'ade'n nyon-nyon mur ke toso dè table't le doo ke è baw nè nga tede tête'n tà bo ke ra'n nga rɔk. Nè doo karé bè géa koto ade'n lé. Bisege á agi meen-meen ke rann't tonni tà dòge le'n.
- 22**Go't gugu baa, Lazare ke njèndoo nga wei. Njékulege le Nube ɔri non'n awi se'n danrán undeii kɔte Abraham't. Doo ke è baw nè nga géa wei tɔ. Dooge unni ninn'n awi dubi.
- 23**Baw nè nga teen kum'n dann një ke koo't dann nyantosowur't. Loo ke è gang dè'n dɔ tchet baa, è an Lazare ndi mbeng kɔte Abraham't.
- 24**Baw ule tà'n non't ede nè: «Hai! bɔ'm Abraham an kumtondoo le'm. Kɔkrɔ karè, ede Lazare ade ule ngaw ji'n kum mann't ree'n ade m'njibe kade ndon'm sɔl'n lom ndêin tede ndon por ra'm ndoo ngain.»
- 25**Abraham tel ilé dè't ede nè: «Ngonn'm, ade kêmî olé dè nyankingege't lei ke ndɔ ke inge loo ke i ndii'n se dèi dɔ bai nga, nè Lazare baa ndi dann nyantosowur't. Dariné d'ade ndi se kêm lom ta, nè i a i ndi dann nyantosowur't tɔ ta.
- 26**Tabai, bolè ke son'n goto gang jè nan danné. Titeke bè á doo karé asekum kin ra jé jè't kaw ra si sei't lé a, doo asekum kin ra si sei't ree ra jé jè't lé a tɔ.»

²⁷Baw tel tam ede nè: «Bɔ́m Abraham, tàì tò nják, ede Lazare ade aw ra njé ke ndii kêm kei le bɔ́m.

²⁸Ngakonmge ke ndêin mi ndii tutu bai. Ade aw ede de kade turi hal de nè bainléa à reei ndii dann loo nyantosowur't titeke man m'ndii'n danné nè bè tɔ.»

²⁹Abraham tel edé ede nè: «Magtub gute-ndu ke Moise ndang se magtubge le njéribè-dè-tàge ke tà Nube't tooi tutu. Gar-gar è tà le kade d'ile koje dè tàgè't le de.»

³⁰Nè baw nè nga tel ede Abraham ede nè: «M̀-̀m̀, bɔ́m Abraham, è ke nè ase lé bai. Ke nè á doo karé in ra njé ke koo't aw ra de't baa, d'a tur hal de.»

³¹Abraham tel ilé de't ede nè: «Ke nè á ngakoinge uri mbi de ooi tà ke Moise ndang kêm magtub gute-ndu't se tà ke njéribè-dè-tàge ke tà Nube tami nga lé baa, né doo karé unde loo tee dann njé ke koo't aw inge de géa, d'ade tur hal de lé.»

Luc 17

Tà ke oje dè ra doo kade oso dann kaiya't

(An-in Matt 18.6-7,21-22; Marc 9.42 tɔ)

¹Jésu ede njékuwe-girnge ede nè: – Gar-gar dooge ke nange à teli k'ei jig le tuge nja made dege kile de dann kaiya't kuwe. Nè doo ke tel ra'n ke jig le tuge nja madenngé nga, à an bai!

²E soo't le tɔ kuberi mbal kɔbenn't kile'n dunge ba-bò't maje dum kade ndi têt è jig tede le njé ke tɔg kundekêm dè Nube't le de ase lé. Nanan ke asekuu koo tà ke man m'ede sei nè nga baa, maje kade nel mbi'n oo'n tà nè nga maje.

³Adi kêm si tò dè ra si't. Loo ke ngokoin ra sei majelé baa, i toje'n majelé le'n. Ke nè á è tel tur hal'n baa, ade kêm si lom dènn't.

⁴Loo ke ngokoin ra sei majelé nja ji sejimute kêm ndɔ karé't géa, ke nè á è tel ree rai't nja ji sejimute ede nè: «M'tur hal'm bá» baa, ade kêm si lom dènn't.

Kundekêm ke ase ra nyankɔbege

⁵Njékawkulege edi Jésus edi nè: – Ade kundekêm le jé in dè made't ke kété-kété.

⁶Kuwe-bee tel ile de dè't ede nè: – Ke nè á kundekêm le si è ndêin-ndêin bè tite kum kage ke ri'n nè Mutarde géa, sei asikum kede kage koté nè kedi nè: «Or rai se ngirei bere mbak aw i nda dann ba't» baa, kage nè nga à ra nyan ke sei edii.

Kule ra ngonn njèndi

⁷Bainléa doo karé dann si't an ngonn njèndi le'n ke in ndɔɔ éké in kul dange't ree baa, ké à kede'n kede nè: «I ree use nyan» wa?

⁸M̀-̀m̀, è à kede'n kede nè: «Uwe dè nja nyankuse baa, ule kubu ra kule rai't ade'm nyan m'use a, m'an-in a bita i a kuse éké kain nyan ke lei bai.»

⁹Ké kuwe ngonn njèndi nè à ra'n oiyo tede ra ke è ra nyan ke è unn'n ndu'n ade'n nga wa? M-m, à ra bè lé.

¹⁰Sei géa le si è titeke bè tɔ. Ke nè á sei rai nyan malang ke man m'unn ndu'm m'ade sei nga baa, i tami edi nè: «Jè jè ngann njéndice karè, è nyan ke oje dè jé le kade jè ra á jè ra.»

Njèbanje karé dann madenngé't ke dɔg tel ree ra Jésus oiyo

¹¹Loo ke Jésus ndi aw kum'n ke bee-bò ke Jérusalem baa, è tee se rebe ke dè ninn beekon ke Samarie se Galilée.

¹²Loo ke nain ngɔr kade ree tee kêm ngonn bee karé't bè baa, njèbanjege dɔg reei gangi non'n, nè ei ndai heb dèk se'n.

¹³Ei unni gir tami tà se ndu de ke bòi edi nè: – Ngar Jésus, kɔkrɔ karè, an kum jé loo tondoo't.

¹⁴Loo ke Jésus tête kum'n an de baa, è ede de ede nè: – Awi ra njékuje nyan-mesege i tɔji de ra si ade d'an. Loo ke njèbanjege à awi bai baa, ra de tel tò karè ndát-ndát.

¹⁵Nè è ke karé dann de't an titeke ra'n tel tò karè ndát-ndát baa, è ɔse wan dè njann't tel ree ule ndubra dè Nube't se ndu'n ke bòi.

¹⁶E ɔse keje'n nanga non Jésus't ra'n oiyo. Doo nè nga, è doo ke beekon ke Samarie.

¹⁷Jésu deje ede nè: – Ké dooge ke dɔg nè nga banje ɔr ra de't mbak lé wa? Ké njé ke jiso-jimi ei ra wa?

¹⁸Ké bain á njé ke jiso-jimi teli reei ulei ndubra dè Nube't titeke doo ke dɔ nè ra lé wa?

¹⁹Go't gugu, Jésus ede doo ke dɔ nè nga ede nè: – ɔse nang in dɔ unn rebe lei aw ta. Kundekêm dè Nube't lei aji bá.

Jésu ede de nyange ke à ra nyan ndɔ tel reenn't

(An-in Matt 24.23-28,37-41 tɔ)

²⁰Ndɔ karé bè Pharisiennege deji Jésus edi nè: – Ké Konbee le Nube nga ayé ree ndɔ ke ra't wa? Jésus tel ile de dè't ede nè: – Konbee le Nube à ree tàkum dooge't njung kade teri an-in lé.

²¹Doo asekum tam kede nè: «An! n'ee laa» éké «N'ee nú» bè lé ta. E tà le kade i geri maje titeke Nube on bee dann si't nè bá ta.

²²Jésu ede njékuwe-girnge ede nè: – Kêm ndɔ ke rang ngur kan'm man ke m'ee Ngonn-doo à ra sei. Nè sei a kan-in man ndan lé.

²³D'a kede sei kede nè: «An-in! n'ee laa» éké «An-in! n'ee nú bè.» In-in an-in ngɔde awi tutu lé.

- ²⁴Titeke ndi tɛl loo tee't le kàde aw sár tee loo kur't le kàde éké tɛl dè jikon sár aw dè jigel nga, ndɔ tel ree le'm man nga géa à è titeke bè tɔ.
- ²⁵Nè kété bita kade m'tel m'ree baa, gar-gar nyantosowurge à rai man a, dooge ke ndii dè nang nè ðarinè à utei man mbeng a tɔ.
- ²⁶Adi kêm si olé dè nyange ke ndɔ ke tee kêm ndɔn't le Noé. Ndɔ ke m'a m'tel ree baa, nyange nè nga à teei titeke bè tɔ.
- ²⁷Kêm ndɔn't le Noé nga dooge usei a, an-in a, taai nan a, adi ngann dege taai nan a, sár adi Noé in ur'n kêm bato't kák. Loo ke Noé ur kêm bato't kák bá baa, mann bêlem unn gir pujur loo dè nang nè ndum'n dooge ndarak.
- ²⁸Kêm ndɔn't le Lot nga géa è titeke bè tɔ. Dooge usei se an-in, se ndogoi nan nyan se igi nan nyange, main nan kagege, rai nan keige se ndɔ de-ndɔ de.
- ²⁹Nè ndɔ ke Lot unde loo kêm bee-bò ke Sodome tee kɔke bá baa, Nube ade nduju-nyan ke taa por ke saa'n ube ngɔk-ngɔk in danrán ðise tite ndi bè ree ró dooge rák-rák.
- ³⁰Ndɔ ke man ke m'ee Ngonn doo m'a m'ndubra'm ke nata nga géa à è titeke bè tɔ.
- ³¹Kêm ndɔn't nè nga, doo ke ndi ndá't à tel kaw kêm kei le'n koto nyange le'n lé. Doo ke nda à ra kule kêm ndɔr't géa, à tel ree kêm kei le'n lé a tɔ.
- ³²Adi kêm si olé dè nyan ke tee dè dinye't le Lot.
- ³³Doo ke sang le ngonm ra'n sêw-sêw baa, à ile ra'n kɔke salang. Nè doo ke ile ra'n kɔke salang baa, à ngonm ra'n sêw-sêw bai.
- ³⁴Man m'ede sei kêm kàdenn't nè nga, loo ke dooge joo à tooi dè tire karé't dann ndɔ baa, d'a kɔse njè ke karé seen kunn'n kaw se'n kinye è ke karé loo toon't jêke^.
- ³⁵Kêm ndɔn't nè nga loo ke dinyege joo ndai à uri nyan loo karé baa, d'a kɔse njè ke karé seen kunn'n kaw se'n le kinye è ke karé loo ndann't jêke^.
- [³⁶Kêm ndɔn't nè nga, loo ke dingemge joo à ndai rai kule kêm ndɔr't baa, d'a kɔse njè ke karé seen kunn'n kaw se'n kinye è ke karé loo ndann't jêke^.]
- ³⁷Njékuwe-gir-Jésuge dejii edi nè: – Kuwe-bee, ké à è loo ke ra't wa? E tel ile de dè't ede nè: – Loo ke yo nyan tò tutu baa, è loo'n nè á malge à an-in nan ke tutu som-som.

Luc 18

Jésu ede njé ke le'n kade oji tà se Nube dɔ-dɔ nginei ndɔ tel le'n

- ¹Jésu unn gos nyan karé le tɔje'n de rebe kɔje tà se Nube dɔ-dɔ anje kade kêm de tête mann.

²E ede de ede nè: – Njègang-rebe-tà karé ndi kêm bee karé't bè. Doo nè nga ile koje dè Nube't lé a, an doo-made'n ke nyan lé a tɔ.

³Njèkei-kinge karé bè ndi kêm bee't nè nga tɔ. Dɔ-dɔ è ree ra njègang-rebe-tà nè nga ede'n ede nè: «I gɔl tà ke tò dann jé't se njèkɔse se'm tà ade'm.»

⁴Njègang-rebe-tà nè inye tà nè nga ade kur'n heb ɗak tede è ndige le gɔl lé. Nè go't gugu, è tam kêm'n't ede nè: «Kerɔte kuwe, man nga m'ile koje dè Nube't lé a, m'an doo-made'm ke nyan lé a tɔ.

⁵Nè né è bè géa, njèkei-kinge nè nga ɔge'm taa kebe. Gir'n ke nè á, m'a m'gang'n rebe tà le'n le kade tel ree ndɔje'm gugu lé ta.»

⁶Kuwe-bee tel tam ede nè: – Uri mbi si maje ooi tà le njègang-rebe-tà ke se go rebe'n lé nga.

⁷Ké Nube à gang rebe tà le njé le'n ke è ɔr de unde de se ninn'n ke tooi tànn't lèkè-lèkè kada a, ndɔ a nga lé wa? Né à ngine mbɔr géa, ké à nal ra nyan tede le de wa?

⁸Man m'ede sei ndàt, à in kalang le gang rebe tà le de kuwe. Nè loo ke man ke m'ee Ngonn doo m'a m'tel ree nga, ké m'a kinge njé ke undei kêm de dèm't se dè Nube't dè nang nè kuwe wa?

Njé ke d'an ra de ke njékaiyage á Nube an de ke njéra nyan danné sêwge

⁹Nja karé bè, Jésus unn sertà karé ɔje'n dè dooge ke d'an ra de ke njéra nyan danné sêwge tàkum Nube't a, d'an made dege ke rang ke nyan lé ede nè:

¹⁰– Ndɔ karé bè dooge joo in-in awi kêm kei le Nube le koje se'n tà. Dooge ke joo nè nga, è ke karé è Pharisien a, è ke karé è njètaa tir a tɔ.

¹¹Pharisien nè nga ɔse nang in nda dɔ mbeng, ɔje tà se Nube kêm'n't ede nè: «Hei! Nube, m'rai oiyo tede man m'ee tite gute dooge ke ei njébog-ge a, njéra nyan danné sêwge lé se njésang dinyege le made dege lé a tɔ. M'rai oiyo tede man tite njètaa tir ke nda nè nga lé a tɔ.

¹²Man m'ɔge kêm bo nja joo kêm ndɔ ji sejimute't a, nyan malang ke m'inge nga, ke nè á è dɔg baa, m'unn tà karé m'adi a tɔ.»

¹³Njètaa tir nga ɔse nang in nda dɔ gugu nú, è ndige kɔr kum'n kan'n loo ke dɔ lé a tɔ. Nè è unde kàde'n se ji'n dī ede nè: «Hei! Nube, ade kēmi tin mbit dēm't tede man m'ee njékaiya.»

¹⁴Man m'ede sei ndàt, loo naje'n goto, doo nè nga d'ɔr tà dènn't pa bita tel aw kêm kei le'n bai. Nè Pharisien nè nga tà uwe dè'n. Nanan ke unde dè'n dɔ baa, d'a d'ade dè'n à è nang, nanan ke ule dè'n baa, d'a d'unn'n kunde'n dɔ ɗáng bai.

Konbee le Nube è tede le njé ke tooi asinan se nganngé

(An-in Matt 19.13-15; Marc 10.13-16 tɔ)

15Ndo karé bè, dooge reei se nganngé ke ndêin-ndêin ra Jésus't le kade ile ji'n de de't tɔr'n ndu'n de de't tɔ. Loo ke njékuwe-girnge an-in bè baa, ei in-in se njé ree se nganngé nè nga.

16Jésu bar nganngé nè nga ke rann't ede nè: – Inyei loo adi nganngé reei ram't m ilei de kage lé. Tede Konbee le Nube nga è le njé ke tooi asinan se de bè.

17Man m'ede sei ndàt, nanan ke ndige kade Nube on bee dènn't titeke nganngé ke ndêin bè rai lé baa, à um nan't bok se Nube ndan lé.

Dooge ke asikum kumi nan't bok se Nube lé

(An-in Matt 19.16-30; Marc 10.17-31 tɔ)

18Doo ke bò le Juipge karé ree ra Jésus't deje'n ede nè: – Njèndó dooge nyan, i njè maje kɔr njèt, ké m'a ra bain á le kinge'n ndikumgajer se non nga wa?

19Jésu tel deje'n ede nè: – Ké bain á i bar'm doo ke maje ɔr njèt wa? Doo ke maje ɔr njèt karé géa goto, nè Nube kuwe karé luk-luk á maje ɔr njèt.

20I ger nyange ke Nube unn'n ndu'n le kade dooge rai éké dooge rai lé nga bá. Ei á tooi nè: «I a sang dinye le doo-madi lé a, i a tɔl doo lé, i a bog lé, i a tête tà kunde tà doo't lé a, i a kile koje de njékojige't a tɔ.»

21Doo nè nga tel ede Jésus ede nè: – M'an de ndukunngé nè malang sêw-sêw mari se basa'm sár d'arinè.

22Loo ke Jésus oo tà le doo nè bè baa, è ede'n ede nè: – Nyan karé nain kade i ra bai. Aw ige nyange lei mbak inye nar'n i nobo njéndooge baa, i a kinge nyanbaw ra Nube't nú bai. Aw i ra nyange nè pa bita i tel i ree unn rebe goom't bai.

23Nè loo ke doo nè nga oo tàge nè bè baa, wur'n gang mbann tede è baw-nyankingé.

24Loo ke Jésus an'n bè baa, è tam ede nè: – Tur ngain le kade njényan kingege umi nan't bok se Nube.

25Le kade lugman ur kêm bolè libri't tee nga è nyan ke tur ngain lé, nè le kade baw um nan't bok se Nube nga è nyan ke tur ngain.

26Njé ke ooi tà nè nga ei tami edi nè: – Ke nè á è bè baa, ké nan á d'asekum kaje'n ta wa?

27Jésu ile de de't ede nè: – Nyan ke dooge asikum rai lé nga, Nube asekum ra.

28Pierre unn tà deje Jésus ede nè: – An! jè nga, j'inye nyankingé jé malang j'unn rebe gooi't, ké ndon't le jé à è ri wa?

29Jésu ede de ede nè: – Man m'ede sei ndàt, ke nè á doo karé inye bee koje'n éké neen'n, éké ngakonngé, éké njékojenngé, éké ngannenge tede le kule ra'n gir Konbee't le Nube baa,

³⁰à inge nyange ngain dum nyange malang ke è inye kêm ndɔ ke ɗarinè a, à inge ndikumgajer se non kêm ndɔ ke à ree a tɔ.

Jésu tel tam tà kwei le'n se kunde loo tee le'n dann njé ke koo't

(An-in Matt 20.17-19; Marc 10.32-34 tɔ)

³¹Jésu ɓar njékuwe-girnge ke ɗɔg-gidé-joo rann't ede de ede nè: – An-in! j'à j'awi ke kêm ɓee-bò ke Jérusalem. Nyan malang ke njéribè-dè-tàge ke tà Nube't ndangi kêm magtubge't ɔji dè'm man ke m'ee Ngonn doo nga aw loon't deŷ.

³²Man nga d'a d'ule'm ji girkoje dooge ke ei juipge lé. Dé nè nga d'a d'ule mbe dèm't, d'ade taje'm a, d'a tibe yor kum't,

³³d'a tunde'm se ndèin jap-jap a, d'a tɔl'm a tɔ. Nè ndɔ ke njèkon't mute ɓaa, m'a m'unde loo tee dann njé ke koo't.

³⁴Nè njékuwe-gir-Jésuge geri gir tà nè nga lé tede è tà ke tò mek.

Doobulege ndigi kɔgi njèkumtɔ karé kade aw ra Jésus't

(An-in Matt 20.29-34; Marc 10.46-52 tɔ)

³⁵Nain ngɔr kade Jésus tee kêm ɓee ke Jéricho. Njèkumtɔ karé bè ndi nang ngang rebe't à kɔ nyan.

³⁶E oo ká nja dooge ɓar. E deje njé ke ndai kɔtenn't ede nè: – Ké ri ra nyan wa?

³⁷Dooge teli ileii dè't edi nè: – E Jésus ke Nazareth á ndi à dese.

³⁸Loo ke è oo bè ɓaa, è tam tà se ndu'n ke bòi ede nè: – Jésus ngonnkà David, an kumndoo le'm kɔkrɔ karè.

³⁹Njé ke ɔri non Jésus in-in se njèkumtɔ nè nga, ndángii edi nè: – Ebe't. Nè njèkumtɔ tam se ndu'n ke bòi beng ke kété kété ede nè: – Ngonnkà David, an kumndoo le'm kɔkrɔ karè.

⁴⁰Jésu tel nda nang gek. E unn ndu'n ade dé ree se njèkumtɔ nga rann't. Loo ke njèkumtɔ ree ngɔr ke ra Jésus't ɓaa, è deje'n ede nè:

⁴¹– Ké i ndige kade m'ra ri m'adi wa? Njèkumtɔ tel ile jésu dè't ede nè: – Kuwe-ɓee, ade kum'm tel an loo gugu.

⁴²Jésu tel ile njèkumtɔ dè't ede nè: – Maje kade kumi tel teen ade an loo. I aje ɓá tede takul kèmi ke unde dèm't.

⁴³Ke loon't nè kuwe kum njèkumtɔ teen ade an'n loo ule'n ndubra dè Nube't a tɔ. Loo malang ke Jésus aw tutu nga, njèkumtɔ nè aw se'n nan't-nan't. Loo ke kosdooge malang an-in bè ɓaa, ei géa, unni gir kule ndubra dè Nube't tɔ.

Luc 19

Jésu aw kêm kei le Zachée ke njètaa tir

¹Jésu unde kêm ɓee ke Jéricho se nja'n ɗɔ gang.

- ²Doo karé bè ke è baw ndi kêm bee't nè nga. Ri'n nè Zachée. E ngar le njétaa tirge.
- ³Zachée sang rebe le kan ké nan á è Jésu nga wa? Nè è asekum kan'n lé tede doobulege d'utu'n loo tede è doo ke gɔje.
- ⁴E an-in ngɔde-ngɔde aw al ndi dè kage koté't non Jésu't kété le kan'n tede à dese se rebe ke rann't.
- ⁵Loo ke Jésu ree tee rann't ngɔr baa, è unn kum'n dɔ bar Zachée ede'n ede nè: – Zachée, i rise nang kalang tede gar-gar m'a m'ndi kei lei bila.
- ⁶Zachée rise nang kalang aw se Jésu kêm kei le'n, ra'n mba se ranel.
- ⁷Loo ke dooge malang an-in bè baa, unni gir murin tà edi nè: – Doo nè nga aw kêm kei le doo ke njè ra majelé tá taa kebe tutu.
- ⁸Zachée in nda dɔ non Kuwe-bee't ede'n ede nè: – Njèdum dè nyange malang, man m'kai nyange ke m'inge danné loo joo, m'ade è ke karé njéndooge. Loo ke m'banm doo m'taa nyan le'n baa, m'tel m'ade'n made dè't loo sɔ.
- ⁹Jésu tel ede Zachée ede nè: – Bila njé ke kêm kei lei uwei è ke è njèkaje de nga ke ra de't, tede è nè géa è ngonnkà Abraham tɔ.
- ¹⁰Man ke m'ee Ngonn doo nga, m'ree le sang njé ke ndemi osoi kɔke le tel se de ke ra Nube't.

Sertà le ngonn-ngar ke um nar ji ngann njéndice't le'n

(An-in Matt 25.14-30 tɔ)

- ¹¹Dooge uri mbi de ooi tà le Jésu. Loo ke è an titeke d'ur mbi de d'oo tà le'n baa, è unn sertà karé ke rang ede de tede nain ngɔr kade à tee Jérusalem. Dooge nè giri kêm de't edi nè nain ngɔr baa Konbee le Nube ayé kunde loo tee pan ta.
- ¹²E ede de ede nè: – Doo karé bè girkoje le'n è ngar. E ndi dè njann't tchèn le kin kaw kêm beekon ke heb't le kade ngar karé ke bò unde'n ngar nú bita à tel ree bai.
- ¹³E bar ngann njéndice le'n dɔg ade reei ingeii. E nobo de karé-karé malang nar kule ke ndɔ aru, ede nè: «Awi se nar nè i ndogoi nyan i turi gir sár kade m'ree m'inge'n sei.»
- ¹⁴Nè njé ke kêm beekon't le ngonn-ngar nga d'ɔr'n njèt. Dé d'ɔr dooge d'ule de goon't d'ede nè: «Jè ndige kade è nè on jè lé.»
- ¹⁵Loo ke d'unde'n ngar bá baa, è tel ree béee. E ade dé bar ngann njéndice le'n ke è ade de nar nga. E ndige le ger gir nyan ke dé ra se nar nè nga tɔ.
- ¹⁶Ngonn njéndice le'n ke desêin ree rann't ede nè: «Ngar, nar ke i ade'm nga, m'inge made dɔg dè't.»

¹⁷E tel ile ngonn njèndi nè dè't ede nè: «Oiyò, i ngonn njèndi ke kanm, i tɔse kumi dè nyan ke ndêin bè ke m'um jii't. Gir'n ke nè á m'a m'undeï ngar le beege dɔg.»

¹⁸Ngonn njèndi ke njèkon't joo ree ra ngar't ede'n ede nè: «Ngar, nar ke i ade'm nga, m'inge made mi dè't.»

¹⁹Ngar tel ede ngonn njèndi nè ede nè: «I géa m'undeï ngar dè beege gir mi tɔ.»

²⁰Ngonn njèndi ke njèkon't mute ree rann't ede'n ede nè: «Ngar, an nar lei ke ade'm nga, m'ndêm se tà kubu bar-bar m'ule m'ɔyɔ.»

²¹Man m'ra titeke bè tede m'beli a, tede i doo ke manni ate ngain a tɔ. Nar ke i um loo ɔyɔn't lé géa, aw ɔr a, ko ke i á i dubu lé géa, aw loon't uje a tɔ.»

²²Ngar tel ile ngonn njèndi nga dè't ede nè: «I ngonn njèndi ke majelé, man m'gangtà dèi't se go tà ke tee tàit kuwe. I ger'm ke doo ke mann'n ate ngain ke ɔr nar loo ke è ɔyɔ nar tutu lé a, ke doo ke uje ko loo ke è dubu ko tutu lé a tɔ.»

²³A baa, ké bain á inye nar le'm ji dooge't ade turi gir lé wa? Ke nè á ndɔ ke i ra titeke bè baa, bainléa bila m'a m'inge mann'n dè't.»

²⁴Go't gugu ngar nè nga ede njé ke ndii kɔtenn't ede nè: «Uwei n'ee i taai nar ke jiyé't adi madé ke aw se nar kule ke ndɔ aru nè nga dè made't le'n.»

²⁵Dé tel d'ede'n d'ede nè: «Doo nè nga aw se nar kule ke ndɔ aru jinn't bá.»

²⁶Kuwe ngann njéndige nè tel ede de ede nè: «Man m'ede sei ndàt, doo ke nyan tò jinn't á d'a d'ade'n made dè't. Doo ke nyan è jinn't ndêin bè baa, è ke ndêin bè nè kuwe d'a d'uwe'n taa jinn't kɔke.»

²⁷Njébange le'm ke ndigi kade m'on de lé nga, i tuwei de i reei se de ndá't, i tɔli de tàkum't nè.

²⁸Loo ke Jésus ede de tàge nè bè bá baa, è oso non de't kété aw kum'n ke bee-bò ke Jérusalem.

Jésu aw kê m'bee-bò ke Jérusalem tite ngar bè

(An-in Matt 21.1-11; Marc 11.1-11; Jean 12.12-19 tɔ)

²⁹Nain ngɔr kade Jésus tee kê m'bee ke Bethpagé se bee ke Béthanie. Beege nè nga tooi kɔte mbal ke kagege ke ri de nè olivier ndai tutu. Jésus bar njékuwe-girnge joo ule de kété ede nè:

³⁰– Awi kê m'bee ke tò non jéi't kété non. Loo ke sei a teei kê m'bee't nè nga baa, sei a kingei ngonn koro ke dé dɔ'n dè bel't. Ngonn koro nè nga ndɔ karé bè doo in dènn't lé bai. I tutii, i ndɔrii i reei se'n adi man.

³¹Ke nè á doo karé deje sei ede nè: «Ké bain á i tutii wa?» baa, sei edii nè: «E Kuwe-bee á aw ndoo'n le kin dènn't.»

- ³²Loo ke njékulege awi baa, ei ingei ngonn koro nga deŋ tite kum ke Jésu ede'n de kété nga tɔ.
- ³³Loo ke dé d'unn gir le tutu koro nè nga baa, kuwege deji de edi nè: – Ké bain á sei tuti ngonn koro nè nga wa?
- ³⁴Njékuwe-gir-Jésuge ke joo nè nga tel ilei de dè't edi nè: – E Kuwe-bee á aw ndoo'n le kin dè't.
- ³⁵Dé ree se ngonn koro nga d'ade Jésu. Dé tɔr kubuge le de ke bòi yul dé labe gide ngonn koro't nè bá baa, d'ade Jésu in ndi dè't.
- ³⁶Ka-rebe ke Jésu à njiye'n nga, dooge tɔri kubuge le de ke bòi yul-yul labi tutu le dɔi'n.
- ³⁷Loo ke nain ngɔr kade Jésu tee kêm bee-bò ke Jérusalem se rebe ke in dè mbal ke kage olivierge ndai tutu nga baa, kos njékuwe-girnge malang rai ranel. Tabai ei unni gir piti Nube se ndu de ke bòi beng tede nyankɔbege ke Jésu ra ade an-in edi nè:
- ³⁸– Maje kade Kuwe-bee Nube tɔr ndu'n dè ngar ke è kuwe ule'n. Jè j'inge kêmlo m ke ra Nube't. Gir'n ke nè á jè j'ule'n ndubra dènn't dè nang nè.
- ³⁹Pharisienge ke nange dann kosdooge ke ndai loon't edi Jésu edi nè: – Njèndó dooge nyan, in se njékuwe-girige ade ebi't ndèin.
- ⁴⁰Jésu tel ile de dè't ede nè: – Man m'ede sei ndàt, ke nè á dé nè d'ebe't géa, kɔr herge kuwe à rai nyan beng-beng bai.

Jésu tam tà tuju ke à oso dè bee-bò ke Jérusalem

- ⁴¹Loo ke Jésu an dè bee-bò ke Jérusalem ngɔr baa, è non se mann-non kumn't tede nyan ke à tee dè dooge ke kêm bee't nè nga.
- ⁴²E tam ede nè: – Sei dooge ke Jérusalem géa, ke nè á ndɔ ke kum si gang dè rebe nyan ke ɔje dè kêmlo m't nè nga baa, à è bè lé bai. Nè d'arinè baa, asenan't ade sei lé ta, tede nyan nè nga bɔyɔ ra'n kák tàkum si't.
- ⁴³Kêm ndɔge ke à reei, njé bange le si à an-in dè si king-king; d'a d'uje bolè gan'n dè si a, d'a mbusu sei nják-nják a tɔ.
- ⁴⁴D'a d'ide sei nduju reend-reend a, d'ade tɔse kuberi herge ke undei keige palang-palang tɔr kɔke m karé bè géa à nain dè made't dɔ lé. D'a ra sei titeke bè tede din ke Nube din sei nga kum si gang dè't lé sár.

Jésu ɔ njéra gatege kêm kei le Nube

(An-in Matt 21.12-17; Marc 11.15-19; Jean 2.13-22 tɔ)

- ⁴⁵Jésu aw gate-loo ke kêm kei le Nube. E unn gir ɔ njéra gatege ede de ede nè:
- ⁴⁶– Magtub le njé ribe-dè-tàge tami edi nè: «Kei le'm nga è kei ke dooge ɔji se'm tà. Nè sei baa, i telii ke loo kebe nan le njé bog-ge.»

⁴⁷Jésu ndó dooge nyan kêm kei le Nube se ndó karé-karé malang. Maw njékuje nyan-mesege se njékɔrgir gute-nduge a, se dooge ke kum de unju sangi le kade dé tɔl'n.

⁴⁸Nè ei geri nyan ke kum ra le tɔl'n lé tede kosdooge malang uri mbi de ke rann't tchên le koo'n tà le'n.

Luc 20

Njékɔr non juipge deji Jésus ké nan unn ndu'n ade'n kade ndó'n dooge nyan wa?

(An-in Matt 21.23-27; Marc 11.27-33 tɔ)

¹Ndó karé bè, Jésus ndi ndó dooge nyan a, ile mber Tà ke Maje kêm kei le Nube a tɔ. Maw njékuje nyan-mesege se njékɔrgir gute-nduge undei loo teei pan se dooge ke kum de unju baa, ei deji Jésus edi nè:

²– Ede jè, ké tɔgmong ke bain á i ra'n nyange nè nga wa? Ké nan á unn ndu'n adi kade i ra nyange nè nga titeke bè wa?

³Jésu tel ile de dè't ede nè: – Man géa, m'a m'deje sei tà karé tɔ. Edi man.

⁴Ké nan á unn ndu'n ade Jean kété á ule'n dooge manné njonm wa? Ké ndukunn nè nga in ra Nube't éké in ra dooge ke dè nang nè karè wa?

⁵Nè dé kɔte nan tà dann de't d'ede nè: – Ke nè á jè tami j'edi nè ndukunn nè nga in ra Nube't baa, n'a n'tel deje jéi kede nè: «A baa ké bain á sei taai tà le Jean nga lé wa?»

⁶Ke nè á jè tami j'edi nè: «Ndukunn nè nga in ra dooge ke dè nang nè karè» baa, dooge malang à tilei jéi se kuberi her tɔli jèi, tede dooge malang geri kêm de't mbak titeke Jean è njèribe-dè-tà ke tà Nube't.

⁷Gir'n ke nè á d'ile'n Jésus dè't d'ede nè: – Jè ger doo ke njèkunn ndu'n kade Jean ule'n dooge manné njonm nga lé.

⁸Jésu tel ede de ede nè: – A baa man géa, m'a m'ede sei doo ke njèkunn ndu'n kade m'ra'n nyange nè ndan lé tɔ.

Jésu ɔr sertà le njérakule ndɔr nduuge ke tɔli ngonn le kuwe de

(An-in Matt 21.33-46; Marc 12.1-12 tɔ)

⁹Go't gugu Jésus unn sertà nè ede dooge ede nè: – Doo karè bè uwe ndɔr nduu. E bar njéra kulege um kule'n ji de't baa, è inye bee le'n aw beekon ke rang't ade kur'n heb dák.

¹⁰Loo ke ndó kuje kann nduu ase baa, è ɔr ngonn njèndi le'n ule'n ra de't ede nè: «Adi man kann nduu ke le'm ke ɔje dè'm.» Nè njéra kule kêm ndɔr nduu't in-in ke ra ngonn njèndi't nè tunde a, ɔi adi tel ji'n karè dǎng-dǎng.

11 Kuwe-ndɔr nduu nè nga tel ɔse ngonn njèndi le'n ke rang ule'n ra de't bai. Nè njéra kule kêm ndɔr nduu't in-in se ngonn njèndi nè ilei rasɔl dènn't tundeï a, rɔi nin ade tel jì'n karè dǎng-dǎng tite made'n ke kété tabai.

12 E ɔr ngonn njèndi ke njèkon't mute ule'n ra de't kuwe bai. Dé njéra kule kêm ndɔr nduu't nè nga d'in se ngonn njèndi nè dé tunde'n ngain d'ade'n dò, dé ndɔr'n d'ile'n ngang loo't nata.

13 Loo ke kuwe-ndɔr nduu nè an bè baa, è deje ra'n ede nè: «Ké ri á m'a ra wa?» E tam kêm'n't ede nè: «M'a m'ule se ngonn kêm'm ke m'tár'n kuwe tá ta. Loo ke d'a d'an'n baa, bainléa d'a d'ile koje dènn't.»

14 Nè loo ke njéra kule kêm ndɔr nduu't nè nga an-in nin baa, ei unni gir kɔti nan tà edi nè: «An-in! njèkɔi nyan-ndube ke ndɔ ke rang nga aw nè. I reei ade jè tɔlii baa, ndɔr nduu nè nga à tel k'ee nyan-ndube le jéi jèi kuwe.»

15 Loo ke dé tam bè bá baa, d'in ke rann't d'uwe'n dé ndɔr'n d'aw se'n ngang loo't nata, dé tɔl'n kɔke. Ké ri á kuwe-ndɔr nduu nè à ra se dooge nè nga dǎrinè ta wa?

16 E à aw se ra'n kêm ndɔr nduu't le kade dé tɔl njéra kulege ke kété kɔke. Tabai è à um kule'n ji njé ke rang't le kade d'an dè sêw-sêw. Loo ke dooge ooi tà nè nga bè baa, ei tami edi nè: – M-m, nyan ke bè à tee ndan lé.

17 Nè Jésus mer de an de gerer baa deje ede nè: – A baa tà ke jè tutei kêm Magtub't le Nube ke tam ede nè: «Kuberi her ke njékunde keige ilei piring kɔke nga, tel kuberi her ke njèkade loo rɔte dè kum kei ndi tà nan't maje» nga, ké gir'n ke get è ri wa?

18 Nanan ke oso dè kuberi her't nè nga baa, ra'n à tête dèk-dèk. Nanan ke kuberi her nè oso dènn't baa, à yide'n nduju reend-reend a tɔ.

19 Njékɔrgir gute-nduge se maw njékuje nyan-mesege sangi rebe le kade d'uwe Jésus ke loon't nè, nè ei beli kum dooge. Ei geri se kêm de mbak titeke tà ke è tam nè nga ɔje dè de n'ei kuwe.

Nyan ke ɔje dè Nube se nyan ke ɔje dè César

(An-in Matt 22.15-22; Marc 12.13-17 tɔ)

20 Unn gir kêm ndɔn't nè nga, njékɔrgir gute-nduge se maw njékuje nyan-mesege an-in dè Jésus dɔ-dɔ. Dé ndige le kule'n ji tɔgmong't le César, ngar ke bò ke beekon ke Rome, le kade gangtà dènn't. Gir'n ke nè á d'ɔr'n dooge ke njéra gosge se go ngein d'uge de se nar le kade ndoin tà Jésus se tà deje.

21 Njéra gosge nè nga deji Jésus edi nè: – Njèndó dooge nyan, jè ger titeke tà tami se nyan ke i ndó dooge è se dè naje'n kuwe. Jè ger mbak titeke i ndête kum doo karè bè tede nyankinge'n éké girkoje le'n lé. Nè tà ke i ndó dooge ɔje dè rebe ndikumgajer le Nube nga è ngarankum tà kuwe.

22Jè deji le kade ede jè, ké gute-ndu le jé inye loo ade jè le kade j'ade tir ngar César éké ɔge jè kade'n tir wa?

23Nè Jésu ger loo kede-gos le de mbak baa, è tel deje de ede nè:

24– I tɔji man sile karé adi m'an. Ké dè nan éké ri nan á dé ndang tutu wa? Dé d'ile'n dè't d'ede nè: – Dè doo ke dé ndang tutu nga, è dè César a, ri doo ke dé ndang tutu nga géa, è ri César a tɔ.

25Jésu tel ede de ede nè: – Né è bè baa, adi ngar César nyan ke ɔje dè ngar César a, adi Nube nyan ke ɔje dè Nube a tɔ.

26Dé d'ase kuwe'n se tà dè tàge le'n ke è tam non kosdooge nè nga lé. Dé tel tam tà karé ke rang gugu lé tede tà ke Jésu ede de nè nga ade tà ige de sêl.

Nyan ke à tee ndo kunde loo tee't le njé ke koo

(An-in Matt 22.23-33; Marc 12.18-27 tɔ)

27Juipge ke nange ke dé bar de Saddusienge reei ingei Jésu. Saddusienge nga, ei njé tam kede nè: doo à kunde loo tee dann njé ke koo't ndan lé. Dé d'ede'n d'ede nè:

28– Njèndó dooge nyan, Moise ndang tà nè ade jéi ede nè: «Loo ke dingem se dinye taai nan nè oji ngonn lé bai á dingem wei baa, maje kade ngokon'n ke ndêin taa dinye nè unde'n gute ngokon'n ke wei.»

29Kété ngakon nange ji sejimute ndii tutu. E ke ngatɔg le de taa dinye nè è wei anje koje ngonn.

30Ngokon'n ke girn't taa dinye nè nga tɔ, nè è géa wei anje koje ngonn tɔ.

31Ngokon de ke njèkon de't mute taa dinye nè gute de't. Nè è géa wei mbeng kòke anje koje ngonn tɔ. Titeke bè á, dé malang dé taa dinye nè nga d'ade nan gute-gute nal koje'n ngonn.

32Loo tɔl tà'n baa, dinye nè nga géa wei tɔ.

33I njèndó dooge nyan, jè deji le kade ede jè ndàt, loo ke dooge à undei loo teei dann njé ke koo't nga, ké nan á è ngaw dinye nè ke get wa? Tede dé ji sejimute mbak dé taa'n ke dinye le de.

34Jésu tel ile de dè't ede nè: – Dingemge se dinyege taai nan éké d'ade taai nan loo ke ndii kumgajer bai.

35Nè dooge ke d'an de asikum kundei loo teei dann njé ke koo't kawi loo ndikumgajer't sár se non ndo ke rang nga, d'a taa nan lé.

36Yo asekum bar ri de gugu lé ta tede à tooi asinan se dooge ke danrán bè. Loo ke ei undei loo teei dann njé ke koo't bá baa, ei nganngé le Nube kuwe.

³⁷Tà ke ɔje dè kunde-loo-tee le dooge dann njé ke koo't nga, ndɔ ke Moise ɔr gir kété loo ke è an'n por dè ngonnn kage ngarr't. Gir'n ke nè á è bar'n «Kuwe-bee Nube le Abraham se Isaac se Jacob.»

³⁸Nube nga è Nube le njé ke weii lé, nè è Nube le njé ke ndii kumgajer tede Abraham se Isaac se Jacob, ei mbak ei dooge ke ndii kumgajer tàkum Nube't.

³⁹Njé ke nange ei njékɔrgir gute-nduge unni tà tami edi nè: – Njèndó dooge nyan, i ger kile de dè't maje ngain.

⁴⁰Unn gir kêm ndɔn't nè nga, doo karé géa ndige le tel deje Jésu tà gugu lé ta.

Jésu ndó de titeke Messie è Kuwe-bee le ngar David

(An-in Matt 22.41-46; Marc 12.35-37 ɔ)

⁴¹Jésu deje de ede nè: – Ké bain á dé tam d'ede nè: Messie nga è ngonnkà ngar David wa?

⁴²E ngar David géa tam kêm Magtub pa't ede nè: «Kuwe-bee Nube ede Kuwe-bee le'm ede nè: I ndi dè jikonm't.

⁴³Kêm ndɔn't nè nga, m'a tel njébanje lei ke nyan-sure-nja kum lei.»

⁴⁴Ngar David géa bar Messie ke Kuwe-bee le'n. A baa ké Kuwe-bee le ngar David asekum tel k'ee ngonnkà'n titeke bain tabai wa?

I ndaji nyanra le njékɔrgir gute-nduge lé

⁴⁵Kosdoo-bulege malang ndii uri mbi de tchên ooi tà le Jésu baa, è ede njékuwe-girnge tàkum de't malang ede nè:

⁴⁶– Kêm si dè ra si't nè a kin-in ndaji nyanra le njékɔrgir gute-nduge. Dé nga, dé tule kubuge ke bòi yul-yul ringe'n á è ranel le de a, dé ndige kade dooge neri de ndá-loo kaskoge't a ɔ. Dé ndige ndi kété non dooge't kêm kei kebe nan't a, loo ke dé bar de loo ra nan't géa, dé reen dè loo ke kété non dooge't a ɔ.

⁴⁷Nè kél karé dé njétoso kêm kei le njékei-kingege koto nyange le de ndát-ndát a ɔ. D'ɔje tà se Nube d'ade kur de heb ɗak le taa'n kum dooge. Dé nè nga tà ke d'a gang dè de't ndɔ gangtà't nga à dum dè le dooge ke rang malang.

Luc 21

Njèkei-kinge ke njèndoo ade nyan dum bawge

(An-in Marc 12.41-44 ɔ)

¹Jésu an bawge sêw-sêw loo ke reei se nyan-nojege le de umi kêm sandu-nar't se gonan-gonan.

²Go't gugu è an njèkei-kinge ke njèndoo karé ree se sisi joo um kêm sandu-nar't nè ɔ.

³Jésu ede de ede nè: – Man m’ede sei ndàt, njèkei-kinge ke njèndoo nè ade nyan dum dè le njé ke rang malang.

⁴Tede njé ke rang malang nga, è tà-nyange ke al dè ji de á d’unn d’ade. Nè njèkei-kinge ke njèndoo nè nga, è nyan ke oje dè ngonm ra’n kuwe á è unn bere mbak ade non.

Jésu ede de tà le kei le Nube ke à tuju

(An-in Matt 24.1-2; Marc 13.3-13 to)

⁵Loo ke njé ke nange tami tà oji dè kei le Nube ke d’unde se herge ke mbirin-mbin a, se nyange ke d’unde se ninn’n d’ade Nube nga baa, Jésus ede de ede nè:

⁶– E ke nè á è nyange ke sei oréi kum si dè’t d’arinè. Nè ndo karé ke rang herge ke mbirin-mbin ke se an-in nè nga, d’ade jorè de nang bɔrɔr-bɔrɔr. Karé bè ke à nain dè made’t goto.

Nyange ke à teei kété bita dè nang nè à tuju bai

(An-in Matt 24.3-14; Marc 13.3-13 to)

⁷Dé tel dé deje’n d’ede nè: – Njèndó dooge nyan, ké nyange nè nga à teei ndo ke ra’t wa? Ké ri á à toje jè ndo tee le nyange nè nga wa?

⁸Nè Jésus ede de ede nè: – Undei kumkunju dè ra si’t le kade dé sú kum si lé. Tede dooge bule à unni ri’m tam’n kedi nè: «E man nga kuwe á m’ee Krist.» «Ndo nain ngɔr.» I ndolèi go de lé.

⁹Loo ke sei a kooi tà rɔ ke dooge à rɔi nan a, kin ke dooge à in-in se nan a to nga, adi ndil si tee an-in soïn-soïn lé. Gar-gar nyange nè nga à teei kété bita, nè ke loon’t nè kuwe à è ngei ndo kade dè nang nè tuju’n bere mbak lé bai.

¹⁰Go’t gugu, Jésus tel ede de ede nè: – Girkoje dooge ke karé à in-in se girkoje dooge ke rang a, ngar ke kêm beekon ke karé à in se ngar made’n ke kêm beekon ke rang’t a to.

¹¹Nang à yei buk-buk se looge ke nange gai-gai a, bo-bò se yo-kos à osoi se loo-loo a, nyange ke tooi bel ngain ke doo an ndo karé lé à undei loo teei kade danran’t a to.

¹²Nè kété bita kade nyange nè teei bai nga, d’a tuwe sei a, d’a ra kum si ndoo a, d’a d’ule sei ji ngar dè kei kebe nan a, d’ade buku sei dangai’t a, d’ade kali sei kaw se si non ngar-beege’t se non njékonbeege’t a to. D’a ra se si nyange nè nga titeke bè tede’m man.

¹³Loo ke ndon’t nyange nè malang à teei dè si’t titeke bè baa, è ndo ke kanm kade ori go tà le’m man. Loo ke d’a kali sei kaw se si non ngar-beege’t, se non njékonbeege’t baa,

¹⁴adi kêm si tò kekek dè tà ke sei uwei dè nja kété dè bengre si’t le taa’n dè si nga lé.

¹⁵Tede tà kumkunju ke m'a m'ule tà si't nga, doo karé bè géa dann njébangé't le si asekum naje sei tà't éké kile sei dè tà't ndan lé.

¹⁶Njékoje sige se ngakon sige se njénojege le si se madesige géa à ulei sei ji njékonbeegé't. D'a d'ade d'a tɔl njé ke nange dann si't a tɔ.

¹⁷Dooge malang à ɔri sei njét tede ri'm man ke m'ee Ngonn doo nga.

¹⁸Nè ke nè á Nube ndige lé baa, bin dè si karé luk-luk géa à ɔr koso kɔke lé.

¹⁹Takul korè tà njak le si á d'a kaje'n nganrankum ra si.

Jésu ede de tà ke ɔje dè tuju le bee-bò ke Jérusalem

(An-in Matt 24.15-21; Marc 13.14-19 tɔ)

²⁰Loo ke sei à kan-in njérɔge ke beekon ke rang à gan-in dè bee-bò ke Jérusalem wàk baa, è tà le kade i geri maje titeke nain ngɔr baa, bee-bò nè nga à tel k'ee ndube kerɔte.

²¹Kêm ndɔn't nè nga, maje kade dooge ke ndii kêm beekon ke Judée an-in awi dè mbalge't sangi loo bɔyɔ ra lé. Maje kade dooge ke ndii kêm bee ke Jérusalem undei loo teei awi kɔke a, njé ke ndii kêm ndɔrge walé nga, maje kade teli reei kêm bee't lé a tɔ.

²²Kêm ndɔn't nè nga, Nube à gangtà dè kosdooge't le'n tede kade tà ke dé ndang kêm magtub't kété mari aw'n loon't deɛ.

²³Habi! à è kumndoo ngain tede le dinye ke njéndann ngannge se njé ke ngannge à ili mba kàde de't bai kêm ndɔnge't nè nga. Tede nyankêmkon ke bò à ra dooge ke kêm bee't nè a, Nube à gangtà dè kosdooge ke kêm beekon't nè a tɔ.

²⁴D'a tɔl njé ke nange se kuye kaskar a, d'ade tuwe njé karége kaw se de ber se looge gai-gai dann girkoje doogé't malang. Girkoje dooge gai-gai à tubei bee-bò ke Jérusalem nang mbajer-mbajer sár kade ndɔ konbee le de ase'n deɛ.

Ndɔ tel ree le Ngonn doo

²⁵Nyange ke tooi bel ngain ke doo an ndɔ karé lé bai à undei loo teei kum kàde't a, kum nan't a tɔ. Dooge malang ke dè nang nè bel à unde de ndàt gang de kade tà ige de sêl. D'a d'an nyan karé ke kum ra lé tede mann ba-bò ke ule ade kɔr'n tal bungus-bungus a, tede ká'n ke bar ngain a tɔ.

²⁶Loo ke dooge à giri dè nyange ke à reei dè nang nè bere mbak baa, bel à tɔl de singling tede tɔgmong le nyange ke danrán à yei buk-buk.

²⁷D'a d'an'm man Ngonn doo loo tel ree't le'm dann bum't se tɔgmong a, se ndubra a tɔ.

²⁸Loo ke nyange nè à undei loo teei baa, i ndii dè nja si't a, ɔri dè si dɔ a tɔ, tede Nube à taa dè si ngɔr ta.

Jésu unn tà le kage koté ɔje'n dè Konbee le Nube ke nain ngɔr

(An-in Matt 24.32-35; Marc 13.28-31 to)

²⁹Go't gugu Jésu unn tà karé tam ede nè: – An-in! kage koté se gute kagege ke rang malang.

³⁰Loo ke sei an-in mbi de unn gir kite lurr baa, sei geri kêm si't mbak titeke nganunge nain ngor.

³¹Loo ke sei a an-in nyange nè à undei loo teei kété titeke bè baa, gar-gar sei a geri titeke Konbee le Nube nain ngor ta.

³²Man m'ede sei ndàt, nyange nè malang à undei loo teei kété bita girkoje le dooge ke ndii dè nang nè ðarinè à gang ðás bai.

³³Danran se nang à udi se nel'n karè, nè tàge le'm à udi ndan lé.

Jésu ndeje dooge kade ndii kum oje dè ndo tel le'n

³⁴Undei kumkunju dè ra si't nè bainléa nyankuse éké nyankain ke ate se nyange gai-gai ke adi kêm dooge olé bot-bot à kadi bengre si woi darr, le kade ndo tel ree le'm man ke m'ee Ngonn doo nga ube sei nang bus lé.

³⁵Ndo nè nga à tò tite gum ke an-in dè dooge malang ke ndii dè nang nè bere mbak king-king.

³⁶I ndii dè nja si't kekek. Oji tà se Nube do-do titeke bè á a ingei tog si le dum'n dè nyange ke à teei a, le kade i ndai garang non'm man ke m'ee Ngonn doo nga a to.

Jésu ndó dooge nyan ke kété-kété kêm kei le Nube

³⁷Jésu ndó dooge nyan se ndoge malang kêm kei le Nube. Nè loo ke ndo il bá baa, è unde loo tee aw tò dè mbal ke kage olivierge ndai tutu.

³⁸Loo ke loo ar yerer bá baa, kosdooge malang reei som-som rann't le koo tà le'n.

Luc 22

Judas oje njáng le kule Jésu ji njékor non Juipge't

(An-in Matt 26.1-5; Marc 14.1-2; Jean 11.45-53 to)

¹Ndo ra nan ke anje pululu ke dé bar'n Paque nain ngor.

²Maw njékuje nyan-mesege se njékor gir gute-nduge sangi gos ke le tol'n Jésu, nè dé bel kum kosdooge.

³Njè sú dooge ur kêm Judas't ke ri toy'n nè Iskariot. Judas nga è è ke karé dann njé ke dog-gidé-joo't.

⁴E aw inge maw njékuje nyan-mesege se maw le njéorge ke ngonmi tà kei le Nube oje se de tà dè gos ke ayé ra le kule'n Jésu ji de't.

⁵Dé ra ranel ngain tabai d'unn ndu de le kade Judas nar ndêin.

⁶Judas ndige se de dè't. E unn gir sang loo ke kanm le kule'n Jésus ji de't mundu anje kade doobulege geri.

Jésu ule njékuwe-girnge joo le kade uwei dè nja nyan ra nan Paque

(An-in Matt 26.17-25; Marc 14.12-21; Jean 13.21-30 to)

⁷Ndo tɔl nyankulge ra'n Paque ke anje pululu ase bá ta.

⁸Jésu ɔr Pierre se Jean ule de ede nè: – Ɔti awi uwei dè nja nyan ra nan Paque le kade j'usei.

⁹Dé tel deje'n d'ede nè: – Ké loo ke ra i ndige le kade j'uwe dè nja nyan ra nan nè nga tutu wa?

¹⁰Jésu tel ede de ede nè: – An-in! loo ke sei a kuri kê m bee-bò't nga, a ingei dingem karé ke oto ku mann dènn't. Kê m kei ke à aw tutu nga ɔri dè njà'n têt-têt awi se'n.

¹¹Tabai edi kuwe-kei edi nè: «Kuwe-bee le jé ule jè le kade jè deji ké kê m kei ke ra nè se jé jè njékuwe-girnge j'à j'use nyan ra nan Paque nga tutu wa?»

¹²Doo nè nga à tɔje sei kei ke bòi ke dè made't do. D'uwe dè nja nyan malang tutu bá. E kê m kei nè á sei a kuwei dè nyan ra nan Paque.

¹³Loo ke d'ɔte d'aw baa, d'inge nyange nè nga se loo'n-loo'n titeke Jésus ede'n de kété nga to. Dé d'uwe dè nja nyan ra nan Paque.

Jésu unde gir mur le Kuwe-bee

(An-in Matt 26.26-30; Marc 14.22-26; 1 Cor 11.23-25 to)

¹⁴Loo ke kàde ase bá baa, Jésus se njékawkulege unni gir kuse nyan.

¹⁵E ede de ede nè: – M'ndinge ra'm ngain le kade j'usei nyan nan Paque nè nan't kété bita kade nyantosowur ra'm bai.

¹⁶Man m'ede sei ndàt, m'a tel kuse se si nyan ra nan Paque nè nga gugu ndan lé sár kade maje'n ɔr'n njêt kê m Konbee't le Nube.

¹⁷Loo ke Jésus taa nyankain mann-nduu nè nga bá baa, è ra Nube oiyo kété bita è tam ede nè: – I taai umi pèrm-pèrm adi nan gute.

¹⁸Man m'ede sei ndàt, unn gir'n ɗarinè m'a kain mann-nduu nè nga gugu ndan lé ta sár kade Nube unde'n gir Konbee le'n.

¹⁹Loo ke è unn mapa nè bá baa, è ra Nube oiyo kété bita uwe tête danné ade de ede nè: – Mapa nè nga è danra'm ke m'a m'inye kade tede le si. I têt nan usei adi kê m si olé'n dèm't.

²⁰Go't gugu è taa nyankain mann-nduu nè nga ade de titeke è ra'n se mapa ede nè: – Mann-nduu nè nga è mann-ra ke kige ke Nube mann'n ra'n takul mese'm ke d'a d'ade à an-in nang tede le si.

- 21**Nè an-in! è ke njèkule'm ji de't nga ndi se'm nan't tà nyankuse't nè.
- 22**Loo naje'n goto, man ke m'ee Ngonn doo nga, m'a m'ote kaw se maje'n se go rebe nyan ke d'oje'n dè'm. Nè doo ke njèkule'm ji de't nga à an bai!
- 23**Njèkuwe-girnge unni gir deji nan tà dann de't kuwe edi nè: – Ké nan dann jéi't ayé ra nyan titeke bè wa?

Ké nan à è doo ke bò dum dè njèkuwe-gir-Jésuge wa?

- 24**Tà naje ke oje dè doo ke d'a d'an'n ke doo ke bò dum dè njèkuwe-gir-Jésuge oso tip dann de ei't kuwe.
- 25**Jésu ede de ede nè: – Girkoje dooge gai-gai ke dè nang nè, ngar-beege le de on-in de njanm-njanm a, njékan dè dege adi dé bar de njéra majege a tɔ.
- 26**Maje kade sei i rai titeke bè dann si't lé. Nè è ke è doo ke bò dum dè madenngé nga, maje kade tel ra'n ke ngonn gir si. E ke è njékɔr non madenngé nga, maje kade tel ra'n ke ngonn njèndi le si a tɔ.
- 27**Bainléa dooge ei joo. E ke karé ndi tà table kuse-nyan't a, è ke karé è njèkunn nyankuse ree'n a tɔ. Ké nan è doo ke bò dum made'n dann de ei ke joo nè nga wa? Ké è doo ke ndi tà table kuse-nyan't nè lé wa? Man géa m'ndi dann si't asenan se ngonn njèndi bè.
- 28**Nè sei nga, ulei ra si ndibe se'm nan't dann nyange ke nanm't.
- 29**Gir'n ke nè á m'uwe'n dè nja Konbee m'oje'n dè si titeke Bɔ'm uwe'n dè nja Konbee oje'n dè'm man nga tɔ.
- 30**Titeke bè á sei a usei a, a an-in nyan a tɔ dè table't kêm Konbee't le'm. Sei a ndii dè kutu-ngar't le gangi tà dè girka kosdooge ke dɔg-gidé-joo ke ei girkoje le Israel.

Jésu ede Pierre ede nè: a i naje se rai dèm't

(An-in Matt 26.31-35; Marc 14.27-31; Jean 13.36-38 tɔ)

- 31**Go't gugu Jésus bar Pierre ede'n ede nè: – Simon, Simon, an! Nube inye loo ade Njè sú dooge le kade yei sei titeke dé yeii'n ko le kɔr'n yinge-dè'n gai bè.
- 32**Nè man m'oje tà se Nube le kade kundekêm tchên lei tel wei soin lé. I nga, loo ke a kɔse wan tel ke ram't baa, ule dingem kêm ngakoinge't.
- 33**Pierre tel ede Jésus ede nè: – Kuwe-bee, m'uwe dè nja ra'm le kaw sei nan't dangai't éké le kwei sei nan't a tɔ.
- 34**Jésu ede Pierre ede nè: – Pierre, man m'edi ndàt, bila dann ndɔɔ nè kuwe kété bita kade kuren kunje non kɔkerɔ kon baa, a i naje se rai dèm't ase nja mute kede nè i ger'm lé.

Jésu ede njèkuwe-girnge kade ndii dè nja de't

35Jésu tel deje njékuwe-girnge ede nè: – Ké loo ke ndo ke m'ule sei anje kunn mbu-nar éké mbu-konyan éké awi anje tule gabang nja si't nga, ké nyan ri á nal sei wa? Dé tel d'ile'n dè't d'ede nè: – Nyan karé géa nal jè lé.

36Jésu ede de ede nè: – Nè d'arinè baa, nanan ke aw se mbu-nar éké mbu-konyan le'n baa, maje kade unn jinn't a, nanan ke aw se kuye kaskar lé baa, maje kade ige kubu le'n ke bòi yul inye nar'n ndogo'n kuye kaskar karé pa bita.

37Man m'ede sei ndàt, tà nè ke dé ndang kêm Magtub't d'oje'n dè'm d'ede nè: «Dé tute'n nan't se njékaltà tà gute-ndu't» nga, gar-gar à aw loon't deŷ.

38Njékuwe-gir-Jésuge teli edii edi nè: – Kuwe-bee, kuye kaskar joo tò ji jé't laa. E tel ede nè: – E kuwe ase bè.

Jésu oje tà se Nube dè mbal ke kage-olivierge ndai tutu

(An-in Matt 26.36-46; Marc 14.32-42 to)

39Go't gugu Jésu unde loo tee aw dè mbal't ke kage olivierge ndai tutu titeke è ra'n kété-kété. Njékuwe-girnge ndolèi goo'n.

40Loo ke Jésu aw tee dè mbal't bá baa, è ede njékuwe-girnge ede nè: – Oji tà se Nube do-do le kade osoi dann nyan sú't lé.

41Go't gugu, è or ra'n aw heb dèk. E ose keje'n nang oje tà se Nube ade koo'n tò mbor dum è ke kété ede nè:

42– Bò'm, ke nè á i ndige baa, ute nyankêmkon nè dèm't kòke ke rang. Nè né è bè géa, i ra nyan ke kêm'm man ndige lé, nè nyan ke kêm'i á ndige.

[**43**Ke loon't nè kuwe doo ke danrán tee hoi ke rann't ule dingem kêm'n't.

44Kàde Jésu gete get-get ade oje tà se Nube dum dè tà ke è oje se'n kété-kété. Tete unn gir ndeen rann't dèin-dèin tite mese ke ndeen nang bè.]

45Loo ke è oje tà se Nube gir gang bá baa, è ose nang in ree ra njékuwe-girnge't baa kumndoo tol de singling se bi.

46E deje de ede nè: – Ké bain á i tooi bi titeke bè wa? Osi nang in-in do oji tà se Nube kade osoi dann nyan sú't lé.

D'uwe Jésu

(An-in Matt 26.47-56; Marc 14.43-50; Jean 18.3-11 to)

47Loo ke tà nè nain tà Jésu't bai baa, an! dooge ori nan mbuu teei pan ke rann't. Nè njékuwe-gir-Jésu karé dann njé ke dog-gidé-joo't ke ri'n nè Judas or non de. E ree ngor ke ra Jésu't le kuwe'n kàdenn't sêm ra'n lapyá.

48Nè Jésu deje Judas ede nè: – Judas, ké man ke m'ee Ngonn doo nga ké uwe'm kadi't sêm i ra'm lapyá tá le kule'm ji njébang'e't le'm wa?

49Loo ke njé ke le Jésu an-in nyan ke ayé tee nga baa, ei dejii edi nè: – Kuwe-bee, ké i ndige le kade jè ra de se kuye kaskar j'ade d'an-in nan wa?

50 Ke loon't nè kuwe è ke karé dann de't tuge mbi ngonn njèndi ke dingem le maw njékuje nyan-mese ke dè jikon yap.

51 Nè Jésus ede de ede nè: – Adi ase bè. E ɔde mbi dingem nè nga ade tel tò karè ndát-ndát.

52 Go't gugu è deje maw njékuje nyan-mesege se maw njé ngonm tà kei le Nube, se dooge ke kum de unju ke ɔri nan mbuu reei nga, è ede de ede nè: – Ké bain á sei reei mbuu se kuye kaskarge se dúgur kagege ji si't kél-kél titeke man ngar le njékɔse tà se njèkonbeege bè wa?

53 M'ee nan't se si se ndɔ'm-ndɔ'm kêm kei le Nube nè sei ulei ji si lêm ɔdii man ndɔ karé lé. Nè darinè è kàde'n le si a, è kàde'n le njèkonbee tilkus't a tɔ.

Pierre tam njáng ede nè n'ger Jésus lé

(An-in Matt 26.57-58,68-75; Marc 14.53-54,66-72; Jean 18.12-18,25-27 tɔ)

54 D'uwe Jésus d'aw se'n kêm kei le maw njékuje nyan-mesege. Pierre ndolè goo'n nè ade dann de heb dêk ndêin.

55 Dé ra por ndá tà-ɓee't dé ndii'n dè nan't girm. Pierre aw ndi dann de't jêke^.

56 Loo ke Pierre ndi nang tà por't nga ɓaa, ngonn njèndi ke dinye karé an'n ke dɔ a ke nang a ɓaa, è ede nè: – Dingem nè nga géa ndɔ ke è sée nan't tɔ.

57 Nè Pierre naje ede nè: – Dinye, man m'geré lé.

58 Mbɔr go't gugu dingem karé tête kum'n an Pierre ɓaa, è tam se'n ede nè: – I géa i dann de't tɔ. Nè Pierre ile'n dè't ede nè: – Dingem, man m'ee dann de't lé.

59 Ase kàde karé gugu ɓai ɓaa, dingem karé ke rang tam njáng ede nè: – Loo naje'n goto, doo ke nè nga ndɔ ke è sée nan't tɔ tede è doo ke Galilée.

60 Nè Pierre ile'n dè't ede nè: – Dingem, tà ke i tam nga, m'ger gir lé. Loo ke tà nain tànn't ɓai ɓaa, kuren kunje non kɔkerɔ kon.

61 Kuwe-ɓee tel mer Pierre an'n gerer. Kêm Pierre olé dè tà ke ndɔ ke Jésus ede'n: «Bila kuwe a i tam njáng kede nè i ger'm lé ase nja mute ɓita kuren kunje à non kɔkerɔ kon ɓai.»

62 Pierre unde loo tee nata non ɓɔkl-ɓɔkl.

Njérɔge taji Jésus a, tundeii nin a tɔ

(An-in Matt 26.67-68; Marc 14.65 tɔ)

63 Dooge ke uwei Jésus ngonmii nga telii ke kurkogo le de a, tundeii a tɔ.

64 Dé tɔ kum'n se tà kubu ɓaa dé deje'n d'ede nè: – Ede jè ké nan undeii wa?

65 Tabai d'unngir taje'n nduge ke rang gai-gai a tɔ.

Juipge gangi tà dè Jésus't

(An-in Matt 26.59-66; Marc 14.55-64; Jean 18.19-24 tɔ)

⁶⁶Loo ke loo ar yerer bá baa, dooge ke kum de unju dann Juipge se maw njékuje nyan-mesege se njékɔrgir gute-nduge ɔsi nja nan nam-nam. Ei adi dé ree se Jésu non de't loo gangtà't.

⁶⁷Dé deje'n d'ede nè: – Ede jè, ké i á i Krist ke Nube ule'n nga wa? Jésu tel ile de de't ede nè: – Ke nè á m'ede sei m'ede nè: man Krist nga géa a umi kê m si de tàge't le'm ndan lé.

⁶⁸Ke nè á m'deje sei tà karé bè baa, a ilei man de't lé karé.

⁶⁹Nè unn gir ɗarinè man Ngonn doo m'a m'ndi de jikon Nube't ke njètɔgmong le konbee se'n.

⁷⁰Dé malang dé tel deje'n d'ede nè: – A baa, ké i nga i Ngonn le Nube wa? E ile de de't ede nè: – I tami è kum, man Ngonn'n kuwe.

⁷¹E á dé tel d'ede nan d'ede nè: – Ké tà ri á j'awi ndoo kade d'ɔr go d'ade jéi bai wa? Tede jéi kuwe j'ooi tà ke tee tàyé't nga se mbi jéi bá ta.

Luc 23

D'aw se Jésu non ngar Pilate't

(An-in Matt 27.1-2,11-14; Marc 15.1-5; Jean 18.28-38 tɔ)

¹Go't gugu baa dé malang ke d'ɔse nja nan nam-nam nè nga, d'ɔse nang d'in se Jésu d'aw se'n non ngar Pilate't.

²Ke loon't nè kuwe d'unn gir tête tà kunde tànn't d'ede nè: – Doo nè nga j'inge'n de ndi ke è ndi tur kum kosdooge le jé. E ede de le kade d'ɔge tir ngar César. Tabai è ede nè: nè kuwe karé bere n'ee Krist ngar ke Nube ule se'n ade jéi.

³Pilate deje Jésu ede nè: – Ké i á i ngar le Juipge wa? Jésu tel ile'n de't ede nè: – E kuwe tò tàit non.

⁴Ngar Pilate ede maw njékuje nyan-mesege se dooge ke kebi nan ede nè: – Doo nè nga man m'an tà karé bè ke uwe de'n lé.

⁵Nè dé tel d'uwe tà de mong d'ede nè: – E sule kosdooge se go rebe nyan-ndóge le'n. E unn gir ndó dooge nyan kê m beekon ke Judée bere mbak unde'n beekon ke Galilée ndàt gang sár tee'n nè ɗarinè tɔ ta.

⁶Loo ke Pilate oo tà ke dé tam dé bar'n ri Galilée baa, è deje de ede nè: – Ké doo nè nga è doo ke beekon ke Galilée wa?

⁷Loo ke d'ede Pilate d'ade ger maje titeke Jésu è doo ke kê m beekon le ngar Hérode Antipas baa, è unn ndu'n ade d'aw se'n rann't. Kê m ndɔn't nè ngar Hérode kuwe géa ree ndi kê m bee-bò ke Jérusalem.

D'aw se Jésu non ngar Hérode Antipas't

⁸Loo ke Hérode Antipas an Jésus baa, ra'n nel'n ngain. E ndige le kan Jésus mari-mari tede ndo ke oo tãge ke dé tam d'oje'n dè'n. E oje kêm'n tchên tede kade Jésus ra nyankobe karé ade an.

⁹Hérode deje Jésus tà ase tà't nè è ile'n dè tà karé't lé.

¹⁰Maw njékuje nyan-mesege se njékõrgir gute-nduge ke ndai loon't nga in-in se tà de jik-jik têtì tà undei tà Jésus't.

¹¹Hérode se kos njérõge le'n t'ulei mbe dè Jésus't a, ilei rasol dènn't a to. Tabai Hérode ade d'ule kubu ke ndolé kein-kein rann't baa tel ule se'n gugu ade'n Pilate.

¹²Hérode se Pilate nga kété ei njébange le nan. Nè kêm ndon't nga ei teli ei made nange.

Pilate ule Jésus ji de't kade dé tãl'n

(An-in Matt 27.15-26; Marc 15.6-15; Jean 18.39–19.16 to)

¹³Pilate bar maw njékuje nyan-mesege se njékõr non dooge a, se kosdooge a to, oje nja de nan't.

¹⁴Go't gugu è ede de ede nè: – Sei reei se doo nè ram't, i tami edi nè è njètur kum kosdooge. M'deje'n tà non si't malang nè m'an tà karé bè ke uwe dè'n oje dè nyange ke sei ilei tà dènn't nga lé.

¹⁵Hérode kuwe géa an tà karé ke uwe dè'n lé to, gir'n ke nè á è tel ule'n se'n ra jéi't gugu. An-in! doo nè nga ra nyan karé bè ke ase yo'n lé.

¹⁶Bè baa, m'a m'ade d'oje'n kumkunju se ndêin bita m'a m'ade d'inye'n do bai.

[¹⁷Se bal karé-karé Pilate ade d'õr dangai karé d'inye'n do d'ade dooge loo ke raii nan ke ri'n nè Paque.]

¹⁸Dé malang dé ra nyan wuu d'ede nè: – Nè n'ee baa, ade kumé udu, Barabbas tá inye'n do ade jè.

¹⁹Barabbas nè nga d'uwe'n d'ile'n dangai't tede è njè sule dooge ade tà oso'n kêm bee't. Tabai loo ke tà oso kêm bee't nga, è tãl doo a to.

²⁰Pilate tel deje de tà bai tede ndige kinye Jésus do.

²¹Nè dé tel dé ra nyan wuu d'ede nè: – I beré kàde kage-ke-dese't ke ber kuwe bè.

²²Pilate deje de ke njèkon't mute ede nè: – Ké ri á è majelé ke doo nè ra wa? Man m'an nyan karé ke ase kade inge'n yo weii'n lé. M'a m'ade d'a d'oje'n kumkunju se ndêin bita m'a m'ade d'inye'n do bai.

²³Nè d'uwe tà de mong le kade dé ber'n kade kage-ke-dese't ke ber kuwe. Dé ra nyan wuu dé tète'n Pilate mbõrõk d'ade inye loo ade de.

²⁴Loo tãl tà'n baa, Pilate oje njáng le gangtà se go deje ke dé deje'n.

²⁵Pilate inye Barabbas doo ade de titeke dé deje'n. Barabbas nga è doo ke ndo ke sule dooge ade tà oso'n kêm bee't a, è tol doo a to. Gir'n ke nè á d'uwe'n dangai't. Nè è ule Jésus ji de't le kade dé ra se'n nyan ke kêm de ndige.

D'aw se Jésus loo tol'n't

(An-in Matt 27.32-44; Marc 15.21-32; Jean 19.17-27 to)

²⁶Loo ke d'a d'aw se Jésus gide bee't nata le tol'n baa, d'inge dingem karé ke in ndoro à ree ke béee rebe deŷ. D'uwe'n mêtch d'unde tog denn't d'ade oto kage-ke-dese njiye'n go Jésus't. Dingem nè nga ri'n nè Simon bee koje'n è Cyrène.

²⁷Dooge ngain dann kosdooge ke Jérusalem ndolèi go Jésus. Dinyege bule dann de't undei kàde de dai-dai se non jik-jik tede Jésus.

²⁸Nè Jésus tel mer de, ede de ede nè: – Mande beege ke Jérusalem, i noin tede le'm man lé. Nè è soo't kade i noin tede le si sei se ngann sige.

²⁹An-in! kêm ndoge ke à ree, d'a tam kede nè: «Dinyege ke asikum koji ngonn lé, se njé ke oji ngonn nja karé lé a, se njé ke nganngé ili mba kàde de't njêb lé a to nga, ra de à nel de.»

³⁰Kêm ndon't nè nga dooge à unni gir kedi mbalge kedi nè: «I bungei osoi dè jé't», à kedi dinger looge kedi nè: «I joréi uti dè jé.»

³¹Ke nè á dé ra nyange nè titeke bè se'm man kage ke tebe, à baa sei ke i tooi asinan se kage ke tutu nga, ké le si à tò titeke bain wa?

Njérøge beri Jésus kàde kage-ke-dese't

³²Dé ree se njé ra majelége ke rang joo le ber de kàde kage-ke-dese't se Jésus nan't.

³³Loo ke njérøge reei teei se Jésus loo karé bè ke dé bar'n «Ngó-non-doo» nè nga baa, dé ber'n tutu. Njé ra nyan majelége ke joo nè géa dé ber de se'n nan't, è ke karé dè jikonn't a, è ke karé dè jigeln't a to.

³⁴Nè Jésus tam ede nè: – Bò'm i tin kèmi mbit dè de't, tede nyan ke dé ra nga kum de gang dè't lé. Dé tur jala dè kubuge le'n ke rann't bita dé kai nan bai.

³⁵Kosdooge ke ndai loon't nè nga an-in nin sikm. Njékør non Juipge géa teli Jésus ke kurkogo le de edi nè: – E aje njé ke rang. Ke nè á è Krist ke Nube or'n unde'n se ninn'n kerøte baa, maje kade taa ra'n è kuwe tà yo't.

³⁶Njérøge géa teli Jésus ke kurkogo le de to. Ei reei ngør ke rann't undei mann-nduu ke mase tànn't.

³⁷Tabai ei tami se'n edi nè: – Ke nè á i ngar le juipge kerøte baa, i taa rai i kuwe tà yo't ade j'an.

³⁸Tabai ei ndangi tà nè tà kage-ke-dese't denn't doo edi nè: – E nè nga è ngar le Juipge.

³⁹Njé ra majelége joo ke dé ber de se'n nan't nga, è ke karé tule mbe denn't to ede nè: – Ké i i Krist ke Nube ule'n nga lé bai wa? I taa rai i kuwe tà yo't baa, i taa jè tà yo't sei to.

⁴⁰Nè njè ke karé ke rang in se'n dè't ede nè: – Ké Nube géa i ile koje denn't lé wa? Tà ke karé ke dé gang denn't nga kuwe è lei to.

⁴¹Jè sei baa tà ke dé gang dè jé't nga è kum kuwe. Tede è kure nyan ra jé á ode kum jé. Nè è nè nga, ra nyan karé bè ke majelé lé.

⁴²E ke njè kin se made'n nga tel tur tà'n ede Jésus ede nè: – Kuwe-bee, ade kêmi olé dèm't loo ke ndon't a i tel ree kon bee dè dooge't.

⁴³Jésu tel ilé dè't ede nè: – Kerote kuwe, man m'edi ndàt, bila kuwe a i ndi se'm nan't Loo ke Maje't.

Tà Jésus tête nyonk

(An-in Matt 27.45-56; Marc 15.33-41; Jean 19.28-30 to)

⁴⁴Kàde nda dann bee bop. Loo tel tuge ndul bigm dè nang nè bere mbak ade kàde tel'n ra'n se mbor sár kàde ke mute ke tà loo sol't ase'n.

⁴⁵Tilkus utu kum kàde. Tà kubu ke bòi ke dé gang'n gir kêmi kei le Nube ke tò se ninn'n ribe danné banjang oso nang.

⁴⁶Jésu ra nyan beng ede nè: – Bò'm, m'inye ndil'm kêmi jii't. Loo ke è tam tà nè nga bè baa, tà'n tête nyonk.

⁴⁷Loo ke kuwe njérage ke njèkunn dè de an nyange ke teei nè bè baa, è ule ndubra dè Nube't ede nè: – Loo naje'n goto, doo nè nga è doo ke danné sêw kuwe.

⁴⁸Loo ke doobulege reei som-som an-in nyange ke teei nga bè baa, ei teli undei kàde de dai-dai ke béee.

⁴⁹Nè dooge malang ke geri Jésus maje se dinyege ke unni gir dannii beekon ke Galilée nú ndai heb an-in nyange ke desi nè nga.

Joseph ke bee le'n è Arimathée dubu ninn Jésus

(An-in Matt 27.57-61; Marc 15.42-47; Jean 19.38-42 to)

⁵⁰Dingem karé bè ndi tutu, ri'n nè Joseph, bee koje'n è Arimathée beekon ke Judée. Dingem nè nga è balkum njégangtâge. E doo ke njèkêm-maje se njè ra nyan danné sêw a to.

⁵¹E ndige se madenngé dè nyan ke oji le rai nga lé a, è um nan't se de dè nyan ra de't lé a to. E ndi ngine Konbee le Nube tchên.

⁵²Joseph nè nga aw ra ngar Pilate't ede'n ede nè: – Kòkrò karè, ade'm m'or ninn Jésus m'aw m'dubu.

⁵³Go't gugu Joseph aw or ninn Jésu kàde kage-ke-dese't, è um'n ngire se tà kubu dubu ninn. E unn'n aw unde'n kêm bolè mbal ke dé son. Bolè mbal nè nga dé dubu ninn doo nja karé bè tutu ndan lé bai.

⁵⁴E ndo ke d'uwe dè nja nyange malang tede nain ngor baa kàde le ndo taa kebe à ase.

⁵⁵Dinyege ke in-in se Jésu beekon ke Galilée nú nga, ndolèi goo Joseph awi se'n le kan be-bade a, le kan ké à ile ninn Jésu tutu titeke bain wa a to.

⁵⁶Dinyege nè nga, go't gugu teli awi béee le de uwei dè nja wubuge ke ete sununn tede le ndum ninn Jésu nga. D'uwe ra de nang se ndo taa kebe titeke gute-ndu oje'n.

Luc 24

Jésu unde loo tee dann njé ke koo't (An-in Matt 28.1-10; Marc 16.1-8; Jean 20.1-10 to)

¹Ndo ke njè kutu go ndo taa kebe se ndogé bat, dinyege nè nga otoi wubuge ke ete sununn ji de't awi dè bada. Wubuge nè nga d'uwe dè nja kété.

²Dé d'an titeke doo ndubri kuberi mbal ke d'utu'n tà be-bade nga ile rang.

³D'ur d'aw kêm be-bade't nè d'inge ninn Kuwe-bee Jésu nga tutu lé.

⁴Dé tel dé nda giw baa, an! ke loon't nè kuwe doo ke danränge joo ke Nube ule de undei loo teei hoi ra de't se kubuge ke ndoin kein-kein.

⁵Bel unde dinyege nè ndat gang de ade ulei dè de nang. Doo ke danränge joo ke Nube ule de nga deji de edi nè: – I sangi njèndi kumgajer dann njé ke koo't lé.

⁶E goto loo ke nè't, nè è unde loo tee kòke. Adi kêm si olé dè tà ke ndo ke ede sei kété loo ke è nain'n se si Galilée bai.

⁷Ndo ke è ede sei kété ede nè: «Man ke m'ee Ngonn doo nga d'a d'ule'm ji dooge't. Njé ra majelége à beri man kàde kage-ke-dese't, nè ndo ke njèkon't mute baa m'a m'unde loo tee dann njé ke koo't.»

⁸Ke loon't nè kuwe kêm de olé dè tàge ke ndo ke Jésu ede de.

⁹Loo ke d'in dè bada dé ree baa, d'or ser nyange malang ke d'an d'ade njékuwe-gir-Jésuge ke dog-gidé-karé se gute dooge ke rang malang.

¹⁰Marie ke bee le'n è Magdala, se Jeanne se Marie kon Jacques, se dinyege ke rang ke awi se de ori ser nyange nè adi njékawkulege ooi.

¹¹Nè tàge nè tooi asinan se tà ni bè tàkum njékawkulege't ade umi kêm de dè't lé.

¹²Nè Pierre ose nang in se ngode aw dè bada. E duge nang ule kum'n nè an tà kubu dubu ninn á tò nang njok karè. E tel aw bee le'n. Kàde'n gete get-get dè nyan ke tee't nè nga.

Jésu inge njékuwe-girnge joo ke ndii à awi ke Emmaus

(An-in Marc 16.12-13 to)

- 13**An! kêm ndon't nè nga, njékuwe-gir-Jésuge joo dann madege't in-in bee ke Jérusalem à awi ke ngonn bee karé ke tò ase kurloo doḡ-gidé-joo. Ngonn bee nè nga ri'n nè Emmaus.
- 14**D'a d'oje nan tà dè nyange malang ke teei nè nga.
- 15**Loo ke d'a d'ode nan kaje nan tà se naje nan tà bai baa, Jésus aw ngor ke ra de't orè se de rebe nan't.
- 16**Dé tel dé ger'n lé tede nyan libe kum de.
- 17**Jésu de je de ede nè: – Ké tà ri á i njiyei oji nan do-do bè wa? Dé tel dé nda nang se kumkil kororo.
- 18**E ke karé ke ri'n nè Cléopas de je Jésus ede nè: – Ké i kuwe se kari bere á i tite mba ke ndi kêm bee ke Jérusalem anje ger nyange ke teei kêm ndoge't nè nga wa?
- 19**Jésu tel de je de ede nè: – Ké nyan rige á teei wa? Dé tel d'ile'n dè't d'ede nè: – E nyange ke oje dè Jésus ke Nazareth, ke è njéribè-dè-tà ke tà Nube't. Nube se kosdooge malang geri titeke è ra nyange a, tam tàge se toḡmong a to.
- 20**Nè maw njékuje nyan-mesege se njékor non jéige d'uwe'n d'ule'n ji Pilate't ade gangtà yo dènn't a, adi njérōge berii kàde kage-ke-dese't a to.
- 21**Kété j'unde kêm jé tchên ke dènn't titeke è kuwe à din kosdooge ke Israel. Nè bila è ndo ke njèkon't mute ke nyange nè malang teei.
- 22**Dinyege ke nange dann jé't teei se ndogé bat awi dè bada. Nè ei oji ninn Jésus ke Nazareth nga pat nali; dé tel dé ree se tàge ade tà ige jè sêl.
- 23**Tabai dinyege nè nga edi jè edi nè: n'ingei dooge ke danrán ke Nube ule de á edi de edi nè: Jésus ke Nazareth nga ndi kumgajer.
- 24**Njé ke nange dann jé't an-in hant awi dè bada ingei nyange malang tite kum ke dinyege tami kété nga. Nè Jésus baa, d'an'n lé.
- 25**E ede de ede nè: – Sei njé kêm to kaju tà lége tur se si ngain le ger gir tà ke njéribè-dè-tàge ke tà Nube't tami kété mari nga.
- 26**Krist ke Nube ule'n nga, gar-gar nyantosowur à ra'n bita à ote kur kák kaw dann ndubra't le'n bai. Ké sei geri bè lé wa?
- 27**Go't gugu, Jésus or gir nyange malang ke dé ndang d'oje'n dè'n kêm Magtub't le Nube. E unn gir dè magtubge't le Moise sár tee'n dè le njéribè-dè-tàge ke tà Nube't.
- 28**Loo ke nain ngor kade dé tee kêm ngonn bee't ke d'a d'aw tutu nè nga baa, Jésus ra titeke ayé tuge do gang kaw.

- 29**Nè dé nda se'n kekek d'ede nè: – I ndi se jé tede ndo à il ngor ta. E aw se de kêm kei le de ndi se de.
- 30**Loo ke è ndi se de tà nyankuse't baa, è unn mapa karé ra Nube oiyo pa bita uwe tête danné ade de bai.
- 31**Lotbè bita kum de gang denn't yerer ade dé tel ger'n njai bai. Nè ke loon't kuwe è goto njêl ade d'an'n lé.
- 32**Dé tel dé deje nan d'ede nè: – Loo ke kété n'oje se jé tà a, n'orgir tàge ke kêm Magtubge't le Nube n'ade jè a to nga, ké kêm jé agenán kɔt-kɔt lé wa?
- 33**Ke loon't nè kuwe d'ose nang d'in dé tel d'aw Jérusalem gugu. D'aw d'inge njékuwe-gir-Jésu ke dog-gidé-karé se njè ke rang ke kebi se de nan loo karé.
- 34**Njékuwe-gir-Jésuge ke kebi nan loo karé nè nga edi njé ke joo nè edi nè: – Kerɔte kuwe, loo naje'n goto, Kuwe-bee unde loo tee dann njé ke koo't. E unde loo tee hoi ade Simon an'n.
- 35**Ei njékuwe-gir-Jésuge ke joo nè géa unni gir kori ser nyange ke teei dè de't rebe a, kum de ke tel gang reng dè Jésus't loo ke à tête'n mapa danné a to.

Jésu toje ra'n ade njékuwe-girnge an-in nin

(An-in Matt 28.16-20; Marc 14-18; Jean 20.19-23; NRNK 1.6-8 to)

- 36**Loo ke dé nè nga dé ndi d'or tà nè bè-bè bai baa, Jésus tee hoi ke kum de't ede nè: – Maje kade kêm lom nain se si.
- 37**Bel unde de ndat gang de ade ndil de tee an-in soin-soin tede dé gir titeke d'an ndil doo ke koo.
- 38**Nè Jésus tel deje de ede nè: – Ké bain á bel ra sei ade awi dè nan't kutri bè wa? Ké bain á sei awi se tàgirge ke titeke bè dè bengre si't wa?
- 39**An-in! jimge se njamge baa a i geri titeke è man kuwe. Odi ra'm an-in. Tede ndil doo ke koo nga aw se danra'n se kinge ra'n tite le'm man bè lé.
- 40**Loo ke è nda ede de tà nè nga bè baa, è toje de ji'n se nja'n ade d'an.
- 41**Ra de nel de ngain a, tà ige de sêl a to ade d'unn mbi de dè tà ke Jésus ede de. Jésus deje de ede nè: – Ké nyan ke kum kuse goto ji si't wa?
- 42**Dé d'unn dugur kanje karé ke tunge d'ade'n.
- 43**E taa ji de't use tàkum de't malang.
- 44**Go't gugu, è ede de ede nè: – An-in! è á è tà le'm ke ndo ke m'ede sei kété ke m'nain'n se si bai nga: nyange malang ke Moise se njéribè-dè-tàge ke tà Nube't ndangi oji dè'm se tàge malang ke tò kêm Magtub pa't nga, gar-gar à awi loon't de' kuwe.
- 45**E ade kum de uje kade dé ger'n gir Magtub le Nube njai.

46 Gir'n ke nè á è ede de ede nè: – An-in! dé ndang kêm magtub't d'ede nè: Man Krist ke Nube ule'm nga, gar-gar d'a d'ade nyantosowur à ra'm kuwe. Nè d'a d'ade m'a m'unde loo tee dann njé ke koo't ndo ke njèkon't mute.

47 Tà ke oje dè tur hal se tà ke oje dè kêm tin mbit dè kaiyage't nga, gar-gar d'a d'ile'n mber se ri'm kade girkoje dooge gai-gai. Tà nè nga d'a d'unn gir kile'n mber kêm bee ke Jérusalem kété bita d'a kaw'n ke nata bai.

48 Nyange ke sei an-in nga ori go tà'n gar-gar adi dooge ke rang ooi.

49 Nyan ke Bò'm unn'n ndu'n ade sei nga, an-in! man kuwe m'a m'ule'n kade sei. Nè sei baa, i ndii kêm bee-bò't nè kuwe sár kade ingei togmong ke à in ra Nube't bita.

Jésu inye njékuwe-girnge tel aw danrán

(An-in Marc 16.19-20; NRNK 1.9-11 tɔ)

50 Go't gugu Jésus or de aw se de kum'n ke bee ke Béthanie. Loon't nè, è oï ji'n ke do tɔr ndu'n dè de't.

51 Loo ke è nda à tɔr ndu'n dè de't bè bai baa, ke loon't nè kuwe è or ra'n ra de't ade d'unn'n d'aw se'n danrán.

52 Loo ke dé oï'n bá baa, dé tel se ranel ke bò ke béee Jérusalem gugu.

53 Dé ndi kêm kei le Nube se ndo de-ndo de a, dé pite'n do-do a tɔ.

Jean

Jean 1

Jean ndang tà ɔje'n dè Jésus Ngonn Nube

- ¹Kété bita kade Nube unde nang nè nga, tà ndi tutu. Tà nè ndi nan't se Nube kété mari. Tà nè nga kuwe è Nube a to.
- ²E ndi nan't se Nube loo kunde gir nang't.
- ³Nube ra nyange malang se takul'n. Nyan karé bè ke tò se dè ra'n anje'n è goto.
- ⁴Takul'n è á nyange malang ndii kumgajer. Ndikumgajer nè nga è lookar le dooge.
- ⁵Lookar nè nga ade loo ar dè tilkus't, nè tilkus ase suin tà'n lé.
- ⁶Nube ule doo karé bè ke ri'n nè Jean.
- ⁷Doo nè ree le kɔrgo tà le lookar kade dooge malang undei kêm de dè tà ke è ɔrgo.
- ⁸Jean nga è lookar lé bai, nè è ree le kɔrgo tà le lookar.
- ⁹Lookar ke get-get nga ree dè nang nè. Nanan géa è ade loo ar dènn't.
- ¹⁰Lookar nè nga ndi dè nang nè kété mari. Nube ra nyange malang ke dè nang nè takul'n, nè né è bè géa dooge ke dè nang nè geri nin lé.
- ¹¹E ree béee le njé ke le'n, nè njé ke lé'n uwei nin ke ra de't lé.
- ¹²Nè dooge malang ke uwei nin ke ra de't undei kêm de dènn't baa, ade de togmong le kade teli ei ngann le Nube.
- ¹³Ei nè nga teli ei ngann le Nube se go girkoje le de ke dè nang nè lé. Nè girkoje le de in ra Nube't ke njè kade de kebe ke kige.
- ¹⁴Tà nè nga, tel è danra doo. E ra bee dann jéi't j'an-in ndubra le'n tite ndubra le Ngonn dagi ke in ra Bɔ dooge't. Kêmnoje se ngarankum tà taa ra'n pel-pel.
- ¹⁵Jean ɔrgo tà ɔje'n dè Ngonn nè nga se ndu'n ke bòi ede nè: – An-in! è ke ndɔ ke m'tam tà le'n m'ede sei m'ede nè: «Doo karé ke è nonm't kété à ree goom't gugu non, tede è ndi tutu kété bita d'oje'm bai.»
- ¹⁶Jèi malang j'ingei nyan-noje ɔse gonan-gonan takul nyanbaw le'n ke dum dè loo.
- ¹⁷Nube ade jéi gute-ndu se rebe ke ra Moise't, nè kêm-maje se ngarankum tà reei takul Jésus-Krist.
- ¹⁸Doo karé bè géa an Nube se kum'n ndan lé bai. Nè Ngonn kêm'n ke dagi á ɔ gir'n ke nata ade jè geri.

Mber kile le Jean ke njèkule dooge manné njonm

(An-in Matt 3.1-12; Marc 1.1-8; Luc 3.1-18 to)

19E ke nè á è tà ke Jean ɔrgo loo ke Juipge ke kêm bee-bò ke Jérusalem ulei njékuje nyan-mesege se njé ke girkà't le Lévi le kade dejii edi nè: – Ké i nga i nan wa?

20Jean ede de ndàt ede nè: – Man m'ee Krist nga lé bai.

21Dé tel dé deje'n d'ede nè: – A baa ké i nan ta wa? Ké i Elie wa? Jean ile de dè't ede nè: – Man m'ee è lé. Dé tel dé deje'n d'ede'n nè: – A baa ké i njèribe-dè-tà ke tà Nube't wa? Jean ile de dè't kuwe bai ede nè: – M-m, man m'ee è lé bai.

22Dé tel dé deje'n kuwe bai d'ede nè: – A baa ke gete nga ké i nan ta wa? Jè ndige le koo ke tàit tede le tel kaw kede njé ke ulei jè. Ké tà ri á i kuwe i tam ɔje'n dèi wa?

23Jean ede de ede nè: – Man baa m'ee ndu njèkile mber kêm dile't. «Njèkile mber kêm dile't nga tam ede nè: I rai rebe le Kuwe-bee adi nda danné jap» titeke ndo ke Esaie njèribe-dè-tà ke tà Nube't tam'n kété nga.

24Dooge ke ndo ke d'ule de ra Jean't nga ei Pharisienne.

25Ei deji Jean njèkule dooge manné njonm tà kum de ke kété-kété edi nè: – Ke nè á i Krist lé a, i Elie lé a, éké njèribe-dè-tà ke tà Nube't lé a to baa, ké bain á i ule dooge manné njonm wa?

26Jean tel ile de dè't ede nè: – Man baa, mann á m'ule dooge tutu njonm karè. Nè doo karé ke sei gerii lé nda dann si't laa.

27Doo nè nga à ree goom't non, nè man m'asekum tɔr gabang't ke njann't lé.

28Nyange nè teei kêm bee ke Béthanie gide ba ke Jourdain't. E loo nè á Jean ule dooge manné njonm tutu.

Jésu Ngonn Bate le Nube

29Barè lookar'n, loo ke Jean an Jesu à ree ke rann't baa, è tam ede nè: – An-in! Ngonn Bate le Nube ke njèkɔr kaiya dè dooge't dè nang nè nga.

30E nè nga kété m'tam tà m'ɔje'n dè'n m'ede nè: «Doo karé ke è nonm't kété à ree goom't gugu non, tede è ndi tutu kété bita d'ɔje'm bai.»

31Man géa m'ger'n kété lé, nè m'ree m'ule dooge manné njonm tede kade kum ngannkà Israel gang'n dènn't njai.

32Jean ɔrgo tà nè nga ede nè: – M'an Ndil-Kêmnda tò asenan se der-nda bè in danrán ree ndi dènn't.

33Man m'ger'n kété lé bai, nè è ke njèkule'm kade m'ule dooge manné njonm nga ede'm ede nè: «E ke Ndil à in do le ree ndi dènn't nga á è njèkɔr dooge kunde de se ninn'n gai takul Ndil-Kêmnda.»

³⁴Man m'an nyan nè nga se kum'm; gir'n ke nè á ndo ke m'tam'n titeke è nè nga è Ngonn Nube kerote kuwe.

Njékuwe-gir Jesuge ke desêin

³⁵Barè lookar'n, Jean se pajage le'n joo teli ndai loo't nè nga bai.

³⁶Loo ke Jean tête kum'n pan an Jesu loo njiye't baa, è tam ede nè: – An-in! Ngonn Bate le Nube nga.

³⁷Loo ke pajage le Jean ke joo nè nga ooi tà ke kété è tam nè nga baa, ei unni rebe go Jésus't.

³⁸Jésu mer goo'n. Loo ke è an de d'unn rebe goon't baa, è deje de ede nè: – Ké i sangi ri wa? Dé tel d'ile'n dè't d'ede nè: – Rabbi (tel se tà koje jéi baa, è Kuwe jé) ké loo ndii è ra wa?

³⁹Jesu ede de ede nè: – I reei a i an-in. Kêm ndon't nè nga pajage le Jean awi se'n an-in loo ndi'n baa ndii se'n. E tite kàde ke loo solé bè.

⁴⁰Pajage le Jean ke joo in-in unni rebe go Jésus't se go tàge ke Jean tam kété nga. E ke karé è André, ngokon Simon Pierre.

⁴¹André aw inge Simon ngokon'n ke le'n kuwe kété ede'n ede nè: – Jè j'inge Messie ke dé bar'n Krist nga bá.

⁴²E or'n aw se'n ra Jésus't. Loo ke Jésus tête kum'n pan an'n baa, è tam ede nè: – I i Simon ngonn le Jean. D'a bari Céphas (tel se tà koje jéi è kuberi her ke mong).

Jésu bar Philippe se Nathanael

⁴³Barè lookar'n, Jésus ndige tel kaw beekon ke Galilée. E inge Philippe baa ede'n ede nè: – Unn rebe goom't.

⁴⁴Philippe nga è doo ke Bethsaida bee le André se ngokon'n Pierre.

⁴⁵Philippe aw inge Nathanael ede'n ede nè: – Doo ke magtub gute-ndu le Moise se magtubge le njéribè-dè-tàge ke tà Nube't tami tà ojii dè'n nga, j'inge'n bá ta. Doo nè nga è Jésus ke Nazareth ngonn le Joseph.

⁴⁶Nathanael tel deje Philippe ede nè: – Ké nyan ke maje à kin kêm bee ke Nazareth to wa? Philippe tel ede Nathanael ede nè: – I kuwe i ree an se kumi.

⁴⁷Loo ke Jésus an Nathanael à ree ke rann't baa, è tam tà oje'n dè'n ede nè: – An! ngonnkà Israel ke è ngarankum doo nga. E njè sú kum loo lé.

⁴⁸Nathanael deje Jésus ede nè: – Ké i ger'm loo ke ra't wa? Jésus tel ile'n dè't ede nè: – Kété bita kade Philippe bari loo ke ndo ke i ndii'n gir kage koté't nga, m'an-in mari bere.

⁴⁹Nathanael tel tam ede nè: – Kuwe jé, i i Ngonn Nube a, i i Ngar le dooge ke kêm beekon ke Israel a to.

⁵⁰Jésu ile Nathanael dè't ede nè: – Ké um kêmi dèm't tede tam ke m'tam sei kété m'ede nè m'an-in gir kage koté't nga wa? A an nyange ke dum dè ège ke nè bai.

⁵¹Jésu ede Nathanael se njé ke rang malang ede nè: – Kerote kuwe, man m'ede sei ndàt, unn gir'n ðarinè kum danran à teen. Sei a kan-in dooge ke danrán le Nube à ali kawi dɔ a, à risi nang a tɔ tede rai nyan kadi man Ngonn doo.

Jean 2

Taa nan ke kêmi bee ke Cana

¹Loo ke Jésus ede Nathanael tà nè nga, ra ndɔ mute go't baa, dé ra nan taa nan kêmi bee ke Cana beekon ke Galilée. Kon Jésus è tutu tɔ.

²Jésu se njékuwe girnge géa, dé bar de loo ra nan taa nan't nè nga tɔ.

³Loo ke yibe nduu mbate dè dooge't baa, kon Jésus ree ede'n ede nè: – Yibe nduu le de goto lang bá ta.

⁴Jésu tel ile'n dè't ede nè: – Dinye ké i ndige ri ram't wa? Kàde'n le'm nain bai.

⁵Kon Jesu ede ngann njéra kulege ede nè: – Nyan malang ke n'a n'deje sei nga i rai.

⁶Jó-rebege mute-mute ke d'ube se her ɔje dè kɔr se-ra le Juipge tooi tutu. Mann kêmi litre kɔr-sɔsɔ éké aru se kɔr-joo bita à rusu jó-rebe karé bai.

⁷Jesu ede ngann njéra kulege ede nè: – Ɖdi mann adi rusu jóge nè nga neŋ-neŋ. Ngann njéra kulege ɔdi mann adi rusu jóge nè nga ribe nang.

⁸Jesu tel ede de ede nè: – Ɖdi mann nè nga ndêin ðarinè, awi adi njèkan dè nyankuse adi nan an. Ke loon't nè kuwe d'ode d'aw'n d'ade'n tɔ.

⁹Loo ke njèkan dè nyankuse taa mann ke tel yibe nduu nè nga ɔde tànn't baa, è ger loo ke d'in'n tutu lé. Nè ngann njéra kulege ke ɔdi mann nè nga geri mbak. Ke loon't nè kuwe, njèkan dè nyankuse bar njè taa dinye kige nè nga ede'n ede nè:

¹⁰– Nanan géa ade dooge yibe nduu ke maje an-in kété. Loo ke dooge enni pa bita è ade de yibe nduu ke majelé ade an-in dè't bai. Nè i baa, i ngonm yibe nduu ke maje sár ðarinè.

¹¹E á è kunn gir nyankɔbe ke desêin ke Jésus ra kêmi bee ke Cana, beekon ke Galilée. Jésus tɔje tɔgmong le'n ke nata ade njékuwe-girnge umi kêmi de dènn't.

¹²Go't gugu, Jésus in aw se kon'n se ngakonngé kêmi bee-bò ke Capernaum. Njékuwe-girnge géa awi se'n tɔ. Nè dé ndi tutu ndɔ bule ngain lé.

Jésu rɔ njéra gatege nata kêmi kei le Nube

(An-in Matt 21.12-13; Marc 11.15-17; Luc 19.45-46 tɔ)

¹³Ndɔ ra nan Paque le Juipge nain ngɔr. Jésus in aw kêmi bee-bò ke Jérusalem.

¹⁴E inge njé kige mangege se batege se der-ndage a, se njé mbel narge ndii nang kêm kei le Nube nga.

¹⁵Jésu pete kule nan't ra ke ndêin. E rɔ de kêm kei le Nube nata malang se batege, se mangege a tɔ. E sanrin nar le njé mbel narge kɔke a, tile tablege le de kɔke piring-piring a tɔ.

¹⁶Jésu tur ra'n dè njékige der-ndage't ede nè: – I teei se nyange nè nga malang nata kɔke loo ke nè't. I teli kei le Bɔ'm nga ke kei ra gate lé.

¹⁷Ke loon't nè kuwe, kêm njékuwe-girnge olé dè tà ke dé ndang kêm magtub't d'ede nè: «Ngur kei lei ra'm pênn-pênn.»

¹⁸Nè Juipge deji Jésus edi nè: – Ké nyankɔbe ri á a i ra le kade j'an titeke i aw se tɔgmong le ra'n nyange nè nga titeke bè wa?

¹⁹Jésu tel ile de dè't ede nè: – I tuji gile kei ke tò se ninn'n le Nube nga kɔke baa, m'a m'tel ra'n gugu kêm ndɔ mute karè.

²⁰Juipge tami se Jésus edi nè: – Kei ke tò se ninn'n nè nga, dé ra'n ase bal kɔr-sɔ-gidé-mute-mute bita dé tɔl'n bai. Nè i baa, i tam ede nè ayé tel ra'n gugu kêm ndɔ mute bere.

²¹Kei ke tò se ninn'n ke Jésus tam tà ɔje'n dè nga, è danra'n è kuwe.

²²Ndɔ ke rang Nube à ade Jésus à unde loo tee dann njé ke koo't. Ndɔ'n nè bita kêm njékuwe-girnge à olé dè tà ke ndɔ ke ede de kété. Gir'n ke nè á umi kêm de dè tà ke tò kêm magtub't ke tò se ninn'n a, dè tà ke ndɔ ke kété Jésus tam a tɔ.

Jésu ger nyan ke tò dè bengre doo't mbak

²³Loo ke Jésus ndi kêm bee-bò ke Jérusalem loo ra nan Paque bai nga, dooge bule undei kêm de dènn't tede nyankɔbege ke è ra ade an-in.

²⁴Nè Jésus taa kêm de lé tede ger ngarankêm de malang.

²⁵E aw ndoo kade doo karé ɔrgo tà le doo ade'n lé. Tede è ger nyan ke tò dè bengre doo't.

Jean 3

Jésu ɔje tà se Nicodème

¹Dingem karé bè dann Pharisienne't ri'n nè Nicodème. E è njèkɔr non Juipge ke karé dann madenng'e't.

²Dingem nè nga ree inge Jésus ndɔɔ ede'n ede nè: – Ngar, jè ger titeke Nube ulei kade i ndó jè nyan. Tede ke nè á Nube è der gir doo lé baa, è asekum ra nyankɔbege titeke i ra'n nga lé.

³Jesu tel ile Nicodème dè't ede nè: – Kerɔte kuwe, man m'edi ndàt, ke nè á dé tel d'ɔje doo gugu kige lé baa, è asekum kan Konbee le Nube se kum'n lé.

- ⁴Nicodème tel de je Jésu ede nè: – Ké loo ke doo buge bá nga, d'a tel koje'n gugu kige titeke bain tabai wa? Ké è asekum tel kaw kêm konn't kade oje'n gugu nja joo bai wa?
- ⁵Jesu tel ile Nicodème dè't ede nè: – Kerote kuwe, man m'edi ndàt: ke nè á d'ule doo manné njonm d'ade Ndil oje'n lé baa, è asekum kule dè'n kêm Konbee't le Nube ndan lé.
- ⁶Nyan ke danra oje nga è le danra kuwe, nyan ke Ndil oje nga è le Ndil kuwe to.
- ⁷Ade tà igi sêl dè tà ke m'edi't nga lé. Gar-gar adi d'oje sei gugu kige tá.
- ⁸Nel ule loo ke kêm'n ndige't. Ká'n ke bar á i oo, nè i ger loo kin'n éké loo kaw'n lé. Nanan ke Ndil oje'n nga géa è titeke bè to.
- ⁹Nicodème tel de je Jésu ede nè: – Ké doo asekum ra nyange nè nga titeke bain wa?
- ¹⁰Jesu tel ile Nicodème dè't ede nè: – I ke njèndó dooge nyan ke kôbi oso se loo mbit-mbit kêm beekon ke Israel't nga, ké i ger nyange nè lé tabai wa?
- ¹¹Kerote kuwe man m'edi ndàt, jè tam tà nyan ke jè ger a, j'orgo tà nyan ke j'an se kum jé a to. Nè sei taai tà ke j'orgo j'ade sei nga lé.
- ¹²Nyan ke nang nè ke m'ede sei tà'n nga, ke nè á umi kêm si dè't lé baa, loo ke m'a m'ede sei tà nyange ke danrán nga, ké a umi kêm si dè't titeke bain wa?
- ¹³Doo karé bè géa in nang nè aw danrán lé bai. Nè man Ngonn doo á m'in danrán m'ree nang nè.
- ¹⁴Ndo ke kété Moise ra li nan tà kage't do kêm dile't. Man Ngonn doo nga géa, gar-gar d'a ber'm do titeke bè to.
- ¹⁵D'a ber'm do le kade nanan ke unde kêm'n dèm't baa à ndi kumgajer se non.
- ¹⁶Nube tár dooge malang ke dè nang nè, gir'n ke nè á ule'n Ngonn'n ke dagi le kade nanan ke unde kêm'n dènn't baa à udu lé nè à ndi kumgajer se non.
- ¹⁷Kerote kuwe, Nube ule Ngonn'n dè nang nè le kade gangtà dè dooge't lé bai, nè le kade dooge ke dè nang nè ingei kaje takul'n è.
- ¹⁸Doo ke unde kêm'n dènn't baa, dé gangtà dènn't lé. Nè doo ke unde kêm'n dènn't lé baa, dé gangtà dènn't bá tede è unde kêm'n dè Ngonn Nube ke dagi't nga lé.
- ¹⁹An-in! tà ke uwe dè dooge á tò nè: lookar ree dè nang nè, nè dooge ndigi tilkus tá ngain dum lookar tede nyanra dege majelé.
- ²⁰Nanan ke nyan ranngé majelé se ndoge malang baa, è or lookar nè nga njêt mbate ree tutu, nè bainléa lookar à kuje gir nyan ranngé ke nata.

²¹Nè doo ke nyan ranngé uwe made nan se ngarankum tà baa à ree dann lookar't. E à ree dann lookar't le kade kuje gir nyan ranngé ke uwe made nan se le Nube nga ke nata kade d'an kuwe.

Jean mbate ra jang se Jésus

²²Go nyange't nè nga, Jésus aw se njékuwe-girngé kêm beekon ke Judée't. E ndi se de tutu ase tà't a, è ule dooge manné njonm a tɔ.

²³Jean géa nda kèl karé à ɔdenan kule dooge manné njonm dann ngur mann ke ri'n nè Enon, tò kɔte Salim't ngɔr. Ngur mann nè nga, mann è tutu ngain. Dooge reei ra Jean't adi ule de manné njonm.

²⁴Kêm baln't nè nga d'ile Jean dangai't lé bai.

²⁵Nɔɔ karé bè, tà naje ke ɔje dè kɔr se-ra oso dann pajage't le Jean se Juip karé bè.

²⁶Pajage le Jean reei rann't edi nin edi nè: – Kuwe jé, doo ke nɔɔ ke è ndi sei gide ba't nú ke i tam tà le'n maje nè nga, an! è géa unn gir kule dooge manné njonm ke le'n tɔ ta. Dooge malang bungei nan awi rann't.

²⁷Jean ede de ede nè: – Doo aseku kinge nyan se dè ra'n lé. Nyan ke Nube kuwe ade doo tá doo aseku kinge.

²⁸Sei kuwe géa asikum kɔrgo tà le'm titeke dɔ-dɔ m'tam'n m'ede nè: «Man m'ee Krist nga lé bai, nè d'ule'm kété nonn't ke kule karè.»

²⁹Doo ke dinye njè ngaw kige ɔje dè'n nga, è ngaw'n. Nè made njè taa dinye kige nda kɔtenn't oo tà le'n. Ndu njè taa dinye kige ke made'n oo nga ade'n made'n ranel ngain. Man géa, m'ɔr son ranel le'm bila titeke bè tɔ.

³⁰Gar-gar maje kade ribar le'n oso se loo mbit-mbit ke kété-kété, gar-gar maje kade man baa, ribar le'm ger gugu.

Jésu nga in danrán ra Nube't

³¹E ke in danrán nga dum dè nyange malang. E ke girkoje'n in dè nang nè tam tà ɔje'n dè nyange ke dè nang nè. E ke in danrán dum dè dooge malang.

³²E ɔrgo tà nyange ke è an se kum'n a, oo se mbi'n a tɔ. Nè doo karé bè géa taa tà le'n ke è ɔrgo nga lé.

³³Doo ke taa kɔrgo tà le'n baa, ndige se'n titeke Nube tam ngarankum tà kuwe.

³⁴E ke Nube ule'n nga ɔgir tàge le Nube, tede Nube ade'n Ndil se girson'n bere mbak.

³⁵Bɔ Ngonn tár ngonn'n ngain. E tel se nyange malang um jinn't.

³⁶Nanan ke unde kêm'n dè Ngonnenn't nè nga baa, à ndi kumgajer se non. Nè nanan ke unde kêm'n dè Ngonnenn't nè nga lé baa à ndi kumgajer ndan lé, nè wong le Nube ndi dènn't nde'j bá ta.

Jean 4

Jésu ɔrgir ra'n ade dinye ke Samarie

- ¹D'ede Pharisienge titeke Kuwe-bee Jesu aw se njékuwe-girnge ngain dum pajage le Jean a, dooge ke ule de manné njonm géa bulei ngain dumi njé ke le Jean a tɔ.
- ²Nè ei njékuwegir-Jesuge á ndɔ ke ulei dooge manné njonm m è Jésus kuwe lé.
- ³Loo ke Jésus oo tà nè nga bè baa, è sure beekon ke Judée inye tel aw kê m beekon ke Galilée gugu.
- ⁴Nè gar-gar è à unde kê m beekon ke Samarie dɔ gang.
- ⁵E aw tee kê m ngonn bee karé ke beekon ke Samarie ke ri'n nè Sychar. Ngonn bee nè tò kɔte loo ndɔr ke ndɔ ke Jacob gang ade ngonn'n Joseph nga.
- ⁶Loo nè nga bolè mann le Jacob tò tutu. Jésus tel tête ra'n ndi nang tà bolè mann't nè tede è njiye rebe sár ɔr. Kàde nda dann bee bɔp.
- ⁷Dinye karé ke beekon ke Samarie ree tede le kɔde mann. Jésus deje'n ede nè: – Dinye, ade'm mann ndêin m'an-in.
- ⁸Njékuwe-girnge awi kê m bee-bò't le sang nyankuse ndogo.
- ⁹Dinye ke Samarie tam se Jésus ede nè: – Hai! dingem i i Juip, à ké a kaw kaw ri á i deje'm man ke m'ee dinye ke Samarie mann kain wa? Dinye tam tà nè nga titeke bè tede Juipge se dooge ke beekon ke Samarie nga tà le de uwe nan lé.
- ¹⁰Jésu tel ile dinye nè nga dè't ede nè: – Ke nè á i ger noje ke Nube uwe sei karè nè nga a, i ger doo ke deji ede nè: Ade'm mann m'an-in a tɔ nga baa, né i kuwe a in kété le deje'n mann kain, ayé kadi mann ke an-in kutch-kutch kade an-in i ndii'n kumgajer.
- ¹¹Dinye nè nga tel deje Jésus ede nè: – Dingem, ka-dɔ kɔde mann goto jii't a, bolè mann nga géa heb ngain a tɔ. Ké a inge mann lei ke an-in kutch-kutch nga loo ke ra't wa?
- ¹²Kà jé Jacob se ngannenge a, se nyankulge le'n kuwe an-in mann nè kété bita inyei adi jè nga, ké i bòi i dum dè'n wa?
- ¹³Jésu tel ile dinye nè de't ede nè: – Nanan ke an-in mann nè nga, kunde a tel ra'n bai.
- ¹⁴Nè doo ke an-in mann ke m'a m'ade'n nga baa, kunde a tel ra'n gugu ndan lé sár. Mann ke m'a m'ade'n nga à tel ngire mann ndikumgajer ke an-in kutch-kutch kê mn't.
- ¹⁵Dinye nè nga tel deje Jésus ede nè: – Kuwe-bee, ade'm mann nè nga tede kade kunde tel ra'm gugu lé a, kade m'tel ree nè m'ɔde mann nè nga gugu lé ta.
- ¹⁶Jésu edé ede nè: – Aw i bar ngawi bita i tel i ree nè bai.

- 17**Dinye nè nga tel ede Jésus ede nè: – Ngaw’ m goto. Jésus tel edé ede nè: – Tam ke i tam ede nè: Ngaw’ m goto nga è kum.
- 18**Oiyo, kété i taa ngaw gir mi, dingem ke i ndi se’n d’arinè nga è ngawi lé ta. Tam ke i tam ede nè: Ngaw’ m goto nga è kum kerote kuwe.
- 19**Dinye nè nga tel ede Jésus ede nè: – Dingem, m’an titeke i njèribe-dè-tà ke tà Nube’t.
- 20**Kà jé jè dooge ke Samarie nga kété oji tà se Nube dè mbal’t nè. Nè sei Juipge baa, i tami edi nè: Jérusalem kuwe karé á kei k’je tà se Nube tò tutu.
- 21**Jésu tel ile dinye nè dè’t ede nè: – Dinye, um k’emi dè tà’t le’m, kàde’n ree kade awi dè mbal’t nè éké Jérusalem tá a k’ji tà se Nube tutu lé.
- 22**Sei dooge ke Samarie nga, i d’oyi Nube i geri nin lé. Nè jè Juipge baa, jè d’oi Nube ke jè ger’n tede kaje in ra jé jè Juipge’t.
- 23**Kàde kade Nube ule se Ndil ree d’arinè bá. Ngarankum njé d’oi Nubege à d’oyi B’ m Nube takul t’gmong le Ndil-K’emnda ta titeke Ngonn’n t’je’n de rebe’n ke get. Njé ke d’oyi B’ m Nube titeke bè á è sang de.
- 24**Nube è Ndil, gir’n ke nè á njé ke d’oyi nin nga, gar-gar à d’oyi nin se go t’gmong le Ndil-K’emnda a, se ngarankum tà a t’.
- 25**Dinye nè nga tel ede Jésus ede nè: – M’ger titeke Messie ke dé bar’n Krist nga à ree. Loo ke à ree baa, à o’gir nyange malang kade jè dooge ke Samarie.
- 26**Jésu tel edé ede nè: – Man ke m’nda m’tam sei tà nè kuwe á man m’ee Krist nga.
- 27**Ke loon’t nè kuwe njékuwe-gir-Jésuge reei teei pan. Tà ige de s’el tede kan ke an-in nin nda o’je tà se dinye nè nga. Nè né è bè géa doo karé dann de’t tel de’je’n ede nè: «Ké ri á i sang ra dinye nè?» éké «Tà ri á o’je se’n wa?» bè lé.
- 28**Ke loon’t nè kuwe dinye nè inye ku mann le’n nang, è tel aw b’eee ede dooge ede nè:
- 29**– I reei an-in dingem karé ke o’gir nyan ramge malang ke m’ra kété nga ndát-ndát. Ké dingem nè è Krist nga lé bai wa?
- 30**Dooge undei loo k’em bee-bò’t teei dik-dik awi ke ra Jésus’t.
- 31**Loo ke nja de nain rebe bai-baa, njékuwe-gir-Jésuge awi se’n kabr-kabr edi nè: – Ngar, use nyan nd’èin bita.
- 32**Nè è ede de ede nè: – Man m’aw se nyankuse’m laa nè sei á i geri lé.
- 33**Njékuwe-gir-Jésuge deji nan edi nè: – Ké nan ree se nyankuse ade n’use gugu laa wa?

34Jésu tel ile de dè't ede nè: – Ra nyan ke kêm njèkule'm ndige a, kɔr son kule le'n ke um jim't a tɔ á è mur le'm man.

35Darinè nan sa ko nain sɔ ta, ké i tami bè lé wa? Nè man m'ede sei: Unni kum si an-in koge idi kum sa bá ta.

36Njè sa ko inge nyan kuge dè ji'n bá a, è kebe njar nyan ke oje dè ndikumgajer se non a tɔ. Titeke bè á njè dubu nyan se njè sa nyan ali ra de nan't mbak.

37Gostà ke dé tam d'ede nè: «Njèndɔr è karé nè njékusege bulei» nga, è kum kerɔte kuwe.

38Man m'ule sei kêm ndɔr ke sei ulei ra si ndibe tutu lé. Njé ke rang á ulei ra de ndibe tutu bita sei ubei maje'n bai.

39Dooge bule ke kêm ngonn bee ke Sychar beekon ke Samarie umi kêm de dè Jésus't tede tà ke dinye tam ede nè: «Dingem nè nga ɔrgir nyan ramge malang ke m'ra kété ndát-ndát.»

40Loo ke dooge ke beekon ke Samarie reei teei ra Jésus't baa, ei deji nin le kade ndi se de ndèin bita in aw rang bai. E ndi se de ndɔ joo bita in aw kété bai.

41Dooge ke rang ngain kêm beekon ke Samarie umi kêm de dè Jésus't tede tà le'n ke ei ooi se mbi de.

42Dooge ke reei ra Jésus't nga edi dinye nè edi nè: – Jè j'um kêm jé dènn't tede tà tami nga lé ta. Nè j'um jé dènn't tede tà tam'n ke jè kuwe j'oo se mbi jé. Jè ger titeke è nga è njé kaje dooge dè nang nè kerɔte kuwe.

Jésu aje ngonn le njèkan dè njérɔge

43Loo ke Jésus ra ndɔ joo kêm bee ke Sychar nè baa, è tel aw kêm beekon ke Galilée gugu.

44E Jésus kuwe ndɔ ke tam se tà'n ede nè: «Njèribe-dè-tà ke tà Nube't nga, d'a d'ile koje dènn't kêm bee kojenn't lé.»

45Nè né è bè géa, loo ke è ree tee kêm beekon ke Galilée bá baa, njé ke Galilée uwei nin ke ra de't. Ei rai titeke bè tede ndɔ ke ei géa awi loo ra nan't Jérusalem an-in nyange malang ke ndɔ ke Jésus ra se kum de.

46Jésu tel ree kêm bee ke Cana beekon ke Galilée ke ndɔ ke kété è ade mann tel yibe nduu tutu nga. Njèkan dè njérɔge le ngar karé bè ndi kêm bee-bò ke Capernaum. Ra ngonn'n ke dingem tur'n ngain.

47Loo ke doo nè oo titeke Jésus in kêm beekon ke Judée ree kêm beekon ke Galilée baa, è aw rann't deje'n le kade ree aje ngonn'n ke tò tà yo't.

48Jésu tel ede'n ede nè: – Ke nè á sei an-in nyankɔbege se nyange ke dum kan lé baa a undei kêm si dèm't lé.

⁴⁹Njèkan dè njérɔge le ngar tel ede Jesu ede nè: – Kuwe-bee i ree pa bita ade tà ngonn'm tête bai.

⁵⁰Jésu ede doo nè nga ede nè: – Ɔte aw, ngonni ndi kumgajer bai. Doo nè nga um kê'm'n dè tà ke Jésus ede'n baa ɔte aw.

⁵¹Loo ke è ɔte à aw bai baa, ngann njéndige le'n tilei non'n edi nin edi nè:

⁵²– Ngonni ndi kumgajer bai. E deje de ede nè: – Ké kàde ke bain á ra'n ke taa por làm-làm nga inye'n wa? Dé tel d'ile'n dè't d'ede nè: – Ra'n ke taa por làm-làm nga, inye'n tagela se kàde ke ɔte ra'n bêtch.

⁵³Bɔ ngonn nè nga ger titeke è kàde ke Jésus ede'n ede nè: «Ngonni ndi kumgajer karè.» E se njékêm kei le'n malang undei kê'm de dè Jésus't.

⁵⁴E ke nè á è nyankɔbe ke njékon't joo ke Jésus ra loo ke ndɔ ke in-in'n kê'm beekon ke Judée ree'n beekon ke Galilée.

Jean 5

Jésu aje doo karé ke kêl ra'n wei tonrin

¹Go nyange't nè nga, Jésus in aw kê'm bee-bò ke Jérusalem tede è ndɔ ra nan le Juipge karé bè.

²Mann-gar karé tò Jérusalem ngɔr se tàbit kei rebe le batege. Mann-gar nè nga dé bar'n se tà hébreu d'ede nè: Béthesda. Dé ra palge mi tà mann't nè.

³Njératurge, se njékumtɔge, se njédɔgemetege, se njé ke kêl ra de wei tonrin a tɔ, tooi nang rip-rip gir palge't nè. [Njératurge ndii nginei mann-gar ke à tal bungus-bungus,

⁴tede doo ke danrán ke Nube ule'n ree ra mann nè nga dɔ-dɔ ade tal bungus-bungus. Njèratur ke inye ji'n dɔ oso danné kété loo ke dé ra'n mann d'ade unn gir tal bungus-bungus nga baa, né ratur le'n è ratur ke bain-bain géa ra'n tel mong maj-maj karè.]

⁵Dingem karé ke ratur ra'n bal kɔr-mute-gidé-sɔsɔ è dann njératurge't nè nga tɔ.

⁶Jésu an'n tò nang pɔbel. E ger kété bá titeke ratur nè nga ra'n mari ngain. Jésus deje dingem ke njèratur nè nga ede nè: – Ké i ndige kade ratur ɔr dèi't wa?

⁷Njèratur nè nga tel ile Jésus dè't ede nè: – Ngar, loo ke dé ra mann-gar d'ade unn gir tal bungus-bungus nga, doo le'm ke kade unn'm ile'm danné goto. Loo ke m'age nang m'a m'aw sêt bai baa, doo karé ke rang inye ji'n dɔ oso dann mann-gar't nè kété nonm't bá ta.

⁸Jésu tel ede njèratur nè nga ede nè: – Ɔse nang in dɔ unn tuwe lei aw.

⁹Ke loon't nè kuwe, ratur le dingem nè nga ɔr dènn't ndát-ndát ade unn tuwe le'n unde dènn't aw. Nè ndɔ ke nè nga è ndɔ taa kebe.

- 10**Juipge bari go dingem ke ratur or dènn't nga tami se'n edi nè: – Bila è ndo taa kebe. Ké nan á unn ndu'n adi kade oto tuwe tooi i ringe'n wa?
- 11**Dingem nè nga ile de dè't ede nè: – E ke njè kade ratur or dèm't nga kuwe ede'm ede nè: «Unn tuwe lei aw.»
- 12**Juipge teli deji dingem nè nga edi nè: – Ké doo ke njè kedi kede nè unn tuwe lei aw nga è nan wa?
- 13**Nè dingem ke d'ade ratur or dènn't nga ger doo ke njè kade ratur or dènn't nga lé, tede Jésu ote ur dann doobulege't ke ndai loo't nè nga kák.
- 14**Ndo ke rang, Jesu inge dingem nè nga kê'm kei le Nube. E ede'n ede nè: – An! ratur or dèi't ade rai tel mong maj-maj bá ta. I ra kaiya kumi ke kété-kété lé ta, nè bainléa nyan ke tur ngain dum dè ratur nè à rai bai.
- 15**Dingem nè nga unde loo tee aw ede Juipge titeke njè kor ratur rann't se ndo taa kebe nga, è Jésu.
- 16**E gir'n ke nè á Juipge awi se Jésu se tà, tede nyange ke ndo ke ra se ndo taa kebe.
- 17**Nè Jésu ede de ede nè: – Bo'm ndi ra kule kum'n ke kété-kété sár tee d'arinè bai. Man géa m'ndi m'ra kule kum'm ke kété-kété to.
- 18**Unn gir kê'm ndon't nè, Juipge sangi loo ngain dum ke kété le tol Jésu. E tede kal ke è al tà tà gute-ndu't á karé lé, nè è tede bar ke bar Nube Bo koje'n a, an ra'n ke Nube a to.

Jésu orgir togmong le'n

- 19**Jesu tel unn tà tam ede de ede nè: – Kerote kuwe, man m'ede sei ndàt, Ngonn aseku'm ra nyan karé bè se dè ra'n lé, nè nyan ke è an ra Bon't á è ra. Tede nyan malang ke Bo ngonn ra nga, ngonn'n géa à ra titeke bè to.
- 20**Bo ngonn tár ngonn'n ngain. Gir'n ke nè á è toje'n nyan malang ke è ra. E à toje'n kule rage ke bò dum dè ège ke nè le kade tà igè'n sei sèl.
- 21**Titeke Bo Ngonn ade njé ke koo undei loo teei teli ndii kumgajer nga, Ngonn géa ade nanan ndikumgajer titeke kê'm'n ndige to.
- 22**Tabai Bo Ngonn gangtà dè doo karé't bè lé, nè è tel se gangtà malang um ji Ngonnenn't.
- 23**Titeke bè á dooge malang à ilei koje dè Ngonnenn't titeke ilei koje dè Bon't nga to. Doo ke rara ke ile koje dè Ngonn't nga lé baa, è ile koje dè Bo'n ke njèkulenn't nga lé to.
- 24**Kerote kuwe, man m'ede sei ndàt, nanan ke oo tà le'm, unde kê'm'n dè è ke njèkulem't nga baa ndi kumgajer se non nga bá ta. Nube à gangtà dènn't lé. E doo nè nga tee tà yo't aw loo ndikumgajer se non bá ta.

²⁵Kerote kuwe, man m'ede sei ndàt, kàde kade njé ke koo ooi ndu Ngonn Nube nga ree darinè bá ta. Njé ke à ooi ndu Ngonn Nube nga à ndii kumgajer.

²⁶Titeke Bɔ Ngonn è ngire ndikumgajer nga, Ngonn'n géa è ngire ndikumgajer tite Bɔ'n bè tɔ.

²⁷Bɔ Ngonn ade'n tɔgmong le gang'n tà tede k'ee ke è Ngonn doo nga.

²⁸Adi tà ige sei sêl dè tà't nè nga lé, tede kàde kade dooge ke tooi bada à ooi ndu Ngonn doo nga ree bá ta.

²⁹Njé ra nyan majege à undei loo teei kawi loo ndikumgajer't. Njé ra nyan majelége à undei loo teei kawi loo gangtà't a tɔ.

³⁰Man m'asekum ra nyan karé se dè ra'm lé. M'gangtà se go tà ke m'oo. Gangtà le'm nga è se go rebe'n tede m'sang le ra nyan ke kêman á ndige lé, nè nyan ke kêmm ke njékule'm á ndige.

Njékɔrgo tàge le Jésus

³¹Ke nè á m'ɔrgo tà m'ɔje'n dè ra'm man kuwe baa, kɔrgo tà le'm nga è ngarankum kɔrgo tà lé bai.

³²Nè doo karé ke rang ɔrgo tà le'm. M'ger titeke tà ke è ɔrgo ɔje'n dè'm nga, è ngarankum kɔrgo tà kuwe.

³³Sei ɔri dooge ulei de ra Jean't; Jean ɔrgo tà le ngarankum tà nè nga ade sei.

³⁴Man baa, m'aw ndoo kade doo tá ɔrgo tà le'm lé. Nè man m'ede sei tà nyan nè nga le kade d'aje'n sei.

³⁵Jean nga kété è tite lampe ke on ndogó kotong. Nè sei ndigi kali ra si dann lookar't le'n nè nga ndêin.

³⁶Nè man m'aw se njékɔrgo tà ke bòi dum Jean. Tede kule ke Bɔ'm ade m'ra m'ɔr son'n nga ɔrgo tà le'm titeke Bɔ'm kuwe ule'm.

³⁷Bɔ'm ke njékule'm nga è kuwe ɔrgo tà ɔje'n dè'm. Sei ooi ndu'n nja karé éké sei an-in kum'n nja karé ndan lé bai.

³⁸Tà le'n urkei kêman si't lé tede sei umi kêman si dè è ke ulenn't nga lé.

³⁹Sei teri kêman Magtub ke tò se ninn'n tede sei geri kêman si't titeke takul de á a ingeii ndikumgajer se non. Nè Magtubge nè nga ei njékɔrgo tàge ke ɔje dè'm.

⁴⁰Nè sei ndigi reei ram't le kinge'n ndikumgajer se non nga lé.

⁴¹Man m'aw ndoo ribar ke in ra dooge't lé.

⁴²Nè sei nga, m'ger sei mbak, sei tári Nube lé.

⁴³Man m'ree se ri Bɔ'm nè sei uwei man ke ra si't lé. Nè ke nè á doo karé ke rang kuwe in se dè'n ree baa, è nè tá uweii ke ra si't.

⁴⁴Sei awi ndoo ribar ke in ra nan't dadann si sei't kuwe. Nè ribar ke in ra Nube't kuwe karé nga, sei sangi nin lé. Ké sei asi kundei kêm si dèm't titeke bain wa?

⁴⁵An-in tá nè a i giri titeke è man á m'a m'ile tà dè si't non Bòm't, nè è Moise ke sei undei kêm si tchên dènn't nga á è njèkile tà dè si't.

⁴⁶Ke nè á ndo ke umi kêm si dè Moise't baa, né a umi kêm si dèm man't to. Tede è ndang magtub kété oje'n dèm.

⁴⁷Nè ke nè á umi kêm si dè tàge ke è ndang kêm magtubge't le'n nga lé baa, ké a umi kêm si dè tàge't le'm titeke bain wa?

Jean 6

Jésu ade kosdoo-bulege mapa usei

(An-in Matt 14.13-21; Marc 6.30-44; Luc 9.10-17 to)

¹Go't gugu, Jésus ote aw gide ba ke beekon ke Galilée. Ba nè nga ri'n nè Tibériade.

²Doobulege ngain ndolèi goo'n tede an-in nyankobege ke kété è ra se njératurge.

³Gir'n ke nè á Jésus se njékuwe-girnge ali awi nú dè mbal't ndii tutu.

⁴Nè ndo ra nan Paque le Juipge nain ngor.

⁵Loo ke Jésus tête kum'n an kosdoo-bulege à reei ke rann't baa, è deje Philippe ede nè: – Ké j'à j'in-in se mapa ra le ndogo kade kosdoo-bulege nè nga usei wa?

⁶Jésu ger nyan ke ayé ra nga bá, nè è tam tà nè nga bè le nan'n kêm Philippe kan.

⁷Philippe ile Jésus dè't ede nè: – Né doo ndogo'n mapa kum nar kule ke ndo aru joo tá le tête mes-mes nobo de géa ayé kase de ndan lé.

⁸Njèkuwe-gir-Jésu karé dann madenngé't ri'n nè André, ngokon Simon Pierre, ede Jésus ede nè:

⁹– Ngonn basa karé ndi nè, aw se tutu mapa se tutu kanje joo laa. Nè né è bè géa, ké è nyan ri karé tede le kosdoo-bulege nè nga wa?

¹⁰Jésu unn ndu'n ade njékuwe-girnge ede nè: – Adi dé ndi nang malang. Loo nè nga walè ke tebe è ngain tutu. Doo ke dingemge malang ke teli ndii nang nga asi aru dog loo mi.

¹¹Jésu o'i mapa nè nga, ra Nube oiyo pa bita ade njékuwe-girnge noboi dooge ke ndii nang rip-rip bai. Kanje géa è ra titeke bè to bita nobo de ade d'use titeke kêm de ndige.

¹²Loo ke dooge usei nyan ndanni bá baa, Jésus ede njékuwe-girnge ede nè: – I tanni gute nyon-nyon mapa ke nain le kade karé géa tuju lé.

¹³Mapa mi ke dooge usei nga, njékuwe-gir-Jésuge oyi nyon-nyon'n ke nain kêm janga dog-gidé-joo.

14Loo ke dooge nè an-in nyankɔbe ke Jésu ra nga bè ɓaa, ei tami edi nè: – Doo nè nga è ngarankum njèribe-dè-tà ke tà Nube't ke ndɔ ke ayé kule'n kade ree dè nang nè nga kuwe gar-gar á nda nè.

15Nè loo ke Jésu ger titeke d'ade ree kɔr'n kunde'n ngar ɓaa, è ɔr ra'n njêl se kar'n aw dè mbal't gugu.

Jésu njiye dè mann ba't

(An-in Matt 14.22-33; Marc 6.45-52 to)

16Loo ke kàde ur ɓá ɓaa, njékuwe-gir-Jésuge risi awi tà ba't.

17Dé d'al kêmm ngonn bato't d'aw gide ba't kum de ke ɓee-bò ke Capernaum. Loo tuge ndul ɓá, nè Jésu tel ree inge de lé ɓai.

18Nel bò in ule ade kɔr mann ba tal bungus-bungus.

19Loo ke d'aw dann ba't ɓɔp, ase kurloo mi éké mute-mutege bè ɓaa, d'an Jésu njiye dè ba't ree ngɔr se bato. Bel unde de ndàt gang de.

20Nè Jésu ede de ede nè: – Ebi't ɓel, è man kuwe.

21Ra de ndam ngann-ngann ade dé ndige le kunn'n kêmm bato't ɓaa, ke loon't nè kuwe bato nda nang gek tu loo ke d'a d'aw ke tutu nga.

Doobulege sangi Jésu

22Doobulege nain-in gide ba't nú. Loo ke loo ar ɓá ɓaa, doobulege ke nain-in gute de't gide ba't nú an-in titeke tagela ngonn bato kuwe karé luk-luk á njékuwe-gir-Jésuge ali kêmmé se kar de bere awi. Jésu al kêmmé se de lé.

23Nè né è bè géa, ngann batoge ke rang in-in kêmm ɓee-bò ke Tibériade reei. Dé ree ngɔr kɔte loo ke tagela Jésu ra'n Nube oiyo pa ɓita ade dooge mapa usei ɓai nga.

24Loo ke doobulege an-in titeke Jésu se njékuwe-girnge gotoi loo't nè ɓaa, ali kêmm ngann batoge't nè nga bungei nan awi kêmm ɓee-bò ke Capernaum sangi Jésu.

Jésu è mapa ndikumkajer

25Loo ke d'inge'n gide ba't nú ɓaa, dé deje'n d'ede nè: – Ngar, ké i ree nè lot bain wa?

26Jésu ile de dè't ede nè: – Kerɔte kuwe, man m'ede sei ndàt, sei sangi man tede nyankɔbege ke ndɔ ke an-in nga lé, nè tede mapa ke sei usei i ndanni.

27I rai kule tede nyankuse ke dè'n à ngei karè nga lé. Nè i rai kule tede nyankuse ke à tò sár-sár se non. Nyankuse ke à tò sár se non nga, è Ngonn doo á à ade sei, tede Ngonn doo nga nyankorji le Nube Bɔ dooge tò rann't.

28Doobulege deji Jésu edi nè: – Ké j'à ra bain le ra'n nyange ke kêmm Nube ndige nga wa?

- 29Jésu tel ile de dè't ede nè: – Nyan ke kêm Nube ndige nga, è le kade undei kêm si dè è ke Nube ulenn't nga.
- 30Dé tel dé deje Jésus d'ede nè: – A i, ké nyankɔbe ri á a i ra le kade j'an, j'unde'n kêm jé dèi't wa? Ké kule rai è ri wa?
- 31Kà jége ke kété mari usei mapa ke ri'n nè manne kêm dile't titeke dé ndang'n kêm Magtub't d'ede nè: «Nɔ ke Nube ade de mapa ke in danrán ade d'use.»
- 32Jésu tel ile de dè't ede nè: – Kerɔte kuwe, man m'ede sei ndàt, è Moise á ade sei mapa ke ndɔ ke in danrán nga lé. Nè è Bɔ'm á ade sei ngarankum mapa ke in danrán nga.
- 33Tede mapa ke ade dooge ke dè nang nè ndii kumgajer nga, è mapa ke in danrán ra Nube't.
- 34Dé tel d'ede Jésus d'ede nè: – Kuwe-bee, ade jè mapa nè nga se ndɔ karé-karé malang.
- 35Jésu ede de ede nè: – Mapa ndikumgajer nè nga è man. Doo ke ree ram't baa, ɔo a ra'n ndan lé. Doo ke unde kêm'n dèm't baa, kunde mann à ra'n ndan lé a tɔ.
- 36Nè m'ede sei tà nè nga kété bá, sei an-in man se kum si kuwe, nè undei kêm si dèm't lé.
- 37Njé ke Bɔ'm ade'm se de malang nga à reei ram't. Doo ke ree ram't nga, m'a m'ute'n mbeng kile'n nata ndan lé.
- 38Tede man nga m'in danrán m'ree le ra nyan ke kêm'm man á ndige lé, nè m'ree le ra nyan ke kêm njèkule'm á ndige.
- 39Njé ke Bɔ'm ke njèkule'm ade'm se de malang nga, è ndige le kade doo karé bè géa dann de't tuju lé. Nè è ndige le kade m'ade undei loo teei dann njé ke koo't ndɔ ke ngeinn't.
- 40Nyan ke kêm Bɔ'm ndige á tò nè: Nanan ke oré kum'n dè'm man Ngonnnen't a, unde kêm'n dèm't a tɔ baa, è à ndi kumgajer se non. Tabai man m'ade à unde loo tee dann njé ke koo't ndɔ ke ngeinn't a tɔ.
- 41Kêm ndɔn't nè nga Juipge unni gir murin tà oji dè Jésus tede tam ke kété tam ede nè: «Mapa ke in danrán ree nga, è man.»
- 42Dé tel d'ede nan d'ede nè: – Ké è nè nga è Jésus ngonn le Joseph ke jè geri bɔ'n se kon'n mbak nè nga lé wa? Dé tam bè tede tà ke Jésus tam kété ede nè: «Mapa ke in danrán nga, è man.»
- 43Jésu tel ede de ede nè: – Ebi ra si murin tà ke kété-kété dann si't.

⁴⁴Ke nè á Bɔ́m ke njèkule'm ndɔr doo ke ram't lé baa, doo karé géa ase kin se dè'n ree ram't lé. Doo ke ree ram't nga, m'a m'ade à unde loo tee dann njé ke koo't ndɔ ke ngeinn't.

⁴⁵Njéribè-dè tàge ke tà Nube't ndangi tà kêm Magtub't le'n edi nè: «Nube kuwe á è njèndó dooge malang nyan.» Doo ke rara ke ur mbi'n oo'n tà le Bɔ́m a, inyei ra'n ade ndó'n nyan a tɔ baa, doo nè nga à ree ram't.

⁴⁶Doo karé bè ke an Bɔ́m Nube nga goto. Nè man ke m'in rann't kuwe karé á m'an'n.

⁴⁷Kerɔte kuwe, man m'ede sei ndàt, doo ke unde kêm'n dèm't baa, ndi kumgajer se non bá ta.

⁴⁸Mapa ndikumgajer nga è man.

⁴⁹Ndɔ ke kà sige usei mapa ke ri'n nè manne kêm dile't. Nè né è bè géa yo tɔl de mbeng kɔke.

⁵⁰E ke nè á è mapa ke in danrán. Nanan ke use mapa nè baa à wei ndan lé.

⁵¹Mapa ndikumgajer ke in danrán nga è man. Doo ke use mapa nè nga baa à ndi kumgajer se non. Mapa ke m'a m'ade le kade dooge ke dè nang nè ndii kumgajer nga, è danra'm man kuwe.

⁵²Juipge naji nan tà ngain dann de't edi nè: – Ké n'ee nga n'asekum kade jèi danrayé kade j'usei titeke bain wa?

⁵³Jésu tel ede de ede nè: – Kerɔte kuwe, man m'ede sei ndàt, ke nè á sei usei danra'm man Ngonn doo lé a, an-in mese'm lé a tɔ baa, ndikumgajer nga goto ra si't bá ta.

⁵⁴Nanan á ke use danra'm a, an-in mese'm a tɔ baa, ndi kumgajer se non bá. Ndɔ ke ngeinn't baa, m'a m'ade à unde loo tee kɔke dann njé ke koo't.

⁵⁵Danra'm nga è ngarankum nyankuse a, mese'n è ngarankum nyankain a tɔ.

⁵⁶Doo ke use danra'm a, an-in mese'm a tɔ baa, um se'm nan't bɔk a, man géa m'um se'n nan't bɔk a tɔ.

⁵⁷Bɔ́m ke njèkule'm nga ndi kumgajer. Man m'ndi kumgajer takul'n è. Doo ke use danran'm baa à ndi kumgajer titeke bè tɔ takul'm man.

⁵⁸An-in! mapa ke in danrán: Mapa nè nga è tite è ke ndɔ ke kà sige ke weii usei kété nga lé. Nè doo ke use mapa nè nga baa à ndi kumgajer se non.

⁵⁹E ke nè á è tàge ke Jésus ndó dooge kêm kei kebe nan't kêm bee-bò ke Capernaum.

Jésu aw se tàge ke doo à ndii'n kumgajer se non

- ⁶⁰Loo ke d'oo tàge le Jésu nè nga bè baa, njékuwe-girnge bule tami edi nè: – Tà nè nga ngang ngain. Ké nan asekum ndi kur mbi'n koo'n bai-bai wa?
- ⁶¹Jésu ger kêm'n't mbak titeke njékuwe-girnge murin tà ɔji dè tà nè nga. Gir'n ke nè á, è deje'n de ede nè: – Ké tà nè nga tuge sei jig't ile sei wa?
- ⁶²Ke nè á ndɔn't a an-in Ngonn doo loo tel kaw loo ndii'n ke kété in tutu ree nga baa, ké a i tami kedi nè ri ta wa?
- ⁶³Ndil á ade doo ndi kumgajer. Doo se dè ra'n ase ra nyan karé lé. Tàge ke man m'ede sei nga in ra Ndil't. E tàge nè á à ade a i ndii kumgajer.
- ⁶⁴Nè njé ke nange dann si't undei kêm de dèm't lé. Njé ke undei kêm de dè Jésu't lé nga, è ger de kété mari loo kunn gir kule't le'n. E ke ayé kule'n ji dooge't nga géa è ger'n mbak bá a tɔ.
- ⁶⁵Jésu tam ede nè: – Gir'n ke nè á, ndɔ ke m'ede'n sei kété m'ede nè: Doo karé bè asekum kin se dè ra'n ree ram't lé. Ke nè á doo karé ree ram't baa, è Bɔ'm kuwe inye rebe ade'n ree ram't.
- ⁶⁶Unn gir kêm ndɔn't nè nga, njékuwe-gir-Jésuge bule teli tɔri ra de goon't m njiyei se'n lé ta.
- ⁶⁷Jésu tel deje njé ke dɔg-gidé-joo ede nè: – A baa sei, ké i ndigi kaw tɔ wa?
- ⁶⁸Simon Pierre tel ilé dè't ede nè: – Kuwe-bee, ké nan le jé á j'ayé kinyei kaw rann't bai wa? I kuwe se kari bere á aw se tàge ke doo à ndii'n kumgajer sár se non.
- ⁶⁹Jè baa, j'unde kêm jé dèi't tede jè ger titeke i i doo ke Nube ɔri undei se ninn'n gai.
- ⁷⁰Jésu tel deje de ede nè: – Sei ke dɔg-gidé-joo nè nga, ké è man kuwe á m'tɔr sei lé wa? Nè né è bè géa, è ke karé dann si't tel è doo le sú ke njèkêmyêr.
- ⁷¹E tam tà nè nga titeke bè ɔje'n dè Judas ngonn le Simon Iskariot. Judas nga, è njékuwe-gir Jésu ke karé dann madenng'e't ke dɔg-gidé-joo. E è á ayé kule'n ji dooge't kade tɔli nin.

Jean 7

Ngakon Jésuge undei kêm de dènn't lé

- ¹Go't gugu Jésu aw se loo-loo kêm beekon ke Galilée. E ndige le tel kaw kêm beekon ke Judée lé tede Juipge sangi rebe le kade dé tɔl'n.
- ²Nè ndɔ ra nan kei kamge le Juipge nain ngɔr.
- ³Ngakon Jésuge ke dingem edi nin edi nè: – Ɔte loo ke nè't kɔke aw kêm beekon ke Judée tede kade njékuwe-girige teri kule raige ke i ndi i ra nga tɔ.

⁴Doo ke sang le kade dooge geri nin njung baa à ra nyan se go ngein lé. Ke nè á a i ra nyange titeke bè nga baa, maje kade i kuwe i tɔje rai ke nata tàkum dooge't malang.

⁵Ngakon Jésume ke dingem ke mbain kuwe géa undei kêm de dènn't lé.

⁶Jésume ede de ede nè: – Man baa, ndɔ le'm ke kanm nain bai, nè sei baa i ndii tchèn se ndɔge malang.

⁷Sei baa, dooge ke dè nang nè asikum kɔr sei njêt lé, nè man baa dooge ke dè nang nè ɔri man njêt tede kɔr ke m'ɔr gir nyanra de ke majelé ke nata se ndɔ'm-ndɔ'm.

⁸Sei baa, tà le si goto, in-in awi loo ra nan't nga. Man baa, m'a m'aw tutu lé tede ndɔ le'm ke kanm ase lé bai.

⁹Loo ke Jésume ede de tàge nè nga titeke bè baa, è tel nain gugu beekon ke Galilée.

¹⁰Nè né è bè géa, loo ke ngakon Jésume ke dingem in-in awi loo ra nan kei kamge't nga bá baa, Jésume géa in aw loo ra nan't nè nga tɔ. E aw se go ngein m aw tàkum dooge't njung lé.

Jésume ndó Juipge nyan loo ra nan kei kamge't

¹¹Juipge sangi Jésume loo ra nan kei kamge't nè nga. Ei deji nan edi nè: – Ké n'ee nga n'ee ra wa?

¹²Doobulege naji nan tà ngain dann de't ɔji dè Jésume. Njé ke karége tami edi nè: – Jésume è doo ke njèra maje. Njé ke nange tami edi nè: – M-m, Jésume è njè libe kum doobulege.

¹³Nè né è bè géa, doo karé ke tam tà ndàt ɔje'n dè Jésume goto tede dé bel kum Juipge.

¹⁴Loo ke dé ra nan d'aw danné bɔp bá baa, Jésume aw kêm kei't le Nube unn gir ndó dooge nyan.

¹⁵Tà ige Juipge sêl adi tami edi nè: – N'ee nga, n'ndó nyan lé, à ké se go rebe ke ra n'ger'n magtub bè wa?

¹⁶Jésume tel ile de dè't ede nè: – Nyan le'm ke m'ndó dooge nga in ram't lé, nè in ra è njèkulem't nga.

¹⁷Ke nè á doo karé ndige ra nyan ke kêm njèkule'm Nube ndige baa, à ger tite nyan-ndó nè nga in ra Nube't. E man kuwe á m'in se dè'm m'ndó nyan dooge lé.

¹⁸Doo ke in se dè'n tam tà nga, sang ribar ke ɔje dè'n è kuwe. Nè doo ke sang ribar ke ɔje dè njèkule'n nga baa, è ngarankum doo kerɔte kuwe. Nyanra ke nal naje'n karé bè géa goto rann't.

¹⁹Ké è Moise kuwe á ade sei magtub gute-ndu Nube nga lé wa? Nè doo karé dann si't ra nyan ke gute-ndu oje nga se ndoge-ndoge lé. A baa, ké bain á sei sangi le kade dé tól'm wa?

²⁰Doobulege teli ilei Jésus dè't edi nè: – I kumen, ké nan dann jé't á sang le kade dé tóli wa?

²¹Jésu tel unn tà tam ede de ede nè: – Ndo ke kété m'ra nyan karé bere luk-luk kuwe bai á ndil si tee an-in soin-soin malang nè lé wa?

²²Moise ade sei ndukunnn ke oje dè kuje tà môte. Ndukunn nè nga in ra Moise't lé, nè in ra kà sige't. Nè né è bè géa, sei a odi nan kuje tà môte se ndo taa kebe.

²³Sei ujei tà môte doo se ndo taa kebe tede kile'n koje dè gute-ndu Moise't. A baa, ké bain á i rai wong se'm tede kaje ke ndo ke m'aje danra doo bere mbak se ndo taa kebe nga wa?

²⁴Ebi ra si gangtà tede tàkum doo. Nè i gangi tà ke se dè naje'n tá.

Ké Jésus è Krist kerote kuwe wa?

²⁵Loo ke dooge ke nange ke Jérusalem an-in Jésus baa, ei tami edi nè: – Ké è n'ee nga dé sang le kade dé tólé nè lé wa?

²⁶An-in! n'ee nga n'nda kêmé kang n'a n'tam tà nata ndái-ndái, nè doo karé bè géa edé tà lé. Ké njékör non jéige geri titeke n'ee nga n'ee Krist kerote kuwe wa?

²⁷N'ee nga jè geri loo ke n'in tutu mbak; nè Krist nga, loo ke ndon't à ree baa, doo karé géa à ger loo ke in tutu nga lé.

²⁸Kêm ndon't nè nga, Jésus in ndó dooge nyan kêm kei't le Nube se ndu'n ke bòi ede nè: – Sei geri man mbak, loo ke m'in tutu nga géa i geri mbak a to. E man kuwe m'in se dè'm m'ree lé. Nè Nube ke è njèkule'm ke get-get nga baa, i geri nin lé mbeng kòke.

²⁹Man baa, m'ger'n tede m'in rann't. E è kuwe á ule'm.

³⁰Loo ke Jésus tam tà nè titeke bè baa, dé sang le kuwe'n, nè doo karé bè géa ule ji'n ode'n lêm lé tede kàde le'n nain bai.

³¹Dooge ngain dann doobulege't umi kêm dè Jésus't. Ei tami edi nè: – Loo ke ndon't Krist à ree nga, ké à ra nyankobege ngain dum ège ke doo nè ra nga wa?

D'ule njéröge le kade uwei Jésus

³²Tàge ke doobulege kòti nan oje dè Jésus nga oso mbi Pharisienne't. Maw njèkuje nyan-mesege se Pharisienne ulei njéröge le kade uwei nin.

³³Jésu tam ndàt ede nè: – M'a m'nain se si mbör bita m'a m'tel kaw ra njèkulem't bai.

³⁴Nɔn't a i sangi man, nè a ingei man lé, tede loo ke m'a m'ndi tutu nga, sei asi kaw tutu lé.

³⁵Juipge deji nan edi nè: – Ké loo ke ra n'a n'aw tutu á j'à j'asi kingei n'ee gugu lé wa? Ké n'a n'in le kaw béee le dooge ke ei Juipge lé le tel rayé ke njè ndó de nyan ta wa?

³⁶Ké tà ke n'tam n'ede nè: nɔn't a i sangi man nè a ingei man lé tede loo ke m'a m'ndi tutu nga, sei asi kawi tutu lé nga, ké gir'n è ri wa?

Jésu è ngire mann ke an-in kutch-kutch

³⁷Ngei ndɔ ra nan kei kamge nga, è ndɔ ke bò dum madege. Jésus in nda ɔ non doobulege't kêm kei le Nube ede de tà se ndu'n ke bòi ede nè: – Ke nè á kunde mann ra doo baa, maje kade ree ram't taa mann an-in.

³⁸Doo ke unde kêm'n dèm't titeke Magtub ke tò se ninn'n tam'n nga baa, mann à in kêm'n't kan-in kutch-kutch.

³⁹E tam tà nè nga titeke bè ɔje'n dè Ndil-Kêmnda ke njé ke undei kêm de dènn't ayé kingei. Kêm nɔn't nè nga Ndil-Kêmnda ree lé bai tede d'ule ndubra dè Jésus't lé bai.

Doobulege kayai nan danné loo joo tede tà le Jésus

⁴⁰Loo ke njé ke nange dann doobulege't ooi tàge nè nga bè baa, ei tami edi nè: – Loo naje'n goto, doo nè nga è njèribe-dè-tà ke tà Nube't kuwe.

⁴¹Njé ke nange ke rang tami edi nè: – Doo nè nga è Krist nga kuwe. Nè njé ke karége tami edi nè: – Ké Krist nga à in kêm beekon ke Galilée wa?

⁴²Bethléhem nga è ngonn bee kɔje ngar David. Ké magtub ke tò se ninn'n tam titeke Krist nga à in Bethléhem girkà't le ngar David nga lé wa?

⁴³Gir'n ke nè á, doobulege kayai nan danné loo joo tede tà le Jésus.

⁴⁴Njé ke nange dann de't ndigi le kuweii, nè doo karé bè géa ule ji'n ɔde'n lêm lé.

Kunn mbi dè tà't le Juipge

⁴⁵Njérɔge teli reei ra maw njékuje nyan-mesege se Pharisiennege ji de karé. Ei deji de edi nè: – Ké bain á uwei n'ee i reei seyé lé wa?

⁴⁶Njérɔge ilei de dè't edi nè: – Doo karé ke tam tà tite doo nè nga, j'inge'n nja karé ndan lé bai.

⁴⁷Pharisiennege teli deji de edi nè: – Ké sei kuwe géa adi dé libe kum si to wa?

⁴⁸Dann ngar beege't le jéi éké dann jé jèi Pharisiennege't nga, ké doo karé ke luk-luk unde kêm'n dè doo nyan le doo't nè nga adi an-in wa?

⁴⁹Nè è majelé dooge ke geri gute-ndu le Moise lé kuwe karé á undei kêm de dè doo't nè nga. Dé nè nga, kure'n à ɔde kum de bai.

⁵⁰Nicodème, è dann Pharisienne' t ke ulei njérɔge le kade uwei Jésus. E á ndɔ ke è aw inge Jésus. E deje de ede nè:

⁵¹– Ké se go gute-ndu le jéi ke inye loo ade jèi nga, j'asi gangtà dè doo't anje koo tà le'n kété éké anje ger gir nyanra'n wa?

⁵²Dé deje Nicodème d'ede nè: – Ké i kuwe géa i tel rai doo ke Galilée tɔ wa? Ke nè á i nder gir tà kêm Magtub't le Nube maje an baa, njèribe-dè-tà ke tà Nube't à in kêm beekon ke Galilée lé.

[⁵³Nanan géa ɔte mênênn-mênênn aw bee le'n.

Jean 8

Dinye ke d'uwe'n dè dingem ke rang't

¹Jésu tel aw dè mbal ke kage olivierge ndai tutu.

²Nè loo ke loo à ar bai baa, è tel aw kêm kei't le Nube. Kosdooge malang reei rann't. E tête ra'n ndi nang unn gir ndó de nyan.

³Njékɔrgir gute-nduge se Pharisienne uwei dinye karé dè tò se dingem ke rang't reei se'n undei nin non dooge't malang.

⁴Go't gugu ei edi Jésus edi nè: – Njèndó dooge nyan, dinye nè nga d'uwe'n mêtch dè tò se dingem ke rang't.

⁵Kêm magtub gute-ndu le jéi ke Moise ndang nga, è unn ndu'n ade jèi le tile dinyege ke titeke bè se kuberi her tɔl de kɔke. Ké tà ri á a i tam dèt wa?

⁶Dé tam tàge nè nga titeke bè d'an-in'n kêm Jésus tede kile'n tà dènn't. Nè è ule dè'n nang, tuje nyan nang se ngonn ji'n.

⁷Titeke njékɔrgir gute-nduge se Pharisienne deji Jésus tà ke kété kété nga, è in ndi dè rann't ede de ede nè: – Maje kade doo karé dann si't ke ra majelé nja karé lé unn kuberi her ile'n dinye nè nga kété ade j'an-in.

⁸Jésu ule dè'n nang tel unn gir tuje nyan nang se ngonn ji'n.

⁹Loo ke dooge ooi tà nè bè baa, in-in go nan't mênênn-mênênn. Njé ke tɔgege kuwe ɔsi nang in-in kété bita njé ke rang uti go de bai. Jésus kuwe se kar'n bere á nain-in tà nan't se dinye ke kété d'unde'n dann de't nga.

¹⁰Loo ke Jésus ɔr dè'n dɔ baa, è an doo ke rang karé lé. E deje dinye nè nga ede nè: – Ké njé kile tà dèi't nga ei ra wa? Ké doo karé bè géa ile tà dèi't lé njing wa?

¹¹Dinye nè ile Jésus dèt ede nè: – Kuwe-bee, doo goto. Nè Jésus tel ede'n ede nè: – Man kuwe géa m'ile tà dèi't lé tɔ. ɔte aw loo lei. Nè unn gir'n ɗarinè baa, i ra majelé kumi ke kété lé ta.]

Jésu è lookar le dooge dè nang nè

12Jésu tel unn tà tam ede doobulege ede nè: – Man nga m’a m’ee lookar le dooge ke dè nang nè. Nanan ke unn rebe goom’t baa à njiye dann loo ndul’t lé, nè à ndi dann lookar’t. Lookar nè nga, à or non’n kaw se’n loo ndikumgajer se non.

13Pharisienge tami se Jésus edi nè: – I tam tà oje’n dè rai i kuwe. Korgo tà lei ke i or nga, è korgo tà ke get lé.

14Jésu tel ile Pharisienge dè’t ede nè: – Né m’tam tà m’oje’n dè ra’m man kuwe géa, korgo tà le’m man nga, è ngarankum korgo tà kuwe tede m’ger loo ke m’in tutu á m’ree a, m’ger loo ke m’a m’aw ke tutu a to. Nè sei baa, i geri loo kin-in’m éké loo kaw’m lé a to.

15Sei gangi tà se go kum kan loo le doo, nè man baa, m’gangtà dè doo karé’t bè lé bai.

16Ke nè á m’gangtà géa, tà gang le’m è tà gang ke get tede man se kar’m lé nè Bó’m ke njèkule’m nga è se’m nan’t.

17Dé ndang kêm magtub gute-ndu’t le si d’ede nè: Ke nè á dooge joo ori tà ade aw go nan’t baa, è ngarankum korgo tà kuwe.

18Man m’orgo tà m’oje’n dè’m man kuwe: Bó’m ke njèkule’m nga géa orgo tà le’m to.

19Pharisienge teli deji Jésus edi nè: – Ké Bó nga è ra wa? Jésus tel ile de dè’t ede nè: – Sei geri man lé a, Bó’m géa i geri nin lé a to. Ke nè á né i geri man baa, ayé geri Bó’m nga to.

20Jésu ndi ngor se ke kog-loo ngonm nar’t. E tam tàge nè nga loo ke ndi à ndó’n de nyan kêm kei le Nube. Nè doo karé bè géa uwe’n lé tede kàde’n le’n nain bai.

Jésu ede de tà tel kaw le’n ra Bón’t

21Jésu tel ede Pharisienge bai ede nè: – M’a m’ote kaw, sei a sangi man pi, nè a weii dann kaiya’t le si. Loo ke m’a m’aw ke tutu nga, sei asikum kawi tutu lé.

22Juipge deji nan edi nè: – Tam ke n’tanm n’ede nè: «Sei asikum kawi loo ke m’a m’aw tutu lé» nga, ké n’ee kuwe n’ayé tol rayé ta wa?

23Jésu tel ile de dè’t ede nè: – Sei baa, sei dooge ke dè nang nè, nè man m’in do danrán. Sei baa, sei le nang nè, nè man baa m’ee le nang nè lé.

24Gir’n ke nè á kété m’ede’n sei m’ede nè a weii dann kaiya’t le si. Ke nè á umi kêm si dèm’t titeke man m’ee Krist nga lé baa, a weii dann kaiyage’t le si kerote kuwe.

25Juipge teli deji Jésus edi nè: – Ké i nga i nan wa? Jésus tel ile de dè’t ede nè: – Tà ke m’ede sei kété loo kunn gir’t kule’t le’m nga kuwe, m’nda dè’t njáng sár dariné bai.

²⁶M'aw se tàge ngain ke oji dè si le tam a, m'aw se tàge ngain le gang dè si't a tɔ. Nè njèkule'm nga tam ngarankum tà. Tàge ke m'oo tann't á m'ede dooge ke dè nang nè.

²⁷Juipge geri titeke Jèsu tam tà nè nga oje'n dè Bɔ'n lé.

²⁸Jèsu tel ede de ede nè: – Loo ke ndɔn't a i beri Ngonn doo dɔ kàde kage-ke-dese't pa bita a i geri titeke man nga m'ee Krist. Kêm ndɔn't nè tá a i geri titeke man kuwe m'in se dè'm m'ra nyan karé lé, nè nyange ke Bɔ'm ndó'm á m'tam tà'n m'ede sei.

²⁹E ke njèkule'm nga, è se'm nan't. E inye'm se kar'm lé tede m'ra nyange ke taa kum'n se ndɔ'm-ndɔ'm.

³⁰Dooge bule undei kêm de dè Jèsu't loo ke ndi à tam'n tàge nè.

Nganrankum ndi dè pal le ngannkà Abraham

³¹Jèsu ede Juipge ke undei kêm de dènn't ede nè: – Ke nè á sei nain-in dann tà't le'm baa, sei njèkuwe-girmge kerɔte kuwe.

³²Sei a i geri ngarankum tà nga a, ngarankum tà nga ade a i ndii dè si pal a tɔ.

³³Dé tel d'ede Jèsu d'ede nè: – Jè jè ngannkà Abraham. Ndɔ karé jè ra ber le doo ndan lé bai. Ké bain á i tam ede nè: J'a tel ndi dè jè pal wa?

³⁴Jèsu tel ede de ede nè: – Kerɔte kuwe, man m'ede sei ndàt, nanan á ke inye ra'n nyein dann kaiya't se ndɔ'n-ndɔ'n baa, è ber le kaiya kuwe.

³⁵Ber nga à ra bee se njénojege le'n sár se non lé. Nè ngonn baa à ra bee se njénojege le'n sár se non.

³⁶Ke nè á man Ngonn á m'ade i ndii dè si pal baa, a i ndii dè si pal kerɔte kuwe.

³⁷Sei ngannkà Abraham ade m'ger kuwe. Nè i sangi le kade dé tɔl'm tede tà le'm ke urkei kêm si't lé.

³⁸Man m'ede sei tà nyange ke m'an ra Bɔm't, nè sei baa, i rai nyange ke an-in ra bɔ si't.

³⁹Juipge teli edi Jèsu edi nè: – Kà jé jè nga è Abraham. Jèsu tel ede de ede nè: – Ke nè á sei ngannkà Abraham kerɔte baa, né ayé rai nyanra Abraham.

⁴⁰Nè man njè kede sei ngarankum tà ke m'oo tà Nube't nga, d'arinè sei sangi kade dé tɔl'm. Abraham nga ndɔ ke ra nyan titeke bè lé.

⁴¹Nè sei i rai nyan ra bɔ si tcha-tcha. Juipge teli edi Jèsu edi nè: – Jè nga, dé tò se nan ke kaiya't á d'oje'n jè lé. Nè Nube kuwe karé bere luk-luk á è Bɔ jé.

⁴²Jèsu ede de ede nè: – Ke nè á Nube è Bɔ si kerɔte baa, né ayé tári man tede man m'in ra Nube't á m'ree. E man kuwe m'in se dè'm m'ree lé, è è á ule'm ra si't.

⁴³Sei unni mbi si dè nyange ke m'ndó sei, gir'n ke nè á sei asikum ger girtàge le'm lé.

⁴⁴Sei baa, bɔ si ke le si è sú. Nyange ke ngur'n ra bɔ si pènn-pènn á sei ndigi rai. E nga, è njè tɔ koo dooge ká-ká, kété mari ke desêin sár tee bila. E nga, nda dè njann't njáng dè ngarankum tà't lé, tede ngarankum tà goto kêm'n't. Tà lanm ke è tam se ndoge malang nga in-in kêm'n è't kuwe tede è njè tà lanm a, è bɔ njé tà lanmge a tɔ.

⁴⁵Nè man baa, undei kêm si dèm't lé tede ngarankum tà ke m'tam.

⁴⁶Ké nan dann si't asekum toje'm majelé ra'm wa? Ke nè á m'tam ngarankum tà baa, ké bain á undei kêm si dèm't lé wa?

⁴⁷Nanan ke è le Nube baa à ur mbi'n le koo'n tàge le Nube. Nè sei uri mbi si ooi tàge le Nube lé, tede sei sei lennge lé.

Jésu bòi dum dè Abraham

⁴⁸Juipge teli deji Jésu edi nè: – Tam ke jè tam kété j'ede nè i doo ke kêm bee-bò ke Samarie karè a, kumen tò kêm'i't a tɔ nga, ké è loon't lé wa?

⁴⁹Jésu ile de dè't ede nè: – M-m, kumen goto kêm't. Man m'ile koje dè Bɔm't, nè sei á ilei koje dèm't lé.

⁵⁰Man m'sang ribar ke ɔje dè'm lé. Nè njèsang ribar se njègangtà ke ɔje dè'm ndi non.

⁵¹Kerɔte kuwe, man m'ede sei ndàt, ke nè á doo karé an dè tà le'm sêw-sêw baa, à wei ndan lé.

⁵²Juipge edi Jésu edi nè: – Darinè jè ger titeke kumen tò kêm'i't kerɔte kuwe. Abraham wei bá, njéribè-dè-tàge ke tà Nube't géa weii bá a tɔ. Nè i baa i tam ede nè: «Ke nè á doo karé an dè tà le'm sêw-sêw baa, yo à tol'n ndan lé.»

⁵³Ké i nga i bòi i dum kà jé Abraham ke ndɔ wei nè nga wa? Njéribè-dè-tàge ke tà Nube't ke ndɔ ke weii nga, ké i bòi i dum de wa? Ké i nga i ra rai ke nan wa?

⁵⁴Jésu ile de dè't ede nè: – Ke nè á man kuwe m'ndi sang ribar se dè ra'm baa, ribar le'm è nyan ke raikarè. Bɔ'm ke sei tami edi nè: «E Nube le si» nga á è njèkule ndubra dèm't.

⁵⁵Sei baa i geri Nube lé, nè man baa m'ger'n. Ke nè á m'tam m'ede nè m'ger'n lé baa, m'ayé k'ee njè tà lanm titeke sei bè tɔ. Nè man baa, m'ger'n, gir'n ke nè á m'an'n dè tà le'n sêw-sêw.

⁵⁶Kà si Abraham nga ndɔ ke ra ranel kêm'n't tede le kan ndɔ ree le'm. Ndɔ ke è an ndɔ nè nga se kum'n a, ra ranel dè't ngain a tɔ.

⁵⁷Juipge deji Jésu edi nè: – I nga, bali ase kɔr-mi lé bai, à ké an Abraham ra wa?

⁵⁸Jésu ede de ede nè: – Kerote kuwe, man m’ede sei ndàt, man m’ndi tutu kété bita kade d’oje kà si Abraham nga bai.

⁵⁹Ke loon’t nè, Juipge ɔyi kuberi her raw tede le tile’n Jésu tɔl’n, nè è ɔɔyɔ ra’n dann doobulege’t unde loo njêl tee kêm kei le Nube aw.

Jean 9

Jésu ade dingem ke d’oje’n ke njèkumtɔ an loo

¹Loo ke Jésu à dere le kaw ɓaa, è an dingem karé bè ke d’oje’n ke njèkumtɔ.

²Njékuwe-gir-Jésuge deji nin edi nè: – Ngar, ké nan ra majelé á ade d’oje’n dingem nè nga ke njèkumtɔ wa? E è éké njékojenngé wa?

³Jésu ile de dè’t ede nè: – E è á ra majelé éké njékojenngé lé a tɔ. Nè d’oje dingem nè nga ke njèkumtɔ kade dooge an-in tɔgmong le Nube tede tà le’n.

⁴Loo ke kàde nain bai nè kuwe, gar-gar ade jè rai kule le njèkule’m. Loo ke ndɔ à il ɓaa, doo karé bè asekum ra kule lé ta.

⁵Ndɔge malang ke m’nain’n dè nang nè bai nga, m’ee lookar le dooge ke dè nang nè.

⁶Loo ke Jésu tam tàge nè nga bè ɓá ɓaa, è tibe yoro loin’n nang uje kum njèkumtɔ’t labat.

⁷Go’t gugu Jésu ede njèkumtɔ nè ede nè: – Aw i togo kumi se mann gar ke ri’n nè Siloé (tel se tà koje jéi ɓaa, è njèkawkule le Nube). Njèkumtɔ nga ɔte aw tà mann gar’t togo kum’n. Loo ke à tel ɓaa, an loo.

⁸Dingem nè nga kété è njèkumtɔ. Njémade-tà-keige le’n se dooge ke kété an-in nin ke njèkɔ nyan nga unni gir tami kedi nè: – Ké è doo nè kuwe á kété ndi nang kɔ nyan se ndɔge malang nè lé wa?

⁹Njé ke nange edi nè: – E n’ee nga kuwe. Njé ke rang edi nè: – M-m, è doo ke rang á tanan seyé karé. Nè njèkumtɔ nè kuwe tam ndàt dè rann’t ede nè: – E man nga kuwe.

¹⁰Dé deje’n d’ede nè: – A ɓaa, i ra titeke bain á kumi teen ade an’n loo wa?

¹¹Njèkumtɔ ile dooge dè’t ede nè: – Dingem ke dé ɓar’n Jésu á loin nang uje kum’t ɓaa, è ede’m ede nè: «Aw i togo kumi se mann ke ri’n nè Siloé.» Ke loon’t nè kuwe m’ɔte m’aw danné m’togo kum’m ɓaa, kum’m an loo njai-njai.

¹²Dooge teli deji njèkumtɔ nè nga edi nè: – Ké dingem nè nga è ra wa? E ile de dè’t ede nè: – Man m’ger loo ke è tutu lé.

Pharisiengé deji njèkumtɔ tà

¹³Dé kali dingem ke kété è njèkumtɔ nga d’aw se’n ra Pharisiengé’t.

- 14**Ndo ke Jésu loin nang uje'n kum dingem't ade an'n loo nga, è ndo taa kebe.
- 15**Pharisienge ke le de to, deji dingem ke kété è njèkumto nga edi nè: – Ké i ra titeke bain á kumi teen ade an'n loo wa? E ile de dè't ede nè: –Dingem nè nga loin nang uje kum't labat. Tabai loo ke m'aw togo kum'm baa, ðarinè m'an loo njai-njai ta.
- 16**Dooge ke nange dann Pharisienge tami edi nè: – Dingem ke njè ra nyan nè nga in ra Nube't lé, tede ile koje dè ndo taa kebe't nga lé. Njé ke rang tami edi nè: – Ké doo ke njè ra majelé asekum ra nyankobege ke titeke bè ra wa? Kòbe kasenan lé in dann de't ade dé kai nan danné.
- 17**Pharisienge teli deji doo ke kété è njèkumto nga edi nè: – Njè kade kumi teen ade an'n loo nga, ké tà ri á i tam oje'n dè'n wa? Dingem ke kété è njèkumto tel ile de dè't ede nè: – E njèribe-dè-tà ke tà Nube't kerote kuwe.
- 18**Dingem ke kété è njèkumto á ðarinè tel an loo nga, Juipge mbati kumi kêm de dè tà't le'n. Gir'n ke nè á adi dé bar'n njékojenge d'ade reei baa,
- 19**ei deji de edi nè: – Ké è ke nda nè, è ngonn si ke ndo ke sei tami edi nè oji nin ke njèkumto nga lé wa? Ké se rebe ke ra an'n loo ðarinè wa?
- 20**Njékojenge ilei Pharisienge dè't edi nè: – Jè ger maje titeke è ngonn jé ke j'oje'n ke njèkumto nga kuwe.
- 21**Nè se go rebe ke ra an'n loo ðarinè, jè jè ger lé. Doo ke njèkade kum'n teen ade an'n loo nga géa jè ger'n lé a to. I dejii è kuwe adi o'gir nyan ke oje dè'n ade ooi tede è doo ke toge kang-kang bá ta.
- 22**Njékojenge tami titeke bè tede ei beli Juipge. Juipge nga umi tà le de nan't kété edi nè: Nanan ke tam ndàt titeke Jésu nga è Krist baa, j'à roi nin kòke kêm kei kebe nan't.
- 23**Gir'n ke nè á njékojenge tami edi nè: «I dejii è kuwe tede è doo ke toge kang-kang bá ta.»
- 24**Pharisienge tel bari doo ke kété è njèkumto nga dejii tà nja karé bai edi nè: – I tam kerote non Nube't. Dingem nè nga, jè baa jè ger titeke è njè ra majelé.
- 25**Doo ke kété è njèkumto tel ile de dè't ede nè: – Doo nè nga, bainléa è njè ra majelé géa m'ger lé. Nè nyan karé ke m'ger á to nè: kété m'ee njèkumto, nè ðarinè m'an loo njai-njai.
- 26**Pharisienge teli deji dingem ke kété è njèkumto edi nè: – Ké ri á ndo ke doo nè ra sei wa? Ké n'ade kumi teen ade an'n loo titeke bain wa?
- 27**E tel ile de dè't ede nè: – Kété kuwe m'ede sei tà nè nga bá, nè sei unni mbi si dè't. Ké bain tabai i ndigi kooi bai wa? Ké sei géa awi ndoo teli k'ei njékuwe-girnge to wa?

28Ke loon't nè kuwe, Pharisienne unni gir taji doo ke kété è njèkumtɔ edi nè: – I á i njèkuwe-gir doo nyan le doo nè nga! Nè jè baa, jé pajage le Moise.

29Jè baa, jè ger titeke Moise á ndɔ ke Nube ede'n tà. Nè doo nyan le doo nè nga, jè ger loo ke in tutu lé.

30Doo ke kété è njèkumtɔ ile de dè't ede nè: – Dingem nè nga, sei edi nè i geri loo ke in tutu lé. Nè né è bè géa, è ade kum'm teen ade m'an'n loo. Tam ke sei i tami edi nè: i geri loo ke in tutu lé nga, è nyan ke ade tà ige'm sêl.

31Jè geri titeke Nube ur mbi'n oo'n tà le njé ra majelége lé. Tabai è ile de dè tà ke d'oje senn't nga lé a tɔ. Nè ke nè á doo karé ile koje dè Nube't a, ra nyan ke kêm'n ndige baa, Nube ur mbi'n oo'n tà le doo nè nga kerɔte.

32Doo ke d'oje'n ke njèkumtɔ nga, doo ade kum'n teen ade j'oo tà'n nja karé bè ndan lé bai.

33Ke nè á dingem ke njè kade njèkumtɔ an loo nè in ra Nube't lé baa, ayé k'asekum ra nyan karé lé.

34Pharisienne in-in se doo ke ndɔ ke è njèkumtɔ nga edi nè: – I ke d'oji dann majelé't bere mbak taa i ndige le tel k'ee njè ndó jè nyan wa? Ke loon't nè dé rɔ'n kêm kei kebe nan't d'ile'n nata.

Dooge kum de tò tutu kuwe nè ei njé kum libege

35Jésu oo titeke dé rɔ doo ke kété è njèkumtɔ nè d'ile'n nata. E ree inge'n deje'n ede nè: – I nga, ké unde kêm'i dè'm man Ngonn doo't nga kuwe wa?

36Doo ke kété è njèkumtɔ deje Jésus ede nè: – Ngar, ké Ngonn doo nga è nan wa? Ede'm kade m'unde kêm'm dènn't.

37Jésu tel ede doo ke kété kum'n tɔ nga ede nè: – Ngonn doo nga i an'n bá, è è nga kuwe á nda oje sei tà nè.

38Njèkumtɔ ke kété nga ɔse keje'n nang non Jésus't ede'n ede nè: – Kuwe-bee, m'unde kêm'm dèi't kuwe.

39Jésu unn tà tam ede nè: – Man nga m'ree dè nang nè le kɔr ninn dooge gai-gai: Njé ke kété an-in loo à teli njé kum libege a, le kade njé ke kété ei njé kum libege teli an-in loo a tɔ.

40Pharisienne ke nange ndii ra Jésus't. Loo ke ooi tàge ke è tam nè nga bè baa, ei deji nin edi nè: – Ké jè géa jè njé kum libege tɔ wa?

41Jésu ile de dè't ede nè: – Ke nè á kété sei njé kum libege kerɔte baa, né tà kaiya ayé kuwe dè si lé. Nè sei tami darinè edi nè: «Jè jè njé kum kan looge.» Gir'n ke nè á tà kaiya uwe'n de si dèng-dèng bai.

Jean 10

Gostà ke oje dè batege se njèkul de

¹Kerote kuwe, man m'ede sei ndàt, doo ke ree se tà rebe gar batege lé, nè al se tà rebe ke rang tá ree'n go batege baa, è njèbog a, è gon-bog a tɔ.

²Nè doo ke aw kei go batege se tà rebe gar batege nga, è njèkul batege kuwe.

³Njè ngonm tà rebe gar batege teen tà rebe ade'n. Batege uri mbi de ooi ndu njèkul de nga. Batege ke ei lennge nga, è bar de se ri de karé-karé tee se de nata.

⁴Loo ke è tee se batege ke kinge'n malang nata bá baa, è oso non de't kété. Batege geri ndu'n. Gir'n ke nè á umi nan goon't.

⁵Doo ke in rang ke batege geri ndu'n lé nga, à umi nan goon't ndan lé. Nè loo an-in doo ke in rang baa, à an-in nan kaw ndai heb se'n, tede dooge ke in-in rang nga ei mbage m dé ger ndu de lé.

⁶Jésu ede Pharisienne tà nè nga se gos titeke bè, nè geri gir tà ke è ede de nga lé.

Jésu è njèkul batege ke get

⁷Jésu tel ede de ede nè: – Kerote kuwe, man m'ede sei ndàt, man nga m'ee tàbit kei rebe gar batege.

⁸Njé ke reei kété nonm't malang ei njèbog-ge se gon-bogege a tɔ. Nè batege uri mbi de ooi ndu de lé.

⁹Man nga m'ee tàbit kei rebe. Ke nè á doo ree se rebe ke ram't baa, d'a d'aje'n. Doo nè nga à aw kei a, à unde loo tee nata a tɔ. Tabai doo nè nga à inge nyan kul ra'n a tɔ.

¹⁰Njèbog nga ree tede boge batege a, tɔl de a, le tuju de a tɔ. Nè man baa, m'ree le kade dooge se batege ndii kumgajer adi ase de nák-nák.

¹¹Man m'ee njèkul batege ke get. Njèkul batege ke get ile ra'n kɔke tede batege le'n.

¹²Doo ke batege ei le'n lé nga, è ul de tede kinge'n nar karè. Loo ke an heng à ree baa, inye batege an-in aw, ade heng ree yal batege karé-karé.

¹³E tee an-in tede è njèkul batege lé.

¹⁴Man m'ee njèkul batege ke get. Man m'ger batege le'm a, batege le'm géa geri man a tɔ.

¹⁵Bɔ'm ger'm tede man géa m'ger'n a tɔ. Gir'n ke nè m'ile'n ra'm kɔke tede le batege le'm.

¹⁶M'aw se batege ke rang ke ndai kêm gar't nè nga lé bai. Dé nè nga, gar-gar è tà le kade m'ose nja de nan't tɔ. D'a d'oo ndu'm, d'a dé kos batege ke karé luk-luk, njèkul de géa à è karé luk-luk a tɔ.

17M'ile ra'm kɔke bila nè m'a m'tel ndi kumgajer gugu bai. Gir'n ke nè á Bɔ'm tár'm ngain.

18Doo karé ke asekum tɔl'm se dè ra'n goto, nè man kuwe m'inye ra'm m'ade yo. M'aw se tɔgmong le kinye ra'm kade yo a, m'aw se tɔgmong le tel ndi kumgajer gugu a tɔ. E ke nè á è nyan ke Bɔ'm unn'n ndu'n ade'm le kade'm m'ra.

19Tà tin nan oso dann Juipge't tede tàge ke Jésu tam d'arinè nga.

20Njè ke nange bule dann de't tami edi nè: – N'ee nga, kumen tò kêmé't a, bile rayé a tɔ. Ké uri mbi si ooi ta leyé tede ri wa?

21Njé ke rang tami edi nè: – Tàge nè nga è tà tam doo ke bile ra'n lé. Ké doo ke njè bile ase kum kade njékumtɔge an-in loo wa?

Juipge mbati kundei kêm de dè Jésu't

22Kei le Nube ke tò kêm bee-bò ke Jérusalem nga, dé ra nan'n. E nan ke ɔje dè kɔr kei nè a, se d'inger loo nyankuje-mese gonm a tɔ. Dé ra nan nè nga tà kuli.

23Jésu ringe gile kei't le Nube ke dé ɓar'n pal le Salomon.

24Juipge an-in dè Jésu girm ulei nan't ɓaa, deji nin edi nè: – Ké ndɔ ke ra a ade kêm jé à oso nang pon wa? Ke nè á i Krist nga ɓaa, ede jè ndàt ade j'oo.

25Jésu ile de dè't ede nè: – Tà nè nga m'ede sei kété ɓá, nè unni mbi si dè't. Nyankobege ke Bɔ'm ade'm m'ra se ri'n nga, ɔri go tàge le'm titeke m'ee Krist nga kuwe.

26Nè sei undei kêm si dè't lé, tede sei dann batege't le'm nga lé titeke m'tam'n kété.

27Batege le'm nga uri mbi de ooi ndu'm. Man m'ger de mbak, à umi nan goom't a tɔ.

28Man m'ade à ndii kumgajer se non m à weii ndan lé sár doo karé bè géa asekum kuwe de hont kɔr de jim't lé a tɔ.

29Bɔ'm ke njè kade'm se de nga, tɔgmong le'n dum dè le dooge malang. Doo karé bè ke asekum nanr de taa de jinn't goto.

30Man se Bɔ'm jè karé.

31Juipge teli ɔyi kuberi her raw le tilei Jésu tɔlii kɔke.

32Jésu tel ile de dè't ede nè: – M'ra nyange ke maje bule se tɔgmong le Bɔ'm m'ade an-in ɓá. Ké è tede è ke ra tabai á a i tilei man se kuberi her tɔli man wa?

33Juipge teli ilei Jésu dè't edi nè: – E tede nede ke i nede Nube. Tabai i i doo ndul karè, nè i ra rai ke Nube. Gir'n ke nè á jè ndige tilei se kuberi her tɔli m è tede nyan rai ke maje nga lé.

³⁴Jésu tel de je de ede nè: – Kété kuwe man m'ede sei m'ede nè: «Sei sei kum gute tà Nube.» Ké dé ndang tà nè nga kêm Magtub mann-ra le si ke mari't lé wa?

³⁵Njé ke tà le Nube oso mbi de't nga, loo ke nange Magtub mann-ra ke mari bar de kum gute tà Nube. Tà ke tò kêm Magtub ke tò se ninn'n nga, doo asekum kɔr kile kɔke tuju'n lé.

³⁶Man nga, Bɔ'm Nube ɔr'm unde'm se ninn'n kété bita ule'm dè nang nè bai. Ké bain á m'ede nè man Ngonn'n baa sei tami edi nè m'nede'n tabai wa?

³⁷Ke nè á m'ra nyange se tɔgmong le Bɔ'm lé baa, undei kêm si dèm't lé.

³⁸Ke nè á undei kêm si dèm man't lé géa, undei kêm si dè nyange ke ndɔ ke m'ra se tɔgmong le Bɔ'm. Titeke bè á a i geri nja karé ke ngang'n titeke Bɔ'm um se'm nan't bɔk a, man géa m'um se'n nan't bɔk a tɔ.

³⁹Nja karé bai, Juipge teli sangi le kuwei Jésus kuwe bai, nè è tee dann de't njêl aw.

Jésu tel aw gugu gide ba ke Jourdain

⁴⁰Jésu tel aw gugu gide ba ke Jourdain nú ndi tutu. E loo ke ndɔ ke kété Jean unn gir kule dooge manné njonm tutu.

⁴¹Dooge ngain reei ra Jésus't edi nin edi nè: – Jean nga ndɔ ke ra nyankɔbe karé bè lé. Nè tàge malang ke ndɔ ke tam ɔje'n dèi i Jésus nga, è ngarankum tà kerɔte.

⁴²Dooge ngain ke gide ba ke Jourdain undei kêm de dè Jésus't.

Jean 11

Kwei le Lazare

¹Dingem karé bè ri'n nè Lazare ndi kêm bee ke Béthanie. Ngakon nange ke dinye joo, Marthe se Marie ndii se'n kêm bee't nè nga tɔ. Ndɔ karé bè ratur ra Lazare ngain ade tò tà yo't.

²E Marie nè nga kuwe á ndɔ ke tête wubu ke dé ra se myrrhe dè Kuwe-bee Jésus't a, tel bɔr njà'n se bin dè'n a tɔ. E ngokon'n Lazare á tò tà yo't.

³Marthe se Marie ulei kule ra Jésus't edi nin edi nè: – Kuwe-bee, an! madi ke i tár'n ngain nga tò tà yo't.

⁴Loo ke Jésus oo tà nè baa, è tam ede nè: – Ratur nè nga è ratur ke à tɔl Lazare lé, nè è tede kade dooge an-in tɔgmong le Nube. Takul ratur nè á d'a d'an'n tɔgmong ke Nube ade'm man Ngonn doo nga.

⁵Jésu tár Marthe se Marie ngain. Ngokon de Lazare géa è tár'n ngain tɔ.

⁶Jésu oo mbak titeke Lazare tò tà yo't, nè né è bè géa, è tel è nain loo ke è ndi tutu nga ase ndɔ joo bai.

- ⁷Go't gugu bita è ede njékuwe-girnge ede nè: – Adi jè teli j'awi kêm beekon ke Judée gugu.
- ⁸Njékuwe-girnge deji nin edi nè: – Ngar, i a Juipge sangi tilei nin se kuberi her le tɔli nin ɗarinè bai nè kuwe, ké a i tel kaw kêm beekon le de ke Judée nga bai wa?
- ⁹Jésu tel deje de ede nè: – Loo ke loo ar sár bita kade loo ndul nga, ké kàde karé-karé ke kêmé è ɗɔg-gidé-joo lé wa? Ke nè á doo karé njiye dann kada baa, nyan à tuge'n kade aw tebel-tebel lé tede an lookar le dooge ke dè nang nè.
- ¹⁰Ke nè á doo karé njiye dann loondul't baa, nyan à tuge'n kade aw tebel-tebel tede lookar goto rann't.
- ¹¹Loo ke Jésus tam tàge nè nga gir gang bá baa, è ede njékuwe-girnge ede nè: – Made jéi Lazare nga tò bi karè, nè m'a m'aw le ndel'n.
- ¹²Njékuwe-gir-Jésuge edi nin edi nè: – Kuwe-bee, ke nè á n'tò bi karè baa d'a ndelé bai.
- ¹³Jésu tam tà oje'n dè kwei le Lazare, nè ei njékuwe-girnge baa ei giri kêm de't titeke è tam tà oje'n dè bi ke tɔl Lazare ɗêk-ɗêk.
- ¹⁴Loo ke Jésus an bè baa, è tel ede de ndàt ede nè: – Made jéi Lazare nga wei.
- ¹⁵M'ra ranel tede tà le si. Goto ke m'goto kêm bee ke Béthanie loo kwei't le Lazare nga, è tede kade undei kêm si dèm't. Nè adi j'awi dènn't j'an-in nin.
- ¹⁶Thomas ke ri toy'n è ndunge ede njékuwegir-Jésu madenngé ede nè: – Jèi géa, adi j'awi j'weii se Jésus nan't.

Jésu è nè kade dooge undei loo teei koo

- ¹⁷Dé dubu Lazare ra ndo so bita Jésus ree bai.
- ¹⁸Ngonn bee ke Béthanie nga tò ngor ase kurloo mutege bè se bee-bò ke Jérusalem.
- ¹⁹Gir'n ke nè á Juipge reei ngain ra Marthe se Marie le sɔli kêm de tede ngokon de ke wei.
- ²⁰Loo ke Marthe oo titeke Jésus à ree baa, in aw tile non'n. Nè Marie baa ndi nang kêm kei béee.
- ²¹Marthe ede Jésus ede nè: – Kuwe jé, ke nè á ndo ke i nè baa, ngokon'm ayé kwei bè lé bai.
- ²²Nè ɗarinè géa, m'ger kêm't titeke nyan malang ke a i deje Nube nga à adi kuwe.
- ²³Jésu tel ede Marthe ede nè: – Ngokoin à unde loo tee dann njé ke koo't karè.
- ²⁴Marthe tel ede Jésus ede nè: – M'ger maje titeke à unde loo tee dann njé ke koo't ndo ke ngeinn't.

25Jésu tel ede Marthe ede nè: – Man nga m’ee njèkade dooge undei loo teei dann njé ke koo’t. Man nga, m’ee njèkade dooge ndii kumgajer a tɔ. Nanan ke unde kê’m’n dèm’t, ke nè á wei géa à tel ndi kumgajer bai.

26Nanan ke unde kê’m’n dèm’t loo ke è ndii’n kumgajer bai nga à wei ndan lé. Ké um kêmi dè tà’t nè nga kuwe wa?

27Marthe tel ile jésu dè’t ede nè: – Oiyó Kuwe-bee, m’um kêmi dè’t titeke i i Krist Ngonn Nube ke ndɔ ke ule’n ade ree dè nang nè nga kuwe mbain.

Jésu non tede kwei le Lazare

28Loo ke Marthe tam tà nè nga titeke bè bá baa, ɔte aw bar ngokon’n Marie ede’n mêt ede nè: – Kuwe jé ree nda rebe non, è bari kade aw inge’n.

29Loo ke Marie oo tà nè bè baa, ɔse nang kalang in aw tile non Jésus tɔ.

30Jésu ree kêmi bee’t lé bai, nè è nda loo ke kété Marthe aw inge’n tutu nga kuwe bai.

31Juipge danni nan pê-pê ra Marie’t kei le sɔli kê’m’n. Loo ke ei an-in titeke è ɔse nang rat in le tee nata baa, umi nan goon’t. Ei giri titeke à aw dè bada le non.

32Loo ke Marie ree tee loo ke Jésus nda tutu tête kum’n an’n baa, unde burmba nonn’t ede’n ede nè: – Kuwe jé, ke nè á ndɔ ke i nè baa, ngokon jé ayé kwei bè lé bai.

33Jésu an Marie non a, Juipge ke danni nin géa noin a tɔ. Ke loon’t nè kuwe, Jésus an kumndoo le Marie baa, ɔr tà’n deje de ede nè:

34– Ké è loo ke ra á i dubi Lazare tutu wa? Dé tel d’ile’n dè’t d’ede nè: – Kuwe-bee, i ree aw an.

35Ke loon’t nè kuwe, Jésus ur non sut.

36Juipge tami edi nè: – An-in! tár ke n’tár’n non.

37Njé ke nange ke dann de’t tami edi nè: – N’ee ke ndɔ ke n’ade njèkumtɔ an loo nga, ké bain á n’ase kɔge yo tɔl Lazare nga lé wa?

Jésu ade Lazare tɔse ndel in

38Kêmi Jésus tel tɔse’n se non mbik-mbik ade ɔte aw dè bada. Bade nè nga è bolè mbal ke dé son baa, d’utu tà se kuberi her ke bòi.

39Jésu ede de ede nè: – I ndubri kuberi her nè nga kɔke. Marthe kon nann njèyo Lazare ede Jésus ede nè: – Kuwe-bee, ninn Lazare in ndum bá tede bila ra ndɔ sɔ ta.

40Jésu tel ede’n ede nè: – Ke nè á unde kêmi dèm’t baa a an tɔgmong le Nube se kumi. Ké kété m’edi bè lé wa?

⁴¹Dé ndubri kuberi her ke bòi nga d'ile rang. Jésu an loo ke dɔ danrán tam ede nè: – Bɔ'm, m'rai oiyo tede i oo ndu kɔ le'm.

⁴²Kerɔte kuwe man baa, m'ger mbak tite oo ndu kɔ le'm se ndɔge malang. Nè m'tam tà nè nga tede tà le doobulege ke an-in dè'm girm nè, tede kade undei kêm de dèm't titeke è i kuwe ule'm dè nang nè.

⁴³Loo ke Jésu tam tà nè nga titeke bè bá baa, è tam tà se ndu'n ke bòi beng ede nè: – Lazare unde loo i tee nata.

⁴⁴Njèyo nga unde loo tee se tà kubu ke dé bir'n njannge se jinngge se kum'n bere mbak. Jésu ede dooge ede nè: – I tuti n'ee adi n'aw.

Juipge ɔri nan tà dè Jésu't le tɔl'n

(An-in Matt 26.1-5; Marc 14.1-2; Luc 22.1-2 tɔ)

⁴⁵Dooge bule dann Juipge't reei ra Marie't. Loo ke ei teri nyange ke Jésu ra an-in baa, undei kêm de dènn't.

⁴⁶Nè njé ke nange dann de't in-in awi ra Pharisienne't ɔri ser nyange ke Jésu ra ade ooi.

⁴⁷Maw njékuje nyan-mesege se Pharisienne ɔsi nja njégangtáge nan't deji de edi nè: – Ké ri á j'à rai ta wa? Doo nyan le doo ke dé bar'n Jésu nè nga ra nyankɔbege ngain.

⁴⁸Ke nè á j'inyei nin j'adi ra nyankɔbege nè kum'n ke kété-kété baa, dooge malang à undei kêm de dènn't. Tabai njékonbeege ke Rome géa à reei le tuji kei le Nube se girkoje le jéi.

⁴⁹E ke karé dann de't ri'n nè Caiphe. E maw njékuje nyan-mese kêm baln't nè nga, è ede de ede nè:

⁵⁰– Sei geri nyan karé lé. Kwei le doo karé tede le kosdooge le jéi è soo't dum kade Juipge bere mbak tuji. Ké sei giri an-in bè lé wa?

⁵¹E Caiphe á in se dè'n tam tà nè nga lé. Nè è Nube kuwe á ule tà nè tànn't tede k'ee ke è maw njékuje nyan-mese kêm baln't nè nga. Gir'n ke nè è tam'n ede nè: Gar-gar Jésu à wei tede le girkoje le Juipge.

⁵²Jésu à wei tede girkoje le Juipge á go karé lé, nè le kɔse nja ngann le Nube ke d'arinè yali nan se loo-loo nan't tede kade teli umi nan't bɔk tite kosdooge ke karé bere.

⁵³Unn gir kêm ndɔn't nè nga njékɔr non Juipge ɔji njáng le kade dé tɔl Jésu.

⁵⁴Gir'n nè á Jésu ringe'n tàkum Juipge't malang se kêmnda káng titeke kété lé ta. E ɔr ra'n se njékuwe-girnge awi kêm beekon karé't awi ndii kêm bee-bò ke ri'n nè Ephraim. Bee-bò nè nga è ngɔr se kêm dile.

⁵⁵Ndo ra nan Paque le Juipge nain ngor. Dooge ngain in-in se kêm bee-bee reei kêm bee-bò ke Jérusalem kété tede kor ra de gonm.

⁵⁶Dé sang Jésus kêm kei't le Nube ke dé ndi tutu nga. Loo ke d'an'n lé baa, dé deje nan d'ede nè: – Ké tà ri á i giri wa? Ké n'ee Jésus nga n'a n'ree loo ra nan't nè lé njing ta wa?

⁵⁷Maw njékuje nyan-mesege se Pharisienne unni ndu de edi nè: – Ke nè á doo karé ger loo ke n'ee Jésus nga n'ee tutu baa, maje kade taje jè looyé le kade j'ade d'aw d'uwé.

Jean 12

Marie tête wubu ke ete sununn nja Jésus't

(An-in Matt 26.6-13; Marc 14.3-9 to)

¹Jésu aw kêm bee ke Béthanie, ra ndo mute-mute bita ndo ra nan Paque ase deje bai. Béthanie nga, è bee le Lazare ke ndo ke Jésus ade tase ndel in gir yo't.

²Dé ra nyankuse se ri Jésus. Marthe è njè kai dooge nyankuse. Lazare géa è nan't se dooge ke ndi à usei nyan se Jésus.

³Marie unn wubu ke dé ra se walé nyan karé ke ri'n nè nard. E ree se wubu ke nar'n è ngain nè nga ngor se litre karé, or tà tête nja Jésus't, tabai bor nja Jésus se bin dè'n. Kete wubu nè nga taa loo ke kêm kei nè pel-pel.

⁴Wong ra Judas Iskariot njèkuwe-gir-Jésu ke karé dann madenng'e't ke ayé kunn dè'n. Judas tam ede nè:

⁵– Ké bain á d'ige wubu itir nè nga kum nar kule ke ndo aru mute le kai nar'n njédooge lé wa?

⁶Judas nga usu'n nyan dè njédooge't lé, nè è tam tà nè nga titeke bè tede k'ee ke è njè koto mbu nar nyankuse ke dé tann d'ade ngonm. E mëndé nar nè nga ndêin-ndêin.

⁷Jésu ede nè: – Inyé ade n'tête wubu nè nga dèm't kété bita ndon't dé dubu'm bai.

⁸Njédooge nga à ndii se si se ndoge malang. Nè man baa, m'a m'ndi se si se ndo'm-ndo'm lé.

Juipge ori nan tà dè Lazare't le tol'n

⁹Juipge bule ngain ooi titeke Jésus ndi kêm bee ke Béthanie. Ei reei som-som tede le kan Jésus á se kar'n lé. Nè ei reei le kan-in Lazare ke Jésus ade tase ndel in gir yo't nga to.

¹⁰Unn gir kêm ndon't nè nga, maw njékuje nyan-mesege oji njáng le kade dé tol Lazare koke.

11E tede tà le Lazare nè á Juipge bule inyei go maw njékuje nyan-mesege baa undeï kêm de dè Jésu't tá ta.

Jésu aw kêm bee-bò ke Jérusalem tite ngar bè

(An-in Matt 21.1-11; Marc 11.1-11; Luc 19.28-40 to)

12Jésu ree loo ra nan't kêm bee-bò ke Jérusalem. Barè lookar'n kuwe doobulege ooi tà ree le'n.

13Dooge tètei balkum kage marge ji de't kêl-kêl tilei kum'n gide bee-bò't nata. Dé ra nyan bòi beng-beng d'ede nè: – I dɔyi Nube! Ngar le Israel ke ree se ri Kuwe-bee nga, maje kade dè'n mong kang-kang.

14Jésu inge ngonn koro al ndi dènn't se go tà ke dé ndang kêm Magtub't d'ede nè:

15«Sei dooge ke kêm bee-bò ke Sion i beli lé! An-in! Ngar le si al ngonn koro à ree'n non.»

16Nyan ke Jésu ra nè nga, njékuwe-girnge geri gir ke loon't nè lé bai. Nè ndɔ ke d'ule ndubra dènn't pa bita kêm de à olé dè't titeke tà nè nga dé ndang d'ɔje'n dè'n. Unn gir kêm ndɔn't nè nga bita njékuwe-gir-Jésuge geri titeke nyange ke dooge rai se'n nga awi nan't deɟ se tà ke dé ndang d'ɔje'n dè'n bai.

17Doobulege ke ndɔ ke ei nan't se Jésu loo ke ndɔ ke bar'n Lazare ade tɔse'n ndel in gir yo't nga, ɔri ser nyan ke an-in se kum de adi dooge ke rang ooi ke kété-kété.

18Gir'n ke nè á doobulege in-in tilei kum Jésu tede ooi ser nyankɔbe ke ndɔ ke è ra nga.

19Pharisienge edi nan ede nè: – An-in! nyan karé bè ke soo jéi't goto ta tede dooge malang ndɔmin nan goyé't bá ta.

Grec ke nange ndigi kan-in Jésu

20Dooge reei kêm bee-bò ke Jérusalem loo ra nan't tede le dɔi Nube. Grec ke nange ei se de tɔ.

21Grecge nè nga awi ra Philippe't ke bee le'n è Bethsaida, beekon ke Galilée ei deɟi edi nè: – Dingem, jè ndige le kan Jésu.

22Philippe in se tà nè aw'n ede André bita in-in nan't joo mbak awi edi Jésu bai.

23E ile de dè't ede nè: – Gar-gar kàde kule ndubra dè'm man Ngonn doo't nga ase bá ta.

24Kerɔte kuwe, man m'ede sei ndàt, ke nè á njar ko ke doo dubu nang nga wei lé baa à è kum'n ke karé bere kɔke nè kuwe. Nè ke nè á wei baa, ko'n à il ngain ke kété-kété.

25Nanan ke ndige ra'n baa à ile ra'n kɔke salang bai. Nè nanan ke an ra'n ke nyan lé tede le Nube dè nang nè baa à ngonm ra'n ndii'n kumgajer se non.

²⁶Ke nè á doo karé ndige ra nyan kade'm baa, gar-gar à unn rebe goom't. Loo ke m'ndi tutu nga, ngonn njèndi le'm géa à ndi se'm tutu tɔ. Ke nè á doo karé ra nyan ade'm baa, Bɔ'm à uge dè jì'n.

Jésu tam tà ke ɔje dè kwei le'n

²⁷Darinè kêm'm tò kekek. Nè ké ri á m'a ra wa? Ké m'a deji Bɔ'm le kade taa'm tà yo't kêm kàdenn't nè wa? M'ree tede le kwei baa, m'a m'wei kuwe.

²⁸Bɔ'm, i kile tɔgmong lei ke nata ade dooge geri! Ke loon't nè kuwe ndu Nube bar danrán ede nè: – M'kile tɔgmong le'm ke nata kété bá. Nè m'a m'tel kile tɔgmong le'm ke nata kade d'an nja karé bai.

²⁹Doobulege ke ndai loon't nè ooi baa, njé ke nange tami edi nè: – E ndi á ndang. Njé ke rang tami edi nè: – E doo ke danrán á ɔje seyé tà.

³⁰Jésu tel unn tà tam ede nè: – Ndu Nube ke bar nè nga è tede le'm man lé, nè è tede le si sei.

³¹Tà ke Nube à gang dè dooge ke dè nang nè nga, ðarinè unn gir'n bá ta. Ngar le njé ke dè nang nè nga, Nube à sure'n kile'n nata ðarinè ta.

³²Man nga, loo ke ndɔn't d'a d'unn'm lat kɔke dè nang nè baa, m'a m'ndɔr dooge malang ke ram't.

³³Jésu tam tà nè nga titeke bè ɔje'n dè ber ke d'ayé ber'n kade kage-ke-dese't.

³⁴Doobulege ilei Jésu dè't edi nè: – Magtub gute-ndu ede jè kété titeke Krist nga à ndi kumgajer se non dè nang nè. A baa, ké bain tabai á i tam ede nè: «Gar-gar d'a d'unn Ngonn doo nga lat kɔke dè nang nè» bai wa? Ké Ngonn doo nè nga è nan wa?

³⁵Jésu ile de dè't ede nè: – Sei awi se lookar dann si't laa mbɔr bai. I njiyei awi se gir kàde m adi tilkus sebe dè si't rebe lé. Titeke bè á tilkus à ree kube'n sei nang bɔp lé. Doo ke njiye dann tilkus't nga ger loo ke aw ke tutu lé.

³⁶Darinè sei awi se lookar bai. Undei kêm si dènn't le kade i teli ngann lookarge ke get. Loo ke Jésu tam tàge nè nga gir gang bá baa, è ɔr ra'n jêke^ aw bɔyɔ ra'n ade doobulege an-in nin lé.

Kunn mbi dè tà't le Juipge

³⁷Jésu ra nyankɔbege ngain ade Juipge an-in kuwe. Nè né è bè géa unni mbi de dè tà't le'n.

³⁸Juipge rai titeke bè le kade tà ke Esaie njèribe-dè-tà ke tà Nube't tam kété mari aw'n loon't deɟ. E tam ede nè: «Kuwe-bee, ké nange á undei kêm de dè tà't le jé nga wa? Ké nange á ndɔ ke kété Nube tɔje de tɔgmong le'n wa?»

³⁹Esaie njèribe-dè-tà ke tà Nube't tel ɔrgir nyan ke ade Juipge asi kundei kêm de dè Nube't lé nga ede nè:

⁴⁰«Kosdooge nè nga, Nube libe kum de ade an-in loo lé. E ade ngarankêm de to kaju tà mbêt lé. Ke nè á kum kosdooge an loo a, ngarankêm de to kaju tà a to baa, bainléa à ɔsi wan teli ke ra Nube't kade aje de.»

⁴¹Esaié tam tà nè nga titeke bè tede ndɔ ke kété an ndubra le Jésu se kum'n. Gir'n ke nè á è tam'n tà ɔje'n dè Jésu.

⁴²Nè nè bè géa, dooge ngain dann njékɔr non Juipge't undei kêm de dè Jésu't. Nè rai se go ngein tede rɔ ke Pharisienne à rɔi de kêm kei kebe nan't.

⁴³Njékɔr non Juipge rai titeke bè tede undei ribar ke in ra dooge't tá ngain dum ribar ke in ra Nube't.

Tàge le Jésu à gangtà dè njé mbatenge't

⁴⁴Jesu tam se ndu'n ke bòi beng ede nè: – Nanan ke unde kêm'n dèm't baa è man á unde kêm'n dèm't lé, nè è njékule'm kuwe á è unde kêm'n dènn't non.

⁴⁵Nanan ke ter'm maje baa, è an njékule'm nga bá ta.

⁴⁶Man nga m'ee lookar ke m'ree dè nang nè. Nanan ke unde kêm'n dèm't baa à ndi dann tilkus't se ndɔ'n-ndɔ'n lé.

⁴⁷Ke nè á doo karé oo tàge le'm á an go sêw-sêw lé baa, è man á m'a m'gangtà dènn't lé. Man baa, m'ree tede gangtà dè dooge ke dè nang nè lé, nè tede kaje de.

⁴⁸Nanan ke ute'm mbeng taa tàge le'm lé baa, njègangtà dènn't ndi tutu bá ta. Tà le'm ke m'tam nga kuwe à gangtà dènn't ndɔ ke ngeinn't.

⁴⁹E man kuwe á m'in se dè ra'm m'tam tàge nè nga lé, nè Bɔ'm ke njékule'm kuwe á unn ndu'n ade'm ɔje dè tàge ke kum tam se kile mber'n a to.

⁵⁰Man m'ger titeke ndukunn le'n nga, è ndikumgajer se non. Tà ke m'ndi m'tam nga, è gute-ndu Bɔ'm kuwe á m'tam.

Jean 13

Jésu togo nja njékuwe-girnge

¹Kété bita kade ndɔ ra nan Paque ase bai nga, Jésu ger titeke kàde ndɔte bee dè nang nè tel ke ra Bɔn't nga ase bá. Njé ke le'n ke kinge'n ke ayé ndii dè nang nè bai nga, è tár de ngain. E tár de ade al dè loo'n.

²Loo ke Jésu se njékuwe-girnge ndii tà nyankuse't baa, sú ree dubu tà kunn dè Jésu kêm bengre Judas Iskariot ngonn Simon.

³Jésu ger titeke Bɔ'n um nyange malang jinn't. E ger titeke in ra Bɔ'n Nube't a, à tel kaw rann't gugu a to.

⁴Jésu ɔse nang in tà nyankuse't, ɔr kubu le'n ke bòi yul kàdenn't baa, unn kubu ra kule dɔ'n bedé'n.

- ⁵Go't gugu è kai mann kêm nyan't togo'n nja njékuwe-girnge bita bɔr se tà kubu ke do'n bede'n bai.
- ⁶Loo ke Jésus ree à tee dè Simon Pierre't baa, Pierre ede'n ede nè: – Ké i Kuwe-bee kuwe a i togo nja'm wa?
- ⁷Jésu ede Pierre ede nè: – Nyan ke m'ndi m'ra dariné nga, i ger gir lé bai. Nè go't gugu bita a i ger gir bai.
- ⁸Pierre ede Jésus ede nè: – M-m, i a i togo nja'm ndan lé. Jésus ede Pierre ede nè: – Ke nè á m'togo njai lé baa, tà bande le jé jè sei à gang nan't lé njing ta.
- ⁹Pierre tel ede Jésus ede nè: – Kuwe-bee, ke nè á è bè baa, i togo nja'm se kar'n lé ta, nè maje kade i togo jing se dè'm nan't bere mbak ta.
- ¹⁰Jésu tel ede Pierre ede nè: – Doo ke ndogo mann bá nga, aw ndoo togo nja'n kuwe karé bere tede ra'n bere mbak è ke unju nyang-nyang bá. Sei nga ra si unju bá, nè unji malang lé.
- ¹¹Jésu ger doo ke ayé kunn dè'n nga mbak. Gir'n ke nè è tam'n ede nè: «Sei nga unji malang lé.»
- ¹²Loo ke è togo nja de gir gang bá baa, è tel unn kubu le'n ke bòi yul ule rann't gugu, tel aw ndi tà nyankuse't. Jésus deje njékuwe-girnge ede nè: – Nyan ke m'ra se si nga, ké i geri gir'n kuwe wa?
- ¹³Sei bari man njèndó dooge nyan a, Kuwe-bee a tɔ. Sei bari man loon't kuwe tede man nga m'ee njèndó dooge nyan a, man Kuwe-bee a tɔ.
- ¹⁴Man ke m'ee Kuwe-bee a, njèndó dooge nyan nga, ke nè á m'togo nja si baa, gar-gar sei géa è tà le si le kade i togoi nja nan titeke bè tɔ.
- ¹⁵E nyan-tɔje á m'tɔje sei tede kade sei géa i rai titeke man m'ra'n se si bè tɔ.
- ¹⁶Kerɔte kuwe, man m'ede sei ndàt, ngonn njèndi à bòi dum dè kuwe'n lé a, ngonn njèkule à dum dè njèkule'n lé a tɔ.
- ¹⁷Darinè sei geri nyange nè nga bá. Ke nè á i rai de se ndɔ si-ndɔ si baa, ra si à nel sei kuwe.
- ¹⁸Tà ke m'tam nè nga m'ɔje'n dè si malang lé. Njé ke man kuwe m'tɔr de nga m'ger de mbak. Nè nyan nè nga tee titeke bè tede kade tà ke Magtub ke tò se ninn'n tam ede nè: «E ke use se'm mapa nan't nga kuwe à tel kɔr nja'n kube'm» nga, aw loon't deŋ.
- ¹⁹Darinè, man m'ede sei tà nè nga kété bita kade nyan'n tee bai. Titeke bè á loo ke nyan'n à tee baa, sei a kundei kêm si dèm't titeke man Ngonn doo nga, m'ee Krist kerɔte kuwe.

²⁰Kerɔte kuwe, man m'ede sei ndàt, nanan ke uwe doo ke m'ule'n ke rann't baa, è man kuwe á uwe'm ke rann't. Nanan ke uwe'm ke rann't baa, è njèkule'm kuwe á è uwe'n ke rann't non.

Jésu ede njèkuwe-girnge titeke Judas à unn dè'n

(An-in Matt 26.20-25; Marc 14.17-21; Luc 22.21-23 tɔ)

²¹Loo ke Jésus tam tà nè bè baa, kêm'n tò kekek ade tam tàkum njèkuwe-girnge't mbeng ede nè: – Kerɔte kuwe, man m'ede sei ndàt, doo karé dann si't à unn dè'm kade dé tɔl'm.

²²Njèkuwe-girnge an-in kum nan-nan anje ger doo ke è tam tà ɔje'n dè'n.

²³Njèkuwe-gir-Jésu karé ke è tár'n ngain ndune ra'n kàdenn't.

²⁴Simon Pierre tuge dè'n ade è ke Jésus tár'n ngain nga ede nè: – I dejé, ké n'tam tà nè nga n'ɔje'n dè nan wa?

²⁵Njèkuwe-gir-Jésu ke Jésus tár'n ngain nga ile dè'n kàdenn't tá deje'n ede nè: – Kuwe-bee, ké è nan wa?

²⁶Jésu tel ile'n dè't ede nè: – Doo ke man m'a m'tête mapa kule kum tar't kade'n baa, è è nga kuwe. Loo ke Jésus tam tà nè nga bè baa, go't gugu è tête mapa ule kum tar't ade Judas Iskariot ngonn Simon.

²⁷Loo ke Judas taa mapa nè use làng baa, njèkemyêr ree ur kêm'n't. Ke loon't nè kuwe, Jésus ede'n ede nè: – Nyan ke a i ra nga, i ra kalang.

²⁸Dann njèkuwe-gir-Jésuge malang ke ndii se'n tà nyankuse't nga, doo karé bè ke ger gir nyan ke ade tam'n se Judas tà nè titeke bè goto.

²⁹Judas è njè ngonm mbu nar nyankuse ke dé tann. Dooge ke nange giri edi nè: Jésus ede'n kade aw ndogo nyan ke awi ndoo'n le ra'n nan Paque. Njé ke nange giri edi nè: Jésus ede'n le kade nobo njéndooge nyan.

³⁰Loo ke Judas taa gaje mapa nè use làng bá baa, ke loon't nè kuwe unde loo tee nata. Loo tuge ndul bigm bá ta.

Ndukunn ke kige

³¹Loo ke Judas unde loo tee nata bá baa, Jésus tam ede nè: – Dariné d'ule ndubra dè'm man Ngonn doo't bá ta. Nube géa d'ule ndubra dènn't takul'm man Ngonn doo a tɔ.

³²Ke nè á d'ule ndubra dè Nube't takul Ngonn doo nga baa, Nube kuwe géa à ule ndubra dènn't tɔ. Nube à ule ndubra dè'm't ngɔr ta.

³³Jésu ede njèkuwe-girnge ede nè: – Ngannemge, m'a m'nain se si dè nang nè mbɔr bai. Ndɔn't a i sangi man par-par. Ndɔ ke m'ede Juipge kété m'ede nè: Loo ke m'ndi m'aw ke tutu nga, sei asi kawu tutu lé. Sei géa, dariné m'ede sei tà nè nga titeke bè tɔ.

³⁴Man m'ade sei ndukunn ke kige. I tári nan titeke man géa m'tár'n sei bè tɔ.

³⁵Ke nè á i tári nan baa, dooge malang à geri sei ke njékuwe-girmge kerɔte.

Jésu ede Pierre ede nè a i naje se rai dèm't

(An-in Matt 26.31-35; Marc 14.27-31; Luc 22.31-34 tɔ)

³⁶Simon Pierre deje Jésu ede nè: – Kuwe-bee ké à aw ke ra wa? Jésu tel ile'n dèt ede nè: – Loo ke m'ndi m'a m'aw ke tutu nga, i asekum kunn rebe goom't d'arinè lé bai, nè ndɔ ke rang bita a unn rebe goom't bai.

³⁷Pierre tel deje Jésu ede nè: – Ké m'a m'ase k'unn rebe gooi't d'arinè lé tede ri wa? Ma m'ile ra'm kɔke tede lei.

³⁸Jésu tel deje Pierre ede nè: – Ké a ile rai kɔke tede'm wa? Kerɔte kuwe, man m'edi ndàt, a i naje se rai dèm't nja mute bita kuren kunje à non kɔkerɔ kon bai.

Jean 14

Jésu è rebe kaw ra Bɔn't

¹Jésu ede njékuwe-girnge ede nè: – Adi kêmi si olé bɔt-bɔt lé. Undei kêmi si dè Nube't a, undei kêmi si dèm man't a tɔ.

²Kêmi kei le Bɔ'm nga loo ndi tò tutu ngain. Ke nè á è titeke bè lé baa, né m'a kede sei ndàt.

³M'a m'aw le gɔl loo ndi si. Loo ke m'aw m'gɔl loo ndi si gir gang bá baa, m'a m'tel ree le koto si kàdem't tede kade loo ke m'a m'ndi tutu baa, sei géa a i ndii se'm nan't tutu tɔ.

⁴Loo ke m'ndi m'aw ke tutu nga sei geri rebe'n mbak bá ta.

⁵Thomas deje Jésu ede nè: – Kuwe-bee, jè ger loo ke i ndi a aw tutu nga lé. Ké j'ase ger rebe'n titeke bain wa?

⁶Jésu ile Thomas dèt ede nè: – Man nga m'ee rebe, man nga m'ee ngarankum tà a, m'a nga m'ee ndikumgajer a tɔ. Doo ke unn rebe ke ram't lé baa à tee ra Bɔm't ndan lé.

⁷Ke nè á i geri man baa a i geri Bɔ'm tɔ. Unn gir d'arinè sei geri nin bá a, sei an-in nin bá a tɔ.

⁸Philippe deje Jésu ede nè: – Kuwe-bee, i tɔje jé Bɔi nga ade j'an'n baa, è kuwe ase jè.

⁹Jésu tel ile Philippe dèt ede nè: – Philippe, man ke m'ndi se si nan't mari bere nè kuwe i ger'm lé bai wa? Doo ke an'm baa, an Bɔ'm tɔ. A baa, ké bain tabai á i tam se'm ede nè: «I tɔje jé Bɔi wa?»

¹⁰Ké i unde kêmi dèt titeke man se Bɔ'm jè karé bere lé wa? Ké i ger titeke m'um se'n nan't bɔk a, è géa um se'm nan't bɔk a tɔ lé wa? Tàge ke m'ede sei nga, è man

kuwe á m'in se dè ra'm m'ede sei lé, nè è Bò'm ke um se'm nan't bok kuwe á ra kulege le'n.

¹¹M'um se Bò'm nan't bok, Bò'm géa um se'm nan't bok tɔ. Ke nè á umi kê'm si dè tà't le'm lé géa, undei kê'm si dè nyange ke m'ra kété m'ade an-in nga.

¹²Kerɔte kuwe, man m'ede sei ndàt, doo ke um kê'm'n dèm't baa à ra nyange ke m'a m'ra nè nga tɔ. Doo nè nga à ra nyange ke bò dum dè ège ke nè bai, tede m'a m'tel kaw ra Bòm't nú ta.

¹³Nyange malang ke a i deji nin se ri'm nga, m'a m'ra kade dooge geri tɔgmong le Bò'm takul'm.

¹⁴Ke nè á i deji man nyan karé se ri'm baa, m'a m'ra nyan nè nga kade sei kuwe.

Jésu unn ndu'n le kule se Ndil-Kê'mnda

¹⁵Ke nè á i tári man baa, an-in dè ndukunngé le'm sêw-sêw.

¹⁶Man m'deje Bò'm le kade ade sei njè ra se si ke rang. E nè nga à nain se si sár se non.

¹⁷Njè ra se si ke rang nga è Ndil ke get ke dooge ke dè nang nè asikum kuweii ke ra de't lé. D'ase kuwe'n ke ra de't lé tede d'an'n lé a, dé ger'n lé a tɔ. Nè sei baa, i gerii tede è ra bee se si a, ndi kê'm si't a tɔ.

¹⁸M'a m'inye sei se kar si tite ngann halge lé, nè m'a m'tel ree ra si't bai.

¹⁹Mbɔr baa dooge ke dè nang nè à teli kan-in man gugu ndan lé ta. Nè sei baa, a an-in man tede m'ndi kumgajer, sei géa a i ndii kumgajer a tɔ.

²⁰Kê'm ndɔn't nè bita a i geri titeke m'um nan't bok se Bò'm a, sei umi nan't bok se'm a, man géa m'um se si nan't bok a tɔ.

²¹Doo ke aw se ndukunngé le'm an dè de sêw-sêw baa, è nè nga tár'm kerɔte. Nanan ke tár'm baa, Bò'm à tár'n tɔ. Nanan ke tár'm baa, man géa m'a m'tár'n a, m'a m'ɔrgir ra'm kade ger'm njai a tɔ.

²²– Kuwe-bee, ké bain jè tá a kɔrgir rai kade jè anje kɔr kade dooge ke dè nang nè wa?

²³E Jude á deje tà nè m è Judas Iskariot lé. Jésu ile'n dè't ede nè: – Ke nè á doo karé tár'm baa à an dè tà le'm sêw-sêw a, Bò'm à tár'n ngain a tɔ. Jè se Bò'm j'à ree rann't le kur kei le jé kê'mn't a tɔ.

²⁴Doo ke tár'm lé nga an dè tà le'm sêw-sêw lé. Tà ke sei ooi nè nga in ra'm man't lé, nè in ra Bò'm ke njèkulem't nga kuwe.

²⁵Man m'ede sei tàge nè nga loo ke m'ndii'n se si bai.

²⁶Ndil-Kê'mnda ke njè ra se si ke Bò'm à ule'n se ri'm nga à ndó sei nyange malang a, à olé kê'm si dè nyange malang ke m'ede sei bá nga a tɔ.

²⁷M'inye kêmlom le'm m'ade sei. M'a m'ade sei kêmlom le'm titeke dooge ke dè nang nè d'ade'n nga lé. Adi kêmlom si tò kekek lé a, adi kêmlom si tête mann lé a tɔ.

²⁸M'a m'aw nè m'a m'tel ree ra si't bai. Kété kuwe m'ede sei tà nè nga m'ade ooi bá. Ke nè á ndɔ ke i tári man baa né a i rai ranel dè tel ke m'a m'tel kaw ra Bɔm't nga, tede è bòi dum'm.

²⁹Darinè m'ede sei tà nè nga kété bita kade nyan'n tee bai. Titeke bè á, loo ke nyan'n à tee baa, undei kêmlom si dè't.

³⁰M'a m'ɔje se si tà ngain lé ta, tede ngar ke njèkonbee dè nang nè à ree non ta. Kerɔte kuwe, è ase ra se'm nyan karé bè lé.

³¹Nè maje kade dooge ke dè nang nè geri tite m'tár Bɔ'm. Gir'n ke nè á m'ra'n nyan malang se go ndukunn le'n. In-in dɔ ade j'awi loo ke rang't.

Jean 15

Jésu è kage nduu ke get

¹– Man nga m'ee kage nduu ke get. Bɔ'm è kuwe-ndɔr nduu.

²Balkum nduu ke rara ke ube kàdem't á ann'n lé baa, d'a tuge'n gang'n kɔke. Nè balkum nduu ke rara ke ann baa, Bɔ'm ra'n náng-náng kade ann dák-dák dum ke kété.

³Sei nga unji nyang-nyang bá tede tà ke man m'ede sei kété nga.

⁴Umi se'm nan't bɔk titeke man géa m'um'm se si nan't bɔk nga tɔ. Balkum kage nduu ke ube kàde kage nduu't lé nga asekum kann se dè ra'n lé. Sei géa, ke nè á i nanmi kàdem't lé baa, asi kanni se dè ra si lé tɔ.

⁵Man m'ee kage nduu, sei sei balkum kage nduuge. Doo ke nanm kàde'm ade m'nain se'n a tɔ baa, à ann dák-dák. Ke nè á m'nain se si lé baa, sei asi ra nyan karé bè se dè ra si lé.

⁶Ke nè á doo nanm kàde'm lé baa, d'a d'ile'n nata kɔke tite balkum nduuge bè kade tutu. Balkum kage nduuge ke tutu nga, d'a d'ɔi de korè dè nan't le ró de rák-rák.

⁷Ke nè á i nanmi kàdem't a, tàge le'm urkei kêmlom si't a tɔ baa, nyan ke sei ndigi á i deji nga a ingei.

⁸Ke nè á anni se kann si dák-dák baa, d'a d'ile'n ribar dè Bɔm't a, a i teli k'ei njékuwe-girmge a tɔ.

⁹Man géa m'tár sei titeke Bɔ'm tár'm nga tɔ. I nain-in dann tár ke m'tár sei't nga.

¹⁰Man m'an dè ndukunngé le Bɔ'm sêw-sêw á m'nain'n dann tár't le'n. Sei géa, ke nè á an-in dè ndukunngé sêw-sêw baa, a i nain-in dann tár't le'm tɔ.

11 Man m'ede sei tàge nè nga tede kade ranel le'm ur'n kei kêm si't a, tede kade dè ranel le si or'n njêt a tɔ.

12 An-in! ndukunn le'm a tò nè: I tári nan titeke man géa m'tár'n sei bè tɔ.

13 Kade doo karé inye ra'n ade yo tede le madenngé nga, è tár ke gar'n goto.

14 Ke nè á i rai nyange ke m'unn ndu'm m'ade sei nga baa, sei kotárgé le'm kerɔte kuwe.

15 Dariné man m'bar sei ngann njéndige gugu lé ta, tede ngonn njèndi nga ger nyanra kuwe'n lé. Man m'bar sei kotárgé le'm tede nyan malang ke m'oo tà'n ra Bɔm't nga, m'ribe se si dè m'ade i geri bá.

16 E sei á or'i man lé, nè è man á m'or sei m'unde sei tede kade awi a, anni se kann si a, tede kade kann si tò tutu a tɔ. Titeke bè á nyan malang ke sei deji Bɔ'm se ri'm nga, à ade sei kuwe.

17 Nyan ke m'unn ndu'm dè't m'ade sei á tò nè: I tári nan.

Njé ke dè nang nè or'i Jésu se njé ke le'n njêt

18 Ke nè á njé ke dè nang nè d'or sei njêt baa, maje kade i geri titeke man kuwe or'i man njêt kété bita sei bai.

19 Ke nè á sei le dè nang nè baa, njé ke dè nang nè ayé ndigi sei tede ei ndigi nyan ke è nyan kinge de tá. Sei nga, sei le dè nè nang lé; nè è man kuwe m'tor sei dann de't kɔke m'unde sei se ninn'n dè nang nè. Gir'n ke nè á njé ke dè nang nè or'i sei njêt.

20 Adi kêm si olé dè tà ke kété m'ede sei't nga: «Ber bòi dum dè kuwe'n lé.» Ke nè á dooge rai kum'm ndoo baa, sei géa à rai kum si ndoo tɔ. Ke nè á ei an-in dè tà le'm sêw-sêw baa, sei géa à an-in dè tà le si sêw-sêw tɔ.

21 Nè dooge à rai se si nyange nè malang tede ri'm man a, tede ger ke ei geri njèkule'm nga lé a tɔ.

22 Ke nè á kété m'ree lé a, m'ede de tà lé a tɔ baa, né tà kaiya à or dè de't. Nè dariné, loo kede gos dè kaiya't le de goto ta.

23 Doo ke or'm njêt baa, or Bɔ'm njêt tɔ.

24 Nyanrage ke doo ke rang ra nja karé lé nè nga, ke nè á ndɔ ke m'ra dann dooge't lé baa, né tà kaiya à or dè de't. Nè dariné d'an nyanramge bá, nè né è bè géa, d'a d'ɔdenan kɔr jè njêt se Bɔ'm kuwe bai.

25 Nè dé ra titeke bè tede kade tà nè ke dé ndang kêm magtub gute-ndu't le de d'ede nè: «D'or'm njêt karè bè» nga, aw'n loon't deŷ.

26 Ndil-Kêmnda le ngarankum tà ke à in ra Bɔm't nga, à è njè ra se si. Loo ke m'a m'ule'n kade ree baa, è kuwe à è njèkɔrgo tà le'm.

²⁷Sei géa a k'ei njékɔrgo tàge le'm tede sei se'm nan't kété mari loo kunn gir kule't le'm.

Jean 16

¹– Man m'ede sei tà nyange nè nga kété tede kade nyan tuge'n nja si ile'n sei lé.

²D'ade rɔ sei kêm kei kebe nange't. Kàde ke ndɔn't nè, dooge malang à in-in tami kedi nè: «sei njé mbate Nubege» à ree non. Gir'n ke nè á, ndɔn't d'a tɔl'n sei ke nyankuje-mese kede nè n'ilei ribar dè Nube't.

³D'a ra titeke bè tede dé ger Bɔ'm lé a, dé ger'm man lé a tɔ.

⁴Nè man m'ede sei tà nyange nè nga kété tede kade loo ke kàde'n le de à tee baa, kêm si olé'n dè tàge ke kété m'ede sei't nga. Man m'ede sei tà nyange nè nga kété lé tede nain ke m'nain se si bai.

Kule ra njè ra se si ke à ree

⁵Darinè m'ndi m'aw ke ra njèkulem't. Nè doo karé bè géa dann si't deje'm ede nè: «Ké a aw ke ra wa?» lé.

⁶Kêmkon rusu kêm si tede tàge nè ke m'ede sei nga.

⁷Nè né è bè géa, man m'ede sei ngarankum tà: Kaw'm è soo't tede le si. Ke nè á m'aw lé baa, njè ra se si nga à ree ra si't lé. Nè ke nè á m'aw baa, m'a m'ule'n kade ree inge sei.

⁸Loo ke è njè ra se si nga à ree baa, à ade kum dooge ke dè nang nè à gang dè kaiya't le de se dè nyan ra ke se dè naje'n a, se dè gangtà't a tɔ.

⁹E nè nga à ade kum de gang dè kaiya't tede kunde ke d'unde kêm de dèm't lé.

¹⁰Njè ra se si nga à ade kum de gang dè nyanra ke se dè naje'n tede m'ndi m'aw ke ra Bɔm't. Sei a i teli kan-in man gugu lé ta.

¹¹Njè ra se si nga à ade kum dooge à gang dè gangtà't le Nube, tede njèkonbee ke nang nè nga dé gangtà dènn't bá ta.

¹²M'aw se tàge ngain le kede sei bai, nè ðarinè sei asi taai lé.

¹³Loo ke Ndil ke get à ree baa, è à ɔr non si dann ngarankum tà't bere mbak. E à kin se dè ra'n kede sei tà lé. Nè à ede sei tà nyange ke à oo a, tà nyange ke ndii à reei bai a tɔ.

¹⁴E nè nga à ule ndubra dèm't tede à taa tàge le'm kaw'n kede sei.

¹⁵Nyan malang ke Bɔ'm inge nga, è nyankinge'm. Gir'n ke nè á man m'ede'n sei m'ede nè: «Njè ra se si nga à taa tàge le'm kaw'n kede sei.»

Tà ke oje dè tel ree le Jésus

16Jésu tel ede njékuwe-girnge ede nè: – Nain ngor baa, a an-in man gugu lé ta; nè mbor gugu baa, a i teli kan-in man bai.

17Njékuwe-gir-Jésuge ke nange deji nan edi nè: – Tam ke n'tam n'ede nè: N'a n'tel kaw ke ra Bɔn't a, nain ndêin baa j'à j'an-in nin gugu lé ta. Nè mbor gugu bita j'à teli kan-in nin bai. Tabai n'tanm n'ede nè: N'a n'tel kaw ra Bɔn't nga, ké gir'n è ri wa?

18Tà ke n'tam n'ede nè nain ndêin a, mbor bita a nga, ké tooi gai-gai wa? Jè geri gir tà ke n'tam nè nga lé.

19Jésu ger titeke d'ayé deje'n tà. E in kété ede de ede nè: – Sei deji nan tà dè tà ke kété m'tam m'ede nè: «Nain ndêin baa, a an-in man gugu lé, nè mbor gugu bita a i teli kan-in man bai.»

20Kerote kuwe, m'ede sei ndat, a i noin a, a undei kade si dai-dai a to. Nè njé ke dè nang nè à ali ra de. Sei a i ndii dann kumndoo't kuwe, nè kumndoo le si nga à tel k'ee ranel bai.

21Loo ke ndo ra dinye baa, è ndi dann kumndoo't tede è ndon le'n. Nè loo ke è oje ngonn bá baa, ra'n nel'n ade kêm'n wei nal sêl dè ndo ke kété ule'n ndibe tede doo ke oje'n ile'n nang nga.

22Sei géa, darinè i ndii dann kumndoo't titeke bè to. Nè loo ke m'a m'tel ree le kan sei baa, bengre si à ndi dann ranel't. Ranel le si nga doo karé bè ke à uwe'n wont kor'n goto.

23Kêm ndon't nè nga, a i teli deji man tà dè nyan karé't ndan lé ta. Kerote kuwe, man m'ede sei ndat, ke nè á i deji Bɔ'm nyan karé se ri'm baa, à ade sei nyan nè nga kuwe.

24Sár darinè sei deji nyan karé bè se ri'm lé bai. I deji nyan baa a ingei, titeke bè á dè ranel le si à or'n njêt.

Jésu tête ro njé ke dè nang nè

25Man m'ede sei tà nyange nè nga se gostà. Nè loo ke kade'n à ree baa, m'a m'ede sei tà se gostà lé ta. M'a m'ribe se si dè tà ke oje dè Bɔ'm nga parang kuwe.

26Kêm ndon't nè nga sei a deji nyan se ri'm. Nè man m'ede sei titeke m'a m'deje nyan Bɔ'm tede le si lé ta.

27Bɔ'm kuwe tár sei tede sei géa i tári man to. Umi kêm si dèm't titeke man m'in ra Nube't.

28Man m'in ra Bɔm't nú á m'ree dè nang nè. Dariné man m'innye nang nè le tel kaw ra Bɔm't gugu.

29Njékuwe-gir-Jésuge teli edi nin edi nè: – An! darinè baa i tam tà ndat anje kunn gostà karé bè tam'n tà.

³⁰Darinè jè ger titeke i ger nyange malang, i aw ndoo kade doo deji tà lé. Gir'n ke nè á j'unde'n kêm jé dèi't titeke i in ra Nube't nú kuwe.

³¹Jésu tel ede njékuwe-girnge ede nè: – Ké sei umi kêm si dèm't darinè ta wa?

³²An! kàde'n à ree, è ree bá a tɔ. D'ade sanrin sei karé- karé. Nanan géa à aw loo le'n-le'n, a inyei man se kar'm bere. Man se kar'm lé nè Bɔ'm è der-gir'm.

³³Man m'ede sei tàge nè nga titeke bè tede kade ingei kêm lom umi se'm nan't bɔk. A ingei nyantosowur dè nang nè kuwe, nè oréi tà si njak tede man nga m'tête rɔ njé ke dè nang nè bá ta.

Jean 17

Jésu ɔje tà se Nube tede tà le njékuwe-girnge

¹Loo ke Jésus ede njékuwe-girnge tàge nè gir gang bá baa, è unn kum'n ke danrán ede nè: – Bɔ'm, kàde'n ree bá ta. Ile ribar dè ngonni't, tede kade ngonni géa ile ribar dèi't tɔ.

²I ade ngonni tɔgmong dè dooge malang ke dè nang nè. Dooge malang ke i ade de se'n nga, è ade de ndikumgajer se non.

³Ndikumgajer se non nga, è le kade dé ger geli i Nube ke get karé bere a, le kade dé ger gel'm man Jésus-Krist ke i ule'm nga a tɔ.

⁴Man m'ile ribar dèi't dè nang nè bá ta. Kule ke i ade'm kade m'ra nga m'ɔr son'n njét bá ta.

⁵Bɔ'm, ribar ke m'inge rai't nú kété bita unde nang nè bai nga, i tel ile dèm't darinè ta.

⁶Njé ke i tɔr de dann dooge ke dè nang nè um de jim't nga, m'ribe se de rii m'ade geri nin bá. Dé nè nga, dé leige kuwe kété bita ade'm se de bai. Tà lei ke m'ndó de nga, d'an dè sêw-sêw.

⁷Darinè, dé ger titeke nyan malang ke ade'm nga in rai't kuwe.

⁸Tàge ke i ede'm kété nga, man géa m'ree'n m'ede de a, dé taa a tɔ. Dé ger get titeke man nga m'in rai't. Kule ke i ule'm nga d'um kêm de dè't kuwe.

⁹Man m'ɔje sei tà tede njé ke ei leige ke ade'm se de. Man m'ɔje sei tà tede njé ke dè nang nè nga lé.

¹⁰Nyan le'm malang è lei a, nyange lei malang è nyan le'm a tɔ. Njé ke ade'm se de nga an-in ndubra le'm bá.

¹¹Nain ngɔr baa man m'inye nang nè ta, tede m'a m'tel kaw rai't gugu nú. Nè dé baa, dé nain dè nang nè bai. Bɔ'm ke njèkêmnda káng, i ngonm de se tɔgmong lei ke ade'm kade d'um nan't bɔk titeke jè sei j'um'n nan't bɔk bè tɔ.

- 12Njé ke i um de jim't nga, kété ke m'nain'n se de de nang nè bai m'ngonm de se togmong ke i ade'm. M'oge kum'm bi m'an-in'n ngang de garar-garar, m'ade doo karé bè géa tuju dann de't lé; nè è ke ayé tuju ra'n nga kuwe se kar'n bere. E titeke bè tede kade tà ke tò kêm magtub't ke tò se ninn'n aw'n loon't deÿ.
- 13Bò'm ðarinè m'ndi m'a m'aw ke rai't nú. Nè m'tam tà nè titeke bè loo ke m'nain de nang nè bai tede kade d'inge'n ranel le'm se girson'n bere mbak.
- 14M'ribe de tà lei made de, nè njé ke de nang nè ori de njê't tede dé le nang nè lé titeke man géa m'ee le nang nè lé nga to.
- 15M'deji tede kade i tor de koke dann dooge ke de nang nè lé, nè le kade ai-in ngang de garar-garar ade Sú ke njèkêmyêr ðe ra de lé.
- 16Dé nga dé le nang nè lé, titeke man géa, m'ee'n le nang nè lé to.
- 17Bò'm, i tor de unde de se ninn'n se go ngarankum tà tede tà lei è ngarankum tà.
- 18M'a m'ule de dann dooge ke de nang nè titeke kété i ule'm dann dooge ke de nang nè nga to.
- 19Man kuwe m'unn ra'm bere mbak m'adi tede le de. Titeke bè á dé kuwe géa, d'a k'ee'n lei se girson bere se go ngarankum tà.
- 20M'oje sei tà tede le njékuwe-girmge á se kar de lé. Nè m'oje sei tà tede le njé ke à undei kêm de dem't se go tà ke à edi de.
- 21Bò'm, m'oje sei tà le kade dé malang d'um se jé nan't bok titeke i Bò'm um'n se'm nan't bok a, man géa m'um'n sei nan't bok a to. Maje kade dé malang d'um nan't bok tede kade dooge ke de nang nè geri titeke è i kuwe á ule'm.
- 22Ndubra ke kété ule dem't nga, man géa m'tel'n m'ule de de't tede kade d'um'n nan't bok titeke jè sei j'um'n nan't bok bè to.
- 23Man m'um se de nan't bok titeke i um'n se'm nan't bok bè to tede kade dé malang d'um nan't bok-bok. Titeke bè á dooge ke de nang nè à geri titeke è i kuwe á ule'm. Maje kade njé ke de nang nè geri titeke i tár de titeke i tár'm bè to.
- 24Bò'm, njé ke um de jim't nga, loo ke m'a m'ndi tutu baa, m'ndige kade ndii se'm nan't tutu to. Titeke bè á d'a d'an'n ndubra ke i ule dem't nga se kum de. I tár'm kété mari bita unde nang nè bai.
- 25Bò'm ke njèkêmkam, i njè ra nyan se de naje'n, dooge ke de nang nè geri nin lé, nè man baa m'geri. Njé ke i ade'm se de nga geri maje titeke è i kuwe á ule'm.
- 26M'ribe se de de rii m'ade geri nin bá, nè né è bè géa m'a m'tel ribe se de de rii kade geri nin naji. Titeke bè á tár ke i tár'm nga, à urkei kêm de't tede kade man géa m'um'n se de nan't bok a to.

Jean 18

Njérɔge uwei Jésu

(An-in Matt 26.47-56; Marc 14.43-50; Luc 22.47-53 tɔ)

- ¹Loo ke Jésu tam tàge nè nga gir gang bá baa, è se njékuwe-girnge undei loo teei awi gide mba-loo ke mann ba Cédron ɔr. Loo ke ei awi tutu nè nga, è loo man-kagege.
- ²Judas njèkule Jésu ji njérɔge't nga ger loo nè mbak tede Jésu se njékuwe-girnge kebi nan tutu dɔ-dɔ.
- ³Judas ɔr non kos njérɔge se pajage le maw njèkuje nyan-mesege se Pharisienge aw se de loo't nè nga. Dé ree se portusge se nyankatege ji de't tchukuk-tchukuk.
- ⁴Jésu ger nyan malang ke ayé tee dènn't nga mbak. E njiye ngatat tile kum de, è deje de ede nè: – Ké i sangi nan wa?
- ⁵D'ile'n dè't d'ede nè: – Jè sang Jésu ke Nazareth. Jésu ede de ede nè: – Man á m'nda nè. Judas ke njèkule'n ji kos njérɔge't nga è se de nan't.
- ⁶Loo ke Jésu ede de ede nè: «Man á m'nda nè» baa, ke loon't nè kuwe dé ger se go de, dé toso nang.
- ⁷Jésu tel deje de ede nè: – Ké i sangi nan wa? Dé tel d'ile'n dè't d'ede nè: – Jè sang Jésu ke Nazareth.
- ⁸Jésu tel ede de ede nè: – M'ede sei bá m'ede nè, è man á m'nda nè. Ke nè á è man á i sangi man baa, inyei njé ke nè ade awi.
- ⁹Jésu tam bè le kade tà ke è tam kété ede nè: «Njé ke i um de jim't nga, m'oge kum'm bi m'an-in ngang de garar-garar m'ade doo karé bè géa dann de't tuju lé» nga, aw'n loon't deŷ.
- ¹⁰Simon Pierre uwe kuye kaskar kê m sabann't ɔr tuge'n gir mbi paja le maw njèkuje nyan-mese ke dè jikon yap. Paja nè nga ri'n nè Malkus.
- ¹¹Jésu ede Pierre ede nè: – M-m, i tel se kuye kaskar lei ule kê m sabann't gugu. Nyantosowur ke Bɔ'm ɔje'n dè'm nga, ké i ndige kade ra'm lé wa?

Njérɔge awi se Jésu non maw njèkuje nyan-mese't

- ¹²Njèkan dè njérɔge ke aru dɔg se njérɔge le'n a, se ngann njé ngonm looge le Juipge uwei Jésu tɔi nin njanm-njanm.
- ¹³Go't baa, ei in-in se'n awi ra Hanne't kété pa bita. Hanne nga è wum Caiphe ke dingem. Caiphe è maw njèkuje nyan-mese kê m baln't nè nga.
- ¹⁴E Caiphe nè nga kuwe á ndɔ ke ede Juipge gostà ede nè: – E soo't ngain kade doo karé wei tede le kosdooge.

Simon Pierre naje se ra'n dè Jésu't

(An-in Matt 26.69-70; Marc 14.66-68; Luc 22.55-57 tɔ)

15 Simon Pierre se njèkuwe-gir-Jésu karé ke rang ndolèi go Jésus. Njèkuwe-gir-Jésu karé ke rang nè nga aw se'n nan't kêm geng't le maw njèkuje nyan-mese. Njèkuwe-gir-Jésu nè nga, maw njèkuje nyan-mese ger'n kété.

16 Nè Pierre nda nata ngor se tà kei. Njèkuwe-gir-Jésu karé ke rang ke maw njèkuje nyan-mese ger'n nga tee aw nata ede tà dinye ke njè ngonm tà kei ade inye loo ade Pierre ree kêm kei.

17 Dinye ke è ngonm njèndi ke nda à ngonm tà kei deje Pierre ede nè: – Ké i géa i ke dann njèkuwe-gir dingem't nè nga tɔ lé wa? Pierre tam ede nè: – M-m, man m'ee ke dann de't lé.

18 Kul on ngain. Njérɔge se ngann njéndige umi kul poro ndii à ndibi. Pierre géa ndi se de à ndibe por tɔ.

Maw njèkuje nyan-mese Hanne deje tà Jésus

(An-in Matt 26.59-66; Marc 14.55-64; Luc 22.66-71 tɔ)

19 Maw njèkuje nyan-mese deje Jésus tà ɔje dè njèkuwe-girnge a, ɔje dè nyan ke è ndó dooge a tɔ.

20 Jésus ile'n dè't ede nè: – Man m'ede dooge malang ke dè nang nè tà nata mbeng. M'ndó de nyan se ndɔge malang kêm kei kebe nange't se kêm kei le Nube ke è loo kebe nan le Juipge malang. Nyan ke ndɔ ke m'ndó de nga è se go ngein lé.

21 Ké bain á i deje'm tà nè titeke bè wa? An! njé ke ndɔ ke ooi tàge ke m'tam nga á ndai nè. I deje de baa, à edi nin tede geri maje.

22 Loo ke njè ngonm tà kei le Nube nda oo tàge ke Jésus tam nè bè baa, unde mbor'n se ji'n njanm ede nè: – Ké maw njèkuje nyan-mese kuwe ile'n dè tà't titeke bè wa?

23 Jésus deje njè ngonm tà kei nè nga ede nè: – ɔrgir tà ke majelé ke m'tam nga ade d'oo. Ke nè á m'tam tà ke maje baa, unde'm tede ri wa?

24 Hanne in se Jésus ke kété ule se'n ra Caiphe, maw njèkuje nyan-mese't se kule ke dé tɔ'n nga jinn't mɔngong bai.

Pierre tel naje se ra'n dè Jésus't

(An-in Matt 26.71-75; Marc 14.69-72; Luc 22.58-62 tɔ)

25 Simon Pierre ndi gutenn't à ɔde nan ndibe por kuwe bai. Dé deje'n d'ede nè: – Ké i géa i ke dann njèkuwe-gir doo nyan le doo't nè nga tɔ lé wa? Pierre naje se ra'n ede nè: – M-m, man m'ee ke dann de't lé.

26 Paja le maw njèkuje nyan-mese karé è se de loon't tɔ. E noje dingem ke ndɔ ke Pierre tuge gir mbi'n yap. E deje Pierre ede nè: – Ké i nga kété m'an-in se Jésus kêm loo man kagege nga lé wa?

27 Pierre tel naje se ra'n kuwe bai. Ke loon't nè kuwe, kuren kunje non kɔkerɔ kon.

Njérɔge awi se Jésus non Pilate't

(An-in Matt 27.1-2,11-14; Marc 15.1-5; Luc 23.1-5 to)

28Njékɔr non Juipge in-in se Jésu ra Caiphe't se ndɔgé bat awi se'n kêm kei le Pilate njèkonbee. Juipge ke awi se'n nga, ilei nja de kêm kei lé. Ei ndigi le kade ra de mine lé tede le kuse'n nyan nan Paque.

29Gir'n ke nè á njèkonbee Pilate tee ree inge'n de nata. E deje de ede nè: – Dingem nè nga, ké tà ri á i sêki nin wa?

30Juipge ilei nin dè't edi nè: – Ke nè á doo nyan le doo nè nga è njè ra majelé lé baa, né j'ayé k'ule'n jii't lé.

31Pilate ede de ede nè: – Sei kuwe i taai nin, i gangi tà dènn't se go gute-ndu le si. Juipge teli ilei Pilate dè't edi nè: – Gute-ndu le jè inye loo ade jè le tol doo lé.

32Tà ke Jésu tam ɔje dè ber ke d'ayé ber'n kade kage-ke-dese't nga aw loon't deŋ.

Pilate deje tà Jésu kêm kei kɔge-loo gangtà't

33Pilate tel aw kêm kei kɔge-loo gangtà't. E bar Jésu deje'n ede nè: – Ké i nga i Ngar le Juipge wa?

34Jésu deje Pilate ede nè: – Dooge ke rang á edi nin tà nè nga ɔji dè'm, ké i kuwe in se kêm i i deje'm tà nè wa?

35Pilate ile jésu dè't ede nè: – Ké man m'ee Juip wa? E girkoje lei se maw njékuje nyan-mesege á d'ulei jim't. A baa, ke mbain kuwe è ri á i ra wa?

36Jésu ile Pilate ede nè: – Konbee le'm è ke nang nè lé. Ke nè á konbee le'm è ke dè nang nè baa, pajage le'm ayé kan-in ro dè'm't kade d'ule'm ji Juipge't lé. Kerɔte kuwe, konbee le'm è ke dè nang nè lé.

37Pilate tel deje Jésu ede nè: – A baa, ké i ngar wa? Jésu tel ilé dè't ede nè: – E kuwe i tam non. Man Ngar. Kede dooge ngarankum tà á è gir nyan ke d'oje'm d'ade m'ree'n dè nang nè. Nanan ke è le ngarankum tà baa, à ur mbi'n le koo'n ndu'm.

38Pilate tel deje Jésu ede nè: – Ké ngarankum tà nga è ri wa?

Dé gang tà yo dè Jésu't

(An-in Matt 27.15-31; Marc 15.6-20; Luc 23.13-25 to)

Loo ke Pilate deje Jésu tà nè nga bè baa, tel unde loo tee aw ra Juipge't nata ede de ede nè: – Man baa, m'an tà karé bè ke uwe dè dingem nè nga lé.

39Nè m'a m'ɔr dangai karé k'inye'n do kade sei se go nyangirkà le si ndo ra nan Paque. Ké i ndigi kade m'ɔr ngar le Juipge nga m'inye'n do m'ade sei wa?

40Juipge teli rai nyan wuu edi nè: – M-m, è n'ee lé, nè è Barabbas. Barabbas nga è gon-bog.

Jean 19

- ¹Pilate unn ndu'n ade d'aw se Jésu d'unde'n se ndêin maru.
- ²Njérɔge ojoi jɔkɔ konn tite jɔkɔ ngar bè ulei dè Jésu't, tabai ulei nin kubu ke ker perm-perm.
- ³Dé ree ngɔr ke rann't d'ede'n d'ede nè: – Lapyà ta ngar le Juipge. Dé tunde mbɔr'n se ji de njanm-njanm tɔ.
- ⁴Pilate tel unde loo tee aw nata ra Juipge't ede de ede nè: – An-in! man m'ade d'ade ree se Jésu nata ra si't le kade i geri titeke man m'an tà karé ke uwe dè'n lé.
- ⁵Go't gugu, Jésu unde loo tee se jɔkɔ konn ke tite jɔkɔ ngar bè dènn't a, se kubu ke ker perm-perm ke bòi yul rann't a tɔ. Pilate ede de ede nè: – An-in! doo nga!
- ⁶Loo ke maw njékuje nyan-mesege se pajage le de an-in Jésu pan baa, ei rai nyan wuu edi nè: – I beré kade kage-ke-dese't! I beré kàde kage-ke-dese't! Pilate tel ede de ede nè: – Sei kuwe i taai n'ee awi i beri n'ee kàde kage-ke-dese't tede man baa, m'an tà karé ke uwe dèyé lé.
- ⁷Juipge teli ilei Pilate dè't edi nè: – J'aw se gute-ndu karé. Se go gute-ndu le jé nè nga baa, d'a tɔlé gar-gar. Tede n'ee nga n'ra rayé ke Ngonn Nube kuwe njing.
- ⁸Loo ke Pilate oo tà nè nga bè bá baa, bel ra'n ke kété-kété.
- ⁹E tel aw kêm kei kɔg-loo gangtà't le'n gugu, è deje Jésu ede nè: – Ké i nga girkà lei è nan wa? Nè Jésu tel ile Pilate dè tà't lé sár.
- ¹⁰Pilate tel deje Jésu ede nè: – Ké man kuwe á ile'm dè tà't lé wa? Ké i ger titeke m'aw se tɔgmong le kinyei dɔ éké le kade dé beri kàde kage-ke-dese't lé wa?
- ¹¹Jésu tel ilé dè't ede nè: – Ke nè á ndɔ ke Nube adi tɔgmong lé baa, ayé ra se'm nyan karé bè lé. Gir'n ke nè á, è ke njè kade d'uwe'm d'ule'm jii't nga, tà uwe dè'n dum lei bai.
- ¹²Unn gir ke loon't nè kuwe, Pilate sang rebe le kinye Jésu dɔ, nè Juipge rai nyan wuu edi nè: – Ke nè á inye doo nyan le doo nè nga dɔ baa, i made César lé. Nanan ke ra ra'n ngar baa, è njèkɔse tà se César.
- ¹³Loo ke Pilate oo tàge nè bè baa, è ade dé tee se Jésu d'aw se'n nata. Pilate al aw ndi dè dinger loo gangtà ke d'ube se her. Loo nè nga ri'n ke se tà hébreu è «Gabbatha.»
- ¹⁴E Ndɔ kuwe dè nja nyan ra nan Paque. Kàde nda dann bee bɔp. Pilate ede Juipge ede nè: – An-in! ngar le si nga!
- ¹⁵Juipge teli rai nyan wuu edi nè: – I tɔlé ke tɔl kuwe bè! I beré kàde kage-ke-dese't ade kumé udu kɔke. Pilate tel deje de ede nè: – Ké ngar le si nga kuwe edi nè gar-gar se m'ber'n kàde kage-ke-dese't wa? Maw njékuje nyan-mesege edi nè: – Ngar le jé ke rang goto nè César kuwe karé bere.

16 Pilate ule Jésu ji Juipge't le kade njérɔge awi se'n beri nin kàde kage-ke-dese't. Njérɔge uwei Jésu awi se'n.

Njérɔge beri Jésu kàde kage-ke-dese't

(An-in Matt 27.32-44; Marc 15.21-32; Luc 23.26-43 tɔ)

17 Jésu kuwe unn kage-ke-dese le'n oto. E unde loo tee'n kêm bee-bò ke Jérusalem aw'n ngang loo't nata. E loo «Ngó-non-doo» ke dé bar'n «Golgotha» se tà hébreu.

18 E loo nè á Juipge adi njérɔge beri Jésu tutu se dooge ke rang joo se'n ade ilei nin danné.

19 Pilate ndang tà kêm begre-nyan't ade dé ber kàde kage-ke-dese't dɔ dè Jésu't ede nè: «Jésu ke Nazareth ngar le Juipge.»

20 Loo ke dé ber Jésu kàde kage-ke-dese't tutu nga, è ngɔr se bee ke Jérusalem. Gir'n ke nè á, Juipge ngain asikum tutei tà ke Pilate ndang ade dé ber dɔ dè Jésu't nè nga. Tà nè nga, è ndang se tà hébreu a, se tà latin a, se tà grec a tɔ.

21 Maw njékuje nyan-mese le Juipge naji se Pilate edi nè: – M-m, i ndang ngar le Juipge lé, nè, i ndang ede nè: «Doo nyan le doo nè nga tam ede nè n'ee ngar le Juipge.»

22 Pilate tel ile de dè't ede nè: – Nyan ke m'ndang bá nga, à tò bè kuwe.

23 Loo ke njérɔge beri Jésu kàde kage-ke-dese't bá baa, ei ɔyi kubuge le'n kayai danné loo sɔ adi oje dè de karé-karé. Njérɔge unni kubu le Jésu ke bòi yul ke kum kur'n goto nga tɔ. Kubu nè nga d'oyo ke kojo d'in-in'n dɔ sár dé ree'n nang.

24 Njérɔge edi nan edi nè: – Adi jè tili kubu ke bòi yul nè nga lé, nè adi jè turi jala dè't j'an-in, ké nan kubu nè à è le'n wa? Titeke bè á tà ke dé ndang kêm magtub't kété nga aw loon't deɟ. Dé ndang d'ede nè: «Dé kai nan kubuge le'm, nè kubu le'm ke bòi yul baa, dé tur jala dè't.» E á è nyan ke njérɔge rai titeke bè.

25 Kon Jésu se ngokon'n Marie, dinye le Clopas, se Marie ke bee le'n è Magdala ndai ngɔr kɔte kage-ke-dese't le Jésu.

26 Jésu tête kum'n an kon'n. Kon'n nda ngɔr se njèkuwe-gir'n ke è tár'n ngain. Jésu ede kon'n ede nè: – Dinye, an ngonni.

27 Go't gugu, è ede njèkuwe-gir'n nè nga ede nè: – An koin. Unn gir kêm kàdenn't nè kuwe, njèkuwe-gir-Jésu nè aw se kon Jésu bee rann't ngonm'n.

Tà Jésu tête nyonk

(An-in Matt 27.45-56; Marc 15.33-41; Luc 23.44-49 tɔ)

28 Jésu ger titeke darinè gir nyan malang gang bá. Gir'n ke nè á è tam ede nè: – Kunde mann ra'm. E tam titeke bè le kade tà ke tò kêm magtub ke tò se ninn'n aw'n loon't deɟ.

²⁹Mann nduu ke mase rusu jó karé bè. Njérɔge ulei kann njan tà kage ninngé't ulei kum mann nduu ke mase't nè nga awi ulei tà Jésu't.

³⁰Loo ke Jésu njibe mann nduu ke mase nè nga bá baa, è tam ede nè: – Gir'n nyan malang gang bá ta. Ke loon't nè kuwe tànn't tête nyonk ade dè'n tel oso ragm.

Njèrɔ karé ɔse kade Jésu se ninge

³¹Ndo taa kebe ke nè nga, è ndo taa kebe ke bò tede tò gai se madege. E ndo kuwe dè nja nyan ra nan Paque. Juipge beli kê m de't kade ninn Jésu se dooge ke joo ke dé ber de se'n nan't tooi kàde kage-ke-dese't, tede è ndo taa kebe. Gir'n ke nè á Juipge awi deji Pilate le kade ade dé tête nja Jésu se dooge ke dé ber de se'n kàde kage-ke-dese't bita dé tor ninn de nang bai.

³²Nè dooge joo ke njérɔge beri de nan't se Jésu á dé tête nja de. Njérɔge tête nja è ke karé pa bita tête le è ke njèkon madenn't joo bai.

³³Nè loo ke dé ree ra Jésu't baa, d'an titeke wei bá. Gir'n ke nè á dé tête'n nja'n lé.

³⁴Nè né è bè géa, njèrɔ karé dann madenngé't ɔse kêl kade Jésu se ninge dap. Ke loon't nè kuwe, mese se mann ubei tà't tir-tir.

³⁵Doo ke njèkɔrgo tà nè kede sei nga an nyange nè se kum'n. Tà ke è ɔrgo nga è ngarankum tà. Doo nè nga ger titeke è tam ngarankum tà le kade sei géa undei kê m si dè Jésu't to.

³⁶Nyange nè teei titeke bè tede kade tà ke Magtub ke tò se ninn'n tam kété nga aw'n loon't deŷ. Dé ndang kê m magtub't d'ede nè: «D'a tête kinge'n karé bè géa dann madege't lé.»

³⁷Dé ndang kê m magtub ke rang't d'ede nè: «E ke d'ɔse kàde'n se ninge nga, d'a d'an'n se kum de ndo ke rang bai.»

Joseph ke bee le'n è Arimathée dubu ninn Jésu

(An-in Matt 27.57-61; Marc 15.42-47; Luc 23.50-56 to)

³⁸Go nyange ke teei't nè nga, Joseph ke bee le'n è Arimathée aw deje Pilate kade inye loo ade ɔr ninn Jésu. Pilate ndige se'n dè't. Joseph aw ɔr ninn Jésu kàde kage-ke-dese't. Joseph nè nga, kété è njèkuwe-gir Jésu se go ngein tede è bel kum Juipge.

³⁹Nicodème, ke ndo ke aw inge Jésu dann ndoo nga géa ree to. E ree se wubu ke ri'n nè myrrhe ke poti nan't se wubu ke ri'n nè aloès ase kilo kɔr-mute-gidé-joo jinn't.

⁴⁰Joseph se Nicodème unni ninn Jésu awi biri se tà kubu a, tête wubu ke ete ngain ke ri'n nè aromate dènn't se go nyangirkà le Juipge loo dubu nan't le de.

⁴¹Loo ke dé ber Jésu kàde kage-ke-dese't tutu nga, è ngɔr se loo man-kagege. Dé son bolè mbal ke kige kàde mbal't kê m loo man-kagege't nè nga. Bolè mbal nè nga dé dubu ninn doo tutu nja karé ndan lé bai.

⁴²Joseph se Nicodème unni ninn Jésu awi undei kêm bolè mbal ke dé son, tede è ngɔr se loo ke dé ber'n kàde kage-ke-dese't. E ndɔ kuwe dè nja nyange malang ɔje dè ndɔ taa kebe le Juipge tede nain ngɔr baa, kàde le ndɔ taa kebe à ase. Gir'n ke nè á d'unn'n ninn Jésu le dubu kɔke.

Jean 20

Jésu unde loo tee dann njé ke koo't (An-in Matt 28.1-8; Marc 16.1-8; Luc 24.1-12 tɔ)

¹Ndɔ ke njè kutu go ndɔ taa kebe, Marie ke bee le'n è Magdala tee se ndɔgé aw dè bada se loo ke tò gundu-gundu bai. E an titeke doo ndubri kuberi mbal ke bòi ke d'utu'n tà be-bade nga ile rang.

²Marie ɔse wan tel se ngɔde ree ra Simon Pierre't se njèkuwe-gir-Jésu karé ke rang ke Jésu ndige'n ngain. Marie ede de ede nè: – D'ɔr ninn Kuwe-bee Jésu kêm bolè mbal't nga kɔke. Nè jè ger loo ke d'ile tutu lé.

³Pierre se njèkuwe-gir-Jésu karé ke rang nè nga, teei awi dè bada.

⁴Ei joo mbak unni gir naji nan ngɔde. Nè njèkuwe-gir-Jésu karé ke rang nè nga an-in ngɔde kalang tee dè bada kété non Pierre't.

⁵E duge nang baa an tà kubuge ke dé bir'n Jésu á tooi nang njɔk karè. Nè né è bè géa, è aw kêm be-bade't lé.

⁶Go't gugu bita Simon Pierre ree ke le'n. E ree dɔ aw kêm be-bade't. Simon Pierre an tà kubuge ke dé bir'n Jésu tooi nang njɔk karè tɔ.

⁷Tà kubu ke dé dɔ'n dè Jésu nga, d'udu kɔtch-kɔtch d'ile gai loo ke rang't se tà kubuge ke dé bir'n.

⁸Go't gugu bita njèkuwe-gir-Jésu karé ke rang ke an-in ngɔde aw dè bada kété non Pierre't nga aw kêm be-bade't ke le'n tɔ. E an nyange nè se kum'n. Gir'n ke nè á è unde'n kêm'n dè kunde loo tee dann njé ke koo't le Jésu.

⁹Magtub ke tò se ninn'n tam kété mari ede nè: Jésu à unde loo tee dann njé ke koo't gar-gar. Sár bila njèkuwe-gir-Jésuge geri gir tà nè njai lé bai.

¹⁰Njèkuwe gir-Jésuge ke joo nè nga teli awi béee.

Jésu tɔje ra'n ade Marie ke Magdala an'n (Matt 28.9-10; Marc 16.9-11 tɔ)

¹¹Marie nda nata ngɔr se dè bade Jésu à non. E non nda gon'n kêm bolè mbal ke dé dubu'n Jésu tutu.

¹²E an dooge ke danrán joo tulei kubu ke nda káng-káng ndii nang loo ke kété d'unde'n ninn Jésu tutu a, è ke karé ndi loo ke kété dè Jésu sɔbe tutu a, è ke karé ke rang ndi loo ke kété nja Jésu sɔbe tutu a tɔ.

13Dooge ke danrán ke joo nè nga deji Marie edi nè: – Dinye, ké i non tede ri wa? Marie ile de dè't ede nè: – D'or Kuwe-bee le'm Jésus kêm bolè mbal't kòke. M'ger loo ke d'aw d'ile'n tutu lé.

14Loo ke Marie tam tà nè nga gir gang bá baa, tur ra'n warar baa, è an Jésus nda goon't. Nè è ger titeke è Jésus nga lé.

15Jésu dejé ede nè: – Dinye, ké i non tede ri wa? Ké i sang nan wa? Marie ke bee le'n è Magdala an Jésus oje'n njèra kule man-kagege karè. Gir'n ke nè á è ede'n ede nè: – Ngar, ke nè á è i a oré baa, oje'm loo ke ilé tutu baa, m'a maw le kunné.

16Jésu bar Marie ede nè: – Marie! Marie tel tur ra'n warar ke ra Jésus't bar'n se tà hébreu ede nè: – Rabbuni! tel se tà koje jè baa, è «Kuwe'm!»

17Jésu tel ede Marie ede nè: – Ode ra'm lé tede m'in m'aw ra Bòm't lé bai. Nè i baa, i tel aw ede ngakonmge ede nè m'ndi m'aw ke ra Bòm Nube't. Bòm Nube nga, è Bò si sei a, è Nube le si a tɔ.

18Marie ke bee le'n è Magdala ree ede njékuwe-gir-Jésuge ede nè: – Man nga m'an Kuwe-bee bá. Marie or sertàge ke Jésus ede'n ade d'oo.

Jésu toje ra'n ade njékuwe-girnge an-in nin

(An-in Matt 28.16-20; Marc 16.14-18; Luc 24.36-49 tɔ)

19Loo solé kêm ndɔ ke njè kutu go ndɔ taa kebe, loo ke ndɔ il bá baa, njékuwe-gir-Jésuge kebi nan kêm kei uti tà rebe dè de't kák-kák tede beli Juipge. Jésus tee hɔi, nda dann de't ede de ede nè: – Maje kade kêm lom nain se si.

20Loo ke è tam tà nè nga bè bá baa, è toje dè jinngé se kél kàde'n ade d'an. Ra njékuwegir Kuwe-bee Jésusge nel de ngain tede kan ke an-in nin.

21Jésu tel ede de ede nè: – Maje kade kêm lom nain se si. Dariné, man géa m'ule sei titeke kété Bòm ule'm nga tɔ.

22Loo ke è tam tà nè nga titeke bè bá baa, è tó kebe dè de't puu ede nè: – I taai Ndil-Kêmnda!

23Njé ke adi kêm si tin mbit dè kaiyage't le de nga, Nube à ade kêm'n tin mbit dè de't tɔ. Njé ke inyei kaiyage le de dè't nga, Nube à inye kaiyage le de dè't tɔ.

Jésu toje ra'n ade Thomas an'n

24Thomas è ke karé dann njé ke dɔg-gidé-joo't. Thomas nga d'ile ri tɔy'n nè «Ndunge.» E goto se madenngé loo ke ndɔ ke Jésus tel ree'n ra de't.

25Loo ke Thomas ree baa, njékuwe-gir-Jésuge ke rang edi nin edi nè: – Jè j'an Kuwe-bee bá. Thomas tel ede de ede nè: – Ke nè á m'an tà dò pondɔ ke jinn't, m'ule ngaw ji'm tà dò ninge ke kél kàdenn't nga lé baa, m'a m'taa tà le si ndan lé.

²⁶Ndo soso gugu bai, njékuwe-gir-Jésuge teli kebi nan kêmi kei karé't. Ei uti tà rebege dè de't kák-kák. Thomas è se de nan't kêmi ndon't nè nga. Nè né è bè géa, Jésus tee hoi, nda dann de't ede de ede nè: – Maje kade kêmlom nain se si.

²⁷Go't gugu è tur kum'n dè Thomas ede'n ede nè: – An tà dòge ke jim't. Ule ngonn jii ke kété nè òde'n tà dò ninge ke kêl kàdem't. Ebe't kunn mbii dè tà't lei. Unde kêmi dèm't.

²⁸Thomas tel ile Jésus dè't ede nè: – Kuwe-bee le'm, Nube le'm.

²⁹Jésu tel ile Thomas dè't ede nè: – I unde kêmi dèm't tede kan ke an'm karè. Njé ke undei kêmi de dèm't anje kan'm nga, ra de à nel de.

Gir nyan ke Jean ndang'n magtub nè nga

³⁰Jésu ra nyankobege ke rang bule ngain tàkum njékuwe-girnge't. Nyankobege nè nga, dé ndang tà'n kêmi magtub't nè malang lé.

³¹Nè tà nyankobege ke dé ndang tà'n kêmi Magtub't nè nga, è tede le kade awi kum si ke kété dè kunde kêmi si dè Krist't titeke è Ngonn Nube nga kuwe. Ke nè á undei kêmi si dènn't baa, a ingei ndikumgajer se non takul ri'n è.

Jean 21

Jésu taje ra'n ade d'an'n tà ba ke Tibériade

¹Ndo ke gugu rang, Jésus tee hoi ke ra njékuwe-girnge't tà ba ke ri'n nè Tibériade. An! dé ke è taje de ra'n ade d'an'n nga ri de á tò nè:

²Simon Pierre, Thomas ke ri toy'n nè: «Ndunge», Nathaniel ke bee le'n è Cana beekon ke Galilée, ngann le Zébédéege ke joo se njékuwe-girnge ke rang joo to. Ei nè malang ndii nan't loo karé kêmi ndon't nè.

³Simon Pierre ede madenngé ede nè: – Man m'a m'aw le kose kanje. Madenngé edi nin edi nè: – Jè géa j'à j'aw sei to. Simon se madenngé undei loo teei awi ali kêmi bato't. D'ose kanje ndo sár loo ar dè de't yerer nal kuwe kanje karé ke luk-luk kêmi ndon't nè.

⁴Loo ke loo ar bá baa, Jésus ree nda ngang ba't. Nè né è bè géa, njékuwe-girnge geri titeke è è lé.

⁵Jésu deje de ede nè: – Mademge, ké awi se nyankuse ke rang ji si't lé wa? Dé tel d'ile'n dè't d'ede nè: – M-m, nyankuse ke rang goto ji jé't.

⁶Jésu ede de ede nè: – Ilei bure le si se ke dè jikon bato't baa a ingei kanjege. Loo ke d'ile bure nga baa, kanjege rusi ne'j ade d'ase ndor tee'n nata lé.

⁷Njékuwe-gir-Jésu ke Jésus tár'n ngain ede Pierre ede nè: – Doo nga è Kuwe-bee le jéi Jésus! Loo ke Pierre oo titeke è Kuwe-bee baa, tel ule kubu le'n ke bòi yul rann't, al bal oso dann ba't gugu gòbong tede kété ndi ra'n karè.

⁸Njúkuwe-gir-Jésuge ke rang teli reei se ngonn bato nga, ei toi bure ke kanjege rusi neŋ nga tutu ndɔri à reei ke kàde kong't. Hebi ngain se kàde kong lé, nè ei ngɔr asenan se kum kil ji doo aru joo.

⁹Loo ke ei risi nang bá baa, ei an-in kanjege se mapa tooi dè yal por't.

¹⁰Jésu ede njékuwe-girnge ede nè: – I reei se ngann kanjege ke uwei nga ke laa.

¹¹Simon Pierre tel al kêm bato't ndɔr bure ke kanjege rusi neŋ nga ile nata. Kanjege ke bòi-bòi ke kêmé nga ei aru se kɔr-mi-gidé-mute. Kanjege bulei ngain, nè né è bè géa bure gang lé.

¹²Jésu ede njékuwe-girnge ede nè: – I reei usei nyan. Dé ree dé ndi nang, nè doo karé bè géa ɔse kum'n deje'n ede nè: «Ké i nan wa?» lé. Dé malang dé ger titeke è Kuwe-bee.

¹³Jesu ree unn mapa nga tête danné kai de.

¹⁴Tabai unn tutu kanje nobo de titeke bè tɔ. Nube ade Jésus unde loo tee dann njé ke koo't. E toje ra'n ade njékuwe-girnge an-in nin. Ke nè baa, è njèkon't mute dɔarinè ta.

Jésu um kule kul batege le'n ji Simon Pierre't

¹⁵Loo ke d'use nyan gir gang bá baa, Jésus deje Simon Pierre ede nè: – Simon, ngonn le Jean, ké i tár'm dum njékuwe-girnge ke rang malang kuwe wa? Pierre tel ile Jésus dè't ede nè: – Oiyoy, Kuwe-bee, i ger titeke m'ndigi kuwe. Jésus edé ede nè: – Ul ngann batege le'm ade'm sei.

¹⁶Jésu tel deje Simon njèkon't joo ede nè: – Simon ngonn le Jean ké i tár'm kuwe wa? Simon tel ile Jésus dè't ede nè: – Oiyoy, Kuwe-bee, i ger titeke m'ndigi kuwe. Jésus tel edé ede nè: – I tɔse kumi dè ngann batege le'm ul de ade'm sei.

¹⁷Jésu deje Simon njèkon't mute ede nè: – Simon, ngonn le Jean, ké i ndige'm kerɔte kuwe wa? Kêm Pierre on'n tede deje ke Jésus tel deje'n njèkon't mute ede nè: – Ké i ndige'm kerɔte kuwe wa? Tabai Pierre tel ede Jésus ede nè: – Kuwe-bee, i ger nyange malang bá, i ger titeke m'ndigi kerɔte kuwe. Jésus tel ede Simon Pierre ede nè: – Bè baa, ul ngann batege le'm ade'm sei.

¹⁸Kerɔte man m'edi ndàt, kété ke i basa bai nga i kuwe i tɔ bedi se ndar aw'n loo titeke kêm ndige. Nè ndɔn't a i buge baa, a i sure jii kade doo karé ke rang à tɔ bedi se ndar a, à ndɔri kaw sei loo ke i ndige't lé.

¹⁹Jésu tam tà nè nga titeke bè ɔje'n dè ber ke d'ayé ber Simon kàde kage-ke-dese't le kile'n ribar dè Nube't. Loo ke Jésus tam tà nè nga gir gang bá baa, tel ede Simon Pierre ede nè: – Unn rebe goom't.

Jésu tam tà ɔje'n dè njékuwe-gir'n ke è tár'n ngain

²⁰Pierre tel mer goo'n. E an njèkuwe-gir-Jésu ke ndo ke tò kàde Jésus't tá use'n nyan. Pierre an'n njiye go de't se Jésus. Njèkuwe-gir-Jésu nè nga, Jésus tár'n ngain. E è nè á ndo ke de je Jésus mêt ede nè: «Kuwe-bee, ke nan à ulei ji dooge't wa?»

²¹Loo ke Pierre tête kum'n an'n baa, de je ede nè: – Kuwe-bee, à n'ee ke nè, ké ri á à tee dèyé't wa?

²²Jésu tel ede Simon ede nè: – Ke nè á m'ndige le kade n'ndi bè sár kade m'tel m'ree'n baa, ké usi ri wa? I baa, unn rebe goom't.

²³Njèkuwe-gir-Jésuge turi tà nè ilei gel edi nè: – Njèkuwe-gir-Jésu nè nga, ayé kwei lé. Nè Jésus tam ede nè: «Njèkuwe-girnge nè nga ayé kwei lé» lé. Nè è tam ede nè: « Ke nè á m'ndige kade n'ndi sár le kade m'tel m'ree'n baa, ké usi ri wa?»

²⁴E njèkuwe-gir-Jésu nè nga kuwe á orgo tà nyange ke ndo ke an se kum'n a, se tàge ke ndo ke oo se mbin'n a to. E ndang de kêm Magtub't nè. Jè ger titeke tà ke è orgo nga è ngarankum tà kerote kuwe.

Loo tol tà tàge nè nga

²⁵Kété Jésus ra nyange ke rang bule ngain. Ke nè á ndo ke dé ndang tà'n karé-karé malang kêm magtub't baa, m'gir titeke à ubei loo bang-bang dè nang nè.

Nyanra Njekawkulege

Nyanra Njekawkulege 1

Jésu unn ndu'n le kule se Ndil-Kêmnda

¹Théophile, tàge ke m'ose nja dè nan't kêm magtub't le'm ke kété nga, è tàge ke oje dè nyange malang ke Jésus ra se nyange malang ke ndó dooge mari loo kunn gir kule't le'n,

²sár tee'n kêm ndo ke Nube unn'n aw'n se'n danrán. Jésus unn ndu'n se go togmong le Ndil-Kêmnda ade njékawkulege ke è tor de unde de se ninn de.

³Go nyankêmkon ke ra'n se go kwei le'n, Jésus toje ra'n kumgajer ade njékawkulege le'n an-in nin nja bule. E nain se de ndo'n kor-so, è or ser nyange ke oje dè Konbee le Nube ade de.

⁴Ndo karé bè, Jésus ndi se de nan't tà nyankuse't, è unn ndu'n ade de le kade d'inye bee-bò ke Jérusalem d'aw rang lé. E ede de ede nè: – I ndii Jérusalem nè kuwe i nginei ndukunn le Bo'm ke ndo ke m'ede sei tà'n kété nga.

⁵Jean ule dooge manné njonm kété, nain ndo ngain lé kade d'or sei d'unde sei se ninn si gai se Ndil-Kêmnda bai.

Kin kaw danran le Jésus-Krist

⁶E á njékawkulege oji nja nan ra Jésus't deji nin edi nè: – Kuwe-bee, ké d'arinè kuwe è ndo ke a i tel'n se konbee le ngann Israelge kade gugu ta wa?

⁷Jésu ile de dè't ede nè: – E tà le si sei le ger ndo'n se kade'n ke Bo'm oje se go togmong le'n è kuwe nga lé.

⁸Nè sei a kingei togmong le Ndil-Kêmnda baa, sei a teli k'eei njékorgo tàge le'm kêm bee-bò ke Jérusalem a, se beekon ke Judée bere mbak a, se beekon ke Samarie a, sár kade ori son nang nè njêt a to.

⁹Loo ke è ede de tàge nè nga bè bá baa, è in tàkum de't aw danrán. Loo ke dé nda d'an goo'n sikm baa, ke loon't nè kuwe, bum utu dèn lét ade d'an'n lé sár.

¹⁰Loo ke Jésus in à aw ke danrán nga, njékawkulege an-in goo'n sikm. An! dingemge joo undei loo teei ndai se kubuge ke nda káng-káng ra de't. Ei deji njékawkulege nga edi nè:

¹¹– Sei dooge ke beekon ke Galilée, ké bain á i ndai an-in loo ke danrán sikm bè wa? Jésus nè ke d'unn'n dann si't d'aw se'n danrán nga, ndo ke rang à tel ree kade an-in titeke an-in nin loo kin kaw'n danrán't nè nga bè to.

D'or Matthias ke njè taa gute Judas

- 12**Njékawkulege in-in dè mbal ke kage-olivierge ndai tutu. E ɔsi wan teli awi kêm bee-bò ke Jérusalem. Mbal nè nga tò ngɔr ase kurloo karé se bee-bò ke Jérusalem. Doo à njiye kaw tutu se ndɔ taa kebe karè.
- 13**Loo ke dé tee kêm bee-bò ke Jérusalem bá baa, ke loon't nè kuwe, d'al d'aw kêm kei ke dè made't ke è loo kinge nan le de se ndɔ de-ndɔ de. Ri de dé njékawkulege nga tò nè: Simon se Jean, Jacques se André, Philippe se Thomas, Barthélemy se Matthieu, Jacques ngonn Alphée se Simon ke njèkile ra'n kɔke tede bee le'n, se Jude ngonn Jacques a tɔ.
- 14**Dé malang d'um kêm de nan't bɔk, d'aw kum de ke kété-kété dè kɔje tà se Nube't. Dinyege ke nange tite Marie kon Jésus a, se ngakon Jésusge ndii se de nan't tutu a tɔ.
- 15**Ndɔ karé bè, njétaakêm-Kristge kebi nan asi aru se kɔr-joo. Pierre ɔse nang in dɔ dann de't ede de ede nè:
- 16**– Ngakonmge se kon nannemge, tà ke Ndil-Kêmnda tam kété kêm Magtub ke tò se ninn'n nga, aw loon't deɟ. Ndil-Kêmnda ule tà tà David't ade tam ɔje'n dè Judas kété. Judas nè ɔse wan tel è njèkɔr non njé kuwe Jésusge.
- 17**Judas nga kété dé tute'n dann jéi't kuwe. Kule ke jè ndi j'ade rai nga géa, d'ade'n gaje'n ke ɔje dè'n se jéi nan't tɔ.
- 18**Dingem nè nga ndogo loo ndɔr se nyanra pás-pàs le'n ke d'uge'n dè j'i'n. Nè mbɔr go't gugu baa, ɔte aw ur kɔbe'n nang tête ngadann'n ade ngann-tin'n malang kuje nan hakl.
- 19**Tà nè nga oso mbi dooge't malang ke ndii kêm bee-bò ke Jérusalem. Gir'n ke nè á dé bar loo-ndɔr nè nga se tà kɔje de ke le de d'ede nè: «Hakeldama», tel se tà kɔje jéi baa «è dè nang mese».
- 20**Dé ndang tà kêm magtub ke dé bar'n Magtub Pakɔsege d'ede nè: «Maje kade bee le'n tel è ndube ndái-ndái, maje kade doo karé bè géa ra bee tutu lé, tabai maje kade doo karé ke rang taa gute'n loo kule't le'n a tɔ.»
- 21**Pierre ede njékawkule madenngede ede nè: –Dooge ke ei njémade-loo-kawge le jéi, loo ke ndɔ ke Kuwe-bee Jésus ee'n njèkɔr non jéi bai, ei dann jéi't laa. Maje kade j'ɔri doo karé j'adi taa gute Judas le kade ile mber kunde loo tee le Kuwe-bee Jésus dann njé ke koo't se jéi nan't.
- 22**Doo nè nga, gar-gar maje kade è doo ke ndɔ ke è se jéi nan't, unn gir ndɔ ke Jean ule'n Jésus manné njonm sár tee'n ndɔ ke Nube unn'n dann jéi't seen aw'n se'n danrán.
- 23**Njékawkulege bari dooge joo undei de non de't, è ke karé ri'n nè Joseph ke dé bar'n Barsabbas ke d'ile ri tɔy'n Justus. E ke karé ri'n nè Matthias a tɔ.

²⁴Tabai dé malang d'ɔje tà se Nube d'ede nè: – Hei! Kuwe-bee, i ger ngarankêm dooge malang, ule jii njung dè doo karé ke i kuwe ɔr'n unde'n se ninn'n dann dooge ke joo nè ade jè.

²⁵Doo ke a ɔr'n nga, à è njè taa gute Judas loo kaw kule't ke inye ɔte aw loo le'n ke ɔje dè'n è kuwe.

²⁶Dé tur jala dè't le kan ké nan Kuwe-bee à ɔr'n dann dooge ke joo nè nga wa? Nè Matthias á jala ɔse'n ade d'ule'n dann njékawkulege ke nain-in dɔg-gidé-karé.

Nyanra Njekawkulege 2

Ndil-Kêmnda ree taa kêm njétaakêm-Kristge

¹Loo ke ndɔ Pentecote ase deɣ bá baa, njétaakêm-Kristge kebi nan loo karé.

²Ke loon't nè kuwe ká nyan in danrán bar asenan se nel-bò bè ree taa kêm kei ke dé ndi tutu pel-pel.

³Ndon nyange ke taai nan se ndon por bè undei loo teei pitring-pitring kayai nan ndii dè de't karé karé malang.

⁴Dé malang, Ndil-Kêmnda taa kêm de pel-pel ade d'unn gir tam tà tam dooge ke rang gai-gai se go tà ke Ndil ade de le kade dé tam.

⁵Kêm ndɔn't nè nga, Juipge ke ilei koje dè Nube't in-in dann dooge ke ei Juipge lé dè nang malang reei ndii kêm bee-bò ke Jérusalem.

⁶Loo ke doobulege ke kebi nan ooi ká nyan ke bar nè nga baa, ei an-in nan som-som reei ndai dè nan't girm. Nanan géa oo tà ke d'ede'n se tà koje'n-koje'n.

⁷Ndil de tee an-in soin-soin, tà ige de sêl ade d'ede nè: – An-in! dooge nè malang ke ndai à tami tà nè nga, ké ei dooge ke kêm beekon ke Galilée nga lé wa?

⁸Ké gir'n è bain á jéi j'ooi tà karé-karé malang ke edi jéi se tà koje jéi, koje jéi wa?

⁹Njé ke nange dann jéi't in-in kêm beekon ke Parthes se Médie se Elam se njé ke in-in beekon ke Mésopotamie se Judée se Cappadoce se Pont se Asie,

¹⁰se beekon ke Phrygie se Pamphylie se Egypte se njé ke in-in kêl beekon ke Libye kɔte Cyrène se njé ke ei mbage ke in-in Rome reei ndii nè a tɔ.

¹¹Jèi ke nange jèi Juipge ke koje bee, njé nange ei Juipge telge, njé ke nange in-in kêm bee ke Crète se beekon ke Arabie a tɔ. Nè né è bè géa, dooge nè nga ɔri gir nyanrage le Nube ke maje dum adi j'ooi se tà koje jéi, koje jéi.

¹²Ndil de tee an-in soin-soin malang ade dé tel ndi tchên. Njé ke nange deji nan tà edi nè: – Ké nyan nè nga gir'n è ri wa?

¹³Nè njé ke nange ke rang tulei mbe dè njétaakêm-Kristge edi nè: – Kɔr yibe nduu rusu kêm de njin-njin.

Pierre ɔr girtà ndɔ Pentecote

- 14**Ke loon't nè kuwe, Pierre ɔse nang in nda ɔ se njékawkulege ke ɔg-gidé-karé. E tam tà se ndu'n ke bòi ede doobulege ede nè: – Sei Juipge se dooge malang ke i reei mba kêm bee-bò ke Jérusalem nga, uri mbi si maje ooi tà le'm.
- 15**Dooge nè nga è yibe á ra de titeke sei giri kêm si't nga lé. Loo ke tò se ndɔgé bai nè kuwe yibe à ra doo titeke bain patch wa?
- 16**Nè tà ke ndɔ ke Joel njèribe-dè-tà ke tà Nube't tam kété nga aw loon't deɟ. An-in! tàge le'n ke ndɔ ke tam:
- 17**«Nube tam ede nè: ndɔ ke ngeinn't baa, m'a m'ade Ndil'm à yal nan dè dooge't malang titeke bè á: ngann sige ke dingem se njé ke dinye à teli k'eei njékɔrgo tàge le'm man Nube; ngann basage le si à an-in nyanpinde ngatɔgege le si à an-in nyan nige a tɔ.
- 18**Kerɔte kuwe, kêm ndɔn't nè nga, m'a m'ade Ndil'm à yal nan dè ngann njéndige ke dingem se njé ke dinyege tede kade ribei dè tàge le'm.
- 19**M'a m'ade nyange ke dum kum à teei kade danrán't ɔ a, nyankɔbege à teei dè nang nè á tɔ: mese se ndon por a, se sà por undei loo teei a tɔ.
- 20**Kàde à tel ndul ndin-ndin a, nan à tel mese a tɔ, kété bita ndɔ gangtà le Kuwe-bee à ree bai. Ndɔ nè nga, è ndɔ ndubra ke bò ngain.
- 21**Nanan ke bar ri Kuwe-bee kêm ndɔn't nè baa, d'a d'aje'n.»

Pierre ɔgir ndá Jésu njai ke nata ade kosdooge ke Israel

Pierre tel tam ede nè:

- 22**– Sei dooge ke Israel, i neli mbi si maje ooi tà ke m'a m'ede sei: Jésu ke Nazareth nga sei geri nin bá. E doo ke ndɔ ke Nube kuwe ule ji'n njung dènn't ɔr'n unde'n se ninn'n gai. Nube ade ra nyankɔbege se nyange ke dum kum a, se nyan-tɔjege dann si't ade i geri bá a tɔ.
- 23**Doo nè nga, Nube ule'n ji si't se go rebe ke ndɔ ɔje se go nyanger le'n kété mari ke desêin. Sei in-in se'n ke kété ulei ji dooge ke ei Juipge lé adi beri nin kàde kage-ke-dese't tɔli nin.
- 24**Nè Nube ɔr Jésu ke Nazareth dann nyankêmkonge't le yo ade unde loo tee dann njé ke koo't. Titeke bè á yo aseku kuwe'n nang gan-gan se go tɔgmong le'n lé.
- 25**Gir'n ke nè á, ndɔ ke David tam tà ɔje'n dè'n ede nè: «M'an Kuwe-bee nda nonm't se ndɔge malang, è nda dè jikonm't tede kade nyan karé géa à yei'm lé.
- 26**Gir'n ke nè á bengre'm ndii'n dann ranel't a, ndon'm géa ɔse'n pa ranel. Tabai danra'm à taa kebe se kundekêm tchên a tɔ.

²⁷Oiyo, i a kinye ngarankum ra'm bee le yo lé a, doo lei ke tò se ninn'n nga i a kinye'n kade jori pɔtɔk be-bade't lé a tɔ.

²⁸I ade m'ger kile rebege ke aw ke loo ndikumgajer't. I a ade ranel rusu kêm'm ndɔ ke m'a m'nda tà kumi't nga.

²⁹Pierre tel tam ede nè: – Ngakonmge se kon nannemge, adi m'ede sei tà ke ɔje dè njèyo kà jéi David nga ndàt m'ade ooi. E wei ade ndɔ ke dé dubu'n. Dè bade'n tò dann jéi't laa sár tee kêm ndɔ ke bila bai.

³⁰Nè David nga kété è njèribe-dè-tà ke tà Nube't. E ger titeke Nube mann ra'n ade'n kété ede nè: «M'a m'or ngonnkàì karé ke kêm'i't dann ngannkàige't kade ndi kutu-ngar't lei.»

³¹E ger kété mari titeke Krist à unde loo tee dann njé ke koo't. Gir'n ke nè á, è tam'n kété ede nè: «Nube à inye Krist nga bee le yo ndan lé a, danran à jori pɔtɔk bè-bade't lé a tɔ.»

³²Jésu nè ke man m'ede sei tà le'n nga, Nube ade unde loo tee dann njé ke koo't. Jéi malang j'ooi tà kunde loo tee le'n dann njé ke koo't nga se mbi jéi.

³³Nube unn ndu'n kété mari ede nè n'a n'ule se Ndil-Kêmnda kade dooge. Loo ke è unn Ngonn'n Krist mbeng ade aw ndi dɔ dè jikon't bá baa, è ade'n Ndil-Kêmnda nga. Tabai Krist in ke kété ule se Ndil-Kêmnda nga ade yal nan dè jéi't karé-karé malang. E nè nga, è nyan ke sei an-in se kum si a, ooi tà'n se mbi si darinè bá ta.

³⁴Kerɔte kuwe, David nga in aw danran lé bai, nè né è bè géa, è tam kété ede nè: «Kuwe-bee Nube ede Kuwe-bee le'm ede nè: I ree i ndi dè jikonm't,

³⁵sár le kade m'ade njébangé lei teli ei nyan-sure-nja kum lei.»

³⁶Pierre ede kosdoo-bulege ede nè: – Maje kade sei kosdooge ke Israel malang, i geri tà nè maje: Jésus nè ke sei beri nin kàde kage-ke-dese't nga, Nube tel ade è Kuwe-bee a, Krist a tɔ.

Njétaakêm-Kristge ke desêin

³⁷Loo ke kosdooge ooi tàge nè bè baa, bengre de ayé gang dɔs. Dé deje Pierre se njékawkulege ke rang d'ede nè: – Ngakon jége, ké j'à ra bain ta wa?

³⁸Pierre ede de ede nè: – I turi hal si. Maje kade nanan géa dann si't ade d'ule'n manné njonm se ri Jésus-Krist. Titeke bè á Nube a ade kêm'n à tin'n mbit dè kaiyage't le si, le kade ade'n sei Ndil-Kêmnda.

³⁹Ndɔ ke Nube unn ndu'n le kule se Ndil-Kêmnda kade ree taa kêm dooge pel-pel. Ndukunn nè nga ɔje dè si sei se ngann sige. Ndukunn nè nga ɔje dè dooge malang ke darinè ndii ebe se Kuwe-bee Nube le jéi.

⁴⁰Pierre ede de ede nè ndukunn nè nga ɔje dè dooge ke ndɔ ke rang Nube à bar de bai nga a tɔ. Pierre unn tàge ke rang bule ndeje'n de a, ule'n dingem kêm de't a tɔ,

ede nè: – Dooge ke dariné ndii dè nang nè nga, ei njé ra nyan pás-pàsge. Utei ra si mbeng ra de't kòke baa, a aji.

Kum nan't bok le njétaakêm-Kristge ke desêin

⁴¹Njé ke taai tà le Pierre umi dè madege't ke kété ade d'ule de manné njonm nga, kòr de in dè made't ase aru dɔg loo mute kêm ndɔn't nè.

⁴²Njétaakêm-Kristge malang uri mbi de tchên ooi tàge ke dé ndó de se ndɔ karé-karé. D'um nan't bok tite ngakon nange se kon nannge bè. D'on mur nan't a, d'ɔje tà se Nube nan't a tɔ.

⁴³Njékawkulege rai nyange ke dum kum se nyankɔbege ngain. Dooge malang beli ndil de.

⁴⁴Njétaakêm-Kristge rai bee loo karé a, umi nyange le de malang nan't loo karé a tɔ.

⁴⁵D'ige looge le de se nyan-majege le de baa, dé kaiya nan nar'n se go nyange ke d'aw ndoo'n.

⁴⁶D'um kêm de nan't karé a, dé ree kêm kei le Nube se ndɔ de, ndɔ de a, d'use mapa se nan kêm keige't le de se ranel a, se kêmnda káng a tɔ.

⁴⁷Dé pite Nube a, dé taa kum dooge d'ekm a tɔ. Njé ke ingei kaje nga, Kuwe-bee ade kòr de in dè made't se ndɔge malang dann njékebe nange't le Nube.

Nyanra Njekawkulege 3

Pierre ade nja njèdɔgemete mong daj-daj

¹Ndɔ karé bè, loo ke kàde tel ra'n se mbɔr'n, Pierre se Jean à awi ke kêm kei't le Nube le kɔji se'n tà.

²D'unn dingem karé ke d'ɔje'n ke njèdɔgemete d'unde'n tàbit kei't le Nube ke dé bar'n «Tàbit kei ke maje ngain.» Dé ree se'n d'unde'n bè se ndɔge malang le kade kɔ nyan dooge ke à reei kêm kei't le Nube.

³Loo ke doo nè an Pierre se Jean à reei ke kêm kei't le Nube't baa, è kɔ de nyan se kumndoo.

⁴Pierre ede doo nè nga ede nè: – An jè sêw-sêw.

⁵E an dè sêw-sêw ngine ede nè n'a n'inge nyan karé ji de't.

⁶Nè Pierre ede dingem nè nga ede nè: – M'aw se nar-nda éké nar-ɔr jim't le kadi lé. Nè nyan ke tò jim't nga, m'a m'adi se ri Jésus-Krist ke Nazareth, ɔse nang in dɔ i njiye.

⁷Pierre uwe jikon doo nè nga unn'n ur'n dɔ. Ke loon't nè kuwe, da nja'n se kukul-nja'n mongi daj-daj.

⁸E ɔse nang karkat in dɔ. Unn gir njiye, aw a, tel a tɔ. E njiye tal jaker-jaker, aw se de kêm kei't le Nube dɔi'n.

⁹Kosdooge malang an-in nin loo njiye't se loo dɔi Nube't le'n a tɔ.

¹⁰Dé ger'n njai titeke è nga kuwe á ndɔ ke ndi nang à kɔ nyan tàbit kei't le Nube ke ri'n nè: «Tàbit kei ke maje ngain.» Loo ke dooge an-in nyan ke tee dè dingem ke njèdɔgemete't nè nga bè baa, bel unde de ndàt gang de ade ndii tikn.

Pierre ɔrgir tà kêm kei't le Nube

¹¹Njèdɔgemete nè nga liger go Pierre se Jean lagr-lagr. Ndil kosdooge malang tee an-in soin-soin ade an-in nan som-som reei ra de't gir pal't le Salomon.

¹²Nè loo ke Pierre an kosdooge ke reei ra de't nè nga bè baa, è deje de ede nè: – Sei dooge ke beekon ke Israel, ké bain á adi ndil si tee an-in soin-soin dè njiye ke dɔgemete nè in njiye nga wa? Ké bain á adi kum si tò dè jé jè't kakak titeke è tɔgmong le jé, éké kile koje dè Nube't le jé á j'ade dɔgemete nè njiye'n wa? M-m, è jè lé.

¹³Nube le kà jéige Abraham, Isaac se Jacob ule ndubra dè Jésu Ngonn njèkule't le'n. Jésu nga, sei ulei nin ji njèkonbeege't a, i naji se ra si dènn't tàkum Pilate't a tɔ; nè è an titeke kinye Jésu dɔ è soo't.

¹⁴E ke tò se ninn'n ke njè ra nyan se dè naje'n nga, sei utei nin mbeng, nè njè tɔl dooge tá i deji Pilate kade inye'n dɔ ade sei.

¹⁵Sei tɔli Ngar ke njè kade dooge ndii kumgajer se non nga, nè Nube ade unde loo tee dann njé ke koo't. Jésu ke Nube ade unde loo tee dann njé ke koo't nga, jè j'an'n se kum jé a, j'oo tàge le'n se mbi jé a tɔ.

¹⁶Njèdɔgemete ke nda nè nga, sei an-in nin a, sei geri nin a tɔ. Takul ri Jésu ke unde kêm'n de't á nja'n mong'n daj-daj ade an-in malang.

¹⁷Ngakonmge, man m'ger mbak titeke nyan ke sei se ngar-beege le si i rai dārinè nga, i rai dè mbe't karè.

¹⁸Nè nyankêmkon ke ayé ra Krist ke Nube ule'n nga, Nube kuwe ade njéribè-dè-tàge le'n tami tà'n kété mari. Tà nè nga aw loon't deĵ dārinè.

¹⁹I turi hal si ɔsi wan i teli ke ra Nube't le kade bɔr kaiyage le si kɔke.

²⁰Titeke bè á Kuwe-bee à ade'n sei loo taa bebe ndɔ ke à ule'n Jésu-Krist kade tel ree on'n bee le'n.

²¹Jésu-Krist nè nga, gar-gar à ra bee danrán sár kade kurloo gɔl nyange malang loon't gugu ase'n deĵ. Kurloo gɔl nyange loon't gugu nga, Nube ade njéribè-dè-tàge le'n ke tooi se ninn de edi sei tà'n kété mari bá.

²²Moise tam tà nè nga kété ede nè: «Kuwe-bee Nube le si à ɔr njéribè-dè-tà ke tànn't karé dann ngakon sige't. Uri mbi si ooi tàge malang ke à edi sei nga.

²³Nanan ke ur mbi'n oo'n tà le njéribè-dè-tàge ke tà Nube't nè nga lé baa, d'a d'ade kum'n à udu dann kosdooge't le Nube.»

²⁴Njéribè-dè-tàge malang, unn gir dè Samuel't sár tee'n dè njé ke uti goo'n nga, ei tami tà'n kété se gonan-gonan oji dè ndoge ke jè ndii nè nga.

²⁵Sei nga, sei ngannkà njéribè-dè-tàge ke tà Nube't. Ndo ke Nube unn ndu'n kété mari ade kà jéige loo ke ndo ke ede'n Abraham ede nè: «Girkoje dooge malang ke dè nang nè a ingei ndutor takul ngannkàige. Sei sei njé kinge nyan-ndube ke oje dè kunn-ndu nè nga.

²⁶Nube or ngonn njèndi le'n Jésus ule'n ra si sei't kuwe kété desêin sàk-sàk. Nube ade ngonn njèndi le'n Jésus unde loo tee dann njé ke koo't. Ke nè á nanan géa dann si't inye go nyanra pás-pàsge le'n baa, Jésus à tor ndu'n dè si't.

Nyanra Njekawkulege 4

Pierre se Jean ndai non Juipge ke njégangtège

¹Loo ke Pierre se Jean ndai à edi kosdooge tà bè-bè bai baa, njékuje nyan-mesege se ngar le njéngonm tà kei le Nube se Saddusienge undei loo teei pan.

²Dooge nè nga kê m de on de ngain dè nyan ke Pierre se Jean ndói kosdooge. Pierre se Jean ndói kosdooge edi nè: Jésus nga unde loo tee dann njé ke koo't bá. Takul tógmong le'n á dooge à undei loo teei dann njé ke koo't.

³Ndo à il ngor. D'uwe Pierre se Jean d'ade dé ngonnm de dangai't sár barè.

⁴Nè né è bè géa, dooge ngain ke nange dann njé ke ooi tàge le de kété, teli ei njétaakêm-Kristge. Kor de ase aru dog loo mi.

⁵Barè lookar'n, njékôr non Juipge se ngatogege se njékôrgir gute-nduge kebi nan káng-káng kê m bee-bò ke Jérusalem.

⁶Hanne maw njékuje nyan-mese, se Caiphe, se Jean, se Alexandre ndii loo kebe nan't nè nga. Dooge malang ke ei girkoje le maw njékuje nyan-mesege reei loo kebe nan't nè nga to.

⁷D'ade Pierre se Jean undei loo teei reei ndai dann de't. Dé deje de d'ede nè: – Ké bain á i rai nyan nè nga wa? Sei adi nja njèdogemete mong daj-daj. Ké tógmong le nan éké takul ri nan á sei rai nyan nè nga wa?

⁸Ndil-Kêmnda taa kê m Pierre pel-pel ose'n ade ede de ede nè: – Sei njékôr non Juipge se ngatogege ke Israel,

⁹jè ra kê m-maje se njèdogemete j'ade in njiye daj-daj. Bila sei deji jè gir nyan ke jè ra á j'ade nja dingem ke njèdogemete tel mong'n daj-daj.

10 Maje kade sei a, kosdooge ke Israel malang a tɔ, i geri tà nè maje. Jésu-Krist ke Nazareth nga sei beri kàde kage-ke-dese't, nè Nube ade unde loo tee dann njé ke koo't. Takul ri'n á bila doo nè nda mong'n dáj-dáj tàkum si't malang.

11 Jésu nga è è Magtub le Nube ke tò se ninn'n tam tà ɔje'n dè'n ede nè: «E kuberi her ke sei njékunde keige an-in ke nyan lé, nè tel è kuberi her mong dè kum kei.»

12 Doo karé ke rang ke kaje à in rann't goto. Gar-gar ri doo karé ke rang dann dooge ke danrán éké ke dè nang nè ke j'asekum kinge kaje se takul'n goto.

13 Loo ke njéngàngtáge an-in titeke Pierre se Jean ndai kêm de káng tami tà kum ngonn ke dingem baa, tà ige de sêl, tede kété d'an de ke dooge ke raikarè ke geri magtub lé. Dé ger de ke njémade-loo-kawge le Jésu ke kété.

14 Loo ke d'an doo ke kété è dɔgemete nda dɔ ngurung kɔte Pierre se Jean baa, d'inge tà karé ke le tel tam lé.

15 Njékɔr non Juipge se ngatɔgege ke Israel unni ndu de adi Pierre se Jean undei loo teei nata loo gangtà't. Tabai ei kuwe deji nan tà dann de't edi nè:

16- Ké ri á j'à rai se dooge nè nga wa? Kerɔte kuwe, nyankɔbe ke dé ra nè nga tò nata ndái-ndái ade dooge malang ke ndii kêm bee-bò ke Jérusalem geri mbak bá. A baa d'arinè loo naje'n le jéi goto ta.

17 Nè né è bè géa, adi jè rai de j'adi ra de tur de bita j'ɔgi de tam tà kede dooge se ri doo nyan le doo nè nga njing bai. Titeke bè á tà nè à ebe'n ra'n yal'n nan ke kété kété.

18 Go't gugu, dé tel dé bar de tabai d'unn ndu de d'ade de le kade teli teein tà de tami tà éké ndói dooge nyan se ri Jésu nga lé njing ta.

19 Nè Pierre se Jean ilei de dè't edi nè: – Ké kile koje dè tà't le si sei á maje dum kile koje dè tà't le Nube wa? Sei kuwe i giri maje an-in.

20 Nyan ke j'an se kum jé a, j'oo tà'n se mbi jé a tɔ nga, j'asekum kebe ra jé tam tà'n ndan lé.

21 Loo ke d'oo tà ke Pierre se Jean tami nè bè baa, dé tel d'ibe de pe^-pe^ bita d'inYE go de bai. Tede d'inge tà ke get le kum'n de dangai't lé. Dé ra titeke bè tede kile ke kosdooge malang ilei ribar dè Nube't ɔje dè njèdɔgemete ke ra'n tel mong dáj-dáj.

22 Njèdɔgemete ke Pierre se Jean rai nyankɔbe aji nin nga, bal'n dum dè bal kɔr-sɔ.

Njétaakêm-Kristge ɔji tà se Nube dɔyi nin

23 Loo ke d'inYE Pierre se Jean dɔ bá baa, ei teli reei ra njé ke le de't ɔri sertáge malang ke maw njékuje nyan-mesege se ngatɔgege tami se de adi ooi.

24Loo ke njé ke le de ooi tàge nè nga bè baa, ei undei ndu de nan't karé edi Nube edi nè: – Hei! Kuwe-bee, i ke i ra danran se nang se ba-bò kate se nyange malang ke tooi tutu.

25E i kuwe á ndo ke ule tà lei tà ngonn njèndi't lei, kà jé David, se go Ndil-Kêmnda ade tam ede nè: «Ké è tede ri á dooge ke ei Juipge lé tami tà jiki wa? Ké è tede ri á kosdooge tami tàge ke raikarè bè wa?

26Ngar-beege ke dè nang nè ndii dè nja de't le kaw roi; njékonbeege géa umi nan't bok le kin-in se Kuwe-bee a, se Krist le'n ke è ndum wubu dènn't nga a to.»

27Kerote kuwe, Hérode Antipas se Ponce Pilate umi nan't bok se dooge ke ei Juipge lé se kosdooge ke Israel ke ndii kêm bee-bò't nè nga, le kin-in se ngonn njèndi lei Jésus ke i kuwe i ndum wubu dènn't unde'n se ninn'n.

28Nyan malang ke i oje se go togmong lei a, se kêmndige lei kété mari ke desêin sàk-sàk nga, dé ra d'ade aw loon't deî bá ta.

29Kuwe-bee, an! kibe ke d'ibe jè pe^-pe^ darinè nga. Ade ber-kulege lei ilei mber tà lei se kêmnda káng ke deri.

30Ule jii njúng ade de le kade d'or'n ratur ra dooge't, le kade dé ra'n nyankobge se nyange dum kum takul ri Jésus, ngonn njèndi lei ke or'n unde'n se ninn'n nga.

31Loo ke d'oje tà se Nube titeke bè gir gang bá baa, loo ke dé kebe nan tutu ule yirk-yirk. Ndil-Kêmnda taa kêm de pel-pel malang ade d'ile mber tà le Nube se kêmnda káng.

Njétaakêm-Kristge ke desêin umi nyange le de nan't loo karé

32Kosdooge malang ke undei kêm de dè Jésus't nga, umi kêm nan't karé a, tooi asinan se doo ke karé a to. Ei malang umi nyange le de nan't loo karé, m doo karé bè géa dann de't an nyan le'n ke nyankingé'n ke oje dè'n se kar'n lé.

33Njékawkulege ori go tà kunde loo tee dann njé ke koo't le Kuwe-bee Jésus adi nunge ngain. Ei malang ndii dann bò kêmnoje't le Nube bøndum.

34Doo karé bè ke nyan nal'n goto dann de't tede njé ke awi se loo ndorge se keige le de nga, ei igi baa reei se nar'n,

35umi non njékawkulege't ade dé kai de karé-karé malang se go nyan ke d'aw ndoo'n.

36Titeke bè á Joseph, ke njékawkulege ilei ri toyi'n nè Barnabas aw se loo ndor le'n. Barnabas nga tel se tà koje jéi baa, è «Ngonn Njékule dingem kêm madenngé't.» Joseph nga è girka le Lévi njèkuje nyan-mese. Bee koje'n è Chypre.

37E ige loo ndor le'n karé ree se nar'n um non njékawkulege't bok.

Nyanra Njekawkulege 5

Ananias se neen'n Saphira tami tà lanm

- ¹Dingem karé bè ri'nè Ananias. Ri neen'n nè Saphira. Dingem nè nga ige loo le'n.
- ²Ananias se neen'n umi tà le de nan't ɔri tà nar loo le de pa bita reei se gute umi non njékawkulege't bai.
- ³Nè Pierre deje Ananias ede nè: – Ananias ke bain á inye loo ade Sú tà loo ke dè bengrei't ɔge wa? I ede Ndil-Kêmnda tà lanm, tede ɔr'n tà nar loo lei ndêin bè tá i ree'n.
- ⁴Kété ke ige loo nè lé bai nga, ké tò è nyan kingei bè lé wa? Lo ke i unn ige'n baa nè géa, ké nar'n è lei kade i ra'n nyan ke kêm ɔje lé wa? Ké bain á aw se tàgir titeke bè dè bengrei't wa? E dooge á ede de tà lanm lé, nè è Nube á ede'n tà lanm.
- ⁵Loo ke Ananias oo tàge nè nga bè baa, oso njanm wei. Dooge malang ke tà yo'n oso mbi de't nga, bel unde de ndàt gang de.
- ⁶Basa dooge ɔsi nang in-in, unni ninn'n biri se kubu dagr-dagr awi se'n nata dubi nin.
- ⁷Kò'n tò ase kàde mute go't gugu baa, neen Ananias in nata ree kei. E ger nyan ke tee dè ngawn't nga lé.
- ⁸Pierre deje'n ede nè: – Ede'm, nar loo le si ke sei igi nga, ké kòr'n kuwe á nè ta wa? Saphira ile Pierre dè't ede nè: –Oiyó koré nar'n kuwe á nè.
- ⁹Nè Pierre ede Saphira ede nè: – Ké bain á sei se ngawi umi tà le si nan't le nan'n Ndil Kuwe-bee titeke bè wa? An! njé ke dubi ngawi nga oo ká nja de ke à bar tà kei't nata non. I géa à unni nin kawi sei nata tɔ.
- ¹⁰Ke loon't nè kuwe, Saphira oso nang njanm nja Pierre't wei. Basa dooge reei kêm kei ingei ninn'n baa, unni awi nata dubi kɔte ngawn't.
- ¹¹Njékebe nange le Nube bere mbak nga bel ra de ngain. Dooge malang ke tà nè oso mbi de't nga géa, bel unde de ndàt gang de tɔ.

Njékawkulege rai nyankɔbege ngain

- ¹²Nyankɔbege se nyange ke dum kum oji nan ji njékawkulege't nyanmi-nyanmi dann kosdooge't. Njétaakêm-Kristge malang ndii se kêm karé gir pal't le Salomon.
- ¹³Kosdooge piti de ngain. Nè né è bè géa, doo karé dann de't nanr loo le kur dann njétaakêm-Kristge't lé.
- ¹⁴Kosdoo-bulege ngain, dingemge se dinyege ke undei kêm de dè Kuwe-bee Jésu't nga kòr de in dè made't ke kété kété.
- ¹⁵Gir'n ke nè á, dé koto'n njératurge se tuwe tò de a, se tire tò de bere mbak d'unde'n de nata dêng-dêng ka-rebege't. Dé ra titeke bè tede kade loo ke Pierre à dere baa, ndil'n ke ber kuwe oso dè doo karé dann njératurge't nè nga.

¹⁶Doobulege in-in se ngann beege ke tooi kote bee-bò ke Jérusalem reei se njératurge se njé ke ndilge ke majelé rai kum de ndoo. Njératurge ke dé ree se de nga, ratur or de de't ndát-ndát.

Dé tel d'uwe njékawkulege d'um de dangai't

¹⁷E ke nè á maw njékuje nyan-mese se dooge malang ke umi go Saddusienge't nga, kêmkein rusu kêm de njin-njin ade osi nang in-in

¹⁸uwei njékawkulege umi de kêm kei dangai't le njékonbeege.

¹⁹Nè dann ndo baa, Kuwe-bee ule doo le'n ke danran ade ree teen tàbit-kei dangai inye wei. E ade njékawkulege undei loo teei kêm kei dangai't baa, è ede de ede nè:

²⁰– Oti awi, i ndai kêm kei le Nube ilei mber tà malang ke oje de ndikumgajer nè nga adi kosdooge.

²¹Loo ke njékawkulege ooi tà ke doo ke danrán ede de nè nga bè baa, ei oti awi kêm kei le Nube se ndogé bat unni gir ndói dooge nyan. Nè maw njékuje nyan-mese se njé ke ei se'n reei osi nja njégangtège le Juipge se ngatogeege le kosdooge ke Israel malang. Go't gugu ulei kule kei dangai't adi dé ree se njékawkulege.

²²Nè loo ke njé ngonm tà kei le Nube reei teei kêm kei dangai't baa, ei ingei njékawkulege nga lé. Ke loon't nè kuwe, ei osi wan teli de nja de't awi ori go nyange malang adi njégangtège, edi nè:

²³– Loo ke j'aw baa, j'inge tàbit kei dangai tò se kutu'n jêke^ . Njé ngonm tà kei dangaige géa ndai à oti nan ngonm loo a to. Nè loo ke jè teen tà kei baa, j'inge doo karé géa kêm kei dangai't lé.

²⁴Loo ke njékan de njé ngonm tà kei le Nube se maw njékuje nyan-mesege ooi tà nè nga bè baa, ei teli ndii giw giri tà oje de goto ke njékawkulege gotoi njêl a, se nyan ke ayé tee kutu go goto le de nga bai a to.

²⁵Nè doo karé bè ree ede de ede nè: – An-in! dingemge ke umi de kei dangai't nga ndai à oti nan ndói nyan kosdooge kêm kei le Nube ndai non.

²⁶Ke loon't nè kuwe, njékan de njé ngonm tà keige le Nube aw se dooge le'n uwei njékawkulege teli reei se de jêke^ karè nal ra se de nyan, tede beli edi nè bainléa kosdooge à kin-in tilei de se kuberi her toli de.

²⁷Loo ke ei reei se de bá baa, ei awi se de non njégangtège't. Maw njékuje nyan-mese deje njékawkulege ede nè:

²⁸– Ké kété j'unn ndu jé le kade i ndói dooge nyan se ri doo nyan le doo nga njing lé wa? An-in! nyan-ndó le si ke sei ndói dooge nga taa kêm bee-bò ke Jérusalem pel-pel. Ké sei ndigi kade tà mese doo nyan le doo nga uwe de jé jè ta wa?

- 29 Nè Pierre se njékawkulege madenngé ilei de dè't edi nè: – Gar-gar kile koje dè Nube't è soo't dum kile koje dè dooge't.
- 30 Jésu ke sei adi dé ber'n kàde kage't dé tɔl'n nga, Nube le kà jéige ade unde loo tee dann njé ke koo't kɔke.
- 31 E nga Nube unn'n unde'n dè jikonn't ade è njè kunde gir kaje le dooge. Nube ra titeke bè le kade dooge ke kêm beekon ke Israel turi hal de ingei kêm tin mbit dè kaiyage't le de.
- 32 Jè jè njèkɔrgo tà nyange nè nga. Ndil-Kêmnda ke Nube ade njé ke rai nyan ke kêm'n ndige géa, è njèkɔrgo tà nyange nè nga tɔ.
- 33 Loo ke tà nè oso mbi njégangtàge't baa, wong ra de ngain ade ndigi le kade d'udu kum njékawkulege.
- 34 Nè Pharisien karé bè è njèndó dooge gute-ndu, ri'n nè Gamaliel. E doo ke kosdooge malang ilei koje dènn't. E ɔse nang in dɔ dann njégangtàge't. E unn ndun'n le kade d'ade njékawkulege undei loo teei nata ndèin bita.
- 35 Loo ke njékawkulege teei nata bá baa, Gamaliel ede njégangtà madenngé ede nè: – Sei dooge ke Israel, undei kumkunju dè ra si sei't kuwe ɔje dè nyan ke a i rai se dooge nè nga.
- 36 Adi kêm si olé dè Theudas't, tede ndɔ ke kété è ɔse nang in tam ede nè: n'ee kuwe n'ee doo ke bò. Gir'n ke nè á dingemge aru sɔ umi nan goon't mbuu. Nè loo ke dé tɔl'n mbeng kɔke bá baa, dooge ke goon't yali nan karé-karé malang ade nyan le'n ke unde gir nga tel è nyan ke karè.
- 37 Go Theudas't baa, doo karé ke beekon ke Galilée, ri'n nè Judas ɔse nang in ke le'n tɔ. E ndɔ ke d'a d'unde'n ri dooge kêm magtub't tede le ger'n kɔr de. Judas nè nga ɔr kosdooge mbuu um de goon't. Nè loo ke dé tɔl'n mbeng bá baa, dooge malang ke umi nan goon't nga, dé yal de karé-karé malang.
- 38 Dariné man m'ede sei ndàt, i tɔri ji si gir dooge't nè nga lé, inyei de jêke^ . Ke nè á nyan ke ɔji le rai éké nyan ke ndii à rai nè nga in ra dooge't baa, à unde nang bai.
- 39 Nè ke nè á nyan ke ɔji le rai éké ke ndii à rai nè nga in ra Nube't baa, sei asikum tuju'n ndan lé. An-in! maje nè a kin-in kilei kate kum Nube't. Njégangtàge malang taai tà le Gamaliel.
- 40 Njégangtàge teli bari njékawkulege adi d'unde de se ndèin maru, tabai ei unni ndu de ade njékawkulege le kade tami tà se ri Jésu nè nga lé njing bita inyei de adi awi bai.
- 41 Njékawkulege undei loo teei loo gangtà't se ranel tede Nube an de ke dooge ke asikum kade d'ile rasɔl dè de't tede ri Kuwe-bee Jésu.

⁴²Se ndo karé-karé malang, njékawkulege ebi ra de de ndó nyan dooge éké kile mber Tà ke Maje le Jésu-Krist nga lé. Dé ra titeke bè kêm kei le Nube a, se kêm kei-kei a tɔ.

Nyanra Njekawkulege 6

Njétaakêm-Kristge ori njékan dè nyange ji sejimute

¹Kêm ndɔnge't nè nga, kɔr njékuwe-gir-Jésuge in dè made't ke kété kété. Juipge ke tami tà Grec bari Juipge ke njébege tede loo ke à noboi nyankuse baa, ei oréi dè njékei-kinge le Juipge ke dè bee't nang se ndo de-ndo de.

²Njékawkulege ke dɔg-gidé-joo bari kos njékuwe-gir-Jésuge edi de edi nè: – Kade j'inYEI go tà le Nube le tel k'ee njé nobo nyankusege nga, tuwe jè d'êw lé karé.

³Gir'n ke nè á, ngakon jége, i sangi dingemge ji sejimute dann si't ori de le kade jè tel se kule nobo nyankuse j'umi ji de't. Nè maje kade ei dooge ke d'or tà le de maje. Maje kade ei dooge ke Ndil-Kêmnda se kumkunju taai ra de pel-pel a tɔ.

⁴Nè jè baa, j'à j'aw kum jé ke kété de kɔje tà se Nube't a, se dè kile mber tà't le Nube a tɔ.

⁵Tà nè nga nel njétaakêm-Kristge malang ade ori Etienne dingem ke kundekêm le'n ii ngain a, Ndil-Kêmnda taa kêm'n pel-pel. D'or Philippe se Procore se Nicanor se Timon se Parménas se Nicolas dingem ke bee le'n è Antioche ke tel ra'n ke Juip nga a tɔ.

⁶Dé ree se dooge nè nga, d'unde de non njékawkulege't. Njékawkulege ɔji tà se Nube tede tà le dooge ke d'or de nè bita undei ji de dè de't bai.

⁷Tà le Nube ra tɔge ke kété-kété a, kɔr njékuwe-gir-Jésuge in dè made't ke kété-kété kêm bee-bò ke Jérusalem. Kos njékuje nyan-mesege bule géa, teli undei kêm de Kuwe-bee Jésu't tɔ.

Ngatɔgege le Juipge uwei Etienne

⁸Etienne è doo ke ndutor se tɔgmong le Nube taa ra'n pel-pel. E ra nyange ke dum kum se nyankɔbege ke bò dann kosdooge't.

⁹Kêm ndɔn't nè nga, Juipge ke nange ke kêm bee-bò ke Cyrène, Alexandrie se njé ke kêm beekon ke Cilicie a, se Asie a tɔ reei kêm kei kebe nan't . Kei kebe nan nè nga d'ede nè è kei kebe nan le berge ke teli ndii dè de pal. Juipge nè nga malang in-in naji tà se Etienne.

¹⁰Nè ei asikum naji se'n tà dum lé tede è tam tà se go kumkunju ke Ndil-Kêmnda ade'n.

¹¹Loo ke ei an-in bè baa, ei adi dooge ke rang nar le libe'n kum de le kade tami edi nè: – Tà ke majelé ke ndo ke Etienne tam ɔje dè njèyo Moise a, se dè Nube a tɔ nga, jè kuwe j'oo se mbi jé.

¹²Dé tam tà nè nga bè dé sule'n kosdooge se ngatogege a, se njéndang magtubge a tɔ. Gir'n ke nè á ei in-in bati Etienne uwei nin, ndɔri nin awi se'n non njégangtàge't.

¹³Tabai d'aw d'ɔr njé tà lanmge dé ree se de d'ade tami edi nè: – Doo nè tam tà ke majelé ɔje'n dè kêm kei ke tò se ninn'n le Nube a, ɔje'n dè gute-ndu le Moise a tɔ. E tam tà ke majelé nè nga kum'n ke kété-kété m ebe ra'n lé bai.

¹⁴N'ee karé ke n'nda nè kuwe n'tel n'tam bai n'ede nè: «Jésu ke Nazareth nga à tête kei le Nube nè kɔke a, à tel tur girkà ke Moise inye ade jèi nga a tɔ.» Jè kuwe j'oo tà nè se mbi jé.

¹⁵Kum njégangtàge malang è dè Etienne't sikm. D'an tàkum'n tò tite tàkum doo ke danrán bè.

Nyanra Njekawkulege 7

Tà ke Etienne ɔr non njégangtàge't

¹Maw njèkuje nyan-mese deje Etienne ede nè: – Ké tàge nè malang nga, i tam kerɔte kuwe wa?

²Etienne unn tà tam ede nè: – Sei bɔmge se ngakonmge, ooi tà lem maje: kété bita kade kà jéi Abraham in kêm beekon ke Mésopotamie aw ndi kêm bee ke Haran bai nga, Nube ke njè ndubra tee dènn't pan

³ede'n ede nè: «Inye bee koji, i se njénojege lei, i tee aw kêm beekon ke m'a m'oji kade aw i ndi tutu.»

⁴Gir'n ke nè á ndɔ ke Abraham inye'n beekon ke Chaldée aw uwe'n nanm kêm bee ke Haran. Bɔ'n Tèrak wei kêm bee ke Haran nè nga bita Nube ade in aw kêm beekon ke sei i ndii tutu ðarinè.

⁵Nè né è bè géa, Nube ade nyan-ndube karé Abraham kêm beekon't nè nga lé. Loo ke ndèin bè ke asenan se da-nja doo bè géa Nube ade'n lé a tɔ. Kêm ndɔn't nè nga, Abraham inge ngonn karé lé bai. Nè Nube unn ndu'n le kade'n beekon nè nga ke nyankinge de se ngannkànge.

⁶Tabai Nube ede Abraham ede nè: «Ngannkàige d'a ra ber kêm beekon ke rang't. D'a ra de ber a, d'a ra kum de ndoo loo aru sɔ a tɔ.

⁷Nè girkoje dooge ke ei Juipge lé ke à rai de ber nga, man Nube kuwe m'a m'gangtà dè de't. M'a m'ade ngannkàige à undei loo teei kêm ber't nè nga ndɔ ke rang le tel ree loo ke nè't ðɔi'm a tɔ.»

⁸Kuje tà mɔte á è nyan-tɔje ke ɔje dè mann-ra ke Nube mann'n ra'n se Abraham. Gir'n ke nè á loo ke Abraham oje Isaac ra ndɔ sɔsɔ baa, è uje tà mɔte'n. Loo ke Isaac oje Jacob baa è uje tà mɔte'n. Jacob géa ra titeke bè se ngannenge ke ðɔg-gidé-joo ke ei girkà jéige ke ri de bar gain.

- ⁹Kà jéige ke dɔg-gidé-joo nè nga rai kêmkein dè Joseph't uwei nin igii ade d'aw se'n kêm beekon ke Egypte. Nè Nube è der gir'n.
- ¹⁰Nube ɔr Joseph dann nyantosowurge't le'n malang. Nube ade'n kumkunju ade taa'n kum Pharaon, ngar ke beekon ke Egypte. Pharaon unn Joseph nè nga unde'n ade è njèkonbee ke Egypte se loo ke kêm kei le'n malang
- ¹¹Bo-bò oso tip kêm beekon ke Egypte bere mbak a, se kêm beekon ke Canaan a tɔ. Nyantosowur taa loo pel-pel ade kà jéige ingei nyankuse lé.
- ¹²Loo ke Jacob oo titeke ko tò kêm beekon ke Egypte baa, è ule kà jéige tutu nja karé.
- ¹³Loo ke è ule de ke njekon't joo nga, Joseph ade ngakonngé geri nin a, ade ngar Pharaon géa ger'n gir kà'n njai a tɔ.
- ¹⁴Go't gugu Joseph ule bar bɔ'n Jacob se njénojege le'n malang adi ndɔti bee ingei nin. Dooge malang ke ndɔti bee ingei Joseph kêm beekon ke Egypte nga ei kɔr-ji sejimute-gidé-mi.
- ¹⁵Jacob in aw kêm beekon ke Egypte ndi tutu sár wei'n. Kà jéige géa weii kêm beekon Egypte nú a tɔ.
- ¹⁶Nè ninn de á d'oto dé ree'n kêm bee-bò Sichem dé dubu de bade ke ndɔ ke Abraham ndogo se nar ji ngann le Hémor ke Sichem.
- ¹⁷Nyan ke ndɔ ke Nube unn'n ndu'n le kade Abraham nga, ndɔ'n nain ngɔr ta. Nè kosdooge le jéi jèi Israelge oji nan ɔsi gonan-gonan ade bulei nyanmi-nyanmi kêm beekon ke Egypte.
- ¹⁸Sár ade ngar karé ke rang unn gir kon'n bee dè nang ke Egypte. Ngar ke rang nè nga ger Joseph lé.
- ¹⁹Ngar nè nga sú kà jéige a, è ra kum de ndoo ngain a tɔ. E ra kà jéige ule bel kêm de't ade tilei ngann dege ke kide kɔke ade weii.
- ²⁰E kêm baln't nè á d'oje'n Moise. Moise nga è è ngonn ke maje ngain tàkum Nube't. D'oto Moise kêm kei le bɔ'n nan mute.
- ²¹Nè loo ke d'unn'n d'a d'unde'n walé baa, ngonn le ngar Pharaon unn'n aw oto'n tite ngonn'n bè.
- ²²Dé ndó Moise gos nyanger malang ke ɔje dè dooge ke kêm beekon ke Egypte. Moise è doo ke aw se tɔgmong ɔje dè tàge ke è tam a, ɔje dè nyange ke è ra a tɔ.
- ²³Nè loo ke lo koje Moise ase kɔr-sɔ deŋ baa, ngur kaw kan ngakonngé ke le'n ke béee Israel ra'n pènn-pènn.
- ²⁴Loo ke è aw baa, è an ngokon'n karé ke doo ke Egypte nda à ra'n majelé. Moise unde doo ke Egypte nè nga tɔl dal'n ban le ngokon'n ke ra'n majelé.

- 25**E gir kêm'n't ede nè bainléa ngakonngé à geri titeke Nube à taa de kinye de do takul'n n'ee; nè ei geri ke bè lé.
- 26**Barè lookar'n, Moise an ngakonngé ke ei Israelge kuwe joo mbak ndai à rɔi nan. E aw gɔr de ede nè: «Sei sei ngakon nange, ké bain á sei kuwe i ndai i rai nan majelé titeke bè wa?»
- 27**Nè è ke karé ke njè ra made'n majelé nga ute Moise mbeng se tà ede nè: «Ké nan á undei ke ngar ke njè kɔr kum tà le jé wa?»
- 28**Ké i ndige tɔl'm titeke tagela i tɔl'n doo ke Egypte nga bai wa?»
- 29**Loo ke Moise oo tà nè bè baa, è an-in aw uwe nanm kêm beekon ke Madian. E oje'n ganngé ke dingem joo kêm beekon ke Madian.
- 30**Moise uwe nanm ase bal kɔr-sɔ kêm beekon ke Madian nè nga. Ndo karé bè, doo ke danrán tee dènn't pan kêm dile't kɔte mbal ke ri'n nè Sinai. Doo ke danran nè nga nda dann ndon por ke on bilm-bilm dè ngonn kage't.
- 31**Loo ke Moise an nyan nè nga bè baa, tà ige'n sêl. Loo ke Moise age ngɔr le ter nyan nè baa, ke loon't nè kuwe, è oo ndu Kuwe-bee Nube tam se'n ede nè:
- 32**«E man Nube le kài Abraham, Isaac, se Jacob.» Loo ke Moise oo tà nè nga bè baa, bel ndebe nginn-nginn ade ngur tel ter loo ke tu nyan't nè ra'n lé ta.
- 33**Kuwe-bee ede'n ede nè: «I tɔr gabang't njai't, tede loo ke i nda tutu nè nga è dè nang ke tò se ninn'n.
- 34**Ra ke dé ra kum kosdooge le'm ndoo kêm beekon ke Egypte nga, m'an se kum kuwe. Ton-on ra le de nga géa, m'oo se mbi'm a tɔ. Gir'n ke nè á, m'tan'n loo m'ree'n le taa de kinye de do. I ree d'arinè ade m'ulei kêm beekon ke Egypte.»
- 35**Moise nè nga kété ngakonngé ke ei Israelge uteii mbeng se tà edi nè: «Ké nan á undei ke ngar a, ke njèkɔr kum tà le jé wa?» E è nè kuwe á Nube ule'n ke ngar a, ke njè taa de kinye do takul tɔgmong le doo ke danrán ke kété tee dènn't pan. Doo ke danrán nga ndo ke nda dann ndon por ke on bilm-bilm dè ngonn kage't.
- 36**E Moise nè nga kuwe á ndo ke ade kosdooge ke Israel undei loo kêm beekon ke Egypte kɔke. Kété è ra nyange ke dum kum se nyankɔbege kêm beekon ke Egypte. E ra nyange nè nga kêm loonge ke ndo ke kosdooge ke Israel à gangi ba-bò kate ke ri'n nè ba-bò ke ker. Moise nga ndo ke ra nyange ke dum kum kêm dile't lo kɔr-sɔ.
- 37**E Moise nè nga kuwe á ndo ke ede kosdooge ke Israel ede nè: «Ndo ke rang Nube à ɔr njéribè-dè-tàge ke tànn't ke tite'm man bè kade sei. Doo nè nga a è ngokon si ke dann si sei't kuwe.»

38Loo ke ndɔ ke kosdooge ke Israel kebi nan kêm dile't nga, Moise nè è dann de't. E è kuwe á ndɔ ke unn tà ke doo ke danrán ede'n dè mbal ke ri'n nè Sinai ede kà jéige. E taa tàge ke le ndii'n kumgajer ra Nube't ree'n ade jèi.

39Moise nga, ndɔ ke kà jéige dé ndige kule dè de kade'n lé. Nè d'ute'n mbeng tede bengre de tò kerm ke beekon ke Egypte gugu.

40Kà jéige nga ndɔ ke edi Aaron edi nè: «I ra nubege ke j'an se kum jé ade njiyei non jé't kété tede Moise ke njè kade j'unde loo kêm beekon ke Egypte jè tee nga, ðarinè nyan ri á tee dènn't géa jè ger lé.»

41Kêm ndɔnge't nè nga, kà jéige leein nar nyange rai ngonn mang karé baa, ei reei se nyankuje-mese gugii ke mage le de. Ra de nel de ngain dè nyan ke dé kuwe dé ra se ji de nè nga.

42Gir'n ke nè á Nube tur'n gide'n ade de, inye'n de ade dé ra ber le gugu kàde se nan a, se kɔnyonge a tɔ titeke dé ndang'n kêm magtub't le njéribè-dè-tàge ke tà Nube't d'ede nè: «Sei ngannkà Israel, nyankulge malang ke ndɔ ke i tujei kɔbe de kêm dile't ase bal kɔr-sɔ nè nga ké i tujei kɔbe de adi man ke nyankuje-mese wa?

43M-m, sei otoi kei kubu le mage Molok a, se ndil nyan kum gute tà Répan, mage kɔnyon le si. Sei i rai ndil nyange nè nga i ðɔyi de tite Nube le si bè. Gir'n ke nè á m'a m'ade d'a d'uwe sei ber kaw se si gide bee-bò ke Babylone nú.»

44Kà jéige nga, ndɔ ke awi se kei kubu le Nube dann de't kêm dile't. Kei kubu le Nube nè nga dé ra se go ndukunn ke ndɔ ke Nube unn ade Moise a, se go nyanndaje ke è tɔje'n ade an nga a tɔ.

45Go't gugu, loo ke kà jéige ingei kei kubu le Nube nè nga baa, ei tɔri ji de't awi kêm beekon ke ndɔ ke Nube ade dé taa se rɔ ji dooge ke ei Juipge lé. E kêm lo ke Josué ee'n njèkɔr non de. Kei kubu le Nube nè nga, tò dann de't sár tee kêm ndɔn't le ngar David.

46Nube ra kêmkanm se David. Gir'n ke nè á è deje'n le kade ra'n kei ndi Nube le Jacob.

47Nè né è bè géa, è Salomon á ndɔ ke ra kei ade Nube.

48Nè Nube ke njè ndi sêm danrán't nga ndi kêm kei ge ke ji dooge á ra lé, titeke ndɔ ke Nube ade njéribè-dè-tàge ke tànn't tam'n ede nè:

49«Danran è kutu-ngar le'm man Nube a, Nang nè è loo sure-nja-kum le'm a tɔ. Ké kei ke tanan bain á sei a i rai kadi man wa? Ké loo ke ra á à è loo taa kebe le'm wa?

50Ké è ji'm man kuwe á unde nyange nè malang lé wa?»

⁵¹Etienne tam tà se njéngtàge ede nè: – Sei njé dum nange se njékêmnderge se njé mbi koo tà lége. Sei teli sei njé kile rɔ kade Ndil-Kêmnda tite kà sige kuwe bai-bai.

⁵²Ké njèribe-dè-tà ke ra dann madenngé't á kà sige nali rai kum'n ndoo wa? Ei tɔli njé ke kété ilei mber ree le njè ra nyan se dè naje'n ke karé luk-luk. E nga d'arinè sei teli sei njé kunn dènngé se njé tɔlɔge.

⁵³Sei ingei gute-ndu Nube se rebe ke ra dooge ke danrán, nè sei an-in dè gute-ndu nè nga sêw-sêw lé.

Dé tɔl Etienne se kuberi herge

⁵⁴Loo ke njéngtàge ooi tàge nè nga baa, wong ra de ngain ade ton-in tà de vbat-vbat dè Etienne't.

⁵⁵Nè Etienne nga Ndil-Kêmnda taa kêm'n pel-pel. E an loo ke danran sêw-sêw baa, an ndubra le Nube. Tabai è an Jésus nda se nja'n dɔ dè jikon Nube't.

⁵⁶Etienne tam ede nè: – An-in! man m'an kum danran teen ra'n. M'an Ngonn doo nda se nja'n dɔ dè jikon Nube't.

⁵⁷Dooge rai nyan wuu-uu se ndu de ke bòi, uti mbi de dè tà't le'n. Dé malang d'in d'ur nan dènn't sut d'uwe'n.

⁵⁸Dé d'ɔr'n ndalang-ndalang d'aw se'n gide bee-bò't nata, dé tile'n se kuberi her mbás-mbás. Njé ke ndai loon't an-in se kum de nga, ei tɔri kubuge le de umi nang nja basa karé bè ke ri'n nè Saul.

⁵⁹Loo ke d'ade tile Etienne se kuberi her le tɔl'n baa, è non bar Kuwe-bee ede nè: – Kɔkrɔ karè, Kuwe-bee Jésus, i taa ndil'm ke rai't.

⁶⁰E ɔse keje'n nang tam tà se ndu'n ke bòi ede nè: – Kuwe-bee, inye go ra majelé le de nè nga kɔke. Loo ke Etienne tam tà nè nga titeke bè baa, tà'n tête nyonk.

Nyanra Njekawkulege 8

Saul ra kum njétaakêm-Kristge ke Jérusalem ndoo

¹Nè Saul ndige se de dè tɔl ke dé tɔl Etienne. Kêm ndɔn't nè kuwe, d'unn gir kɔr njékebe nange le Nube ke kêm bee-bò ke Jérusalem kororoi. Njétaakêm-Kristge malang yali nan karé-karé se kêm ngann beege ke beekonge ke Judée se Samarie a tɔ. Nè njékawkulege kuwe á nain-in kêm bee-bò ke Jérusalem.

²Dooge ke njékile koje dè Nube't ke nange unni ninn Etienne dubi. Ndoe Etienne ra de ade d'unde kàde de dâi-dâi dé non'n jik-jik.

³Nè Saul ra kum njékebe nange le Nube ndoo, yal de karé-karé. E toso kêm keige malang tɔr njétaakêm-Kristge ke dingemge se njé ke dinyege nata ndát-ndát buku de dangai't.

Philippe ile mber Tà ke Maje kêm beekon ke Samarie

- ⁴Njétaakêm-Kristge ke dé yal de karé-karé nga awi se loo-loo ilei mber Tà ke Maje.
- ⁵Nè Philippe aw kêm bee-bò karé ke Samarie ile mber tà le Krist tutu ade dooge.
- ⁶Kosdooge an-in nyankɔbege ke Philippe ra nga baa, ei malang uri mbi de ngaw njêt ooi tàge le'n.
- ⁷Ndilge ke majelé undei loo teei kêm dooge't bule se non tà de't kaláng-kaláng. Dooge ngain ke kél ra de wei tonrin a, se njédɔgemetege nga, Philippe ade ratur ɔr dè de't ndát-ndá a tɔ.
- ⁸Gir'n ke nè á dooge malang ke kêm bee-bò't nè nga rai ranel ngain.
- ⁹Dingem karé ke njè mbeli ri'n nè Simon, ndɔ ke ndi kêm bee-bò't nè nga. E ra nyan mbelige ade ndil kosdooge ke Samarie tee an-in soin-soin. Simon nga an ra'n ke doo ke bò ngain.
- ¹⁰Dooge malang uri mbi ngaw njêt le kooi tà le'n. Unn gir dè nganngé sár tee'n dè njé ke tɔgege't nga, ei tami edi nè: – Doo nè nga aw se tɔgmong le Nube ke dé bar'n tɔgmong ke bò.
- ¹¹Dooge uri mbi de ngaw njêt ke ra Simon't tede nyan mbelige ke è ra mari bere nga ade ndil de tee an-in.
- ¹²Nè ɗarinè loo ke Philippe ile mber Tà ke Maje ke ɔje dè beekon le Nube se ri Jésus-Krist ade de baa, dingemge se dinyege ke umi kêm de dè tà't le'n nga, adi d'ule de manné njonm.
- ¹³Simon nga géa unde kêm'n dè tà't le Philippe tɔ. Loo ke d'ule'n manné njonm bá baa, è liger go Philippe't lagr-lagr. Ndil'n tee an-in soin-soin dè nyan-tɔjege se nyankɔbege ke bòii ke Philippe ra ade an se kum'n.
- ¹⁴Dooge ke kêm beekon ke Samarie taai tà le Nube ke Philippe ile mber'n ade de nga. Loo ke njékawkulege ke ndii kêm bee-bò ke Jérusalem ooi tà'n baa, ei ɔri Pierre se Jean ulei de ra de't.
- ¹⁵Loo ke Pierre se Jean reei teei kêm beekon ke Samarie baa, ei ɔji tà se Nube tede kade dooge ke undei kêm de dè Jésus't ingei Ndil-Kêmnda.
- ¹⁶Tede dooge malang ke d'ule manné njonm se ri Kuwe-bee Jésus nga, doo karé bè géa inge Ndi-Kêmnda lé bai.
- ¹⁷Gir'n ke nè á Pierre se Jean undei ji de dè dooge't ade ingei Ndil-Kêmnda.
- ¹⁸Dooge ingei Ndil-Kêmnda takul kunde ke njékawkulege undei ji de dè dooge't. Loo ke Simon an titeke bè baa, è din nar ree'n ade Pierre se Jean ede nè:

- 19– Adi man géa tɔgmong nè nga tɔ, le kade nanan ke m’a m’unde ji’m dènn’t baa à inge Ndil-Kêmnda.
- 20Nè Pierre ede Simon nè nga ede nè: – Maje kade nar lei udu sei nan’t bere mbak, tede i gir kêmi’t le kinge nyan-noje le Nube nga se nar.
- 21Nyan-noje le Nube nè nga, kuberi’n éké gaje’n ke ndêin bè ke oje dèi goto dann tà’t nè, tede bengrei nda se Nube lé.
- 22I tur hali dè kêmyêr’t lei. I deje Kuwe-bee bainléa à ade kêm’n à tin mbit dè tàgir’t lei.
- 23I nga man titeke wurkate taa rai pel-pel a, nyanra ke pás-pàs tɔi njanm-njanm a tɔ.
- 24Simon tel ede Pierre se Jean ede nè: – Sei kuwe i deji Kuwe-bee tede tà le’m, le kade nyan ke sei tami tà’n nga tee dèm’t lé.
- 25Loo ke Pierre se Jean ɔri go tà le Kuwe-bee a, ilei mber tà le’n bá baa, ei teli awi kêm bee-bò ke Jérusalem. Pierre se Jean ilei mber Tà ke Maje se kêm ngann beege gai-gai ke kêm beekon ke Samarie.

Philippe inge doo ke Ethiopie

- 26Doo ke danrán le Kuwe-bee ede Philippe ede nè: – Ose nang in do aw kêl se ke dè jikon se rebe ke in Jérusalem aw Gaza. Rebe nè nga è rebe ke dooge ɔsi lé.
- 27Philippe in ke loon’t kuwe aw. Dingem karé ke beekon ke Ethiopie unde loo tee pan. Dingem nè nga è njèkuju. E doo ke bò ke njèkan dè nyanbawge le Kandas dinye le ngar ke beekon ke Ethiopie. Doo nè nga ree mba kêm bee-bò ke Jérusalem le ɔi Nube.
- 28E ndi kêm wotro rɔ’t le’n ke dé ra se nar à tel ke béee. E ndi à tute magtub le Esaie, njéribè-dè-tàge ke tà Nube’t.
- 29Ndil-Kêmnda ede Philippe ede nè: – Aw ngɔr ke kàde wotro rɔ ke ra se nar nè nga.
- 30Philippe an-in ngɔde aw. E oo ndu doo ke Ethiopie ke ndi à tute magtub le Esaie njéribè-dè-tàge ke tà Nube’t se ndu’n ke bòi-bò. E deje’n ede nè: – Ké i ger gir tà ke i ndi a i tute nga kuwe wa?
- 31Njèkuju ile Philippe dè’t ede nè: – Ke nè á doo karé ɔr non’m dè’t lé baa, m’a m’ger gir’n se dè ra’m bain wa? Njèkuju deje Philippe ade al ndi se’n kêm wotro rɔ ke ra se nar nè nga.
- 32Tà ke kêm magtub ke tò se ninn’n ke è ndi à tute nga á tò nè: «Dé ndɔr’n asenan se kon bate ke d’aw se’n ke loo tɔl dange’t bè. E tò asenan se ngonn bate ke tà’n tò se loo ndêm’n non njèkuje welenn’t anje teen tà’n nyên.

³³D'or tà ke d'ayé gang dènn't kɔke takul kule ke è ule dè'n. Ké nan à ɓar ri ngannkànge bai wa? Kerɔte kuwe, dé tɔl'n kɔke d'ade kum'n udu dè nang nè.»

³⁴Njèkuju unn tà deje Philippe ede nè: – Kɔkrɔ karè ede'm, ké njèribe-dè-tà ke tà Nube't tam tà nè ɔje'n dè nan wa? Ké è tam tà nè nga ɔje'n dè'n è kuwe éké ɔje'n dè doo karé ke rang bai wa?

³⁵Philippe ile mber Tà ke Maje le Jésu ade doo ke Ethiopie se go tà ke doo nè tute kêm magtub't le Esaie nè nga kuwe.

³⁶Dé joo mbak d'uwe rebe le de dɛk-dɛk d'a d'aw. Nè mbɔr ɓaa, dé ree dé tee tà mann karé't pan. Ke loon't nè kuwe, doo ke Ethiopie nga tam se Philippe ede nè: – An! mann á tò nè. Ké ri á à ɔgi kule'm manné njonm wa?

[³⁷Philippe tel ede njèkuju nè nga ede nè: – Ke nè á i um kêmî dè tà't nè ɓɔk-ɓɔk kerɔte ɓaa, nyan ke à ɔgi loo'n goto. Njèkuju tel ile Philippe dè't ede nè: – Oiyò, m'um kêm'm dè Jésu-Krist't titeke è nga è Ngonn Nube kerɔte.]

³⁸Njèkuju unn ndu'n ade d'uwe wotro rɔ le'n nga nang. Ei se Philippe risi nang joo mbak awi dann mann't. Philippe ule njèkuju manné njonm.

³⁹Loo ke undei loo manné teei nata bè ɓaa, Ndil Kuwe-bee unn Philippe seen aw se'n ade njèkuju an'n gugu ndan lé ta. Nè njèkuju unn rebe le'n se ranel aw.

⁴⁰Nè Philippe ɓaa an ra'n kêm ɓee ke Azot nú. E ile mber Tà ke Maje dɔ-dɔ se kêm ɓee-bòge malang ke è dere tutu sár tee'n ɓee-bò ke Césarée.

Nyanra Njekawkulege 9

Saul tel tur hal'n

(An-in NRNK 22.6-16; 26.12-18 tɔ)

¹Njèkuwe-gir Kuwe-beege nga, Saul ebe ra'n dè ra de kade ra de tur de't lé bai a, è aw kum'n ke kété-kété dè tɔl de't a tɔ. E an-in hant aw ra maw njèkuje nyan-mese't,

²deje'n magtubge tede kaw'n kêm kei kebe nange't kêm ɓee-bò ke Damas. Saul ra titeke bè tede kade ke nè á inge dingemge éké dinyege ke nange ke unni rebe le Kuwe-bee Jésu ɓaa, ayé tuwe de, tɔ de ree se de kêm ɓee-bò ke Jérusalem.

³Nè loo ke Saul unde dè ɓee-bò ke Damas ngɔr ɓaa, ke loon't nè kuwe, nyan in danrán ndogó gan dè'n wàk.

⁴E gudu nang ɓɔɓɔk ɓaa, è oo ndu doo ɓar'n deje'n ede nè: – Saul, Saul, ké bain á ɔr'm kororoi bè wa?

⁵E deje doo ke ɓar'n deje'n tà nga ede nè: – Kuwe-bee, ké i nan wa? Kuwe-bee tel ede Saul ede nè: – Man m'ee Jésu ke i ɔr'n kororoi nga.

⁶Ɔse nang in aw kêm ɓee-bò't ɓaa, d'a d'edi nyan ke i a i ra nga gar-gar.

⁷Njémade-loo-kawge le Saul nga tà ige de sêl ade teli ndai ribik. Ei ooi ndu doo ke ɓar, nè an-in danra'n lé.

⁸Saul ɔse nang in teen kum'n nyan-nyan nè kum'n libe ade an loo lé. Njémade-loo-kawge le'n uwei ji'n ndɔri nin ngènn-ngènn awi se'n kêm bee-bò ke Damas.

⁹Saul ndi ase ndɔ mute anje kan loo a, anje kuse nyan éké kain nyan a tɔ.

¹⁰Njèkuwe-gir Kuwe-bee Jésu karé bè ndi kêm bee-bò ke Damas ri'n nè Ananias. Kuwe-bee tee dènn't se nyanpinde ɓar'n ede nè: – Ananias! E ndige tànn't ede nè: – Kuwe-bee, an! man á m'nda nè.

¹¹Kuwe-bee tel ede Ananias ede nè: – In dɔ, ɔte ɗarinè aw dann rebe ke dé ɓar'n Rebe ke danné sêw. Aw kêm kei le Judas i deje'n dingem karé ke ri'n nè Saul. Doo nè nga bee koje'n è Tarse. An! doo nè nga ndi à ɔje tà se Nube ɗarinè.

¹²Nyanpinde'n ade an dingem karé ke ri'n nè Ananias, è aw goon't kei unde ji'n dènn't le kade kum'n tel an loo.

¹³Nè Ananias tel ede Kuwe-bee ede nè: – Kuwe-bee, m'oo ser nyanra doo nè nga tà dooge bule. Majelé malang ke doo nè ra se njé ke lei ke tooi se ninn de ke kêm bee-bò ke Jérusalem nga géa, m'oo ta'n se mbi'm a tɔ.

¹⁴Maw njékuje nyan-mesege unni ndu de adii le kade tuwe dooge malang ke ɓari rii le tɔ de. E ke nè á è gir ree le'n.

¹⁵Nè Kuwe-bee tel ede Ananias ede nè: – Aw, tede doo nè nga è nyan ra kule ke man m'ɔr'n le kade unn ri'm ase'n loo non dooge ke ei Juipge lé a, se non ngar-beege a, se non kos ngann Israelge a tɔ.

¹⁶Doo nè nga, man kuwe m'a m'tɔje'n nyankêmkonge malang ke à inge tede ri'm gar-gar.

¹⁷Ananias in aw kêm kei go Saul't ɓaa, è unde ji'n dènn't ede'n ede nè: – Ngokon'm Saul, Kuwe-bee Jesu ke kété tee dèi't pan rebe ke a i ree'n nga ule'm le kade i tel an loo a, le kade Ndil-Kêmnda taa kèmi pel-pel a tɔ.

¹⁸Ke loon't nè kuwe, ginde nyan tee kum Saul't toso nang tite ngɔ nyan bè ade tel an loo njai-njai. E ɔse nang in dɔ ade d'ule'n manné njonm ke loon't nè.

¹⁹Loo ke è use nyan ɓá ɓaa, tɔge'n tel ree rann't gugu.

Saul ile mber Tà ke Maje kêm bee ke Damas

Saul nain se njékuwe-gir-Jésuge ke kêm bee-bò ke Damas ndɔ'n bule ndèin.

²⁰Ke loon't nè kuwe, è unn gir kile mber tà le Jésu kêm kei kebe nange't titeke Jésu nga è Ngonn le Nube kerɔte kuwe.

²¹Dooge malang ke ooi tà le Saul nga, ndil de tee an-in soin-soin ade edi nè: – Ké è n'ee ke n'nda nè nga kuwe á n'ee njè ra kum njétaakêm-Kristge ke Jérusalem

ndoo nè lé wa? Ké n'ree tede le tuwe de tɔ de kaw se de kade de maw njékuje nyan-mesege lé wa?

²²Nè Saul nda garang-garang se ndoge malang de kundekêm't le'n. E ede Juipge ke Damas ndàt titeke Jésu nga è Krist kerɔte kuwe.

²³Mbɔr go't gugu baa, Juipge ɔri nan tà le tɔl Saul kɔke.

²⁴Nè Saul oo tà'n kété. D'um'n tà keige't le bee-bò nè nga ndɔ a, kada a, le tɔl'n.

²⁵Nè Pajage le Saul unni nin dann ndɔɔ ilei nin kêm janga't, risi nin nang gide geng bɔr't.

Saul tel aw Jérusalem

²⁶Loo ke Saul tel tee kêm bee-bò ke Jérusalem bá baa, è sang le kum nan't bɔk se njékuwe-gir-Jésuge. Nè ei malang beli gide'n m an-in nin ke njékuwe-gir-Jésu ke get lé bai.

²⁷Barnabas ɔr non Saul aw se'n ra njékawkulege't, è ede de ede nè: – Saul nga kété an Kuwe-bee rebe a, Kuwe-bee tam se'n tà a tɔ. Saul nda kêm'n káng ile mber Tà ke Maje se ri Jésu ade dooge ke kêm bee-bò ke Damas. Barnabas ɔr gir nyange nè titeke bè ade njékawkulege ooi njai.

²⁸Unn gir kêm ndɔn't nè nga, Saul ringe se njékawkulege kêm bee ke Jérusalem. E nda kêm'n káng ile mber Tà ke Maje se ri Kuwe-bee Jésu.

²⁹Saul ɔje tà se Juipge ke tami tà grec a, naje se de tà a tɔ. Nè ei nè nga sangi le kade dé tɔl'n.

³⁰Nè loo ke njétaakêm-Kristge ooi tà nè bè baa, ei ɔri non Saul awi se'n kêm bee-bò ke Césarée adi tel aw bee le'n Tarse.

³¹Titeke bè á njékebe nange le Nube bere mbak ke beekon ke Judée se Galilée a, se Samarie teli ndii se kêm lom. Njétaakêm-Kristge rai tɔge a, ilei koje dè Kuwe-bee a tɔ. Kɔr de in dè made't ke kété-kété takul nain ke tɔgmong le Ndil-Kêmnda nain se de.

Pierre aje Enée

³²Pierre aw se kêm bee-bee. Ndɔ karé bè è aw bee le njétaakêm-Kristge ke ndii kêm bee ke Lidda le kan de tɔ.

³³E inge dingem karé ke ri'n nè Enée. Dingem nè nga kël ra'n wei tonrin ade tò nang dè tire ratur't lo ɔɔɔ.

³⁴Pierre ede Enée ede nè: – Enée, Jésu-Krist aji bá! ɔse nang in dɔ i kuwe i gɔl tire lei. Ke loon't nè kuwe, Enée ɔse nang karkat in dɔ.

³⁵Loo ke dooge ke ndii kêm bee ke Lidda se njé ke ndii kêm mbo ke Saron malang an-in ratur ke ɔr dè Enée't nga bè baa, ɔsi wan teli undei kêm de dè Kuwe-bee't.

Tabitha tel ndi kumgajer

³⁶Dinye karé ke njètaakêm-Krist ndi kêm bee ke Joppé. Dinye nè nga ri'n nè Tabitha ke dé bar'n Dorcas se tà grec. Dorcas se tà le jéi baa è «jêl». E dinye noje ke ra nyange gai-gai uwe'n noje se njéndooge bule.

³⁷Ndo karé bè, Tabitha oso se ratur baa wei. Loo ke dé ndogo'n mann bá baa, d'unn'n d'aw d'ile'n kêm kei ke de made't do.

³⁸Bee ke Joppé nga tò ngor se bee ke Lidda. Loo ke njékuwegir-Jésuge ooi titeke Pierre ndi kêm bee ke Lidda baa, ei ulei dingemge joo rann't. Dooge joo ke d'ule de rann't nga, ndêti nin edi nè: – Kɔkrɔ karè, in se jé nan't nal tile mbɔr.

³⁹Pierre in aw se dooge ke joo nè nga nan't. Loo ke è tee Joppé bá baa, d'or non'n d'aw se'n kêm kei ke do de made't. Njékei-kingege malang reei an-in de Pierre girm se non tà de't jik-jik. Tabai dé toje'n kubuge gai-gai ke Dorcas ra ade de loo ke è ndii'n kumgajer bai nga.

⁴⁰Pierre ade dooge malang teei nata. E ose keje'n nang oje tà se Nube bita tel tur ra'n ke de ninn't ede nè: – Tabitha ose nang in do. Ke loon't nè kuwe, Tabitha teen kum'n yerer an Pierre. E gɔl ra'n yák-yák in ndi do ngêrêng.

⁴¹Pierre ule ji'n ade Tabitha uwe in'n do. Pierre tel bar njètaakêm-Kristge se njékei-kingege ule'n ji de't kumgajer.

⁴²Kobe nyan ke tee nè nga oso se loo mbit-mbit kêm bee ke Joppé ade dooge malang geri. Dooge ngain undei kêm de Kuwe-bee't takul nyan nè nga.

⁴³Pierre ra bee Joppé kêm kei le Simon ke njè kɔr gide ndar ade kuru'n ebe dák.

Nyanra Njekawkulege 10

Pierre aw bee le Corneille

¹Dingem karé bè ndi kêm bee-bò ke Césarée, ri'n nè Corneille. E njèkan de njérɔge ke aru karé. Njérɔge nè nga ei njérɔge le beekon ke Italie.

²Corneille se njékêmkeige le'n malang ilei koje de Nube't a, beli Ndil'n a to. E uwe noje se kosdooge malang se ndo'n-ndo'n. E oje tà se Nube se ndo karé-karé.

³Ndo karé bè, ase kàde mute ke loo solé, nyan pinde'n. Doo ke danran ke Nube ule'n aw goon't kei ade an'n njai-njai. Doo ke danran le Nube nga bar Corneille ede nè: – Corneille!

⁴Corneille an doo ke danrán kàt-kàt, bel unde'n ndat gang'n ade deje'n ede nè: – Kuwe-bee, è ri wa? Doo ke danran ile Corneille de't ede nè: – Kɔje tàge se noje-kuwege lei nga awi teei ra Nube't. Gir'n ke nè á kêm'n olé'n deit bila.

⁵Baa dārinè, ule dingemge ade awi Joppé reei se Simon karé bè ke d'ile ri toyi'n nè Pierre.

- ⁶Simon Pierre nga tò bee le Simon karé ke njèkɔr gide ndarge. Simon ke njèkɔr gide ndar nga, kei le'n tò tà ba-kate't ngɔr.
- ⁷Loo ke doo ke danrán ke nda ɔje'n se'n tà ɔte aw bá baa, ke loon't nè kuwe, Corneille bar ngann njéndige le'n joo se njèrɔ karé ke ilei koje dè Nube't. Dooge ke mute ke Corneille bar de le kule nga ei dann dooge ke rai kule girn't mari sár tee bila.
- ⁸E ɔrgir nyan ke tee dènn't nè nga kêrêr-kêrêr ade ooi bita ule de kê'm bee ke Joppé bai.
- ⁹Barè lookar'n, ngann njéndige le Corneille se njèrɔ le'n njiyei sár undei dè bee ke Joppé ngɔr. Pierre al dɔ dè kei dur-dur't le kɔje tà se Nube. Kàde ra le nda dann bee ta.
- ¹⁰Bo unn gir ra'n ade ndige kuse nyan. Nè loo ke d'ade ra nyan kuse nga bè-bè bai baa, nyan tee dènn't pan ade ndil'n tee an-in soin-soin.
- ¹¹Pierre an kum danran teen. E an nyan karé in danran jurr ree rise nang. Nyan nè nga tò tite tà kubu ke bòi ke dé tɔ kule dè kumenge ke sɔ.
- ¹²Dange ke se ri de-ri de ke nja de sɔ-sɔ, se nyange ke agi nang se helge a tɔ tooi kê'm tà kubu ke la't nè nga.
- ¹³Ndu doo karé bar Pierre ede'n ede nè: – Pierre, in dɔ, i tɔl nyange nè use!
- ¹⁴Nè Pierre ede nè: – M-m! Kuwe-bee, nyange ke pás-pàs éké nyange ke mine ke majelé titeke bè nga m'use nja karé ndan lé bai.
- ¹⁵Ndu doo nè nga tel ede Pierre tà njèkon't joo ede nè: – Nyan ke Nube tel'n ke nyan ke unju nyang-nyang nga, maje kade i bar'n nyan ke mine lé.
- ¹⁶Nyan nè nga ree titeke bè nja mute bita dé tel'n keng ke loon't nè d'aw'n danrán gugu.
- ¹⁷Pierre tel ndi giw à girtà dè nyanpinde ke kété an. Ke loon't nè kuwe, njékulege le Corneille reei teei pan. Ei deji kei le Simon ke njèkɔr gide ndar edi nè: – Ké kei le Simon è ra wa? Ei reei ndai tàbit kei't nata.
- ¹⁸Njékulege nè nga bari bar deji tà edi nè: – Ké kei ke nè nga kuwe á è kei mba le Simon Pierre nè wa?
- ¹⁹Pierre ndi à girtà dè nyanpinde't nè nga bai. Ndil-Kê'mnda ede'n ede nè: – An! dingemge mute à sangi nin.
- ²⁰In dɔ kalang, i rise nang aw se de nal tile mbɔr tede è man kuwe á m'ule de.
- ²¹Pierre rise nang aw ra dingemge't nè nga ede de ede nè: – An-in! doo ke a i sangi nin nga, è man á m'nda nè. Ké ri á è gir ree le si wa?

²²Ngann njékulege le Corneille edi Pierre edi nè: – E Corneille, kuwe njérɔge ke aru karé á ule jè. E nga è doo ke njè ra nyan se dè naje'n a, è njè bel Ndil Nube a tɔ. Kos Juipge bere mbak tami tà le'n maje. Doo ke danran le Nube ede Corneille ede nè: «I bar Simon béee lei, oo tàge ke à edi.»

²³Pierre aw se njékulege le Corneille kê m kei, ra de mba. Barè lookar'n kuwe, è in aw se de. Njétaakêm-Krist ke nange ke kê m bee ke Joppé danni nin awi se'n.

²⁴Ndɔ ke rang ke njè kutu go made baa, dé tee kê m bee-bò ke Césarée. Corneille bar njénojege le'n se madenngé ke è tár de ngain ndii nginei de tchên.

²⁵Loo ke Pierre à ree ke kei baa, Corneille in tile kum'n. E ɔse keje'n nang nonn't dɔi'n.

²⁶Nè Pierre ute'n dɔ ede nè: – In dɔ, tede man géa m'ee doo titi tɔ.

²⁷Pierre ɔje tà se Corneille dɔ-dɔ aw'n se'n kê m kei. E inge dooge ngain ke kebi nan kê m kei le Corneille ndi nginei nin.

²⁸Pierre ede de ede nè: – Sei geri mbak, doo ke è Juip nga d'ɔge'n loo kuwe made nan éké loo kum nan't bɔk se doo ke è Juip lé. Nè man baa, Nube ndoo'm le kade m'an doo karé bè ke nyan ke raikarè éké ke nyan ke mine lé gar-gar.

²⁹Gir'n ke nè á loo ke sei bari man baa, m'in kalang m'ree m m'gak lé. Dariné m'deje sei kade edi man gir nyan ke ulei kule i bari man nga.

³⁰Corneille ede Pierre ede nè: – Ase ndɔ ɔɔ dariné, se kade ke mute ke loo ɔlè tite made bè kuwe, m'ndi kê m kei le'm m'a m'ɔje tà se Nube. An! dingem karé bè ule kubu ke nda káng-káng unde loo tee pan nda nonm't ede'm ede nè:

³¹«Corneille, Nube ur mbi'n oo'n tà lei ke ɔje se'n nga. Noje ke i uwe se njéndooge nga géa, kê m'n wei nal dè't lé a tɔ.

³²Ule kê m bee ke Joppé, i bar Simon karé ke ri tɔyi'n nè Pierre ade ree. E tò kei le Simon ke njèkɔr gide ndar. Simon ke njèkɔr gide ndar nga, kei le'n tò tà ba-bò kate't ngor.»³³Ke loon't nè kuwe, m'ule m'bari baa, i ra maje in i ree tɔ. Dariné jè malang jè ndi non Nube't le koo tàge malang ke Kuwe-bee ule tàit le kade ede jè nga ta.

Pierre ɔr girtà kei le Corneille

³⁴Pierre tel unn tà tam ede nè: – Kerɔte kuwe, dariné m'ger titeke Nube è njè ndète kum doo karé lé.

³⁵Nè se kê m beekonge karé-karé malang nga, nanan ke bel'n Ndil Nube, ra nyan se dè naje'n baa, doo nè taa kum'n kuwe.

³⁶Jésu-Krist nga, è Kuwe-bee le Juipge se dooge ke rang malang. E è kuwe á ndɔ ke Nube ule'n ra kosdooge ke Israel ade ile mber Tà ke Maje le kê mlom ade de.

³⁷Nyan ke Nube ra kêm beekon ke Judée bere mbak nga, sei geri bá. Jésu-Krist unn gir kile mber tà le'n kêm beekon ke Galilée utu'n go mber kule dooge manné njonm ke ndo ke Jean ile.

³⁸Jésu ke Nazareth ke Nube ule'n nga, Nube ade'n togmong le Ndil-Kêmnda. Jésu aw se loo-loo ra maje se dooge malang a, aje njé ke sú uwe de a to, tede Nube è der gir'n.

³⁹Nyan malang ke ndo ke Jésu ra kêm beekon le Juipge se kêm bee-bò ke Jérusalem nga, jè jè njékorgo tànnge. E Juipge ke Jérusalem á ndo ke beri nin kade kage-ke-dese't toli nin.

⁴⁰Nè ndo ke njèkon't mute baa, Nube ade unde loo tee dann njé ke koo't tel ndi kumgajer. Loo ke è unde loo tee dann njé ke koo't nga, kosdooge malang an-in nin lé.

⁴¹Nè è jè njékorgo tàge le'n ke Nube to'r jè kuwe se kar jè bere á j'an'n. Loo ke Jésu-Krist unde loo tee dann njé ke koo't nga, jè njékorgo tàge le'n j'use se'n a, j'an-in se'n a to.

⁴²E Jésu nè nga kuwe á unn ndu'n ade jè le kade j'ile mber j'ade kosdooge. Tabai è unn ndu'n le kade j'ede kosdooge ndat titeke è nè nga kuwe á Nube or'n unde'n ke njègangtà le dooge ke ndii kumgajer se njé ke wei bá a to.

⁴³E è kuwe á njéribè-dè-tàge ke tà Nube't malang tami tà oji dè'n edi nè: «Nanan ke unde kêm'n dè Jésu't baa à inge kêm tin mbit dè kaiyage't le'n takul ri Krist.»

Dooge ke ei Juipge lé ingei Ndil-Kêmnda

⁴⁴Loo ke Pierre ndi tam tà tànn't bè-bè bai baa, Ndil-Kêmnda ree taa kêm dooge ke ndai à ooi tà nè nga pel-pel.

⁴⁵Juipge ke njétaakêm-Kristge malang ke danni Pierre reei se'n nga, tà ige de sêl. Kerote kuwe, Nube ade Ndil-Kêmnda taa kêm dooge ke ei Juipge lé géa pel-pel dariné to ta.

⁴⁶Juipge ke njétaakêm-Kristge ooi tà tam dooge ke rang oji nan tà se njétaakêm-Kristge ke Juipge lé nga pot-pot ilei ribar dè Nube't.

⁴⁷Pierre tam tà ede nè: – Dooge ke ingei Ndil-Kêmnda titeke jèi j'ingei bè to nga, ké nan ase koge kade d'ule de manné njonm wa?

⁴⁸Pierre unn ndu'n ade d'ule de manné njonm se ri Jésu-Krist. Njé ke d'ule de manné njonm nè nga deji Pierre edi nè: – I ndi se jé ndèin bita.

Nyanra Njekawkulege 11

Pierre orgir nyanra'n ade Juipge ke Jérusalem

¹Njekawkulege se njétaakêm-Kristge ke ndii kêm beekon ke Judée ooi titeke njé ke ei Juipge lé géa taai tà le Nube ke le de to ta.

²Loo ke Pierre tel ree kêm bee-bò ke Jérusalem baa, Juipge ke njétaakêm-Kristge kɔli se'n edi nè:

³- Ké bain á i aw kêm kei le dooge ke ei Juipge lé use se de nyan wa?

⁴Ke loon't nè kuwe, Pierre unn gir kɔrgir nyange ke teei nè nga se ngang'n-ngang'n ade d'oo ede nè:

⁵- M'ndi kêm bee ke Joppé man m'ɔje tà se Nube. Nyan pinde'm ade m'an nyan karé ke tò tite tà kubu ke bò in danran rise nang. Tà kubu nè nga dé tɔ kule dè kumenngge ke sɔ. Nyan nè nga ree jurr rise nang ram't jip.

⁶Kum'm tò dè kubu't nè nga kàkàk ade m'ter'n baa, m'an dange ke nja de sɔ-sɔ se dange ke walé se nyange ke agi nang se tà kêm de a, se helge a tɔ tooi kêm tà kubu't nè nga.

⁷M'oo ndu doo karé ede'm ede nè: «Pierre, in dɔ i tɔl de use de.»

⁸Nè m'ede'n m'ede nè: «M-m Kuwe-bee, nyan ke pás-pàs éké nyan ke mine ke titeke bè nga ɔde tà'm nja karé lé bai.»

⁹Ndu doo in danrán ke njèkon't joo ede nè: «Nyan ke Nube tel'n ke nyan ke unju nyang-nyang nga, maje kade i bar'n nyan ke mine lé.»

¹⁰Nyan nè nga ree titeke bè nja mute bita tel keng aw danrán gugu bai.

¹¹An-in! ke loon't nè kuwe, dingemge mute reei ndai tà kei mba't le'm. Dingemge nè nga in-in kêm bee-bò ke Césarée á d'ule de ram't.

¹²Ndil-Kêmnda ede'm le kade m'aw se de anje tile mbɔr. Njétaakêm-Kristge mute-mute ke ndai nè nga ndɔ ke danni man awi se'm Césarée kei le Corneille.

¹³E ɔrgir nyan ke tee dènn't ede jè ede nè: «M'an doo ke danrán ree goom't kei ede'm ede nè: Ule Joppé i bar Simon ke d'ile ri tɔyi'n nè Pierre ade ree.

¹⁴Simon à ede sei tàge kade aje'n, i se njékêmkeige lei malang.»

¹⁵Loo ke m'unn gir tam tà baa, ke loon't nè kuwe, Ndil-Kêmnda ree taa kêm dooge pel-pel titeke ndɔ ke kété ree taa'n kêm jéi pel-pel nga tɔ.

¹⁶E á kêm olé'n dè tà ke ndɔ ke Kuwe-bee tam ede nè: « Ndɔ ke Jean ule dooge manné njonm, nè sei baa d'a d'ɔr sei kunde sei se ninn si se Ndil-Kêmnda.»

¹⁷Dooge nè nga, Nube uwe se de noje titeke ndɔ ke uwe'n se jéi noje, jèi ke j'undei kêm jéi dè Kuwe-bee Jésu-Krist't nga tɔ. A baa, ké man m'ee nan á m'ase kɔge Nube dè kuwe se de noje't wa?

¹⁸Loo ke Juipge ke njétaakêm-Kristge ooi tàge nè nga bè baa, ebi't kɔl se Pierre ta. Nè ei ulei ndubra dè Nube't edi nè: - Nube ade dooge ke ei Juipge lé géa turi hal de le ndii kumgajer tɔ ta.

Njékebe nange le Nube ke Antioche beekon ke Syrie

¹⁹Njétaakê-m-Kristge ke yali nan karé-karé tede nyantosowur ke unn gir de Etienne nga aw sár tee de nang ke Phénicie se Chypre a, se Antioche a to. Kê-m ndonge't nè, njétaakê-m-Kristge ilei mber tà le Nube adi Juipge kuwe se kar de bere luk-luk, m ilei mber adi girkoje dooge ke rang lé.

²⁰Nè né è bè géa, njétaakê-m-Kristge ke nange dann de't ke in-in Chypre a, se Cyrène a, awi kê-m bee-bò ke Antioche ilei mber Tà ke Maje le Kuwe-bee Jé-su adi dooge ke ei Grecge to.

²¹Nube è der-gir njétaakê-m-Kristge ade dooge bule o-si wan teli undei kê-m de de Kuwe-bee Jé-su't.

²²Loo ke tà nè oso mbi njékebe nange le Nube ke Jérusalem baa, ei ori Barnabas ulei nin adi aw sár tee kê-m bee-bò ke Antioche.

²³Loo ke è aw inge de Antioche baa, è an noje ke Nube uwe se dooge. E ra ranel a, ndeje de malang le kade dé labe ra de parr ra Kuwe-bee Jé-su't se kê-mnda káng.

²⁴Barnabas è doo ke maje. Ndil-Kê-mnda se kundekê-m taai kê-m'n pel-pel. Gir'n ke nè á, kosdooge ngain teli nanmi kade Kuwe-bee't.

²⁵Go't gugu, Barnabas in aw kê-m bee-bò ke Tarse le sang Saul.

²⁶Loo ke Barnabas inge'n bá baa, è ree se'n Antioche. Ase bal karé deri, Barnabas se Saul rai kule nan't se njékebe nange le Nube ke Antioche beekon ke Syrie. Ei ndói doobulege nyan ase tà't. Antioche nga è loo ke kété desêin dooge bari njékuwe-gir Kristge «njétaakê-m-Kristge» tutu.

²⁷Kê-m ndoge ke Barnabas se Saul ndii kê-m bee-bò ke Antioche bai nga, njéribè-dè-tàge ke tà Nube't in-in Jérusalem reei Antioche.

²⁸E ke karé dann de't ri'n nè Agabus. Ndil-Kê-mnda o-se'n ade in do tam tà ndàt titeke bo-bò ayé koso se loo bere mbak de nang ndi dooge't. Bo-bò nè nga, ndo ke oso kuwe to kê-m lo ke Claude on'n bee.

²⁹Njékuwegir-Kristge o-ji njáng le kulei se nyan, ra'n se njétaakê-m-Kristge ke ndii kê-m beekon ke Judée. Nanan géa unn nyan ade se go nyankinge'n-kinge'n.

³⁰Loo ke ei rai nyange nè titeke o-ji nga bá baa, ei teli umi ji Barnabas se Saul ade awi adi ke ngatogege ke kê-m beekon ke Judée.

Nyanra Njekawkulege 12

Ngar Hérode Agrippa ade dé tol Jacques a, ade d'ile Pierre dangai't a to

¹Kê-m baln't nè nga, ngar Hérode unn gir ra balkum njékebe nange le Nube ke nange ke Jérusalem majelé.

²E ade d'uwe Jacques ngokon Jean dé tol'n se kuye kaskar.

³Loo ke è an titeke nyan nè nel Juipge ngain baa, è ade d'uwe Pierre tabai. E kêm ndoge ke d'ade ra'n nan ke oje dè mapa ke pululu goto tutu.

⁴Loo ke Hérode ade d'uwe Pierre d'ile'n dangai't baa, è ade njéröge dög-gidé-mute-mute taai gute nan so-so nja so ngonmi nin tchên. E ndige le tee se'n nata kum kosdooge't loo ke gir ndo ra nan nyan Paque à gang.

⁵Njéröge ngonmi Pierre dangai't tchên. Nè né è bè géa, njékebe nange oji tà se Nube adi nunge tcham tede le Pierre.

Doo ke danrán le Nube or Pierre njêl tee se'n nata kêm kei dangai't

⁶Barè lookar'n Hérode ayé tee se'n nata le gangtà dènn't tàkum kosdooge't malang. Kêm ndo'n nè nga, dé to ji Pierre se sul bita too'n bi dann njéröge joo. Tabai d'ade njéröge ke rang ndai à ngonmi tà kei dangai.

⁷An! doo ke danrán le Kuwe-bee unde loo tee pan ade loo ke kêm kei dangai't ndogó kotong. Doo ke danrán nè nga unde kàde Pierre dé^ -dé^ ndel'n ede nè: – In do kalang. Ke loon't nè kuwe, sulge ke dé to'o'n ji'n joré nang yögröm.

⁸Doo ke danran ede Pierre ede nè: – I to bedi se ndar mong a, i tule gabang't naji't a to. E ra tite doo ke danrán ede'n nga to. Doo ke danrán nga tel ede'n ede nè: – Ule kubu lei ke bòi yul rai't baa ote goom't laa.

⁹Pierre unde loo tee, unn rebe go doo ke danrán't nga. Nè Pierre ger gir nyan ke doo ke danrán ra nè nga naji lé bai. E gir titeke nyan pinde'n karè.

¹⁰Loo ke doo ke danrán ei se Pierre deri ra njéngonm tà keige ke desêin se njé ke njèkon't joo bá baa, ei awi teei tu tà kei ke bòi ke ra se nar. Tà kei nè nga aw ke bee-bò't. Tà kei nè nga, è kuwe teen ra'n se dè'n non de't kété. Tabai doo ke danrán se Pierre awi teei nata tà rebe karé't bè. Ke loon't nè kuwe, doo ke danrán ke Kuwe-bee ule'n nga inye Pierre, goto njêl.

¹¹Loo ke kum Pierre gang dè rann't baa è tam ede: – Keröte kuwe, d'arinè m'ger titeke Kuwe-bee kuwe ule doo le'n ke danrán ade ree or'm wont ji Hérode't. E ree or'm dann nyan ke kos Juipge malang ndii nginei tchên nga a to.

¹²Pierre ger nyan ke tee dènn't nga naji. E ote aw kêm kei le Marie kon Jean d'ile ri toyi'n nè Marc. Njétaakêm-Kristge bule kebi nan kêm kei le Marie ndii à oji tà se Nube.

¹³Pierre geke tàbit kei. Ngonn njèndi ke dinye karé ri'n nè Rhodée ree le kur mbi'n koo.

¹⁴E ger naji titeke è ndu Pierre baa, ra'n nel'n ngain ade inye kor tà kei ade tò banm. E ose wan tel se ngöde aw ede de ede nè: – Pierre nda tà kei't nata non.

¹⁵Dé tam se Rhodée d'ede nè: – Ké bile rai wa? Nè è tel tam ede nè: – E danra Pierre kuwe. Njétaakêm-Kristge malang tami edi nè: – Bè baa è doo ke danrán ke njéngonm'n.

16Nè Pierre geke tà kei ke kété-kété. Loo ke dé teen tà kei baa, d'an'n. Tà ige de sêl.

17Pierre yei de ji'n le kade d'ebe't tam tà. E ɔr ser kɔr ke Kuwe-bee ɔr'n dangai't ade d'oo. Pierre tel ede de ede nè: – Ɔri ser nyan nè nga adi Jacques se njétaakêm-Kristge ke rang ooi. Go't gugu, è unde loo tee aw loo ke rang't.

18Loo ke loo ar yerer baa, njérɔge awi dè nan't ngater-ngater edi nè: – Ké Pierre tel ri wa?

19Ngar Hérode Agrippa ade dé sang Pierre patkann nè d'inge'n lé. E bar njérɔge ke ngonmi Pierre dangai't de je de tà'n. Go't gugu, è ade d'aw se de dé tɔl de bita in kêm beekon ke Judée aw kêm bee-bò ke Césarée le ndi tutu mbɔr bai.

Kwei le ngar Hérode Agrippa I

20Wong ra ngar Hérode ngain dè dooge ke ndii kêm bee-bò ke Tyr se Sidon. Dooge nè umi tà le de nan't bɔk le ree kingei nin. Nè d'aw d'inge Blastus, paja le ngar Hérode d'ile'n go de't pa bita d'aw ra Hérode't dé de je'n kêm lom bai. Dé de je'n kêm lom titeke bè tede è se tà rebe beekon le'n nè á nyankinge se nyankusege in-in tutu reei kêm bee-bòge ke Tyr se Sidon.

21Nɔ ke d'ɔje le kinge'n nan nga ase de j. Ngar Hérode tule kubu ngar rann't aw ndii'n dè kutu-ngar gangtà't. E ede dooge tà se ndu'n ke bòi beng-beng.

22Doobulege umi nin tɔy edi nè: – E Nube á tam tà m è ndu doo ndul karè lé.

23Ke loon't nè kuwe, doo ke danrán ke Kuwe-bee ule'n dar ngar Hérode dikew tede è unn tà ra'n è kuwe nal kule ndubra dè Nube't. Kêm'n oso kurge ɔk-ɔk ade oso'n sɔrɔk wei'n.

24Loo ke ngar Hérode wei bá baa, tà le Nube ra tɔge ke kété-kété a, taa loo pel-pel a tɔ.

25Loo ke Barnabas se Saul ɔri son kule le de kêm bee-bò ke Jérusalem bá baa, ei teli reei kêm bee ke Antioche, beekon ke Syrie gugu. Jean ke ri tɔyi'n nè Marc nga, Barnabas se Saul reei se'n ji de't.

Nyanra Njekawkulege 13

D'ɔr Barnabas se Saul d'ule de kile mber't

1Njékebe nange le Nube ke ndii kêm bee-bò ke Antioche, beekon ke Syrie nga, njéribe-dè-tàge ke tà Nube't se njéndó dooge nyan ndii tutu. Dooge nè nga, ri de a tò nè: Barnabas a, Siméon ke dé bar'n «Niger» a, Lucius doo ke Cyrène a, Manaen ke ndɔ ke d'oto de nan't se Hérode Antipas a, se Saul a tɔ. Beekon ke Galilée nga, dé gaje danné loo sɔ. Hérode Antipas on bee dè gaje'n karé.

²Ndo karé bè, d'oge kêm de bo a, d'an-in mann lé a tɔ. Loo ke dé ndi d'a d'oje tà se Nube baa, Ndil-Kêmnda ede de ede nè: – Ɔri Barnabas se Saul undei de se ninn de adi man oje dè kule ke m'bar de tede nga.

³D'oge kêm de bo a, d'an-in mann lé a tɔ d'oje'n tà se Nube kuwe bai. Go't gugu, d'unde ji de dè't bita d'inye de d'ade ɔti awi bai.

Barnabas se Saul ilei mber dè goré loo ke Chypre

⁴Ndil-Kêmnda ule Barnabas se Saul ade awi kêm bee-bò ke Séleucie. Tabai ei ndai ke loon't nè ali kêm bato't awi kum de ke Chypre.

⁵Loo ke awi teei kêm bee ke Salamine baa, ei ilei mber tà le Nube kêm kei kebe nange't le Juipge kuwe kété. Jean-Marc aw se de le ra se de dè kule ke nange.

⁶Loo ke dé d'unde dè goré loo bere mbak dé gang d'aw sár dé tee kêm bee ke Paphos. Loo bee't nè, d'inge dingem karé bè ke njè mbeli. Dingem nè nga ri'n nè Bar-Jésu. Doo nè girkoje'n è Juip nè è ra ra'n ke njèribe-dè-tà ke tà Nube't.

⁷E ndi gir Sergius Paulus njèkonbee dè goré loo't nè nga. Njèkonbee nè nga è doo ke njèkumkunju. Ngur koo tà le Nube ra'n ngain. Gir'n ke nè á ule'n kule bar'n Barnabas se Saul.

⁸Bar-Jésu ke njè mbeli nga ri'n karé ke rang ke se tà Grec è Elimas. E ute Barnabas se Saul mbeng tede è sang rebe le koge njèkonbee kunde kêm'n dè Jésus't.

⁹Ndil-Kêmnda taa kêm Saul ke dé bar'n Paul pel-pel. E an njè mbeli nè nga kàkàk, tabai è tam se'n ede nè:

¹⁰– An! i ke tà sú se nyanra ke majelé taa rai pel-pel. I ngonn le sú, i njèban le nyanra ke se dè naje'n malang. Rebege le Kuwe-bee ke ndai jap nga ke i uwe de i duge de ngong-ngong, ké ndo ke ra á i a ebe rai dè't wa?

¹¹An! darinè ɔgmong le Kuwe-bee dari, i a tel k'ee njèkum libe. A an kade lé sár kooi à tò mbar bita. Ke loon't nè kuwe, loondul se tilkus sebi dè Elimas't bigm ade manm loo yo ke nè, è sang doo kade uwe ji'n ndr'n.

¹²Loo ke Sergius njèkonbee an nyan ke tee dè Elimas't nè nga bè baa, è unde kêm'n dè Jésus't tede bel ra'n ngain dè ɔgmong't le nyan-ndó ke oje dè Kuwe-bee.

Paul se Barnabas awi Antioche beekon ke Pisidie

¹³Paul se njémade-loo-kawge le'n in-in kêm bee ke Paphos ali kêm bato't awi kêm bee ke Perge beekon ke Pamphylie. Nè Jean-Marc inye de ɔse wan tel ree kêm bee-bò ke Jérusalem.

¹⁴Paul se Barnabas in-in Perge awi teei kêm bee-bò ke Antioche, beekon ke Pisidie. Ndo taa kebe baa, ei awi kêm kei kebe nan't ndii nang le koo tà.

¹⁵Dooge tutei magtub gute-ndu Nube ke ndo ke Moise ndang a, tutei magtubge le njèribe-dè-tàge ke tà Nube't a tɔ. Go't baa, njékan dè kei kebe nan ulei kule ra de't

edi de edi nè: – Ngakon jége, ke nè á awi se tà ndeje ke nange tede le kosdooge nè nga baa, i tami edi de d'arinè ta.

16Paul ɔse nang in dɔ, yei de ji'n le kade dé ndi jêke^ . E ede de ede nè: – Sei dooge ke Israel, sei malang ke i beli Nube, i neli mbi si maje ooi tà le'm.

17Nube le kosdooge ke Israel nga, kété ɔr kà jéige. E ade kà jéige oji nan nyanmi-nyanmi loo ke ndɔ ke nain-in bee mba't Egypte. Go't gugu, è ade undei loo teei kêm beekon ke Egypte se go tɔgmong le'n è kuwe.

18Nube ile kêm'n dè nyanra de't ase lo kɔr-sɔ kêm dile't.

19E tuju gir koje dooge ke è Juipge lé ji sejimute kêm beekon ke Canaan. E ade beekon le girkoje dooge nè nga kà jéige ke nyan-ndube le de. Ndi kà jéige kêm beekon ke Egypte unn gir'n dè't sár tee'n loo ndi de't kêm beekon ke Canaan nga, unde nan't malang baa ase loo aru sɔ se kɔr-mi bè.

20Go't gugu, è ade de njégangtâge sár tee'n dè Samuel njèribe-dè-tâge ke tà Nube't.

21Tabai, go't gugu dé deje ngar. Nube ɔr Saul ngonn le Kis ade on de ase bal kɔr-sɔ. Saul nga, è girkà le Benjamin.

22Loo ke Nube sure Saul inye'n baa, è ɔr ngar dènn't ade David. Ngar David nga, Nube ɔrgo tà le'n ede nè: «Man m'inge David ngonn le Jessé. E doo ke m'tár'n dè bengrem't. A ra nyan malang se go kêm ndige le'm.»

23Ndɔ ke Nube unn ndu'n le kade Israelge njèkaje de. E ɔr Jésus njèkaje de nga girkà't le ngar David.

24Kété bita kade Jésus ree unn gir kule le'n nga, Jean-Baptiste ile mber kule dooge manné njonm le kade turi hal de. E ile mber nè nga ade kos Israelge Malang

25Loo ke nain ngɔr kade Jean ɔr son ngɔde kan-in'n baa, è deje de ede nè: «Ké sei i giri kété edi nè man nga m'ee nan wa? Man m'ee njèkaje dooge ke sei ngineii nga lé bai. Nè an-in! doo karé à ree goom't non. Doo nè nga, gabang't ke njann't géa, m'ase tute lé.» Paul tel tam ede nè:

26– Ngakonmge ke girkà't le Abraham, sei ke sei Juipge lé ke i beli Nube, ooi maje: Tà kaje nè nga Nube ule'n ade jèi malang.

27Tede dooge ke ndii kêm bee-bò ke Jérusalem se njékɔr non dege giri titeke Jésus è njèkaje dooge lé. Magtubge le njèribe-dè-tâge ke tà Nube't ke dé tute se ndɔ taa kebege karé-karé malang nga géa, dé ger gir lé a tɔ. Dé gangtà dè Jésus't d'ade tâge ke tooi kêm magtubge't le njèribe-dè-tâge ke tà Nube't aw loon't deɟ.

28D'inge tà karé bè le gang'n tà yo dè Jésus't lé. Nè né è bè géa, dé deje Pilate le kade ade dé tɔl'n.

²⁹Loo ke dé ra se Jésus nyange malang ke dé ndang kêm Magtubge't d'oje'n dè'n bá baa, d'or ninn'n kade kage-ke-dese't d'aw'n dé dubu be-bade't.

³⁰Nè Nube ade unde loo tee dann njé ke koo't.

³¹Go't gugu baa, Jésus unde'n loo tee pan ade njé ke ndo ke danni nin beekon ke Galilée awi se'n kêm bee-bò ke Jérusalem an-in nin ndo bule. Dé nè nga kuwe á dariné dé tel dé njékorgo tàge le'n kade kosdooge.

³²Jè géa, j'ile mber Tà ke Maje nè nga j'ade sei: Ndukunn ke ndo ke Nube unn ade kà jéige nga,

³³è ra nyan'n ade jèi ngannkà dege dariné. E ade Jésus unde loo tee loo yo se go tà ke dé ndang kêm magtub Pa ke njèkon't joo ede nè: «I i Ngonn'm, bila man m'oji.»

³⁴Nube ade Jésus unde loo tee dann njé ke koo't. Danra'n à tel jori potok be-bade't ndan lé. Ndo ke Nube tam kété ede nè: «Nyan ke ndo ke m'unn'n ndu'm le kade David nga, m'a made sei. E ngarankum nyan ke tò se ninn'n.»

³⁵Gir'n ke nè á Nube tam'n tà loo ke rang't bai ede nè: «Doo lei ke tò se ninn'n nga, i a kinye'n kade jori potok kêm be-bade't ndan lé.»

³⁶Loo ke ndo ke David ndi se dè'n do bai nga, è ngonn njèndi le Nube. E ra nyan se go kêmndige le Nube. Nè è wei ade dé dubu'n dè bade kànnge't d'ade danra'n jori potok.

³⁷Nè è Jésus ke Nube ade unde loo tee loo yo nga danra'n jori potok lé.

³⁸Ngakonmge, maje kade i geri tà ke j'ede sei nè nga maje: gute-ndu le Moise asekum kor tà dè si't ndan lé. Nè bila j'ile mber kêm tin mbit dè kaiya't j'ade sei takul Jésus nga.

³⁹Doo ke rara ke unde kêm'n dènn't baa, Nube à or tà dènn't kòke.

⁴⁰Bè baa, undei kumkunju dè ra si't! Njéribè-dè-tàge ke tà Nube't tami kété edi nè:

⁴¹«An-in! sei njé nede Nubege! Adi ndil si tee an-in soin soin bita weii bai. Loo ke i ndii se dè si do bai nè kuwe, m'a m'ra nyan karé ke dum kum. Ke nè á doo or ser'n ade sei géa, sei a umi kêm si dè't lé.» Adi nyan nè tee dè si't lé gar-gar.

⁴²Paul se Barnabas undei loo kêm kei kebe nan't teei nata. Dé deje de le kade teli edi de tàge nè nga se ndo taa kebe ke à ree gugu.

⁴³Loo ke gir kebe nan gang bá baa, Juipge ngain se njé ke ei Juipge lé ke doyi Nube ndoléi go Paul se Barnabas. Paul se Barnabas oji se de tà a, ndeji de le kade dé liger dè noje't ke Nube uwe se de ke kété.

Kosdoo-bulege teli kebi nan se ndo taa kebe tede kooi Tà ke Maje

⁴⁴Ndo taa kebe ke njè kutu go made nè baa, dooge malang ke kêm bee-bò ke Antioche, beekon ke Pisidie, òsi nja nan reei le kooi tà le Kuwe-bee.

⁴⁵Njé ke reei le kooi tà bulei ngain. Loo ke Juipge an-in kosdoo-bulege nè nga bè baa, jang unn gir ra de. Gir'n ke nè á, d'ute'n tàge le Paul mbeng-mbeng a, dé taje'n a tɔ.

⁴⁶Paul se Barnabas ndai kêm de káng edi de ndàt edi nè: – E sei Juipge á né j'ayé kede sei tà le Nube nga desêin. Nè sei utei tà nè nga mbeng a, an-in ra si ke dooge ke asi ndii kumgajer se non lé. Gir'n ke nè á, ðarinè j'a tel tur kum jé ke ra njé ke ei Juipge lé tá ta.

⁴⁷Tede Kuwe-bee unn ndu'n ade jè titeke bè ede nè: «M'undeï m'ade i lookar le dooge ke ei Juipge lé, le kade i unn tà kaje nè aw'n se loo-loo sár òse'n ngei nang bere mbak.»

⁴⁸Loo ke njé ke ei Juipge lé ooi tà le Paul bè baa, ei rai ranel. Ei rai Kuwe-bee Nube oiyo tede tà le'n ke ooi. Dooge malang ke Nube uwe dè nja ndikumgajer se non òje'n dè de nga, teli ei njétaakêm-Kristge.

⁴⁹Tà le Kuwe-bee oso se loo mbit-mbit kêm bee-bò ke Antioche, beekon ke Pisidie nga.

⁵⁰Dinyege ke njé ðoi Nubege ke ei njényan-kingege ndii kêm bee-bò't nè tɔ. Juipge sulei de se dooge ke kum de unju ke kêm bee-bò't nè nga adi unni gir rai kum Paul se Barnabas ndoo. Dé rɔ Paul se Barnabas kêm beekon't le de kòke.

⁵¹Nè Paul se Barnabas gegi bubur ke nja de't gág-gág umi dè't bita òti awi kêm bee ke Icone bai.

⁵²Nè né è bè géa, njékuwe-gir-Kristge ndii se ranel a, Ndil-Kêmnda taa kêm de pel-pel a tɔ.

Nyanra Njekawkulege 14

Paul se Barnabas ilei mber kêm bee-bò ke Icone

¹Paul se Barnabas awi kêm kei kebe nan't le Juipge titeke kété rai kêm bee-bò ke Antioche, beekon ke Pisidie. Ei tami tà adi nunge tchanm adi dooge. Dooge ngain dann Juipge se njé ke ei Juipge lé teli njétaakêm-Kristge.

²Nè Juipge ke nange ke njé kunn mbi de dè tà't le Jésus sulei njé ke ei Juipge lé dè Paul se Barnabas.

³Nè né è bè géa, Paul se Barnabas ndii kêm bee ke Icone ase tà't. Ei geri tite Kuwe-bee è der-gir de. Gir'n ke nè á, ei tami tà se kêmnda káng adi dooge a, dè noje ke Kuwe-bee uwe se de a tɔ. Nube ade Paul se Barnabas rai nyankòbege se nyange ke dum kum geti ngarankumtàge ke ei tami.

⁴Dooge ke kêm bee-bò't nè nga kayai nan danné joo: njé ke nange umi gir Juipge't a, njé ke nange osoi gir njékawkulege't a tɔ.

⁵Njékɔr non Juipge se Juipge a, se njé ke ei Juipge lé a tɔ, ɔji le rai Paul se Barnabas majelé a, le tilei de se kuberi herge tɔl de a tɔ.

⁶Paul se Barnabas ooi kɔbe nyan ke d'ɔje le ra se de nga kété baa, in-in an-in nan awi Lystre se Derbe, bee-bòge ke kêm beekon ke Lycaonie se beege ke an-in de de.

⁷Paul se Barnabas ilei mber kêm beege't nè malang.

Paul se Barnabas ilei mber kêm bee-bò ke Lystre

⁸Dingem karé bè ndi kêm bee ke Lystre. Doo nè nga nja'n wei tonri ade ndi nang bɔp, m in dɔ njiye ndɔ karé bè lé. E mete ke in-in'n kêm konn't.

⁹Doo nè nga ndi ur mbi'n oo'n tàge ke Paul ndi à tam. Paul an dingem nè nga kàkàk. E ger titeke doo nè nga aw se kundekêm ke asekum kaje'n.

¹⁰E ede dingem nè nga se ndu'n ke bòi beng ede nè: – Ɔse nang in dɔ, i nda se njai't dɔ jap. Njèdɔgemete nè nga in bal mbiring ɔte masas njiye.

¹¹Loo ke kosdooge an-in nyan ke Paul ra nè nga bè baa, ei tami tà se ndu de ke bòi se tà bee le de ke Lycaonie edi nè: – An-in! magege ke teli dooge reei ra jéi't.

¹²Dé nda ke loon't nè kuwe dé bar Barnabas «Zeus», nè Paul baa dé bar'n «Hermès.» Dé bar Paul «Hermès» tede è njèkunn tà tam.

¹³Dé ra kei le mage Zeus nata tà rebe ke aw ke kêm bee-bò't. Njèkuje nyan-mese le mage Zeus ree se bɔ mangege ke dé tɔ putu-kagege gai-gai ra de't nda'n tà kei't le mage Zeus nga. Njèkuje nyan-mese se doobulege ndigi tɔli mangege le gugi Paul se Barnabas.

¹⁴Loo ke njékawkulege ke joo ooi tà'n baa, ei ribei kubuge le de ke bòi yul ra de't, an-in ngɔde uri dann doobulege't. Tabai tami tà se ndu de ke bòi edi nè:

¹⁵–Made jége, ké bain á i rai nyange ke titeke bè wa? Jè géa, jè doo ndul made sige tɔ. Tà ke maje á jè ree j'ile mber'n j'ade sei kade inyei go magege ke raikarè, ɔsi wan i teli ke ra Nube ke njèndi kumgajer. Nube ke njèndi kumgajer nga kuwe á unde danran se nang, se ba-bò kate a, se nyange malang ke tooi tutu a tɔ.

¹⁶Kêm loge ke kété mari Nube inye dooge ke ei Juipge lé adi rai nyange ke kêm de ndige.

¹⁷Nè né è bè géa, è ra se de maje kum'n ke kété-kété m ebe't lé. E ra se si maje, ade sei mann-ndi ke in danrán nú ade ingei nyankuse usei, i ndii dann ranel't bɔndum.

¹⁸Loo ke Paul se Barnabas tami se doobulege titeke bè bá baa, doobulege teli wei pum-pum. Nè né è bè géa, loo koge de kuje nyan-mese gugu'n njékawkulege nga, è loo tɔl nan yo.

¹⁹Nè mbɔr go't gugu baa, Juipge in-in kêm bee ke Antioche beekon ke Pisidie, se kêm bee ke Icone reei umi tà kêm doobulege't ade in-in tilei Paul se kuberi her mbàs-mbàs. Dé ndr'n d'aw se'n d'ile'n gide bee-bò't nata. Dé gir kêm de't d'ede nè è wei bá.

²⁰Nè loo ke pajage le'n d'an-in dè'n girm baa, è ɔse nang in tel aw kêm bee't gugu. Barè lookar'n Paul in aw se Barnabas kêm bee-bò ke Derbe.

Paul se Barnabas teli awi Antioche, beekon ke Syrie

²¹Paul se Barnabas ilei mber Tà ke Maje kêm bee-bò ke Derbe ade doobulege teli ei njétaakêm-Kristge. Go't gugu, ei teli dè nja de't awi kêm bee ke Lystre a, Icone a, tabai Antioche a tɔ, kêm beekon ke Pisidie.

²²Njétaakêm-Kristge ke ndii kêm bee-bòge't nè nga, Paul se Barnabas ulei dingem kêm de't a, ndeje de kade awi kum de ke kété dè kundekêm de dè Nube't le de. Tabai ei edi de edi nè: – Gar-gar nyantosowurge à ra jèi ngain bita j'à j'awi kêm Konbee't le Nube bai.

²³Paul se Barnabas tɔri ngatogege se loo kebe nan le Nube karé-karé malang adi an-in dè njétaakêm-Kristge. Loo ke ei tɔri de bá baa, ei ɔgi kêm de bo a, an-in mann lé a tɔ, ɔji tà se Nube, bita umi ngatogege nè ji Kuwe-bee ke ei undei kêm de dènn't.

²⁴Go't gugu Paul se Barnabas undei kêm beekon ke Pisidie gangi awi kêm beekon ke Pamphilie.

²⁵Loo ke ei ilei mber kêm bee-bò ke Perge bá baa, ɔti awi kêm bee-bò ke Attalie.

²⁶Paul se Barnabas ndai loon't nè ali kêm bato't teli wan reei kêm bee-bò ke Antioche, beekon ke Syrie gugu. Antioche nè nga, è loo ke ndɔ ke kété d'um'n de ji Nube't kade an dè de ɔje'n dè kule ke d'ɔr son'n d'arinè nga.

²⁷Loo ke njékawkulege ke joo nè teli reei Antioche, beekon ke Syrie bá baa, ɔsi nja njékebe nange le Nube ɔri ser nyange malang ke Nube ra se de a, se tà rebe ke è ɔr inye wei ade dooge ke ei Juipge lé undei kêm de dènn't a tɔ adi d'oo.

²⁸Paul se Barnabas ndii se njékuwegir-Jésuge kêm bee-bò ke Antioche ase tà't.

Nyanra Njekawkulege 15

Kinge nan ke bò le njékawkulege tò Jérusalem

¹Dooge ke nange in-in kêm beekon ke Judée reei kêm bee-bò ke Antioche, beekon ke Syrie. Ei ndói nyan njétaakêm-Kristge edi nè: – Ke nè á adi d'uje tà mɔte si se go gute-ndu le Moise lé baa, Nube à aje sei ndan lé.

²Paul se Barnabas ndigi se de dè tà't nè nga lé a, naje se de tà ngain a tɔ. Gir'n ke nè á, d'ɔr'n Paul se Barnabas a, se njétaakêm-Kristge ke nange ke rang kade awi kêm bee-bò ke Jérusalem ingei njékawkulege se ngatɔgege ɔji se de tà dè tà't nè nga.

³Njékebe nange le Nube adi de nyan ke ɔje de kaw mba nè nga ji de't. Paul se Barnabas se njé ke ei se de undei kêm beekonge ke Phénicie se Samarie gangi. Ei ɔri ser tur ke dooge ke ei Juipge lé teli turi hal de undei kêm de dè Kuwe-bee't adi dooge se loo malang. Ser nyan malang ke ei ɔri go nga ade njétaakêm-Kristge ranel ke bò.

⁴Loo ke Paul se Barnabas se dooge ei se de teei kêm bee-bò ke Jérusalem bá baa, njékebe nange le Nube a, njékawkulege a, se ngatɔgege a tɔ uwei de mba se maje'n. Paul se Barnabas ɔri ser nyange malang ke Nube ra se adi d'oo.

⁵Nè Pharisienne ke nange ke teli njétaakêm-Kristge in-in tami edi nè: – Gar-gar è ta le kade j'adi njétaakêm-Kristge ke ei Juipge lé ujei tà mɔte de a, j'unni ndu jéi j'adi an-in dè gute-ndu le Moise nga sêw-sêw a tɔ.

⁶Njékawkulege se ngatɔgege ɔsi nja nan le teri gir tà nè nga kan-in.

⁷Loo ke ei naji nan tà kò de heb d'ak bá baa, Pierre in dɔ ede de ede nè: – Ngakonmge, sei geri mbak titeke Nube ɔr'm dann si't mari bere tede kade m'ile mber Tà ke Maje m'ade dooge ke ei Juipge lé ooi. Titeke bè á à undei kêm de dè Kuwe-bee Jésu't.

⁸Nube ke njè ger ngarankêm dooge tɔje titeke uwe njé ke ei Juipge lé ke rann't. Gir'n ke nè á è ade'n de Ndil-Kêmnda titeke ndɔ ke kété ade'n jéi nga tɔ.

⁹E ɔr ninn jéi se de gai lé, è ɔr se-nyange ke mine ngarankêm de't takul kêm de ke d'unde dènn't.

¹⁰A baa, ké bain á ilei kate kum Nube't d'arinè wa? Nyan ke wɔi ke kà jéige éké jèi j'asi kunni kotoi lé nga, ké bain á unni undei dè njétaakêm-Kristge't wa?

¹¹Jè geri titeke j'ingei kaje takul kêmnoje le Kuwe-bee Jésu tite de bè tɔ.

¹²Kosdooge malang ke ndii loo kebe nan't nga teli ndii sibik. Go't gugu baa, dé bere mbak d'ur mbi de d'oo'n ser nyankɔbege se nyange ke dum kum ke Nube ade Barnabas se Paul ndɔ ke rai dann dooge ke ei Juipge lé. E Barnabas se Paul kuwe á ɔri ser nyange nè adi d'oo.

¹³Loo ke ei ebi't tam tà bá baa, Jacques unn tà ke le'n tam ede nè: – Ngakonmge, uri mbi si ooi tà le'm bita.

¹⁴Kété mari kuwe, Nube ɔje le tɔr dooge dann dooge ke ei Juipge lé le kade ei kosdooge le'n ke kinge'n. E tà nè á Simon ɔrgir d'arinè ade jéi.

15Tàge le njéribé-dè-tàge ke tà Nube't nga awi nan't se tà nè tede dé ndang kêm Magtub't le Nube d'ede nè:

16«Ndɔn't go nyange't nè nga baa, m'a m'tel ree le gɔl kei kubu le David ke oso. M'a m'gɔl kumnge ke mbuté a, m'a m'gɔl'n yak-yak kunn'n kunde'n dɔ rang gugu.

17Unn gir'n kêm ndɔn't nè baa, kalè dooge à sangi Kuwe-bee, oiyo, titeke bè á dooge malang ke ei Juipge lé ke unni ri'm nga à teli kosdooge le'm.

18Kuwe-bee ke njè ra nyange malang nè nga kuwe á tam bè. Nyan ke è ra ðarinè nga, è nyan ke è ɔji rebe'n kété mari ke desêin.»

19Gir'n ke nè á man Jacques m'gir kêm't m'ede nè: Dooge ke ei Juipge lé ke ɔsi wan teli ke ra Nube't nga, maje tile konn non de't ndɔje'n de gugu lé ta.

20Nè adi jè ndangi magtub j'adi de le kade d'oge ra de dè nyange ke mine ke dé gugu'n magege a, se dè tò se nan ke kaiya't a, se dè dange ke mbir kɔbe de a, éké dè mese dange't a tɔ.

21Unn gir kété mari nga, dooge ilei mber gute-ndu le Moise kêm bee-bòge karé-karé malang a, dé tute gute-ndu le Moise kêm kei kebe nange't se ndɔ taa kebege karé-karé malang a tɔ.

Njékebe nange ndangi magtub adi njétaakêm-Kristge ke ei Juipge lé

22Njékawkulege se ngatɔgege a, se njékebe nange le Nube bere mbak ɔji njáng le kɔr dooge joo dann de't le kule de kade awi se Paul se Barnabas kêm bee-bò ke Antioche, beekon ke Syrie. Dooge ke d'ade awi nan't se Paul se Barnabas nga è Jude ke dé ðar'n Barsabbas a, Silas a tɔ. Jude se Silas nga ei ngawtà njétaakêm-Kristge ke ndii kêm bee-bò ke Jérusalem.

23Dé ndang magtub d'ade de ji de't se tàge ke nè d'ede nè: «Jè njékawkulege se ngatɔgege a, se njétaakêm-Kristge a tɔ, jè ndang magtub nè j'ade sei njétaakêm-Kristge ke sei Juipge lé ke i ndii kêm bee-bò ke Antioche, beekon ke Syrie se Cilicie. Jè ner sei.

24Jè j'oo titeke njé ke nange in-in dann jé't awi bunguli sei se tàge ade tàgirge le si aw yo-yo, nè-nè. Dé dooge nè nga, è jè á j'unn ndu jé j'ade de lé.

25Gir'n ke nè á j'um tà le jé nan't bɔk j'ɔr'n dooge j'ule'n de j'ade awi se Barnabas se Paul nan't ra si't. Barnabas se Paul nga ei kotárgé le jé,

26ke inyei ra de adi yo tede ri Kuwe-bee le jéi Jésu-Krist.

27Jude se Silas ke j'ule de nga ei kuwe à ɔri gir tàge ke jè ndang kêm magtub't nè kade ooi njai.

28Ndil-Kêmnda ɔr non jé ade j'an titeke è soo't le kunde nyankoto ke wɔi ke rang dè si't lé ta. Nè nyange ke j'à j'ede sei nè kuwe á i rai baa, ase bè.

²⁹Maje kade ɔgi ra si dè dange ke dé tɔl dé gugu'n magege se dè mese dange't a, se dè nyange ke d'uje de ke mese d'ade magege a, se dè dange ke dé mbir kɔbe de a, se dè tò se nan ke kaiya't a tɔ. Ke nè á an-in go ra si sêw-sêw dè nyange't nè baa, sei i rai nyanra ke maje. I ndii lapyá ta.»

³⁰Go't gugu d'inye njé ke d'ule de d'ade ɔti awi kêm bee-bò ke Antioche, beekon ke Syrie. Loo ke ei awi teei Antioche bá baa, ei kebi njétaakêm-Kristge adi de magtub ke dé ndang d'ade de nè nga.

³¹Loo ke njétaakêm-Kristge tutei magtub nè an-in baa, ei rai ranel tede magtub nè ule dingem kêm de't.

³²Jude se Silas ei njéribè-dè-tàge ke tà Nube't. Ei géa edi de tàge ngain a, ndeji de a, ulei dingem kêm de't a tɔ.

³³Dé ra ndɔ ase tà't kêm bee ke Antioche, beekon ke Syrie. Go't gugu bita njétaakêm-Kristge inyei de se kêm lom adi dé tel d'aw ra njé ke ulei de't bai. [

³⁴Nè Silas baa ɔje njáng le tel ndi Antioche.]

³⁵Nè né è bè géa Paul se Barnabas ndii kêm bee-bò ke Antioche, beekon ke Syrie. Ei se dooge ke rang bule ndói dooge nyan kum de ke kété-kété a, ilei mber Tà ke Maje le Kuwe-bee a tɔ.

Paul se Barnabas inyei nan

³⁶Mbɔr go't gugu baa, Paul ede Barnabas ede nè: – Ade jè teli j'awi j'ilei kum jéi dè ngakon jéige't se kêm bee-bòge malang ke ndɔ ke j'ilei mber tà le Kuwe-bee tutu nga j'an-in ké ndai dé kundekêm dè Nube't nga bai wa?

³⁷Barnabas ndige le kade Jean ke dé bar'n Marc aw se de nan't.

³⁸Kule ke ndɔ ke Jean-Marc aw le ra se Barnabas se Paul kêm bee-bò ke Pamphilie nga, è ra ɔrgir son'n lé bai kuwe baa, è inye de tà't ɔte aw loo le'n. Gir'n ke nè á Paul ndige le kade Jean-Marc tel aw'n se de lé ta.

³⁹Wong ra de dè nan't ade nanan géa unn rebe ke le'n-le'n. Barnabas ɔr Marc ile'n goon't ali kêm bato't awi kum de ke bee le'n ke Chypre.

⁴⁰Paul ɔr Silas le kade aw se'n. Nè kété bita kade Paul aw nga, njétaakêm-Kristge umi nin ji Kuwe-bee't le kade è der-gir de.

⁴¹E aw se loo-loo kêm beekonge ke Syrie se Cilicie ule dingem kêm njékebe nange't le Nube.

Nyanra Njekawkulege 16

Timothée dann Paul se Silas kêm beekon ke Europe

¹Paul ree tee kê m bée-bòge ke Derbe se Lystre. An! njètaakê m-Krist karè bè ri'n nè Timothée ndi kê m bée-bò ke Lystre. E ngonn le dinye karé ke è Juip ke njètaakê m-Krist. Nè Timothée nga, b' n è Grec.

²Njètaakê m-Kristge ke ndii kê m beege ke Lystre se Icone nga ori go tà le'n maje.

³Paul ndige le kade Timothée aw se'n. E or'n aw se'n uje tà m'ote'n, tede Juipge malang ke ndii kê m beege't nè nga geri titeke b' Timothée è Grec.

⁴Paul se Silas ori gir ndukunngé le njékawkulege se ngatogege ke unni kê m bée-bò ke Jérusalem. Ei ori gir ndukunngé nè nga adi njètaakê m-Kristge se kê m bée-bòge malang ke desi tutu le kade an-in dè sêw-sêw.

⁵Njékebe nange le Nube rai t'oge dè kundekê m't le de a, kor de in dè made't ke kété-kété se ndoge malang a t'.

Ndil-Kê mnda t'oge Paul nyan ade an kê m bée-bò ke Troas

⁶Paul se Silas undei kê m beekonge ke Phrygie se Galatie gangi se nja de d' tede Ndil-Kê mnda t'oge de kile mber tà le Nube kê m beekon ke Asie.

⁷Paul se Silas unni tà rebe undei rang ade reei ng'or se beekon ke Mysie. Ei nan-in le kawi kê m bée ke Bithynie, nè Ndil Jésus inye loo ade de lé kuwe bai.

⁸D'an bè baa, d'unde kê m beekon ke Mysie dé gang d' aw. Dé rise nang kê m bée-bò ke Troas.

⁹Loo ke dé t'ò nd'oo baa, nyanpinde Paul ade an dingem karé ke beekon ke Macédoine. Doo ke Paul an'n nga, nda se nja'n d'. Doo nè nga ra ndoo rann't ede nè: – Al garang ke kê m beekon ke Macédoine i din jè.

¹⁰Go nyanpinde't nè nga, j'in ke loon't nè kuwe jè sang le kaw Macédoine. Jè j'an titeke è Nube kuwe á bar jè kade j'aw j'ile mber Tà ke Maje j'ade dooge ke kê m beekon ke Macédoine nè nga.

Lydie njè ra gate ke kê m bée-bò ke Philippes tel njètaakê m-Krist

¹¹J'in kê m bée-bò ke Troas, j'al kê m bato't j'aw jaa kum jé ke dè goré loo ke Samothrace. Barè lookar'n baa, jè tee kê m bée ke Néapolis.

¹²J'in loon't nè j'aw kê m bée-bò ke Philippes; è bée-bò ke desêin le beekon ke Macédoine. Nè njékonbeege ke Rome taai ndii dè't. Jè ndi kê m bée-bò't nè nga ase tà't.

¹³J'unde loo jè tee nata kê m bée't se nd'oo taa kebe, j'aw kum jé ke tà ba't. Jè gir kê m jé't kété j'ede nè bainléa j'à j'inge loo karé ke deri le k'oje'n tà se Nube tà ba't nè nga. Nyan ra maje ade j'inge mate dinyege ke ndii à kebi nan loo't nè nga t'. Jè tel jè ndi nang j'ede de tà.

¹⁴Dinye karé dann de't ri'n nè Lydie, è njè ra gate. Dinye nè nga in kê m bée le'n ke ri'n nè Thyatire á ree ndi kê m bée-bò ke Philippes ige kubuge ke ker perm-perm.

Dinye nè è njè bel Ndil Nube. Lydie ndi ur mbi'n ke ra jé't. Gir'n ke nè á Kuwe-bee teen'n ngarankêm'n ade ur'n mbi'n ngaw njê't oo'n tàge ke Paul à tam.

15Loo ke d'ule Lydie manné njonm se njékêmkeige le'n bá baa, è bar jè ede nè: – Ke nè á an-in man ke njètaakêm-Krist kerote baa, i reei awi se'm béee i ndii se'm ndêin bita. E aw se jé kabr-kabr ade j'aw se'n kêm kei le'n.

Paul se Silas ndii dangai't kêm bee-bò ke Philippes

16Ndo karé bè j'aw ke loo kaje tà se Nube't. Ngonn njèndi ke dinye karé in tile kum jé. Ngonn ke dinye nè nga ndil li-ngar tò kêm'n't ade sa inge'n nyan ndaj-ndaj ade kuwenge.

17Ngonn ke dinye nè nga tase ngire gande jé se Paul ndêng-ndêng. E ra nyan go jé't kaláng-kaláng ede nè: – Dooge nè nga ei ber kulege le Nube ke njèndi sêm danrán't. Ei reei ilei mber rebe kaje adi sei.

18E ra titeke bè kum'n ke kété-kété ase ndo bule. Wong ra Paul ade tel tur ra'n dè ndil ke majelé't ke tò kêm ngonn ke dinye't nè nga, ede'n ede nè: – M'unn ndu'm se ri Jésus-Krist m'adi, unde loo i tee kêm ngonn ke dinye't nè kòke. Kêm kàdenn't nè kuwe, ndil ke majelé nga unde loo tee.

19Nè loo ke kuwe ngonn ke dinye ke sa nè nga an-in titeke dè nyankinge le de à ose ngei baa, ei uwei Paul se Silas ndori de awi se de ndá-loo't non njékonbeege't.

20Njékonbeege in-in se de ke kété awi se de ra njékan dè njérage edi de edi nè: – Dooge nè nga ei Juipge, nè bunguli loo kêm bee-bò't le jé ngain.

21Tá è ke nè á karé lé, nè dooge nè nga ilei mber nyangirkàge le de adi jè ke kêm beekon ke Rome. Nyangirkàge nè nga ndukunngé le jéi oji jè le taa éké le ra de se ndo jé-ndo jé.

22Doobulege géa in-in se Paul se Silas ke le de to. Njékan dè njérage adi dé tor kubuge ra Paul se Silas kòke bita unni ndu de adi d'unde de se ndêin maru.

23Loo ke d'unde de dé gang ra de dáp-dáp bá baa, d'aw se de d'um de dangai't. Njékan dè njérage unni ndu de adi njè ngonm tà kei dangai le kade ngonm de tchên.

24Loo ke njékan dè kei dangai inge ndukunn titeke bè baa, è aw se Paul se Silas um de dangai't gile kei't. Go't gugu, è tile kage nja de't.

25Dann ndoo bop baa, Paul se Silas oji tà se Nube't a, oji pa ulei ndubra dènn't a to. Dangai made dege uri mbi de ooi ndu de.

26Loo ke tà nain tà dè't bai baa, nang yei buk-buk ade gir kei dangai ule yirk-yirk. Ke loon't nè kuwe, tàbitkeige bere mbak teein se dè ra de a, kage ke nja dangaige't malang jorè nang yogròm a to.

²⁷Loo ke njè ngonm tà kei dangai in-in gir bi't baa, è an titeke tà kei dangaige malang tooi wei. E ɔr kuye kaskar le'n lêw le tol'n ra'n, tede è gir kêmn't titeke dangaige teei an-in nan wont ta.

²⁸Nè Paul tam tà se ndu'n ke bòi beng ede nè: – I tol rai lé, jè malang jè nda laa bai.

²⁹Njè ngonm tà kei dangai deje por aw'n kalang go dangaige't kei. E ndebe nginn-nginn oso nang non Paul se Silas.

³⁰E tee se de nata baa, è deje de ede nè: – Ngarge le'm, ké ri á m'a m'ra gar-gar le kinge'n kaje wa?

³¹Paul se Silas ilei nin dè't edi nè: – Unde kêmi dè Kuwe-bee Jésu't baa, d'a d'aji i se njénojege lei.

³²Paul se Silas edi njè ngonm tà kei dangai se njénojege le'n malang tà le Kuwe-bee.

³³Kêm kàdenn't dann ndɔɔ bɔp nè kuwe, è ɔr Paul se Silas aw se de togo tà dòge le de. Ke loon't nè kuwe, d'ule'n è se njénojege le'n malang manné njonm.

³⁴Nè njè ngonm tà dangai ade Paul se Silas awi se'n béee le'n ra de mba. E se njénojege le'n malang rai ranel tede kêmi de ke undei dè Nube't.

³⁵Barè lookar'n se ndɔgé baa, njékonbeege ulei njékan dè njérɔge adi edi njè ngonm tà kei dangai edi nè: – Inye dooge nè nga dɔ ade awi.

³⁶Njè ngonm tà kei dangai ree ede Paul tà nè nga ede nè: – Njékonbeege ulei kade m'inye sei dɔ. I teei awi se kêmlom d'arinè.

³⁷Nè Paul ede njékan dè njérɔge ke d'ule de ede nè: – Jè nga, jè dooge ke beekon ke Rome, nè d'ade i tunde jè i gangi ra jé dáp-dáp se ndèin maru tàkum dooge't malang anje gangtà dè jé't. Tabai d'unn ndu de d'ade umi jè dangai't. A baa, ké bain á d'arinè dé ndige kinye jé dɔ se go ngein wa? M-m è bè lé! Maje kade dé kuwe dé ree se ra de d'inye jè dɔ gar-gar.

³⁸Njékan dè njérɔge teli se tàge nè awi edi njékonbeege. Loo ke njékonbeege ooi titeke Paul se Silas ei dooge ke beekon ke Rome baa, bel ra de ngain,

³⁹ade reei se ra de deji de kêmi tin mbit bita adi d'inye de dɔ bai. Nè né è bè géa, njékonbeege deji Paul se Silas kade undei loo teei kêmi bee-bò le de kɔke awi rang.

⁴⁰Loo ke Paul se Silas undei loo teei dangai't baa, ei teli awi kêmi kei le Lydie ingei njétaakêm-Kristge ulei dingem kêmi de't pa bita in-in awi kété bai.

Nyanra Njekawulege 17

Paul se Silas ilei mber kêmi bee-bò ke Thessalonique

- ¹Paul se Silas undei kêm bee-bò ke Amphipolis se Appolonie gangi reei kêm bee-bò ke Thessalonique. Kei kebe nan le Juipge tò kêm bee-bò ke Thessalonique.
- ²Paul aw inge Juipge kêm kei kebe nan't titeke è ra'n kété-kété. E ndi se de kei kebe nan't bè-bè ase nja mute, è naje se de tà dè magtubge ke tooi se ninn de.
- ³E ɔrgir unde non de't tite ke Krist nga gar-gar nyankêmkon à ra'n a, à unde loo tee dann njé ke koo't gar-gar a tɔ. Paul ede de ede nè: – Jésu-Krist ke man m'ede sei tà le'n nè nga, è kuwe á è Krist.
- ⁴Njé ke nange dann Juipge't ke kum de gang dè tà't nè nga teli umi go Paul se Silas bɔk. Kos Grecge ke ilei koje dè Nube't se dinyege ke njényan-kingege se konmolége ngain géa teli umi go Paul se Silas a tɔ.
- ⁵Nè jang ra Juipge ade ɔri dooge ke njékile dɔ se njékêmyêr ke nange umi de go de't ade sulei dooge. Ei rai titeke bè adi tà oso'n ade dookêmbèege awi dè nan't kutri. Go't gugu, ei in-in awi kêm kei le Jason sangi Paul se Silas tede le kaw se de non kosdooge't nata.
- ⁶Loo ke d'inge de lé ɓaa, d'uwe Jason se njétaakêm-Kristge ke nange. Dé ndr de ngander-ngander d'aw se de non njégangtâge ke kêm bee-bò't nè nga. Tabai dé tam tà se ndu de ke bòi beng d'ede nè: – Dooge ke njé bungul loo dè nang nè bere mbak nga, ɗarinè teei laa tɔ ta.
- ⁷Dooge nè malang ei njé kute ndukunngé le César, ngar ke bò nga mbeng. Tabai dooge nè nga tami edi nè ngar karé ke rang ke ri'n nè Jésu ndi tutu non ɓai. Nè Jason uwe de ke rann't.
- ⁸Loo ke doobulege se njégangtâge ke kêm bee-bò't nè ooi tâge nè nga bè ɓaa, ei awi dè nan't kutri.
- ⁹Nè njégangtâge adi Jason se njétaakêm-Kristge ugei nar ase tà't bita inyei de dɔ ɓai.

Paul se Silas ilei mber kêm bee-bò ke Bérée

- ¹⁰Ke loon't nè kuwe, njétaakêm-Kristge ulei se Paul se Silas ndr kêm bee-bò ke Bérée. Loo ke Paul se Silas teei nú ɓaa, ei awi kêm kei kebe nan't le Juipge.
- ¹¹Juipge ke Bérée nga uwei Paul se Silas ke ra de't maje dum njé ke kêm bee-bò ke Thessalonique. Dé taa Tà ke Maje kalang, nè se ndr karé-karé dé nder gir tà ke kêm magtubge't le Nube le kan, ké tâge ke Paul ede nga è titeke bè kuwe wa?
- ¹²Dooge ngain dann de't teli njétaakêm-Kristge. Dinyege ke ei njényan-kingege se konmolége a, se dingemge ase tà't teli njétaakêm-Kristge tɔ.
- ¹³Nè loo ke Juipge ke Thessalonique ooi tite ke Paul ile mber tà le Nube kêm bee ke Bérée tɔ ɓaa, ei reei sulei dooge. Juipge rai titeke bè adi kos dookêmbèege awi dè nan't kutri tabai.

14Ke loon't nè kuwe, njétaakêm-Kristge ulei se Paul ade aw kum'n se ke tà ba-bò kate't, nè Silas se Timothée á nain-in kêm bee ke Bérée.

15Njé ke danni Paul nga awi se'n sár kêm bee-bò ke Athènes bita òsi teli bai. Paul unn ndu'n ade de kade d'aw d'ede Silas se Timothée kade reei kalang ingei nin kêm bee-bò ke Athènes.

Paul aw kêm bee-bò ke Athènes

16Loo ke Paul ndi à ngine Silas se Timothée kêm bee-bò ke Athènes nga baa, è an magege taai kêm bee-bò nè nga pel-pel. Gir'n ke nè á wong ra'n ade kêm'n aw biriri-biriri.

17E oje tà se Juipge se njé ke ei Juipge lé ke ilei koje dè Nube't kêm kei kebe nan't. Se ndoge malang, è oje tà se dooge ke inge de ndá-loo't karè a tɔ.

18Baw nyangerge ke nange ke ei njé ndó nyange le Epicure se Zénon oji tà se Paul. Njé ke karége tami edi nè: – Ké tà ri á hel kêm-ngarr nè ndige tam wa? Njé ke rang tami edi nè: – J'an titeke doo nè nga è njè kile mber le Nube ke mbage. Dé tam bè tede Paul ile mber Tà ke maje le Jésus a, se tà kunde loo tee le'n dann njé ke koo't a tɔ.

19D'uwe Paul d'aw se'n dè mbal ke dé bar'n «Aéropage», dé deje'n d'ede nè: – Nyan-ndó ke kige ke i tam tà'n nè nga, ké asekum kɔrgir kade j'oo lé wa?

20Nyange ke i tee se tà'n ade j'oo nè nga, è tà ke gai ke ra jè bel. Jè ndige le ger gir tà nè nga njai d'arinè.

21Dooge ke kêm bee-bò ke Athènes se mbage malang ke ndii dann de't nga, kule ra de ke rang goto. Nè kɔr ser nyange a, kur mbi tchên koo'n ser nyange ke teei a tɔ á è kule ra de se ndoge malang.

22Paul in nda dɔ dè mbal ke ri'n nè «Aéropage» ede tà ede nè: – Sei dooge ke i ndii kêm bee-bò ke Athènes, dann nyange't malang nga m'an titeke sei sei dooge ke i manmi Nube ngain dum dooge ke rang malang.

23Kerɔte kuwe, loo ke m'a m'dere kêm bee-bò't le si nga, m'ter nyange ke sei i dɔyi de nga baa, m'tee dè d'inger loo nyankuje-mese karé ke dé ndang nyan dè't d'ede nè: «Nube ke doo ger'n lé.» E Nube ke sei i dɔyi nin nal ger'n nè nga kuwe á m'ree le kede sei tà le'n d'arinè.

24Nube ke njè ra nang se nyange malang ke tooi tutu nga, è kuwe è Kuwe-bee ke danrán se nang nè a tɔ. E ndi kêm kei ke tò se ninn'n ke ji doo á ra lé.

25Nube aw ndoo kade ji dooge tá ra nyan ade'n lé, tede nyan karé géa nal'n lé. Nè è ade dooge bere mbak ndikumgajer a, kebe ke taai a, se gute nyange malang ke awi ndoo'n a tɔ.

26Girkoje doo karé bere luk-luk kuwe á Nube unde'n girkoje kosdooge malang ke ndii dè nang nè bere mbak. E oje kurloo se ninn loo ndi de ade de a tɔ.

²⁷Nube ra titeke bè le kade dooge sangi nin a, manmi nin mêm-mêm ingei nin a tɔ. E nga ndi heb se doo karé dann jéi't lé.

²⁸Kerɔte kuwe, «takul'n è á jè ndii'n kumgajer, jè yei'n ra jéi a, jè ndii'n tutu bai a tɔ.» Njé nder gir kumkunjuge le si ke nange tami kété edi nè: «Jè géa jè girkà le'n kuwe tɔ.»

²⁹Titeke jè girkà le Nube nga, gar-gar jè gir kê'm jé't j'ede nè: Nube tò asenan se nar-ɔr éké nar-nda éké her ke dé tɔl de se gos ger tɔl nyan a, se go tàgir le dooge nga bè lé.

³⁰Nyanra dooge kê'm ndɔge ke kété mari ke geri Nube lé bai nga, Nube unn kum'n mbeng dè't kɔke. Nè d'arinè è unn ndu'n ade dooge malang se loo malang kade turi hal de.

³¹E ɔje ndɔ karé ke le gang'n tà se dè naje'n dè dooge malang ke ndii dè nang nè. Nube ɔr doo karé unde'n ke njègangtà bá. Doo nè nga, Nube ade unde loo tee dann njé ke koo't tede kade dooge malang undei kê'm de dènn't.

³²Nè loo ke baw nyangerge ooi tà ke ɔje dè kunde loo tee dann njé ke koo't baa, njé ke karége tulei mbe dè Paul't. Njé ke rang ke nange tami edi nè: – Ndɔ ke rang bita j'à tel koo tà lei ke ɔje dè tà nè bai.

³³Titeke bè á Paul unde loo tee dann de't aw.

³⁴Nè né è bè géa, njé ke nange teli osoi girn't a, undei kê'm de dè Nube't a tɔ. Denys se Damaris dinye karé bè a, se njé ke rang-ge bule teli ei njétaakê'm-Kristge dann dooge ke osoi gir Paul't nga. Denys nga è è ke karé dann balkum dooge ke njé kan dè loo ke dé bar'n «Aéropage.»

Nyanra Njekawkulege 18

Paul aw kê'm bee-bò ke Corinthe

¹Go't gugu baa, Paul in kê'm bee-bò ke Athènes aw kê'm bee-bò ke Corinthe.

²Kê'm bee't nè nga, Paul inge Juip karé bè ri'n nè Aquilas, bee koje'n è Pont. Aquilas se neen'n Priscille in-in kê'm beekon ke Italie reei ngɔr bai, tede Claude unn ndu'n le kade Juipge malang undei loo teei kɔke kê'm bee-bò ke Rome. Paul aw ra de't um se de nan't bɔk.

³Paul aw inge Aquilas se neen'n ndi se de tede ei kɔde kojo kei kubu madenngé.

⁴Se ndɔ taa kebe karé-karé malang, Paul aw ɔje tà se njé ei Juipge se njé ke ei Juipge lé a tɔ, kê'm kei kebe nan't. E sang le kade kum de gang dè tà't le Nube.

⁵Loo ke Silas se Timothée in-in kê'm beekon ke Macédoine reei bá baa, Paul tel orè kum'n dè kɔrgirtà't le Nube kuwe deri. E ede Juipge ndàt titeke Jésu nga è Krist kuwe.

⁶Nè loo ke Juipge utei tà le Paul mbeng a, taji nin a tɔ baa, è yei kubuge le'n yák-yák ede de ede nè: – Maje kade mese si oso dè si sei't kuwe! Man baa, tà le mese si à uwe dè'm lé. Unn gir d'arinè, m'a m'tel ra'm ke ra dooge ke geri Nube lé't ta.

⁷Paul in loo't nè aw kê m kei le doo karé bè ke ri'n nè Titus Justus. Doo nè nga è njè kile koje dè Nube't. Kei le'n tò kɔte nan't se kei kebe nan.

⁸Nè né è bè géa, Crispus ngar dè kei kebe nan se njé ke kê m kei le'n bere mbak undei kê m de dè Kuwe-bee't. Dooge ngain ke kê m bee-bò ke Corinthe ke uri mbi de ooi tà le Paul nga teli njétaakê m-Kristge ade d'ule de manné njonm.

⁹Ndɔ karé bè, Kuwe-bee ede Paul dann ndɔ se nyanpinde ede nè: – I tam tà kumi ke kété-kété m i bel lé!

¹⁰M'a m'ee der giri, doo karé bè géa à kuwei rai majelé lé, tede m'aw se kosdooge le'm ke bulei d'ik-d'ik kê m bee-bò't nè nga.

¹¹Paul ndi se de kê m bee-bò ke Corinthe bal karé se nan mute-mute ndó dooge malang tà le Nube.

¹²Loo ke Gallion ee'n njèkonbee ke beekon ke Achaie nga, Juipge umi tà le de nan't karé in-in uwei Paul awi se'n loo gangtà't edi nè:

¹³– Doo nè nga sule dooge ade ilei koje dè Nube't se go rebe ke tò gai se le gute-ndu.

¹⁴Loo ke Paul ayé tam tà baa, Gallion ede Juipge ede nè: – Hai! Juipge, ke nè á è tà ke ɔje dè nyanra ke se dè naje'n lé éké nyanra ke majelé bá baa, né m'a m'ur mbi'm koo'n tà sêke le si.

¹⁵Nè ke nè á è tà ke nange ke ɔje dè naje nan tàge karé éké ɔje dè rige éké ɔje dè gute-ndu le si baa, sei kuwe an-in tà le si. Man m'ndige le k'ee njègangtà de tàge ke titeke bè nga lé.

¹⁶Gallion rɔ Juipge kɔke loo gangtà't.

¹⁷Juipge malang uwei Sosthène, ngar dè kei kebe nan, ei tundei nin loo gangtà't nè nga. Nè usu Gallion nyan karé géa lé.

Paul tel aw kê m bee-bò ke Antioche, beekon ke Syrie

¹⁸Paul tel ndi kê m bee-bò ke Corinthe ase tà't. Go't gugu, è inye njétaakê m-Kristge, è al kê m bato't tel aw beekon ke Syrie. Priscille se Aquilas géa awi se'n nan't tɔ. Paul ade dé ndise dè'n nda kê m bee ke Cenchrées tede ndu'n ke ndɔ ke è unn.

¹⁹Loo ke ei reei risi nanga kê m bee-bò ke Ephèse baa, Paul inye njémade-loo-kawge le'n. E aw kê m kei kebe nan't ɔje tà se Juipge.

²⁰Ei nè nga deji nin le kade ndi se de mbɔr bita, nè è ndige lé.

²¹E ube de inye de, ede de ede nè: – Ke nè á Nube ndige baa, m’a tel ree ra si’t bai. Paul al kêm bato’t aw kêm bee-bò ke Ephèse.

²²E ree rise nanga kêm bee-bò ke Césarée. E aw ra lapyà njékebe nange le Nube ke kêm bee-bò ke Jérusalem bita in aw kêm bee-bò ke Antioche bai.

Kaw mba kile mber le Paul ke njèkon’t mute

²³Paul ndi kêm bee-bò ke Antioche mbor bita in aw se loo-loo kêm beekonge ke Galatie se Phrygie, è ule dingem kêm njétaakêm-Kristge’t malang.

²⁴Dingem karé bè è Juip ri’n nè Apollos, bee koje’n è Alexandrie, ree kêm bee-bò ke Ephèse to. Dingem nè nga è doo ke ger tam tà ngain a, ger magtubge le Nube ngain a to.

²⁵E doo ke dé ndó’n rebe le Kuwe-bee d’ade ger maje. E doo ke tàgir le’n ndi kum. Apollos ile mber a, ndó dooge nyan ke oje dè Jésus se ngang’n bêrêr-bêrêr. Nè mber kile le Jean ke njèkule dooge manné njonm kuwe karé á ger.

²⁶E unn gir kile mber kêm kei kebe nan’t se kêmnda káng. Nè loo ke Aquilas se Priscille ooi tà le’n bè baa, ei uwei nin ke ra de’t ori gir tà le Nube se ngang’n bêrêr-bêrêr adi oo maje dum ke kété.

²⁷Titeke ke Apollos oje njáng le kaw kêm beekon ke Achaie nga baa, njétaakêm-Kristge ulei dingem kêm’n’t le kade aw. Gir’n ke nè á ei ndangi magtub adi njétaakêm-Kristge ke Achaie le kade uwei Apollos ke ra de’t. Loo ke è tee nú fá baa, Nube uwe se’n noje ade tel è kage-gete njétaakêm-Kristge.

²⁸E or lanm tà Juipge’t nata ndái-ndái. E toje de se go tà ke tò kêm Magtub’t le Nube tite Jésus è Krist nga kuwe.

Nyanra Njekawkulege 19

Paul ndó de nyan kêm bee-bò ke Ephèse

¹Loo ke Apollos nain kêm bee-bò ke Corinthe bai baa, Paul unde kêm beekon ke kade mbalge’t se njà’n do gang aw kêm bee-bò ke Ephèse. E inge pajage le Jean ke njèkule dooge manné njonm. E deje de ede nè:

²– Loo ke ndo ke undei kêm si dè Nube’t nga, ké ingei Ndil-Kêmnda kuwe wa? Pajage le Jean ilei Paul dè’t edi nè: – Tà le ndi tutu le Ndil-Kêmnda nga, ndo karé bè géa j’oo lé.

³Paul tel deje de ede nè: – A baa, kule manné njonm le nan á d’ule sei tutu ta wa? Dé nè nga d’ile’n dè’t d’ede nè: – Kule manné njonm le Jean á d’ule jè tutu.

⁴Nè Paul ede nè: – Kule dooge manné njonm ke oje dè tur hal á è nyan ke ndo ke Jean ra. E ede kosdooge le kade undei kêm de dè è ke à ree goon’t. E ke à ree go Jean’t nga è Jésus.

⁵Loo ke d’oo tà nè bè baa, d’ade d’ule manné njonm se ri Kuwe-bee Jésus.

⁶Paul ile ji'n de de't baa, Ndil-Kêmda ree de de't. D'unn gir tam tà tam dooge gai-gai a, dé ribe de tàge ke in tà Nube't a tɔ.

⁷Dé malang d'ase dingemge dɔg-gidé-joo.

⁸Paul aw kê m kei kebe nan't ede de tà se kêmda káng. E ɔje se de tà ase nan mute ade kum Juipge gang de Konbee't le Nube.

⁹Nè njé ke nange ei njékênderge se njé kunn mbi de tàge't. Ei tami tà ke majelé de rebe't le Kuwe-bee tàkum doobulege't. Paul ɔr ra'n ra de't kɔke baa, è ɔr kum njétaakê m-Kristge gai ɔje de tà se ndɔ karé-karé kê m kei ndó nyan't le Tiranus.

¹⁰E ra titeke bè ase bal joo ade dooge malang ke ndii kê m beekon ke Asie, Juipge se njé ke ei Juipge lé ooi tà le Kuwe-bee.

Nyan ke majelé ke tee de ngann le Scéva

¹¹Nube ade Paul ra nyankɔbege ke deri se ji'n.

¹²Dooge awi sár otoi tà kubuge se kubuge ke kule ra't reei ɔdi ra Paul bita awi ilei de njératurge't bai. Titeke bè á raturge ɔri de de't a, ndilge ke majelé unde loo teei kê m de't kɔke a tɔ.

¹³Nè Juipge ke nange ke njé rɔ ndilge ke majelé kê m dooge't in-in awi se loo-loo ke le de tɔ. Ei kuwe in-in se de de bari ri Kuwe-bee Jé su le rɔ'n ndilge ke majelé kê m dooge't edi nè: – Man m'unn ndu'm m'ade sei se ri Jé su ke Paul ile mber tà le'n.

¹⁴Njé ke ji sejimute ke njé ra nyange nè nga ei ngann le Juip karé bè ke ri'n nè Scéva. Scéva nga è maw njèkuje nyan-mese karé dann njèkuje nyan-mesege't.

¹⁵Nè ndɔ karé bè, ndil ke majelé ede ngann le scéva ede nè: – Jé su baa, m'ger'n mbak, Paul géa m'ger'n a tɔ. Nè ké sei sei nange wa?

¹⁶Doo ke ndil ke majelé tò kê mn't nga al bal oso se de sandak uwe de gudu de ngoin-ngoin malang a, ade de dò a tɔ. D'unde loo kê m kei nè dé tee d'an-in nan yɔl-yɔl mbur de suturu.

¹⁷Dooge malang ke ndii kê m bee-bò ke Ephèse, Juipge se njé ke ei Juipge lé geri nyan ke tee nè nga. Bel unde de ndàt gang de malang ade ilei ribar de ri Kuwe-bee Jé su't.

¹⁸Dooge ngain dann njétaakê m-Kristge reei ɔri gir nyanra dege ke majelé ke nata.

¹⁹Dooge bule dann njé ra nyan mbelige reei se magtub ra mbelige le de bei de nan't loo karé rói rák-rák tàkum dooge't nata ndái-ndái. Dé mbɔje nar magtubge nè nga baa, d'inge asekum nar-nda aru dɔg loo kɔr-mige bè.

²⁰Titeke bè á tà le Kuwe-bee ra'n tɔg ke kété-kété a, taa'n loo pel-pel a tɔ, takul tɔgmong le Kuwe-bee.

²¹Loo ke gir nyange nè gang bá baa, Paul ɔje kêm'n't le kunde kêm beekon ke Macédoine se Achaie se nja'n dɔ gang tede le kaw kêm bee-bò ke Jérusalem. E tam ede nè: – Loo ke m'a m'tee nú baa, gar-gar m'a m'aw kan bee-bò ke Rome se kum'm.

²²Paul ule njé ra senngé joo, Timothée se Eraste ade awi kêm beekon ke Macédoine; nè è baa tel ndi kêm beekon ke Asie ade kò'n tò mbɔr.

Démétrius, kɔde nim ninge um tà kêm doogé't

²³Kêm ndɔge't nè nga, tà ke bò asetam oso ade doogé awi de nan't ngater-ngater ɔje dè tà le Kuwe-bee Jésus.

²⁴Kɔde nim ninge karé ri'n nè Démétrius. E leen nar-nda ra'n keige le mage ke dinye ke ri'n nè Artémis. Démétrius inge nyange ndaj-ndaj ade kɔde nim nyange.

²⁵E ɔse nja njé ra kule leen nyange se kɔde madenngé ke rang nan't ede de ede nè: – Sei geri mbak tite ke nyanbaw le jéi tò ɔje dè kule nè nga.

²⁶Nyan ke Paul ra nga, sei an-in se kum si a, ooi tà'n se mbi si a tɔ. E kêm bee-bò ke Ephèse nè á se kar'n lé, nè nain ngɔr kade è beekon ke Asie bere mbak kuwe Paul nè nga um tà kêm doobulege't ase tà't ade teli ei lenngé. Tabai è tam titeke magege ke doogé rai de se ji de nga, ei magege lé.

²⁷Tuju ke à oso nga à ɔje dè kule le jéi á se kar'n lé. Nè kei ke bò le mage ke dinye ke ri'n nè Artémis nga géa à tel k'ee nyan ke raikarè. Tabai ribar le'n ke oso se loo mbit-mbit ade doogé ke kêm beekon ke Asie se dè nang ndi doogé bere mbak ilei koje dènn't nga à ɔse ngei ngai a tɔ.

²⁸Loo ke doogé ooi tàge nè nga bè baa, wong rusu kêm de njin-njin ade rai nyan beng-beng edi nè: – Artémis le doogé ke kêm bee-bò ke Ephèse nga, è ke bò!

²⁹Doogé malang ke kêm bee-bò't nè awi dè nan't ngater-ngater, an-in ñiriri reei loo ra nyan-tɔjege't. D'uwe njémade-loo-kawge le Paul, Gaius se Aristarque dé ndɔr de ngander-ngander dé ree se de loo ra nyan-tɔjege't nè nga. Gaius se Aristarque nga, ei doogé ke beekon ke Macédoine.

³⁰Paul ndige kal garang ree dann kosdoogé't nè nga, nè njétaakêm-Kristge á ɔgi nin.

³¹Doogé ke nange kêm beekon ke Asie ke ei made Paulge ulei rann't gɔri nin le kade aw loo nyan-tɔjege't nè nga lé, nè bainléa à inge tuju.

³²Doogé rai nyan wuu-wuu táai mbur nan yo ke nè tede doogé ke njékebe nange awi dè nan't ngater-ngater ade njé ke nange ngain dann de't geri gir nyan ke kebi nan tede nga lé.

³³Juipge ɔsi Alexandre balang-balang ade unde loo tee dann doobulege't nè nga. Doobulege ileii non de't kété umi nan goon't. Alexandre yei ji'n: è ndige tam tà dè rann't tàkum doobulege't nè nga.

³⁴Nè loo ke dé ger titeke è Juip baa, dé malang d'unde ndu de nan't dé ra nyan wuu-wuu ase ngire kàde jooge bè d'ede nè: – Artémis le njé ke kêm bee-bò ke Ephèse nga, è ke bò!

³⁵Nè né è bè géa, njèndang magtub le bee-bò ke Ephèse ree ngɔr ra doobulege't ede nè: – Sei dooge ke kêm bee ke Ephèse, ké doo ke ra á nal ger titeke bee-bò ke Ephèse è njè ngonm kei le Artémis ke dinye ke bò nga wa? Ké nan nal ger titeke bee-bò ke Ephèse nè nga è kum gute tà kei le Artémis ke in danrán oso wa?

³⁶Bè baa, loo naje dè nyange nè goto ta. Nè gar-gar ilei kêm si m in-in kalang i rai nyan lé.

³⁷Tede dooge nè ke sei i reei se de nga, ei rai nyan ke tò yêr se mage le jéi ke dinye nè lé a, tajii lé a tɔ.

³⁸Ke nè á Démétrius se njé ra se'n kulege awi se doo karé se tà baa, è tà le kade awi se tà nè loo gangtà't nata tede njékonbeege ndii tutu. Maje kade dé sêke nan ra de't tite kêm de ndige.

³⁹Tabai ke nè á sei awi se tàge ke rang le nderi gir bai baa, d'a gang rebe'n kade sei loo kebe nan't ke ndukunn ɔje.

⁴⁰Ke nè á d'ile tà ke ɔje dè sule dooge dè njékonbeege't dè jéi't, ɔje dè gir kebe nan le jéi ke bila nè baa, j'asikum kingei tà karé bè le tam kedi de lé.

⁴¹Loo ke njèndang magtub nè tam tàge nè bè baa, è inye njékebe nange ade gangi nan kòke.

Nyanra Njekawkulege 20

Paul aw kêm beekon ke Macédoine a, è aw kêm beekon ke Grèce a tɔ

¹Loo ke ká loo tel pan keng baa, Paul ade dé bar njétaakêm-Kristge ade reei ingei nin. E ndeje de a, è ra de lapyà a tɔ, bita è inye de ɔte aw kêm beekon ke Macédoine bai.

²E unde kêm beekon nè nga gang ndeje njétaakêm-Kristge se tàge ngain bita in aw beekon ke Grèce ndi tutu ase nan mute.

³Loo ke nain ngɔr kade Paul al kêm bato't le kaw kêm beekon ke Syrie bá baa, d'ede'n mêt titeke Juipge ɔri nan tà dènn't le kumi nin rebe. E ɔse wan tel dè njann't se rebe ke beekon ke Macédoine.

⁴Sopater ngonn le Pyrrhus ke bee le'n è Bérée dann Paul aw se'n. Aristarque se Secundus ke bee le de è Thessalonique a, Gaius doo ke Derbe kêm beekon ke Macédoine a, se Timothée a, Tychique se Trophime ke kêm beekon ke Asie géa dann Paul a tɔ.

⁵Dé nè nga d'aw kété, dé ngine jè kêm bee ke Troas.

⁶Nè jè baa, gir ndoge ke oje dè ra nan Paque dere pa bita j'al bato kêm bee ke Philippes. J'aw sár ase ndo mi bita jè tee ra de't Troas bai. Jè ndi kêm bee-bò ke Troas nè nga jè ra ndo ji sejimute.

⁷Ndo ke desêin ke njè kutu go ndo taa kebe, jè kebe nan le tête nan mapa. Paul ndi dè njann't le kin kaw barè. E oje tà se njékebe nange le Nube sár dann loo bop.

Paul ade Eutique tõe ndel in

⁸Kêm kei ke dè madege't do ke jè kebe nan tutu nga, lampege bule ase tà't ndogói tutu kotong.

⁹Ngonn basa karé bè ri'n nè Eutique ndi tàkum bolè loo't ngor. Bi ase'n nák loo ke Paul ndi oje'n se de tà ade kò'n ebe dák. Bi ase ngonn basa nè nga nák ade in dè kei ke njekon't mute ke d'unde dè made't oso njanm. Dooge reei utei yo'n do kɔnonn.

¹⁰Nè Paul rise aw dugu nang dènn't, è unn'n uwe'n jinn't ede nè: – Adi kêm si tò kekek lé, tede ndil'n nain rann't laa bai.

¹¹Loo ke Paul tel al aw do gugu baa, è tête mapa use. Tabai è tel oje se de tà sár loo din-in dil bita unde loo tee aw.

¹²Nè basa doo nè nga, dé tel dé ree se'n béee kumgajer. Kêm dooge malang oso nang pon.

Paul in kêm bee-bò ke Troas aw kêm bee ke Milet

¹³Nè jè baa j'al kêm bato't j'aw kété kêm bee ke Assos. Nè loo nè nga gar-gar j'à tel kunn Paul tutu. E oje njáng titeke bè tede è unn ndu'n le kaw se rebe-kose.

¹⁴Loo ke è ree inge jè kêm bee-bò ke Assos bá baa, j'unn'n kêm bato't tede le kaw kêm bee-bò ke Mitylène.

¹⁵J'in loon't nè j'aw se dann ba-bò kate sár lookar'n baa, j'an dè goré loo ke Chio non jé't dil. Ndo ke njekon't joo baa, j'aw kum jé ke Samos. Ndo ke njekon't mute baa, jè tee kêm bee-bò ke Milet.

¹⁶Paul oje njáng le kunde kêm bee-bò ke Ephèse se nja'n do gang m è ndige nda nang tuju ndoge le'n kêm beekon ke Asie lé. E ute ra'n kalang ké n'a kasekum tee Jérusalem se ndo ra nan Pentecote nga lé wa?

paul ndeje ngatogege ke kêm bee ke Ephèse

¹⁷Nè né è bè géa, loo ke Paul tee kêm bee ke Milet baa, è ule kule bar ngatogege le njékebe nange le Nube ke kêm bee-bò ke Ephèse.

¹⁸Loo ke ei reei ingei nin bá baa, è ede de ede nè: – Unn gir kêm ndo ke desêin ke m'ile'n nja'm kêm beekon ke Asie nga, sei geri pa njiye'm ke m'njiye'n se si se loo malang.

- 19M'ra kule ber m'ade Kuwe-bee se ngonn koje ke deri se mann non kum't dann nyange ke nan-in man, se go kɔr ke Juipge ɔri nan tà dèm't a tɔ.
- 20Sei geri mbak, man m'ɔyɔ se si dè nyan karé bè ke maje tede le si nga lé. M'ebe ra'm kɔrgir tà éké ndó sei nyan nata tàkum dooge't ndái-ndái éké kêm keige't nga lé a tɔ.
- 21M'ile mber m'ade Juipge se njé ke ei Juipge lé le kade ɔsi wan teli ke ra Nube't a, undei kêm de dè Kuwe-bee't le jéi Jésus nga a tɔ.
- 22An-in! m'ee dangai le Ndil-Kêmnda. Gar-gar m'a m'aw loo ke è ndige kɔr non'm kaw se'm tutu. Gir'n ke nè á ðarinè m'ndi m'aw'n ke Jérusalem nal ger nyan ke à tee dèm't tutu.
- 23Nè nyan karé ɓaa, Ndil-Kêmnda ede'm ndàt ede nè: Kêm bee-bòge karé-karé malang ke m'a m'aw tutu nga, sulge se nyantosowurge tooi nginei man.
- 24Ndikumgajer le'm dè nang nè nga, m'an ke nyan ke ngain le tɔse kum dè't lé. Nè kɔr son ngɔde le'm se kule ke Kuwe-bee Jésus-Krist um jim't á ke nyan ke uwe kêm'm. Kule ke Kuwe-bee um jim't nga, è kule kile mber Tà ke Maje ke ɔje dè kêmnoje le Nube.
- 25An-in! sei malang ke ndɔ ke m'aw m'ile mber Konbee le Nube dann si't nga, ðarinè m'ger titeke a an-in kum'm gugu lé ta.
- 26Gir'n ke nè á m'ede'n sei ndàt ɓila titeke tà yo doo karé bè géa dann si't uwe dè'm lé.
- 27Kerɔte kuwe, m'ɔyɔ se si dè nyan karé bè lé, nè nyan malang ke Nube ɔje nga m'ede sei m'ade ooi mbak.
- 28Undei kumkunju dè ra si't se dè bate kosge malang ke Ndil-Kêmnda unde sei ke njékan dè dege. Uli njékebe nange le Nube ke è ndogo de se mese'n ke kinge'n.
- 29Man m'ger mbak, loo ke m'a m'in kaw ɓaa, heng-ge ke tooi bel à uri dann si't le sanrin bate kosge nè nga.
- 30Man m'ger mbak titeke dooge à in-in dann si sei't le tėti tà tchap-tchap ndɔri njétaakêm-Kristge go de't.
- 31Gir'n ke nè á m'ede'n sei kade i ndii kum adi kêm si olé titeke m'ndeje sei karé-karé malang kada a, ndɔɔ a, se mann non kum't m m'ebe ra'm lé a tɔ.
- 32Darinè, m'um sei ji Nube't a, m'um sei dann tà kêmnoje't le'n a tɔ. Tà kêmnoje le Nube nga asekum ra se sei kade ingei nyange malang ke Nube uwe dè nja unde konn tede le njétaakêm-Kristge malang.
- 33M'aw ndoo nar-nda éké nar-ɔr éké kubu le doo karé lé.

³⁴Sei kuwe i geri mbak titeke ji'm man kuwe á m'ra'n kule bita m'inge'n nyange ke man se njémade-loo-kawge le'm j'aw ndoo de.

³⁵M'ndó sei titeke bè ɔje dè nyan malang, kade ulei ra si ndibe loo ra kule't gar-gar tede le ra'n se njétɔg gotoge. Adi kêm si olé dè tàgè't ke Kuwe-bee Jésu kuwe tam ede nè: «Kunn nyan kade è ranel ngain dum taa nyan.»

³⁶Loo ke Paul tam tàgè nè nga bè baa, è ɔse keje'n nang ɔje tà se Nube tede le de malang.

³⁷Dé malang d'um non sut, d'ul nan kɔbe Paul't a, d'uwe'n kàde de't sêm a tɔ.

³⁸Tam ke Paul tam ede nè d'a kan kum'n gugu lé ta nga, è tà karé ke ree se kumndoo ade de ngain. Nè né è bè géa, dé dann'n sár d'aw se'n tà bato't.

Nyanra Njekawkulege 21

Paul in Milet aw Tyr a, aw Césarée a tɔ

¹Nè loo ke j'inye de baa, j'al kêm bato't j'aw jáa jè sɔbe dè goré loo ke Kos. Ndo ke njekon't joo, jè tee Rhodes. J'in loon't nè j'aw kêm bee ke Patara.

²Loo ke j'inge bato karé ke ayé gang mann kaw beekon ke Phénicie baa, j'al kêmé j'aw.

³Nè loo ke j'an dè goré loo ke Chypre non jét dil baa, j'inye'n dè jigel jét, j'aw kum jé ke beekon ke Syrie j'aw jè rise nang kêm bee-bò ke Tyr. Jè nda nang loot nè j'ade d'ɔr nyange ke kêm bato't nang.

⁴J'inge njétaakêm-Kristge kêm bee-bò ke Tyr. Jè ndi se de ase ndo ji sejimute. Ndil-Kêmnda ɔse njétaakêm-Kristge nè nga balang ade edi Paul le kade aw kêm bee-bò ke Jérusalem lé.

⁵Nè loo ke jè ra se de ndoge nè nga jè tɔl mbas bá baa, j'in j'aw. D'in malang se neen dege a, se ngann dege a tɔ, dé dann jé sár d'aw se jé gide bee-bò't nata. J'ɔse keje jé nang tà ba-bò't j'ɔje tà se Nube.

⁶Tabai loo ke jè ra nan lapyá gir gang bá baa, j'al kêm bato't. Dooge ke njé dann jègè géa teli awi loo le de, le de.

⁷J'ɔr son kaw mba le jé se rebe ke manné kêm bee-bò ke Tyr. J'in Tyr j'aw kêm bee-bò ke Ptolémaïs. Jè ra lapyá njétaakêm-Kristge ke tutu, jè ndi se de ndo karé bita j'in bai.

⁸Loo ke ra ndo joo go't baa, jè tel j'aw kêm bee-bò ke Césaree. Go't gugu baa, j'aw jè ndi kêm kei le Philippe njékile mber Tà ke Maje. Philippe nga, è è ke karé dann dooge ke ji sejimute't ke ndo ke d'ɔr de ke njékan dè nyange le njékebe nange le Nube.

⁹Doo nè nga aw se ngannenge ke mande ke anje ger dingem so ndii à ribei dè tà ke tà Nube't.

¹⁰Jè ndi se Philippe ndo bule. Njèribe-dè-tà ke tà Nube't karé bè ri'n nè Agabus in kêm beekon ke Judée ree ra jé't.

Paul aw ke kêm bee-bò ke Jérusalem

¹¹Agabus unn ndar do dè kubu le Paul tɔ'n nja'n se ji'n ede nè: – Ooi tà ke Ndil-Kêmnda tam: Doo ke ndar do dè kubu le'n tò nè nga, Juipge ke kêm bee-bò ke Jérusalem à tɔci nin titeke bè le kulei nin ji dooge ke ei Juipge lé.

¹²Loo ke j'oo tàge nè nga bè baa, jè se njébeege jè gɔr Paul le kade aw kêm bee-bò ke Jérusalem nga lé.

¹³Ke loon't nè kuwe, Paul deje de ede nè: – Ké tede ri á i non-in adi bengre'm ayé gang'n dɔs wa? Man m'uwe dè nja ra'm le kade dé tɔɔ'm á go karé lé, nè m'uwe dè nja ra'm le kwei tede ri Kuwe-bee Jésus kêm bee-bò ke Jérusalem.

¹⁴Nè loo ke Paul um tà go jé't lé baa, jè tel j'ebe't gɔr'n j'ede nè: – Maje kade Kuwe-bee ra nyan ke kêm'n ndige.

¹⁵Jè ra ndo asetam loo't nè bita j'uwe dè nja ra jé j'in j'aw Jérusalem.

¹⁶Njétaakêm-Kristge ke nange ke Césarée danni jè awi se jé kêm kei le doo karé bè ke ri'n nè Mnason le kade jè tò tutu. Mnason nè nga è njétaakêm-Krist ke mari, bee koje'n è Chypre.

Paul aw inge ngatɔgege kêm kei le Jacques

¹⁷Loo ke jè tee Jérusalem bá baa, njétaakêm-Kristge uwei jè ke ra de't se ranel.

¹⁸Barè lookar'n baa, Paul aw se jé ra Jacques't, ngatɔgege malang reei ingei jè rann't.

¹⁹Loo ke Paul ra de lapyá bá baa, è unn gir kɔr ser nyange karé-karé malang ke Nube ade ra dann dooge ke ei Juipge lé nga ade d'oo.

²⁰Loo ke ngatɔgege ooi tàge nè nga bè baa, ei ulei ndubra dè Nube't, tabai edi Paul edi nè: – Ngokon jé an! Juipge aru dɔg loo bule teli ei njétaakêm-Kristge. Nè né è bè géa, ei malang uwei gute-ndu ji de joo.

²¹Nè d'ede de titeke i ndó Juipge ke ndii dann dooge ke ei Juipge lé le kade tɔri ji de gir gute-ndu't le Moise. Tabai d'ede de d'ede nè i ndó Juipge le kade mbati kuje tà mɔte ngann dege a, le kade mbati rai nyangirkàge le jéi a tɔ.

²²Ké ri á j'à rai ta wa? Loo naje'n goto, dé malang d'a d'oo titeke i ree laa.

²³I ra nyan ke j'à j'edi nè. Dingemge so ke unni ndu de adi Nube le ndisei dè de lé ndii dann jéi't laa.

²⁴Aw se de ade d'or sei gonm. Uge dè de ade dé ndise dè de kòke. Titeke bè á dooge malang à geri titeke sertà ke bar tchoo ɔje dèi nga, è tà lanm karè. Nè i kuwe géa, an dè gute-ndu Moise sêw-sêw tɔ.

²⁵Njétaakêm-Kristge ke ei Juipge lé nga, è soo't le kade jè ndangi magtub jè ndeji de le kade ɔgi ra de dè dange ke dé polé'n mage, se dè mese't a, dè dange ke mbir kɔbe a, se dè tò se nan ke kaiya't a tɔ.

²⁶Ke loon't nè kuwe, Paul in se dingemge ke sɔ nè nga aw se de. Barè lookar'n, è ɔr ra'n gonm se de nan't. Go't gugu, Paul aw kêm kei le Nube. E ede de ede nè: ndo ke bè baa, n'a n'ori ra de gonm ndo kɔr ra gonm't. Loo ke gir ndo kɔr gonm gang d'ás bá baa, d'a d'unn nyan-noje le kade tede le de karé-karé malang.

D'uwe Paul kêm kei't le Nube

²⁷Loo ke nain ngɔr kade ndo ke ji sejimute ke ɔje dè kɔr ra gonm ase de'j baa, Juipge ke kêm beekon ke Asie an-in Paul kêm kei't le Nube. Juipge nè nga sulei doobulege malang adi awi dè nan't kutri a, adi uwei Paul a tɔ.

²⁸Juipge tami tà beng edi nè: – Sei ngannkà Israel ke dingem, i din-in jè! An-in! doo ke njè kaw se loo-loo ndó dooge nyan le kade utei jéi kosdooge le Nube se gute-ndu'n éké kêm kei le Nube mbeng nga á nda nè. Tabai dooge ke ei Juipge lé géa ɔr de ree se de kêm kei ke tò se ninn'n le Nube ade telii ke nyan ke mine.

²⁹Ndo ke kété d'an Trophime, dingem ke Ephèse se Paul nan't kêm beebò't. Gir'n ke nè á d'ede nè bainléa Paul ade'n aw se'n nan't kêm kei't le Nube.

³⁰Doobulege malang ke kêm beebò't in-in awi dè nan't kutri; kosdooge an-in som-som reei ɔsi nja nan. Tabai ei uwei Paul kêm kei't le Nube ndorrii ngander-ngander awi se'n nata bá baa, ke loon't nè kuwe, ei uti tà kei le Nube.

³¹Dé sang le tɔl Paul, nè tà'n oso mbi njèkan dè njérɔge ke aru dɔg titeke dooge ke kêm bee ke Jérusalem bere mbak awi dè nan't ngater-ngater.

³²Ke loon't nè kuwe, njèkan dè njérɔge ke aru dɔg ɔr njèkan dè njérɔge se njérɔge awi kalang loo ke kosdoo-bulege kebi nan tutu. Nè loo ke d'an njèkan dè njérɔge ke aru dɔg se njérɔge baa, d'ebe ra de dè kunde Paul't.

³³Njèkan dè njérɔge ke aru dɔg age ngɔr ke ra Paul't ade d'uwe'n. E unn ndu'n ade dé tɔ'n se sul joo bita, go't gugu è deje ede nè: – Ké doo nè nga è nan wa? Ké ra ri wa?

³⁴Nè dé ra nyan wuu-wuu dé taa'n mbur nan ke yo ke nè, dann doobulege't nè nga. Njèkan dè njérɔge ke aru dɔg nè nga ase ger gir nyan ke gete lé tede doobulege awi dè nan't kutri. E unn ndu'n ade d'aw se Paul gègèr't loo ndi njérɔge.

³⁵Loo ke Paul ree tee dè d'finger loo ke tà kei't baa, njérɔge unni nin dɔ tede doobulege awi se'n kabèr-kabèr le tɔl'n.

³⁶Kosdooge ngain géé ndolei goo'n edi nè: – Adi kumé udu kòke.

Paul or tà dè ra'n non kosdooge't

³⁷Loo ke nain ngor kade d'ur se Paul kêm kei loo ndi njérɔge't baa, è deje njèkan dè njérɔge ke aru dɔg ede nè: – Ké a inye'm kade m'edi tà karé lé wa? Nè è deje Paul ede nè: – Ké i ger tà Grec wa?

³⁸Ké i doo ke Egypte ke ndɔ ke sule dooge ade in-in rai wong nga lé wa? Ké i nga kuwe á ndɔ ke or njé tɔl dooge aru dɔg loo sɔ uru'n walé kêm dile't nè lé wa?

³⁹Paul tam ede nè: – Man m'ee Juip ke bee-bò ke Tarse, beekon ke Cilicie. Man nga m'ee doo ke kêm bee-bò ke ri'n bar ngain. Kòkerɔ karè, inye loo ade m'ede kosdooge tà.

⁴⁰Loo ke njèkan dè njérɔge ke aru dɔg inye loo ade Paul baa, Paul in nda dè dinger loo't, è yei ji'n ade kosdooge le kade ebi't. Ká loo tel pa sibik. Paul ede dooge tà se tà hébreu ede nè:

Nyanra Njekawkulege 22

¹– Ngakonmge se bɔmge, uri mbi si ooi tà le'm ke m'a m'tam dè ram't darinè nga.

²Nè loo ke d'oo titeke è ede de tà se tà hébreu baa, ká loo tel pa sibik dum ke kété. Paul ede de ede nè:

³– Man m'ee Juip. D'oje'm kêm bee-bò ke Tarse, beekon ke Cilicie, nè koto á d'oto'm kêm bee-bò ke Jérusalem nè. M'ndó nyan ra Gamaliel't ade m'ger'n loo kan dè gute-ndu le kà jéige sêw-sêw. Ra'm olé pêl-pêl dè nyan't le Nube tite si sei malang darinè tɔ.

⁴Dooge ke unni rebe le Kuwe-bee Jésu nga, m'ra kum de ndoo sár ase yo de. M'ade dé tuwe dingemge a, dinyege a, dé tɔ de se sul d'um de dangai't.

⁵Maw njèkuje nyan-mese se ngatɔgege malang d'an nyange ke ndɔ ke m'ra kété nga se kum de. Ei asikum kedi sei tà'n. E dé kuwe á ndɔ ke m'taa magtub ji de't m'aw'n ra ngakon jéige ke kêm bee-bò ke Damas. M'aw le tuwe njétaakêm-Kristge ke ndii nú le tɔ de se sul ree se de Jérusalem kade kure nyan ra de ɔde kum de.

Paul orgir kundekêm le'n

(An-in NRNK 9.1-19; 26.12-18 tɔ)

⁶M'aw sár m'unde dè bee-bò ke Damas ngor. Kàde nda dann bee. Nyan ndogó in danran ndogó gan dè'm wàk.

⁷Ke loon't nè kuwe, m'gudu nang bɔlɔk, m'oo ndu Jésu bar'm ede nè: «Saul, Saul, ké bain á or'm kororoi bè wa?» M'tel m'deje'n m'ede nè:

⁸«Ngar ké i nan wa?» E tel ede'm ede nè: «Man m'ee Jésu ke Nazareth ke or'n kororoi nga.»

⁹Njé ke ei se'm nan't an-in nyan ke ndogó nè nga njai-njai, nè ei geri ndu njé tam se'm tà nga lé.

¹⁰M'tel m'deje m'ede nè: «Kuwe-bee, ke ri á i ndige kade m'ra gar-gar wa?» Kuwe-bee tel ede'm ede nè: «Dse nang in aw Damas baa, d'a d'edi nyange malang ke Nube unn'n ndu'n le kade i ra nga bai.»

¹¹Kum'm libe ade m'an loo lé tede nyan ke ndogó ngain nè nga. Njé ke ei se'm nan't á uwei ji'm ndõri man awi se'm Damas.

¹²Dingem karé bè ndi Damas ri'n nè Ananias. E doo ke ile koje dè gute-ndu't le Moise. Juipge malang ke ndii kê m bee-bò ke Damas tami tà le'n maje.

¹³E ree ram't ede'm ede nè: «Ngokon'm Saul, maje kade kumi tel an loo.» Ke loon't nè kuwe, kum'm tel an loo ade m'an'n njai-njai.

¹⁴Ananias ede'm ede nè: «Nube le kà jéige òri kété mari bere le kade i ger nyan ke kê m'n ndige. E òri le kade an njèra nyan se dè naje'n karé bere se kumi a, le kade oo tà tànn't a tɔ.

¹⁵Gar-gar a i njèkɔrgo tà le'n. Nyan ke an se kumi a, oo tà'n se mbi a tɔ nga, ɔgir ade dooge malang.

¹⁶Darinè ké a i ngine ri bai wa? Dse nang in dɔ ade d'ulei manné njonm se ri'n baa a inge kê m tin mbit dè kaiyage't lei.»

Paul ɔ gir nyan ke Kuwe-bee ule'n ra dooge ke ei Juipge lé

¹⁷Go't gugu m'tel m'ree Jérusalem. Ndɔ karé bè, m'ndi kê m kei le Nube m'a m'ɔje se'n tà baa, nyanpinde tee dèm't. M'an Kuwe-bee tee ke kum't pan ede'm ede nè:

¹⁸«I tee kalang kê m bee-bò ke Jérusalem kɔke. Dookê mbeege à taai tà le'm ke a ede de nga lé.»

¹⁹M'tel m'ede'n m'ede nè: «Kuwe-bee, dooge geri mbak titeke è man kuwe á m'aw se kê m kei kebe nan, kê m kei kebe nan, m'tuwe njé ke undei kê m de dèi't. M'unde de se ndêin maru a, m'um de dangai't a tɔ.

²⁰Njèkɔrgo tà lei Etienne ke ndɔ ke dé tɔl'n d'ade mese'n ule nang nga, man géa m'ee tutu tɔ. M'ndige se njé tɔl'ngè dè tɔl ke dé tɔl'n't. E man kuwe á ndɔ ke m'ee njè ngonm kubuge le njé tɔl Etienne.»

²¹Kuwe-bee tel ede'm ede nè: «Aw, tede è man kuwe á m'a m'ulei heb ke ra dooge ke ei Juipge lé.»

Paul se njèkan dè njèrɔge ke aru dɔg

²²Juipge uri mbi de ooi tà le Paul sár tee dè tà't nè baa, ei unni gir tami tà beng-beng edi nè: – Doo ke titeke bè nga, ndête kade ndi kumgajer dè nang nè lé. Adi kum'n udu kɔke.

²³D'ur kɔl a, dé tɔr kubuge le de dé tile piring-piring kɔke a, d'ɔi nang dé sanrin ke dɔ-dɔ d'ade kodé age sululu a tɔ.

²⁴Titeke bè á, njèkan dè njérɔge ke aru dɔg unn ndu'n ade njérɔge le'n ede nè: – Awi seyé loo ndi njérɔge't. I deji n'ee tà se ndêin maru tede kade tà tee tàyé't. M'ndige le ger gir nyan ke dooge uri kɔl ɔji dèyé nè nga.

²⁵Nè loo ke dé tɔ Paul d'ile'n nang le kunde'n baa, è deje njèkan dè njérɔge ke aru karé ke nda à ra kule kêm ndɔn't nè ede nè: – Doo ke è ngonn bee ke Rome ke dé gangtà dènn't lé bai nga, ké d'unn ndu de kade undei nin se ndêin maru wa?

²⁶Loo ke njèkan dè njérɔge ke aru karé oo tà nè bè baa, è tel aw ra njèkan dè njérɔge ke aru dɔg ede'n ede nè: – Ké a i ra ri se rai ta wa? Doo nè nga è ngonn bee ke Rome.

²⁷Njèkan dè njérɔge ke aru dɔg ree ra Paul't deje'n ede nè: – Ede'm ndàt, ké i ngonn koje bè ke Rome kerɔte wa? Paul ilé dè't ede nè: – Oiyò, man m'ee ngonn koje bee ke Rome kerɔte kuwe.

²⁸Njèkan dè njérɔge ke aru dɔg nga tel ile Paul dè't ede nè: – Ngonn koje bee ke Rome nga, man m'ndogo se nar ngain. Paul ilé dè't ede nè: – Man m'ee ngonn bee ke Rome ke kon'm béee.

²⁹Ke loon't nè kuwe njé ke d'ayé kunde Paul se ndêin tá le deje'n tà nga, d'in kengeng dènn't kɔke. Nè loo ke njèkan dè njérɔge ke aru dɔg oo titeke Paul è ngonn bee ke Rome ke kon'm béee baa, bel unde'n ndàt gang'n tede è ade dé tɔ'n se sul njanm-njanm.

D'aw se Paul loo gangtà't ke bò

³⁰Njèkan dè njérɔge ke aru dɔg ndige le ger nyan ke gete ke Juipge ilei tà dè Paul't. Gir'n ke nè á barè lookar'n baa, è ade dé tutu sul ke rann't ke dé tɔɔ'n kɔke. Tabai è unn ndu'n ade maw njèkuje nyan-mesege se njégangtàge le Juipge malang kebi nan. Go't gugu, è ade dé ree se Paul d'unde'n nang non de't.

Nyanra Njekawkulege 23

¹Paul an kum njégangtàge le Juipge sêw-sêw baa, è ede nè: – Ngakonmge, man m'njiye non Nube't se tàgir ke maje ɔr njêt sár tee bila.

²Nè Ananias maw njèkuje nyan-mese unn ndu'n ade njé ke ndai kɔte Paul't ngɔr le kade undei tà'n.

³Titeke bè á Paul ede'n ede nè: – Nube à undei tɔ, i tò asenan se ndogo bɔr ke nda kong bè! I ndi loo ke nè't le gangtà dèm't se go gute-ndu. Nè i al tà tà gute-ndu't baa, unn ndui ade d'unde'm.

⁴Njé ke ndai kɔte Paul't tami se'n edi nè: – Ké i kuwe in se dèi i taje maw njèkuje nyan-mese le Nube wa?

⁵Paul ile de dè't ede nè: – Ngakonmge, m'ger titeke doo nè nga è maw njèkuje nyan-mese lé. Oiyò, dé ndang kêm magtub't ke tò se ninn'n d'ede nè: «Ngar le kosdooge lei nga, i a tam se'n tà ke majelé lé.»

Pharisiengse se Saddusiengse kayai nan danné loo joo tede tà le Paul

⁶Paul ger mbak titeke njégangtàge nga, njé ke nange ei Saddusiengse a, njé ke nange ei Pharisiengse a tɔ. Gir'n ke nè á è tam'n tà se ndu'n ke bòi beng non de't ede nè: – Ngakonmge, man m'ee Pharisien, ngonn koje Pharisien. Bila m'nda non njégangtàge't. E tede tà ke rang lé, nè è tede kunde ke m'unde kêm tchên titeke dooge ke weii à undei loo teei dann njé ke koo't.

⁷Loo ke Paul tam tà nè nga bè baa, tà naje in dann Pharisiengse se Saddusiengse ke kebi nan nè nga ade kayai nan danné loo joo.

⁸Saddusiengse baa tami edi nè: dooge à undei loo teei dann njé ke koo't ndan lé a, dooge ke danran éké ndilge géa gotoi a tɔ. Nè Pharisiengse baa umi kêm de dè't mbak.

⁹Dé kɔl nan heyei. Njékɔrgir gute-ndu ke nange ke ei dann Pharisiengse ɔsi nang in-in naji tà nè nga utei mbeng-mbeng edi nè: – Doo nè nga, jè j'an majelé karé ke è ra lé. Bainléa è ndil éké è doo ke danrán karé á ede'n tà, jè ger lé.

¹⁰Dé kɔl nan ke kété-kété d'ade oso mbo-bò. Njèkan dè njérɔge ke aru dɔg bel kêm'n't ede nè d'a kin gang Paul danné mbêt-mbêt. Gir'n ke nè á è unn'n ndu'n ade njérɔge le kade awi ɔri nin dann doobulege't kɔke teli reei se'n loo ndi de't.

¹¹Ndɔ ke njèkutu go made Kuwe-bee tee dè Paul't pan dann ndɔɔ, ede'n ede nè: – Paul oré tài njak! Kété ndɔ ke ede dooge ke kêm bee-bò Jérusalem nè tà le'm. Gar-gar, ede dooge ke kêm bee-bò ke Rome tà le'm titeke ndɔ ke ede'n dooge ke kêm bee-bò Jérusalem nga tɔ.

D'ɔr nan tà dè Paul't le tɔl'n kɔke

¹²Loo ke loo ar bá baa, Juipge kebi nan kang-kang manni ra de dáp-dáp edi nè: N'a n'usei nyan lé a, n'a n'an-in nyan lé a tɔ, sár n'a n'tɔli Paul bita.

¹³Juipge ke ɔri nan tà manni ra de le tɔli Paul nga, ei dooge kɔr-sɔ se gide.

¹⁴Dé nè nga d'ɔr nan mbuu d'aw d'inge maw njèkuje nyan-mesege se ngatɔgege d'ede de d'ede nè: – Jè mann ra jé dáp-dáp le kɔde nyan tà jé't lêm lé sár le kade jè tɔl Paul pa bita.

¹⁵Maje kade sei se njégangtàge umi tà le si nan't baa, i deji njèkan dè njérɔge ke aru dɔg le kade ade dé ree se Paul non si't. I rai gos titeke a i nderi gir tà le'n rang le ger naji. Jè baa, j'ade ndi dè nja jé't tchên le tɔl'n se rebe.

¹⁶Kɔr ke Juipge ɔri nan tà dè Paul't le tɔl'n nga nann'n karé oo tà'n. E aw loo ndi njérɔge't kei go Paul't ede'n tà'n.

17Paul bar njèkan dè njérɔge ke aru karé ede'n ede nè: – Ngonn ke basa nè nga aw se tà karé le kede njèkan dè njérɔge ke aru dɔg. Aw se'n rann't.

18Njèkan dè njérɔge ke aru karé nè nga aw se'n ra kuwe de't, ede'n ede nè: – Paul ke è dangai nga bar'm ede'm le kade m'ree se basa nè rai't tede aw se tà karé le kedi.

19Njèkan dè njérɔge ke aru dɔg nga uwe ji ngonn ke basa nè ɔr'n njɔl aw se'n nata, è deje'n ede nè: – Ké tà ri á ayé kede'm wa?

20Basa nè nga tam ede nè: – Juipge umi tà le de nan't le deji nin kade barè i ree se Paul non njégangtáge't. A rai gos titeke ayé nderi gir tà le'n rang le geri njai.

21An tá nè à kin ndige se de. Dooge nè nga manni ra de le kuse nyan lé a, le kain mann lé a tɔ, sár n'a tɔli nin bita. Dariné, dé ndi dè nja de't tchên d'ade ngine tà ke à tee tàit.

22Kété bita kade njèkan dè njérɔge ke aru dɔg inye ngonn basa nè ade aw bai nga, è unn ndu'n ade'n ede nè: – I tam tà ke ede'm nè nga ade doo karé ke rang oo lé.

D'ule se Paul Césarée ra Félix't

23Ke loon't nè kuwe njèkan dè njérɔge ke aru dɔg bar njèkan dè njérɔge ke aru karé joo ede de ede nè: – Uwei dè nja njérɔge aru joo a, njé sindege kɔr-ji sejimute a, njérɔge se ningege aru joo a tɔ. Adi ei malang ndii dè nja de't tchên le kade awi kêm bee-bò ke Césarée se kàde ke jisɔ-jimi ke ndɔɔ.

24I sangi sindege joo: karé le Paul, karé le njè ngonm'n le kade awi se'n se maje'n sár ra Félix njèkonbee't.

25Njèkan dè njérɔge ke aru dɔg ndang magtub ade Félix ede nè:

26– Man Claude Lysias, m'ndang magtub nè m'ade Félix njèkonbee ke maje dum, m'ra'n lapyà.

27Doo nè ke man m'ule'n m'adi se'n nga, Juipge in-in se dè de uwei nin le tɔli nin. Nè loo ke m'oo tà'n kété titeke è ngonn koje bee ke Rome baa, m'oi njérɔge le'm dèm't m'tee'n pan, m'uwe'n wont m'ɔr'n ji de't.

28M'ndige le ger gir tà ke Juipge ilei tà dènn't. E á m'ade d'uwe'n d'aw'n se'n non njégangtáge't le de.

29Man m'an titeke Juipge ilei tà dènn't ɔje dè gute-ndu le de ei kuwe. Nè man baa, m'an majelé karé bè ke ra ke kum tɔl'n éké kuwe'n dangai lé.

30Doo karé bè ree ede'm titeke Juipge ɔri nan tà dènn't le tɔli nin. Gir'n ke nè á m'in'n ke loon't nè m'ule'n se'n rai't. Njékile tà dènn't nga, m'ede de kade awi sêki nin noin't nú ta.

31Njérɔge ɔri Paul dann ndɔɔ awi se'n sár Antipatris se go ndukunn le njèkan dè njérɔge ke aru dɔg nga.

³²Barè lookar'n baa, d'inye njé sindege á d'ade awi se'n. Nè gute kos njérɔge teli awi loo ndi de't gugu.

³³Loo ke njé sindege teei kêm bee-bò ke Césarée bá baa, ei adi magtub njèkonbee a, ei ulei Paul jinn't a tɔ.

³⁴Loo ke njèkonbee tute magtub nè bá baa, è deje Paul ede nè: – Ké i nga i doo ke beekon ke ra wa? Paul ilé dè't ede nè: – Man doo ke beekon ke Cilicie.

³⁵Njèkonbee Félix ede Paul ede nè: – Ndɔ ke njé sêkige à reei bita m'a tel koo tà lei bai. E unn ndu'n le kade dé ngonm Paul kêm kei ndi Ngar Hérode ke bò.

Nyanra Njekawkulege 24

Juipge sêki Paul non Félix, njèkonbee

¹Loo ke ra ndɔ mi baa, Ananias maw njèkuje nyan-mese se ngatɔgege ke nange in-in reei kêm bee ke Césarée. Tertullus njègangtà karé ke tà'n nel ngain ree se de tɔ. Dé mbak d'aw dé sêke Paul ra njèkonbee't.

²Loo ke dé bar Paul d'ade ree baa, Tertullus unn gir kɔr tà kile dènn't ede nè: – I Félix, njè maje dum, takuli i á jè ndii'n se kêm lom ke deri. Takul kunde téé ra lei á i gɔl'n bee ade tee kɔde malang ade kosdooge nè nga.

³I Félix, njè maje dum, jè rai oiyo se ndɔge malang tede nyan-majege malang ke i ra ade jè nga.

⁴M'ndige le ndɔji se tàge ngain lé. Nè né è bè géa, ile kêm, ur mbii oo'n tà le'm ndêin bita.

⁵Dingem nè nga, j'an'n tò asenan se yo-kos ke tee kêm bee't bè. E njè tule Juipge nan't ade tà oso'n se kêm bee-bee. E á è ngol njé le Jésus ke Nazareth, doo nyan le doo nga.

⁶Ndɔ ke è sang rebe le kade doo ke è Juip lé aw se'n kêm kei le Nube ke tò se ninn'n á j'uwe'n dè't. [Jè ndige le gangtà dènn't se go gute-ndu le jé.

⁷Nè Lysias, njèkan dè njérɔge ke aru dɔg tee pan, uwe'n wont ɔr'n ji jé't aw se'n.

⁸E unn ndu'n ade njé kile tà dènn't le kade awi sêki nin rai't.] I kuwe i deje tà doo nè baa, a i ger titeke tàge malang ke jè sêke'n nga è kum kuwe.

⁹Juipge osoi gir Tertullus't edi nè tà le'n è kum kuwe.

Paul tam tà dè rann't non Félix, njèkonbee't

¹⁰Loo ke Félix, njèkonbee ute dè'n dèi ade Paul kade tam tà baa, Paul ede'n ede nè: – M'ger mbak, ase loge bule i njègangtà le girkoje dooge le jéi nga se dè naje'n. Gir'n ke nè á man m'tam'n tà se kêmnda káng dè ram't noin't bila.

- 11**M'ree Jérusalem le dɔi Nube, bila ra ndɔ dɔg-gidé-joo bai. Ke nè á m'lanm baa, i deje de oo.
- 12**M'nda m'naje tà se doo kêm kei le Nube m'ade d'inge'm dè't nja karé ndan lé. M'nda m'sule doobulege kêm kei kebe nange't éké kêm bee-bò't m'ade d'inge'm de't nja karé ndan lé a tɔ.
- 13**Dooge nè nga asikum kɔri gir nyan ke get ke ilei tà dèm't nga lé.
- 14**Nè né è bè géa, nyan karé ke m'ger á tò nè: M'ra kule m'ade Nube le kà jéige. E tede kum ke bila m'um nan't bɔk se Jésus nè á dé ngakonm Juipge d'ute'm mbeng. Tàge malang ke kêm magtub gute-ndu't se tàge ke njéribè-dè-tàge ke tà Nube't ndangi nga, m'um kêm'm dè't kuwe.
- 15**Nube à ade njé ra nyan se dè najenngé se njé ra nyan majelége à undei loo teei dann njé ke koo't gar-gar. M'um kêm'm dè tà't nè nga bɔk-bɔk. Dé njé sêkemge nè nga, d'um kêm de dè tà't nè tɔ.
- 16**Gir'n ke nè á m'ute'n ra'm kalang m'njiye'n non Nube't se non dooge se tàgir ke unju nyang-nyang se ndɔge malang.
- 17**Ase loge bule bita m'tel m'ree le kuwe noje se kosdooge le'm a, se le kunn nyan-noje kade Nube a tɔ.
- 18**M'ndi m'ade d'a d'ɔr'm gonm kêm kei le Nube. Juipge ke nange in-in beekon ke Asie reei ingei man dè't. Doobulege gotoi se'm a, tà bar jiki ade dooge awi dè nan't kutri lé a mbak.
- 19**Ke nè á dé Juipge ke beekon ke Asie nè, d'an nyan majelé ke m'ra baa, è dé á né d'a ree sêke'm rai't.
- 20**Éké è tà le dooge ke ndii nè le kade tami majelé ke m'ra kété ke ndɔ ke m'nda'n non njégantàge't nga.
- 21**Kêm ndɔ'n nè nga, nyan karé luk-luk ke m'ra baa, è tà ke m'in m'nda'n dɔ dann de't m'tam se ndu'm ke bòi beng m'ede nè: «E tede tà ke ɔje dè kunde loo tee dann njé ke koo't á bila m'nda'n loo gangtà't non si't.»
- 22**D'ede Félix tà ke ɔje dè Jésus-Krist ade ger maje. Gir'n ke nè á è unde'n gangtà le de dɔ ede nè: – Loo ke Lysias, njèkan dè njérɔge ke aru dɔg à ree bita m'a tel nder gir tà le si rang koo bai.
- 23**Félix unn ndu'n ade njèkan dè njérɔge ke aru karé le kade ngonm Paul se maje'n dangai't. Tabai è unn ndu'n ade'n le kade on Paul njanm-njanm lé a, le kade ɔge njé ke le'n le ra se'n dè nyange ke nal'n lé a tɔ.

Paul nda non Félix se Drusille

²⁴Mbɔr go't gugu baa, Félix se neen'n Drusille reei Césarée. Drusille nga è Juip. E ule kule bar Paul ade ree inge'n. E deje'n le kade ede'n tà ke ɔje dè kundekêm dè Jésu-Krist't.

²⁵Paul unn gir tam tà ede nè: – Nube ndige kade dooge rai nyan se dè naje'n a, kade undei kumkunju dè ra de't a tɔ, ɔji dè tà ke Nube à gang dè de't ndɔ ke rang. Bel unde Félix ndàt gang'n ade tel ede Paul ede nè: – Ɔte aw d'arinè banm. Ndɔ ke m'inge kurloo ndêin baa, m'a m'tel bari gugu rang bai.

²⁶E unde kêm'n tchên ede nè bainléa Paul à ade'n nar ndêin. Gir'n ke nè á è ade dé bar'n d'ade ɔje se'n tà dɔ-dɔ.

²⁷Lo joo go't baa, dé taa konbee ji Félix't d'ade Porcius Festus. Félix inye Paul dangai't tede le taa'n kum Juipge.

Nyanra Njekawkulege 25

Paul deje kade ngar César tá gangtà le'n

¹Loo ke d'unde Festus dè kutu-ngar't ra ndɔ mute baa, è in Césarée aw Jérusalem.

²Maw njékuje nyan-mesege se dooge ke bò le Juipge reei sêki Paul ra Festus't edi nè:

³– Kɔkrɔ karè, ade dé ree se Paul Jérusalem tá à nel jè bai. Dé ra gos titeke bè tede kum'n rebe le tol'n.

⁴Nè Festus ile de dè't ede nè: – Paul nga, dé ngonm'n dangai't Césarée nú. Man géa, nain ngɔr baa m'a m'tel kaw gugu nú.

⁵Maje kade dooge le si ke bò-bò awi se'm nan't Césarée. Ke nè á doo nè nga ra majelé baa à sêki nin.

⁶Festus ra se de ndɔ sɔsɔ éké ndɔ dɔg bita è tel ree Césarée bai. Barè lookar'n, è ndi loo gangtà't. E unn ndu'n ade dé ree se Paul.

⁷Loo ke Paul ree tee pan baa, Juipge ke in-in Jérusalem an-in dè'n girm. Ei têtì tàge gai-gai ke tooi bel undei tànn't. Nè è tàge ke se dè naje'n lé kuwe malang.

⁸Paul tam tà dè rann't ede nè: – Man m'ra nyan karé ke majelé m'al'n tà tà gute-ndu't le Juipge, éké m'al'n tà tà ngar César't lé. M'ra nyan karé m'nede'n kei le Nube le jéi nga lé a tɔ.

⁹Nè Festus ndige le taa kum Juipge. E deje Paul ede nè: – Ké i ndige kaw Jérusalem le kade dé gangtà lei nè nga nonm't nú wa?

¹⁰Nè Paul ilé dè't ede nè: – M-m, dé ree se'm loo gangtà't le ngar César. E è á à gangtà dèm't. Man m'ra majelé karé bè se Juipge lé. I kuwe géa i ger maje.

¹¹Ke nè á m'ra majelé ke asekum kade m'wei'n baa, m'a m'naje'n kade yo lé. Nè ke nè á tàge malang ke d'ile dèm't nga, è se dè naje'n lé baa, doo karé bè géa asekum

kuwe'm kule'm ji de't lé. Man m'ndige le kade César tá gangtà le'm, beekon ke Rome nú.

¹²Loo ke Festus ɔje tà se njégangtàge baa, è tel ede Paul ede nè: – I ndige le kade César tá gangtà lei baa, m'a m'ade aw non César't nga kuwe to.

Paul nda non ngar Agrippa't se Bérénice

¹³Ase ndɔ bule go't gugu, ngar Agrippa se Bérénice reei Césarée le rai lapyá Festus.

¹⁴Agrippa se Bérénice rai ndɔge bule kêm bee-bò ke Césarée. Festus ɔr tà le Paul unde non ngar Agrippa't ede nè: – Félix inye dingem karé bè dangai't laa.

¹⁵Loo ke ndɔ ke m'aw Jérusalem nga, maw njékuje nyan-mesege se ngatɔgege le Juipge reei sêki nin ram't a, deji man le kade m'gangtà dènn't a to.

¹⁶M'tel m'ile de dè't m'ede nè: Kile doo dangai't nal kade tam tà dè rann't tàkum njé sêkenge't nga, è kule ra girkoje dooge ke Rome lé sár.

¹⁷Juipge reei se'm nan't Césarée nè, ke loon't nè kuwe, m'unn de m'unde de heb lé. Nè barè lookar'n kuwe, m'aw loo gangtà't baa m'unn ndu'm m'ade dé ree se doo nè nga.

¹⁸Juipge ke njé kile tà dè Paul't reei. M'gir kêm't m'ede nè ayé teei se tàge ke majelé-majelé ke sêki nin nga. Nè tà karé bè géa tee tà de't lé.

¹⁹Dé naje se Paul tàge ke nange ke ɔje dè rebe manm Nube le de dé Juipge a, se tà ke ɔje dè doo karé bè ke ri'n nè Jésus. Doo nè nga dé Juipge d'ede nè wei se non'n, nè Paul uwe tà'n mong ede nè Jésus nga ndi kumgajer se non.

²⁰M'ger nyan ke kum ra ɔje dè tà najege ke titeke bè nga lé. Gir'n ke nè á m'deje'n Paul m'ede nè: ké è ndige kaw Jérusalem tá kade dé gangtà le'n nú wa?

²¹Nè Paul deje le kade ngar ke bò Auguste Césarée tá gangtà le'n. E á man m'unn'n ndu'm le kade dé ngonm'n dangai't sár kade m'ule'n se'n nú Rome ra César't.

²²Ngar Agrippa ede Festus ede nè: – Doo nè nga, man géa m'ndige koo tà le'n to. Festus ede ngar Agrippa ede nè: – Barè nga kuwe a oo tà le'n karè.

²³Barè lookar'n baa, Agrippa se Bérénice njiyei masas reei kei gangtà't. Njèkan dè njérɔge se dooge ke bò-bò ke kêm bee't reei se de nan't loo gangtà't nè to. Festus unn ndu'n ade dé ree se Paul.

²⁴Ke loon't nè kuwe, Festus unn tà tam ede nè: – Ngar Agrippa se sei malang ke i ndii se jé nan't nè. Dingem ke an-in nin nè nga, kos Juipge malang reei sêki nin ram't Jérusalem a, béee nè a to. Ei deji man se ndu de ke bòi edi nè: Doo nyan le doo nè nga ndête kade ndi kumgajer lé.

²⁵Man baa, m'an nyan karé bè ke ndête kade wei'n lé. Nè titeke è kuwe de je le kade ngar Auguste César tá gangtà le'n baa, man m'oje le kule se'n kade'n kuwe to.

²⁶Kerote kuwe, m'an tà karé ke gete le ndang'n magtub kade kuwe jéi César Auguste oje dè doo nè nga lé. Gir'n ke nè á m'bar'n m'ade ree nda'n non-in i ngar Agrippa't se non si sei't malang. I de je'n tà oo tá bainléa m'a m'inge tà ndang.

²⁷Tede kule se dangai kêm bee-bò ke Rom anje ndang tà kor'n gir nyan ke d'ile'n tà dènn't nga, kuju'n goto.

Nyanra Njekawkulege 26

Paul tam tà dè rann't non ngar Agrippa't

¹Agrippa ede Paul ede nè: – M'inye loo m'adi kade i tam tà dè rai't. Paul or jikon'n ule do tá tam'n tà dè rann't ede nè:

²– Ngar Agrippa, ra'm nel'm ngain le kade m'tam tà dè ram't noin't bila oje dè nyange malang ke Juipge ilei tà dèm't.

³I ger nyan girkà se tà najege le Juipge nga maje dum doo ke rang. Gir'n ke nè á m'deji le kade ile kèmi pon oo'n tà le'm.

⁴Nyan ra'm ke m'ra Jérusalem se basa'm dann girkoje't le'm nga, Juipge malang geri.

⁵Man m'ee Pharisien ke njè ra ngang dum oje dè rebe manm Nube le jé jèi. Ke nè á Juipge ndigi baa à edi nin titeke è kum kuwe, tede geri man mari bere.

⁶Darinè, m'nda loo gangtà't tede kunde ke m'unde kêm'm dè ndukunn ke Nube unn ade kà jéige kété nga.

⁷Girkà dooge le jéi ke dog-gidé-joo nga undei kêm de tchên titeke Nube à tol konn ndukunn le'n nè nga mbas. Gir'n ke nè á ei rai kule adi nin kada a, ndoo a to. Hei! ngar Agrippa, tede kundekêm tchên nè nga á Juipge à o di nan sêke'm.

⁸Kunde ke Nube à ade dooge à undei loo teei dann njé ke koo't nga, ké è tede ri á sei Juipge umi kêm si dè't lé sár wa?

⁹Kerote kuwe, man nga kété m'gir kêm't le tuju ri Jésus ke Nazareth nè nga gar-gar koke.

¹⁰E ke nè á è nyanra'm ke ndo ke m'ra Jérusalem. E maw njékuje nyan-mesege kuwe á unni ndu de adi man. Titeke bè á ndo ke man kuwe m'tuwe njétaakêm-Kristge ngain m'um de dangai't se loo-loo. Loo ke ndo ke d'ade tol de géa, m'um se de nan't bok a to.

11Nja bule, m'aw se kêm kei kebe nange karé-karé malang, m'ra se de nyan ke tur. Tabai m'unde tɔge dè de't le kade d'inye go ri Jésu. Wong ra'm dè de't ngain gée ade m'or de kororoi sár m'tee se de heb se dè bee, dè bee.

Paul ɔrgir kundekêm le'n

(An-in NRNK 9.1-19; 22.6-16 ɔ)

12Titeke bè á, ndɔ karé bè kàde nda dann bee. M'ndi m'a m'aw ke kêm bee-bò ke Damas. E maw njékuje nyan-mesege kuwe á unni ndu de adi m'aw m'ra'n kule.

13Ngar, loo ke m'nain rebe bai kuwe, m'an nyan in danrán ndogó gan dè jé se njémade-loo-kawge le'm wàk. Ndogó le nyan nè nga dum le kàde bai.

14Jè malang, jè gudu nang bɔɔk. M'oo ndu doo karé bar'm se tà hébreu ede nè: «Saul, Saul, ké tede ri á ɔr'm kororoi bè wa? I ndɔje rai ile rɔ ɔr tite sinde ke dè ngang ke ra ndáng se kuwe'n bè lé.»

15M'tel m'deje'n m'ede nè: «Kuwe-bee, ké i nan wa?» Kuwe-bee tel ile'm dè't ede nè: «Man m'ee Jésu ke i ɔr'n kororoi nga.

16Nè ɔse nang in dɔ, i nda dè njai't. An! gir nyan ke m'tee'n dèi't pan nga: man m'ori ke ngonn njèndi le'm a, ke njèkile mber ɔje dè nyange ke bila an se kumi. A i njèkile mber ɔje dè nyange ke ndɔ ke rang m'a m'tɔji bai a ɔ.

17Man m'ori dann kos Juipge se dann njé ke ei Juipge lé. Ma m'tel kulei ra de't gugu d'arinè.

18M'a m'ulei kade i teen kum de ade undei loo teei dann tilkus't teli reei dann lookar't. M'a m'ulei ra de't le kade ɔr de ji tɔgmong't le Sú le tel ree se de ra Nube't. Ke nè á d'unde kêm de dèm't baa, d'a d'inge kêm tin mbit dè kaiyage't le de a, d'a d'inge loo ndi de dann njé ke ei le Nube't a ɔ.»

Paul ɔrgir kule ke kété è ra

19Unn gir kêm ndɔn't nè nga, ngar Agrippa, m'altà tà nyanpinde ke in danrán nga lé.

20Nè m'ile mber m'ade dooge ke ndii Damas pa bita, go't gugu m'ile mber m'ade njé ke Jérusalem se Juipge malang a, se njé ke ei Juipge lé a ɔ. M'ede de m'ede nè: I turi hal si, ɔsi wan i teli ke ra Nube't. I rai nyange ke uwe made nan se tur hal si.

21Gir'n ke nè á, ndɔ ke Juipge uwei man kêm kei't le Nube sangi le tɔli man ke loon't nè.

22Nè Nube è der-gir'm sár tee bila á m'nda m'a m'ile'n mber m'ade ngann dooge a, se dooge ke tɔgi a ɔ. Nyan ke ndɔ ke njéribè-dè-tàge ke tà Nube't se Moise tami edi nè à ree gar-gar á m'tam tà'n m m'tam tà ke gai lé.

23Njéribè-dè-tàge ke tà Nube't se Moise nga, ndɔ ke tami edi nè: Krist nga, nyankêmkon à ra'n, è doo ke desêin sàk-sàk ke unde loo tee dann njé ke koo't. Gar-gar à ile mber lookar kade kosdooge le jéi se njé ke rang.

Paul de je ngar Agrippa kade unde kêm'n dè Jésus't

- ²⁴Paul nda à òdenan tam tà dè rann't. Festus ede'n se ndu'n ke bòi ede nè: – Paul, nyanger lei ke ngain ile bile dèi't.
- ²⁵Paul ede nè: – Festus ke maje dum! Bile ra'm lé. Nè tà ke m'tam nga è ngarankum tà a, è tà ke se go rebe'n a tɔ.
- ²⁶Ngar Agrippa nga, d'ede'n tà dè nyange't nè d'ade oo mbak bá ta. Gir'n ke nè á, m'nda m'a m'tam'n tà nonn't se kêmnda káng. Nyange nè malang nga, karé ke è nal ger goto, tede ei nyange ke teei adi dooge geri se loo malang.
- ²⁷Ngar Agrippa, tàge ke njéribè-dè-tàge ke tà Nube't tami nga, ké um kême dè't kuwe wa? Oiyò, m'ger mbak titeke um kême dè't kuwe.
- ²⁸Nè Agrippa ede Paul ede nè: – Nain ngɔr baa ayé tel'm ke njétaakêm-Krist ta.
- ²⁹Nè Paul ede nè: – Nain ngɔr éké kò'n tò géa, m'kɔ Nube kade teli ke njétaakêm-Krist tite'm man bè, i se kari bere lé, nè sei malang ke ooi tà le'm bíla, anje sulge ke dé tɔɔ'm nè kuwe se kar de bere.
- ³⁰Ngar Agrippa, njèkonbee Festus se Bérénice a, se njé ndii se de a tɔ, ɔsi nang in-in dɔ wum.
- ³¹Loo ke ei ɔri ra de ndai gai bá baa, ei edi nan edi nè: – Doo nè nga, ra nyan karé ke ndête kade wei'n éké ndête kile'n dangai't lé.
- ³²Nè Agrippa ede Festus ede nè: – Ke nè á nè doo nè nga de je le kaw non César't nú lé baa, né j'à j'inyei nin dɔɔ.

Nyanra Njekawkulege 27

D'ule se Paul kêm bee-bò ke Rome

- ¹D'ɔje njáng le kade d'aw se jé kêm beekon ke Italie se bato. D'um Paul se dangaige ke nange ke rang ji njèkan dè njérɔge ke aru karé ke ri'n nè Julius. E njèkan dè njérɔge le César Auguste.
- ²J'al kêm bato't ke in Adramytte à aw kum'n ke loo nda batoge kêm beekon ke Asie. Bato ɔte se jé aw se jé. Aristarque, doo ke Thessalonique, beekon ke Macédoine nga è se jé nan't tɔ.
- ³Barè lookar'n, jè nda nang kêm bee-bò ke Sidon. Julius ra kêm-maje se Paul; è inye'n ade aw ra njétaakêm-Krist madenng'e't kade rai se'n dè nyange ke aw ndoo de.
- ⁴J'in loon't nè, j'ɔr kɔge j'aw se kàde ba-ba sár dè goré loo ke Chypre tede nelge in-in tilei kum jé.
- ⁵Go't gugu, jè gang ba-bò kate ngɔr se kɔte beekonge ke Cilicie se Pamphylie, j'aw jè rise nanga kêm bee ke Myra, beekon ke Lycie.

⁶Julius, njèkan dè njérɔge ke aru karé inge bato ke in kêm bee-bò ke Alexandrie à aw kum'n ke bee-bò ke Rome baa, è ade j'al kêmé ke loon't nè j'aw.

⁷J'aw jêkê-jêkê dann ba't ase ndɔge bule. Tur se jé ngain bita j'aw sár jè tee'n kêm bee ke Cnide bai. Nel ɔge jé kaw jáa; gir'n ke nè á j'ɔr'n kɔge j'aw'n ngɔr se dè goré loo ke Salmoné bita j'aw Crète bai.

⁸Tur se jé ngain ade jè tee kɔte dè goré loo ke Salmoné nè nga pêt, j'aw jè tee loo karé bè ke dé bar'n «Loo nda nang le batoge ke maje.» Loo nè nga tò ngɔr se bee ke Lasée.

⁹Kurloo heb ðàk mari bere ta ade loo kan dè bato kile'n danné tur ngain. Tabai ndɔ kɔge kêm ɓo dere bá ta. Paul ede de njai kété ede nè:

¹⁰– Madege, man m'an titeke kaw ke j'à j'awi dann mann't se bato nè nga, j'à j'awi karé nal kade nyange tuji lé. E bato se nyange ke kêmé á à tuji se kar de lé, nè danra jèi jèi kuwe géa asekum kudu tɔ.

¹¹Nè Julius, njèkan dè njérɔge ke aru karé um kêm'n dè tà't le njèkunn bato se kuwe bato tá ngain dum tà le Paul.

¹²Loo nda nang le batoge ke loon't nè nga, maje kum ndi tutu tà kuli lé. Gir'n ke nè á dooge ngain ke kêm bato't ndigi kin-in loo't nè kɔke kade bainléa, n'teei Phénix loo nda nang le batoge ke dè goré loo ke Crète. Phénix nga tò se ke dè jikon se dè jigel lookur't le kàde. E loo nè á dooge malang ke kêm bato't ndigi ndii tutu tà kuli.

Nel-bò ade bato ndui mann

¹³Nel in dè jikon ule pe^-pe^. Dooge ke kêm bato't giri titeke n'a n'awi se maje'n le teei Phénix. Gir'n ke nè á ei in-in awi se kàde kong-kong dè goré loo ke Crète.

¹⁴Nè loo ke d'aw mbɔr baa, nel-bò karé bè in se ke dè jigel aw kum'n ke loo tee't le kàde. Nel-bò nè nga sebe dè jé't gap dè goré loo ke Crète.

¹⁵Nel ɔse bato mbeng tur tà'n rang tede è ase tile kum nel lé. Titeke bè á j'inye'n j'ade aw se jé loo ke kêm'n ndige.

¹⁶Jè j'aw se kàde ngonn dè goré loo karé ke dé bar'n Clauda j'ade taa nel dè jé't ndêin. Tur se jé ngain bita jè tutu'n ngonn bato ke dé tɔ kàde made't.

¹⁷Loo ke j'unn'n j'unde'n dɔ bá baa, jè tɔ bato ke bòi njanm-njanm se kule nar j'ɔje'n kêm jé. Jè ɓel j'ede nè bainléa j'à kaw dar nyeenger ke ule tà'n kum ba-bò't ke sɔbe dè beekon ke Libye. Dé tutu kage nyan ke bòi ke dé tɔ mbur bato't d'inye dɔ d'ade ndɔr nang goon't ade nel aw'n se'n titeke kêm'n ndige.

¹⁸Nel-bò tile bato banjang-banjang kum'n ke kété-kété. Titeke bè á, barè lookar'n dé koto nyange ke nange kêm bato't dé tile piring-piring kɔke.

- 19**Ndo ke njèkon't mute baa, njérakulege kêm bato't kotoi nyan bato se ji de ei kuwe tilei piring-piring dann ba't.
- 20**Nel-bò nè nga aw se jé kabr-kabr ade tò bel ngain. J'an kum kàde éké konyonge lé ase ndo mute deri ade jè tin kêm jé mbit kòke de ndi kumgajer ta.
- 21**Jè ndi ase ndo bule anje kuse nyan. Paul in nda do dann de't ede de ede nè: – Hai! mademge, ke nè á ndo ke ooi tà tà'm't baa, né j'à j'in-in dè goré loo ke Crète tá kade bato se nyange ke kêmé tuju'n bè lé.
- 22**Darinè, m'ndeje sei le kade oréi tà si njak. Doo karé bè géa dann si't à tuju lé, nè bato kuwe se kar'n á à tuju.
- 23**Nube ke m'fai'n nga ule doo le'n ke danrán ade ree ram't ndo laa ede'm ede nè:
- 24**«Paul, i bel lé. Gar-gar a i nda non njèkonbee't kêm bee-bò ke Rome. An! dooge malang ke ndii sei nan't kêm bato't nga, Nube à aje de takuli i.»
- 25**Gir'n ke nè á, mademge oréi tà si njak. M'um kêm bok-bok dè Nube't titeke à ra nyan ke ede'm tà'n nè nga kuwe.
- 26**Nè gar-gar j'à j'awi le dubi nang dè goré loo karé't bè.
- 27**E ndo ke njèkon't dog-gidé-so ke bato aw'n se jé kum'n ke kété-kété dann ba-bò ke Méditerranée. Dann ndo bop baa, njérakulege kêm bato't geri titeke nain ngor baa, j'ayé tee dè nang ke tutu't.
- 28**D'ile kule dann ba't le ger'n kur le mann. Kule nè nga aw sár ode nang. Loo ke d'uwe d'or baa, dé mboje è kum kil ji doo kor-so. Go't gugu, loo ke d'aw mbor kété baa, dé tel d'ile kule kaje-nyan nè dann ba't d'uwe d'or baa, dé mboje è kum kil ji doo kor-mute.
- 29**Loo ke d'an bè baa, dé bel kêm de't d'ede nè bainléa bato à kin dar dè'n tu mbalge't. Gir'n ke nè á dé koto'n nar nyan kuwe bato nang so dé tile dann ba't mbur bato't gugu, dé ndi tchèn dé ngine'n lookar.
- 30**Njérakule kêm bato'tge sangi loo le kan-in nan kinyei bato. Dé rise ngonn bato nga dann ba-bò't dé ra'n gos titeke d'ayé kaw tile nar nyan kuwe bato nang nonn't kété bè.
- 31**Paul an bè baa, è ede njèkan dè njérage ke aru karé se njérage ede nè: – Ke nè á dooge nè nga ndii kêm bato't lé baa, sei a asikum kaji yo lé.
- 32**Njérage tujei kulege ke dé t'n ngonn bato nga bór-bór gangi ade tel oso manné gugu.
- 33**Nain ngor kade loo ar ta. Paul ndeje de malang le kade d'use nyan. E unn tà ede de ede nè: – Bila è ndo ke njèkon't dog-gidé-so ke i ndii i nginei tà yo si anje kuse nyan.

³⁴M'gɔr sei le kade usei nyan tá à è soo si't kade i ndii kumgajer. Bin dè doo karé bè géa dann si't à oso kɔke lé.

³⁵Loo ke Paul tam tàge nè nga titeke bè bá baa, è unn mapa uwe jinn't. E ra Nube oiyo tàkum de't malang bita è tête danné unn gir kuse.

³⁶Gir'n ke nè á dé malang d'oré'n tà de njak d'use'n mapa se kêmnda káng a tɔ.

³⁷Jè malang ke jè ndi kêm bato't nga, jè dooge aru joo se kɔr-ji sejimute-gidé-mute-mute.

³⁸Loo ke d'use nyan d'ade kêm de ndann bá baa, dé tile gute sadege le de ke nange dann ba't le kade bato ɔlé'n pèl ndèin.

Bato ndui mann dann ba-bò't

³⁹Loo ke loo ar bá baa, njérakule kêm bato't geri dè nang ke jè tee tutu nè nga njai lé bai; nè ei an-in dè nyeenger dann ba't non de't dil. Ei oji njáng le kade n'awi se bato bainléa n'osi nin n'inyei nin kade kong't dè nyeenger't.

⁴⁰Gir'n ke nè á dé tutu'n kule nar nyan tɔ batoge nang d'inye dann ba't. Kulege ke dé tɔ'n màn bato géa, dé tutu d'inye dɔ ke loon't nè a tɔ. Dé tɔ tà kubu ke là non bato't baa, dé d'inye'n le kade nel aw se'n kàde kong't dè nyeenger't.

⁴¹Njérakule kêm bato't ɔsi awi se'n ade dubu bàj-bàj dadann loo karé ke ba-bò kaiya nan danné tutu. Tà wum bato dubu dann nyeenger't giring giring-giring, nè bong'n ute dɔ ade pegem mann unde'n se tɔg'n ndàt gang ade tête dèk-dèk.

⁴²Njérɔge oji le tɔli dangaike kɔke, nè bainléa doo karé dann de't à kin kalè mann kan-in kaw.

⁴³Nè Julius, njèkan dè njérɔge ke aru karé oje kêm'n le kaje Paul. E ɔge de dè nyan ke d'ɔje le ra. E unn ndu'n ade njé ke geri kalèi mann le kade alèi mann teei nata kété.

⁴⁴E unn ndu'n ade gute dooge ke nan-in le kade njé ke karége ndii dè kagege ke tɔl't a, njé ke rang le kade ndii dè begre nyange ke kêm bato't neli teei nata a tɔ. Titeke bè á dooge malang teei nata se maje'n nal kade doo karé bè géa tuju dann de't.

Nyanra Njekawkulege 28

Paul ndi dè goré loo ke ri'n nè Malte

¹Loo ke jè tee tà yo't bá baa, d'ede jè titeke dè goré loo nè ke bato dubu tutu nga ri'n nè Malte.

²Njébeege ke dè goré loo't nè nga rai se jé kêm-maje ke dum kum. Dé ra por d'ade on dɔk-dɔk d'ade jè malang jè ndibe tede ndi ede ade kul on ngain.

³Paul saa ngengreng ke tutu um poro, kundu por unde li jênênn ade tee labe jinn't ták don'n.

⁴Loo ke njébeege ke dè goré loo ke Malte an-in jênênn labe ji Paul't dîngew nè baa, ei edi nan edi nè: – Kerote kuwe, doo nè nga è njè tɔl dooge. E tee tà yo't dann ba-bò't ngɔr nè bai, nè Naje le Nube ndige kade ndi kumgajer lé sár.

⁵Nè Paul tusu li jênênn ile'n poro anje kade nyan karé géa ra'n.

⁶Dooge ndii nginei edi nè bainléa ra'n à tii éké à koso kwei ke loon't nè. Nè loo ke dé ngine sár d'an nyan karé ke majelé ke ra'n lé baa, dé tel se ndu de d'ede nè: – Doo nè nga è ndil nyan le doo karè.

⁷Doo karé ri'n nè Publius, è njèkonbee ke dè goré loo't nè nga. E aw se loo le'n kote loo't nè nga ngɔr. Publius uwe jè ke rann't ra jè mba maje ngain ase ndo mute.

⁸Bɔ Publius tò dè tire ratur't. Ra'n taa por làm-làm a, ndêng mese ngain a tɔ. Paul aw an'n, è ile j'in dènn't ɔje'n tà se Nube tede'n. Bɔ Publius in aje katch-katch.

⁹Gir'n ke nè á gute njératurge ke dè goré loo't nè nga géa reei ingei Paul adi raturge le de ɔr'n dè de't.

¹⁰Dooge ilei ribar dè jé't ngain. Loo ke j'ayé kin kaw baa, ei uwei se jé noje se nyange ke nal jè.

Paul in dè goré loo ke Malte aw Rome

¹¹Jè ndi dè goré loo't nè ase nan mute bita j'in j'al kêm bato't ke in kêm bee ke Alexandrie ree nda loo nda batoge dè goré loo't nè nga tà kuli. Bato nè nga nda loon't nè takuli bere. Dé tɔ tà kubu ke ra pir-pir ke dé ra nyan-ndaje le mage ndungege Castor se Pollux tutu.

¹²J'in loon't nè, j'aw jè rise nang kêm bee karé ke ri'n nè Syracuse. Jè ndi tutu ndo jé mute.

¹³J'in Syracuse j'aw se kàde kong-kong sár jè tee kêm bee ke Reggio. Barè lookar'n nel in se ke dè jikon dann go jé ade jè tee Pouzzoles ndo ke njèkon't joo.

¹⁴J'inge ngakon jé ke njétaakêm-Kristge kêm bee ke Pouzzoles. Ei bari jè adi jè ndi se de ase ndo ji sejimute. E se go rebege ke titeke bè á j'aw'n sár jè tee'n kêm beekon ke Rome bai.

¹⁵Loo ke ngakon jé ke njétaakêm-Kristge ke bee-bò ke Rome ooi ser jé baa, ei reei tilei non jé sár ingei jè loo kase-ko't ke Appius a, tabai ei ingei jè loo ke d'unde ri'n nè «Kei kuse nyan le mbage ke mute» a tɔ. Loo ke Paul an de baa, è ra Nube oiyo, tabai korè tà njak taa ra'n pel-pel.

¹⁶Loo ke jè tee Rome bá baa, d'unn ndu de d'ade Paul le kade uwe kei ke le'n gai ndii'n. D'ɔr njèrɔ karé d'ade è njè ngonm'n.

Paul ile mber kêm bee-bò ke Rome

¹⁷Ndo ke njèkon't mute, Paul ule kule bar njékɔr non Juipge le kade reei ingei nin. Loo ke ei ɔsi nja nan reei ingei nin bá baa, è ede de ede nè: – Ngakonmge, m'ra nyan karé bè m'ute'n kosdooge éké nyangirkà le kà jéige mbeng lé. Nè né è bè géa, d'uwe'm d'ile'm dangai't Jérusalem nú sár ɗarinè d'ule'm ji dooge ke Rome nè ta.

¹⁸Dé nè nga, loo ke dé deje'm tà baa, dé ndige le kinye'm do tede d'an tà karé ke ndête kade m'wei'n lé.

¹⁹Nè è tede kute ke Juipge utei man mbeng á m'deje le ree'n non César't. M'ra bè tede le taa'n ra'm ji de't m è tede kile'n tà dè girkoje't le'm lé.

²⁰Gir'n ke nè á m'bar'n sei le kan'n sei a, le kede'n sei tà'n a to. E tede nyan ke kosdooge ke Israel undei kêm de tchên ke dè't á bila m'nda'n se sulge jim't yew-yew.

²¹Juipge ilei Paul dè't edi nè: – Jè baa, j'inge magtub karé ke in Judée ɔje dèi lé. Tabai ngokon jé karé ke in nú ree ɔr ser nyanrai ke maje éké ke majelé ade j'oo lé a to.

²²Nè maje ngain le kade i kuwe ɔrgir tà nè nga se tàì ade j'oo. Oiyoy, tà ke ɔje dè Jésus, doo nyan le doo nè nga baa, jè ger titeke dooge utei nin mbeng se loo malang.

²³Paul se Juipge ɔji ndo tede tel kinge'n nan. Loo ke ndo nè ase deɗ baa, Juipge reei ngain dum ke kété ingei nin kêm kei ndinn't kuwe. Paul ɔrgir tà se ndogé sár loo solé a, ile mber Konbee le Nube nga ndàt ade de a to. E uwe ra'n mong le kade kum de gang dè Jésus't se go tà ke kêm magtub gute-ndu't le Moise sár tee'n dè magtubge't le njèribe-dè tàge ke tà Nube't.

²⁴Njé ke karége umi kêm de dè tà't le'n, nè njé ke nange mbati kundei kêm de dè tà't le'n a to.

²⁵Dé naje nan tà ngain ade ndu de um nan't lé. Loo ke d'ade gang nan baa, Paul ede de tà karé bere ede nè: – Tà ke ndo ke Ndil-Kêmnda ade Esaie, njèribe-dè-tà ke tà Nube't ede kà sige nga aw loon't deɗ.

²⁶Esaie tam ede nè: «Aw ra kosdooge't nè ede de ede nè: Sei a kooi se mbi si kuwe, nè sei a i geri gir lé. Sei a kan-in se kum si kuwe, nè sei a kan-in njai lé.

²⁷Kerɔte kuwe, bengre kosdooge nè nga nder ɗàk-ɗàk. Ade teli njé dum nange, Ei uti kum de, nè bainléa n'a kan-in loo se kum de; d'utu mbi de nè bainléa n'a kooi tà se mbi de; d'ade bengre nder nè bainléa n'a geri gir tà, le kɔsi wan teli ke ra'm man Nube't kade m'aje'n de.

²⁸Ooi maje, tà kaje le Nube nga ule'n ade njé ke ei Juipge lé: ei baa, uri mbi de ooi.

[

²⁹Loo ke Paul tam tàge nè nga bè baa, Juipge ori ra de awi naji nan tà dann de't ngain.]

³⁰Paul ndi kêm kei ke uwe oje dè'n kuwe sár bal joo deri. Dooge malang ke reei rann't nga, è uwe de ke rann't.

³¹E ile mber Konbee le Nube ade de a, è ndó de tà ke oji dè Kuwe-bee Jésu-Krist se kêmnda káng m doo karé bè géa oge'n dè't lé.

Nje Ke Rome

Nje Ke Rome 1

Lapya ke Paul ra de

- ¹Man Paul, ßer kule le Jsu-Krist, Nube ßar'm unde'm ke njkawkule. Nube unde'm se ninn'n le kade m'ee njkile mber T ke Maje le'n.
- ²T ke Maje n nga Nube unn'n ndu'n kt mari ade njribe-d-tge ke tnn't titeke d ndang'n t'n km Magtubge ke tooi se ninn de.
- ³T ke Maje n nga d ndang d'je d Kuwe-ee le ji Jsu-Krist, Ngonn Nube. Krist nga d'je'n girka't le ngar David se go danra.
- ⁴D ger'n ke Ngonn le Nube se go Ndil-Kmnda. Nube ade'n tgmong ade unde'n loo tee'n dann nj ke koo't.
- ⁵Takul Krist  Nube uwe'n se j noje ade j'ee'n njkawkulege le kade girkoje dooge malang undei km de dnn't a, ilei ribar dnn't a t.
- ⁶Sei dooge ke km ßee-b ke Rome nga ga, Nube ßar sei le kade sei dooge le Jsu-Krist t.
- ⁷Sei malang ke km ßee-b ke Rome nga Nube tr sei  ßar sei kade sei dooge le'n ke i tooi se ninn si. Maje kade B ji Nube se Kuwe-ee Jsu-Krist adi sei kmnoje se kmlom.

Ngur kan kum njtaakm-Kristge ke Rome ra Paul

- ⁸Nyan ke desin ßaa, m'ra Nube le'm oiyo takul Jsu-Krist tede t le si malang, tede kbe kundekm le si toso se loo mbit-mbit bere mbak d nang n.
- ⁹Tede Nube ke m'ndi m'ra kule m'ade'n se ngarankm'm bere mbak loo kile mber T ke Maje't le Ngonn'n nga, ger titeke m'tam ngarankum t. Loo ke m'je t se Nube ßaa, m'ar ri si se ndge malang nonn't.
- ¹⁰M'deje Nube se ndge le kade m'aw m'an sei se go kmndige le'n.
- ¹¹Kerte kuwe, ngur kaw kan sei ra'm pnn-pnn tede kaw kaya t nyan-noje le Ndil-Kmnda kade sei kade i ndaii d nja si't njng.
- ¹²Ek le kade j'ulei dingem km nan't d kundekm't le ji malang. Kundekm le si  ra se'm a, kundekm le'm  ra se si a t.
- ¹³Ngakonmge, man m'ndige le kade i geri titeke m'je le kaw ra si't nja bule, n sr darin m'inge loo kaw l bai. M'ndige le kaw ra se si le kade kundekm le si ßeber titeke nd ke m'ra'n se dooge ke rang ke ei Juipge l nga t.
- ¹⁴Gar-gar  t le'm le kaw ra dooge't malang: Nj nyangerge se nj ger nyan lge, nj gos kumkunjuge se njkumkunju lge a t.

15 Gir'n ke nè á, sei ke i ndii kêm bee-bò ke Rome nga géa, ngur kaw kile mber Tà ke Maje kade sei ra'm pènn-pènn tɔ.

Tɔgmong le Tà ke Maje

16 Ma m'ra rasɔl dè tà kile mber Tà ke Maje't nga lé, tede è tɔgmong le Nube le kaje'n nanan ke um kêm'n dè't, Juipge kuwe kété bita njé ke ei Juipge lé bai.

17 Tà ke Maje nga tɔje jéi titeke Nube ɔr tà dè doo't takul kundekêm, unn gir ndɔ ke desêin sár ndɔ ke ngeinn't titeke dé ndang'n kêm magtub't d'ede nè: «Doo à ndi kumgajer takul kundekêm.»

Tà uwe dè dooge malang non Nube't

18 Wong le Nube in danrán nú ree oso dè njé mbatennge a, se njé ra nyan se dè naje'n lége malang a tɔ, tede nyanra de ke majelé utu dè ngarankum tà.

19 Nyan ke ase kade dooge geri Nube tò ndá't ndái-ndái, tede Nube kuwe tee se gir ade de.

20 Tɔgmong ke dum dè loo le Nube se danra Nube nga, ei nyange ke doo ase kan ndan lé. Nè unn gir kété mari loo kunde gir nyange ke dè nang nè nga, tɔgmong le'n se danra'n ke doo ase kan lé nga, tooi nata ndái-ndái ade dooge an-in nin se go nyankundege le'n. Bè baa, loo kede gos le dooge goto d'arinè ta.

21 Tede ei geri Nube mbak kuwe, nè ilei ribar dènn't lé a, rai nin oiyo lé a tɔ. Nè né è bè géa, kile ribar dè Nube't a, ra'n oiyo a tɔ nga, ei nyange ke tuwe'n d'ew kuwe. Kêm tɔ kuje tà lé urkei kêm bengre de't ade tàgirge le de è ke raikarè. Gir'n ke nè á dé ndem'n d'ur'n dann tilkus't.

22 Dooge nè nga tami edi nè n'ei njékumkunjuge, nè ei mbege karè.

23 Nube ke njèndi se non nga d'ile ribar dènn't lé, nè dé d'ɔi nyange ke dé ra de d'ade ei kum gute tà doo ke njè kwei tá. Tabai dé d'ɔi nyange ke dé ra de d'ade ei kum gute tà helge, kum gute tà dange ke nja de è sɔ-sɔ a, kum gute tà nyange ke agi nang se tà kêm de a tɔ.

24 Gir'n ke nè á, Nube inye'n de dann ngur nyange ke mine ke uri kei dè bengre de't ade d'ile'n rasɔl dè danra de dé't kuwe.

25 Dooge teli ngarankum tà le Nube ke tà lanm. Ei d'ɔyi nyankundege le Nube a, ei rai ber le de titeke ei Nube ke Njèkunde nyange malang nga bè. Nube ke njèkunde nyange malang nga, maje kade dè'n mong káng-káng sár-sár se non. Maje kade è titeke bè kuwe.

26 Gir'n ke nè á Nube inye'n de dann ngur nyan rasɔlge ke uri sire kêm de't. Neen dege teli turi ra de dè nan't tooi se nan.

²⁷Dingemge géa è titeke bè tɔ. Ngur tò se nan ule por kêm de't ade teli inyei go tò se dinye baa, ei kuwe turi ra de dè nan't tooi se nan. Nyan bann-bannge ke uri se de walé titeke bè nga, kure'n à ɔde kum de dé kuwe.

²⁸Ngarakum ger Nube nga, dé ndige kum kêm de dè't lé. Gir'n ke nè á Nube inye'n de dann tàgir't ke se go rebe'n lé ade dé ra'n nyange ke kum ra lé.

²⁹Nyanrage ke se dè naje'n lé gai-gai se kêmnyêr, se kêmkein, se kêm majelé rusu kêm de njin-njin. Ngur tɔl doo, se tɔl nan, se tà sú kum nan, se nyanra ke majelé rusu kêm de njin-njin.

³⁰Dé njé tam tede nange, njé kor Nube njêtge, njé taje nduge, njé kan nan ke nyan lége, njé ti ra dege, njékunde gir nyange ke kige ke majilé-majilé, njékaltà tà njékoje dege't a tɔ.

³¹Dé njé tàgirge ke non-non a, se njé kum tà minye't joo a tɔ. Ndige nan se kan kum ndoo le nan goto ra de't.

³²Dé ger tà ke Nube à gang dè't mbak: Dooge ke njé ra nyange ke titeke bè nga, d'ase ndi kumgajer lé. Nè né è bè géa, dé ra nyange nè nga kum de ke kété-kété a, dé ndige se dooge ke rang dè nyanrage ke majélé't a tɔ.

Nje Ke Rome 2

Nube à gangtà dè dooge't malang se go nyan ra de, ra de

¹I nanan ke i ndi a i gangtà dè dooge ke rang't nga, i géa ile tà dè rai't tɔ. Tede nyan ke rai á i gang'n tà dè de't nè nga, i géa i njè ra nyan nè nga tɔ.

²Nube gangtà dè njé ra nyange ke majelé. Jè geri titeke gangtà le'n è se dè naje'n.

³I ndi i gangtà dè njé ra nyange ke majelé. Nyange ke rai á i ndi a i gang'n tà dè de't nga, i géa i njè ra nyange nè nga tɔ. Ké i gir kêm'i't ede nè tà ke Nube à gang dè de't nga, ké à nali wa?

⁴Ké bò kêm-maje se kêmkile se korè ke Nube orè tà'n njak ndi nginei nga, ké i an ke nyan lé wa? Bò kêm-maje le Nube ke ɔsi balang-balang le kade i tur hali nga, ké i ger lé wa?

⁵Nè se go kêmnder lei a, se dum nan lei nga a tɔ nga, i uwe'n bò wong le Nube i buku'n dèi't i ngine'n ndɔ gangtà. Ndɔ nè nga, Nube à gangtà dè dooge't se dè naje'n,

⁶à uge nanan géa se go kule ra'n-ra'n.

⁷Njé ke sangi le rai nyan ke maje se ndɔ de-ndɔ de tede le kinge'n ndubra le Nube a, ribar a, se ndikumgajer se non a tɔ nga, Nube à ade à ndii se'n sár se non.

⁸Nè wong se kêmkon le Nube à nder dè njé naje tàge't se dè njé ra nyan ke se dè naje'n lé utei ngarankum tà mbeng.

- ⁹Njé ra nyange ke majelé nga, nyantosowur se bel à rai de kade kade de à gete get-get. Juipge kuwe nyange nè à ra de kété pa bita à ra njé ke ei Juipge lé bai.
- ¹⁰Nè dooge malang ke rai nyange ke maje nga, Nube à ade de ndubra a, ribar a, kêm lom a tɔ. Nube à ade nyange nè nga Juipge kété pa bita à ade njé ke ei Juipge lé bai.
- ¹¹Kerɔte kuwe, Nube è njè ndête kum doo karé bè lé.
- ¹²Dooge malang ke rai majelé anje ger gute-ndu le Moise nga à tuji anje gute-ndu le Moise nga tɔ. Nè dooge malang ke rai majelé gir gute-ndu't nga, d'ade gangtà dè de't se go gute-ndu Moise nga tɔ.
- ¹³Dooge ke Nube ɔr tà dè de't nga, ei njé ke dé tute gute-ndu d'ade ooi se mbi de karé lé. Nè Nube ɔr tà dè dooge ke rai nyange ke gute-ndu ɔje.
- ¹⁴Dooge ke ei Juipge lé nga geri gute-ndu le Moise lé. Nè né è bè géa, ei kuwe in-in se kêm de rai nyange ke gute-ndu ɔje. Loo ke ei rai titeke bè nga baa, ei tɔji jè titeke awi se gute-ndu ke ɔje dè de ei kuwe tɔ.
- ¹⁵Dooge nè nga tɔji jè titeke nyan ke gute-ndu ɔje nga ei ndangi dè bengre de't a, tàgir ke kêm de't ɔrgir ke nata a tɔ. Tàgir le de ke ile tà éké ɔr tà dè de't loo ke nange nga tɔji jè titeke d'aw se gute-ndu ke ɔje dè de tɔ.
- ¹⁶Nyange malang à tooi nata ndái-ndái kêm ndɔ ke Nube à ade Jésus-Krist à gang'n tà dè nyange ke majelé ke dooge rai se go ngein. Tà ke Maje ke m'ile mber'n nga tam bè kuwe.

Juipge ali tà tà gute-ndu't

- ¹⁷Nè i ke i bar rai Juip, i ke i ndune rai kade gute-ndu't unde'n kàdi se ri Nube;
- ¹⁸i ger nyan ke kêm Nube ndige a, i ger kɔr kum nyange ke maje tede dé ndói gute-ndu d'ade i ger bá.
- ¹⁹I an rai ke njèkɔr non njékumtɔge a, ke lookar le njé ke ndii dann tilkus't a tɔ.
- ²⁰I an rai ke njèndó nyan dooge ke ei njé nyangerge lé. I an rai ke njèndó nyan nganngé ke ndèin bè tede inge nyanger ke get se ngarankum tà ra gute-ndu't.
- ²¹A baa, ké i ke njèndó nyan dooge ke rang nga, i ndó rai i kuwe nyan lé wa? I ke i ra rai ke njèkile mber kade dooge bogi lé nga, ké bain tabai á i boge wa?
- ²²I ke i tam ede nè: Doo à sang dinye ke rang lé nga, ké bain á i tel i sang dinye ke rang bai wa? I ke ɔr magege njèt nga, ké bain tabai á i tel i boge nyange ke kêm kei gugu magege't nga bai wa?
- ²³I ke njèkunde kàdi tede gute-ndu nga, ké bain á altà tà gute-ndu't ile'n rasɔl dè Nube't wa?

- ²⁴Kerɔte kuwe, dé ndang tà'n kêm Magtub ke tò se ninn'n d'ede nè: «Tede nyanra sige ke titeke bè á dooge ke ei Juipge lé nedri Nube.»
- ²⁵Kerɔte kuwe, ke nè á an dè gute-ndu sêw-sêw baa, kuje tà mɔte è nyan ke maje. Nè ke nè á altà tà gute-ndu't baa, kuje tà mɔte lei tel è nyan ke raikarè.
- ²⁶Ke nè á doo ke uje tà mɔte'n lé an dè ndukunngé le gute-ndu nga sêw-sêw baa, ké Nube à mboje'n ke njèkuje tà mɔte lé wa?
- ²⁷I i Juip ke d'uje tà mɔti kuwe. I ndi se magtub gute-ndu ke dé ndang jii't kuwe. Nè né è bè géa, ke nè á al tà tà gute-ndu't baa, doo ke d'uje tà mɔte'n lé ke an dè gute-ndu sêw-sêw nga à gangtà dèi't gar-gar.
- ²⁸Kuje tà mɔte ke danra't nata nga à ade doo ee'n ngarankum Juip lé. Ngarakum kuje tà mɔte nga, è kuje tà mɔte ke danra't nata lé.
- ²⁹Nè ngarankum Juip nga è Juip ke kêm doo't kei a, ngarankum kuje tà mɔte nga è kuje tà mɔte ke dè bengre doo't. Kuje tà mɔte ke dè bengre't nga in ra Ndil Nube m in ra gute-ndu ke dé ndang't nga lé. Juip ke get nè nga inge pite ra dooge't lé nè ra Nube't.

Nje Ke Rome 3

Nonkar le Juipge

- ¹Bainléa i deje rai tà ede nè: Ke nè á è titeke bè baa, ké ri á Juip inge dum dooge ke rang ke ei Juipge lé nga wa? Ké maje le kuje tà mɔte nga è ri wa?
- ²Nonkar le doo ke è Juip è ngain ɔje dè nyange bule. E Juipge á Nube ule se tàge le'n ade de kété ke desêin.
- ³Ké j'à tam kede nè ri wa? Juipge ke nange unni mbi de dè tàge't le Nube kuwe, nè ké kunn mbi dè tà't le de à koge'n ra nyan ke unn'n ndu'n le ra nga wa? M-m, è bè lé.
- ⁴Ke nè á dooge malang ei njè lanmge géa, Nube è njè tam ngarankum tà. Magtub ke tò se ninn'n tam tà ɔje'n dè Nube ede nè: «Maje kade d'an tà tamige ke tà ke se dè naje'n a, loo ke d'ade gangtà dèi't baa, maje kade uwe de se tà a tɔ.»
- ⁵Dooge ke nange tami edi nè: Nyanra ke se dè naje'n lé le jé nga ade nyanra ke se dè naje'n le Nube kile'n ra'n ke nata. A baa, ké ra ke Nube ra wong se jé nga è loon't wa? M'tam tà nè nga titeke bè se go tà tam dooge.
- ⁶M-m! Nube è njè ra nyan ke se dè naje'n lé ndan lé. Ke nè á Nube gangtà dè jéi jèi Juipge't lé baa, ké à gangtà dè dooge ke rang titeke bain wa?
- ⁷Bainléa doo karé tam ede nè: Tà lanm le'm ade ngarankum tà le Nube kile ra'n ke nata ade d'ile'n ribar dènn't. A baa, ké tede ri á Nube gangtà dèm't titeke m'ee njè ra majelé bè tabai wa?

⁸Dooge ke nange ulei tà gir jé't edi nè è jè á jè sule dooge j'ede nè: «Ade jè rai majelé tede kade ra maje tee'n tutu.» Dooge ke titeke bè nga, tà ke dé gang dè de't è se dè naje'n kuwe.

Doo karé ke njè ra nyan se dè naje'n goto

⁹Ké j'à tami kedi nè ri wa? Ké jèi Juipge jè maji jè dumi dooge ke rang wa? M-m, è bè lé! M'orgir m'ade sei kété bá titeke Juipge se njé ke ei Juipge lé nga, majelé on bee dè de't malang.

¹⁰Magtub le Nube tam ede nè: «Doo ke njè ra nyan se dè naje'n goto, doo karé ke luk-luk bè géa goto.

¹¹Doo ke njèkumkunju karé bè géa goto, doo karé ke njè sang Nube kade ra se'n goto.

¹²Dooge malang ndemi awi dè nan't dótótó. Doo ke njè ra maje goto, doo karé ke luk-luk bè géa goto.

¹³Kul-kunge de è be-bade ke tò wei, ndon de è nyan sú dooge, keng pir tò gir ndon de't.

¹⁴Kubu-yo se wurkate rusi kê m de njin-njin.

¹⁵Nja de olé pêl-pêl tede kaw kile mese doo nang.

¹⁶Loo malang ke d'aw tutu nga, tuju se kumndoo tooi dè nja de't.

¹⁷Rebe ndi se kêmlom nga, dé ger lé.

¹⁸Bel ndil Nube nga d'an ke nyan tàkum de't lé.»

¹⁹Tàge malang ke gute-ndu tam nga, jè ger titeke è tam oje'n dè njé ke ndii gir gute-ndu't. Doo karé à teen tà'n le tam'n tà dè rann't lé. Dooge malang ke dè nang nè nga, tà uwe dè de non Nube't.

²⁰Doo karé bè géa Nube à or tà dènn't tede ra ke è ra nyan ke gute-ndu oje nga lé. Gute-ndu tò tede taje doo kade ger titeke è njè ra majelé.

Nube or tà dè doo't takul kundekêm

²¹Nè d'arinè Nube taje jèi rebe ke è or'n tà dè dooge't. E or tà dè de't nal kade dé ra nyan ke gute-ndu oje. Magtub gute-ndu le Moise se le njéribè-dè-tàge ke tà Nube't tami tà nè nga bè tɔ:

²²Nube or tà dè dooge't malang tede kê m de ke undei dè Jésus-Krist't, m or kum doo karé dann de't lé.

²³Dooge malang rai majelé. Gir'n ke nè á nali kingei ribar ke Nube oje le kile dè de't nga.

- ²⁴Nube ɔr tà dè dooge't karè takul kêmnoje le'n ke ule'n Jésu-Krist ade ree ɔr'n de dann majelége't le de.
- ²⁵Jésu-Krist nga, Nube ɔr'n unde'n ke nyan kɔr kaiya. Jésu-Krist wei ade mese'n an-in nang tede majelé le dooge. Njé ke undei kêm de dènn't nga, Nube ade kêm'n tin mbit dè majelége't le de. Nube toje titeke è njè ra nyan se dè naje'n. Kété mari Nube ile kêm'n pon dè majelége't le dooge ade kure'n ɔde kum de lé.
- ²⁶Nè ɗarinè è toje jèi rebe ke è ɔr'n tà dè dooge't. Nube è njè ra nyan se dè naje'n. Dooge ke undei kêm de dè Jésu't nga, è ɔr tà dè de't kɔke.
- ²⁷A ɓaa, ké loo kade dè jéi in tchakm tò non ɓai wa? M-m, loo kade dè jéi in tchakm goto tà! Ké loo kade dè jéi in tchakm goto tede ri wa? Kundekêm á dè doo à kin'n tchakm m dè doo à in tchakm ɔje dè ra nyan ke gute-ndu ɔje nga lé ta.
- ²⁸Jè ger kêm jé't titeke Nube ɔr tà dè doo't takul kundekêm le'n m takul ra ke è ra nyan malang ke gute-ndu ɔje nga lé.
- ²⁹Ké Nube nga è Nube le Juipge kuwe se kar de wa? Ké è Nube le njé ke ei Juipge lé nga to lé wa? Loo naje'n goto, Nube nga è Nube le dooge ke ei Juipge lé nga to.
- ³⁰Kerɔte kuwe, Nube nga è kuwe se kar'n bere luk-luk á è Nube. E ke karé nè kuwe á à ɔr tà dè Juipge't a, à ɔr tà dè njé ke ei Juipge lé a to, takul kundekêm.
- ³¹A ɓaa, ké kundekêm dè Krist't le jéi nga à tuju maje le gute-ndu wa? M-m, è bè lé! Takul kundekêm á j'unn'n gute-ndu j'unde'n ɗɔ ɗang j'ade tò loon't ke kété.

Nje Ke Rome 4

Nube ɔr tà dè Abraham't takul kundekêm

- ¹Se go danra nga ké tà ri á j'à tam ɔje dè kà jéi Abraham wa? Ké ri á è inge se go danra wa?
- ²Ke nè á ndɔ ke Nube ɔr tà dè Abraham't se go nyan ke è ra ɓaa, nè dè'n à in tchakm kuwe. Nè dè'n asekum kin tchakm non Nube't lé.
- ³Ké tà ri á Magtub ke tò se ninn'n tam wa? E tam ede nè: «Abraham unde kêm'n dè Nube't á Nube ɔr'n tà dènn't.»
- ⁴Nyan ke doo ra kule á inge'n nga, è nar kuge dè ji'n m è nyan kunde nja'n lé: nè è nar kuge dè ji'n è kuwe.
- ⁵Ke nè á è ra kule lé, nè è unde kêm'n dè Nube ke njè kɔr tà dè njè ra nyan majelé't nga ɓaa, Nube ɔr tà dènn't takul kundekêm le'n.
- ⁶Titeke bè á David géa tam tà ɔje'n dè ranel le doo ke Nube ɔr tà dènn't nal mboje nyan ranngé. David tam ede nè:
- ⁷«Dooge ke Nube inye go nyanrage le de ke pás-pàs a, ade kêm'n tin mbit dè majelége't le de a to nga, ra de à nel de kuwe.

⁸Doo ke Kuwe-bee mboje go majelé le'n lé baa, ra'n à nel'n kuwe.»

⁹Ké ranel nè nga tò tede le Juipge ke njékuje tà môte dege kuwe se kar de bere wa? Njé ke ei Juipge lé nga, ké ranel nè tò tede le de tɔ lé wa? Kété jè tam j'ede nè: «Nube ɔr tà dè Abraham't takul kêm'n ke unde dè Nube't.»¹⁰Ké ndɔ ke ra á Nube ɔr'n tà dè Abraham't wa? Ké Nube ɔr tà dè Abraham't kété bita d'uje tà môte'n éké d'uje tà môte'n pa bita Nube ɔr tà dènn't wa? M-m, Nube ɔr tà dè Abraham't kété bita uje tà môte'n bai.

¹¹Abraham nga ndɔ ke d'uje tà môte'n le tɔje'n dooge titeke Nube ɔr tà dènn't bá takul kêm'n ke unde dènn't. Nube ɔr tà dè Abraham't kété pa bita d'uje tà môte'n bai. Titeke bè á Abraham tel ee'n bɔ dooge malang ke undei kêm de dè Nube't nal kuje tà môte de. Nube ɔr tà dè njé ke undei kêm de dènn't nal kuje tà môte de.

¹²Abraham tel è bɔ njékuje tà môte dege nga tɔ. E bɔ njé ke d'uje tà môte de ɔje dè danra karè lé, nè njé ke unni dè nja kundekêm le'n. Bɔ jéi Abraham nga, ndɔ ke unde kêm'n dè Nube't kété pa bita d'uje tà môte'n bai.

Nube unn ndu'n ade njé ke undei kêm de dènn't

¹³Ndɔ ke Nube unn ndu'n ade Abraham se ngannkànge titeke à ingei dè nang nè bere mbak ke nyan-ndube le de. Abraham inge kunn-ndu nè nga bè tede kan ke è an dè gute-ndu sêw-sêw lé, nè tede kɔr ke Nube ɔr tà dènn't takul kundekêm le'n.

¹⁴Ke nè á dooge ingei nyan-ndube se go kile koje dè gute-ndu't baa, kundekêm dè Nube't tel è nyan ke raikarè a, kunn ke Nube unn ndu'n ade Abraham nga géa tel è nyan ke nuju a tɔ.

¹⁵Kerɔte kuwe, gute-ndu nga tɔje wong le Nube ke nata. Loo ke gute-ndu goto tutu nga, kaltà tà gute-ndu't géa goto tutu a tɔ.

¹⁶Titeke bè baa, kunn-ndu nè nga tò ɔje dè kundekêm tede le kade è nyan-noje le Nube. Kunn-ndu nè nga tò njáng tede le ngannkà Abrahamge malang. Kunn-ndu nè nga è tede le njé ke ilei koje dè gute-ndu't á se kar de lé, nè è tede le njé ke undei kêm de dè Nube't tite bɔ jéi Abraham bè tɔ.

¹⁷Dé ndang kêm Magtub't le Nube d'ede nè: «I Abraham nga, m'teli ke bɔ dooge ke bulei d̄ik-d̄ik.» Abraham è bɔ jéi malang non Nube't ke è unde kêm'n dènn't. E Nube ke njè kade dooge ke weii teli ndii kumgajer a, nyange ke gotoi bai géa è bar de ade undei loo teei a tɔ.

¹⁸Nyan kunde kêm tchên dè't le Abraham goto dè bugenn't ta. Nè né è bè géa, è unde kêm'n tchên ke dè Nube't. Gir'n ke nè á tel ee'n «bɔ girkoje dooge ke bulei d̄ik-d̄ik» se go tà ke ndɔ ke Nube ede'n ede nè: «Ngannkàige à bulei titeke bè tɔ.»

¹⁹Abraham an ra'n ke doo ke wei bá m n'ase koje ngonn lé ta, tede nain ngɔr baa bal koje'n à ase aru karé. Neen'n Sara géa buge ngain ase koje ngonn lé ta. Nè né è bè géa, Abraham ade kundekêm le'n yɔk lé.

²⁰E naje se ra'n dè kunn-ndu't le Nube nga lé. Takul kundekêm á è inge'n tɔge'n ile'n ribar dè Nube't.

²¹Abraham ger kêm'n't mbak titeke nyan ke Nube unn ndu'n le ra nga, Nube asekum ra tɔl mbas kuwe.

²²Gir'n ke nè á «Nube ɔr'n tà dè Abraham't» takul kundekêm le'n.

²³Dé ndang kêm Magtub't d'ede nè: «Nube ɔr tà dè Abraham't.» Dé ndang tà nè nga d'ɔje'n dè Abraham á se kar'n lé,

²⁴nè dé ndang tà nè d'ɔje'n dè jéi jèi ke Nube ɔr tà dè jéi't takul kêm jéi ke j'undeide'n è ke njè kade Kuwe-bee le jéi Jésu unde loo tee dann njé ke koo't nga.

²⁵Kuwe-bee le jéi Jésu nga, d'ule'n ji dooge't d'ade tɔli nin tede ra majelége le jéi. E unde loo tee dann njé koo't tede kade Nube ɔr'n tà dè jéi't.

Nje Ke Rome 5

Tà ɔr dè jéi't takul Jésu-Krist

¹Oiyo, Nube ɔr tà dè jéi't se go kundekêm le jéi. Gir'n ke nè á jè ndii se'n se kêmlo mɔ dariné takul Kuwe-bee le jéi Jésu-Krist.

²Takul kêm jéi ke j'undeide dè Kuwe-bee Jésu't á j'ingei rebe nonkar nè nga. Nonkar nè nga ade jè ndaii tutu njáng. J'undeide kêm jéi tchên tede korè ke j'orèi nan se Nube dè ribar't le'n. E ke nè á è nyan ke ade dè jéi in'n tchakm.

³E ke nè á go karé lé, nè dè jéi in tchakm dann nyantosowurge ke ra jèi, tede jè geri titeke nyantosowur oje korè tà njak.

⁴Korè tà njak oje kilekêm, kilekêm oje kundekêm tchên,

⁵kundekêm tchên nga á ile rasɔl dè jéi't lé, tede Nube tár jéi ade Ndil-Kêmnda ree urkei kêm bengre jéi't.

⁶Oiyo, loo ke ndɔ ke tɔg jéi ase tee ji ber't le kaiya lé bai nga, Krist wei tede njékute Nube mbeng-ge dann kurloo ke è Nube kuwe ɔje.

⁷Le kade doo karé wei tede le njè ra nyan se dè naje'n nga géa, è nyan ke loo ra'n tur ngain. Bainléa doo karé tò tutu asekum korè tà'n njak le kwei tede doo ke maje.

⁸Nè Nube tɔje jéi ngarankêm'n titeke n'tár jéi takul kwei le Krist: Loo ke ndɔ ke jè nain ke njé ra majelége bai nga, Krist wei tede tà le jéi.

⁹Darinè tà ɔr dè jéi't bá takul mese'n. Tabai Krist á ɔr jèi tà wong't le Nube.

¹⁰Kerɔte kuwe, kété jéi njé bange le Nube. Nè dariné, Nube um jéi nan't se'n takul kwei le Ngonn'n. Ke nè á j'um nan't se Nube bá baa, Nube à aje jéi takul ndikumgajer le Ngonn'n nga tɔ.

11 Tabai è ke nè á go karé lé, nè dè jéi in tchakm non Nube't takul Kuwe-bee le jéi Jésu-Krist. Takul'n è á ðarinè j'umi nan't se Nube.

Adam se Jésu-Krist

12 Majelé ree dè nang se go rebe ke ra doo karé't. Doo nè nga è Adam. Yo ree dè nang nè se go rebe ke ra majelé't. Titeke bè á yo ree on'n bee dè dooge't malang tede dooge malang ei njé ra majelége.

13 Majelé ree dè nang nè kété bita kade Nube ade gute-ndu Moise bai. Nè loo ke ndo ke gute-ndu goto bai nga, Nube unn kum'n dè majelé't le dooge.

14 Yo unn gir konbee dè dooge't kêm ndon't le Adam sár tee'n kêm ndon't le Moise. Njé ke ali tà tà gute-ndu't tite Adam lé géa, yo on bee dè dé't a to. Adam è kum gute tà Krist ke à ree.

15 Kêmnoje le Nube dum dè kaltà le Adam bai. Kerote kuwe, dooge ngain weii yo kaltà le Adam ke se kar'n. Nè né è bè géa, noje ke Nube uwe se dooge bule takul doo karé bere ke è Jésu-Krist nga, dum dè kaltà le Adam.

16 Kann nyan-noje le Nube nga tò gai se kure majelé le Adam. Nube gangtà dè dooge't malang tede majelé ke ndo ke doo karé luk-luk ke è Adam ra. Nè Jésu-Krist ke è nyan-noje le Nube nga or tà dè dooge't oje dè majelége ngain ke ei rai.

17 Kerote kuwe, yo on bee dè dooge't se go rebe ke ra Adam't a, tede kaltà le Adam ke se kar'n bere a to. Nè ðarinè, dooge ingei noje le Nube adi taa ra de pel-pel takul doo karé bere luk-luk ke è Jésu-Krist. Takul Jésu-Krist á Nube or'n tà dè dooge't a, dooge à ndii kumgajer sár se non a to. Takul Jésu-Krist á ndo ke rang dooge à on-in bee se Nube.

18 Tà uwe dè dooge malang tede kaltà le Adam ke se kar'n bere. Takul nyanra ke se dè naje'n le Jésu-Krist se kar'n bere á tà or'n dè dooge't a, tabai ndii kumgajer a to.

19 Kaltà le doo karé bere á ndo ke kosdooge ei njé ra majelége. Takul kile koje le doo karé bere á tà à or'n dè kosdooge't to.

20 Gute-ndu unde loo tee ade majelé in dè made't ke kété-kété. Nè loo ke majelé in dè made't ke kété-kété tutu nga, kêm-noje le Nube in dè made't ke kété-kété tutu dum dè majelé.

21 Kété yo on bee dè dooge't tede majelé ke taa loo oge. Darinè kêmnoje le Nube or tà dè dooge't ade ingei ndikumgajer se non le Nube takul Jésu-Krist, Kuwe-bee le jéi nga.

Nje Ke Rome 6

I teli berge le majelé lé ta

¹Ké tà ri á j'à tami le tɔl'n ngang tàge nè nga wa? Ké j'à tami titeke dooge ke nange tami edi nè: Ade jè rai majelé kum jéi ke kété-kété tede kade kêmnoje le Nube in'n dè made't ke kété-kété. M-m, è bè lé!

²Jèi nga, jèi dooge ke j'ebi ra jéi dè ra majelé't: à baa, ké j'à teli kulei ra jéi dann majelé't mbiriri titeke bain tabai wa?

³Ké sei geri titeke jèi malang ke d'ule jèi manné njonm se ri Jésus nga, ké dé dubu jèi se'n nan't lé wa?

⁴Kule ke d'ule jèi manné njonm nga, è titeke dé dubu jèi se'n nan't tɔ. Titeke ndɔ ke Bɔ'n ade unde'n loo tee'n dann njé ke koo't se go tɔgmong le'n ke dum dè loo nga, jèi géa j'à j'unde'i loo teei le teli ndii kumgajer bè tɔ.

⁵Ke nè á j'umi se'n nan't bɔk dè kwei't le'n baa, j'à j'unde'i loo teei titeke ndɔ ke unde'n loo tee'n dann njé koo't nga bè tɔ.

⁶Jè ger titeke danra jéi ke mari nga, dé tɔl'n se Jésus nan't kade kage-ke-dese't le kade danra ke majelé ke ur sire tutu nga tel unde nang ndagja. Gir'n ke nè á jèi berge le kaiya gugu lé ta.

⁷Tede doo ke wei nga tà kaiya ɔr dènn't bá ta.

⁸Ke nè á j'weii se Krist nan't baa, j'unde'i kêm jéi titeke j'à ndii kumgajer se'n nan't tɔ.

⁹Krist ke d'ade unde loo tee dann njé koo't nga, jè geri mbak titeke à tel kwei ndan lé ta, tede yo ase konbee dènn't ndan lé a tɔ.

¹⁰Jésu-Krist wei nja karé ke gang'n tede le kaiya. Nè d'arinè, è tel ndi kumgajer tede le Nube.

¹¹Bè baa, sei géa an-in ra si ke ninn dooge ɔje dè kaiya, nè an-in ra si ke dooge ke teli ndii kumgajer tede le Nube takul kum ke umi nan't bɔk se Jésus-Krist.

¹²Danra ke ndɔn't à wei nga adi kaiya tel on bee dènn't ndan lé ta. I teli i turi ra si go ngur nyange't ke ɔje dè danra si nga ndan lé a tɔ.

¹³Inyei balkum ra sige adi ei nyan ra kule le nyan ra ke majelé nga lé. Nè tà le kade sei ke i tooi asinan se dooge ke unde'i loo teei dann njé ke koo't teli ndii kumgajer bè. Inyei ra si sei kuwe bere mbak adi Nube ke nyan ra kule ke maje.

¹⁴Kaiya à on bee dè si't lé ta, tede sei i ndii gir gute-ndu't lé ta, nè i ndii gir noje't le Nube.

I teli berge le nyanra ke se dè naje'n

¹⁵Ké ri á j'à rai wa? Ké j'à rai majelé ke kété-kété tede ndi ke jè ndi gir noje't m gir gute-ndu't lé nga wa? M-m, è bè lé!

¹⁶Sei geri mbak: titeke nè á sei kuwe i rai ra si ber le kile koje dè doo karé't baa, sei berge le doo nè nga kuwe. Doo ke ilei koje dènn't nga è kuwe si. Ke nè á i rai ra si ber le kaiya baa, kaiya à um sei tà yo't. Ke né á i rai ra si ber le Nube baa, Nube à òr tà dè si't tede koje ke ilei dènn't.

¹⁷Ade jè rai Nube oiyo. Sei nga kété kaiya on bee dè si't ade sei berge le'n. Nè ðarinè sei taai nyan ke dé ndó sei se ngarankêm si, ilei koje dè't.

¹⁸Darinè, d'òr sei bee ber't le kaiya d'ade i ndii dè si pal le kade sei berge le nyanra ke se dè naje'n ta.

¹⁹M'tam tà nè nga se go tà tam dooge tede loo ger gir tàge nè tur se si ngain. Kété sei rai ra si ke berge le nyan ke mine se nyan ra ke pás-pàs le kal'n tà tà Nube't. Nè ðarinè, sei rai ra si ke berge le nyanra ke se dè naje'n tede kade sei dooge ke i tooi se ninn si le Nube.

²⁰Loo ke ndò ke sei berge le kaiya bai nga, usu sei dè nyanra ke se dè najenn't nga mbêt lé.

²¹Kété i rai nyange ke majelé, nè ðarinè ra si sol sei dè't. Nyange nè nga aw se si ile sei tà yo't.

²²Nè ðarinè d'òr sei bee ber't le kaiya d'ade i ndii dè si pal le kade i teli berge le Nube. Titeke bè á sei dooge le Nube ke i tooi se ninn si a, loo tol tà'n baa a ingei ndikumgajer ke à tò sár se non a to.

²³Oiyo nyan kuge dè ji le kaiya è yo, nè nyan kuge noje le Nube baa, è ndikumgajer sár se non takul kum ke j'umi nan't bok se kuwe jéi Jésus-Krist.

Nje Ke Rome 7

Krist òr jèi ji gute-ndu't ade jè ndii dè jéi pal

¹Ngakonmge, sei malang i geri gute-ndu le Moise nga bá. Gute-ndu on bee dè doo't loo ke doo ndii'n kumgajer bai. Sei i geri tà nè nga maje kerote kuwe.

²E titeke bè se dinye ke taa ngaw. Loo ke ngaw'n ndi kumgajer bai nga, gute-ndu to de nan't se ngaw'n. Nè loo ke ngaw'n wei bá baa, è ndi dè'n pal m gute-ndu to'n nan't se ngaw'n lé ta.

³Loo ke ngaw'n ndi se dè'n do bai nga, ke nè á taa ngaw ke rang baa, d'a bar'n kaiya-dinye. Nè loo ke ngaw'n wei bá baa, è ndi dè'n pal m gute-ndu on bee dènn't lé ta. Ke nè á taa ngaw ke rang bai géa, d'a bar'n kaiya-dinye lé.

⁴Ngakonmge, sei géa le si è titeke bè to. Loo ke sei umi nan't bok se Krist ke wei tede jéi kade kage-ke-dese't nga, sei ori ra si ji gute-ndu't sei teli sei dooge le doo karé ke rang ta. Doo karé ke rang nè nga, è Krist ke ndò ke B'on Nube ke njètgmong ade unde loo tee dann njé ke koo't. Gir'n ke nè á j'asikum rai nyange ke maje tede le Nube.

⁵Loo ke ndo ke jè nain-in gir danra't bai nga, ngur ra nyange ke majelé ke gute-ndu le Moise oge jèi dè't taa ra jéi pel-pel. Ngur nyanrage nè nga aw se jéi ile jèi tà yo't.

⁶Kété gute-ndu uwe jèi ber. Nè d'arinè, dé taa jèi ji gute-ndu't d'ade jè ndii dè jéi pal. Bè baa, d'arinè j'asikum rai kule kade Nube se go rebe ke kige le Ndil-Kêmnda m se go rebe ke mari ke gute-ndu ke Moise ndang oje nga lé ta.

Gute-ndu ade kum jéi gang dè majelé't

⁷Ké j'à tami kedi nè ri wa? Bainléa a i geri titeke m'tam m'ede nè gute-ndu se kaiya ei nyan ke karé kuwe mbak. M-m è bè lé! Kum'm gang dè majelé't takul gute-ndu kuwe karé bere. Gute-ndu tam ede nè: «I a ra kêmkein dè nyan't le doo lé.» Ke nè á ndo ke gute-ndu tam tà nè nga bè lé baa, m'ayé ger titeke kêmkein è nyan ke majelé lé.

⁸Majelé ade kêmkeinge gai-gai oji nan ram't se rebe ke ra ndukunn't. Ke nè á gute-ndu goto baa, kaiya è nyan ke ninn tede togmong le'n goto.

⁹Kété mari ke gute-ndu goto bai nga, m'ndi kumgajer bai. Nè loo ke ndukunn unde loo tee baa, kaiya tose ndel in ade man tá m'wei.

¹⁰Ndukunn ke tò tede kor non doo kaw se'n tu ndikumgajer't nga tel è njèkor non'm kaw se'm kile'm tà yo't.

¹¹Se rebe ke ra ndukunn't á kaiya inge'n loo sú'm ade m'inge'n yo.

¹²Titeke bè baa, gute-ndu è nyan ke tò se ninn'n, ndukunn géa è nyan ke tò se ninn'n a, è nyan ke se dè naje'n a, è nyan ke maje a to.

¹³A baa, ké nyan ke maje à tel k'ee gir yoo'm tabai wa? M-m, è bè lé! Doo ke njètól'm ke get è kaiya. E kaiya á unn nyan ke maje ade tel è gir yoo'm. E ra titeke bè le toje'n majelé le'n ke bò ngain ke nata se rebe ke ra ndukunn't.

Majelé on bee dè doo't oge'n ra nyan ke maje

¹⁴Jè geri titeke gute-ndu è nyan le Ndil. Nè man baa, m'ee nyan le danra. Danra ige'm ade majelé on bee dèm't.

¹⁵Nyan ke m'ndi m'ra nga, m'ger kuju'n lé. Nyan ke m'ndige le ra nga m'ra lé, nè nyan ke m'or'n njèt tá m'ra.

¹⁶Ke nè á m'ra nyan ke m'ndige ra lé nga baa, man m'ndige se gute-ndu titeke gute-ndu nga è nyan ke maje kuwe.

¹⁷Bè baa, è man á m'in se dè'm m'ra nyange nè nga lé, nè è majelé ke ndi kêm't á ade m'ra nyange nè nga.

¹⁸M'ger titeke man se dè ra'm nga, nyan ke maje urkei kêm't mbêt lé. M'uwe ra nyan ke maje se ji'm mêtch kuwe, nè toge ra'n kor son á goto.

- ¹⁹Nyan ke maje ke m'ndige le ra nga m'ra lé, nè nyan ke majelé ke m'ndige le ra lé tá m'ra.
- ²⁰Ke nè á m'ra nyan ke m'ndige ra lé nga baa, è man á m'in se dèm m'ra nyan nè nga lé. Nè è majelé ke ndi kêm't á ade m'ra nyan nè nga.
- ²¹M'ndige le ra nyan ke maje, nè nyanra ke majelé tá ji'm ase tutu deŋ ade m'ra se ndoge malang titeke bè.
- ²²Kêm'm ke kei ra ranel dè gute-ndu Nube't.
- ²³Nè m'an titeke gute-ndu karé ke rang ndi ra kule ram't. Gute-ndu nè nga ndi à rɔ se gute-ndu ke bengre'm ke kei um nan't se'n. Gute-ndu karé ke rang ke ndi à rɔ se'm nga on bee dèm't ade m'ee ber le majelé ke ndi kêm't nga.
- ²⁴Man nga m'ée doo ke dang't! Ké nan à taa'm ji danra ke ndi aw se'm le kile'm tà yo't nè nga wa?
- ²⁵M'ra Nube oiyo tede taa ke taa'm ji danra't takul kuwe jéi Jésus-Krist. Tàgir ke kêm't kei ndi ra ber le gute-ndu Nube, nè danra'm ndi ra ber le gute-ndu ke sɔbe dè majelé ke on bee dèm't.

Nje Ke Rome 8

Takul Ndil Nube á jè ndii dè jéi pal

- ¹Njé ke umi nan't bok se Jésus-Krist nga, darinè tà karé bè géa uwe dè de lé ta.
- ²Darinè jè ndii kumgajer gir gute-ndu't le Ndil-Kêmnda takul kum ke j'umi nan't bok se Jésus-Krist. Gute-ndu le Ndil-Kêmnda nga ɔr'm bee ber't le majelé ke aw se'm ke tà yo't.
- ³Gute-ndu le Moise ase ra nyan nè nga lé, tede yai le danra ra gute-ndu Moise ade tɔg'n goto. Nè Nube ra nyan ke gute-ndu ase ra lé nga. E ule Ngonn kêm'n è kuwe ade ree dè nang nè se danra'n ke tò tanan se le njé ra majelége tede kɔr'n de dann majelé't.
- ⁴Nube ra nyan nè nga titeke bè le kade j'asi rai nyange ke gute-ndu ɔje nga. Dariné jè njiyei se go tɔgmong le Ndil-Kêmnda m se go tɔgmong le danra lé ta.
- ⁵Njé ke njiyei se go tɔgmong le danra nga, tàgir le de tò ɔje dè nyange le danra kuwe karé. Nè njé ke ke njiyei se go tɔgmong le Ndil-Kêmnda baa, tàgir le de ndolè go nyange ke Ndil ndige.
- ⁶Ke nè á danra á è njèkɔr non tàgir le doo baa à aw se'n kile'n tà yo't. Ke nè á Ndil-Kêmnda á è njèkɔr non tàgir le doo baa à aw se doo loo ndi kumgajer't se kêmlo.
- ⁷Tàgir le danra è njèban le Nube tede ase kile koje dè gute-ndu Nube't lé. Kerɔte kuwe, dooge ke njiyei se go tàgir le danra nga asi kilei koje dè gute-ndu Nube't lé.

- ⁸Njé ke tàgir le danra on bee de't nga asikum taai kum Nube lé.
- ⁹Nè sei baa, i njiyei se go tàgir le danra lé. Sei njiyei se tɔgmong le Ndil-Kêmnda tede Ndil Nube ndi kêm si't. Ke nè á doo aw se Ndil ke Krist ade jèi nga lé baa, doo nè nga è le Krist lé.
- ¹⁰Danra si á wei tede majelé ke on bee dènn't kerɔte kuwe. Nè ke nè á Krist ndi kêm si't baa, Ndil à ade a i teli ndii kumgajer tede Krist ɔr tà dè si't bá ta.
- ¹¹Nube ade Jésu unde loo tee dann njé ke koo't. Ke nè á Ndil Nube ndi kêm si't baa, Nube ke ndɔ ke ade Jésu unde loo tee dann njé ke koo't nga à ade danra si ke njè kwei à tel ndi kumgajer. E Nube ke njè kade Jésu unde loo tee dann njé ke koo't nga á à ade a i teli ndii kumgajer tɔ, takul Ndil'n ke ndi kêm si't nga.
- ¹²Ngakonmge, jèi nga jè ndii gir tɔgmong't le danra lé. Bè baa, j'à rai nyange ke danra tá tɔje jèi kade jè rai lé ta.
- ¹³Ke nè á sei rai nyange ke kêm danra ndige baa, sei a i tooi kasinan se dooge ke weii tàkum Nube't. Nè ke nè á Ndil ra se si ade ebi ra si rai nyange le danra baa, sei a i ndii kumgajer kerɔte kuwe.
- ¹⁴Dooge malang ke inyei loo adi Ndil Nube ɔr non de nga, ei ngann Nube kerɔte kuwe.
- ¹⁵Ndil ke sei ingei nga à ra sei ber kade i teli osoi dann bel't lé ta, nè à tel sei ke ngann Nube. Takul Ndil nè á jè bari Nube j'edi nè: «Abba!» tel se tà koje jé baa è «Bɔ jé!»
- ¹⁶Ndil-Kêmnda kuwe tam titeke jèi ngann Nube kerɔte kuwe.
- ¹⁷Ke nè á jèi ngann Nube kerɔte baa, j'ingei nyange ke ndɔ ke Nube unn'n ndu'n le kade dooge le'n se Krist nan't. Bè baa, ke nè á, j'orèi nan se Krist dè nyantosowurge't le'n baa, ndɔn't j'à j'orèi nan se'n dè ndubra't le'n nga tɔ.
- Ndubra ke j'à kinge ndɔ ke rang**
- ¹⁸M'gir kêm't titeke nyantosowurge ke ndii à rai jèi d'arinè nga à asinan se ribar ke bò ke ndɔ ke rang j'à j'ingei nga lé.
- ¹⁹Nyankundege malang ndii kerm nginei ndubra le ngann Nube ke ndɔn't Nube à ade à kile ra'n ke nata.
- ²⁰Nyankundege malang nga, nyanra ke pás-pàs on bee dè de't. Nyankundege malang ndii gir tɔgmong't le nyanra ke pás-pàs se go kêmndige le de lé, nè se go kêmndige le Nube tede kaltà le doo.
- ²¹Nyange malang ke Nube unde de nga, d'a d'ɔr de kêm bee ber't le nyanra ke bann-bann le kade orèi nan se ngann Nube dè ndii dè pal ke deri.
- ²²Jè geri titeke sár d'arinè nyankundege le Nube bere mbak ton-in ra de tede nyankêmkon ke ra de asenan se dinye ke ndo tur'n bè.

²³E nyankundege le Nube á se kar de á ton-in ra de lé: jèi ke j'ingei Ndil-Kêmnda ke è tàpitem nyan-nojege le Nube nga géa, jè ton-in kêm jéi't tɔ. Jè ndii jè nginei ndɔ ke Nube à taa'n jèi kinye'n jèi dɔ kade jè teli ngannenge.

²⁴Kerɔte kuwe, j'ingei kaje nga bá; nè è se go kundekêm tchên karè bai. Ke nè á doo an nyan pa bita unde kêm'n tchên dè't baa, è kundekêm tchên ke get lé. Nyan ke doo an se kum'n baa nga, ké à unde kêm'n tchên dè't titeke bain tabai wa?

²⁵Kundekêm tchên dè nyan ke j'an-in se kum jéi lé bai nga, è korè tà njak ngine'n nyan nè se kêmkile.

²⁶Jèi nga, jèi njéyaige, nè Ndil-Kêmnda ree din-in jèi dè yaige't le jéi. Jè geri nyan ke get ke kum deje Nube lé. Kebe ke j'ilei puun anje kade tà tee tà jéi't bai géa, Ndil ɔje tà se Nube tede è ke nè bá.

²⁷Nube è ke njè ter bengre dooge nga ger nyan ke Ndil ndige kɔ. Ndil-Kêmnda ndi ra rebe tà le njétaakêm-Kristge se go kêmndige le Nube.

²⁸Jè ger mbak titeke njé ke tári Nube nga, nyan malang ke ra de d'arinè à tel maje dè de't ndɔ ke rang bai. E Nube á bar de se go nyan ke è kuwe ɔje kété mari.

²⁹Njé ke Nube ger de kété bita unde nang nè bai nga, è ɔje kêm'n't kété mari ke desêin le tel de ke ngann'n le kade tooi asinan se Ngonn kêm'n Jésus. Nube ra titeke bè le kade Ngonn'n ee'n doo ke desêin ke inge ribar le Nube dann kosdooge't le Nube.

³⁰Njé ke Nube ɔje kade ei ngannenge kété mari ke desêin nga, è bar de tɔ. Njé ke è bar de nga, è tel de ke njé ra nyan se dè najenngé a, è ile ribar dè de't a tɔ.

Nyan karé bè ke à gang jè danné se tár le Nube goto

³¹Ké tà ri j'à tami dè nyange't nè nga bai wa? Ke nè á Nube è le jéi baa, ké nan à ɔse se jéi tà wa?

³²Ngonn kêm'n géa, Nube ngonm'n rann't lé, nè è inye'n ade dé tɔl'n tede tà le jéi malang. Nube à ade jèi nyan malang takul Jésus kerɔte kuwe.

³³Dooge ke Nube kuwe tɔr de nga, ké nan ase kile tà dè de't wa? Doo karé bè ke ase kile tà dè de't goto tede è è Nube kuwe á ɔr tà dè de't bá.

³⁴Dooge ke Nube kuwe tɔr de a, ɔr tà dè de't a tɔ nga, ké nan ase gangtà dè de't wa? Doo karé bè ke ase gangtà dè de't goto, tede Jésus-Krist wei tede tà le de. Jésus-Krist ke wei tede tà le de nga, è unde loo tee dann njé ke koo't. Tabai è aw ndi dè jikon Núbe't à ra rebe tà le jéi.

³⁵Ké nan ase kum gang dann jéi se Krist ke njè tár jèi nga wa? Nyantosowur éké ndoo, nyan kumndoo éké bo, kaw mbur sutur, nyan ke ase kum ree se yo dè jéi't éké yo ke njè tɔl danra jéi asi gangi dann jéi se Krist ke njè tár jèi nga ndan lé.

³⁶Dé ndang tà nè kêm Magtub't le Nube d'ede nè: «E tede k'ee ke jè leige á dé tol'n jè se ndoge sár d'ade kàde ur'n nang bàj. D'an jè tite batege ke d'aw se de loo tol dange't bè.»

³⁷Nè jè tėti rɔ nyange nè nga malang takul tɔgmong le Nube ke njè tár jèi nga kum jèi ke kété.

³⁸Kerɔte kuwe, m'ger kêm't mbak: nyan karé bè ke ase gang dann jèi se Nube ke njè tár jèi takul kum ke j'umi nan't bok se kuwe jèi Jésus-Krist nga goto. Yo éké ndikumgajer, dooge ke danrán éké njékon dè looge, nyange ke darinè éké nyange ke à reei,

³⁹njéɔgmong-ge ke dɔ éké njé ke dè nang nè éké nyankunde ke rang karé bè géa ase gang dann jèi se Nube ke njè tár jèi nga ndan lé.

Nje Ke Rome 9

Nyan ke Nube ɔje tede kosdooge le'n ke è ɔr de

¹Man m'ede sei ngarankum tà se ri Krist m m'lanm lé. Ndil-Kêmnda géa ade m'ger se kêm'm tite tà ke m'tam nga è ngarankum tà kuwe.

²Tà tur kêm'm ngain ade bengre'm ndir njàk-njàk se ndoge malang.

³Ke nè á kɔr ra'm ra Krist't è nyan ke ase kade ngakonm Juipge ingei kaje baa, m'ndinge le kɔr ra'm kuwe m m'ayé mbate lé.

⁴Dé nè nga, dé dooge ke ndɔ ke Nube tel de ke ngann'n. D'an ndubra le'n se kum de a, è mann ra'n ade de a, è ade de gute-ndu'n a, inye loo ade dé ra kule d'ade'n a, è unn ndu'n ade de a tɔ.

⁵Juipge nga ei girkà le dooge le Nube ke ri de bar ngain. Krist ke è Nube ke on bee dè nyange't malang nga géa d'oje'n girkà le de dé nè nga tɔ. Maje kade dè Krist mong káng-káng sár se non! Maje kade è titeke bè kuwe.

⁶Tà ke tee tà Nube't nga, Nube ade ra nyan m tò karè lé. Kerɔte kuwe, dooge malang ke in-in girkà't le Israel nga, ei Israelge ke get mbak lé.

⁷Dooge malang ke d'oje de girkà't le Abraham nga, ei ngann le Abraham ke get mbak lé. Ndɔ ke Nube ede Abraham ede nè: «Ngannkàige ke ndɔ ke m'unn'n ndu'm m'adi nga à inge de se rebe ke ra Isaac't.»

⁸Kɔrgir tà nè nga è titeke bè: dé ke d'oje de se rebe ke dooge ndii oji nan nga, dé ngann le Nube lé. Nè njé ke d'oje de se go kunn-ndu le Nube kuwe karé á ei ngann le Abraham ke get.

⁹Oiyo, ndɔ ke Nube unn ndu'n ade Abraham ede nè: «Kál, kêm nan ke tite made nè bè baa, m'a m'tel ree, an! neein Sara à inge ngonn ke dingem.»

¹⁰E ke nè á karé lé. Rébecca géa ndɔ ke oje ndungege se kà jèi Isaac tɔ.

11Kété ke d'oje ndungege nè lé bai nga, Nube ede Rébecca ede nè: «Ngonn ke ngatɔg à ra ber le njè ke ndêin. Nube ɔje nyan nè nga kété bita kade ngannge nè rai maje éké rai majelé bai.

12Nyan ke Nube ɔje nga, è se go nyanra dooge lé, nè è se go kêmm ndige le'n è Nube ke njè bar de kuwe karé bere.

13Se go tà ke dé ndang'n kêmm Magtub't le Nube d'ede nè: «M'tár Jacob ngain nè Esau baa, m'ɔr'n njêt.»

14Ké tà ri á j'à tam dè tà't nè nga wa? Ké Nube è njè ra nyan se dè naje'n lé wa? M-m, è bè lé.

15Nube ede Moise ede nè: «Doo ke m'ndige le ra se'n kêmmkanm baa, m'a m'ra se'n kêmmkanm; doo ke m'ndige le kan kumtondoo le'n baa, m'a m'an kumtondoo le'n.»

16Bè baa, Nube ɔr doo ke è ndige le ra se'n kêmmkanm. Kɔr ke è ɔr doo nga tò ɔje dè kêmmndige le doo éké nyanra doo lé; nè ɔje dè Nube ke njè ra kêmmkanm se doo nga kuwe karé bere.

17Jè tutei tà kêmm Magtub ke tò se ninn'n titeke Nube ede pharaon, ngar ke beekon ke Egypte ede nè: «Man m'ɔri m'undeï ngar le tɔje'n tɔgmong le'm rai't a, tede kade ribar le'm oso'n se loo mbit-mbit dè nang nè bere mbak a tɔ.»

18Titeke bè, Nube ra kêmmkanm se nanan ke è ndige le ra se'n kêmmkanm a, è ade kêmm doo nder titeke è Nube ndige a tɔ.

Nube ra kêmmkanm se dooge titeke kêmm'n ndige

19Bainléa doo karé dann si't à deje'm kede nè: «Né è titeke bè baa, ké bain á Nube in se jéi dè ra majelé't nga tabai wa? Ké nan asekum kɔge'n dè ra nyan ke kêmm'n ndige't nga wa?»

20Hai! doo, ké i nga i nan á i naje Nube tà't wa? Jó hanje à deje njèkubè'n kede nè: «Ké bain á ube'm bè wa?» lé.

21Ké kɔde jó è doo dè hanje le ra se'n nyan ke kêmm'n ndige lé wa? Hanje ke karé nè kuwe è ase kubè'n jó-rebe éké jó-gɔr. Le Nube géa è titeke bè tɔ.

22Nube ndige tɔje wong le'n ke nata; è ndige le kade dooge geri tɔgmong le'n. Nè è ile kêmm'n pon dè dooge ke wong ra'n dè de't a, ke ndii tà tuju't a tɔ.

23Nube ra titeke bè le kade dooge ke è ra se de kêmmkanm nga an-in ndubra le'n ke bò se kum de. Dooge ke Nube ra se de kêmmkanm nga, ei dooge ke è gɔl de unde de konn kété mari le kade ingei ndubra le'n nga tɔ.

24Dooge ke Nube ra se de kêmmkanm nga, è jèi ke è bar jèi. E dann jéi jèi Juipge kuwe se kar jéi á Nube bar jèi lé, nè è bar njé ke ei Juipge lé nga tɔ.

²⁵Nube tam tà nè nga kêm magtub't le Osée, njèribe-dè-tà ke tà Nube't ede nè: «Kosdooge ke kété ei dooge le'm lé nga, m'a m'bar de Kosdooge le'm a, dooge ke kété m'tár de lé nga, d'arinè m'a m'bar de Kotárgé le'm.

²⁶Loo ke ndo ke dé tam se kosdooge tutu d'ede nè: «sei sei kosdooge le'm lé», nè loo'n nè á d'a tel bar de ngann le Nube ke njèndi kumgajer bai.»

²⁷Esaie géa ndo ke tam tà se ndu'n ke bòi oje'n de kosdooge ke Israel ede nè: «Ke nè á ngann Israelge bulei tite nyeenger ke tà bò't bè géa, kalè de ke ndèin bè á Nube à aje'n.

²⁸Kerote kuwe, nyan ke Kuwe-bee Nube oje le ra nga à ra kor son'n njèt kalang de nang nè bere mbak.»

²⁹Esaie njèribe-dè-tà ke tà Nube't nè nga tam kété bá ede nè: «Ke nè á ndo ke Kuwe-bee ke njèkunde nyange malang ke danrán inye dooge ke nange kumgajer lé baa, né j'ayé tooi tite bee-bò ke Sodome, j'ayé tooi kasinan se dooge ke kêm bee-bò ke Gomorrhe bè to.»

Ké bain á Nube ute Israel mbeng wa?

³⁰Ké j'à tami kedi nè ri wa? Dooge ke ei Juipge lé ke sangi le kade tà or de de't lé nga, Nube or tà de de't takul kundekêm.

³¹Kosdooge ke Israel baa sangi le kade tà or de de't takul gute-ndu, nè tà or de de't non Nube't ndan lé.

³²Ké tede ri á tà or de Juipge't lé wa? Tede Juipge sangi le kadi Nube or tà de de't se go kule ra dege. Ei sangi kadi Nube or tà de de't takul kundekêm nga lé. Gir'n ke nè á tugei nja de tu kuberi her nè awi tebel-tebel.

³³Titeke dé ndang'n kêm Magtub't le Nube d'ede nè: «An-in! m'a m'unde kuberi her kêm bee-bò ke Sion kade tuge de ade d'aw tebel-tebel a, m'a m'unde kuberi mbal kade tuge de ade d'oso a to. Nè doo unde kêm'n de kuberi mbal't nè baa à ndi dann rasol't lé.»

Nje Ke Rome 10

¹Ngakonmge, nyan ke m'ndinge de bengrem't nga, è le kade Juipge malang aji. M'deje Nube kade aje de ade'm.

²M'asekum tam tà nè kaje'n de de kuwe: Ngur kunn de nja Nube ra de pènn-pènn kerote kuwe, nè rebe'n ke njai á dé ger lé.

³Rebe ke Nube or'n tà de dooge't nga dé ger lé. Nè dé sang le kade Nube or tà de de't se go rebe le de ke kinge de. Gir'n ke nè á dé mbate'n rebe ke Nube or'n tà de dooge't nga.

⁴Krist è njè tol tà gute-ndu le Moise tede kade nanan ke unde kêm'n de Jésus-Krist baa, Nube à or tà dènn't.

Kaje tò tede le dooge ke undei kêm de dè Kuwe-bee't

- ⁵Moïse ndang magtub ɔje'n dè rebe ke tà à ɔr'n dè dooge't takul gute-ndu. E tam ede nè: «Doo ke ra nyange ke gute-ndu ɔje ade ɔr njê't baa à ndi kumgajer takul gute-ndu.»
- ⁶Nè an-in! tà ke Moïse tam ɔje'n dè rebe ke tà à ɔr'n dè dooge't takul kundekêm ede nè: «An! tá nè a kin tam kêmi't kede nè: Ké nan à aw danrán le ree se Krist dè nang nè wa?»
- ⁷An tá nè à kin tam kêmi't kede nè: «Ké nan à rise kêm be ke son'n goto't le kade Krist unde loo tee dann njé ke koo't wa?»
- ⁸Tabai Moïse tam tà ɔje'n dè rebe ke Nube ɔr'n tà dè dooge't takul kundekêm ede nè: «Kundekêm nga è rai't ngɔr a, è tàit a, è dè bengrei't a tɔ.»
- ⁹Ke nè á tà tee tàit ade i tam ndàt ede nè: Krist ke Nube ade unde loo tee dann njé ke koo't nga è Kuwe-bee baa, Nube à aji kerɔte kuwe.
- ¹⁰Kunde ke j'undei ngarankêm jéi dè Nube't á è ɔr'n tà dè jéi't. Jè tami tà kundekêm le jéi se tà jéi ndàt á Nube aje'n jèi tɔ.
- ¹¹Kerɔte kuwe, Magtub le Nube tam ede nè: «Nanan ke unde kêm'n dè Nube't baa à ndi dann rasɔl't ndan lé.»
- ¹²Bè baa, ðarinè tò gai le Juipge se njé ke ei Juipge lé goto ta. Nube karé bere á è Kuwe-bee le de malang. Dooge malang ke bari ri'n nga, è uwe se de noje se nyanbawge.
- ¹³Magtub ke tò se ninn'n tam ede nè: «Nanan ke bar ri Kuwe-bee baa, Kuwe-bee à aje'n.»
- ¹⁴Ke nè á doo unde kêm'n dè Kuwe-bee't lé baa, è à bar Kuwe-bee kade ra se'n titeke bain wa? Ke nè á doo oo tà le Kuwe-bee lé baa, è à unde kêm'n dènn't titeke bain wa? Ke nè á doo ile mber Tà ke Maje ade dooge lé baa, ei à ooi tà le Kuwe-bee Nube titeke bain wa?
- ¹⁵Ke nè á d'ɔr dooge d'ule de lé baa, ké à ilei mber Tà ke Maje nga titeke bain wa? Magtub ke tò se ninn'n tam ede nè: «Kan njékile mber Tà ke Maje loo njiye't, è nyan ke maje dum: nja de mong nang tchai.»
- ¹⁶Nè dooge malang ke mbati taai Tà ke Maje nga, Esaie njèribe-dè-tà ke tà Nube't ribe dè tà nè ɔje'n dè de ede nè: «Kuwe-bee, ké nan um kêm'n dè tà ke j'ede de nga wa?»
- ¹⁷Tà ke Maje ke Krist unn ndu'n ade d'ile mber'n d'ade doo á è gir kade doo unde'n kêm'n dè Krist't.
- ¹⁸A baa, ké m'a m'tam kede nè: Ndo ke Juipge ooi tà nè nga ndan lé wa? M-m, ei ooi mbak kuwe! Magtub le Nube tam ede nè: «D'oo ndu njékile mberge ke ɔje dè

Tà ke Maje se loo malang dè nang nè. Mber kile le de aw sár ɔse ngei dè nang ndi dooge bere mbak.»

¹⁹A baa, ké m'a tam kede nè: Ndɔ ke Juipge geri gir tà nè nga lé wa? M-m, ei geri mbak kuwe! Ndɔ ke Nube ade Moise tam tà nè nga kété ede nè: «M'a m'ade jang à ra sei dè dooge ke ei girkoje dooge ke kenon-non tàkum si't. M'a m'ade wong à ra sei dè girkoje dooge ke an-in de ke dooge ke raikarè a ɔ.

²⁰Esaie, njèribe-dè-tà ke tà Nube't aw sár tam ede nè: «Njé ke sangi man lé á m'ade ingei man. Njé ke deji ká'm lé á m'tee ke kum de't pan.»

²¹Nè Nube tam tà ɔje'n dè kosdooge ke beekon ke Israel ede nè: «Se ndɔge malang, m'ule ji'm njung ke ra kosdooge ke njé dum nange se njé kute tà mbengge se ndɔgé sár loo solé.»

Nje Ke Rome 11

Nube mbate kosdooge le'n ke Israel nga lé

¹A baa, ké m'a tam kede nè: Ndɔ ke Nube mbate kosdooge le'n njing wa? M-m, è bè lé! Man Paul géa m'ee gir bee ke Israel a, m'ee ke girkà't le Abraham a, m'ee girkoje't le Benjamin a ɔ.

²Dooge ke Nube ɔr de kété mari ke desêin nga à mbate de ndan lé. Tà ke Magtub ke tò se ninn'n tam ɔje'n dè Elie nga, sei i geri mbak. Eli, njèribe-dè-tà ke tà Nube't nga, ndɔ ke ile tà dè kosdooge ke Israel, non'n ra'n non Nube't ede nè:

³«Kuwe-bee, Dé ɔl njèribe-dè-tàge lei a, dé tête dinger loo nyankuje-mese lei nang a ɔ. Man kuwe se kar'm á m'nain; dé sang le ɔl'm ɔ.»

⁴Nè ké tà ri á Nube ile'n de't wa? Nube ile'n dè't ede nè: «I se kari lé, nè m'ngonm kosdooge le'm aru ji sejimute loo dɔg. Dé nè nga d'ɔse keje de nang non mage le girkoje dooge ke rang ke ri'n nè Baal nga lé.»

⁵Darinè géa, è titeke bè ɔ. Nube ɔr kalè dooge le'n se go kêmnoje le'n.

⁶E ɔr de se go kêmnoje le'n m se go kule ra de lé. Ke nè á né Nube ɔr de se go kule ra dege baa, kêmnoje le'n nga è kêmnoje ke get lé.

⁷Ké tà nè nga gir'n è ri wa? Kosdooge ke Israel sangi le kade tà ɔr dè de't non Nube't, nè loo'n dum de. Nè né è bè géa, kalè dege ke ndêin bè ke Nube ɔr de á tà ɔr dè de't. Gute kosdooge ke rang malang baa unni mbi de dè tà't le Nube,

⁸titeke dé ndang'n kêm Magtub't ke tò se ninn'n d'ede nè: «Sár tee bila, Nube ade tàgir le de wɔi darr a, ade dé njé kum libege a, njé mbi beige a ɔ.»

⁹Ngar David géa, ndɔ ke tam tà nè ede nè : «Maje kade loo nyankuse le de tel è gum kuwe de a, tel è mbanran kunde de kade dé tuju'n a, tel è jig kade dé toso'n a, kade kure nyanra de ɔde'n kum de a ɔ.

10Maje kade kum de ndul ndáng-ndáng ade d'an loo lé. Ade dé dugu gide de nang se ndoge malang a tɔ.»

11A baa, ké m'a tam kede nè: Juipge ke jig tuge de ade awi tebel-tebel nga, ké à osoi njing nal kin-in ta wa? M-m, à osoi njing nal kin-in lé. Nè takul kaltà le Juipge á njé ke ei Juipge lé ingei kaje. Gir'n ke nè á Juipge rai jang se njé ke ei Juipge lé ke ingei kaje nga.

12Kaltà le Juipge tel è nonkar le dooge ke dè nang nè a, tel è nyanbaw le njé ke rang ke ei Juipge lé a tɔ. Bè baa, kɔse ke ndɔn't Nube à ade d'a d'ɔse nang kin dè koso't le de nga, maje'n à è ngain dum le njé ke ei Juipge lé nè bai lé wa?

Kaje le njé ke ei Juipge lé

13E sei ke sei Juipge lé á darinè m'a m'ade sei tà nè: Man m'ee njèkawkule le dooge ke ei Juipge lé. M'unn tà kule nè ngain tede è kule ke bò ke Nube ade'm.

14M'unn tà kule le'm titeke bè tá bainléa jang à ra'n ngakonmge ke ei Juipge kade maje'n njé ke nange dann de't.

15Nube tur gide'n ade kos Juipge tede le kum'n nan't bɔk se gute dooge ke rang ke dè nang nè. Juipge tooi asinan se dooge ke weii bá tàkum Nube't. Kuwe ke ndɔn't Nube à tel kuwe de ke rann't nga, è titeke Nube ade d'unde loo dé tee dann njé ke koo't bè.

16Ke nè á d'ugu dè mur ke desèin d'ade Nube baa, gute mur bere mbak è ke tò se ninn'n. Ke nè á ngire kage è le Nube baa, balkumge ei le'n tɔ.

17Kos Juipge tooi asinan se kage olivier ke kêm ndɔr't ke doo jeng balkum'n ke nange um kɔke. I ke i Juip lé nga, i tite kage olivier ke kêm kɔr't ke doo tugei rɔti gute balkum olivier ke kêm ndɔr't. I ite darinè takul boté ngire kage ke kêm ndɔr't. Kage ke kêm ndɔr't nga, è Juipge.

18Bè baa, i tuge kàdi dè balkum kage ke kêm ndɔr't ke doo jeng um kɔke nga lé. Ke nè á i tuge kàdi baa, ade kèmi olé titeke è i á ul ngire kage lé, nè è ngire kage á uli se boté'n.

19Bainléa a tam kede nè: «Balkum kagege nè nga, dé njeng de le rɔte'm man gute de't.»

20E kum kuwe. Dé jeng de kɔke tede kunn mbi dè tà't le de. I taa gute de takul kundekêm lei. I ti rai lé, nè unde kumkunju dè rai't.

21Ke nè á Nube ngonm balkum kagege ke kêm ndɔr't lé baa, i géa ke nè á kundekêm lei goto baa, bainléa Nube à inyei kade i nda lé tɔ.

22An! Nube è njè ra kêm-maje a, è njè ra ngang a tɔ. E ra ngang ngain se njé ke osoi. Nè i baa, è ra sei kêm-maje. I géa, ke nè á unde kèmi dè kêm-maje't le Nube lé baa, d'ade tugei gangi tite balkum kage ke kêm ndɔr't nè nga bè tɔ.

23Ke nè á Juipge inyei go kunn mbi dè tà't le de baa, d'a tel rɔte de gute de't gugu bai. Nube aw se tɔgmong le tel rɔte de gugu karè.

24I ke i Juip lé nga, i i balkum kage ke dann kɔr't. Dé tugei, dé rɔti dè kage olivier ke kêm ndɔr't. Juipge ei balkum kagege ke kêm ndɔr't; Nube à tel rɔte de dè jig de't gugu kalang karè m loo'n à tur se'n lé.

Nube à aje kosdooge ke Israel ndɔ ke rang bai

25Ngakonmge, man m'ndige le kade i geri nyan ke tò loo bɔyɔn't nè nga maje, nè bainléa a kin-in kan-in ra si ke njékumkunjuge. Kunn mbi dè tà't le Juipge ke nange nga à tò bè sár kade dooge malang ke ei Juipge lé ingei kaje pa bita.

26Kêm ndɔn't nè bita kosdooge malang ke Israel à ingei kaje titeke dé ndang'n kêm Magtub't d'ede nè: «Njè taa dè dooge à in kêm bee-bò ke Sion le ree. A ade ngannkà Jacob à teli kilei koje dè Nube't.

27E á è ndu'm ke m'a m'unn kade de loo ke ndɔn't m'a m'ɔr'n kaiyage le de kɔke.»

28Juipge mbati Tà ke Maje teli ei njébange le Nube. Mbate Tà ke Maje le de nga tel è nonkar le si sei ke sei Juipge lé nga. Nè né è bè géa, dé kotáрге le Nube tede ndu'n ke ndɔ ke unn ade kà dege kété mari nga.

29Dooge ke Nube bar de nga, è tel girtà ke rang dè de't ndan lé a, nyan ke è ade de nga à tel taa ji de't gugu ndan lé a tɔ.

30Sei nga kété sei njékaltà tà Nube't. Nè darinè, è ra se si kêmkanm ade ingei kêm tin mbit tede kaltà le Juipge.

31Darinè, Juipge ali tà tà Nube't le kade ingei kêm tin mbit le Nube. Dé géa d'a d'inge kêm tin mbit le Nube titeke sei ingei nga tɔ.

32Kerɔte kuwe, Nube an dooge malang ke njékaltàge tede le kade dooge malang ingei kêm tin mbit le'n.

Nube è doo ke bò ngain

33Hai! nyanbaw le Nube nga bò ngain! Kumkunju se nyanger le'n nga ngei de goto! Tà gang le Nube nga dum kɔrgir a, nyange ke è oje nga doo ase ger gir lé a tɔ.

34Magtub ke tò se ninn'n tam ede nè: «Ké nan á ger tàgir le Kuwe-bee wa? Ké nan á è njèkede'n gostà wa?

35Ké nan á unn nyan ade Nube kété bita Nube ade'n made taa'n gute wa?»

36Oiyo, Kuwe-bee Nube kuwe á nyan malang in rann't a, tò takul'n a, tò tede le'n a tɔ. Maje kade ribar è le'n sár se non! Maje kade è titeke bè kuwe.

Nje Ke Rome 12

Unni ra si bere adi Nube

- ¹Ngakonmge, Nube ra se jéi kêmkanm ke bò. Gir'n ke nè á m'ndeje'n sei le kade unni ra si bere adi Nube ke nyankuje-mese ke tò kumgajer ke oje dè Nube a, ke taa kum'n a tɔ. E ke nè á è nyan kunn ke gete ke uwe made nan se tà le Nube.
- ²Umi nan't létêt se dooge ke ndii dè nang nè d'arinè nga lé. Nè inyei Nube adi tel sei ke dooge ke kige a, ade ade sei tàgir ke kige a tɔ. Titeke bè á a i teri nyan ke maje ke kêm Nube ndige a, nyan ke maje ɔr njêt ke à taa kum'n d'ekm a tɔ.
- ³Nube uwe se'm noje ke bò. Gir'n ke nè á m'ede'n sei karé-karé malang le kade undei kumkunju dè ra si't oje dè tàgir le si. Maje kade nanan géa aw se tàgir ke ase dè tɔge kundekêm ke Nube oje d'ike'n ade'n nga.
- ⁴J'awi se balkum ra jéige bule kêm danra jéi ke karé't nè kuwe. Nè kule ra de tò gai-gai.
- ⁵Titeke bè, jèi géa jè bulei tɔ; jè teli jèi danra ke karé bere takul kum ke j'umi nan't bok se Krist nga. Bè baa, jèi malang jèi balkum ra nan.
- ⁶Nè nanan géa dann jéi't aw se nyan-noje ke oje dè'n-dè'n se go noje ke Nube uwe se'n. Ke nè á doo karé inge nyan-noje ke oje dè ribe dè tà ke tà Nube't baa, maje kade ule'n dingem kêm ngakonng'e't ade ase dè tɔg kundekêm ke Nube oje d'ike'n ade'n nga.
- ⁷Ke nè á doo karé inge nyan-noje ke oje dè nobo nyan njéndooge baa, maje kade tɔse kum'n dè't. Ke nè á doo karé inge nyan-noje ke oje dè ndó nyan dooge baa, maje kade tɔse kum'n dè nyan-ndó't.
- ⁸Ke nè á doo karé inge nyan-noje ke oje dè ndeje madenng'e baa, maje kade tɔse kum'n dè ndeje madenng'e't. Nanan ke inge nyan-noje ke oje dè kade nyan dooge baa, maje kade ade se kêm'n ke karé. Nanan ke inge nyan-noje ke oje dè kɔr non dooge baa, maje kade ra se rakólé. Nanan ke inge nyan-noje ke oje dè ra kêmkanm baa, maje kade ra se ranel.
- ⁹Maje kade tár nan le si è ngarankum tár nan. Ɔri nyan ke majelé njêt. Nè i ligri dè nyanra ke maje't lagr-lagr.
- ¹⁰I tári nan tite ngakon nange bè se kêmnda káng. Ilei ribar dè njé ke rang't adi dum dè ribar le si sei.
- ¹¹Adi ra si wɔi sei lé. Nè i rai kule se rakólé adi Kuwe-bee.
- ¹²I rai ranel dè nyan ke sei undei kêm si tchên dè't nga. Oréi tà si njak dann nyantosowur't oji tà se Nube se ndɔge malang m ebi't lé.
- ¹³I rai se njétaakêm-Kristge dè nyange ke nal de. I pabri mbage par-par.
- ¹⁴I tɔri ndu si dè njé ra kum si ndooge. I tɔri ndu si dè de't m ɔri se de lé.
- ¹⁵I rai ranel se njé ke ndii à rai ranel; i non-in se njé ke ndii à non-in.

¹⁶Adi tàgir le si è karé. Adi ngur k'ee doo ke bò dann made sige't ra sei pènn-pènn lé. Nè adi ngur ra kule ke pèli-pèli se ngonn koje tá ra sei. An-in ra si ke njékumkunjuge lé.

¹⁷Ke nè á doo ra sei majelé baa, i tel i ra se'n majelé gute made't lé. I sangi rebe le ra nyan ke maje tàkum dooge't malang.

¹⁸I ndii se kêmlo m se dooge malang; ke nè á asikum ra baa, i rai.

¹⁹Ngakonmge ke m'tár sei, i dali ban le si sei kuwe se dè ra si lé. Nè inyei loo adi Nube kuwe gangtà dè njé ra sei majelége, tede Kuwe-bee Nube kuwe tam kêm Magtub ke tò se ninn'n ede nè: «Dalban nga ɔje dè'm, è man kuwe á m'a kade kure nyanra nanan géa à ɔde kum'n.»

²⁰Ke nè á ɔo ra njèban lei baa, ade'n nyan use. Ke nè á kunde mann ra njèban lei baa, ade'n mann an-in. Ke nè á i ra titeke bè baa tò asenan se yal por ke uge um dènn't.

²¹Ade majelé unn banga dèi't lé. Nè unn banga dènn't se go nyanra ke maje.

Nje Ke Rome 13

Ilei koje dè njèkonbeege't

¹Maje kade nanan géa ile koje dè ndukunng'e't le njèkonbeege ke d'unde de, tede gir konbee ke nal kin ra Nube't goto. Njèkonbeege ke d'unde de nga, è Nube kuwe á unde de.

²Gir'n ke nè á nanan ke ute ndukunng'e le njèkonbee mbeng baa, è ndukunn le Nube kuwe á è ute mbeng. Dooge ke mbati kilei koje dè ndukunng'e't le njèkonbeege nga, Nube à gangtà dè de't.

³Njé ke rai nyan maje nga à beli njèkonbeege lé, nè njé ke rai majelé kuwe karé á à beli njèkonbeege. Ke nè á i ndige bel njèkonbee lé baa, i ra nyan maje baa njèkonbee à unn tà.

⁴Njèkonbee è ngonn njèkule le Nube tede ndeji kade i ra'n nyan maje. Ke nè á i ra majelé baa, i bel njèkonbee. Njèkonbee aw se tɔgmong le gangtà dè dooge't. E ngonn njèkule le Nube le gangtà dè njé ra nyan se dè naje'n lége.

⁵Gir'n ke nè á, maje kade ulei dè si adi njèkonbeege tede tà ke Nube à gang dè si't kuwe go karé lé, nè tede tàgir le si ke kêm si't ɔje dè nyan ke se dè naje'n nga kuwe.

⁶Gir'n ke nè tɔ á sei ugei tirge. Njètaa tirge nga, è Nube kuwe um kule nè nga ji de't kade rai se ngang'n lèr-lèr.

⁷Nanan géa adii nyan ke ɔje dè'n-dè'n: Adi tir njètaa tir; adi njè dè nang, nyan dè nang; ilei koje dè doo ke asekum kade ilei koje dènn't; ilei ribar dè doo ke asekum kade ilei ribar dènn't a tɔ.

I tári doo made sige

⁸Adi kure le doo karé bè tò dè si't lé. Nè adi kure tár nan tá tò dè si't. Doo ke tár doo made'n baa, è ra nyan ke gute-ndu oje nga tól mbas bá.

⁹Ndukunngé ke sei i geri bá nga tami edi nè: «I a sang dinye éké dingem ke rang lé, i a tól doo lé, i a boge lé, i a ra kêmkein dè nyan't le doo lé.» Ndukunngé nè se gutege ke nain-in nga, d'oré de nan't loo karé d'ede nè: «I a tár doo madi titeke i tár'n danrai i kuwe bè tɔ.»

¹⁰Doo ke tár doo made'n nga à tel ra se'n majelé lé. Tár nan nga, è ra nyan ke gute-ndu oje kade ɔr njêt.

Uwei dè nja ra si, Krist à tel ree ngɔr

¹¹I rai titeke bè tede sei geri kêm ndɔ ke jè ndii tutu ɗarinè nga mbak. Kàde kade i ndeli dè bi't ase bá. Kété ke ndɔ ke j'undeï kêm jéï dè Krist't nga, kaje è se jéï heb bai, nè ɗarinè kaje è se jéï ngɔr ta.

¹²Nain ngɔr baa, loo à ar kade kàde à tee. Bè baa, ade j'inyeï go kule rage ke majelé ke jè rai dann ndɔ baa, jè tuleï nyankatege le lookar ra jéï't.

¹³Ade jè njiyeï danné sêw tite doo ke njiye dann kada bè. Ebi ra si dè k'ee doo nyankuse se doo nyankain. Ebi ra si dè tò se nan ke kaiya't se dè nyanrage ke pás-pàs a, dè kɔl nan't se dè ra jang't a tɔ.

¹⁴Nè i teli i ndaji kum Kuwe-bee Jésus-Krist. Inyeï ra si adi ngur nyange le danra ndɔr sei aw se si loo nyanra ke majelé't lé ta.

Nje Ke Rome 14

I gangi tà dè njé ke tɔg kundekêm le de goto lé

¹Doo ke tɔg kundekêm le'n goto nga, uwei nin ke ra si't m i giri tà dènn't yo ke nè lé.

²Doo karé gir titeke n'ase kuse nyan malang, nè doo karé ke rang ke tɔg kundekêm le'n ase lé nga use mbi targe karè.

³Doo ke asekum kuse nyan malang nga, maje kade gangtà dè doo ke njèkuse mbi targe karè nga lé. Doo ke use mbi targe karè nga, maje kade gangtà dè è ke use nyan malang't nga lé tɔ, tede Nube uwe'n ke rann't tɔ.

⁴Ké i nga i nan á in se dèi i gangtà dè ngonn njèndi't le madi ke rang wa? Ke nè á è nda dɔ éké oso géa è tà le kuwe'n. Nè è à nda dɔ tede Kuwe-bee aw se tɔgmong le kade in nda'n dɔ njáng.

⁵Doo karé an titeke ndɔ karé è ndɔ ke bò ngain dum ndɔge ke rang malang. Nè doo karé ke rang an ndɔge ade asinan. Maje kade nanan géa ra nyan se go tàgir ke kêm'n't.

⁶Doo ke ɔr ndɔ karé ke ndɔ ke bò dum madege nga, è ra tede dɔi'n Kuwe-bee. Doo ke use nyan malang nga géa ra tede le dɔi'n Kuwe-bee a tɔ, tede è kuwe géa ra Nube oiyo dè nyankusenn't tɔ.

⁷Doo karé dann jéi't ndi kumgajer éké wei tede le'n è kuwe se kar'n lé.

⁸Ke nè á jè ndii kumgajer baa, jè ndii kumgajer tede le Kuwe-bee. Ke nè á j'weii baa, j'weii tede le Kuwe-bee tɔ. Ke nè á jè ndii kumgajer éké j'weii géa, jèi le Kuwe-bee.

⁹Gir'n ke nè á Krist wei'n a, unde'n loo tee'n a, tede le konbee dè njé ke koo't se njé ke ndii kumgajer a tɔ.

¹⁰Nè i, ké bain á i gangtà dè ngokoin't wa? Ké bain á i an ngokoin ke nyan lé wa? Kerɔte kuwe, jèi karé-karé malang j'à ndai non kutu-ngar gangtà't le Nube.

¹¹Dé ndang kêm Magtub ke tò se ninn'n d'ede nè: «Man Kuwe-bee ke njèndi kumgajer m'tam ndàt: Girkoje dooge karé-karé malang à ɔsi keje de nang nonm't a, tà dooge karé-karé malang à ile ribar dè Nube't a tɔ.»

¹²Titeke bè, nanan géa dann jéi't à ɔrgir nyanra'n è kuwe le kade Nube.

Ade nyanrai ile kage ngokoin lé

¹³Gir'n ke nè á adi j'ebi ra jéi gangtà dè nan't. Nè maje kade jè giri le tel kile kage non ngakon jéige't le kade jè gendere de kade awi tebel-tebel éké osoi dann majelé't lé.

¹⁴Kuwe-bee Jésu ndó'm ade m'ger kêm't maje titeke nyan karé bè géa mine se dè ra'n lé. Ke nè á doo karé gir kêm'n't titeke nyan karé mine baa, mine tede le'n è kuwe.

¹⁵Ke nè á ade ngokoin ke njètaakêm-Krist kêmkon ɔje dè nyan kuse ke kêm'i't baa, i tár'n titeke ndukunn tam'n nga lé. Ngokoin ke Krist wei tede'n nga ade tuju ɔje dè nyankuse ke kêm'i't karè lé.

¹⁶Adi dooge teli nedi nyanra si ke maje nga lé.

¹⁷Kerɔte kuwe, konbee le Nube nga tò tede nyankuse éké nyankain lé. Konbee le Nube nga tò ɔje dè nyanra ke se dè naje'n a, se kêmlo m a, se ranel ke Ndil-Kêmnda ade jèi.

¹⁸Doo ke ra kule ade Krist titeke bè nga taa kum Nube a, dooge malang d'a taa kêm'n a tɔ.

¹⁹Titeke bè, adi jè sangi go nyange ke à reei se kêmlo m dann jéi't. Adi jè sangi go nyange ke à ade kundekêm le jéi à ra'n tɔge ke kété-kété a tɔ.

²⁰I dookunde le Nube nga, an! tá nè à tuju ɔje dè nyankuse ke kêm'i't karè. Kerɔte kuwe, nyankusege malang maje kum kuse, nè ke nè á nyankuse ke kêm'i't à ade ngokoin à ra majelé baa, maje lé.

21 Maje kum kuse dan éké kain yibe lé. Nyan ke rara ke ile ngokoin kage nga, maje kade ɔge rai dè't.

22 Tàgir lei ke ɔje dè nyange nè nga, i ngonm ɔje dèi i se Nube. Doo ke ra nyan se kêmnda geng lé nga, ra'n à nel'n.

23 Nè doo ke kêm'n nda geng dè nyankuse't baa, Nube gangtà dènn't bá ta, tede è ra nyan se kundekêm lé. Nyan ke doo ra se kundekêm lé nga è kaiya.

Nje Ke Rome 15

Maje kade jè rai nyan ke taa kum dooge

1 Jèi ke kundekêm le jèi beber bá nga, è tà le kade jè geti njé ke kundekêm le de bisir lé nga gar-gar. Ade jè sangi nyan ke ɔje dè ranel le jèi se kar jèi lé gar-gar.

2 Gar-gar maje kade nanan géa dann jèi't sang nyan ke à taa kum doo made'n, le kade kundekêm le doo made'n ra'n tɔge in-in'n dè made't ke kété-kété.

3 Kerɔte kuwe, Krist nga ndɔ ke sang nyan ke ɔje dè ranel le'n se kar'n lé. Nè dé ndang kêm Magtub ke tò se ninn'n d'ede nè: «Rasɔl ke d'ile dèi't nga tel oso dè'm man't tɔ.»

4 Nyange malang ke dé ndang tà'n kêm magtub't kété mari nga, dé ndang de le ndó'n jèi nyan. Magtub ke tò se ninn'n ndó jèi korè tà njak se sɔlkêm ke j'ingei tà'n kêm Magtub't le Nube tede kade j'undei kêm jèi tchên ke dènn't.

5 Korè tà njak se sɔlkêm nga in-in ra Nube't. M'deje Nube le kade ra se si ade umi nan't titeke Jésus-Krist ndige'n nga.

6 Titeke bè á sei a kasi kundi ndu si nan't le kɔse'n pa kile'n ribar dè Nube, Bɔ Kuwe-bee le jèi Jésus-Krist.

7 Gir'n ke nè á uwei nan ke ra si't titeke Krist uwe'n sei ke rann't tede ribar le Nube.

Tà ke Maje nga ɔje dè dooge malang

8 Man m'ede sei ndàt, Krist tel ra'n ke ngonm njèkule le Juipge tede kade kunn ke ndɔ ke Nube unn ndu'n ade kà dege kété nga, aw'n loon't deɔ.

9 Krist ra titeke bè le kade njé ke ei Juipge lé ilei ribar dè Nube't tede kêmkanm ke è ra se de. Dé ndang kêm Magtub't le Nube d'ede nè: «Gir'n ke nè á m'a m'dɔii dann dooge ke ei Juipge lé a, m'a kɔse pa kile'n ribar dè ri't a tɔ.»

10 Tabai dé tam kêm Magtub't le Nube d'ede nè: «Sei ke sei girkoje Juipge lé nga, ali ra si se kosdooge le Kuwe-bee!»

11 Dé tam loo karé't bai kêm Magtub't d'ede nè: «Sei malang ke sei girkoje Juipge lé nga, ilei ribar dè Kuwe-bee't! Sei kosdooge malang géa, ilei ribar dè Kuwe-bee't tɔ.»

¹²Esaie njèribe-dè-tà ke tà Nube't géa tam bè tɔ, ede nè: «Ngar karé ke kige à in girkà't le Jessé le ree. A ree le kon dooge ke ei Juipge lé. Dooge ke ei Juipge lé à undei kêm de dènn't.»

¹³Maje kade Nube ke j'undei kêm jéi tchên dènn't ade sei ranel se kêm lom ke deri takul kêm si ke undei dènn't nga. Titeke bè á kundekêm tchên le si à ra'n tɔge ke kété-kété se go tɔgmong le Ndil-Kêmnda.

Paul ngonn njèkule le Jésus-Krist tede le dooge ke ei Juipge lé

¹⁴Ngakonmge, man m'ger kêm't mbak titeke sei awi se tàgir ke maje. M'ger kêm't maje titeke sei awi se gos nyanger ke deri, ade ðarinè sei kuwe asi ndangi nan dann si sei't.

¹⁵Nè né è bè géa, man m'ede sei tà kum ngonn ke dingem loo bule kêm magtub't le'm nè. M'ra bè le kolé'n kêm si de noje ke Nube uwe sem't nga.

¹⁶Nube tel'm ke ngonn njèkule le Jésus-Krist tede le dooge ke ei Juipge lé. Nube ɔr'm unde'm se ninn'n tede kade m'ile mber Tà ke Maje le'n m'ade dooge ke ei Juipge lé. Titeke bè á Ndil-Kêmnda à ɔr'n njé ke ei Juipge lé kunde'n de se ninn de kade taai kum Nube.

¹⁷Takul Jésus-Krist á m'unde'n kàde'm de kule ke m'ndi m'ra m'ade Nube.

¹⁸M'ndige tam tà ke rang karé lé. Nè ke nè á ðarinè m'tam tà baa, è tà le nyan ke Krist ade m'ra á m'ree'n se dooge ke ei Juipge lé m'ade ilei koje de Nube't. Njé ke ei Juipge lé ilei koje de Nube't tede nyanra'm se tà tam'mge,

¹⁹se go tɔgmong le nyankɔbege se nyange ke dum kum a, se go tɔgmong le Ndil-Kêmnda a tɔ. Titeke bè á m'unn'n gir kile mber Tà ke Maje le Krist kêm bee-bò ke Jérusalem se beege malang ke an-in dè'n gèrèr sár m'tee'n kêm beekon ke Illyrie. M'ile mber Tà ke Maje le Krist nga m'ɔr son'n njét kêm beege't nè nga.

²⁰Nè beege ke d'ile mber Tà ke Maje le Krist kêmé d'ade dooge lé bai á m'ndige kile mber tutu kade è ribar le'm. M'ra titeke bè tede m'ndige kunde gir kei le'm de le doo ke rang't lé.

²¹M'ra bè titeke Magtub ke tò se ninn'n tam'n ede nè: «Njé ke d'ile mber tà le'n d'ade ooi lé à an-in nin se kum de, njé ke ooi tà le'n lé bai à geri nin.»

Paul ɔje kaw mba kêm bee-bò ke Rome

²²E ke nè á è nyan ke ɔge'm kaw kan sei nja bule.

²³Nè ðarinè, m'tɔl ngang kule le'm kêm beege't nè nga bá. Bal bule, ngur kaw kan sei ra'm pènn-pènn.

²⁴Loo ke ndɔn't m'a maw ke kêm beekon ke Espagne baa, m'ɔje kêm'm tchên le gang de si't kan sei. Loo ke m'an sei ase'm bá baa, m'ɔje kêm'm de si't le kade undei man rebe adi m'aw.

- ²⁵Nè d'arinè baa, m'ndi m'a m'aw ke kêm bee-bò ke Jérusalem se nyan le ra'n se njé ke le Nube ke ndii nú.
- ²⁶Njétaakêm-Kristge ke kêm beekonge ke Macédoine se Achaie in-in se kêm de rai nyan-noje le ra'n se njétaakêm-Kristge ke Jérusalem ke ndoo oso dè de't.
- ²⁷Njé ke Macédoine se Achaie in-in se kêm de ei kuwe rai titeke bè le kɔr'n kure le Juipge dè de't kɔke. Kerɔte kuwe, ke nè á girkoje dooge malang d'oré nan se Juipge dè nyan ke ɔje dè Ndil nga baa, gar-gar è tà le de le ra se Juipge dè nyan ke ɔje dè danra de't tɔ.
- ²⁸Loo ke m'a m'tɔl tà kule nè nga, m'a kum nyan-nojege nè nga ji de't se loo tò'n bere mbak bá baa, m'a gang dè si't le kaw kêm beekon ke Espagne.
- ²⁹Kaw ke m'a m'aw ra si't nga, m'ger mbak; è dann ndutor't ke maje le Krist á m'a m'aw'n.
- ³⁰Ngakonmge, m'ndeje sei se ri Kuwe-bee le jéi Jésus-Krist a, se ri kunde nan dann kum nan't ke in ra Ndil-Kêmnda't le kade i rai ndoo ra Nube't tede'm. E rɔ ke sei rɔi se'm nan't.
- ³¹I deji Nube le kade ɔr'm ji njétaakêm-Kristge lé ke ndii kêm beekon ke Judée a, le kade nyan-noje ke m'a m'aw'n le ra'n se njétaakêm-Kristge ke ndii Jérusalem nga, taa kum de a tɔ.
- ³²Ke nè á Nube ndige baa, m'a m'aw tee ra si't se ranel le taa kebe ra si't nú ndêin bita.
- ³³Maje kade Nube ke njè kade dooge kêmloim nain se si malang. Maje kade è titeke bè kuwe.

Nje Ke Rome 16

Paul ra madenngé ke kêm bee-bò ke Rome lapyá

- ¹Man m'tɔje sei kon nann jéi Phoebé. E ndi ra kule dann njékebe nange't le Nube ke ndii kêm bee-bò ke Cenchrées.
- ²Uweii ke ra si't se kêmnda káng se ri Kuwe-bee titeke njétaakêm-Kristge rai se nan bè. I rai se'n dè nyan malang ke è aw ndoo'n kade i rai se'n dè't nga. E taa dè dooge ke rang bule ngain. Man ke mbain kuwe géa è taa dè'm a tɔ.
- ³I rai lapyá Priscille se Aquilas, njémade kulege le'm loo kile mber't le Jésus-Krist adi man.
- ⁴Dé nè nga, tepléa d'inge yo tede tà le'm. M'ra de oiyo ngain a, njétaakêm-Kristge malang ke ei Juipge lé géa rai de oiyo ngain a tɔ.

⁵I rai lapyà njétaakê-m-Kristge ke kebi nan kê-m kei le de adi man tɔ. I rai lapyà kotár le'm Epainète adi man. E kuwe è doo ke desêin kê-m ßeekon ke Asie ke unde kê-m'n dè Krist't nga.

⁶I rai lapyà Marie ke ule ra'n ndibe tede tà le si adi man tɔ.

⁷I rai Andronikus se Junias njénojege le'm lapyà adi man. Dé nga, ndɔ ke dé made dangaike le'm. Adronikus se Junias nga ei njékawkulege ke ri de ßar ngain dann made dege't. Dé dooge ke d'unde kê-m de dè Krist't kété ßita man ßai.

⁸I rai Ampliatus kotár le'm lapyà adi man. E nga è doo ke um nan't ßok se Krist.

⁹I rai Urbain se Stachys kotár le'm lapyà ngain adi man tɔ. Urbain nga è made kule kile mber Tà ke Maje le Krist made jéi ke kété.

¹⁰Apellès è njétaakê-m-Krist ke get, i rai nin lapyà adi man. Njékê-mkei le Aristobule géa, i rai de lapyà adi man.

¹¹I rai njénoje le'm Hérodion lapyà adi man. I rai lapyà njétaakê-m-Kristge ke kei le Narcisse adi man tɔ.

¹²Kon nann jéige Tryphène se Tryphose ke rai kule ɔri yàl-yàl tede le Kuwe-ße nga, i rai de lapyà adi man. Kon nann'm Perside nga m'tár'n ngain. I rai nin lapyà adi man. E géa, è doo ke ra kule ɔr yàl-yàl tede le Kuwe-ße tɔ.

¹³Rufus, doo ke Krist ɔr'n unde'n se ninn'n gai nga, i rai nin lapyà adi man. Kon'n ke tò asenan se kon'm bè nga, i rai nin lapyà ngain adi man tɔ.

¹⁴I rai Asyncrite se Phlégon se Hermès se Patrobas se Hermas se ngakon dege ke kebi se de nan lapyà adi man.

¹⁵I rai Philologue se Julie, Nérée a, se kon nann'n Olympas a, se njé ke tooi se ninn de malang lapyà adi man.

¹⁶Uwei nan kàde nan't sêm i rai nan lapyà tite ngakon nange ke njétaakê-m-Kristge bè se kê-mnda káng. Njékebe nange le Krist malang rai sei lapyà tɔ.

Tà ndejege ke ngeinn't

¹⁷Ngakonmge, dooge ke utei nyan-ndó ke sei ndói mbeng kɔke nga, m'ra ndoo ra si't le kade an-in de maje. Utei ra si mbeng ra de't kɔke tede dé nga dé njé tɔse dè dooge nan't a, dé njé kade dooge tosoi dann kaiya't a tɔ.

¹⁸Dooge ke titeke bè nga, ei ßer kulege le Kuwe-ße le jéi Krist ke get lé, nè ei njé ra kulege ke ɔje dè tà kê-m de ei kuwe. Tàge ke nel ke tà de't á dé libe'n kum njétaakê-m-Kristge ke kundekê-m le de ßisir lé ßai, d'ite'n dè de't.

¹⁹Oiyo, kile koje le si nga kɔbe'n oso se loo mbit-mbit ade dooge malang geri bá. Gir'n ke nè á, m'ra'n ranel dè si't. Nè m'ndige kade kum si unju dè nyanra ke maje't a, kade i ndii kum dè ra si't le kute nyanra ke majelé mbeng a tɔ.

²⁰Nube ke kêmloim in rann't à ade sei tɔgmong le kade i dumi dè njèban le si ngɔr ta. Maje kade kêmnoje le Kuwe-bee le jéi Jésu nain se si!

²¹Timothée, njèmade kule le'm ra sei lapyà. Lucius se Jason se Sosipater ke ei njénojege le'm, rai sei lapyà tɔ.

²²Man Tertius ke njèndang magtub nè kade Paul nga géa, m'ra sei lapyà tɔ se ri Kuwe-bee ke njè be jèi nan't.

²³Gaius ke njè kei mba le'm ke njétaakêm-Kristge malang kebi nan kêm kei le'n, ra sei lapyà. Eraste njè ngonm nar le njékonbeege se ngokon jéi Quartus, rai sei lapyà ngain.

[

²⁴Maje kade kêmnoje le Kuwe-bee le jéi Jésu nain se si malang. Maje kade è titeke bè kuwe.]

Ribar è le Nube kuwe karé luk-luk

²⁵Ade j'ilei ribar dè Nube't. E aw se tɔgmong le kule'n dingem kêm si't se go Tà ke Maje le Jésu Krist ke m'ile mber'n nga. Tà ke Maje nè nga kété mari è nyan ke tò loo bɔyɔn't.

²⁶Nè d'arinè, Tà ke Maje nè nga kile ra'n ke nata. Titeke bè á dooge malang ke ei Juipge lé asikum ger Tà ke Maje le Krist takul magtubge ke njéribè-dè-tàge ke tà Nube't ndangi. Nube ke Njèndi se non unn ndukunn nè nga titeke bè le kade dooge malang undei kêm de dènn't a, ilei koje dènn't a tɔ.

²⁷Nube ke Njèkumkunju karé bere nga, maje kade ribar è le'n sár se non takul Jésu-Krist! Maje kade è titeke bè kuwe.

1 Nje Ke Corinthe

1 Nje Ke Corinthe 1

Paul ɔrgir ra'n a, ra de lapy a tɔ

¹Man Paul, Nube bar'm le kade m'ee njèkawkule le Jésus-Krist se go kêmndige le'n è Nube. Man jè se ngokon jéi Sosthène,

²Jè ndang magtub nè j'ade njékebe nange le Nube ke ndii kêm bee-bò ke Corinthe. Jè ndang magtub nè nga j'ade sei ke i tooi se ninn si takul kum ke umi nan't bok se Jésus-Krist. Sei nga Nube bar sei kade sei dooge le'n ke i tooi se ninn si. Magtub nè nga, jè ndang j'ade dooge malang se kêm bee-bee ke bari ri Kuwe-bee le jéi Jésus-Krist. Jésus-Krist nga è Kuwe-bee le de a, le jéi jèi a tɔ.

³Maje kade Bɔ jéi Nube a, Kuwe-bee le jéi Jésus-Krist adi sei kêmnoje se kêmlo.

Nyan-nojege ke d'inge takul Jésus-Krist

⁴M'ra Nube le'm oiyo se ndɔge malang tede noje ke è uwe se si takul kum ke umi nan't bok se Jésus-Krist.

⁵Takul kum ke sei umi nan't bok se Jésus-Krist á Nube ade'n sei nyan-nojege malang ke oje dè kɔrgir tà le'n a, ke oje dè nyanger a tɔ.

⁶Tà le Krist ke ndɔ ke j'ede sei nga tule ngire'n kêm si't janm-janm.

⁷Bè baa, ɗarinè nyan-noje karé bè géa nal sei ke i ndii a i nginei ndɔ tel ree le Kuwe-bee le jéi Jésus-Krist nga lé.

⁸E Kuwe-bee le jéi Jésus-Krist nga kuwe á ade a i ndai njáng dè kunde-kêm't le si sár ndɔ ke ngeinn't. Titeke bè á tà karé bè géa à uwe dè si kêm ndɔn't le Kuwe-bee le jéi Jésus-Krist nga lé.

⁹Nube ke bar sei kade umi nan't bok se Ngonn'n Jésus-Krist Kuwe-bee le jéi nga, è njè kube go ndukunn le'n kinye lé.

Tin nan tò dann njétaakêm-Kristge't

¹⁰Ngakonmge, m'ndeje sei se ri Kuwe-bee le jéi Jésus-Krist le kade umi tà go nan't karé. Adi kɔr kum nan goto dann si't. Umi tà le si nan't a, adi tàgir le si è karé a tɔ.

¹¹Ngakonmge, njé ke kêm kei le kon nann'm Chloé edi man edi nè: Tà tin nan tò dann si't.

¹²An-in! tà ke m'oo á tò nè: Nanan géa dann si't tam ede nè: «Man m'ee le Paul», «Man m'ee le Apollos», «Man m'ee le Céphas», éké «Man baa, m'ee le Krist.»

¹³Ké sei giri titeke Krist nga kaya ra'n danné wa? Ké ndɔ ke dé ber Paul kàde kage-ke-dese't tede tà le si wa? Ké ndɔ ke d'ule sei manné njonm se ri Paul nga wa?

14M'ra Nube oiyo tede m'ule doo karé ke rang bè dann si't manné njonm lé, nè Crispus se Gaius kuwe á m'ule de manné njonm.

15Titeke bè á doo karé asekum tam kede nè d'ule sei manné njonm se ri'm lé.

16Kêm'm ayé kwei nal! Njékêmkei le Stéphanas tɔ á m'ule de manné njonm. Dé nè kuwe m m'ger doo ke rang ke m'ule'n manné njonm lé ta.

17Man nga, Krist ule'm tede kule dooge manné njonm lé, nè è ule'm tede kile mber Tà ke Maje. Tà ke Maje ke m'ile mber'n nga, m'ile se go ger gos tam tà karè lé; nè bainléa kwei le Krist kàde kage-ke-dese't à tel k'ee nyan ke raikarè.

Krist è tɔgmong se kumkunju le Nube

18Kerɔte kuwe, kile mber tà ke ɔje dè kwei le Krist kàde kage-ke-dese't nga, njé ke ndii à tuji ooi ke tà mbe karè. Nè jèi ke Nube ndi à aji jèi nga baa, j'an-in ke tɔgmong le'n kuwe.

19Oiyo, dé ndang kêm magtub ke tò se ninn'n d'ede nè: «M'a m'tuju kumkunju le njékumkunjuge a, m'a m'ade gos nyanger le njéger nyange à tel nyan ke raikarè a tɔ.

20Ké tà ri á njèkumkunju ase tam bai wa? Ké tà ri á njèkɔrgir gute-ndu ase tam bai wa? Gos nyanger ke dè nang nè nga, Nube tel'n ke nyan mbe.

21Loo ke Nube tɔje ra'n dè gos nyanger't le'n tutu nga, dooge asi geri nin se go nyanger le de ke dè nang nè lé. Gir'n ke nè á Nube ɔje njáng le kaje dooge ke undei kêm de dè Tà ke Maje't ke j'ile mber'n. Tà ke Maje ke j'ile mber'n nga, njégos nyangerge ke ndii à tuji ooi ke tà mbe.

22Juipge à ɔdi nan deji nyankɔbege, nè njé ke ei Juipge lé à ɔdi nan sangi gos nyanger.

23Nè jè baa, j'ile mber tà le Krist ke dé ber'n kade kage-ke-dese't. Krist ke dé ber'n kàde kage-ke-dese't nga è jig ke tuge nja Juipge ile de a, è nyan mbe tàkum njé ke ei Juipge lé a tɔ.

24Nè Juipge se njè ke ei Juipge lé ke Nube bar de nga, Krist è tɔgmong se kumkunju le Nube.

25Oiyo, nyan le Nube ke dooge an-in ke nyan mbe nga, è kumkunju ke dum dè kumkunju le dooge malang. Nyan le Nube ke dooge an-in ke nyan ke yai nga, è tɔgmong ke dum dè tɔgmong le dooge malang.

26Ngakonmge, an-in! dann si sei ke Nube bar sei't nga, njégos nyangerge ke ɔje dè dooge ke dè nang nè ei ngain lé, njétɔgmong-ge ei ngain lé, njé ribarge ei ngain lé a tɔ.

²⁷Nè Nube tɔr nyange ke dooge an-in ke nyan mbe tede kile'n rasol dè njékumkunjuge't a, è tɔr nyange ke tɔge de goto tede kile'n rasol dè njétɔgege't a tɔ.

²⁸Nube tɔr nyange ke raikarè ke d'an de ke nyan lé a, dooge ke ribar le de goto tede tuju'n njé ribarge a tɔ.

²⁹Nube ra titeke bè le kade doo karé bè tii'n ra'n ede nè: nè kuwe n'ger Nube se dè ra'n lé.

³⁰Nè Nube um sei nan't bɔk se Jésus-Krist. Jésus Krist nga Nube tel'n ke kumkunju le jéi ke deri. Takul Krist á Nube ɔr'n tà dè jéi't a, unde'n jèi se ninn'n ke dooge le'n a tɔ. Nube ɔr jèi wont ji tɔgmong't le majelé takul Krist.

³¹Dé ndang kêm Magtub ke tò se ninn'n d'ede nè: «Ke nè á doo karé ndige ti ra'n baa, maje kade ti ra'n ɔje dè nyan ke Kuwe-bee ra tɔl mbas ta.»

1 Nje Ke Corinthe 2

Paul ile mber kwei le Krist kàde kage-ke-dese't

¹Ngakonmge, kaw ke ndɔ ke m'aw ra si't m'ede sei tà ke ɔje dè nyan le Nube ke tò loo bɔyɔn't nga, è se tà nel éké gos tam tà le dooge karé lé.

²Kété ke m'ee dann si't nga, m'aw ndoo ger nyan karé ke rang ra si't lé, nè Jésus-Krist ke dé ber'n kàde kage-ke-dese't kuwe karé bere.

³Gir'n ke nè á ndɔ ke m'nda'n non si't se bel a, se ngonn koje a tɔ, tite njèyai bè.

⁴Nyan-ndó le'm se mber kile le'm nga, ndunei ra de ra tà nel éké dè ger go ger gos tam tà le dooge karé lé. Nè mber ke ndɔ ke m'ile m'ade sei nga, è se go tɔgmong le Ndil-Kêmnda.

⁵Tɔgmong le Ndil-Kêmnda kile ra'n ke nata titeke bè le kade kundekêm le si ndune'n ra'n dè ger gos tam tà le dooge karé lé, nè le kade ndune'n ra'n ra tɔgmong't le Nube.

Krist è kumkunju le Nube

⁶Nè né è bè géa, Krist kuwe è kumkunju ke j'ile mber'n j'ade njé ke tɔgi dè kundekêm't le de. Kumkunju nè nga in ra dooge't éké in ra njékonbeege't ke dè nang d'arinè nè nga lé. Kumkunju ke in ra dooge't éké ra njékonbeege't nga, ndo ke rang à undei nang bai.

⁷Kumkunju le Nube ke kété tò loo bɔyɔn't á m'ile mber'n m'ade sei. Kumkunju nè nga Nube uwe dè nja unde konn tede ribar le jéi kété mari bita unde nang nè bai.

⁸Kumkunju le Nube nga, doo karé bè dann njékonbeege ke ndii dè nang nè ke ger'n goto. Ke nè á ndɔ ke njékonbeege ke ndii dè nang nè geri nin baa, né à adi d'ade ber Kuwe-bee ke njè ndubra kàde kage-ke-dese't lé.

⁹Dé ndang kê m Magtub't le Nube d'ede nè: «Kumkunju ke Nube uwe dè nja unde konn tede le njé ke tári nga, è nyan ke kum doo an lé a, mbi doo oo lé a, è nyan ke doo gir dè bengrenn't lé a tɔ.»

¹⁰Nè Nube ribe dè nyan nè nga ade jèi takul Ndil-Kêmnda. Kerɔte kuwe, Ndil-Kêmnda ter nyan malang a, tàgirge le Nube ke ngarankêmn't géa, Ndil-Kêmnda ger mbak a tɔ.

¹¹Ké nan asekum ger nyange ke tò dè bengre doo't wa? E tàgir le doo ke dè bengrenn't kuwe karé á ger nyange malang ke tò dè bengre doo't. Titeke bè Ndil-Kêmnda le Nube karé á asekum ger nyange malang ke dè bengre Nube't.

¹²Jèi baa, ndil ke j'ingei nga è ndil ke in ra dooge ke dè nang nè lé, nè è Ndil ke in ra Nube't tede le kade jè geri nyan-nojege ke Nube ade jèi nga.

¹³Jè tam tà le nyan-nojege nè nga se go nyan-ndó ke oje dè ger gos tam tà le dooge ke nang nè karé lé. Nè jè tam tàge nè nga se go nyan ke ndó ke Ndil-Kêmnda á ndó jè. Gir'n ke nè á j'ɔr'n gir nyange le Ndil j'ade njé ke Ndil ndi kê m de't.

¹⁴Doo ke karé ke Ndil Nube ndi kê mn't lé baa asekum taa nyan le Ndil Nube lé. Nyan le Ndil Nube tò asenan se nyan mbe tàkum'n't m è asekum ger gir lé. Oiyo, Ndil le Nube è njè kade doo ter nyange ger gir.

¹⁵Nè doo ke Ndil Nube ndi kê mn't baa asekum ter nyan malang ger gir'n. Né è baa, doo karé bè géa asekum kile tà dènn't lé.

¹⁶Magtub ke tò se ninn'n tam ede nè: «Ké nan ger tàgir le Kuwe-bee wa? Ké nan ase ndó'n nyan wa? Nè jè baa, j'aw se tàgir le Krist kuwe.

1 Nje Ke Corinthe 3

Jè jè ngann njékulege le Nube

¹Ngakonmge, m'asekum kede sei tà titeke m'ede'n dooge ke tɔgi dè kundekê m't lé. Man m'ede sei tà asenan se dooge ke Ndil-Kêmnda goto kê m de't a, dooge ke majelé on bee dè de't a tɔ. Sei i tooi asinan se nganngé ke ndêin bè dè kundekê m dè Krist't.

²Mbà á m'ade ili m m'ade sei mur ke mong lé, tede sei asikum kon-in mur lé bai. Sár darinè géa, tɔg si ase kon mur ke mong nga lé bai,

³tede sei dooge ke karé m nyan le Ndil goto kê m si't. Ke nè á ra jang se kɔl nan tooi dann si't baa, ké sei dooge ke kundekê m le si goto ade majelé on bee dè si't lé bai wa? Ké nyanra si se tà tam si è nyanra dooge ke nang nè karé lé bai wa?

⁴Loo ke doo karé dann si't tam ede nè: «Man m'ee le Paul», è karé ke rang ede nè: «Man m'ee doo le Apollos» nga, ké nyanra si è nyanra dooge ke dè nang nè karé lé bai wa?

⁵A baa, ké Apollos nga è nan wa? Ké Paul nga è nan wa? Jè joo mbak jè ngann njékulege le Nube le ra se si le kade undei kêm si dènn't. Nanan géa dann jé't ra kule ke ɔje dè'n ke Kuwe-bee um jinn't.

⁶Man Paul ndɔ ke m'ee njè dubu nyan, Apollos nga ndɔ ke è njè kum mann dè't. Nè Nube á è njè kade nyan ra tɔge ke kété-kété.

⁷Titeke bè á njè dubu nyan éké njè kum mann dè't ei nyange lé. Nè Nube ke njè kade nyan ra tɔge ke kété-kété kuwe karé á è nyan.

⁸Njè dubu nyan se njè kum mann dè nyan't nga asinan mbak. Nè Nube à uge dè ji nanan géa dann de't se go kule ke è ule ra'n ndibe tutu.

⁹Jè jè njémade kulege le Nube, nè sei sei ndɔr le Nube a, kei le Nube a tɔ.

¹⁰Man m'tò m'asenan se kɔde kunde gir kei ke unde gir kei kété bita doo ke rang unde kei dè't bai. Gir kei ke m'unde nga, è se go noje ke Nube uwe se'm. Nè maje kade nanan géa unde kumkunju dè rann't ɔje dè gos kunde kei dè gir kei't nè nga.

¹¹Jésu-Krist nga è gir kei ke d'unde nang kété bá. Doo karé bè asekum kunde gir kei ke rang lé ta.

¹²Ke nè á doo unde kei dè gir kei't nè nga se nar-ɔr éké nar-nda éké se kuberi herge ke gate de è ngain éké undei se kage, undei se káde nyan éké se mu géa,

¹³ndɔ tel ree le Kuwe-bee à kuje gir kule ra nanan géa ke nata ndái-ndái bai. Ndo tel ree le Kuwe-bee Jésus nga tò asenan se por ke à nan kule ra nanan géa le kan.

¹⁴Ke nè á doo unde kei dè gir kei't nè á kei le'n nda njáng nal kade por ró'n baa, doo nè nga à inge nyan kuge dè ji'n kuwe.

¹⁵Nè, ke nè á por ró kule ra doo nè nga rák-rák baa, è à nal nyan kuge dè ji le'n. E baa d'a d'aje'n, nè né è bè géa è tite doo ke unde loo pitring tee dann por't an-in bè.

¹⁶Kerɔte kuwe, sei sei gile kei ke tò se ninn'n le Nube a, Ndil Nube ndi kêm si't a tɔ. Ké sei geri titeke bè lé wa?

Sei sei gile kei le Nube ke tò se ninn'n

¹⁷Ooi maje, ke nè á doo tuju gile kei ke tò se ninn'n le Nube nga baa, Nube à tuju'n kɔke tɔ. Gile kei ke tò se ninn'n nga, è sei.

¹⁸Maje kade doo karé bè ade kum'n sú'n dè tàge't nè nga lé. Ke nè á doo karé dann si't an ra'n ke njèkumkunju ke dè nang nè baa, maje kade tel mbe tá à è njèkumkunju ke get bai.

¹⁹Oiyo, kumkunju éké gos nyangerge ke dè nang nè nga ei nyan mbege tàkum Nube't. Gir'n ke nè á Magtub ke tò se ninn'n tam'n ede nè: «Nube uwe njèkumkunjuge dè ra gos't le de.»

²⁰Magtub ke tò se ninn'n tam bai ede nè: «Kuwe-bee ger tàgirge le njékumkunjuge mbak. E ger titeke tàgirge le de nga ei tàgirge ke raikarè.»

²¹Bè baa, maje kade doo karé bè géa unde kàde'n se ri doo-ndul made'n lé. Kerote kuwe, dé malang dé le sige.

²²Paul se Apollos éké Céphas ei ngann njékulege le si. Ndikumgajer éké kwei, nyange ke d'arinè éké nyange ke à reei bai, nyan malang ke dè nang nè è le si.

²³Nè sei baa, sei le Krist a, Krist è le Nube a tɔ.

1 Nje Ke Corinthe 4

Jè jè njékawkulege le Krist

¹Maje kade an-in jè ke ngann njékulege le Krist a, ke njé kan dè nyange le Nube ke tooi loo boyɔn't a tɔ.

²Nyan karé ke dé sang ra njèkan dè nyange't nga, è le kade ra kule ke Nube um jinn't nga se ngang'n lêr-lêr.

³Man baa, tà ke sei gangi dèm't éké ke dooge ke dè nang nè karè gangi dèm't nga, usu'm nyan karé lé. Man baa, m'gangtà dè ram't lé.

⁴M'ger kêm't mbak titeke tà karé bè géa uwe dèm' lé, nè è ke nè á tà à ɔr'n dèm't non Nube't lé. Njègangtà dèm't baa è Kuwe-bee kuwe karé bere.

⁵Gir'n ke nè á maje kade i gangi tà dè doo't se ndáng karè kété anje ndɔ tel ree't le Kuwe-bee lé. I nginei sár adi Kuwe-bee kuwe tel ree pa bita. E è á à ade loo ar dè nyange ke tooi loo boyɔn't d'arinè dann tilkus't nga. Nyange ke dooge ɔji dè bengre de't le rai se go ngein bai nga, Kuwe-bee à ribe dè ke nata tàkum kosge't malang. Ndɔ'n nè nga, nanan géa Nube à pite'n ɔje dè nyan ra'n-ra'n.

⁶Ngakonmge, m'unn Apollos a, man kuwe a tɔ, ke nyan-tɔje le kade i geri gir gostà ke dooge tami edi nè: « Adi tàgir le si tuge dè tà ke dé ndang kêm magtub't nè nga gang lé.» Titeke bè á doo karé dann si't à kunde'n kàde'n se ri njèndó nyan ke karé kute'n è ke karé ke rang mbeng lé.

⁷Ké nan adi i tò gai dann madige't wa? Ké ri á i kuwe inge se dè rai nal kade Nube kuwe á adi wa? Ke nè á nyan malang ke inge nga è Nube kuwe á adi baa, ké tede ri á unde'n kàdi titeke è i kuwe á inge se dè rai bè wa?

⁸Sei an-in titeke ingei nyan malang ke awi ndoo'n nga bá ta! Sei an-in titeke sei baw-nyankingege ade i ndii deê bá ta! Sei teli ngarge bá ta! Ke nè á sei ngarge kerote baa, jè géa j'ayé k'ee ngarge se si tɔ.

⁹Jè njékawkulege nga, m'gir titeke Nube ade jè ngamutu go dooge a, è ade d'an jè ke dooge ke dé gangtà dè de't le tɔl de nata tàkum dooge't malang. Nube tel jè ke kurkogo le dè nang nè a, le dooge ke danrán se njé ke dè nang nè a tɔ.

10Jè tel mbe tede le Krist, nè sei baa i teli njékumkunjuge tede kum ke umi nan't bok se Krist. Jè tel jè njéyaige, nè sei baa i teli njétogege. D'ile ribar dè si't, nè jè baa dooge nedi jè.

11Sár bila, bo ndi ra kum jé ndoo, kunde mann ndi tɔl jè a tɔ. Sár đarinè, j'aw mbur jé sutur, dé tunde jè d'ade oso ra jé't ade j'ile dɔ gam-gam.

12Jè kuwe jè ra kule se ji jé j'ɔr yàl-yàl bita j'inge'n nyankuse jé bai. Dé taje jè nè baa jè tɔr ndu jé dè de't. Dooge ɔri jè kororoi, nè j'orè tà jé njak.

13Dooge tėti tà undei tà jé't, nè jè sɔl kêm de sár đarinè, d'an jè asenan se birbite le dooge ke dè nang nè a, d'an jè tite nyeen-nyan ke dé buku kòke bè a tɔ.

14M'ndang tàge nè nga bè m'ade sei tede kile'n rasɔl dè si't lé. Nè m'ede sei tàgir nè bè tede sei ngann kotárgé le'm.

15Ke nè á awi se njékɔr non sige aru dɔg ke ndói sei rebe kum nan't se Krist géa a ingei bɔsige ngain lé. E man kuwe karé á m'ee bɔ si ke m'oje sei tede tà ke Maje le Jésu-Krist ke ndɔ ke m'ile mber'n m'ade sei nga.

16M'ra ndoo ra si't kade i ndaji kum'm man titeke man géa m'ndaje kum Krist bè tɔ.

17Gir'n ke nè á m'ule'n ngonn kotár le'm Timothée kade ra se si dè't. E doo ke njétaakêm-Krist ke get-get á m'ule'n ra si't. Timothée nga à olé kêm si dè pa njiye'm ke ɔje dè Krist a, se nyange ke m'ndó njékebe nange le Nube se loo malang a tɔ.

18Njé ke nange dann si't tii ra de mugug-mugug titeke m'ayé tel kaw ra si't lé bè.

19Ke nè á Kuwe-bee ndige baa, m'a m'tel béee le si ngɔr. M'a m'aw tede le koo tà le njé ti ra dege nè nga á se kar de lé, nè m'a m'aw le kan nyange ke d'ase ra se tɔgmong le Nube.

20Kerɔte kuwe, Konbee le Nube nga tò ɔje dè ti ra se tà ke tà't karè lé, nè tò ɔje dè tɔgmong le Ndil-Kêmnda.

21Ké i ndigi ri wa? Ké sei i ndigi kade m'aw ra si't se ndêin éké se tár nan a, se ndu noje a wa?

1 Nje Ke Corinthe 5

Nyankɔbe tò dann njétaakêm-Kristge ke Corinthe

1Nyankɔbe karé tò dann si't. E kaiya ke bò ke sei oréi dè nang, nè tà'n oso se loo mbit-mbit. Gàr kaiya nè nga dann dooge ke geri Nube lé géa, doo à inge ndan lé. Dé tam d'ede nè: Doo karé dann si't taa neen bɔ'n ndii'n.

- ²Nè sei baa, dè si in tchakm ade i ndii a i tii ra si mugug-mugug. E soo't kade né i ndii tite doo ke yo tól'n bè a, njè ra nyan ke titeke bè nga né a òri nin dann si't kòke a tò.
- ³Danra'm ndi heb se si nè se go tàgir le'm baa, m'ee se si nan't. Man baa, m'gangtà dè doo ke njè ra nyan tanan bè nga bá titeke man se si nan't bè.
- ⁴I kebi nan se ri Kuwe-bee le jéi Jésu-Krist òri nan tà. Man géa tàgir le'm um se si nan't bók loo kebe nan't nè nga tò. Se go tòmong le Kuwe-bee,
- ⁵òri doo nè nga dann si't kòke ilei nin ji Sú't. Tede kade Kuwe-bee Jésu tuju danra'n. Nè ngarankum ra'n à inge kaje ndò tel ree't le Kuwe-bee.
- ⁶Ti ra le si nga majelé karè. Ké sei geri titeke pululu ke ndèin bè kuwe ade nduju ke loin bere mbak in ngiring-ngiring lé wa?
- ⁷Òri se-pululu ke mari ra si't kòke tede kade i teli sei nduju ke kige ke anje pululu. Sei sei nduju ke anje pululu nga bá ta. Keròte kuwe, sei sei nduju ke anje pululu tede Krist ke è ngonn bate ra nan Paque le jéi nga dé tól'n bá.
- ⁸Titeke bè, ade jè rai nan Paque le jéi nga se kèmyêr éké se kêm ke mine ke tooi asinan se pululu ke mari nga lé ta. Nè ade jè rai nan Paque le jéi nga se kêm jéi ke unju nyang-nyang a, se ngarankum tà a tò. Kêm ke unju nyang-nyang a, ngarankum tà a tò nga, tooi asinan se nduju ke kige ke anje pululu.
- ⁹Kêm magtub ke m'ndang made sei kété nga, m'ede sei kade utei ra si mbeng ra njé tò se nan ke kaiya't.
- ¹⁰Man m'ede sei tà nè nga m'òje'n dè njé tò se nan ke kaiya't malang ke dè nang nè ke geri Nube lé nga lé. E njékêmkeinge se njébog-ge éké njé polé magege malang ke ndii dann de't dè nang nè á m'tam tà nè m'òje'n dè de lé a tò. Dé nè nga, asi kòri ra si ra de't ndii gai dè nang nè ndan lé.
- ¹¹M-m, magtub ke m'ndang m'ade sei òarinè nga òje dè doo ke òar ra'n ke njétaakêm-Krist, nè tel è njé tò se nan ke kaiya't éké njékêmkein se njé gugu mage éké njé taje ndu éké njé kade yibe ule mbe dènn't, éké njébog. Doo ke titeke bè nga, utei nin mbeng. Nyankuse géa a usei se'n nan't lé.
- ¹²Ké è tà le'm le gangtà dè njé ke nata't wa? M-m, è tà le'm le gangtà dè de't lé. Dé baa, è Nube á à gangtà dè't.
- ¹³Nè njé ke kei baa, gar-gar è tà le si le gangtà dè de't. Òri njè ra kòbe nga dann si't kòke titeke magtub le Nube tam'n.

1 Nje Ke Corinthe 6

Sêke nan tò dann njétaakêm-Kristge't

- ¹Loo ke doo karé dann si't aw se tà se njètaakêm-Krist ke karé ke rang baa, ké bain á è ndige kaw sêke'n non njégangtàge ke geri Nube lé tá wa? Ké i rai bè tede ri wa? Ké bain awi se nan non njékêmndage't lé wa?
- ²Sei dooge le Nube ke njékêmndage á a i gangi tà dè dooge ke dè nang nè. Ké sei geri bè lé wa? Ke nè á è sei á a i gangi tà dé njé ke dè nang nè baa, ké bain á asi goli ngann tàge ke wali bè nga lé tabai wa?
- ³E jèi á ndon't j'ayé gangi tà dè dooge ke danrán ke ali tà tà Nube't. Ké sei geri bè lé wa? Ke nè á è jèi á ndon't j'à gangi tà dè dooge ke danrán't baa, ké bain á j'asi goli tàge ke oje dè ngann nyange ke dè nang nè nga lé tabai wa?
- ⁴Ke nè á tàge ke oje dè ngann nyange ke dè nang nè tooi dann si't baa, ori njé ke geri Nube lé á undei de ke njégangtàge le si. Dé nè nga, nyan ke oje dè njètaakêm-Kristge ndête de ke ndêin bè géa lé.
- ⁵M'tam tà nè nga bè m'ile'n rasol dè si't. Ké doo karé ke njèkumkunju ke asekum gangtà le njètaakêm-Kristge goto dann si't kuwe sár wa?
- ⁶Njètaakêm-Krist karé aw sêke njètaakêm-Krist ke rang tà njègangtà ke è njètaakêm-Krist lé nga, ké è kum wa?
- ⁷Sêke nan ke tò dann si't nga, è yai le si ke deri bá ta. Nyan ke dè naje'n lé ke dooge rai se si nga, ké bain á sei oréi tà si njak dè't lé wa? Ké bain á inyei dooge adi oyi nyange le si awi lé wa?
- ⁸Nè sei kuwe i teli sei njé ra nyange ke se dè naje'n lé se njé banm dooge táa nyange le de se ndo karé-karé. Tá dooge ke sei rai nyange ke tite nan bè se de nga, ei ngakon sige ke njètaakêm-Kristge gé bai!
- ⁹Njé ra nyange ke se dè naje'n lé nga à ingei loo kêm Konbee't le Nube lé. Ké sei geri bè lé wa? Adi kum si sú sei lé: Njé tò se nan ke kaiya't, njé gugu magege, njé sang dinyege éké dingemge ke rang, njé tel ra de ke dinyege, dingemge ke sangi dingemge made dege tooi se de ke dinyege,
- ¹⁰njébog-ge, njékêmkeinge, njé ke yibe ule mbe dè de't, njé tête tàge éké njé banm dooge táa nyange le de nga, à ilei nja de kêm Konbee't le Nube ndan lé.
- ¹¹Njé ke nange dann si't kété ei njé ra nyange nè nga to. Nè dariné Nube le jéi togo se-kaiya le si or ndát-ndát. E unde sei se ninn'n ade sei dooge le'n a, è or tà dè si't se ri Kuwe-bee Jésus-Krist a, se ri Ndil-Kêmnda a to.

Unni ra si ke nyan kile ribar dè Nube't

- ¹²Njé ke nange dann si't tami edi nè: «D'inye loo d'ade'm le kade m'ra nyan malang.» E bè kuwe, nè né è bè géa nyan malang nga, ra'n tuwei dêw lé. «D'inye loo d'ade'm kade m'ra nyan malang kuwe», nè né è bè géa, m'a kade nyan karé bè géa uwe'm ber lé.

¹³Sei i tami edi nè: «Nyankuse tò tede kêm doo a, kêm doo tò tede nyankuse a tɔ.» E kum kuwe, nè né è bè géa ndɔ karé kuwe Nube à tuju de joo mbak. Nè danra doo nga Nube ra'n ɔje dè tò se nan ke kaiya't lé. Danra doo nga tò tede Kuwe-bee a, Kuwe-bee géa ndi tede le danra doo a tɔ.

¹⁴Ndɔ ke Nube ade Kuwe-bee unde loo tee dann njé ke koo't. Jèi géa, Nube à ade j'à j'unde loo teei dann njé ke koo't se go tɔgmong le'n tɔ.

¹⁵Danra si è balkum ra Krist. Ké sei geri bè lé wa? Jèi jèi balkum ra Krist. A baa, m'a kunn balkum ra Krist tel'n ke balkum ra kaiya-dinye ndan lé!

¹⁶Doo ke um nan't bɔk se kaiya-dinye baa tel è danra ke karé bere se'n. Ké sei geri bè lé wa? Dé ndang kêm magtub't le Nube d'ede nè: «Dé joo mbak d'a tel k'ee danra ke karé bere luk-luk.»

¹⁷Kerɔte kuwe, doo ke um nan't bɔk se Kuwe-bee baa, è tel è danra ke karé bere luk-luk se go Ndil-Kêmnda.

¹⁸Utei ra si mbeng dè tò se nan ke kaiya't. Majelé ke rang ke rara ke doo ra nga, è gide rann't nata. Nè doo ke inye ra'n nyein dè tò se nan ke kaiya't baa, è kuwe ra majelé se danra'n.

¹⁹Nube ade sei Ndil-Kêmnda ade ndi kêm si't dariné. Danra si è gile kei ndi ke tò se ninn'n le Ndil-Kêmnda. Ké sei geri titeke bè lé wa? Bè baa, sei sei kuwe ra si lé,

²⁰tede Nube ndogo sei se nar ke ngain ji ber't le kaiya ade i ndii dè si pal ta. Gir'n ke nè á umi ra si ke nyan kile ribar dè Nube't.

1 Nje Ke Corinthe 7

Tàge ke ɔje dè taa nan le dinye se dingem

¹Tàge ke ndɔ ke sei i ndangi magtub i deji man nga, dariné m'a tel kile sei dè't ta. Sei tami edi nè: Kade dingem ɔde ra dinye lé è soo't ngain.

²Nè le kade tò se nan ke kaiya't ebe'n ra'n ndêin baa, maje kade dingem ke rara géa taa dinye ke ɔje dè'n a, dinye ke rara géa taa dingem ke ɔje dè'n a tɔ.

³Gar-gar, maje kade ngaw dinye ade neen'n nyan ke ɔje dè'n a, dinye géa gar-gar à ra titebè se ngaw'n a tɔ.

⁴Dinye ase kunn ra'n ra'n nyan ke kêm'n ndige lé, danra'n è le ngaw'n. Ngaw dinye géa asekum kunn ra'n ra'n nyan ke kêm'n è á ndige lé, danra'n è le neen'n.

⁵Ɔgi ra si nan lé. Ke nè á ɔgi ra si nan baa, maje kade è se go ndu kase nan le si tede kade ɔji tà se Nube. Nè kɔge nan ra le si nga adi kur'n ngal ngain lé. Mbɔr baa, i teli ingei nan nè bainléa Sú à nan'n sei tede ngur tò se nan ke ndikum ra si't bai.

⁶Tà ke m'tam m'ede sei nè nga, è tà kɔje á m'ɔje sei m è ndukunn'n á m'unn m'ade sei lé.

⁷Man baa, m'ndige kade dooge malang kuwe ndii suwe tite man bè. Nè nanan géa Nube ade'n nyan-noje ke ɔje dè'n-dè'n. Gir'n ke nè á, doo karé inge'n nyan-noje ke ɔje dè ndi suwe a, doo karé ke rang inge nyan-noje ke ɔje dè taa dinye a tɔ.

⁸Nè sei suwege se njékei-kingege baa, m'ede sei ndàt: Ke nè á a i ndii tite'm baa, è nyan ke maje.

⁹Nè ke nè á asi kɔgi ra si dè ngur tò se nan't lé baa, i taai nan. Taa nan è soo't ngain dum kade ngur tò se nan ule por kê m si't.

¹⁰Njé ke taai nan bá baa, è ndukunn le Kuwe-bee á m'ade de m è ndukunn le'm man lé. Kuwe-bee tam ede nè: Dingem à tin se neen'n éké à mbate neen'n lé gar-gar. Dinye à tin se ngaw'n éké à mbate ngaw'n lé gar-gar tɔ.

¹¹Ke nè á dinye tin se ngaw'n éké mbate ngaw'n baa, maje kade tel taa ngaw ke rang lé nè à tel kum nan't se ngaw'n.

¹²Sei ke nange ke rang baa, è man á m'ede sei m è Kuwe-bee lé ta: Ke nè á ngokon si karé ke njètaakêm-Krist ndi se dinye ke njètaakêm-Krist lé á dinye nè ndige ndi se'n bai baa, gar-gar è à rɔ'n lé.

¹³Ke nè á dinye karé ndi se ngaw'n ke è njètaakêm-Krist lé á ngaw'n ndige ndi se'n bai baa, maje kade neen'n nè nga mbate'n lé tɔ.

¹⁴Dingem ke njètaakêm-Krist lé nga, è doo ke ndi heb ngain se Nube lé ta tede tà le neen'n ke njètaakêm-Krist. Dinye ke njètaakêm-Krist lé nga, è doo ke ndi heb ngain se Nube lé ta tede tà le ngaw'n ke njètaakêm-Krist a tɔ. Ke nè á è bè lé baa à ei dooge ke mine. Nè ðarinè baa, ngann sige géa ei dooge ke tooi se ninn de.

¹⁵Nè né è bè géa, ke nè á dingem ke njètaakêm-Krist ndige kɔr ra'n ra dinye ke njètaakêm-Krist lé baa, maje kade ɔr ra'n. Ke nè á dinye ke njètaakêm-Krist ndige kɔr ra'n ra dingem ke njètaakêm-Krist lé baa, maje kade ɔr ra'n tɔ. Titeke bè á njètaakêm-Krist ke dingem éké ke dinye ndi dè'n pal m nyan karé ke tɔ'n nan't se è ke njè kɔr ra'n goto. Nube bar jèi le kade jè ndii lom.

¹⁶I dinye ke njètaakêm-Krist, ké i ger maje titeke a aje ngawi wa? I dingem ke njètaakêm-Krist ke i ger maje titeke a aje neein wa?

I ndii loo ndi si't ke Nube bar'n sei

¹⁷Maje kade nanan géa ndi loo ndiin't ke ndi tutu kété bita Kuwe-bee bar'n. E ke nè á è ndukunn ke m'unn m'ade njékebe nange le Nube se loo malang.

¹⁸Ke nè á uje tà mɔti pa bita Nube bari baa, i sang rebe le bɔyɔ dè lé ta. Ke nè á uje tà mɔti lé bai á Nube bari baa, i sang rebe le kuje tà mɔti ðarinè lé ta.

¹⁹Kuje tà mɔte è nyan lé, kuje tà mɔte lé géa è nyan lé a tɔ. Nè kile koje dè ndukunngé't le Nube á è nyan.

²⁰Maje kade nanan géa ndi loo ndiin't ke ndi tutu kété bita Nube bar'n bai nga.

²¹Ke nè á i ber bai á Nube bari baa, ade usi nyan dè ber't lé ta. Ke nè á asekum tel ndi dèi pal baa, i sang rebe'n.

²²Doo ke è ber kété pa bita Kuwe-bee bar'n nga, tel è doo le Kuwe-bee ke ndi dè'n pal. Doo ke ndi dè'n pal kété pa bita Kuwe-bee bar'n nga tel è ber le Krist tɔ.

²³Sei nga, Nube ndogo sei se nar ke ngain ji ber't le kaiya ade i ndii dè si pal d'arinè. I teli ra si ber le dooge lé ta.

²⁴Ngakonmge, maje kade nanan géa ndi loo ndiin't ke ndi tutu kété bita Nube bar'n bai nga.

Tà ke oje dè suwege se njékei-kingege

²⁵Oiyo, suwege ke dingem éké ke dinyege ke nali geri dinye éké dingem bai nga, m'inge ndukunn ke in ra Kuwe-bee't oje dè de lé. Nè è tàgir le'm á m'unde non si't kade umi kêm si dè't, tede man doo ke Nube ra se'm kêmkanm.

²⁶Man m'gir m'ede nè è soo't kade dingem ndi bè nal taa dinye tede nyankêmkonge ke d'arinè.

²⁷Ke nè á i taa dinye bá baa, i sang rebe tin se'n tede ndi dèi pal lé ta. Ke nè á i taa dinye lé bai baa, i sang rebe taa dinye lé ta.

²⁸Nè né è bè géa, ke nè á i taa dinye baa, è majelé á i ra lé. I ngomande ke nal ger dingem bai nga, ke nè á i taa ngaw baa, è majelé á i ra lé tɔ. Nè njé ke taai nan nga à ingei nyantosowur se ndoge malang. Gir'n ke nè á m'ndige le kute'n nyantosowurge nè nga dè si't kòke.

²⁹Ngakonmge, m'ede sei ndàt: Kurloo ke nain nga, ngal ngain lé ta. Unn gir d'arinè, maje kade njé ke taai dinye teli ndii titeke ndo ke taai dinye lé bè.

³⁰Maje kade njé ke noin d'arinè teli ndii asinan se dooge ke kété noin lé bè. Maje kade njé ke ndii à rai ranel teli ndii asinan se dooge ke kété rai ranel lé bè. Maje kade dooge ke ndii à ndogoi nyange d'arinè teli ndii titeke dooge ke ndo ke kété ingei nyan lé bè.

³¹Maje kade njé ke ndii ubei maje nyange ke dè nang nè d'arinè, teli ndii asinan se dooge ke kété ubei maje lé bè. Dè nang nè titeke sei kuwe an-in nga à aw mbɔr ngain lé ta.

³²Man m'ndige le kade kêm si olé bɔt-bɔt dè nyange ke dè nang nè lé. Doo ke taa dinye lé bai nga, kêm'n olé bɔt-bɔt dè nyange't le Kuwe-bee a, è sang le taa kum Kuwe-bee a tɔ.

³³Nè doo ke taa dinye bá nga, kêm'n olé bɔt-bɔt ɔje dè nyange ke dè nang nè a, è sang le taa kum neen'n a tɔ.

³⁴E doo ke kêm'n è joo. Dinye ke taa ngaw lé éké ngomande ke nal ger dingem bai nga, kêm'n olé bɔt-bɔt dè nyange't le Kuwe-bee. E sang kade danra'n se tàgir le'n bere mbak è le Kuwe-bee kuwe deri. Nè dinye ke taa ngaw baa, kêm'n olé bɔt-bɔt ɔje dè nyange ke dè nang nè a, è sang le taa kum ngaw'n a tɔ.

³⁵M'tam tà nè nga ɔje dè maje le si sei kuwe m è tede ndɔje'n sei lé. M'tam tà nè nga titeke bè le kade i rai nyange ke ndête sei a, le kade i nain ra Kuwe-bee't kuwe karé bere anje kaw yó-yó, nè-nè.

³⁶Ke nè á doo karé gir kêm'n't titeke ndi suwe tuwe ngonn'n ke mande ke nal ger dingem bai nga lé baa, maje kade ra se go kêm kɔje le'n è kuwe. E majelé á doo nè ra lé. Ke nè á doo karé gir kêm'n't titeke ndi suwe tuwe ngonn'n ke basa ke nal ger dinye bai nga lé baa, maje kade ra se go kêm kɔje le'n è kuwe. E majelé á doo nè ra lé tɔ. Kade ngonn ke basa taa dinye éké kade ngomande taa ngaw nga è majelé á doo nè ra lé.

³⁷Ke nè á doo karé ɔje kêm'n è't kuwe njáng le ngonm ra'n sêw-sêw anje ger dinye éké anje ger dingem baa, è ra maje.

³⁸Titeke bè, doo ke ade ngonn'n ke basa ke nal ger dinye bai taa dinye éké ade ngonn'n ke mande ke nal ger dingem taa ngaw baa, è ra maje. Nè è ke ade ngonn'n ke basa taa dinye éké ade ngonn'n ke mande taa ngaw lé baa, è ra nyan ke soo't ngain.

³⁹Loo ke dinye ndi se dè'n dɔ bai baa, gute-ndu tɔ'n nan't neɣ se ngaw'n. Ke nè á ngaw'n wei bá baa, è ndi dè'n pal le tel taa ngaw ke rang ke kêm'n ndige, nè maje kade taa dingem ke njètaakêm-Krist tá.

⁴⁰Nè né è bè géa, ke nè á è tel ndi karé anje taa ngaw baa, ra'n à nel'n ngain dum tel taa ngaw. E ke nè á è tàgir le'm man. M'gir titeke m'ede sei tàge nè se go tɔgmong le Nube tede man géa Ndil'n ndi kêm't tɔ.

1 Nje Ke Corinthe 8

Tà ke ɔje dè dan ke dé polé'n magege

¹Darinè m'ndang magtub ɔje dè dan ke dé pole'n magege. Kerɔte kuwe, jèi malang jèi «njé nyangerge» titeke i tami. Nè nyanger ade doo ti ra'n mugug-mugug, nè tár nan á ade doo ra'n tɔge dè kundekêm't le'n.

²Ke nè á doo karé an ra'n ke njè nyanger baa, è ger ade ase loon't deɣ lé bai.

³Nè ke nè á doo karé tár Nube baa, doo nè nga è kotár le Nube.

⁴Ndo ke kété sei deji man edi nè: Ké j'ase kuse dan ke dé gugu'n magege nga wa? Jè ger maje titeke mage karé bè goto dè nang nè a, jè ger njai titeke Nube kuwe se kar'n bere luk-luk m Nube ke rang goto a tɔ.

⁵Dooge ke nange tami edi nè nubege tooi do danrán non éké ndii dè nang nè. E kum, nubege se kuwe-beege bulei ngain dè nang nè kuwe.

⁶Nè jèi baa, jè geri titeke Nube Bɔ jéi kuwe karé bere luk-luk á è Nube. E á unde nyange malang a, jè ndii kumgajer takul'n a tɔ. Jésu-Krist kuwe karé bere luk-luk á è Kuwe-bee. E se takul'n á nyange malang tooi tutu a, è se takul'n á jè ndii kumgajer a tɔ.

⁷Nè kosdooge bule geri gir nyan nè nga njai lé bai. Gir'n ke nè á sár bila, njé ke nange à ɔdi nan doyi magege nga bai. Dariné géa loo ke dé ndi d'a d'use dange ke dé ra'n nyankuje-mese baa asenan se kum ke d'um nan't se magege ke dooge gugi nga kuwe bai-bai. Se go tàgir le de ke ase lé nga, d'an ra de ke nyan ke mine tàkum Nube't tede dan ke d'use nè nga.

⁸E nyankuse á ade j'à taai kum Nube lé. Né j'usei nyan lé géa, j'à j'ingei nyan ke rang tutu lé a, né j'usei nyan géa, nyan ke à è soo't ngain dum ke non goto tutu a tɔ.

⁹Sei ndii dè si pal le ra nyan ke kêm si ndige kuwe. Nè né è bè géa, undei kumkunju dè ra si't le kade ndi dè pal le si tuge njé ke kundekêm le de bisir lé bai ile de dann majelé't lé.

¹⁰I njè «nyanger», ke nè á doo karé ke kundekêm le'n bisir lé an-in i ndi a use nyan kêm kei gugu mage't. A baa, ké nyanrai nè à sule'n kade è géa use dan ke dé gugu'n mage nè nga tɔ lé wa?

¹¹Njètaakêm-Krist ke kundekêm le'n bisir lé ke Krist wei tede'n nga, i tuju'n se «nyanger» lei.

¹²Loo ke sei rai majelé se ngakon sige ke njètaakêm-Kristge titeke bè adi rai nyan ke an-in ke nyan ke go rebe'n lé nè nga baa, è Krist kuwe á sei i rai se'n majelé non.

¹³Gir'n ke nè á, ke nè á m'an titeke nyankuse à ade ngokon'm à oso dann majelé't baa, mbate kuse dan nè nga njing è soo't dum kade ngokon'm oso dann majelé't tede tà le'm.

1 Nje Ke Corinthe 9

Nyange ke se dè naje'n kade njèkawkule ke get ra

¹Ké m'di dè'm pal le ra nyan ke kêm'm ndige lé wa? Ké man nga m'ee njèkawkule lé wa? Jésu Kuwe-bee le jéi nga, ké ndo ke m'an'n se kum'm lé wa? Ké sei sei kann kule ke m'ra m'ade Krist nga lé bai wa?

- ²Ke nè á né njé ke rang-ge an-in man ke njèkawkule lé géa, sei baa, man njèkawkule tede le si kerɔte kuwe. Sei baa, sei korji kule ke m'ra m'ade Kuwe-bee.
- ³E ke nè á è tà ke m'tam dè ram't non njé kile tà dèm'tge.
- ⁴Ké m'aw se tɔgmong le kinge nyankuse éké nyankain tede kulege ke m'ra nga lé wa?
- ⁵Ké m'aw se tɔgmong le kaw se kon nann'm karé ke neen'm loo kile mber't titeke njèkawkulege ke rang éké ngakon Kuwe-beege éké Céphas rai nga tɔ lé wa?
- ⁶Ké jè se Barnabas kuwe se kar jé á è tà le jé kade jè ra kule bita j'inge'n nyankuse jé wa?
- ⁷Ké njèrɔ ke ra á uge dè ji'n se nar le'n ke kinge'n è kuwe wa? Ké nan man kage nduu nal kuse kann'n wa? Ké nan á ul dange baa, nal kan-in mba de wa?
- ⁸Sei tami edi nè: Man m'tam tàge nè nga se go nyanra dooge ke dè nang nè karè. Nè ké gute-ndu Nube ke Moise ndang nga tam tà nè titeke bè tɔ lé wa?
- ⁹Magtub gute-ndu Nube ke Moise ndang tam ede nè: «Dig mang ke nda à njiye dè ko't le tal njar'n nga, i a kule dèng tànn't kɔge'n kuse ko lé.» Tam ke Nube tam tà nè bè nga, ké tur'n tede mangege tá se kar de wa?
- ¹⁰Ké Nube tam tà nè nga ɔje'n dè jéi jèi kuwe mbain lé wa? Loo naje'n goto, dé ndang tà nè nga d'ɔje'n dè jéi d'ede nè: Njèndɔr nga, unde kê'm'n tchên le kinge ko kuwe gar-gar. Njè suwe ko nga, unde kê'm'n tchên le kinge ko ke le'n a tɔ.
- ¹¹Jè dubu ko nyan le Ndil dann si't. A baa, ke nè á jè taa nyange ke ɔje dè danra ji si't baa, ké è nyan ke jè ra j'ade al nan ngain wa?
- ¹²Ke nè á njé ke rang awi se tɔgmong le rai se si bè baa, è á né j'ayé ra se si kade dum dè le dege nè bai lé wa? Nè né è bè géa, j'ɔge ra jé dè tɔgmong't nè nga. Nè j'orè tà jé njak dè nyan malang tede kile'n kage Tà ke Maje le Krist nga lé.
- ¹³Njé ke rai kule ɔje dè nyange ke tooi se ninn de kê'm kei't le Nube nga, ei ingei nyankuse de kê'm kei't le Nube kuwe. Njé ke rai kule dè dinger loo nyankuje-mese't nga, ei ingei nyankuse de tutu tɔ. Ké sei geri bè lé wa?
- ¹⁴Njé ke ilei mber Tà ke Maje nga, Kuwe-bee unn ndu'n ade de le kade d'inge nyankuse de tu Tà ke Maje't kuwe tɔ.
- ¹⁵Nè man baa, m'ube go nyange nè malang m'inye. M'ndang magtub nè tede le deje'n nyange nè nga ji si't lé. Tà ke m'tam m'unde'n kàde'm nga, m'nda dèt njáng. Kweii'm è soo't, dum kade ndɔ ke rang doo ree deje tà'm dè ranel kule't nè nga.
- ¹⁶Tà ke Maje ke m'ile mber'n nga, è nyan ti ra lé. E nyan ke d'unde dèm't kade m'ra gar-gar. Ke nè á m'ile mber Tà ke Maje nga lé baa, m'a m'an bai.

17Ke nè á ndo ke è man kuwe m'in se kêmndige le'm m'ra kule nè nga baa, m'ayé kinge nar kuge dè jii'm. Nè ke nè á m'ile mber Tà ke Maje nga se go kêmndige le'm lé baa, è nyan ke d'unde dèm't kade m'ra á m'ra karè.

18A baa, ké ri á è nar kuge dè jii'm wa? Kile mber Tà ke Maje anje taa nyan á è nar kuge dè jii'm. Man m'ee njèkile mber Tà ke Maje kerote kuwe. Nè né è bè géa, m'oge ra'm dè taa nyange ji dooge't oje dè Tà ke Maje ke m'ile mber'n m'ade de nga.

19Man nga m'ndi dè'm pal m m'ee ber le doo karé bè lé. Nè né è bè géa, m'tel ra'm ke ber le dooge malang tede kinge'n kosdooge bule ngain ase dè togem't kade Krist.

20Loo ke man m'ee se Juipge baa, m'ra ra'm ke Juip bè to tede le kinge'n Juipge kade Krist. M'ndi gir gute-ndu't lé. Nè loo ke m'ndi dann njé ke ilei koje dè gute-ndu Moise't baa, m'ra ra'm m'ase nan se doo ke ndi gir gute-ndu't le Nube ke Moise ndang. M'ra titeke bè tede le kinge'n njé ke ndii gir gute-ndu't kade Krist.

21Loo ke m'ndi se njé ke geri gute-ndu le Nube ke Moise ndang nga lé baa, m'ra ra'm ke doo ger gute-ndu Nube lé bè. Man m'ee doo ke m'ger gute-ndu le Nube mbak kuwe, nè m'ra titeke bè tede le kinge'n njé ke ndii anje gute-ndu nga to.

22Ke nè á m'ee se njè ke kundekêm le de beber lé baa, m'tel ra'm ke doo ke kundekêm le'n beber lé. M'ra titeke bè tede le kinge'n njé ke kundekêm le de beber lé kade Krist. M'tel ra'm ke gàr dooge malang dè nyange't malang tede le kaje'n njé ke nange kade Krist.

23M'ra nyange nè nga malang tede le Tà ke Maje, le kade m'ube'n maje'n a to.

24Njé ke naji nan ngode ndá-loo kan-in ngode't nga, an-in ngode malang kuwe. Nè doo karé ke an-in ngode dum madenngé á inge nyankunde nja'n. Ké sei geri bè lé wa? Bè baa, an-in ngode se gos'n tede kade ingei nyan-kunde nja le si ta.

25Njè kan-in ngode ke rara géa oge ra'n dè nyange gai-gai. Njé naje nan ngode nga rai titeke bè le kingei jokò kunn banga ke à ndis bai. Nè jè baa, j'oge ra jé dè nyange gai-gai tede kinge'n jokò kunn banga ke à ndis lé.

26Gir'n ke nè á m'an-in'n ngode. Nè m'an-in ngode rim-rim karé lé. Gir'n ke nè á m'tò m'asenan se doo ke unn ji'n baa, unde'n nyan m unde ndá-loo karé lé.

27Man m'ee njèkile mber kade dooge ke rang. Nè m'gudu ra'm ngire a, m'ade ra'm kage nè bainléa ndo ke rang d'a d'ute'm mbeng kòke.

1 Nje Ke Corinthe 10

Kêm si dè ra si't oje dè mage polége

- ¹Ngakonmge, m'ndige le kade kêm si olé dè nyange ke teei dè kà jéige't kété nga. Ei malang ndo ke njiyei gir bum't kuwe. Ei malang ndo ke undei ba-bò kate gangi kuwe.
- ²Kà jéige nga, ndo ke d'ule de manné njonm malang gir Moise't dann bum't a, dann ba-bò kate't a tɔ.
- ³Dé malang d'on mur ke karé ke in danrán nga kuwe.
- ⁴Dé malang d'an-in nyankain ke karé ke in danrán nga kuwe tede dé malang d'an-in mann ke ube kàde mbal't kutch-kutch a tɔ. Mbal nè nga ndolè go de. Mbal nè nga è Krist.
- ⁵Nè né è bè géa, kosdoo-bulege ngain dann de't taai kum Nube lé. Gir'n ke nè á weii kabak-kabak kêm dile't.
- ⁶Nyange ke teei dè de't nè nga ei nyan-tɔjege tede kade j'ebi ra jéi dè ngur nyange ke majelé ke ndo ke rai kà jéige kété nga.
- ⁷I teli ra si ke njé polé magege titeke njé ke nange dann de't ndo ke rai nga lé. Dé ndang kêm Magtub't le Nube titeke bè d'ede nè: «Kosdooge nè nga teli ndii nang tede kuse a, kain nyan a bita ɔsi nang in-in kogui nan bai.»
- ⁸Ade j'inyei ra jéi nyein dè tò se nan ke kaiya't titeke njé ke nange dann de't ndo ke rai nga lé. Dooge aru doḡ loo kor-joo-gidé-mute weii kabak kêm ndo karé bere tede nyange ke titeke bè nga.
- ⁹Ade jè nan-in kilekêm le Kuwe-bee titeke ndo ke njé ke nange dann de't nan-in nin nga lé. Njé ke ndo ke nan-in kilekêm le Kuwe-bee nga, lige ton-in de tɔli de kɔke.
- ¹⁰I bari tà nyon-nyon titeke ndo ke njé ke nange dann de't bari Nube nga lé. Njé ke ndo ke bari Nube nga, njè tɔ ko dooge in danran ree tuju de ndát-ndát kɔke.
- ¹¹Nyange nè ke ndo ke teei dè kà jéige't nga, ei nyan-tɔjege. Dé ndang tà'n kêm Magtub't le Nube kade j'undei kumkunju dè ra jéi't, tede jè ndii dè kurloo ke ɔje dè ngei nyange malang.
- ¹²Gir'n ke nè á doo ke gir kêm'n't ede nè n'nda do baa, maje kade unde kumkunju dè rann't nè bainléa à kin koso dann majelé't.
- ¹³Nyan ke nan sei nga, è gâr nyan ke nan doo-ndul madesige kuwe tɔ. Nube è njèkinye go kunn-nduge le'n lé. Ke nè á nyan nan sei baa, Nube à inye sei kade nyan nan al dè tɔge si lé. Nube à ade sei gos korè tà njak kade undei loo i teei dann nyan nan't nè nga.
- ¹⁴Gir'n ke nè á, kotárgé le'm, i gangi kɔte nyange ke dé polé'n magege't nga lé.
- ¹⁵M'an sei tite dooge ke gangi tchat á m'ede'n sei tàge nè. Sei kuwe i gon-in kêm tàge ke m'ede sei nga an-in.

16Jè ra Nube oiyo tede nyankain ke jè deje ndutor le Kuwe-bee dè't nga. Ké è nè nga è nyan ke um jéi nan't bok se mese Krist nga lé bai wa? Mapa ke jè tête nga, ké è nyan ke um jéi nan't bok se danra Krist nga lé bai wa?

17Mapa nga è karé bere. Jè bulei ngain, nè jè teli jèi danra ke karé bere tede mapa ke karé bere luk-luk ke j'orèi nan de't.

18An-in! kosdooge ke ei girkoje le Israel nga, njé ke usei nyange ke d'uje'n mese nga, ké umi nan't bok se dingir loo nyan kuje mese nga lé wa?

19Ké m'a tam kede nè ri wa? Danra mage se dan ke dé tol dé polé'n mage nga, ké ei nyange ke raikarè lé wa? Mage ei se Nube asi nan lé.

20Dange ke dooge ke geri Nube lé toli poléi mage nga, ei nyange ke gugi ndilge ke majelé m adi Nube lé. Man m'ndige kade umi nan't bok se ndilge ke majelé nga lé.

21Sei asikum kain nyankain le Kuwe-bee se ndilge ke majelé nan't mbak lé. Sei asikum ndi tà nyankuse't le Kuwe-bee se ndilge ke majelé nga nan't mbak lé.

22Ké j'à gunde Kuwe-bee nan't bè tá kade jang ra'n wa? Ké tog jéi ase kile kate kum Kuwe-bee Nube't wa?

I rai nyange malang kade ri Nube bar'n

23Njé ke nange dann si't tami edi nè: «D'inye loo d'ade'm le kade m'ra nyan malang.» Oiyó è bè kuwe, nè né è bè géa, nyan malang nga ra'n tuwe sei dêw lé. «D'inye loo d'ade'm kade m'ra nyan malang», nè nyan malang à ade njétaakêm-Kristge à tógi dè kundekêm't le de lé.

24Maje kade doo karé sang nyan ke oje dè'n se kar'n lé, nè maje kade sang nyan ke oje dè doo made'n ke rang to.

25Nyan malang ke d'ige'n kaskoo nga, usei anje deje gir se go tàgir ke kêm si't.

26Oiyó, nang nè se nyan malang ke tò tutu nga, è le Kuwe-bee.

27Bainléa doo karé ke è njétaakêm-Krist lé bar sei kadi usei se'n nyan. Ke nè á i ndigi bar le'n bá baa, usei nyan malang ke d'ade sei se kêmnda káng anje deji gir se go tàgir ke kêm si't.

28Nè, ke nè á doo karé ede sei ede nè: «Nyan nè nga dé tol dé polé'n mage» baa, usei lé tede kede ke doo nè ede sei kété a, tede tàgir ke kêm'n't ke tò se goo lé.

29M'tam tà nè oje dè tàgir le'n ke kêm'n't m tàgir le si sei lé. Sei a deji ra si tà kedi nè: «Ké tede ri á doo ke rang à kile tà dè ndi dè pal't le'm se go tàgir le'n ke kêm'n't tá wa?

30Ke nè á, m'ra Nube oiyo dè nyankuse't baa, ké tede ri á d'a tam tede'm oje dè nyan ke m'ra oiyo dè't nga bai wa?»

³¹Ke nè á usei nyan éké an-in nyan, éké i rai nyange ke rang gai-gai géa, i rai nyan malang kade Nube inge'n ribar.

³²Maje kade i teli sei jig le tuge nja Juipge, se njé ke ei Juipge lé éké njékebe nange le Nube nga lé.

³³I rai titeke m'ra'n: m'sang le taa kum dooge malang dè nyange't malang a tɔ. Man nga m'sang nyan ke ɔje dè'm se kar'm lé, nè m'sang nyan ke ɔje dè kosdooge tede kade aji.

1 Nje Ke Corinthe 11

¹I ndaji kum'm man titeke man géa m'ndaje'n kum Krist bè tɔ.

Nyan ke tuwe dinyege dɛw loo kebe nan't

²M'an nyan kum si't tede kêm si olé dèm't se loo malang. M'an nyan kum si't tede nyange ke m'ndó sei nga géa, an-in dè sêw-sêw a tɔ.

³Man m'ndige kade i geri titeke dingem ke rara géa, Krist á è doo dè'n. Dingem è doo dè dinye a, Nube è doo dè Krist a tɔ.

⁴Dingem ke rara ke bir dè'n tá ɔje'n tà se Nube éké ede dooge tà ke tà Nube't nga, ile rasɔl dè Krist ke è doo dènn't.

⁵Dinye ke rara ke inye dè'n wei ɔje'n tà se Nube éké ribe'n dè tà ke tà Nube't nga, ile rasɔl dè ngaw'n ke è doo dè'n. Dinye nè tò asenan karé bere se dinye ke ndise dè'n bè.

⁶Ke nè á dinye dɔ dè'n lé baa, è tà le kade ndise dè'n. Nè ke nè á dinye an titeke ndise dè'n éké kuje dè'n tò rasɔl baa, è tà le kade dɔ dè'n.

⁷Dingem à bir dè'n éké à kule nyan dènn't tá kɔje'n tà se Nube lé gar-gar, tede è kum gute tà Nube a, è ribar le Nube a tɔ. Nè dinye baa, è ribar le dingem.

⁸Kerɔte kuwe, d'ɔr dingem ra dinye't lé, nè dinye á d'ɔr'n ra dingem't.

⁹Nube unde dingem tede le dinye lé, nè unde dinye tede le dingem.

¹⁰Gir'n ke nè á dinye à dɔ dè'n se nyan gar-gar le kade dooge ke danrán geri nin ke njèkule dè'n kade ngaw'n ke è doo dè'n nga.

¹¹Nè né è bè géa, non Kuwe-bee't baa, dinye à ndi se dè'n anje dingem lé a, dingem géa à ndi se dè'n anje dinye lé a tɔ.

¹²Oiyo, Nube ɔr kèl ra dingem á ra'n dinye. Dingem géa, è dinye á oje'n tɔ. Nè nyan malang in ra Nube't.

¹³Sei kuwe i giri an-in! kade dinye ɔje tà se Nube dè'n wei nga, ké è nyan ke tuwe'n dɛw wa?

14Ke nè á nyinge dè dingem ngal ngain baa, tò rasol tede le'n. Sei geri è ke nè mbak se go nyange ke dè nang nè.

15Ke nè á nyinge dè dinye ngal ngain baa, è ribar le'n. Nyinge dè ke ngal nga, d'ade dinye kade utu'n dè'n.

16Ke nè á doo karé gir le naje tà nè nga baa, maje kade ger titeke naje tà è kule ra jé jè éké kule ra njékebe nange le Nube se ndoge malang lé.

Rebe kuse mapa le Kuwe-bee

(An-in Matt 26.26-29; Marc 14.22-25; Luc 22.15-20 to)

17M'ndi m'a t'oje sei nyange ke kum ra loo kebe nange't le si. Dariné m'a m'toje sei nyan karé ke rang ke majelé ke dann si't. M'pite sei dè nyan't nè nga lé tede loo ke sei kebi nan baa, i teli i majilé ngain dum ke kété bai.

18Man m'oo titeke sei ori kum nan loo kebe nan't le si ade i tin-in nan. Tà ke m'oo nè nga, ke nange è kum kuwe.

19Tà tin nan ke tò dann si't nga, è nyan ke maje tede kade jè geri ngarankum ngann le Nube ke ndai njáng dè Tà ke Maje't nga.

20Loo ke sei kebi nan nga, è tede kuse mapa le Kuwe-bee lé.

21Loo ke sei i ndii nang gak tà nyankuse't bai kuwe baa, nanan géa uwe ra'n mong use nyan le'n ade bo ra dooge ke nange a, njé ke nange ke rang yibe enn de bá a to.

22Ké kei le si ke kade usei se an-in nyan tutu goto wa? Ké njékebe nange le Nube nga an-in de ke nyan lé kuwe sár wa? Ké i rai titeke bè tede kile'n rasol dè njé ke nyan le de goto nga wa? Ké i nginei kade m'ede sei m'ede nè ri wa? Ké è tà le kade m'pite sei dè nyan ra si't nè nga gar-gar wa? M-m, m'a pite sei dè è ke nè't ndan lé.

23Nyan ke m'ndó sei nga, m'inge ra Kuwe-bee't. Dann ndo ke d'a d'ule Kuwe-bee Jésu ji dooge't kade toli nin nga, è unn mapa karé uwe jinn't.

24E ra Nube oiyo pa bita uwe tête danné ede nè: «E ke nè è danra'm ke m'a m'inye kade dé tol tede tà le si. Usei adi kêm si olé'n dèm't.»

25Loo ke d'use mapa bá baa, è unn nyankain mann yibe nduu ra titeke bè to ede nè: «Yibe nduu nè nga, è mann-ra ke kige le Nube. Mann-ra nè nga à to sár takul mese'm ke an-in nang. Do-do, loo ke a an-in yibe nduu nè nga baa, i rai è nè nga adi kêm si olé'n dèm't.»

26Do-do, loo ke a usei mapa nè a, a an-in yibe nduu nè nga a to baa, ilei mber kwei le Kuwe-bee sár adi tel ree'n.

27Gir'n ke nè á doo ke use mapa éké an-in yibe nduu le Kuwe-bee nè nga se go rebe'n lé baa, tà kaiya à uwe dè'n oje dè danra Kuwe-bee se mese'n a to.

²⁸Maje kade nanan géa ter kêm'n è kuwe kété pa bita use mapa éké an-in yibe nduu nè nga bai.

²⁹Kerote kuwe, doo ke use mapa éké an-in yibe nduu nal ger titeke è danra Kuwe-bee Jésu baa, è use se an-in ile'n tà dè danra'n è't kuwe.

³⁰Gir'n ke nè á dooge ngain dann si't ei gum-gum dooge se njé raturge a, dooge bule weii a tɔ.

³¹Ke nè á jè kuwe jè ter kêm jé j'an kété baa, Nube ayé gangtà dè jéi't lé.

³²Nè Kuwe-bee gangtà dè jéi't le tɔje'n jéi kumkunju tede kade tà uwe'n dè jéi se dooge ke dè nang nè lé.

³³Bè baa ngakonmge, loo ke i kebi nan tede kuse mapa le Kuwe-bee nga baa, i nginei nan.

³⁴Ke nè á bo ra doo karé baa, maje kade use nyan kêm kei le'n tede kade Nube gang'n tà dè si't loo ke a i kebi nan nga lé. Gute tàge ke nain baa, ndɔ ke m'a m'aw ra si't bita m'a m'gɔl bai.

1 Nje Ke Corinthe 12

Nyan-nojege le Ndil-Kêmnda ke se ri de-ri de

¹Ngakonmge, tà ke ɔje dè nyan-nojege ke se ri de-ri de le Ndil-Kêmnda nga, man m'ndige kade i geri gir'n njai d'arinè.

²Sei geri mbak, kété ke i geri Nube lé bai nga, sei inyei ra si adi dé mbule sei d'aw se si non magege ke tà mundu.

³Gir'n ke nè á man m'ede sei ndàt: ke nè á doo tam ede nè Jésu è doo ke majelé baa, è Ndil-Kêmnda á ule tà nè tànn't ade tam lé. Ke nè á doo tam ede nè Jésu è Kuwe-bee baa, è Ndil-Kêmnda á ule tà nè tànn't ade tam bè.

⁴Nyan-nojege ke se ri de-ri de le Ndil-Kêmnda nga, è Ndil-Kêmnda ke karé nè kuwe á d'in rann't.

⁵Kulege ei gai-gai, nè Kuwe-bee ke karé nè kuwe á jè rai kule j'adi nin.

⁶Kule ra njétaakêm-Kristge ei gai-gai, nè Nube ke karé nè kuwe á ade dooge malang tɔge de á rai nyange malang.

⁷Nanan géa dann jéi't Nube ade'n nyan-noje ke ɔje dè'n le tɔje'n tɔgmong le Ndil-Kêmnda ke nata tede kade njétaakêm-Kristge malang ubei maje'n.

⁸Ndil ade doo ke karé tɔgmong kade tam'n tà se kumkunju a, ade doo karé ke rang gos nyanger kade ndó'n madenngé ngarankum tàge le Nube. E Ndil ke karé nè kuwe á nobo nyan-nojege nè nga titeke bè.

⁹Ndil ke karé nè kuwe ade doo karé ke nè aw se kundekêm ke bar kage a, ade doo karé ke rang nyan-nojege kade aje'n njératurge a tɔ.

¹⁰Ndil á ade doo karé ke nè tɔgmong kade ra'n nyankɔbege, ade doo karé ke rang Ndil ade è njèribe-dè-tàge ke tà Nube't. Ndil ke karé nè kuwe ade doo karé gos ter nyan ke in ra Ndil-Kêmnda't se nyan ke in rann't lé. Ndil-Kêmnda ade doo karé ke rang gos tam tà koje dooge ke rang gai-gai a, ade doo karé ke rang bai gos tel gir tàge gai-gai a tɔ.

¹¹E Ndil-Kêmnda ke karé bere nè kuwe á ra nyange nè nga malang. E kai nyan-nojege nè nga ade nanan géa se go kêmndige le'n è kuwe.

Dandra è karé nè balkumnge á bulei

¹²Krist tò asenan se danran ke karé bere ke aw se balkumnge bule. Kagera doo è karé nè balkum ranngé á bulei.

¹³Oiyo, né Juipge se njé ke ei Juipge lé, né ee'n berge éké njé ndi dè palge géa, ndo ke d'ule jéi manné njonm d'ade j'umi nan't bok se Ndil-Kêmnda ke karé nè kuwe. Jèi malang jè teli jèi danra ke karé bere ke j'an-in mann ke an-in kutch-kutch ke in ra Ndil-Kêmnda't.

¹⁴Kagera doo nga aw se balkum ra'n karé bere lé, nè aw'n bule.

¹⁵Ke nè á nja doo tam ede nè: «Man m'ee ji doo lé; bè baa, man m'ee le kagera doo lé.» Ké tam'n le'n nè nga à kɔge'n k'ee balkum danra doo wa? M-m.

¹⁶Bainléa mbi doo a kin tam k'ede nè: «Man m'ee kum doo lé; bè baa, man m'ee le balkum danra doo lé.» Ké tam'n le'n nè á à kɔge'n k'ee balkum danra doo wa?

¹⁷Ke nè á kagera doo bere mbak è kum'n baa, ké à koo tà titeke bain wa? Ke nè á kagera doo bere mbak è mbi'n baa, ké à taa bus nyan titeke bain wa?

¹⁸Kerɔte kuwe, Nube unde balkum rage karé-karé tu kagera doo't titeke kêm'n ndige.

¹⁹Ke nè á ra doo bere mbak è balkum ra'n baa, ké kagera'n è ra ta wa?

²⁰Titeke j'an-in, balkum ra doo bulei, nè kage ra doo è karé bere luk-luk.

²¹Kum doo asekum kede ji doo kede nè: «M'aw ndooi lé» lé éké dè doo asekum kede nja doo kede nè: «M'aw ndoo si lé» lé.

²²M-m, balkum ra doo ke tɔg de goto ke j'an de ke nyan lé nga, gar-gar j'awi ndoo de kuwe.

²³Balkum ra doo ke j'an-in de ke nyan ke tin lé nga, è ei nè á jè tɔsi kum jéi dè't maje a, j'ilei ribar dè de't ngain a tɔ. Balkum rage ke j'asi tɔji de nata tàkum dooge't malang lé nga, jè tɔsi kum jéi dè de't ngain dum njé ke rang malang.

²⁴Nè balkum ra jéige ke tooi ndá't ndái-ndái nga, j'awi ndoo tɔsi kum jéi dè de't lé. Nube rɔte balkum rage tà nan't neŋ-neŋ. E riibe dè njé ke ingei riɓar ngain dum njé ke ingei lé.

²⁵E ra titeke bè tede kade tin nan goto kêm kagera doo't, nè le kade balkum rage tɔsi kum de dè nan't.

²⁶Ke nè á balkum ra karé ndi dann kumndoo't ɓaa, gute balkum rage malang ndii se'n dann kumndoo't. Ke nè á d'ile riɓar dè balkum ra karé't ɓaa, gute balkum rage malang rai ranel se'n nan't mbak.

²⁷Sei sei kagera Krist. Titeke bè nanan géa dann si't è balkum ra Krist.

²⁸Dooge ke desêin ke Nube unde de dè njékebe nange't le'n nga ei njékawkulege, njé ke ɔsi go de ei njériibe-dè-tà ke tà Nube't. Dooge ke njèkon't mute ei njéndó dooge nyan. Go't ɓaa, ei njé ra nyankɔbege se njékɔr ratur ra dooge't se njé ra se dooge ke rang se njékɔr non dooge a, se njé tam tà tam dooge ke rang gai-gai a tɔ.

²⁹Dé njékawkulege éké njériibe-dè-tàge ke tà Nube't malang lé. Dé njé ndó dooge nyan éké njé ra nyankɔbege malang lé.

³⁰Dé njékɔr ratur ra dooge't éké njé tam tà tam dooge gai-gai malang lé a, dé malang dé njé tel gir tàge lé a tɔ.

³¹Adi ngur nyan-nojege ke maje dum madege malang ra sei pènn-pènn. M'a m'tɔje sei rebe ke maje dum nga kade an-in.

1 Nje Ke Corinthe 13

Tár nan

¹Ke nè á m'tam tà tam dooge ke dè nang nè éké ke danrán malang nè tár nan goto kêm't ɓaa, m'tò titeke ninge-kase ke ɓar kêng-kêng éké ganga ke ɓar ase loo ná-k-nák karè.

²Ke nè á m'aw se nyan-noje ke ɔje dè riibe dè tà ke tà Nube't, m'ase ger nyange malang ke tooi loo ɓɔyɔ de't éké m'aw se nyanger ke deri éké m'ase le kaw se kundekêm ke deri tede kɔr'n mbal se girson'n bere géa, ke nè á tár nan goto kêm't ɓaa, m'ee nyan ke karè.

³Ke nè á m'kai nyankingemge malang m'ade dooge gaje'n karé-karé éké m'inye ra'm m'ade dé ró se por tede kunde'n kàde'm karè nal kade tár nan tò kêm't ɓaa, nyan karé ke è soom't tutu goto.

⁴Doo ke tár nan tò kêm'n't à è njèkile kêm'n pon-pon a, à è njè ra maje a, à è njè ra kêmkein lé a, à è njè tɔje ra'n lé a, à è njè tin ra'n lé a tɔ.

⁵Doo ke tár nan tò kêm'n't à kin ra nyan rasɔl lé a, à sang nyan ke ɔje dè'n è se kar'n lé a, à k'ee njè ra wong lé a, à k'ee njè tute go majelé ke doo ra se'n lé a tɔ.

- ⁶Doo ke tár nan tò kêm'n't à ra nyan se dè naje'n a, à ra ranel dè ngarankum tà't a tɔ.
- ⁷Doo ke tár nan tò kêm'n't à ile kêm'n dè nyange't malang a, à unde kêm'n dè nyange't malang a, à orè tà'n njak dè nyange't malang a tɔ.
- ⁸Tár nan à kudu ndan lé. Tàge ke njéribè-dè-tàge ke tà Nube't tami nga à udi bai. Nyan-noje ke le tam'n tà tam dooge gai-gai à ɔsi ngei bai a, d'a d'ade gos nyanger à goto bai a tɔ.
- ⁹Nyanger le jéi ke ɗarinè nga è tàpitem nyanger ke ndèin bè karè a, tà ke tà Nube't ke jè ribei dè nga, jè ribei dè ndàt malang lé a tɔ.
- ¹⁰Nè loo ke ndɔn't nyan ke maje ɔr njê't à ree baa, nyan ke maje ɔr njê't lé à goto.
- ¹¹Loo ke ndɔ ke m'nain ngonn bai nga, m'tam tà tam ngonn a, m'gir tà gir ngonn a, m'ɔje rebe nyan asenan se ngonn bè a tɔ. Nè loo ke m'tel m'ee dingem bá baa, m'inye go nyanra ngonn kɔke ta.
- ¹²Nyange ke j'an-in ɗarinè nga è til nyange titeke doo an'n nyan kêm kuturam't bè, nè ndɔn't j'à j'an-in nyange nè nga se kum jéi ngangang bai. Nyanger le'm ke ɗarinè nga, è tàpitem gos nyanger karè, nè ndɔn't m'a m'ger Nube njai-njai titeke è ger'm bè.
- ¹³Darinè, nyange ke mute nè á nain-in: kundekêm a, kundekêm tchên a, se tár nan a tɔ. Nè tár nan á dum dè nyange ke mute nè nga mbak.

1 Nje Ke Corinthe 14

Tà ndejege ke rang ke ɔje dè nyan-nojege le Ndil

- ¹Ɔri nja kunde nan dann kum nan't têt-têt. Adi ngur nyan-noje ke ɔje dè Ndil-Kêmnda á ra sei pênn-pênn, nè adi ngur ribe dè tàge ke tà Nube't á ra sei dum nyan-nojege le Ndil ke rang.
- ²Tede doo ke tam tà tam dooge ke rang gai-gai ke njé ke rang geri lé nga, tam tà se dooge lé nè tam tà se Nube. Doo karé bè géa oo dè tà le'n lé, nè è tam tà ke tò loo ɓɔyɔn't takul Ndil.
- ³Nè doo ke ribe dè tà ke tà Nube't nga ede dooge tà ade tɔge de in'n dè made't a, gɔl'n kêm de a, se ule'n dingem kêm de't a tɔ.
- ⁴Doo ke tam tà tam dooge ke rang gai-gai nga, tam ade tɔge'n è kuwe in'n dè made't; nè è ke ribe dè tà ke tà Nube't nga ade tɔge njékebe nange le Nube in'n dè made't ke kété-kété.
- ⁵Kerɔte kuwe, m'ndige kade sei malang i tami tà tam dooge ke rang gai-gai kuwe, nè nyan ke m'aw ndoo'n ngain baa, è le kade i ribei dè tà ke tà Nube't. Doo ke njéribè-dè-tà ke tà Nube't nga dum dè doo ke njè tam tà tam dooge ke rang gai-gai. Doo ke tam tà tam dooge ke rang gai-gai nga, ke nè á doo tel gir ade njékebe

nange le Nube tede kade rai tɔge dè kundekêm't le de tá bainléa à asenan se njèribe-dè-tà ke tà Nube't bai.

⁶Ngakonmge, ke nè á m'aw ra si't á m'tam tà tam dooge ke rang gai-gai ke sei geri lé; ke nè á tà ke m'tam nga tee se dè tà ke tò loo ɓɔɔɔn't éké tee se dè nyanger éké ribe dè tà ke tà Nube't éké ndó sei nyan lé ɓaa, ké ri á è nyan ke tò soo't ke m'ra m'ade sei wa?

⁷Tò asenan karé se nyange ke taai kebe lé: tite tēbe éké kundu-jēng. Ke nè á bari gos lé ɓaa, ké d'a ger titeke è ke nè á è tēbe a, è ke nè è kundu-jēng a, titeke bain wa?

⁸Ke nè á burunju ɓar se gos'n lé ɓaa, ké nan à uwe dè nja ra'n le kaw loo rɔ't wa?

⁹Sei géa, le si è titeke bè tɔ. Ke nè á i tami tà tam dooge ke rang pɔti-pɔti karè ɓaa, ké d'ade gir tà le si ke i tami nga titeke bain wa? Tà ke a i tami nga ɓar mbi de't tite nel bè karè.

¹⁰Tà tam dooge ke dè nang nè bulei kerɔte, nè tà karé bè ke nal ger gir'n goto.

¹¹Ke nè á m'asekum ger gir tà tam doo karé lé ɓaa, man m'ee tite doo ke dɔ tàkum doo ke njè tam tà nè nga. Doo ke njè tam tà nè nga, man géa m'an'n ke doo ke dɔ a tɔ.

¹²Sei géa, le si è titeke bè tɔ. Sei awi ndoo nyan-nojege le Ndil-Kêmnda. Bè ɓaa, i sangi ège ke à ade njékebe nange le Nube à rai tɔge kum de ke kété-kété.

¹³Gir'n ke nè á doo ke tam tà tam dooge ke rang nga, gar-gar maje kade deje Nube kade ade'n tɔg kade tel'n gir tà nè nga ade njé ke rang tá.

¹⁴Ke nè á m'ɔje tà se Nube se tà tam dooge ke rang ɓaa, è ndil'm á ɔje se'n tà; nè tàgir le'm ndi nding karè.

¹⁵A ɓaa, ké ri á m'a ra ta wa? M'a kɔje tà se Nube se ndil'm, nè m'a kɔje tà se Nube se tàgir le'm tɔ. M'a kɔse pa se ndil'm, nè m'a kɔse pa se tàgir le'm tɔ.

¹⁶Ke nè á i deje ndutɔr se ndili ɓaa, doo ke karé ke ger tà ke i tam nga lé ndi tutu ɓaa, ké à ndige kede nè: «Maje kade è titeke bè» dè ndutɔr ke i deje nga titeke bain wa? Tede è ger tà ke i tam nga lé.

¹⁷Oiyo ke i ra nga maje ngain kuwe, nè ade doo ke rang ra tɔge dè kundekêm't le'n lé.

¹⁸M'ra Nube oiyo tede ade m'tam tà tam dooge ke rang ngain dum sei malang.

¹⁹Nè dann njékebe nange't le Nube ɓaa, m'ndige tam tà se tàgir le'm ase mi le ndó'n dooge nyan è soo't dum tam tà ke dooge ooi lé ase aru dɔg loo dɔg.

²⁰Ngakonmge, i teli ngannge ɔje dè gangtà nga lé. I teli ngannge ɔje dè majelé nè maje kade sei dooge ke tɔge káng-káng ɔje dè gangtà.

21Dé ndang kêm Magtub Gute-ndu't d'ede nè: «M'a m'ule tà le'm tà dooge ke tà tam de è gai-gai ke ei dooge ke do kade edi tà kosdooge nè nga. Nè né è bè géa, d'a d'ur mbi de koo'n tà le'm lé. Kuwe-bee á tam bè.»

22Tà tam dooge ke rang gai-gai nga, è nyan-tɔje tede le dooge ke undei kêm de dè Krist't lé m è tede le njétaakêm-Kristge tá bè lé tɔ. Tà ke tà Nube't ke d'ede dooge nga, è nyan-tɔje tede le njétaakêm-Kristge m è tede le dooge ke undei kêm de dè Krist't lé bè lé tɔ.

23Ke nè á njékebe nange le Nube bere mbak kebi nan loo karé a, ei malang kuwe tami tà tam dooge ke rang gai-gai a tɔ. Njétaakêm-Kristge se njétaakêm-Kristge lé ke geri tàge ke dé tam nga lé reei loo kebe nan't nè nga tɔ. Ké à tami kedi nè sei mbege lé wa?

24Nè ke nè á dé malang dé ribe dè tàge ke tà Nube't baa, njétaakêm-Krist lé éké njétaakêm-Krist ke ger tà ke dé tam nga ree loo kebe nan't. Doo nè à girtà dè tàge malang ke è oo tede tàge ke oo nga, ilei tà dènn't.

25Tàgirge le'n ke dè bengrenn't tooi nata ndái-ndái tàkumn't. Titeke bè á doo nè nga à dèl'n dè'n le dɔi'n Nube kede nè: «Nube è dann si't kerɔte kuwe.»

I rai nyange malang adi aw se gonan-gonan tá

26A baa, ngakonmge, ké tà ri á m'a tam bai wa? Loo ke sei i kebi nan baa, maje kade doo karé dann si't ɔse pa, doo karé à ndó nyan dooge éké doo karé ke rang à ribe dè tà ke tò loo bɔyɔn't a, doo ke rang à tam tà tam dooge ke rang gai-gai éké doo karé ke rang à tel gir tà ke dé tam nè nga tɔ. Nè maje kade nyange nè malang awi se gonan-gonan tede kade kundekêm le dooge ra'n tɔge ke kété-kété tá.

27Ke nè á njékebe nange ndigi tami tàge ke rang gai-gai ke dooge geri lé baa, maje kade ei joo éké ngain baa ei mute. Maje kade tami tà se gonan-gonan. Nè gar-gar, maje kade doo karé tel gir tà le de ade njé ke rang ooi.

28Ke nè á doo ke njè tel gir tà goto baa, maje kade nanan géa dann njékebe nange't le Nube ndi tà'n mundu. Maje kade nanan géa ede ra'n è kuwe tà a, ede Nube tà le'n a tɔ.

29Njéribè-dè-tàge ke tà Nube't baa, maje kade dooge joo éké mute kuwe tami tà. Gute njé ke rang malang baa, maje kade ndii teri tàge nè an-in.

30Ke nè á doo ke karé ke ndi nang aw se tà ke tò loo bɔyɔn't tede le ribe dè baa, maje kade ngine ade made'n ke nda à tam tà nè ebe ra'n pa bita.

31Sei malang asikum ribei dè tàge ke tà Nube't kuwe. Nè maje kade ɔsi gonan-gonan. Titeke bè á nyan ke sei i ndói dooge nga à ule'n dingem kêm de't malang.

32Njé ke Nube ade ribei dè tà ke tànn't nga awi se tɔgmong le kan-in dè nyan-noje nè ke è uwe'n se de noje.

³³Kerote kuwe, Nube nga è njè kade nyange awi se gonan-gonan. Nube è njè kade dooge kêmlo m è njè tule nyange nan't lé.

Dinyege à ndii tà de mundu kêm loo kebe nange't

Titeke dé ra'n se loo kebe nan le njétaakêm-Kristge malang nga,

³⁴gar-gar maje kade dinyege ndii tà de mundu loo kebe nange't: d'innye loo d'ade de kade in-in tami tà lé. Gar-gar à ulei dè de titeke gute-ndu tam'n nga.

³⁵Ke nè á dé ndige le ger gir nyan ndó karé baa, maje kade dé deje ngaw dege kuwe kei le de. Kade dinye in tam tà dann njékebe nange't le Nube nga, è nyan ke tò loon't lé.

³⁶Ké tà le Nube nga in ra si sei't á aw rang wa? Ké tà le Nube nga in rang ree ra si sei't kuwe se kar si bere wa?

³⁷Ke nè á doo karé gir ede nè n'ee njèribe-dè-tà ke tà Nube't a, Ndil-Kêmnda á ule tà tann't a tó baa, maje kade ger maje titeke tàge ke m'ndang nè nga è ndukunn le Kuwe-bee kuwe.

³⁸Ke nè á doo karé unn kum'n dè ndukunn't nè nga baa, Nube géa à unn kum'n dènn't tó.

³⁹Titeke bè, ngakonmge, i sangi rebe ribe dè tà ke tà Nube't kété bita. Nè ogi dooge dè tam tà tam dooge ke rang gai-gai nga lé.

⁴⁰Nè maje kade nyange malang ke a i rai nga awi se gonan-gonan maje tá.

1 Nje Ke Corinthe 15

Krist unde loo tee dann njé ke koo't

¹Ngakonmge, man m'olé kêm si dè Tà ke Maje ke ndo ke m'ile m'ber'n m'ade sei nga, sei taai se kêm si bá. Dariné sei i bai nja si nang tutu maje.

²Ke nè á i taai Tà ke Maje ke m'ile mber'n made sei nga se loo too'n mêngêng baa, a aji. Ke nè á è bè lé baa, kundekêm le si ayé k'ee nyan ke raikarè.

³Krist wei bá tede majelége le jéi titeke Magtubge ke tooi se ninn de tami nga. E ke nè á è nyan-ndó ke desêin ke m'inge á m'tel'n m'ade sei.

⁴Krist nga dé dubu'n. Ndo ke njèkon't mute, Nube ade unde loo tee dann njé ke koo't titeke ndo ke Magtubge ke tooi se ninn de tami kété nga.

⁵Krist tee pan ke ra Céphas't bita tee hoi ke ra njékawkulege ke dog-gidé-joo nga bai.

⁶Tabai, go't gugu njétaakêm-Kristge aru mi an-in nin kade nan't mbak. Njé ke nange bule dann de't ndii kumgajer laa bai, nè njé ke nange á weii bá tó.

⁷Go't gugu, è unde loo tee pan ke kum Jacques't. Ndo ke rang, è unde loo tee pan ade njékawkulege malang an-in nin a to.

⁸Man ke m'ee tite ngonn ke d'or'n bè dann de't nga géa, m'an'n m'utu'n go de malang.

⁹Man nga m'ee tà-mba le njékawkulege. M'tuwe kade dé bar'm njékawkule lé tede m'ra kum njékebe nange le Nube ndoo ngain géa.

¹⁰Nè takul kêmnoje le Nube á m'tel m'ee'n njékawkule le'n. Noje ke Nube uwe se'm nga è se ndáng karè lé. M'ra kule m'or yàl-yàl dum njékawkulege ke rang malang. Kerote kuwe, è tog le'm man á m'ra'n kule nè nga lé, nè è noje ke Nube á uwe se'm.

¹¹Né è man éké dé géa, mber ke j'ile j'ade sei nga i taai umi kêm si dè't bá ta.

Nube à ade j'à j'undei loo teei dann njé ke koo't

¹²J'ile mber j'ede nè: Krist unde loo tee dann njé ke koo't bá. A baa, ké bain á njé ke nange dann si't tami edi nè: «Dooge à undei loo teei dann njé ke koo't ndan lé» wa?

¹³Ke nè á dooge undei loo teei dann njé ke koo't lé baa, Krist géa unde loo tee dann njé ke koo't ndan lé to.

¹⁴Ke nè á Krist unde loo tee dann njé ke koo't lé baa, j'ile mber se ndáng karè a, kundekêm le si nga géa è nyan ke raikarè a to.

¹⁵Ke nè á dooge à undei loo teei dann njé ke koo't lé baa, jè njé tête tàge kunde tà Nube't tede jè tam j'ede nè: «Nube ade Krist unde loo tee dann njé ke koo't.»

¹⁶Ke nè á dooge undei loo teei dann njé ke koo't lé baa, Krist nga géa unde loo tee dann njé ke koo't lé to.

¹⁷Ke nè á Krist unde loo tee dann njé ke koo't lé baa, sei undei kêm si dènn't se ndáng karè a, majelé on bee dè si't bai a to.

¹⁸Ke né á è bè baa, njé ke umi nan't bok se Krist bita weii nga, ei dooge ke tuji koke bá ta.

¹⁹Ke nè á j'undei kêm jéi dè Krist't oje dè ndikumgajer ke dariné nga baa, jèi kuwe jèi dooge ke kum jéi tondoo dum dooge ke rang malang dè nang nè.

²⁰Kerote kuwe, dariné Krist unde loo tee dann njé ke koo't. Krist è doo ke desêin ke unde loo tee dann njé ke koo't tede kade dooge ke weii undei loo teei dann njé ke koo't to.

²¹Se go loo kunn gir nyange, yo ree dè nang nè se rebe ke ra Adam't se kar'n bere. Gir'n ke nè á dooge à undei loo teei dann njé ke koo't takul Krist kuwe se kar'n bere to.

- 22** Dooge malang weii tede k'ee ke ei ngannkà Adam. Dooge malang ke umi nan't bok se Krist nga à teli ndii kumgajer titeke bè tɔ.
- 23** Dooge malang à undei loo teei se gonan-gonan. Krist unde loo tee dann njé ke koo't bá ta. Ndo ke à tel le ree baa, njé ke ei lennge à undei loo teei dann njé koo't kuti go'n bai.
- 24** Krist à tuju njékonbeege se ndukunngé se tɔgmong-ge le de ei njékɔse tà se Nube kɔke pa bita à tel se beekon kule ji Bɔ'n Nube't bai. Ndo'n nè nga bita à è ngei ndo bai.
- 25** Gar-gar Krist à on bee kêm ndɔn't nè sár kade Nube ule'n njébange le'n malang gir njann't.
- 26** Njèban ke ngeinn't ke d'a tuju'n kɔke nga, è yo.
- 27** Dé ndang kêm Magtub ke tò se ninn'n d'ede nè: «Nube ule nyange malang gir nja Krist't.» Nyange malang ei gir nja Krist't, nè Nube kuwe se kar'n á goto tutu. Tede è se takul Nube á nyange malang ei gir tɔgmong't le Krist.
- 28** Nube à ule nyange malang gir tɔgmong't le Ngonn'n. Go't gugu, Ngonn à ule dèn kade'n è Nube ke njèkule nyange malang gir tɔgmong't le'n nga. Titeke bè á Nube à ee'n Njèkonbee dè dooge se nyange malang a tɔ.
- 29** Ke nè á dooge à undei loo teei dann njé ke koo't lé baa, ké njé ke adi d'ule de manné njonm gute tà njé ke koo't nga à rai bain ta wa? Ke nè á dooge undei loo teei dann njé ke koo't lé baa, ké bain á dooge ke nange ade d'ule de manné njonm gute tà njé ke koo't tabai wa?
- 30** Jè géa, ke nè á dooge à undei loo teei dann njé ke koo't lé baa, ké tede ri á jè j'ile ra jé salang tà yo't se kàdege malang wa?
- 31** Ngakonmge, m'ndi tà yo't se ndo karé-karé. Man m'ede sei ndàt, tede sei nyan pite ra le'm takul kum ke j'umi nan't bok se Kuwe-bee le jéi Jésus-Krist nga.
- 32** Rɔ ke ndo ke m'rɔ se dooge kêm bee-bò ke Ephèse ke tooi asinan se dan-tonge bè nga, ke nè á ndo ke è se go ribar le dooge ke dè nang nè karè baa, ké ri á m'a m'inge tutu kade è soom't wa? Ke nè á dooge à undei loo teei dann njé ke koo't lé baa, né «j'ayé kusei a, kain a, tede barè j'à j'wei» titeke dooge tami nga.
- 33** Kêm si dè ra si't. «Uwei made nan se dooge ke nyanra de majelé lé, nè ei njé tuju hal ke maje kɔke.»
- 34** Adi tàgir le si gang tchat. E ke nè á è nyan ke sêw ke kum ra. Ebi ra si ra majelé se ndoge malang. Kerɔte kuwe, njé ke nange dann si't geri Nube lé. M'tam bè m'ile'n rasɔl dè si't.

Ra dooge ke à undei loo teei dann njé ke koo't

- 35 Nè bainléa doo karé à deje kede nè: «Ké njé ke koo à undei loo teei titeke bain wa? Ké à undei loo teei se ra de ke bain wa?»
- 36 I njè kêm tɔ kaju tà lé. I gir ndêin an! Ko nyan ke i dubu nga, ke nè á wei lé baa à ube tee mbi lé.
- 37 Kum nyan ke i dubu nga è danra nyan ke à ube ndɔ ke rang nga lé, nè è njar ko ke karé luk-luk tite ko têtin éké ko nyan ke rang.
- 38 Nube ade ko nyan ke rara géa kur ra'n ke ɔje dè'n-dè'n titeke kêm'n ndige.
- 39 Danra nyankundege malang ei tite nan lé. Titeke bè á danra dooge tò gai a, danra dange tò gai a, danra helge tò gai a, danra kanjege géa tò gai a tɔ.
- 40 Danra nyange ke danrán tò tutu a, danra nyange ke dè nang nè tò tutu. Ra-ndoin le nyange ke danrán tò gai se ra-ndoin le nyange ke dè nang nè a tɔ.
- 41 Ra-ndoin le kàde tò gai a, ra-ndoin le nan tò gai a, ra-ndoin le kɔnyonge tò gai a tɔ. Ra-ndoin le kɔnyon karé tò gai se made'n karé ke rang a tɔ.
- 42 Kunde loo tee dann njé ke koo't nga géa à è titeke bè tɔ. Danra doo ke dé dubu nga è nyan ke ndum, nè à unde loo tee dann njé ke koo't se danra ke à ndum ndan lé.
- 43 Danra doo ke dé dubu nga d'an'n ke nyan lé, nè unde loo tee se riɓar. Danra doo ke dé dubu nga è nyan ke yai, nè à unde loo tee se tɔgmong.
- 44 Danra doo ke dé dubu nga è danra ke yo on bee dè't, nè Ndil à ade à unde loo tee le tel ndi kumgajer se non. Ke nè á danra ke yo on bee dènn't tò tutu baa, danra ke Ndil à ade'n ndikumgajer se non tò tutu tɔ.
- 45 Titeke dé ndang'n kêm Magtub't d'ede nè: «Adam, doo ke desêin nga, d'ade'n ndikumgajer.» Nè Adam, doo ke ngeinn't, è Ndil ke njè kade dooge ndii kumgajer.
- 46 Danra doo ke njè kade dooge ndikumgajer à ree kété ke desêin lé. Nè danra doo ke yo on bee dènn't á ree kété ke desêin bita danra doo ke njè kade dooge ndii kumgajer utu goo'n bai.
- 47 Adam doo ke desêin nga, è nduju nang á Nube ube. Nè Adam ke njèkon't joo nga in danrán.
- 48 Dooge ke ei le dè nang nè nga, ei tite doo ke ndɔ ke Nube ube'n se nduju nang nga tɔ. Dooge ke ndii danrán nga, ei tite doo ke in danrán nga tɔ.
- 49 Darinè, jè taai nan se doo ke ndɔ ke Nube ube'n se nduju nang. Ndɔ ke rang j'à taai nan se doo ke in danrán bai.
- 50 Ngakonmge, man m'ede sei tà nè ndàt titeke danra se mese asikum kingei i konbee le Nube lé. Nyan ke à ndum se nyan ke à ndum lé asi koréi nan loo karé lé tɔ.

⁵¹An-in! m'a m'ede sei nyan karé ke tò loo ɓoyɔn't: jèi malang j'à j'weii lé, nè jèi malang d'a d'ade ra jéi à tel waks.

⁵²Nɔ ke burunju à ɓar ɓaa, jéi malang ra jéi à tel waks ke loon't nè kuwe, titeke bêl kum doo ke tuge jip bè. Loo ke ndɔn't burunju à ɓar ɓaa, njé ke weii à undei loo teei dann njé ke koo't le teli ndii kumgajer se non. Jéi malang géa, d'a d'ade ra jéi à tel waks tɔ.

⁵³Kerɔte kuwe, danra ke à jɔri à ule è ke à jɔri ndan lé nga rann't. Tabai danra ke à wei à ule è ke à ndi kumgajer se non rann't a tɔ.

⁵⁴Loo ke danra ke à jɔri à unn è ke à jɔri lé kule rann't a, danra jéi ke à wei à unn è ke à ndi kumgajer se non kule rann't à tɔ ɓaa, tà ke dé ndang kê m Magtub ke tò se ninn'n d'ede nè: «Ndubra pujur dè yo ɓá ta.

⁵⁵Yo, ké ndubra lei nga è ra wa? Yo, ké nyankate lei nga è ra wa?»

⁵⁶Nyankate le yo nga è kaiya a, tɔgmong le kaiya nga è gute-ndu a tɔ.

⁵⁷Nè Nube ke njè kade j'unni banga takul Kuwe-ɓee Jésus-Krist le jéi nga, jè ra'n oiyo ngain.

⁵⁸Titeke bè á, ngakonmge ke m'tár sei ngain, i ndai dè nja si't njáng m i lengi lé. Awi kum si ke kété-kété dè kule't le Kuwe-ɓee. Sei geri mbak titeke kule le Kuwe-ɓee ke sei ulei ra si ndibe i rai adi Krist nga à tel k'ee nyan ke raikarè lé.

1 Nje Ke Corinthe 16

Nar ke dé tann tede njétaakêm-Kristge ke Jérusalem

¹Tà ke ɔje dè nyan ke sei tanni tede njétaakêm-Kristge ke Jérusalem nga, m'unn ndum m'ade njékebe nange ke kê m beekon ke Galatie ɓá ta. Sei géa i rai titeke m'unn'n ndu'm m'ade njé ke Galatie nga bè tɔ.

²Nɔ ke desêin kê m ndɔ ji sejimute nga, maje kade nanan géa dann si't unn nyankinge'n ke è ngonm unde se ninn'n m i nginei ndɔ ree'm ɓita le tann'n nar nè nga lé.

³Nɔ ke m'a m'tee ra si't nú dɔ ɓaa, m'a m'ndang magtub kunde dè nar ke sei tanni, le kade dooge ke sei i taai kê m de á ɔri de. A awi se nyan-noje nè nga kê m ɓee-bò ke Jérusalem.

⁴Ke nè á tuwe kade man m'aw Jérusalem ɓaa, ei géa à awi se'm nan't tɔ.

Paul ɔje kaw mba

⁵M'a m'aw ɓéee le si se rebe ke beekon ke Macédoine. Nè m'a m'unde kê m beekon ke Macédoine se nja'm dɔ gang.

⁶Bainléa, m'a m'ndi se si ndêin éké m'a m'ndi se si sár kade ɓal ndɔɔ'n. Ke nè á è bè ɓaa, è sei á ndɔn't a i danni man kawi se'm loo ke m'a m'aw tutu nga.

⁷Ke nè baa, m'ndinge ra'm le kan sei m le kunde gang se nja'm do titeke kété lé. Ke nè á Kuwe-bee inye loo ade'm baa, m'ndige le ndi se si ndêin bita kin kaw kété bai.

⁸Nè né è bè géa, m'a m'nain kêm bee-bò ke Ephèse nè kuwe sár tee'n ndo ra nan ree le Ndil-Kêmnda ke dé bar'n Pentecote.

⁹Tà rebe teen ra'n inye wei bendeng ade'm kade m'ra kule kêm bee-bò ke Ephèse nè nga. Nè njébangé le'm á bulei ngain tutu.

¹⁰Ke nè á Timothée aw tee ra si't baa, an-in! tá nè a kadi ndi se kêm bel. E nè nga géa ndi ra kule le Kuwe-bee titeke m'ndi m'ra'n bè to.

¹¹Maje kade doo karé dann si't nede'n lé. I dannin nin adi tel ree ra'm't se kêm lom. Man a, se ngakonngé ke nè a to, jè ndi jè ngine'n.

¹²Nè ngokon jéi Apollos baa, m'ra ndoo rann't ngain kade tel aw se ngakon jéige ke njétaakêm-Kristge ke rang an sei. Nè è ndige le kaw dariné lé bai. Ndo ke inge kurloo ke kanm bita à aw ra si't bai.

Lapya se tà ndejege ke ngeinn't

¹³I ndii kum, i ndai njáng dè kundekêm't le si kum si ke kété-kété. I ndai dingem, uwei ra si mong a to.

¹⁴I rai nyan malang dann si't se go tár nan.

¹⁵Ngakonngé, sei geri tite Stéphanas se njékêmkei le'n, ei kuwe ei njétaakêm-Kristge ke desêin kêm beekon ke Achaie bere mbak. Tabai, sei geri mbak titeke ulei ra de bàj dann kule ke oje dè ra se njétaakêm-Kristge.

¹⁶Ngakonngé, ulei dè si adi dooge ke titeke bè se njé ke uwei se de tà kule nga a to.

¹⁷Ree le Stéphanas se Fortunatus a, se Akaicus a to nga, ade'm ranel ngain. E dé á dé njé ra se'm kum gute tà si dè nyange ke nal'm.

¹⁸Dé nga d'ade kêm man a, se kêm si sei a to, oso nang pon. Dooge ke titeke bè nga, an-in de ke ngarankum njékôr non sige.

¹⁹Njékebe nange le Nube ke kêm beekon ke Asie rai sei lapyá. Aquilas se Prisca rai sei lapyá ngain se ri Kuwe-bee. Njékebe nange le Nube ke kebi nan kêm kei le de géa rai sei lapyá ngain to.

²⁰Njétaakêm-Kristge malang ke Asie rai sei lapyá. I rai nan lapyá, uwei nan kàde si't sêm se kêmnda káng.

²¹E man Paul kuwe á m'ndang magtub nè se ji'm m'ra'n sei lapyá.

²²Ke nè á doo karé ndige Kuwe-bee Jésu lé baa, maje kade Nube or'n kòke dann kosdooge't le'n. Marana tha, Kuwe-bee le jé ree!

²³Maje kade kêmnoje le Kuwe-bee Jésu nain se si.

²⁴Sei malang ke umi nan't bok se Jésu-Krist nga, m'tár sei ngain.

2 Nje Ke Corinthe

2 Nje Ke Corinthe 1

Paul ɔrgir ra'n

¹Man Paul, njèkawkule le Jèsu-Krist se go kêmndige le Nube. Jè se ngokon si Timothée, jè ndang magtub nè j'ade njékebe nange le Nube ke ndii kêm bee-bò ke Corinthe. Magtub nè nga jè ndang j'ade njé ke tooi se ninn de malang ke ndii kêm beekon ke Achaie bere mbak a tɔ.

²Maje kade kêm-maje se kêm lom ke in ra Bɔ jéi Nube't se ra Kuwe-bee Jèsu Krist nain se si.

Paul ra Nube oiyo tede kêmkanm le'n

³Nube, Bɔ Kuwe-bee le jéi Jèsu-Krist nga, maje kade dè'n mong maj-maj. Bɔ jéi Nube nga, è Nube ke njè kêmkanm se njè sɔl kêm dooge a tɔ.

⁴E sɔl kêm jé dè nyantosowurge le jé malang tede kade sɔlkêm ke j'inge rann't nga, jè kuwe géa j'asekum sɔl'n kêm njé ke rang malang ke ndii dann nyantosowurge't nga tɔ.

⁵Nyankêmkonge le Krist oji nan ra jé't nyanmi-nyanmi. Krist ade sɔlkêm ke dum oje nan ra jé't nyanmi-nyanmi titeke bè tɔ.

⁶Ke nè á jè ndi dann nyantosowurge't baa, è tede kade ingei kêm sɔl lom se kaje a tɔ. Ke nè á d'ade j'inge kêm sɔl baa, è tede kade ingei sɔlkêm ke asekuum ra se si kade oréi tà si njak dè nyankêmkonge ke rai sei titeke kété ra'n jè nga tɔ.

⁷Kêm jé ke j'unde tchên ke dè si't nga tò njáng. Jè ger mbak, nyankêmkonge ke sei ulei ra si tutu se jé nga, sei bei nan se jé dè sɔlkêm't titeke bè tɔ.

⁸Ngakon jége, jè ndige le kade i ndii dè mbe't ɔje dè nyantosowur ke ndɔ ke ra jè nga lé. Nyantosowur ke ndɔ ke tee dè jé't kêm beekon ke Asie nga ade wur jé ndir njàk-njàk al dè tɔg jé. Nyantosowur ke ndɔ ke ra jè ade wur jé ndir jè njàk-njàk nè nga al dè tɔg jé ade tepléa danra bere mbak kuwe ayé kudu.

⁹Jè baa, ndɔ ke jè ger kêm jé't mbak titeke jè nyange le yo kuwe deri. Nyan ke ndɔ ke tee dè jé't nga, tee titeke bè le kade j'unde'n kêm jé dè ra jé jé't kuwe lé, nè dè Nube kuwe karé bere ke njè kade dooge undei loo teei dann njé ke koo't.

¹⁰E Nube ke ndɔ ke uwe jè wont ɔr jè tà yo ke tò bel't nè nga, à uwe jè wont kɔr jè tà't bai. Kerɔte kuwe, jè j'unde kêm jé tchên dènn't le kade ndɔ ke rang uwe jè wont ɔr jè tà yo't titeke bè bai.

¹¹Sei geti jè loo kɔje tà't le si se Nube. Titeke bè á nyan-noje ke j'inge takul dooge bule nè nga à tel k'ee nyan ra Nube oiyo ndɔ ke rang tede le jé bai.

Paul unde tà kaw mba le'n dɔ

¹²Nyan ke ade dè jé in'n tchakm nga, è tàgir ke kêm jé't. Jè ger kêm jé't titeke nyanra jé taa kum dooge ke dè nang nè. Sei kuwe mbain géa, i geri titeke nyanra jé è nyanra ke se dè naje'n. E kêmnoje le Nube á ɔr non jé ade jè ra'n nyan se dè naje'n m è kumkunju le doo lé.

¹³Magtubge le jé ke jè ndang j'ade i tutei a, i geri bá a nga, j'ile tà ke rang dè't lé ta. Nyan karé ke i geri njai lé tò tutu, nè m'unde kêm'm tchên titeke a i geri njai ndo ke rang bai.

¹⁴Sei asikum kade dè si in tchakm tede le jé, titeke ndo ke jè géa j'ase'n kum kade dè jé in'n tchakm tede tà le si ndo ke Kuwe-bee Jésus-Krist à tel ree'n.

¹⁵Se go kêm'm ke m'um dè si't ɓɔk-ɓɔk á ndo ke m'ndige le kaw'n ra si't sei't kuwe kété le kade ingeii nyan-noje ke njèkon't joo dè made't bai.

¹⁶M'a tee se rebe ke ra si't kaw kêm beekon ke Macédoine. Tabai m'a m'in Macédoine le tel ree ra si't tá a i danni man kawi se'm beekon ke Judée't bai.

¹⁷Kɔje ke m'ɔje ra titeke bè nga, ké m'ra anje gir tà dè't wa? Eké nyange ke m'ɔje le ra de nga, è se go danra karè ade tà tam'm ndu kɔbe'm joo m'ede nè «oiyo» a, «m-m» a tɔ wa?

¹⁸Nube ger mbak titeke man m'ee njè kum tà minye't joo lé.

¹⁹Tede Jésus-Krist Ngonn Nube, ke man a, Silas a, Timothée a tɔ, j'ile mber tà le'n dann si't nga, è njè kum tà minye't joo lé. Ke nè á tam ede nè: «m-m» baa, è «m m». Ke nè á tam ede nè : «oiyo» baa, è «oiyo». Jésus-Krist è njè tam ngarankum tà se ndoge malang.

²⁰Krist è «oiyo» ke ribe dè ndukunngé le Nube malang ke ɔje kêm'n le ra. E se takul'n á j'ede'n nè «Maje kade è titeke bè» tede kule'n ndubra dè Nube't.

²¹Njè kade jè nda njáng se si nan't tede le Jésus-Krist nga, è Nube. E è Nube kuwe á tɔr jè ade jè dooge le'n.

²²Jè nga Nube unde nyankorji le'n ra jé't a, ade Ndil-Kêmnda ndi dè bengre't jé't a tɔ. Ndil-Kêmnda nga, è tàpitem nyange ke ndɔn't j'à j'ingei.

²³Ke nè á m'tam è tà lanm karè baa, maje kade Nube ade m'wei kɔke. M'ebe ra'm kaw kêm bee-bò ke Corinthe tede kute'n tà nyange ke nange dè si't kɔke ndên.

²⁴Jè ndige kon sei njanm-njanm dè kundekêm't le si nga lé. Nè jè baa, jè njé ra se si kule dè ranel't le si tede sei ndai njáng dè kundekêm't le si nga bá.

2 Nje Ke Corinthe 2

¹Nyan ke man kuwe m'ɔje kêm't á tò nè: Man m'ɔje kêm't njáng le tel kaw ra si't kade ingei kêmkon gugu lé ta.

²Tede ke nè á man kuwe m'tel m'ade sei kêmkon baa, ké nan à ade'm ranel wa? Ké è ke m'ade'n kêmkon nga kuwe á à ade'm ranel nga lé wa?

³M'ndang magtub nè made sei kété tede kade ndo ke m'tee béee le si baa, m'inge kêmkon ra njé ke d'ayé kade m'inge ranel nga lé. M'unde kêm'm dè si't malang oje dè ta nè. Ranel le'm è ranel le si sei malang a to.

⁴M'ndi dann nyantosowur't se dann bel't. Magtub ke m'ndang nè nga m'ade sei se mann non kum't tede kade'n sei kêmkon gugu lé ta. Nè m'ndang magtub nè m'ade sei kade i geri njai titeke m'tar sei ngain m'ade al dè loo'n.

Adi kêm si tin mbit dè njé ra majelé't

⁵Ke nè á doo karé ade'm kêmkon baa, è man á ade'm kêmkon se kar'm lé, nè è sei malang. Ke nè á è sei malang á ade sei kêmkon lé géa, è ade njé ke nange dann si't kêmkon.

⁶Tà ke ndo ke in-in se kos si malang i gangi dè doo't nè nga, adi ase bè ta.

⁷Darinè baa, adi kêm si tin mbit dènn't a, i soli kêm'n a to. I rai titeke bè tede kade kêmkon tel al dè doo nè nga lé.

⁸Gir'n ke nè á, man m'deje'n sei kade i teli uwei doo nè nga ra si't i tárii.

⁹M'ndang magtub nè m'ade sei le nan'n sei kan ké a ilei koje dè nyange't malang kuwe wa?

¹⁰Doo ke adi kêm si tin mbit dènn't baa, man géa m'ade kêm'm tin mbit dènn't to. Ke nè á m'tin kêm'm mbit dè nyan karé't baa, m'ra tede le si tàkum Krist't.

¹¹M'ra titeke bè tede kade njèban le jéi Sú inge'n loo libe'n kum jéi lé. Kerote kuwe, Sú nga jè geri tàgirge le'n mbak.

Kêm Paul tò lom lé kêm bee-bò ke Troas

¹²Loo ke Kuwe-bee or tà rebe ade m'ree kêm bee-bò ke Troas baa, è gól loo ke kanm ade m'ile mber Tà ke Maje le Krist tutu.

¹³Nè né è bè géa kêm'm tò lom lé, tede m'inge ngokon'm Tite kêm bee-bò't nè nga lé. Gir'n ke nè á m'sure'n njétaakêm-Kristge ke kêm bee ke Troas m'inye de, m'ote m'aw'n kêm beekon ke Macédoine.

Takul Jésus-Krist á j'unni banga

¹⁴Nube ke njé kade j'unni banga se ndoge malang takul kum ke j'um nan't bok se Krist nga, m'ra'n oiyo ngain. Nube ade j'aw j'ile mber Tà ke Maje se loo malang j'ade dooge geri gel Krist. Gel'n ke dé ger nga tò asenan se wubu ke busu'n ete maje taa loo pel-pel.

¹⁵Kerote kuwe, jè tite wubu ke busu'n ete nel ke Krist ade Nube. Jèi wubu ke busu'n ete maje tede le njé ke à aji a, tede le njé ke ndii à weii a to.

¹⁶Jè bus nyan le yo tede le njé ke ndii awi ke loo tuju't a, jè bus nyan le kaje tede le njé ke ndii awi ke loo kaje't a tɔ. Ké nan asekum ra kule ke titeke bè nga wa?

¹⁷Jè jè njé tel Tà le Nube ke nyan gate tite njé ke nange bule rai nga lé. Jè nga, jè dooge ke j'um nan't bɔk se Krist. Gir'n ke nè á, Nube ade j'ile'n mber j'ade sei se kêmnda káng nonn't.

2 Nje Ke Corinthe 3

Jè jè magtubge ke kumgajer le Nube

¹Ké j'à kunn gir kɔrgir ra jé jè kuwe bai wa? Njé ke nange awi ndoo tɔji sei magtub kɔrgir ra de éké awi ndoo taa magtub kɔrgir ra ji si't le kaw'n loo ke rang't. Ké jè géa j'aw ndoo magtub nè nga tɔ wa?

²Sei nga, sei magtub le jé ke dé ndang dè bengre jéi't. Sei nga, sei magtub le jé ke dooge malang geri a, dooge malang tutei a tɔ.

³Sei baa, sei magtub le Krist ke è ndang ade tò nata ndái-ndái. E jè á jè njé ree se magtub nè nga kade sei. Magtub nè nga è ade jè ndang se mann nyan ndang magtub lé, nè se Ndil le Nube ke njèndi kumgajer. Magtub nè nga jè ndang dè begre her't lé, nè dè bengre dooge't.

⁴Jè nda kêm jé káng non Nube't takul Krist.

⁵Jè se dè ra jé j'asekum ra nyan karé bè géa lé. Nè Nube á è njè tel jè ke dooge ke asi rai nyan kade'n.

⁶E kuwe tel jè ke ngann njékulege ke ɔje dè mann-ra ke kige nè nga. Mann-ra ke kige nga ndune ra'n ra gute-ndu ke dé ndang kêm magtub't nga lé, nè ndune ra'n ra Ndil-Kêmnda't. Gute-ndu ke dé ndang kêm magtub't nga ade doo wei, nè Ndil-Kêmnda ade doo tel ndi kumgajer.

⁷Tàge ke tooi kêm magtub gute-ndu ke dé ndang dè begre herge't nga aw se doo ile'n tà yo't. Nè né è bè géa, d'unde gir'n dann ndubra't ade ngann Israelge asikum kan-in tàkum Moise lé. Ndubra ke Moise aw'n kêm ndɔn't nga è ndubra ke tò bel, nè kò'n tò mbɔr lé karè.

⁸Nè kule le Ndil-Kêmnda nga, ndubra le'n dum ndubra le gute-ndu ke dé ndang kêm begre herge't nga nja bule.

⁹Kule ke ɔje dè gangtà dè dooge't nga, ndɔ ke kété d'ule ndubra dènn't ngain. Kerɔte kuwe, kule ke ɔje dè kɔr ke Nube ɔr tà dè dooge't nga, d'a d'ule ndubra dènn't kade al dè kule ke ɔje dè gangtà dè dooge't nga bai tɔ.

¹⁰Ndubra ke kété mari nga tel è nyan ke karè se ndubra ke bò ke d'arinè ta.

¹¹Ndubra ke d'a d'ule dè nyan ke à tò sár se non nga à dum dè ndubra le nyan ke à dere't nga bai.

¹²Kunde ke j'unde kêm jé tchên dè nyan ke à tò sár se non nè á j'ede'n sei tà nè ndàt-ndàt titeke bè.

¹³Jè ra titeke bè asenan se labe ke ndo ke Moise labe tà kubu utu'n kum'n nga lé. Ndo ke è ra titeke bè le koge'n ngann Israelge loo kan ndubra ke à dere nga sêw-sêw kor son'n njêt.

¹⁴Nè ngann Israelge nga, tàgirge le de teli tugei ndul bigm kuwe bai. Sár tee bila, loo ke d'ade tute magtub mann-ra ke mari nga baa, tà kubu nè nga or kum de't lé kuwe bai-bai. Doo ke um nan't bok se Krist bita tà kubu nè or kum'n't oso nang bai.

¹⁵Sár tee bila, do-do loo ke d'ade tute magtub gute-ndu ke Moise ndang nga baa, tà kubu nè nga utu dè tàgirge ke dè bengre de't bai.

¹⁶Nè loo ke doo ose wan dè njann't tel ke ra Kuwe-bee't baa, Kuwe-bee à uwe tà kubu ke utu kum'n nè nga kor koke.

¹⁷Kuwe-bee nga è Ndil-Kêmnda, loo ke Ndil Kuwe-bee ra bee tutu nga è loo ndi dè pal.

¹⁸Jèi malang ke d'or tà kubu nè kum jéi't koke nga, j'adi ndubra le Kuwe-bee kile ra'n ke nata asenan se kuturam bè. Jèi nga dé tel jèi ke kum gute tà Kuwe-bee. E nga ndubra le'n ke in dè made't ke kété-kété nga tel è ndubra le jéi. E ke nè á è kule ra Ndil Kuwe-bee ke ra tede le jéi.

2 Nje Ke Corinthe 4

J'oto nyanbaw kêm jó ke bann't

¹Nube ade jè ra kule nè nga se go kêmkanm le'n. Gir'n ke nè á j'ade kêm jé tête'n mann lé.

²Jè mbate nyan rasolge ke ra se go ngein. Jè ra nyan karé le libe'n kum doo lé a, j'ur mann dann tà't le Nube lé a to. Nè jè tee se ngarankum tà j'ade tò nata ndái-ndái a, j'orgir ra jé njai j'ade dooge malang geri se kêm de non Nube't a to.

³Ke nè á Tà ke Maje le jé tò putru bila bai, tò putru tede le njé ke d'ayé kaw ke loo tuju't.

⁴Ke nè á Tà ke Maje le jé tò putru bila bai baa, tò putru tede le njé kunn mbi dè tàge't. Dé nè nga, Sú ke njèkonbee dè nang nè to kum de oge de kunde kêm de dè Krist't. Gir'n ke nè á d'ase kan'n lookar le Tà ke Maje nga lé. E lookar le ndubra le Krist ke è kum gute tà Nube nga.

⁵Mber ke j'ile nga, j'ile j'oje'n dè ra jé jé kuwe lé. Nè j'ile mber j'oje'n dè Kuwe-bee Jésus-Krist. Jè baa, jè ber kulege le si tede tà le Jésus.

⁶Kété mari, Nube tam ede nè : «Maje kade lookar ndogó dann tilkusge't!» E Nube nè nga kuwe á ade lookar ndogó dè ßengre jé't tede kade jè ribe'n dè ger-gel ndubra le Nube tàkum Kuwe-ßee Jésu-Krist't.

⁷Tà ke Maje nga, è nyanbaw ke gate'n è ngain. Nyanbaw nè nga j'oto kêm jó ke ßann't tede kade dooge geri tite tɔgmong ke dum dè loo nè nga in ra Nube't m in ra jé jè't lé.

⁸Nyantowurge gai-gai rai jè se loo malang kuwe, nè leri jè nang làr lé ßai. Nyange gai-gai an-in dè jé king-king, nè kêm jé tête mann lé ßai.

⁹Dooge ɔri jè kororoi kuwe, nè Nube inye jè lé ßai. Dé tunde jè dé tile jè barak-barak, nè jè tuju lé ßai.

¹⁰J'oto nyankêmkonge le Jésu dè jé't se ndoge malang tede kade d'an'n ndikumgajer le'n ke tò nata ndái-ndái ra jé't tɔ.

¹¹Jè ndi kumgajer kuwe, nè se ndoge malang jè ndi tà yo't ɔje dè tà le Krist. Jè ndi tà yo't se ndo jé-ndo jé tede kade ndikumgajer le'n too'n nata ndái-ndái ra jé ke à jɔri't nga.

¹²Titeke bè á yo ndi ra kule ra jé't, nè sei ßaa, ndikumgajer ndi ra kule ra si't.

¹³Dé ndang kêm magtub ke tò se ninn'n d'ede nè: «M'unde kêm'm dè Nube't, gir'n ke nè á m'ede sei tàge le'n.» Jè kuwe géa, se go kêm jé ke j'unde dènn't á jè tam'n tà nè nga bè tɔ.

¹⁴Oiyo, jè ger titeke Nube ade Kuwe-ßee Jésu unde loo tee dann njé ke koo't. Jè géa, ndo ke rang à ade j'à j'unde loo le tee dann njé ke koo't se Jésu nan't. E kuwe à ade jè se si j'à j'ali garang ndai nonn't.

¹⁵Nyange malang ke ra jè nga, è tede le si. Titeke bè á nyan-noje le Nube à in'n dè made't ke kété-kété tede kade dooge bule teli rai Nube oiyo a, ulei ndubra dènn't a tɔ.

Ndikumgajer tàkul kundekêm

¹⁶Gir'n ke nè á j'ade kêm jé tête'n mann lé. Ke nè á danra jé ke nata ayé jɔri géa, ngarankum ra jé tel in mande se ndoge malang.

¹⁷Nyantowur ke pèlêng ke ra jè ßarinè nga à ɔje ndubra ke dum dè loo ndo ke rang ßai.

¹⁸Nyan ke doo an se kum'n á j'an-in ngode j'ɔje'n dè lé. Nè j'orè kum jé dè nyange ke doo asekum kan se kum'n lé. Tede nyange ke doo an se kum'n nga, ei nyange ke kò de à tò mɔɔr lé. Nè nyange ke doo asekum kan se kum'n lé nga, ei nyange ke à tooi sár se non.

2 Nje Ke Corinthe 5

- ¹Kerɔte kuwe, danra jéi ke jè ndii dè nang nè nga, tò asenan se kei kam ke ndo ke rang à jori. Nè jè geri mbak titeke kei le jéi ke tò se non tò danran nú non. E kei le Nube kuwe á ra m è ji doo-ndulge á ra lé.
- ²Kei ndi jéi ke dè nang nè nga, jè ton-in kêmé bir-bir ade ngur kin kur lèbêt kaw kêm kei ke danrán ra jèi pènn-pènn.
- ³Ke nè á jè ndi kêm kei ke danrán't nè nga baa, Nube à inge jèi ra jéi karè lé.
- ⁴Loo ke jè ndii kêm kei kam't nè bai nga, nyan woi jèi ade jè ton-in bir-bir. M-m, jè ndige kinye kei kam nè nga kòke lé, nè jè ndige kin kur lèbêt kaw kêm kei ke tò se non't nga. Titeke bè á danra ke à jori à ule è ke à ndikumgajer rann't yul.
- ⁵E Nube kuwe á uwe dè nja nyange nè unde kann tede le jéi. E ade jè Ndil-Kêmnda ke tàpitem nyange ke ndo'n ke j'à j'ingei jinn't.
- ⁶Jè nda kêm jé káng j'orè tà jé njak se ndoge malang. Kerɔte kuwe, jè ger mbak titeke loo ke jè nain se danra jéi dè nang nè bai nga, jè ndi heb se Kuwe-bee.
- ⁷Jè njiye se go kundekêm m se go kum kan loo lé.
- ⁸Jè nda kêm jé káng ade j'an titeke kinye danra kaw ndi ra Kuwe-bee't nga è soo't ngain.
- ⁹Gir'n ke nè á, loo ke jè ndii dè nang nè bai éké loo ke j'à ndoti bee dè nang nè nga, nyan karé ke è ranel le jéi è taa kum Kuwe-bee.
- ¹⁰Kerɔte kuwe, ndon't jèi karé-karé malang j'à ndai loo gangtà't le Krist tede kade nanan géa à inge kann nyan ra maje éké majelé ke è ra loo ke kété ndi'n se dè'n do bai nga.

J'um nan't bok se Nube tàkul Krist

- ¹¹Jè bel Ndil Kuwe-bee Nube. Gir'n ke nè á jè sang'n le kade dooge undei kêm de dènn't. Jè nga Nube ger jè ndát-ndát mbak. Sei géa, m'gir titeke i geri jè kêm si't maje titeke Nube ger'n jè bè to.
- ¹²Jè ndige le tel kunde ra jé jè kuwe kum si't lé ta, nè j'inye loo j'ade sei kade sei kuwe unni tà jé. Titeke bè á sei a kingei tà ke kum tel kede njé ke ndii unni tà ra de oje dè nyange ke tooi nata tàkum de't tá anje ti ra de dè nyange ke in-in nganrankêm de't.
- ¹³Doo ke nange tami edi nè: «Jè mbege.» Nè jè mbege tede le Nube. Ke nè á kêm jé tel to kaju tà baa, to kaju tà tede tà le si sei.
- ¹⁴Tár ke Krist tár jè nga ose jè balang-balang. Ke nè á doo karé inye ra'n ade yo tede dooge malang baa, dooge malang kuwe weii se'n to.
- ¹⁵Krist wei tede le de malang, tede kade njé ke ndii kumgajer ndii tede le de ei kuwe lé ta. Nè à ndii kumgajer tede le Krist ke wei a, unde loo tee dann njé ke koo't tede tà le de a to.

¹⁶Unn gir ðarinè nga, jè ger doo se go danra lé ta. Ke nè á kété jè ger Krist se go danra baa, ðarinè jè ger'n se go danra titeke bè lé ta.

¹⁷Ke nè á doo karé um nan't bøk se Krist baa, è tel è doo-kunde ke kige. Buge nyange ke mari tugei gangi bá, an! nyange malang teli ei ke kige.

¹⁸Nyan malang in ra Nube ke j'umi nan't bøk se'n tàkul Krist. E kuwe á ade jè kule kum dooge nan't bøk se'n a tɔ.

¹⁹Oiyo, è Nube kuwe á um se dooge ke dè nang nè nan't bøk tàkul Krist. E mbate tute go majelége le de. Kule kum dooge ke dè nang nè nan't bøk se'n á è Nube um ji jé't.

²⁰Jè jè ngann njékulege tede le Krist. Nube bar dooge ke rann't takul jé jè. Bè baa, jè ndête sei se ri Krist kade umi nan't bøk se Nube.

²¹Krist nga ra majelé karé bè lé, nè Nube tel'n ke danra majelé ke deri tede le jéi. Nube ɔr tà dè jéi't takul Krist. Takul kum ke j'um nan't bøk se Krist á Nube ɔr'n tà dè jéi't.

2 Nje Ke Corinthe 6

¹Jè jè njémade kulege le Nube. Gir'n ke nè á jè ndeje'n sei le kade nyan-noje le Nube ke ingei nga, i telii ke nyan ke raikarè lé.

²Kerɔte kuwe, Nube tam ede nè: «Nɔɔ karé ke kanm m'tel m'ilei dè ndu non't lei a, m'din-in dè ndɔ kaje't lei a tɔ.» An! bila è ndɔ ke kanm, an! ðarinè è ndɔ kaje.

³Jè ndige kade dooge an-in kule ra jé ke ngarankum nyan. Gir'n ke nè á jè ra'n nyan tede kile'n doo karé géa kage lé.

⁴Nè se loo malang jè tɔje ra jé j'ade dooge an-in jè ke ngann njékulege le Nube. Gir'n ke nè á j'oré'n tà jé nják-nják dè nyantosowurge se dè nyan ke nal jè a, se dè nyan ke ra jè bel a tɔ.

⁵Dé tunde jè a, d'ile jè dangai't a tɔ. Dé sule dooge dè jé't a, j'ule ra jé ndibe loo kule't a tɔ. J'ɔge kum jé bi a, j'ɔge ra jé dè nyankuse't se dè kain mann't a tɔ.

⁶Jè tɔje ra jé j'ade dooge an-in jè ke njémade kulege le Nube se go kêmnda a, se go nyanger a, se go korè tà njak a, se kêm-maje a, se go Ndil-Kêmnda a, se go tár nan se kêmnda káng le jé a tɔ.

⁷Jè tɔje ra jé ke ngann njékulege le Nube se go ngarankum tà a, se tɔgmong le Nube a tɔ. Nyanra ke se dè naje'n á è nyan rɔ le jé ke jè taa'n dè jé.

⁸Doo ke nange ilei riɓar dè jé't a, njé ke nange ilei rasɔl dè jé't a tɔ. Doo ke nange tètei tà undei tà jé't a, njé ke tami tà le jé ke maje a tɔ. Doo ke nange an-in jè ke njé libe kum dooge nè jè tam ngarankum tà.

⁹Dooge geri jè maje, nè rai jè tite dooge ke geri de lé bè. D'an jè ke dooge ke à weii, nè an! jè ndi kumgajer bai. Dé ra jè ndoo ngain kuwe, nè dé tɔl jè lé bai.

¹⁰D'an jè ke dooge ke kum de ra ndoo, nè ra jé nel jè se ndɔge malang. D'an jè ke njéndooge, nè j'ade dooge ngain teli baw kundekêmgé. Kerɔte kuwe, jè ke nyange taai ra jé pel-pel nga, d'an jè titeke dooge ke ndooi gɔg-gɔg.

¹¹Sei ngakon jége ke kêm bee-bò ke Corinthe nga, j'ede sei tàge ke dè bengre jé't ndàt m jè bɔyɔ sei kêm jé lé.

¹²Jè baa, jè bɔyɔ sei kêm jé lé, nè è sei á i bɔyɔi jè kêm si.

¹³Jè bɔyɔ sei kêm jé lé: maje kade sei géa i bɔyɔi jè kêm si lé tɔ. M'an sei tite ngannemge bè á m'ede'n sei tàge nè.

Uwei made nan se dooge ke geri Nube lé nga lé

¹⁴Uwei made nan se dooge ke ei njétaakêm-Krist lé nga lé. Dé nga, dé njémade-loo-kawge ke tuwe sei dêw lé. Njè ra nyan se dè naje'n se njè ra nyan ke se dè naje'n lé nga, ké à bei nan't titeke bain wa? Eké lookar se tilkus à bei nan't titeke bain wa?

¹⁵Ké Krist se sú à umi nan't titeke bain wa? Ké njétaakêm-Krist se njétaakêm-Krist lé à bei nan't titeke bain wa?

¹⁶Ké gile kei ke tò se ninn'n le Nube se kei mage polége à umi nan't titeke bain wa? Jèi jèi gile kei ke tò se ninn'n le Nube ke Njèndi kumgajer. Nube kuwe tam ede nè: «M'a m'ndi dann de't a, m'a m'ringe dann de't a tɔ. M'a m'ee Nube le de, dé géa d'a dé kosdooge le'm a tɔ.»

¹⁷Gir'n ke nè á Kuwe-bee tam'n ede nè: «Undei loo i teei dann de't kɔke i ndii gai, ɔdi ra nyan ke mine lé baa, m'a m'uwe sei ke ram't.

¹⁸M'a m'ee Bɔ si a, sei à k'eei ngann'm ke dingem se njé ke dinye, Kuwe-bee njètɔgmong kuwe á tam bè.»

2 Nje Ke Corinthe 7

¹Ngakonmge, Nube kuwe unn ndu'n ade jèi titeke bè. Bè baa, ade j'utei ra jéi mbeng dè nyange malang ke mine le danra a, le tàgir a tɔ. Adi jè tooi se ninn jéi tede jèi dooge ke jè beli Nube.

Paul ra ranel dann nyantosowurge't

²Adi jè kêm si. Jè nga jè ra majelé se doo karé bè lé a, jè tuju nyan le doo karé bè éké j'ube maje dè doo karé't lé a tɔ.

³M'tam tà nè nga bè tede kile'n tà dè si't lé. M'ede sei kété bá m'ede nè: Bengre'm à ɔr dè si't lé sár kade m'weii'n.

- ⁴M'nda kêm'm káng dè si't a, dè'm in tchakm tede tà le si a tɔ. M'ndi se kêmsɔl lom a, ra'm nel'm ngain dann nyantosowurge't malang ke ra jè.
- ⁵Loo ke ndɔ ke jè tee kêm beekon ke Macédoine nga, j'inge loo taa kebe ke ndêin bè ndɔ karé ndan lé. Nè nyantosowur an-in dè jé king-king se loo malang. Dooge an-in dè jé king-king ade bel rusu kêm jé njin-njin.
- ⁶Nè Nube ke njè sɔl kêm dooge ke ulei dè de sɔl kêm jé takul ree le Tite.
- ⁷Ree le Tite kuwe go karé bere á kêm jé sɔl'n lom lé. Nè nyan ke ule dingem kêm jé't ngain baa, è kêm sɔl lom ke è inge ra si't. E ree ede jè titeke ngur tel kan kum'm ra sei pênn-pênn ade i non-in tede'm ngain. E ede jè titeke ra si olé pêl-pêl tede'm a tɔ. Gir'n ke nè á m'ra'n ranel ngain dum ke kété.
- ⁸Ke nè á magtub ke ndɔ ke m'ndang m'ade sei kété nga, ade ingei kumndoo bá géa, m'asekum tel ndinge ra'm dè't lé ta. Ndɔ ke m'ndinge ra'm kuwe tede m'an titeke magtub nè nga kété ade sei kumndoo mbɔr bè kuwe.
- ⁹Darinè, m'ra ranel ɔje dè kumndoo ke ndɔ ke ingei nga lé. Nè m'ra ranel tede kumndoo ke ndɔ ke ingei nga ade i teli turi hal si. Kumndoo ke ndɔ ke ingei nga, è se goo kêmndige le Nube. Bè baa, jè ra se si majelé karé bè géa lé.
- ¹⁰Kumndoo ke se go kêmndige le Nube nga à ade doo à tur'n hal'n kinge'n kaje m à tel ndinge ra'n gugu lé. Nè kumndoo ke in ra dooge ke dè nang nè nga oje yo.
- ¹¹Kumndoo ke se go kêmndige le Nube nga oje nyange nè malang dann si't ade an-in bá. Kumndoo nè nga á ade in-in kalang ɔri tà i taai dè'm. E ade kum si gang dè majelé't ade i turi hal si a, i beli Ndil Nube a tɔ. Kumndoo nè nga ade ngur kan'm ra sei pênn-pênn. Kumndoo nè nga ade ilei kêm si dè njé ra majelége't. E tel sei ke njé ra nyan ke se dè najenngé. Nyanra si malang toje jè titeke tà karé géa uwe dè si lé.
- ¹²Ke nè á m'ndang magtub nè made sei baa, è tede tà le doo ke ra majelé se made'n éké tede doo ke made'n ra se'n majelé nga lé a tɔ. Nè m'ndang magtub nè m'ade sei tede kin ke sei in-in kalang i rai nyan tede tà le jé. Nyan ke sei i rai tede tà le jé nga tò nata ndai-ndai tàkum Nube't.
- ¹³Gir'n ke nè á kêm jé sɔl'n lom. J'inge ranel ngain dè kêm sɔl lom't se ranel ke sei adi Tite inge. Sei malang adi tàgir le'n tò lom dann si't.
- ¹⁴Sei adi dè'm in tchakm ade m'pite sei tàkum Tite't ndêin m ra'm sɔl'm dè si't lé. Tà malang ke jè tam j'ɔje'n dè si nga è kum kuwe. Kerɔte kuwe, dè jé ke sei adi in tchakm non Tite nga, è géa an se kum'n.
- ¹⁵Kêm Tite olé dè koje ke sei malang ilei dènn't a, se kuwe ke sei uwei nin ke ra si't se kêmnda káng i beli ndil'n i ndebi nginn-nginn. Gir'n ke nè á kêm'n too'n dè si't ngain dum ke kété.
- ¹⁶M'ra ranel ngain tede m'unde kêm'm dè si't ɔje dè nyange malang.

2 Nje Ke Corinthe 8

I rai se njétaakêm-Kristge ke Jérusalem

- ¹Ngakon jége, jè ndige le kade an-in noje ke Nube uwe se njékebe nange le Nube ke beekon ke Macédoine.
- ²Njékebe nange le Nube ke Macédoine nga, nyantosowurge gai-gai ra de a, ndoo al dè tɔge de a tɔ. Nè né è bè géa oréi dè nang gan uwei noje se go dege se non dege se kêmnda káng.
- ³Ei kuwe in-in se go kêmndige le de adi nyan-noje se go tɔg de adi al dè tɔg de géé bai. M'an nyan nè se kum'm.
- ⁴Dé deje jè kabere-kabere le kade j'inye loo j'ade dé ra nyan-noje tede njétaakêm-Kristge ke Jérusalem.
- ⁵Dé ra nyan-noje nè nga d'ade al dè è ke j'ɔje kêm jé't kété. D'unn ra de dé kuwe d'ade Nube kété pa bita d'ade jè bai se go kêmndige le Nube.
- ⁶Jè ndeje Tite le kade ra se si ade i tɔli tà kule tann nyan-noje ke ndɔ ke è unn gir ra dann si't kété nga mbas.
- ⁷Sei ingei nyan malang adi ase sei ná-kák: Sei baw-kundekêmge a, sei baw gos nyanger a tɔ. Ra si olé pël-pël dè nyange't malang a, dè tár ke sei tári jè a tɔ. Jè ndige kade awi kum si ke kété-kété dè noje kuwe't nè nga.
- ⁸E ndukunn á m'unn m'ade sei lé. Nè è ser rakólé le dooge ke rang á m'unn ke nyan-toje le kade i teri tár nan le si an-in ké è ngarankum tár nan ke get kuwe wa?
- ⁹Sei geri kêmnoje le Kuwe-bee le jéi Jésu-Krist nga mbak. Jésu-Krist nga è baw, nè è tel ra'n ke njèndoo tede tà le si. E ra titeke bè tede kade ndoo le'n tel è nyanbaw le si.
- ¹⁰E tàgir le'm á m'unde non si't ɔje dè tà nè kade è soo si't. Sei kuwe sei dooge ke desèin ke kál laa undei gir tann nyan-noje nè nga se go kêmndige le si. Kule nè ke unni gir ra'n kál laa nga, maje kade i rai ɔri son'n njê.
- ¹¹Darinè, maje kade i rai nyan nè nga i tɔli mbas se go nyan ke tò ji si't. I rai se rakólé se go kêmndige le si titeke kál laa i rai nga bè tɔ.
- ¹²Loo ke doo unn nyan ke tò jinn't ade se go kêmndige le'n baa, Nube taa nyan nè jinn't se ranel m ɔr se'n nja nyan ke tò jinn't lé.
- ¹³M'tam bè le kade i kebi nyankinge si mbak adi njé ke rang i sɔli kêm de baa, sei tá i teli i ndii dann kumndoo't lé. Nè m'ndige kade i kayai nyankinge le si adi njé ke rang adi asenan deŷ-deŷ.

¹⁴Bila ingei nyange ram-ram. Maje kade unni tà nyankinge le si ke al dè ji si adi njé ke rang ke nyan nal de. Ndon't ei géa à unni tà nyankinge le de ke al dè ji de le rai se si dè nyange ke awi ndoo de. Titeke bè á a i teli kasinan deŷ-deŷ,

¹⁵se go tà ke kêm Magtub't le Nube ke tam ede nè: «Doo ke ndo ke oï nyankuse ngain nga, nyan al dè ji'n lé a, doo ke oï nyankuse ndêin bè nga géa, nyankuse nal'n lé a to.»

D'or dooge d'ade awi se nyan-noje Jérusalem

¹⁶Ra Tite olé pêl-pêl dè ra se si't titeke m'ra'n se si bè to. Nube ke njè kade ra'n olé pêl-pêl nga, m'ra'n oiyo ngain.

¹⁷Jè deje Tite le kade aw béee le si an sei. Ke loon't kuwe, è in se ra'n se go kêmndige le'n aw se rakolé.

¹⁸J'ule ngokon jé karé j'ade aw se Tite nan't. Ngakon jé nè nga, njékebe nange le Nube malang piti nin oje dè mber Tà ke Maje ke ile ade de.

¹⁹Tabai, njékebe nange le Nube ori ngokon jé nè nga ke njèmade kaw mba le jé. Mba ke j'à j'aw nga oje dè kaya nyan-noje ke dé tann tede le njétaakêm-Kristge ke ndii nú. Jè ra kule nè nga tede tà le si titeke bè tede kade dooge ilei ribar dè Kuwe-bee't a to.

²⁰Dé tann nar ngain d'um ji jé't. J'unde kumkunju dè ra jé't le kade doo karé bè géa ule tà gir jé't oje dè nar nè nga lé.

²¹Jè gir kêm jé't le ra nyan ke maje tàkum Nube't á se kar'n lé, nè jè gir kêm jé't le ra nyan ke maje tàkum dooge't to.

²²J'or ngokon jé karé ke rang bai j'ade aw se de nan't to. Ngokon jè nè nga ra'n olé pêl-pêl ade j'an se kum jé nja bule. Nè darinè, ra'n olé dum ke kété bai tede nda ke è nda kêm'n káng dè si't.

²³Tite baa, è made-loo-kaw le'm. E made-kule le'm ke ra se'm kule nan't-nan't tede le si. Ngakon jéige ke dannii nga, è njékebe nange le Nube á ulei de. Dé ndi d'ade ra kule tede ribar le Kuwe-bee.

²⁴I toji de adi d'an titeke i tári de kerote kuwe tàkum njékebe nange't le Nube malang. Titeke bè á dè jé à in'n tchakm. Tabai, ngakon jéige nè à geri titeke jè pite sei tàkum de't se ndáng karè lé

2 Nje Ke Corinthe 9

Njétaakêm-Kristge rai nyan-noje tede le made dege ke Jérusalem

¹Tà ke oje dè nyan-noje ke le ra'n se njétaakêm-Kristge nga, m'ebe ra'm ndang magtub kade sei ke dè nan't, nan't.

²Oiyo, m'ger rakolé le si kuwe. Gir'n ke nè á dè'm in'n tchakm non dooge ke kêm beekon ke Macédoine ade m'ede'n de m'ede nè: «Njé ke kêm beekon ke Achaie

uwei dè nja nyan-nojege le de mari kál laa bere.» Njé ke nange bule dann de't ndaji kum si dè rakólé't le si nè nga tɔ.

³M'tam m'ede nè i ndi dè nja si't tchên mari bere. Gir'n ke nè á m'ule'n ngakon jéige ra si't tede kade pite ke jè pite sei tàkum de't nga tel è nyan ke non-non karé lé.

⁴Ke nè á dooge ke kêm beekon ke Macédoine awi se'm nan't á an-in titeke uwei dè nja ra si titeke m'tam'n nga lé baa, à è rasol tede le jé. Sei géa à è rasol ngain tede le si dum jè bai.

⁵M'an è soo't kade ngakon jéige nè awi kété nonm't ingei sei tede kade i goli dè nyan-nojege ke sei unni ndu si dè't kété nga. Uwei dè nja nyan-nojege nè nga kété. Titeke bè á d'a d'an'n titeke sei rai nyan-nojege nè nga se kêmnda káng m se kêmkein lé.

⁶Doo ke dubu nyan ndêin bè baa à uje ndêin bè tɔ. Doo ke dubu nyan ngain baa à uje ngain tɔ.

⁷Maje kade nanan géa unn nyan ade titeke kêm'n oje anje kêmkon a, nal kade d'unde dènn't tá ra'n a tɔ. Tede Nube tár doo ke unn nyan ade se ranel.

⁸Nube aw se tɔgmong le kade sei nyange malang kade taa ra si pel-pel se ndɔge-ndɔge. Titeke bè á sei a kunni tà nyange malang ke tò ra si't ram-ram kuwei noje se njé ke rang.

⁹Dé ndang kêm magtub't d'ede nè: «E kai nyan-majege le'n. E uwe noje se njé ndooge se kêmnda káng. Nyanra ke se dè naje'n le'n tò sár-sár se non a tɔ.»

¹⁰E Nube ke njé kade ko nyan njèdubu nyan a, ade'n nyankuse'n a tɔ nga, à ade sei ko nyan kade in dè made't ke kété-kété a tɔ. E kuwe à ade nyanra si ke se dè naje'n à aw kum'n ke kété-kété.

¹¹Nube à ade sei nyange kade tò ra si't ndàj-ndàj tede kade uwei noje se kêmnda káng. Titeke bè á dooge bule à teli rai Nube oiyo tede nyan-noje le si ke j'à j'aw'n le kade de nga.

¹²Nyan-noje ke sei rai tede le njétaakêm-Kristge ke Jérusalem nga à ra se de oje dè nyange ke nal de á go karé lé. Nè nyan-noje nè nga à ade dooge bule dann de't à teli rai Nube oiyo kum de ke kété-kété kuwe bai.

¹³Kule ke sei rai nè nga ade dooge geri sei ke njétaakêm-Kristge ke get. Sei toji de titeke ilei koje dè Tà ke Maje't le Krist kuwe. Sei uwei noje se njétaakêm-Kristge ke Jérusalem a, se dooge ke rang malang a tɔ, se kêmnda káng. Gir'n ke nè á à rai Nube oiyo ngain tede tà le si oje dè nyange nè malang ke sei rai bá.

¹⁴Njétaakêm-Kristge oji tà se Nube tede le si. Kêm de tò dè si't tchên tede noje ke bò ke Nube uwe se si.

15 Ade jè rai Nube oiyo tede kêmnoje le'n nga dum kɔrgir!

2 Nje Ke Corinthe 10

Paul tam tà dè rann't

1 Man Paul kuwe, m'ndeje sei se go ndu noje a, se go kêm-maje le Krist a tɔ. Man nga, dooge ke nange tami se'm edi nè: loo ke m'nda tàkum si't baa, m'ee doo ke sɔl lom-lom; nè loo ke m'goto dann si't baa, m'ee njè tà tur.

2 Nyan ke m'ndige le ra nga, m'aw ndoo kade i sulei man tá m'ra'n lé. Dooge ke nange ke giri edi nè: è jè kuwe j'in se dè jé jè ra kule le Krist nga, ndo ke m'a m'tee ra si't nú baa, m'a m'ra se de ngang ngain bai.

3 Kerɔte, jè nain se danra jé bai kuwe, nè rɔ ke jè ndi j'à rɔ nga, è se go danra lé.

4 Nyankatege ke jè ra'n rɔ nga ei le danra lé. Nè ei nyankatege ke gangi ke in-in ra Nube't. Jè j'ɔrè ndogo bɔrge nang bɔrɔr-bɔrɔr se nyankatege nè nga.

5 Tàgir le njé ti rage malang ke ɔge dooge ger gel Nube nga, jè bêngel de nang kɔke. Jè ndige le tel tàgir le dooge malang le kade ilei koje dè Krist't.

6 Loo ke sei a kilei koje dè nyange't malang bá baa, jè ndi dè nja jé't tchên le kade kure nyanra njékaltàge ɔde kum de.

7 Ori kum si do, i teri nyange maje an-in. Ke nè á doo karé gir kêm'n't ede nè n'ee kuwe se kar'n á n'ee le Krist baa, maje kade ger kêm'n't maje titeke jè géa jè le Krist jè dum'n è bai.

8 Sei giri edi nè m'pite ra'm ngain dè tɔgmong ke Kuwe-bee ade jè nga. Tɔgmong ke Kuwe-bee ade jè nga è tede kade i tɔgi dè kundekêm't le si. Kuwe-bee ade jè tɔgmong nè nga le kade jè ra'n sei ber j'ade i tujii lé.

9 Magtub ke m'ndang m'ade sei nga, è tede le kule'n bel kêm si't kade i ndebi nginn- nginn lé.

10 Dooge tami tchoo edi nè: «N'tam tàge ke tur-tur se tàge ke ngang ngain kêm magtub leyé ke n'ndang. Nè loo n'nda dann jéi't se rayé baa, n'ee njè tɔg goto a, doo asekum kan tà tamé ke nyan lé a tɔ.»

11 Dooge ke njé tam tà titeke bè nga, maje kade geri maje: tàge ke jè tam kêm magtubge't loo ke jè ndii'n heb se si nga, loo ke ndɔn't j'à tee ra si't baa, è tàge nè kuwe j'à tam m à ei tàge ke gai lé.

12 Kerɔte kuwe, dooge ke nange an-in ra de ke dooge ke bò. Jè j'aw ndoo le tò tite de lé a, j'aw ndoo kuwe ra jé kɔje'n le de lé a tɔ. Dooge nè nga ei njé kêm tɔ kuju tà lége tede an-in ra de ei kuwe ke nyan kɔje-nyan a, rai ra de tite le nan a tɔ.

13 Nè jè baa, jè ndige pite ra jé kade al dè loo'n lé. Nè j'à ra kule le jé se go dè ninn loo ke Nube ɔje ade jè. Gir'n ke nè á j'aw'n sár jè tee'n ra si't nú.

¹⁴Jè j'al dè ninn loo le jé nga lé. Jè kuwe jè dooge ke desêin ke j'aw se Tà ke Maje le Krist béee le si. Ke nè á ndo ke jè ra bè lé baa, jè njé kal dè ninn loo ke Nube oje ade jè nga.

¹⁵J'al dè ninn loo ke Nube oje ade jè tede pite'n ra jé dè kule ke njé ke rang ulei ra de ndibe tutu nga lé. Nyan karé ke j'unde kê m jé tchên dèt á tò nè: Ke nè á kundekêm le si bisir ke kété-kété baa, kule ke jè ra dann si't à ile bujam kerote kuwe. Nè à ile bujam se go dè ninn loo ke Nube oje ade jè nga.

¹⁶J'oje kê m jét le kaw kile mber Tà ke Maje kal'n gide bee le si nga bai. Nè jè ndige le kur kê m dè ninn loo't le njé ke rang't lé a, jè ndige kunde kàde jé dè kule ra de't lé a to.

¹⁷Ke nè á doo karé ndige kunde kàde'n baa, maje kade unde kàde'n takul kum ke um nan't bok se Kuwe-bee.

¹⁸Doo ke an ra'n è kuwe ke nyan nga, è ngarankum doo lé bai. Doo ke Kuwe-bee kuwe pite'n tá è ngarankum doo bai.

2 Nje Ke Corinthe 11

Paul al gir dooge ke rai ra de ke njékawkulege

¹M'ndinge kade ilei kê m si pon dèm't. Tà ke m'a m'ede sei nga, ke nè á è tà mbe géa, ilei kê m si pon dèm't.

²M'tár sei ngain. Tár ke m'tár sei nga, ngire'n in ra Nube't kuwe. Gir'n ke nè á m'ra'n jang dè si't. Sei i tooi asinan se ngomande ke nal ger dingem bai bè. Krist kuwe karé bere luk-luk á è ngaw ke m'uwe dèn m'oje'n dè si. M'toje'n go si kade an sei ke neenngé.

³Titeke ndo ke li ra'n gos sú'n kum Eve nga, m'bel kade tàgir le si tel tur gide'n ade noje kê mnda ke Krist uwe se si.

⁴Sei ilei kê m si pon dè doo ke ree ile mber oje dè Jésu karé ke rang se è ke ndo ke j'ile mber tà le'n j'ade sei lé nga. Sei taai ndil karé ke rang se è ke ndo ke ingei kété se ranel. Sei ilei kê m si pon dè doo ke ree ile mber Tà ke Maje ke tò gai se è ke ndo ke i taai bá nga.

⁵Njé ke rai ra de ke njékawkulege ke bòi ngain nè nga, m'an nyan karé bè ke dé dum'm lé karè.

⁶Kerote kuwe, man nga m'ee doo ke njè tà nel lé; nè né è bè géa, m'ee doo ke m'ger gel Nube maje. Se ndoge malang éké se loo malang, jè toje sei titeke jè ger gel Nube éké Krist nga maje.

⁷Koge ke ndo ke man kuwe m'oge ra'm dè nyange ke nal'm m'ile'n mber Tà ke Maje le Nube made sei karè nga, ké è majelé ke m'ra wa? Ké ra ke m'ra ra'm ke

ngonn m'ile'n mber Tà ke Maje le Nube m'ade i telii dooge ke bòi nga, ké è majelé á m'ra wa?

⁸Loo ke ndo ke m'ra kule dann si't nga, è njékebe nange le Nube ke kêm beege ke rang't á kebi nyange le de ugei dè ji'm.

⁹Loo ke ndo ke m'ra kule dann si't nga ndoo nyan ra'm kuwe, nè m'oi dè doo karé bè dann si't lé. E ngakon jéige ke njétaakêm-Kristge ke Macédoine á ndo ke rai se'm dè nyan ke nal'm. M'unde kumkunju dè ram't tede kade m'tel m'ee nyankoto ke woi dè si't lé. M'a m'ra bè-bè kum'm ke kété bai.

¹⁰M'tel m'ede sei ndat titeke doo karé bè ke kêm beekon ke Achaie ase koge'm dè pite ram't nga ndan lé. Krist ger mbak titeke m'tam ngarankum tà m m'lanm lé.

¹¹Ké ri á ade m'tam'n tà nè bè wa? Ké è tede tár ke m'tár sei lé wa? M-m, Nube ger mbak titeke m'tár sei kuwe.

¹²Nyan ke m'ra nè nga, m'a m'ra bè-bè kum ke kété-kété tede le koge'n loo njé ke ndigi kundi kàde de tite jé jè. Dé dooge nè nga, j'à j'al gir nan bai.

¹³Dooge nè nga ei njékawkulege ke lanm; ei rai ra de ke njékawkulege, nè kule ra de è kule libe kum dooge. Ei kuwe in-in se dè de teli ra de ke njékawkulege le Krist.

¹⁴E nè nga è nyan ke à ade ndil doo à tee kan-in soin-soin lé, tede Sú kuwe géa tel ra'n ke ngonn le lookar to.

¹⁵Tel ke dooge nè teli ra de ke ngann njékulege le nyanra ke se dè naje'n nga, è nyan ke à ra doo bel lé. Ndo ke ngeinn't baa, kure nyanra de à ode kum de se go kule ra de bai.

Nyantowurge ke ra Paul

¹⁶M'tel tam nja karé bai, maje kade doo karé bè géa gir titeke m'ee doo ke dann'm nain lé. Ke nè á an-in man ke mbe doo géa, uwei man ke ra si't tede kade man géa m'unde'n kàde'm ndêin to.

¹⁷Tà ke m'tam nè nga, Kuwe-bee á ule tam't. Nè m'nda kêm'm káng m'tam'n tà nè tite njèbile m'unde'n kàde'm.

¹⁸Dooge ngain undei kàde de se go nyange le danra, man géa m'a m'unde kàde'm to.

¹⁹Sei oréi tà si njak dè mbe dooge't tede sei njékumkunjuge.

²⁰Dooge rai sei ber éké tuji nyange le si. Dooge rai sei ade oso ra si't dâk éké nedi sei a, éké tunde mbor si njanm-njanm a to. Nè né è bè géa, sei oréi tà si njak dè nyange ke dooge rai se si nga.

- 21**Tò'm rasol kade m'tam tà nè nga tede nyange ke kété j'ayé ra se si nga, j'ile dunn j'ade sol. Nè ke nè á doo karé bè unde kàde'n dè nyan karé't baa, man géa m'a m'unde kàde'm tɔ. M'tam tà nè asenan se mbe doo éké njèbile.
- 22**Dooge nè nga, ke nè á ei Hébreuge baa, man géa m'ee Hébreu tite de bè tɔ. Ke nè á dooge nè ei Israel baa, man géa m'ee Israel tɔ. Ke nè á ei ngannkà Abraham baa, man géa m'ee ngonnkà Abraham tite de bè tɔ.
- 23**Ke nè á dooge nè nga ei ngann njékulege le Krist baa, man géa m'ee ngonn njékule le'n m'dum de bai. M'tam tà nè asenan se mbe doo bè. M'ule ra'm ndibe loo kule't m'dum de malang. M'ra dangai ngain m'dum de malang. D'unde'm dé gang ra'm dàp-dàp dum de a, dɔ-dɔ m'ndi tà yo't nja bule m'dum de a tɔ.
- 24**Juipge undei man tà ndêin kɔr-mute-gidé-jisɔ-jimi nja mi.
- 25**Dooge ke Rome tunde man se kage mbàs-mbàs nja mute, dé tile'm se kuberi her le tol'm nja karé. Bato ndui se'm ase nja mute a, d'ile'm kê m bolè't d'ade'm m'tò tutu ngɔr se ndɔ joo.
- 26**Dɔ-dɔ m'aw mba se nja'm, ba ayé kuwe'm a, njé bog-ge umi man rebe le tɔli man, girkojege le'm sangi tɔli man, Juipge se njé ke ei Juipge lé sangi le tɔli man a tɔ. Dooge ke ndii kê m bée-bòge't se njé ke ndii kê m dile't géa sangi tɔli man a, ba-bò kate ayé kuwe'm a tɔ. Dooge ke rai ra de ke ngakonmge ke njétaakê m-Kristge sangi tɔli man a tɔ.
- 27**M'ule ra'm ndibe loo kule't, m'ɔr yàl-yàl a, dɔ-dɔ bi ɔde kum'm lé a tɔ. Nja bule bo se kunde mann tɔli man a, m'oge ra'm dè nyankuse't se dè kain mann't a tɔ. Nja bule m'ndi dann kul't a, kubu kule ram't goto a tɔ.
- 28**Gute nyange ke ra'm nain bule bai: M'tɔse kum'm se ndɔ karé-karé malang dè njékebe nange't le Nube a, kê m'm tò kekek dè de't a tɔ.
- 29**Ke nè á doo karé yai dè kundekê m't baa, man géa kundekê m le'm yai tɔ. Ke nè á doo karé ra majelé baa tur'm tite por bè.
- 30**Oiyo, ke nè á è kum kunde kàde baa, gar-gar m'a m'unde kàde'm dè yai't le'm.
- 31**Nube, Bɔ Kuwe-bée le jéi Jésus-Krist ger mbak titeke m'lanm lé. Maje kade dè'n mong káng-káng sár se non.
- 32**Ndɔ ke Arétas, ngar ke bò unde dingem karé ke ngar-bée. Loo ke ndɔ ke m'nain kê m bée-bò ke Damas bai nga, dingem nè ade dooge umi loo le kuwei man tà rebe geng't le bée-bò nè nga.
- 33**Nè mademge unni man ilei man kê m janga't ulei man se kum bolè ndogo bɔr ke d'ile gide bée-bò't. Titeke bè á m'rise'n gide geng't nata, m'an-in m'taa'n ra'm ji ngar-bée't nè nga.

2 Nje Ke Corinthe 12

Paul or gir nyange ke tooi loo boyon't

- ¹Kunde kàde'm éké kunde kàde'm lé géa, nyan karé ke è soom't goto. Nè né è bè géa, m'a m'unde kàde'm ndêin kuwe pa bita. M'a m'unde kàde'm oje dè nyange ke tooi loo boyon't ke Kuwe-bee tee'n ade m'an a, m'ger gir a to.
- ²M'ger dingem karé ke njetaakêm-Krist. Dingem nè nga Nube uwe'n wont or'n aw se'n kêm danran ke ngeinn't, ðarinè ase bal dog-gidé-so ta. Dingem nè nga Nube uwe'n wont or'n se danra'n éké anje danra'n géa man m'ger lé ta, nè Nube baa ger mbak.
- ³Dingem nè nga d'uwe'n wont d'or'n se danra'n éké se danra'n lé géa man m'ger lé, nè Nube baa ger mbak.
- ⁴Dingem nè nga, Nube uwe'n or'n wont aw se'n Paradis, loo ke maje't. E loo'n nè á doo nè oo'n tàge ke dé tam nga. Nè è tàge d'inYE loo d'ade doo-ndul le kade orgir ndan lé.
- ⁵Oiyo, m'a m'unde kàde'm oje dè doo nè nga kuwe, nè ke oje dè ra'm man baa, m'a m'unde kàde'm oje dè yai le'm tá.
- ⁶Ke nè á ndo ke m'ndige kunde kàde'm baa, m'ayé k'ee mbe doo lé bai, tede m'ayé tam ngarankum tà. Nè m'oge ra'm dè pite ram't tede kade doo karé gir'n kêm'n't ede nè man doo ke bò oje dè nyanra'm éké tà tam'm nga lé.
- ⁷Nyange ke Nube ribe dè ade'm nga, ei nyange ke dum kum. Gir'n ke nè á ngonn njékule le Sú ber'n konn ram't tede koge'm loo kunde'm kàde'm dè nyange ke tooi loo boyon't gai ke Nube toje'm ade m'an nè nga.
- ⁸M'ra ndoo ra Kuwe-bee't ase nja mute le kade or konn nè nga ram't kòke.
- ⁹Nè è tel ile'm dè't ede nè: «Kêm-maje le'm asi nák tede togmong le'm kile ra'n ke nata gir yai't lei.» M'unde kàde'm ngain dè yai't le'm tede kade togmong le Krist taa'n ra'm pel-pel.
- ¹⁰Gir'n ke nè á m'ra'n ranel dè yai't le'm, dè tajege ke dooge taji man éké dè nyange ke nal'm. Man m'ra ranel dè ra ke dé ra kum'm ndoo, dè ra ke dé ra'm d'ade kàde'm gete get-get tede tà le Krist. Tede loo ke m'an ra'm ke njè tog goto baa, lotbè á tog'm in dè made't bai.

Kêm Paul tò kekek dè njékebe nange le Nube ke ndii Corinthe

- ¹¹M'ra ra'm mbe't. E sei á i ndoji man adi m'tel'n mbe. E sei á né a i tami tà ke maje kunni tà'm. Sei an-in man ke nyan lé, nè njé ke an-in de ke njékawkulege ke bòii ngain nè nga dumi man se nyan karé bè lé.
- ¹²Sei an-in korè tà njak le'm ke deri, sei an-in nyan-tojege se nyange ke dum kum a, se nyankobege gai-gai ke ndo ke m'ra dann si't. Nyange nè malang nga toji sei titeke man m'ee njékawkule le Jésu ke get.

13 Ké ri á njékebe nange le Nube ke rang ingei jim't dumi sei wa? Kwɔi ke ndɔ ke m'wɔi dè si't lé nga, ke nè á an-in titeke è majelé á m'ra se si géa adi kêm si tin mbit dèm't d'arinè.

14 An-in! m'uwe dè nja ra'm tede kaw bee le si. Ke nè baa, è njèkon't ke mute ta. Nè m'a m'aw tede ndi kwɔi dè si lé kuwe bai-bai. M'sang le kinge nyan karé géa ji si't lé. Nè danra si sei kuwe á m'aw ndoo'n. Gar-gar è tà le nganngé le kebe nyange tede tà le njékoje dege lé. Nè gar-gar è tà le njékoje nganngé le kebe nyange tede tà le ngann dege.

15 Man baa, m'a m'tuju nyankingemge se goomge se nonmge se ranel tede tà le si. Danra'm ke bere mbak géa man m'ile kɔke tede tà le si bai. Man m'tár sei ngain nè sei á i tári man ndèin bè karè lé wa?

16 Kerɔte kuwe, man m'wɔi dè si lé; nè njé ke nange tami edi nè m'ra gos á m'taa'n sei.

17 An-in! dooge malang ke ndɔ ke m'ule de ra si't nga, ké è ke ra dann de't á taa nyan le si ade m'ube'n maje wa?

18 Ndɔ ke m'ule Tite béee le si. Ngokon jéi karé ke ndɔ ke m'ede sei tà le'n nga géa, m'ule'n made aw se'n nan't tɔ. Ké ndɔ ke Tite ube maje dè si't wa? Ké tàgir le jé se nyanra jé ei karé se le Tite lé wa?

19 Sei giri kêm si't mari edi nè tàge ke j'or nga, j'or le taa'n dè jé tàkum si't karè. M-ò, jè j'ede sei tàge nè nga non Nube't se go kêmndige le Krist. E tede kade kundekêm le si bešber'n kuwe karé á jè tam'n tàge nè malang.

20 M'bel kêm't tede bainléa loo ke m'a m'aw ra si't nga, m'a m'inge sei dè nyanra ke kêm'm ndige lé't. Sei géa, bainléa a ingei man dè nyange ke kêm si ndige't lé nga a tɔ. Man bel kêm't m'ede nè bainléa m'a kaw kinge sei dè kɔl nan't, dè ra jang't, dè ra wong't, dè kaw se nan se tà, dè tam tede nan, dè ti ra't, dè tà kede yer éké dè sule nan dè tà't a tɔ.

21 M'bel kêm't tede bainléa ndɔ ke m'a m'tel kaw bee le si nga, Nube à ade m'a m'ndi dann rasɔl't ɔje dè si. M'ndɔ ngain m'ede nè bainléa tel'm dann si't ke gugu rang baa, m'ayé ndi dann kumndoo't tede tà le njé ke kété ke ndii se ra de ke mine titeke kété kuwe bai. M'ndɔ ngain m'ede nè bainléa ndɔn't m'ayé ndi dann kumndoo't tede tà le njé ke nange ke ndii à tooi se nan ke kaiya't a, à ɔdi nan rai nyange ke pás-pàs se ndɔge malang a tɔ.

2 Nje Ke Corinthe 13

Ngei tà ndejege se lapyá le Paul

1 Kaw ke m'a m'aw béee le si nè nga, è njèkon't mute ta. Titeke Magtub le Nube tam'n ede nè: «Doo ke tà oso dènn't baa, tà ke à tee tà njékɔrgo tàge joo éké mute kuwe ase gɔl tà nè malang kade oso nan't.»

²Kaw ke ndɔ ke m'aw béee le si njèkon't joo nga, ndɔ ke m'in se njé ra majelége dè majelé't le de bá. Nè bila ke m'goto dann si't nga géa, m'tel m'ede de ei se njé ke rang malang kété: Loo ke ndɔn't m'a m'tel kaw bee le si baa, m'a m'ra se de ngang ngain.

³Tede tà ke Krist ule tam't ade m'tam nga, sei sangi nyan ke à tɔje sei loo'n kade i geri njai. Dariné a an-in nyan'n kuwe: Krist nga ribe dè tɔgmong le'n ke nata dann si't m è doo ke njèyai lé.

⁴Kerɔte kuwe, Krist nga dé ber'n kàde kage-ke-dese't tede tɔg goto le'n. Nè né è bè géa, è tel ndikumgajer takul tɔgmong le Nube. Jè géa, jè njéyaige tite'n tede kum ke j'um se'n nan't bɔk. J'à tel ndikumgajer se Krist takul tɔgmong le Nube titeke sei kuwe an-in dariné.

⁵I nain ra si sei an-in ké i ndii dann kundekêm't bai wa? I teri kêm si sei kuwe an-in ké i geri njai titeke Jésu Krist ra bee kêm si't kuwe wa? Ke nè á sei kuwe i nan-in kundekêm le si an-in lé baa, ndɔn't a i ndi dann rasɔl't.

⁶Man m'an titeke sei geri mbak titeke jè nga, jè dooge ke j'ase tàkum Nube't.

⁷Nè jè deje Nube kade inye sei ade i rai majelé karé bè géa lé. Jè ra titeke bè tede tɔje'n sei titeke jè dooge ke j'ase tàkum Nube't lé. Né jè dooge ke j'ase lé géa, nyan karé ke jè ndinge baa, è le kade nyanra si è ke maje tàkum Nube't.

⁸Kerɔte kuwe, jè nga j'aw se tɔgmong ke rang le kute'n ngarankum tà mbeng ndan lé. Nè tɔgmong ke j'aw'n nga, tò tede gete'n ngarankum tà.

⁹Ke nè á jè njéyaige baa, jè ra ranel tede si sei njétɔgege. Nyan ke jè deje Nube tede tà le si bai baa, è le kade awi kum si ke kété-kété dè nyanra ke maje't.

¹⁰M'ndi heb se si, nè né è bè géa m'ndang magtub m'ade sei ɔje dè nyange nè nga. M'ra titeke bè tede kade ndɔ ke m'a m'tee ra si't pan baa, m'inge loo ra se si ngang ngain lé. Tɔgmong ke Kuwe-bee ade'm nga, è tede kade m'ade kundekêm le si beber'n m è tede kade m'tuju'n sei lé.

¹¹Ngakonmge, gute tàge ke nain kade m'ede sei á tò nè: I rai ranel se ndɔge-ndɔge, awi kum si ke kété-kété dè maje kɔr njèt't, i sɔli kêm nan, adi tàgir le si è karé, i ndii se kêmlo. Titeke bè á Nube ke njè tár sei ke kêmlo in rann't à nain'n se si.

¹²Uwei nan kàde si't sêm, i rai nan lapyà se kêmnda káng. Njétaakêm-Kristge malang rai sei lapyà tɔ.

¹³Maje kade kêmnoje le Kuwe-bee Jésu-Krist se tár le Nube a, se le Ndil-Kêmnda ke njè kum jèi nan't bɔk nain se si malang.

Nje Ke Galatie

Nje Ke Galatie 1

Paul ɔr gire ra'n

¹Kule ke man Paul m'ndi m'ra nga, gir'n in ra dooge't éké doo karé á ade'm lé. Nè man m'ee njèkawkule se go keɛndige le Jésu-Krist se Bɔ'n Nube ke njè kade unde loo tee dann njé ke koo't nga.

²Man se ngakonmge malang, jè ndang magtub nè j'ule'n j'ade sei njékebe nange le Nube ke i ndii keɛm beekon ke Galatie.

³Maje kade keɛnnoje se keɛnlom ke in ra Bɔ jéi Nube't se ra Kuwe-bee't le jéi Jésu-Krist nain se si.

⁴Jésu Krist inye ra'n è kuwe ade yo tede kaiyage le jéi. E inye ra'n ade yo tede le kor'n jéi wont ji togmong ke majelé le dè nang nè nga se go keɛndige le Bɔ jéi Nube.

⁵Bɔ jéi Nube nga, maje kade ndubra è le'n sár se non. Maje kade è titeke bè kuwe.

Tà ke Maje karé bè ke rang goto

⁶Tà ige'm sêl tede kin ke sei in-in kalang i turi gide si adi è ke njè bar sei se go keɛnnoje le Krist. Sei nga in-in kalang i turi gide si ade è ke njè bar sei tede le tur ra si go nyan ke rang't m go Tà ke Maje't nga lé ta.

⁷M-m, Tà ke Maje ke rang karé bè goto. Nè dooge ke nange dé bungul sei karé a, dé ndige tur Tà ke Maje le Krist nga kile gel a to.

⁸Sei i taai Tà ke Maje ke ndɔ ke j'ile mber'n j'ade sei nga bá. Ke nè á jè éké doo ke danrán karé ree ede sei tà ke rang karé ke tò gai se Tà ke Maje ke ndɔ ke j'ile mber'n j'ade sei nga baa, maje kade Nube ɔr'n kɔke dann kosdooge't le'n!

⁹Titeke ndɔ ke j'ede'n sei kété bá nga, dariné m'tel m'ede sei nja karé bai: Ke nè á doo ede sei tà ke rang karé ke tò gai se Tà ke Maje ke sei taai kété baa, maje kade Nube ɔr'n kɔke dann kosdooge't le'n.

¹⁰Darinè, ké m'aw ndoo taa kum dooge éké m'aw ndoo taa kum Nube wa? Ke nè á m'sang le taa kum dooge karé baa, bainléa bila man m'ee le Krist lé ta.

Rebe ke Paul tel ee'n njèkawkule

¹¹Ngakonmge, man m'ndige le kade i geri titeke Tà ke Maje ke m'ile mber'n nga in ra doo't lé.

¹²Tà ke Maje nè nga, m'inge ra doo karé't lé a, doo karé á ndóm lé a to. Nè Jésu-Krist á ribe dè ade'm.

- ¹³Sei ooi ser nyanra'm se pa njiye'm kété ke m'nain'n dann girkàge't le Juipge bai nga mbak. Njékebe nange le Nube nga ndo ke m'or de kororoi m'ade al dè loo'n a, m'sanrin de sakte-sakte a to.
- ¹⁴M'aw kum'm ke kété-kété dè nyangirkàge't le Juipge m'dum njé dèkasenange le'm bule ke girkoje't. Ra'm olé pèl-pèl dè nyangirkàge't le kàmge dum njé dèkasenange le'm malang.
- ¹⁵Nè né è bè géa, Nube bar'm unde'm se ninn'n se go ke'mnoje le'n loo ke ndo ke m'nain'n ke'm konm't bai.
- ¹⁶Nube ade kum'm gang dè Ngonnenn't tede kade m'ile mber tà le'n made dooge ke ei Juipge lé. Ke loon't nè kuwe m'aw ra doo karé't bè m'deje'n tà lé.
- ¹⁷M'in ke loon't nè m'aw ra njé ke ei njékawkulege nonm't kété nga lé, nè m'in m'aw ke'm beekon ke Arabie bita m'tel m'ree ke'm bee-bò ke Damas gugu bai.
- ¹⁸M'ra bal mute bita m'tel m'aw ke'm bee-bò ke Jérusalem le sang ger gel Céphas. M'ra ndo dog-gidé-mi rann't.
- ¹⁹M'an doo ke rang dann njékawkulege't lé, nè Jacques ngokon Kuwe-bee kuwe se kar'n á m'an'n.
- ²⁰An-in! nyange ke m'ndang tà'n m'ade sei nè nga, m'ede sei se ri Nube m è tà lanm lé.
- ²¹Go't gugu, m'in m'aw ke'm beege't le beekon ke Syrie se beekon ke Cilicie.
- ²²Njékebe nange le Krist ke ndii ke'm konbee ke Judée nga, geri kum'm lé bai.
- ²³Nè ei ooi tà le'm ke dooge tami edi nè: «Njè kororoi kété nga, darinè ndi ile mber Tà ke Maje le kundekem dè Nube't ke ndo ke ndige tuju'n nga.»
- ²⁴Njétaake'm-Kritsge ke Judée d'oyi Nube tede tà le'm man.

Nje Ke Galatie 2

Paul tam tà dè rann't or'n gir mber kile le'n

- ¹Bal dog-gidé-so go't gugu baa, m'or Barnabas se Tite m'um de goom't m'tel m'aw'n ke'm bee-bò ke Jérusalem kuwe bai.
- ²M'tel m'aw Jérusalem se go nyan ke Nube toje'm. Loo ke m'tee nú baa, m'kebe njétaake'm-Kristge m'or gir Tà ke Maje ke m'ile m'ber'n m'ade dooge ke ei Juipge lé nga se ngang'n-ngang'n m'ade ooi. Dooge ke ei njékor non dege géa m'kebe de gai m'or gir Tà ke Maje ke m'ile mber'n nè nga m'ade de. M'ra titeke bè tede kade Tà ke Maje ke kété éké ke darinè ke m'ndi m'an-in ngode'n nga, tel è nyan ke raikarè lé.
- ³Tite è se'm. E nga è Juip lé nè doo unde toge denn't ade uje tà mote'n lé.

⁴Ke nè á ndo ke Tite ade d'uje tà môte'n baa, è tede tà le dooge ke nange ke rai ra de ke njétaakeñ-Kristge ke turi dann jéi't se go ngein. Ei turi dann jéi't se go ngein le teri ké ndi dè pal le jéi ke j'ingei ra Jésus-Krist't tò titeke bain wa? Ei rai bè le teli jèi ke berge gugu tabai. Nè j'ule dè jé j'ade dooge nè nga lé a,

⁵j'inye kurloo ke ndêin bè géa j'ade de lé a tɔ. Jè ra titeke bè le kade ngarankum tà le Tà ke Maje nga too'n njáng dann si't.

⁶Njé ke d'an de ke dooge ke bòi nonm't kété nga usu'm nyan karé dè de't lé. Nube nga è njè ndête kum doo karé bè lé. Njé ke d'an de ke dooge ke bòi nga, dé ndoo'm nyan ke kige karé bè lé.

⁷Nè dé nè nga d'an titeke Nube um kule kile mber Tà ke Maje le dooge ke ei Juipge lé nga jim't titeke um'n le Juipge ji Pierre't bè tɔ.

⁸Nube ke njè tel Pierre ke njèkawkule le Juipge nga kuwe á tel'm ke njèkawkule le dooge ke ei Juipge lé tɔ.

⁹Jacques se Céphas se Jean ke ndo ke d'an de ke kage ngadann kei nga, loo ke an-in noje ke Nube uwe se'm baa, ulei jikon de adi jè se Barnabas umi se jé nan't bok. Gir'n ke nè á man se Barnabas jee'n njékaw kile mber Tà ke Maje kade njé ke ei Juipge lé, nè ei baa ei njékaw kile mber Tà ke Maje kade Juipge tɔ.

¹⁰Nyan karé ke ei ndigi le kade jè ra baa, è le kade j'ade keñ jé olé dè njéndooge't. E ke nè nga è nyan ke m'tose kum'm dè't m'ra se ngarankem'm kuwe tɔ.

Paul in se Pierre dè nyan rann't

¹¹Nè loo ke Pierre ree keñ bee-bò ke Antioche beekon ke Syrie baa, m'in se'n dè nyanra'n ke se go rebe'n lé tàkum dooge't.

¹²Kété bita kade Jacques ule Juipge ke nange ade reei Antioche bai nga, Pierre use nyan nan't se dooge ke ei Juipge lé keñ'n karé a tɔ. Nè loo ke dooge nè nga reei teei pan baa, è ebe ra'n kuse nyan se njé ke ei Juipge lé or ra'n ndi mbeng tede bel kum Juipge.

¹³Njétaakeñ-Kristge ke nange ke ei Juipge nga ndonmi nan go kede gos't le Pierre ade Barnabas kuwe géa tel ee'n njèkede gos se de nan't mbak.

¹⁴Nè loo ke m'an pa njiye de uwe made nan se ngarankum tà le Tà ke Maje ke nga lé baa, m'in se Pierre tàkum dooge't malang m'ede nè: «I i Juip nè i ra nyanra Juipge lé. I ra nyan asenan se dooge ke ei Juipge lé. A baa, ké bain á i unde toge dè njé ke ei Juipge lé le kade teli rai nyanra Juipge nga tabai wa?»

Kundekem á Juipge se njé ke ei Juipge lé ingei kaje

¹⁵Jè nga, jè Juipge m jè jè njé ra majelége tite dooge ke ei Juipge lé nga bè lé.

¹⁶Nè né è bè géa, jè ger maje titeke Nube or tà dè doo't se go kule ranngé ke oje dè gute-ndu nga lé. Nè è or tà dè doo't se go kundekem dè Jésus-Krist't. Gir'n ke nè á

jè Juipge géa, j'unde'n keâm jé dè Jésus-Krist't le kade Nube or'n tà dè jé't takul keâm jé ke j'unde dè Jésus-Krist't nga. Nube or tà dè jé't se go kule ra jége ke oje dè gute-ndu nga lé. M-m, Nube à or tà dè doo karé't se go kule rage ke oje dè gute-ndu nga lé.

17Jè Juipge ke j'um nan't bok se Krist nga, tà or dè jé't bá. Ke nè á d'an jè jè kuwe ke njé ra majelége to baa, ké Krist è ngonn njékule le nyanra ke majelé tabai wa? M-m, è bè lé.

18Ke nè á m'unn gir le ra nyange ke kété m'inye go de nga bai baa, man kuwe m'tel m'ee njè ra majelé.

19Gute-ndu ile'm tà yo't ade d'arinè m'ee yo-doo gir gute-ndu't tede le tel ndi kumgajer tede le Nube ta. Man nga dé tol'm kade kage-ke-dese't se Krist nan't se non'm.

20Man nga, dé tol'm kade kage-ke-dese't se Krist't nan't. Ke nè á m'ndi kumgajer bai baa, è man lé ta, nè è Krist á ndi kumgajer keâm't. Ke nè á danra'm ndi kumgajer d'arinè baa, è tede keâm'm ke m'unde dè Ngonn le Nube ke tár'm. Ngonn le Nube inye ra'n ade yo tede'm.

21Noje le Nube nga, man m'ute mbeng lé. Ke nè á tà or dè doo't takul gute-ndu baa, Krist wei se ndáng karè.

Nje Ke Galatie 3

Tà or dè doo't takul kundekem, ké takul gute-ndu wa?

1Hai! sei njé keâm to kaju tàge lé ke i ndii keâm beekon ke Galatie. Ké nan yèl sei bè wa? Sei nga d'orgir tà le Jésus-Krist ke dé ber'n kade kage-ke-dese't d'ade tò nata ndái-ndái tàkum si't.

2Tà karé bere ke m'ndige le koo tà si't á nè: Ké sei ingei Ndil-Keâmnda nga takul kule rage ke oje dè gute-ndu éké takul Tà ke Maje ke ooi á undei keâm si dè't nga wa?

3Ké bain á keâm si to kaju tà lé sár bè wa? Kété sei umi keâm si dè togmong't le Ndil-Keâmnda, nè d'arinè i ndigi kumi keâm si dè togmong't le danra si sei't kuwe ta wa?

4Ké nyankobege se nyan-majege ke Ndil ade dé ra d'ade an-in kété nga, è se ndáng karè wa? M'gir kade è se ndáng karè lé.

5Nube ade sei Ndil-Keâmnda, tabai è ra nyankobege dann si't utu'n go. Ké Nube ra nyankobege takul kule rage ke oje dè gute-ndu wa? M-m, è ra nyankobege dann si't takul Tà ke Maje ke ooi a, Tà ke Maje ke undei keâm si dè't nga a to.

6Abraham géa, ndo ke le'n è titeke bè to. E unde keâm'n dè Nube't a, Nube an'n ke doo ke tà or dènn't a to.

- ⁷Ooi tà nè maje i geri: Njétaakeñ-Kristge à ei ngann le Abraham ke gete.
- ⁸Magtub ke tò se ninn'n òje loo'n kété ede nè: Nube ayé kór tà dè dooge ke ei Juipge lé takul kundekem le de. Magtub ke tò se ninn'n nga ede Abraham Tà ke Maje nè nga kété ede nè: «Dooge malang ke ei Juipge lé nga, Nube à tór ndu'n dè de't takuli i.»
- ⁹Abraham um kem'n dè't. Gir'n ke nè á Nube tór ndu'n denn't. Dooge malang ke undei kem de dè Tà ke Maje't nè nga ingei ndutór titeke Abraham inge'n ndutór bè tó.
- ¹⁰Njé ra nyange ke gute-ndu òje malang nga, ndu-mann uwe de tede dé ndang kem Magtub't d'ede nè: «Nanan ke ra nyange ke magtub gute-ndu òje nga ade òr njét se ndoge malang lé baa, ndu-mann uwe dè'n bá ta.»
- ¹¹Doo karé géa tà òr denn't non Nube't takul gute-ndu nga lé. E nyan ke tò nata ndái-ndái tede doo ke tà òr denn't à ndi kumgajer takul kundekem dè Nube't.
- ¹²Nè gute-ndu è nyan ke tò gai se kundekem dè Nube't. Nyange ke gute-ndu òje nga, doo ke ra tól mbas se ndoge malang baa à ndi kumgajer.
- ¹³Krist uge dè jé òr jè ji ndu-mann't le gute-ndu. E tel ra'n ke doo ke ndu-mann uwe dè'n bè tede tà le jéi. Titeke ke bè á dé ndang'n kem Magtub ke tò se ninn'n d'ede nè: «Nanan ke dé ber'n kàde kage't baa, ndu-mann uwe dè'n bá ta.»
- ¹⁴Krist ra titeke bè le kade dooge ke ei Juipge lé ingei ndutór ke ndó ke Nube unn'n ndu'n ade Abraham. Ndutór nè nga dooge ke ei Juipge lé ingei takul Jésus-Krist. Ndil-Kemnda ke ndó ke unn ndu'n le kade jéi nga, j'ingei takul kundekem.

Gute-ndu se kunn-ndu le Nube

- ¹⁵Ngakonmge, m'a m'unn nyan karé ke dooge rai a, ke an-in se ndó si-ndó si a tó, le kede'n sei tà nè: Loo ke doo karé ndang magtub ade tò njai unn'n ndu'n baa, doo karé ke rang asekum kute magtub nè nga mbeng éké kile tà ke rang dè ège ke doo nè ndang kem magtub't nè nga lé.
- ¹⁶Ndó ke Nube unn ndu'n ade Abraham se ngonnkà'n. Nube tam ede nè: «Ngannkàige» lé, nè «ngonnkài». E ule ji'n dè ngonnkà'n ke karé bere luk-luk ke è Krist. Ke nè á Nube tam ede nè ngannkàige baa, tà nè òje dè dooge bule.
- ¹⁷An-in! tà ke m'ndige tam á tò nè: Ndó ke Nube unn ndu'n njang ade Abraham. Ndukunn le Nube nga tò njáng sár bal aru sò se kór-mute bita magtub gute-ndu tee bai. Gute-ndu asekum tuju ndukunn ke Nube unn ade Abraham kété nga ndan lé.
- ¹⁸Ke nè á Nube tór ndu'n dè doo't takul gute-ndu baa, ndukunn le Nube nga è nyan ke raikarè. Nè Nube tór ndu'n dè Abraham't takul ndu'n ke è unn ade'n kété mari nga.

¹⁹A baa, ké kule le gute-ndu nga è ri wa? Gute-ndu nga ree oré dè ndukunn le toje dooge nyanra de ke uwe made nan se le Nube lé. Gute-ndu nga tò sár ade ngonnkà Abraham ke Nube unn ndu'n oje'n dè'n nga ree'n. Gute-ndu nga è dooge ke danrán á ndo ke undei bita umi ji njè ndà dann de't se dooge bai.

²⁰Loo ke doo è se kar'n luk-luk baa à aw ndoo njè nda dann de't lé, tede Nube è se kar'n bere luk-luk.

Kule ra gute-ndu

²¹Ké gute-ndu ute ndukunngé le Nube nga mbeng wa? M-m, è bè lé. Ke nè á gute-ndu ke d'ade kété nga asekum kade doo ndikumgajer baa, né tà à or dè doo't takul gute-ndu nga kuwe.

²²Nè Magtub ke tò se ninn'n tam ndàt ede nè: Dooge malang ndii gir togmong't le kaiya. Nyan ke Nube unn'n ndu'n le kade dooge nga, njétaakem-Kristge ingei takul kundekem le de.

²³Kété bita kade Krist ke j'undei kem jéi denn't ree bai nga, gute-ndu uwe jè dangai utu tà jé kei sár ade Krist ke j'undei kem jéi denn't ree'n.

²⁴Gute-ndu nga tò asenan se ber ke njèkan dè jé a, njèkor non jé kaw se jé ra Krist't ade Nube or'n tà'n dè jé't takul kundekem.

²⁵Nè dariné, loo ke Krist ke j'undei kem jéi denn't ree bá baa, jè ndii gir togmong't le ber ke njèkan dè jé se njèkor non jé kété nga lé ta.

²⁶Darinè sei Juipge se njé ke ei Juipge lé ke undei kem si dè Jésus-Krist't nga, sei malang sei ngann le Nube.

²⁷Sei malang d'ulei sei manné njonm se ri Krist nga, sei teli taai nan se Krist.

²⁸Doo ke è Juip éké è Juip lé goto dariné ta. Ber éké doo ke ndi dè'n pal goto ta, dingem éké dinye goto ta; tede sei malang sei dooge ke karé takul kum ke umi nan't bok se Jésus-Krist.

²⁹Ke nè á sei le Krist baa, sei girkà le Abraham, sei njé kinge nyan-ndubege titeke ndo ke Nube unn'n ndu'n ade'n.

Nje Ke Galatie 4

Darinè jèi berge lé ta, nè jèi ngann le Nube

¹M'tam m'ede nè loo ke ngonk ke njè kai nyan-ndube nain ngonk bai nga, tò asenan se ber bè. Nè né è bè géa, è nga kuwe è kuwe nyange malang.

²Loo ke è nain ngonk bai nga, è ndi gir togmong't le dooge ke njèkan dè'n se nyange le'n sár ade ndo ke bo'n oje nga ase'n de' bita.

³Jèi nga géa, le jéi è titeke bè to. Loo ke ndo ke jè nain ngannge bai nga, jèi berge le togmong-ge ke dè nang nè.

⁴Nè loo ke dè kurloo ke Nube oje ase deŷ bá baa, Nube ule Ngonn'n. Ngonn'n nga dinye á oje'n a, ndi gir gute-ndu't a tɔ.

⁵Ngonn le Nube nga ree tede le gang dè dooge ke kété ndii gir gute-ndu't kade teli ndii dè de pal. E ree le tel jèi ke ngann keŋ Nube.

⁶Sei sei ngann keŋ Nube kerɔte kuwe. Gir'n ke nè á Nube ule'n Ndil Ngonn'n ade ndii'n dè bengre jèi't. Takul Ndil nè nga á jè tami tà se ndu jéi ke bòi j'edi nè: «Abba, Bɔ jé.»

⁷Titeke bè á đarinè i ber lé ta. Titeke i ngonn le Nube nga, i i njè kɔi nyan-ndube se go ndukunn le Nube.

Keŋ Paul tò kekek tede njé ke Galatie

⁸Kété mari ke sei geri Nube lé bai nga, sei rai ber le mage polége ke d'ase k'ee Nube ke get lé.

⁹Nè đarinè sei geri Nube bá tede tár ke è tár sei nga. A baa, ké bain á sei ɔsi wan i teli dè nyan-ndóge ke asi rai se si lé nga tabai wa? Ké bain á sei ndigi teli rai ber le nyan-ndóge nè nga gugu bai wa?

¹⁰Sei an-in dè ndɔge éké nange, dè kurlooge éké dè balge sêw-sêw a tɔ.

¹¹M'bel keŋ't m'ede nè: Bainléa m'ule ra'm ndibe tede le si se ndáng karè.

¹²Ngakonmge, m'deje sei le kade i teli i tooi tite'm titeke man géa m'tel m'ee'n tite si sei bè tɔ. Sei rai se'm majelé karé bè lé.

¹³Kété ke desêin ke ndɔ ke m'aw m'ile mber Tà ke Maje m'ade sei nga, sei geri mbak titeke keŋ ndɔn't nè nga, ratur ra danra'm ngain.

¹⁴Ratur ke ra'm nga è nyan ke nan sei. Sei an-in man ke nyan ke tò yêr tàkum si't ade i tibi man yor lé a tɔ. Nè sei uwei man ke ra si't tite doo ke Nube ule'n bè. Sei uwei man ke ra si't titeke uwei Jésu-Krist kuwe ke ra si't bè tɔ.

¹⁵Ké ranel le si ke ndɔ ke kété nga è ra wa? Tà ke m'a m'tam nè nga è ngarankum tà m m'lanm lé: Keŋ ndɔn't nè nga, ke nè á ndɔ ke asi tɔri njar kum si kadi man baa, ayé tɔri kuwe.

¹⁶Ké ngarankum tà ke m'ede sei nga á m'tel m'ee'n njèban le si ta wa?

¹⁷Paber ke dooge ke nange paberi sei par-par nga, è se keŋnda káng lé. Nè ei ndigi le kutei sei mbeng ram't tede le kade ei tá i paberaï de par-par.

¹⁸Nyan karé ke maje baa, i paberi nyanra ke maje se ndɔge-ndɔge. I nginei kade m'ee se si bita i rai lé.

¹⁹Ngannemge, koje ke m'oje sei nga, ndo le si ule'm ndibe asenan se dinye ke à oje ngonn bè. Ndo le si nè nga à ule'm ndibe titeke bè sár kade i teli i taai nan se Krist tcha-tcha.

20Darinè, m'ndinge ra'm le k'ee ra si't tá bainléa m'a m'tur ndu'm rang bai. Ke nè baa, m'ger tà ke get kum tam lé.

Agar se Sara

21Sei ke i ndigi ndii gir gute-ndu't nga edi man, ké sei ooi tà ke gute-ndu tam nga lé wa?

22Dé ndang ke'm magtub gute-ndu't d'ede nè: Abraham oje nganngé ke dingem joo. Ngonn'n ke karé kon'n è ber a, ngonn'n karé ke rang kon'n è dinye ke ndi dè'n pal.

23Nè ngonn'n karé ke kon'n, Agar, è ber nga oje'n se go rebe ke dooge oji nan. Ngonn'n karé ke rang ke kon'n, Sara, oje'n nga è se go kunn ke Nube unn'n ndu'n ade Abraham kété. Sertà nè nga ndó jèi nyan karé ke rang bai.

24Dinyege ke joo nè nga ei nyan-tojege ke oje dè mann-ra ke joo ke tò dann Nube se kosdooge le'n. Mann-ra ke karé è gute-ndu ke ndo ke Nube ade Moise dè mbal ke ri'n ne Sinai. Kosdooge le Nube ndii gir mann-ra't nè tite berge bè. Agar kon ngonn ke karé nga tò oje dè mann-ra ke dè mbal ke Sinai nga.

25Agar nga è tite mbal ke ri'n nè Sinai ke tò ke'm beekon ke Arabie. Agar tò bila asenan se bee-bò ke Jérusalem se Juipge ke ndii gir ber't.

26Nè bee-bò ke Jérusalem ke do nga ndi dè'n pal, è è á è kon jéi a to.

27Tede dé ndang ke'm Magtub ke tò se ninn'n d'ede nè: «I ke i kuju ke oje ngonn lé nga, i ra ranel. Al rai se ndui ke bòi beng i ke ndo karé ndo rai lé nga. Ngann le dinye ke dé sure'n d'innye'n nga bulei ngain dumi ngann le dinye ke njè ngaw ke ndi kei ngaw't.»

28Ngakonmge, sei nganngé le Nube se go kunn-ndu le'n tite Isaac bè.

29Kété ndo ke ngonn le Abraham ke dingem ke oje'n titeke d'oje'n nganngé se go danra or kororoi è ke d'oje'n se go kunn-ndu gir Ndil Nube't. Bila géa è titeke bè to.

30Nè né è bè géa, ké tà ri á magtub ke tò se ninn'n tam wa? E tam ede nè: «I ro dinye ke è ber se ngonn'n ke dingem nè nga koke. Tede ngonn le ber à inge nyan-ndube se ngonn le dinye ke ndi dè'n pal nga nan't ndan lé.»

31Titeke bè á ngakonmge, jè jèi ngann le dinye ke è ber nga lé, nè jèi ngann le dinye ke ndi dè'n pal.

Nje Ke Galatie 5

Ilei ndi dè pal le si nga koke ndan lé

1Krist taa jèi ji ber't inye jèi do darinè tede le kade jè ndii dè jéi pal kerote. I ndai dè nja si't njáng m adi dé tel d'ile kule ber kobe si't gugu lé ta.

²Ooi maje, man Paul m'ede sei ndàt, ke nè á adi d'uje tà môte si baa, sei an-in Krist ke nyan lé.

³M'tel m'ede sei tà nè nga ndàt kuwe bai. Doo ke rara ke ade d'uje tà môte'n baa, gar-gar à ra nyange ke gute-ndu oje nga bere mbak se ndo'n-ndo'n.

⁴Ke nè á i sangi le kade tà or dè si't non Nube't se go gute-ndu nga baa, sei tin-in se Krist bá ta. Tabai noje ke Nube uwe se si nga utei piring ilei kòke a to.

⁵Jèi njétaakeñ-Kristge baa, j'undeï keñ jéi tchên se go Ndil titeke Nube à or tà dè jéi't takul kundekem.

⁶Kuje tà môte éké kuje tà môte lé, è nyan ke liriri tede le doo ke um nan't bok se Jésus-Krist. Nè nyan ke è ngarankum nyan nga, è kundekem ke ra kule dè tár nan't.

⁷Kété sei an-in ngode maje. Ké nan ðarinè oge sei kile koje dè ngarankum tà't nga wa?

⁸Tà ke majelé ke dé mbusu'n sei d'oge'n sei kile koje dè ngarankum tà't nga, in ra Nube't ke njè bar sei nga lé.

⁹Undeï kumkunju dè ra si't tede pululu è nyan ke ndên bè, nè ade nduju ke loin bere mbak in ti ngiring-ngiring.

¹⁰Kuwe-bee ade m'ndà kem'm káng dè si't titeke tàgir le si à tò gai se le'm lé. Nè doo ke njè bungul sei nga, né ee'n doo ke bain-bain géa, Nube à ade kure nyanra'n à ode kum'n bai.

¹¹Ngakonmge, man m'ile mber kuje tà môte lé. Ke nè á m'ile mber kuje tà môte baa, ké Juïpge à ori man kororoi tede ri tabai wa? Ke nè á m'ile mber kuje tà môte baa, kwei le Krist kade kage-ke-dese't à tel k'ee jig le tuge nja doo kile'n dann kaiya't lé ta.

¹²Dooge ke njè bungul sei titeke bè nga, maje kade d'ade dé tor gum de d'oré'n dè kuje tà môte de baa, à è soo de't.

¹³Ngakonmge, sei nga dé bar sei le kade i ndii dè si pal. Nè maje kade edi gos dè ndi dè pal't nè nga le ra'n nyange le danra karè lé. I rai ber le nan tede tár ke sei tári nan nga.

¹⁴Ke nè á sei rai titeke bè baa, a i rai gute-ndu nga kade maje or njêt. Tede gute-ndu bere mbak nga d'oré nan't d'ade è ndukunn ke karé bere d'ede nè: «I a tár doo madi titeke i tár'n rai i kuwe bè to.»

¹⁵Ke nè á ndi dè pal le si aw se si sár ade i ton-in nan a, ujeï ngire nan se tà nyanm-nyanm a to baa, undeï kumkunju dè ra si't lé baa a i tuji nan.

Adi pa njiye si è se go le Ndil m se go ngur nyange le danra lé

- ¹⁶Tà ke man m'ede sei á nè: Inyei Ndil-Keṁnda adi or non si baa, ngur nyange ke majelé le danra à ra sei lé.
- ¹⁷Tede ngur nyange ke majelé le danra ute ngur nyange le Ndil-Keṁnda mbeng a, ngur nyange le Ndil-Keṁnda ute ngur nyange ke majelé le danra mbeng a tɔ. Gir'n ke nè á sei asikum rai nyange ke keṁ si ndige nga se ndo'n-ndo'n lé.
- ¹⁸Ke nè á Ndil-Keṁnda or non si baa, sei i ndii gir gute-ndu't nga lé ta.
- ¹⁹Ngur nyange ke majelé le danra nga tooi nata ndái-ndái. Ei á tooi nè: Tò se nan ke kaiya't, ra mine, nyanra ke pás-pàs.
- ²⁰Polé mage, ra nan se kuge, kor nan njêt, ra jang se nan, kol nan, ra keṁkein, ra wong, ra nan tà, tà tin nan, kai nan, kor kum nan.
- ²¹Ra ngur nyan pênn-pênn, ra ber le yibe, kunn gon nyankuse se nyange ke nange ke taai nan se de bè. Man m'ede sei ndàt kété titeke ndo ke m'ede'n sei nga: Dooge ke inyei ra de nyein dann nyange ke nè nga, loo le de goto keṁ Konbee't le Nube sár se non.
- ²²Kann nyan le Ndil á tò nè: Tár nan, ranel, keṁlom, keṁkile, keṁ-maje, keṁ-kunde,
- ²³kaw lom-lom se kunde kumkunju dè ra't a tɔ. Gute-ndu ute nyange nè nga mbeng lé.
- ²⁴Dooge ke umi nan't bok se Jésu-Krist nga, uwei danra se ngur nyange le'n ke majelé berii kade kage-ke-dese't.
- ²⁵Jè ndi kumgajer takul Ndil-Keṁnda; bè baa, jè njiyei se goo Ndil-Keṁnda.
- ²⁶Ade jè rai ngur ribar ke raikarè lé a, ade jè tɔsi nan tà lé a, ade jè rai keṁkein dè nan't lé a tɔ.

Nje Ke Galatie 6

I taai nyankoto ke woi dè nan't

- ¹Ngakonmge, ke nè á uwei doo karé dè ra nyan ke se go rebenn't lé baa, sei ke i njiyei se go Ndil-Keṁnda bai nga, i goli nin ilei nin rebe ke danné se ndu noje. Sei géa, keṁ si dè ra si't nè bainléa a teli rai majelé se'n tɔ.
- ²I taai nyankoto ke woi dè nan't. Titeke bè á a i rai gute-ndu le Krist nga tɔli mbas.
- ³Ke nè á doo karé ke è doo ke raikarè gir keṁn't ede nè: N'ee doo ke n'ase baa, è kuwe sú kum ra'n.
- ⁴Maje kade nanan géa ter kule ra'n ke le'n-le'n an. Ke nè á kule ra'n maje kade dè'n in-in'n tchakm baa, maje kade dè'n in tchakm oje dè'n è kuwe se kar'n m à kuwe dè kin tchakm le'n kɔje'n le doo ke rang lé.

- ⁵Sei geri mbak, nanan géa à unn nyankoto ke woi ke oje dè'n-dè'n.
- ⁶Doo ke ndi ndó Tà ke Maje nga, maje kade ade njèndó'n Tà ke Maje oré se'n nan dè nyan-majegé't le'n gar-gar.
- ⁷Adi kum si sú sei dè tà't nè nga lé: Doo à ule mbe dè Nube't lé, tede nyan ke doo dubu nga à uje kann'n kuwe.
- ⁸Doo ke dubu nyan ke oje dè danra baa, è à uje kann nyan ke oje dè danra ke è tuju nga tɔ. Doo ke dubu nyan ke oje dè Ndil baa à inge ndikumgajer sár se non. Ndikumgajer sár se non nga, è kann nyan le Ndil.
- ⁹Adi keŋ jéi tête mann dè ra nyan ke maje't nga lé. Ke nè á j'adi ji jéi sɔl giré lé baa, ndɔn't j'à j'ujei kann'n bai.
- ¹⁰Titeke bè á, loo ke j'ingei kurloo baa, adi jè rai maje se dooge malang. Nè maje kade jè rai maje se ngakon jéige ke undeï keŋ de dè Nube't j'adi dum dè le dooge ke rang malang.

Ngang tà ndeje se lapyà le Paul

- ¹¹An-in! magtub ke man kuwe m'ndang se ji'm guri-guri m'ade sei.
- ¹²Dooge ke nange ndigi kundei tɔge dè si't le kade ujei tà mɔte si. Ei rai titeke bè le taa'n kum Juipge karè nè bainléa à kori de kororoi tede tà le Krist ke dé tɔl'n kade kage-ke-dese't. Kor ke d'a d'or de kororoi á è nyan karé ke dé bel d'unde'n tɔge dè si't le kade d'uje'n tà mɔte si.
- ¹³Njé kuje tà mɔte dege kuwe géa an-in dè gute-ndu nga sêw-sêw lé. Nè né è bè géa, dé ndige le kade adi d'uje tà mɔte si tede le kunn'n tà ra de't tede mɔte si ke adi d'uje.
- ¹⁴Man baa, nyan karé bere ke m'unn'n tà ra'm dè de't nga, è kwei le Krist Kuwe-bee le jéi Jésu Krist kade kage-ke-dese't. M'an nyange le nang nè ke nyange ke tuji tede kwei le Kuwe-bee le jéi Jésu-Krist. Man géa dooge ke dè nang nè an-in man ke doo ke wei bè tɔ.
- ¹⁵Kuje tà mɔte éké kuje tà mɔte lé nga, è nyan lé. Nyan ke get-get baa, è le tel k'ee doo ke kige le Nube.
- ¹⁶Dooge ke njiyei se go tà ke m'ndó sei nè nga têt-têt baa, maje kade keŋlom se keŋkanm nain se de. Maje kade keŋlom se keŋkanm nain se kosdooge le Nube malang.
- ¹⁷Unn gir'n darinè, maje kade doo karé bè ndoje'm lé ta, tede sire dò le Krist tò ram't laa.
- ¹⁸Ngakonmge, maje kade keŋnoje le Kuwe-bee le jéi Jésu-Krist nain se si karé-karé malang. Maje kade è titeke bè kuwe.

Nje Ke Ephese

Nje Ke Ephese 1

Paul ɔrgir ra'n

¹Man Paul, njèkawkule le Jèsu-Krist se go keɛndige le Nube. M'ndang magtub nè m'ade njé ke tooi se ninn de se njé ke awi kum de ke kété-kété de kundekem de Jèsu-Krist't [ke ndii kem bee-bò ke Ephèse].

²Maje kade kem-maje se kemlom ke in ra Bò jéi Nube't a, ke in ra Kuwe-bee Jèsu-Krist a tɔ, nain se si.

Nyan majege ke ɔje de Ndil ke Nube ade jèi gir Jèsu-Krist't

³Nube Bò Kuwe-bee le jéi Jèsu-Krist nga, maje kade de'n mong káng-káng. E tɔr ndu'n de jéi't takul kum nan't bok le jéi se Jèsu-Krist a, è ade jéi nyan-majege gai-gai malang ke ɔje de Ndil kem danran't.

⁴Nube tɔr jéi takul Jèsu-Krist kété mari bita è unde nang nè bai. E tɔr jéi le kade jèi dooge le'n ke jè tooi se ninn jéi gai takumn't a, le kade tà karé bè uwe de jéi nonn't de tár ke è tár jèi't nga lé a tɔ.

⁵Nube ɔje kemn't kété mari le tel jéi ke ngann kemnge se go tár ke è tár jéi takul Jèsu-Krist. E ke nè á è nyan-maje ke è ɔje kemn't njáng se go kemndige le'n.

⁶Ade jè dɔyi Nube tede noje le'n ke maje dum ke è uwe se jéi. Nube uwe se jéi noje nè nga takul kotár le'n Krist kuwe karé luk-luk.

⁷Takul Krist ke wei ade mese'n an-in nang á j'ingei nyankuge de jéi bee ber't a, Nube ade kem'n tin'n mbit de kaiyage't le jéi a tɔ. E kemnoje ke bò ke gar'n goto á Nube uwe se jéi!

⁸Kemnoje nè nga Nube ade taa ra jéi pel-pel. Takul kemnoje nè nga á j'ingei kumkunju se gos nyanger ke deri.

⁹Nube ade jè geri nyan-maje ke tò loo bɔyɔn't káráng. E uwe de nja nyan ke tò loo bɔyɔn't nga kété mari se go kemndige le'n è kuwe.

¹⁰Loo ke ndo'n à ase deɣ baa, nyan ke Nube ɔje le ra á tò nè: A ɔse nja nyange ke danrán se nyange ke de nang nè malang nan't le kade Krist è doo de de.

¹¹Takul'n è á j'inge'n gaje nyan-ndube ke ɔje de jé tede Nube tɔr jè kété mari se go nyan ke è ɔje. Nube ra nyan malang ade aw loon't deɣ se go nyan ke è ɔje se go kemndige le'n.

¹²Jèi dooge ke desèin ke j'undei kem jéi de Kris't tchèn nga, dé tɔr jèi le kade j'ulei ndubra de Nube't.

¹³Takul Krist á sei géa ooi ngarankum tà, ke è Tà ke Maje ke aje sei. Takul kundekem ke sei undei kem si dè Krist't á Nube unde'n nyankorji le'n ke è Ndil-Kemnda ra si't, titeke ndo ke è unn'n ndu'n kété mari ade sei nga.

¹⁴Ndil-Kemnda ke Nube ade jèi nga, è tàpitem nyan-ndube ke è unde konna tede le kosdooge le'n. J'a j'ingei nyange ke Nube unde konna nè nga bere mbak ndo ke j'a j'ori dè jèi gir togmong't le ber. Adi j'osi pa j'ulei ndubra dè Nube't a to.

Paul oje tà se Nube tede kade kum njé ke tooi se ninn de gang dè nyan-majege gai-gai.

¹⁵Gir'n ke nè á, loo ke m'oo kobe kem si ke kundei dè Kuwe-bee Jésu't a, m'oo ser tár ke sei tári njé ke tooi se ninn de malang a to baa,

¹⁶m'ra Nube oiyo m'ebenn't lé tede le si. Kem'm olé dè si't do-do loo ke m'a m'oje'n se'n tà.

¹⁷Man m'ra titeke bè le kade Nube le Kuwe-bee le jèi Jésu-Krist, è Bò jèi ke ndubra è le'n ade sei kumkunju le Ndil. Titeke bè á kum si à gang'n dè Nube't le kade i geri nin njai-njai.

¹⁸M'deje Nube le kade ade kum bengre si gang tchat. Titeke bè á a i geri nyan kundekem tchên dè't ke è bar sei tede nga. Tabai sei a geri bò ndubra le'n se bò nyan-ndube ke uwe dè nja unde konna tede le njé ke tooi se ninn de.

¹⁹M'deje Nube bai le kade ade kum si gang dè togmong le'n ke kile ke nata tede jèi jèi njétaakem-Kristge. Togmong ke bò nè nga, è è ke ndo

²⁰ke Nube ade Krist ade unde'n loo tee'n dann njé ke koo't. Nube ade Krist togmong ke bò nè ade aw ndii'n dè jikonn't do danrán.

²¹Titeke bè Nube unn Krist mbeng unde'n dè njé kunde gir gute-nduge se njétogmong-ge se njé kade bôge se kuwe-beege ke danrán éké ke dè nang nè malang, éké ri ke rara malang ke d'a bar dann dooge darinè éké ke ndo ke rang nga, Krist dum dè de malang.

²²Nube or Krist unde'n dè nyange't malang a, ade'n è doo dè njékebe nange le'n è Nube a to.

²³Njékebe nange le Nube nga, è danra Krist. Njékebe nange le Nube nga unni kagera Krist lát-lát. Krist nga dum dè dooge se nyange malang se ndo'n-ndo'n a to.

Nje Ke Ephese 2

Kunde loo yo gang kur loo ndikumgajer't

¹Sei nga, kété weii yo nyanrage ke se go rebe'n lé a, weii yo kaiyage le si a to.

²Kété mari sei njiyei se go nyanrage le dooge ke dè nang nè. Sei ndolèi go ngar le ndilge ke majelé ke njèkonbee dann danrán't se nang nè. E nè nga è ndil ke majelé ke ndi sule gir ngann njé dum nange darinè.

³Ngann njé dum nange nè nga, kété mari jèi malang jèi dann de't. Kété jè njiyei se go ngur nyange le danra jéi a, jèi rai nyange se go keṁndige le danra a, se go tàgirge le jéi a tɔ. Jèi géa, kété se go girkoje le jéi baa wong le Nube nain dè jéi't tite gute dooge ke rang bè tɔ.

⁴Nè Nube ke è baw keṁkanm nga, tár jèi ngain.

⁵Jèi nga, kété j'weii yo nyanrage ke se go rebe'n lé le jéi, nè è ade jè teli jè ndii kumgajer se Krist nan't. Takul keṁnoje á sei ajii.

⁶Takul kum ke j'um nan't bɔk se Krist á Nube ade j'undeii loo jè teei dann njé ke koo't le kon'n bee nan't se Krist dɔ danrán.

⁷Keṁnoje le Nube ke ra se jéi nga, gar'n goto. E ra titeke bè le tɔje'n jéi keṁ-maje le'n ke al dè loo keṁ ndɔge ke à ree takul kum ke j'um nan't bɔk se Jésus-Krist.

⁸E takul keṁnoje le Nube á sei ingei kaje se go kundekem le si. Keṁnoje nè nga in ra si't lé, nè è nyan-noje ke in ra Nube't kuwe.

⁹Kaje ke sei ingei nga è se go kule ra si á doo karé à tii'n ra'n lé.

¹⁰Jèi, jèi dookundege le Nube. E Nube kuwe unde jèi se go kum ke j'um nan't bɔk se Jésus-Krist tede kade jè rai nyanrage ke maje. Nyanrage ke maje nga Nube uwe dè nja de kété kade jè rai se ndɔ jéi, ndɔ jéi.

Jèi doo ke karé gir Krist't

¹¹Adi keṁ si olé dè tà't nè: Sei nga, kété sei girkoje le Juipge lé. Juipge ke njé kuje tà mɔte dege bari sei dooge ke anji kujei tà mɔte de. Kuje tà mɔte ke danra't nè nga, è ji doo á uje.

¹²Adi keṁ si olé titeke ndɔ ke kété mari nga, sei i ndii anje Krist a, gaje nyan ke ndêin bè ke ɔje dè si goto keṁ beekon ke Israel a tɔ. Sei sei dooge ke dɔ, nyange ke Nube ɔje le kade ngann njébeege nga ɔje dè si lé. Tabai sei dooge ke nyan kundekem dè't le si goto a, Nube nga géa sei dooge ke i nali nin dè nang nè a tɔ.

¹³Sei ke umi nan't bɔk se Jésus-Krist nga, kété i ndii heb se Nube, nè ðarinè d'age se si dé ree se si ngɔr takul mese Krist.

¹⁴E Jésus-Krist nga kuwe á è keṁlom le jéi. Juipge se njé ke ei Juipge lé ke kété kayai nan gir joo nga, è tel de ke kosdooge ke karé bere. Kɔr nan njèt ke tò asenan se ndogo bɔr ke kai de danné nga, Krist jɔrè nang bɔrɔr-bɔrɔr takul kwei le danra'n kàde kage-ke-dese't.

¹⁵Gute-ndu se nyange ke ndukunngé ɔji nga, Krist tuju'n kɔke se go kwei le danra'n. Juipge se njé ke ei Juipge lé nga, Krist tel de ke kosdooge ke kige karé bere luk-luk takul kum ke d'um se'n nan't bɔk-bɔk. Titeke bè á è unde'n gir keṁlom dann Juipge se njé ke ei Juipge lé.

¹⁶Dooge nè nga kété ei girkoje dooge joo, nè ðarinè Krist tel um de nan't bok se Nube ade ei kosdooge ke karé luk-luk takul kwei le'n kàde kage-ke-dese't. Krist udu kum kor nan njét ke tò dann de't takul kwei le'n.

¹⁷Jésu-Krist ree ile mber Tà ke Maje ke oje dè ke mlom ade sei ke kété i ndii heb se Nube a, ade njé ke kété ndii ngor se'n a to.

¹⁸Oiyo, è se takul Krist á jè Juipge a, sei a to, jèi malang j'ingei tà rebe kaw ra Bo jéi't ke m Ndil ke karé bere't nga.

¹⁹Gir'n ke nè á ðarinè sei dooge ke do éké sei njé namge lé ta. Nè sei teli sei dooge ke i tooi se ninn de nan't se ngann njébeege ta. Sei teli sei dooge ke koje kei káráng le Nube.

²⁰Sei nga, dé rote sei dè gir kei't le njékawkulege se njéribè-dè-tàge ke tà Nube't a to. Jésus-Krist á è kuberi her ke mong dè kum kei't.

²¹Takul'n è á kei ke rote tà nan't bere mbak in nda'n do jap le tel k'ee'n kei ke tò se ninn'n tede le Kuwe-bee a to.

²²Takul kum nan't bok se Kuwe-bee á dé rote'n sei bere mbak tà nan't le kade i teli sei kei ndi Nube se go Ndil'n.

Nje Ke Ephese 3

Paul ile mber Tà ke Maje ade dooge ke ei Juipge lé

¹E tede è ke nè á man Paul m'ee'n dangai le Jésus-Krist tede le si sei ke sei Juipge lé nga.

²Sei ooi ser noje ke Nube uwe se'm tede tà le si nga bá.

³Nube ribe dè nyan ke tò loo boyon't ade m'ger titeke m'ndang'n tà'n ndèin m'ade ooi ðarinè.

⁴Loo ke sei a i tutei magtub nè baa, sei asikum kan-in titeke m'ger nyan ke tò loo boyon't oje dè Krist nga.

⁵Nyan ke tò loo boyon't nè nga, Nube ribe dè ade dooge ke kété mari gerii lé. Nè ðarinè, è ribe dè se go Ndil'n ade njékawkulege se njéribè-dè-tàge ke tànn't ke tooi se ninn de gai se go Ndil.

⁶Se go Tà ke Maje á dooge ke ei Juipge lé oréi nan se jéi jèi Juipge dè nyange ke Nube unde kann tede le kosdooge le'n. Jèi se de jèi balkum danra ke karé bere. Jèi se de j'oréi nan dè ndikumgajer ke Nube unn'n ndu'n ade dooge ke umi se'n nan't bok takul Krist.

⁷Takul noje ke Nube uwe se'm se go togmong le'n á m'tel m'ee'n ngonn njékile mber Tà ke Maje nè nga.

⁸Man m'ee tà mbà le njétaakeñ-Kristge malang. Nè né è bè géa, Nube uwe se'm noje ade m'ile mber nyanbaw le Krist ke doo asekum ger lé m'ade dooge ke ei Juipge lé.

⁹Ribe dè nyan ke tò loo bɔyɔn't nga, è man á Nube um kule'n jim't tede dooge malang. Nyan ke tò loo bɔyɔn't nga, kété mari Nube ke Njèkunde nyange malang bɔyɔ dè se dooge.

¹⁰Nè ðarinè, takul njékebe nange le Nube á njèkɔr non dooge se njétɔgmong-ge ke keñ danran't dɔ geri kumkunju le Nube ke se ri'n-ri'n nga.

¹¹Se go nyan ke kété mari sár ðarinè. Nyan ke Nube oje kété mari ke desèin nga kile ra'n ke nata ðarinè takul Kuwe jéi Jésu-Krist.

¹²Takul kum ke j'umi nan't bɔk se Krist a, takul keñ jéi ke j'undeì dènn't á jè ndii dè jéi pal le kaw'n ngɔr ke ra Nube't se keñnda káng.

¹³Gir'n ke nè á m'deje'n sei le kade adi keñ si tête mann oje dè nyantosowurge ke m'inge tede tà le si nga lé. Nyantosowurge nè nga ei ribar le si.

Krist tár jèi ngain

¹⁴Gir'n ke nè á m'ɔse'n keje'm nang non Bɔ jéi't,

¹⁵ke girkà ke rara ke danrán éké ke dè nang nè malang ingei ri de ke gete rann't.

¹⁶M'deje Nube se go nyanbaw le'n ke dum dè loo le kade ule dingem keñ si't kei takul tɔgmong le Ndil'n.

¹⁷M'deje Nube le kade ade Krist urkei dè bengre si't takul keñ si ke undeì dènn't. Man m'deje Nube le kade ade ulei ngire si nang janm-janm dè tár ke Krist tár jèi't nga.

¹⁸Titeke bè á sei se njétaakeñ-Kristge malang a asikum geri là le tár le Krist se ngal'n ke dɔ a, se kur'n ke nang a tɔ.

¹⁹Sei a geri titeke tár ke Krist tár jèi nga, è nyanger ke dum dè nyangerge ke rang malang dè nang nè tede kade i geri gel Nube bere mbak a tɔ.

²⁰Se go tɔgmong le Nube ke ra kule keñ jéi't nga, Nube asekum ra nyan kade al dè nyan malang ke jè deji nin éké ke jè giri keñ jéi't.

²¹Maje kade ribar è le Nube dann njékebe nange't le'n ke umi nan't bɔk se Jésu-Krist dann girkoje dooge't malang sár se non. Maje kade è titeke bè kuwe.

Nje Ke Ephese 4

Njétaakeñ-Kristge ei danra ke karé bere luk-luk

¹Man ke m'tò dangai't tede tà le Kuwe-bee nga, m'ndeje sei kade adi pa njiye si uwe made nan se ðar ke Nube ðar sei nga.

- ²Ulei dè si adi nan a, awi lom-lom dann nan't a, ilei keâm si pon dè nan't a, oréi tà si njak dè nan't se go tár ke Krist tár jèi.
- ³I risi ra si nang se ndoge malang le ngonm kule noje ke Ndil-Keâmnda tɔ'n sei nan't nga. Keâmlom á è kule noje ke Ndil-Keâmnda tɔ'n sei nan't neĵ-neĵ.
- ⁴Sei sei balkum danra ke karé bere luk-luk, Ndil-Keâmnda è karé bere luk-luk a tɔ. Titeke bè á sei géa Nube bar sei le kade ingei nyan kundekeâm tchên dè't ke karé bere luk-luk nga.
- ⁵Kuwe-bee è karé bere luk-luk a, kundekeâm è karé bere luk-luk a, kule doo manné njonm è karé luk-luk a tɔ.
- ⁶Nube karé bere luk-luk á è Bɔ njétaakeâm-Kristge malang, è on bee dè dooge se dè nyange malang se loo malang a, è ndi keâm jéi't malang a tɔ.
- ⁷Nè né è bè géa, jèi karé-karé malang j'ingei nyan-noje karé ke ɔje dè jéi, dè jéi. Krist á è njè kɔje nyan-noje nè nga se go keâm-maje le'n.
- ⁸Gir'n ke nè á Nube tam'n keâm Magtub't le'n ede nè: «Loo ke è in aw dɔ baa, è uwe njé tuwe made dege ber aw se de. E uwe noje se dooge a tɔ.»
- ⁹«E in aw dɔ» nga, ké gir'n è ri wa? Tà nè nga tò ɔje dè kin ke Krist in danrán ree dè nang nè.
- ¹⁰Jésu-Krist nga, kété in danrán á ree nang nè. E è nga kuwe á tel aw seâm danran't dɔ. Jésus an loo malang dè nang nè ɔr njê t m nyan karé bɔyɔ ra'n tàkumn't lé.
- ¹¹E è kuwe á uwe noje se dooge ade njé ke nange ei njékawkulege a, ade njé ke karége ei njéribè-dè-tàge ke tà Nube't a, ade njé ke nange ei njékile mber Tà ke Majege a, ade njé ke karége ke rang ei njékul dooge a, è ade njé ke nange ei njéndó dooge nyan a tɔ.
- ¹²Jésu-Krist ra titeke bè le kade njétaakeâm-Kristge asikum rai kule le de ke ɔje dè de, dè de. Titeke bè á danra Krist à ra'n tɔge ke kété-kété dè kundekeâm't.
- ¹³Njétaakeâm-Kristge nè nga à rai kule le de ke ɔje dè de, dè de kum de ke kété-kété. E á jèi malang j'à teli k'eei danra ke karé bere luk-luk dè kundekeâm't a, se dè ger gel Ngonn le Nube't a tɔ. Jèi malang j'à teli k'eei dooge ke tɔge káng-káng, le maji kɔri njê tite Krist bè tɔ.
- ¹⁴Titeke bè á j'à teli tooi kasi nan se ngannge lé. Tede ngannge nga njé tà ke raikarège se njé libe kum dooge in-in ndói de nyange ke pás-pàs ade ndemi. Ngannge nga tooi asinan se bato ke nel ɔse'n aw se'n yo-yo, nè-nè bè.
- ¹⁵Ké nè á jè tami ngarankum tà a, jè tári nan se keâmnda káng a tɔ baa, j'à rai tɔge ke kété-kété dè kum nan't bɔk se Krist a, dè nyange malang a tɔ. Krist nga è doo dè njékebe nange le Nube.

¹⁶E takul'n è á ngire-rage ke gai-gai ndii tà nan't ndeŷ-ndeŷ a, umi nan't bok adi danra bere mbak uwe'n nan maje seŷ-seŷ takul dè kur-rage. Ke nè á balkum ra karé-karé malang ra kule ke ɔje dè'n-dè'n baa, danra bere mbak à ra tɔge ke kété-kété a, à bisir takul tár nan.

Ndikumgajer ke mari se njè ke kige

¹⁷Man m'ede sei ndàt se ri Kuwe-bee: Maje kade i teli i njiyei tite dooge ke geri Nube lé nga lé ta, tede ei nga njiyei se go tàgir le de ke raikarè.

¹⁸Tà gir le de tel tuge ndul bigm; dé mbate kum se Nube bok ɔje dè ndikumgajer le'n ke è ade dooge. Dé ger nyan lé tede keŷnder urkei dè bengre de't.

¹⁹Dé ger loo kɔr kum nyan ke maje se nyan ke majelé lé. D'ule ra de mbiriri dann nyanra ke yêr't le ra kum de ke kété-kété se ndɔge malang.

²⁰Nè sei ke i geri gel Krist bá nga, dé ndó sei kade i rai titeke bè lé.

²¹Ké nè á ndɔ ke ooi tà le'n kerɔte a, ndɔ ke dé ndó sei nyan se go ngarankumtà ke in ra Jésu't a tɔ baa,

²²inyei go nyanra sige ke mari nga kɔke ta. Nyanra sige ke mari nga uwei ɔri de ra si't tite kubu ra ndis bè. Sei nga kété ngur libe kum dooge ke rusu keŷ si njin-njin tuju sei.

²³Nè adi tàgir le si tel ra'n kige se go Ndil Nube.

Takul ngarankum tà nga adi jè teli ke njé ra nyan se dè najenŷe

²⁴Doo ke kige ke è kum gute tà Nube nga, ulei ra si't. Doo nè nga ngarankum tà tel'n ke njè ra nyan dè dè naje'n a, ke doo ke tò se ninn'n a tɔ.

²⁵Gir'n ke nè á inyei go tà lanm, edi nan ngarankumtà tede jèi balkum danra ke karé bere luk-luk.

²⁶Ke nè á wong ra sei baa, an-in tá nè a kin-in rai majelé. Maje kade ebi't ra wong pa bita adi kàde ur bai.

²⁷Inyei loo adi sú al ndi dè si't lé.

²⁸Doo ke ndɔ ke è njèbog nga, maje kade ebe ra'n boge. Nè è soo't kade ule ra'n ndibe ra kule ke maje se ji'n è kuwe. Titeke bè á à inge'n nyan le kai kade doo karé ke nyan nal'n tɔ.

²⁹Adi tà ke ete-se karé bè tee tà si't lé. Maje kade adi tà ke maje ke à ade kundekeŷ le njé ke rang à ra tɔge ke kété-kété á adi tee tà si't tede kade njé ke ooi ubei maje'n.

³⁰I rai kum Ndil-Keŷnda ndoo lé. Nube ɔr sei unde sei se ninn'n ke kosdooge le'n takul Ndil-Keŷnda. E nyankorji ke Nube uje ra si't le tɔje'n sei titeke à ɔr sei dann kaiyage't le si njing se non ndɔ ke rang.

³¹Maje kade kumkil kororo se ndáng ra se wong se kɔl nan beng-beng se taje ndu se keŋyêr ke rara bere mbak nga, i sanrin de dann si't kɔke.

³²I rai keŋ-maje se nan a, i rai keŋkanm se nan a, adi keŋ si tin mbit dè nan't titeke Nube ade keŋ'n tin'n mbit dè si't takul Krist.

Nje Ke Ephese 5

I njiyei tite ngann lookarge bè

¹Sei sei nganng le Nube. Nube tár sei ngain. Bè baa, i ndaji nyanra'n.

²I njiyei se tár nan titeke Krist tár'n jèi á inye'n ra'n ade Nube tede le jèi è kuwe ke nyan kade noje se nyankuje-mese ke taa kum Nube.

³Maje kade ri tò se nan ke kaiya't se ra mine se nede nyan ke rara géa bar dann si't lé. Nyange nè nga tuwe sei njétaakeŋ-Kristge dèw lé karè.

⁴Maje kade adi tà rasɔl se tà mbe a, se tà kule mbe dè nan't a tɔ, teei tà si't lé. Nyange nè nga tuwe sei dèw lé. Nè è soo't kade tà ra Nube oiyo tá tee tà si't.

⁵Ooi maje: doo karé bè dann njé tò se nan ke kaiya't éké doo ke ra'n mine éké njé nede nyan a ingei nyan-ndube keŋ Konbee't le Krist lé a, keŋ Konbee't le Nube ndan lé a tɔ. Nede nyan nga è mage polé.

⁶Adi doo karé géa sú sei se tàge ke raikarè lé. Wong le Nube oso dè dooge ke mbati kilei koje dènn't.

⁷Umi nan't se dooge dè nyange ke titeke bè nga lé.

⁸Tede kété sei nganng le loondul, nè d'arinè baa sei nganng le lookar takul kum ke umi nan't bɔk se Kuwe-bee nga. Bè baa, i njiyei tite nganng le lookar bè.

⁹Nyanrage le lookar nga á tooi nè: keŋ-maje ke se ri'n ri'n a, nyanra ke se dè naje'n a, se ngarankum tà a tɔ.

¹⁰I teri nyan ke à taa kum Kuwe-bee nga maje an-in.

¹¹Umi nan't bɔk se nganng le loondul dè nyanra de't lé. Nè è soo't kade in-in se de dè't tede kule ra de nga è kule ke maje'n goto.

¹²Nyange ke dooge rai se go ngein nga tò rasɔl m maje kum tam tà'n lé.

¹³Nè loo ke d'ɔrgir nyange ke rai nga baa, tooi nata ndái-ndái dann lookar't.

¹⁴Nyan malang ke loo unju dè't nga tel è lookar tɔ. Gir'n ke nè á dé tam'n d'ede nè: «I ke i tò bi nga, i teen kumi, unde loo i tee dann njé ke koo't baa, Krist à ndoin non-in't.»

¹⁵An-in! go pa njiye si sêw-sêw. I njiyei tite njékumkunjuge m i njiyei asenan se njé keŋ tɔ kuje tà lége bè lé.

16I pabrai loo ke Nube inye ade sei nga par-par tede ndoge ke jè ndii tutu ðarinè nga, ei ndoge ke majelé.

17I ndii sann karè lé, nè i sangi rebe le ger nyan ke Kuwe-bee ndige le kade i rai nga tá.

18Adi yibe ule mbe dè si't lé. Tede yibe aw se doo ke loo nyanra ke pás-pàs't kade tuju. Nè adi Ndil tá taa keñ si pel-pel.

19Ɔsi page ilei ribar dè Kuwe-bee't se ngarankem si bere mbak. Ɔsi page ke Ndil á ule tà si't nga i piti Kuwe-bee tede keñ-maje le'n.

20Nube Bɔ jéi nga, i rai nin oiyo se ndoge malang tede nyange malang se ri Kuwe-bee le jéi Jésu-Krist.

Dinyege se ngaw dege

21Ulei dè si adi nan tede bel ke i beli Ndil Krist nga.

22Dinyege, ulei dè si adi ngaw sige titeke ulei dè si adi Krist nga bè tɔ,

23tede ngaw dinye è doo dè neen'n titeke Krist ee'n doo dè njékebe nange le Nube. E Krist nga, è njékaje njékebenange le Nube ke ei danra'n è kuwe.

24Nè titeke njékebe nange le Nube ulei dè de adi Krist nga, maje kade sei dinyege géa ulei dè si adi ngaw sige gar-gar titeke bè tɔ oje dè nyange malang.

25Ngaw dinyege, i tári neen sige titeke Krist tár'n njékebe nange le Nube á inye ra'n è kuwe ade tede le de nga.

26Krist ndogo mann njékebe nange le Nube tchá-k-tchá. E ɔr se-kaiyage le de se go ngarankum tà le'n, unde de se ninn'n ade ei le Nube kuwe ðarinè.

27E ra titeke bè le kade njékebe nange le Nube ndai tàkumn't dann ndubra't se ra'n ke ndolé kein-kein anje kɔr-bal éké anje kum kule a tɔ. Krist ndige le kade njékebe nange le Nube tooi se ninn de gai, le kade tà karé uwe dè de lé a tɔ.

28Sei ngaw dinyege i tári neen sige titeke i tári danra si sei kuwe bè tɔ. Doo ke tár neen'n baa, tár danra'n è kuwe.

29M-m, doo karé bè ɔr ra'n è kuwe njêt ndan lé. Nè nanan géa ul ra'n maje a, tɔse kum'n dè rann't maje titeke Krist ra'n se njékebe nange le'n bè.

30Jèi jèi balkum ra Kristge.

31Titeke dé ndang'n keñ Magtub't d'ede nè: «Gir'n ke nè á dingem à inye bɔ'n se kon'n le kum nan't bok se neen'n, ei joo mbak à teli k'ei danra ke karé bere luk-luk.»

32Nyan ke tò loo bɔyɔn't nga, è nyan ke bò. Nè man m'tam tà nè nga m'ɔje'n dè Krist se njékebe nange le Nube.

³³Gar-gar nanan géa dann si't à tár neen'n titeke tár'n ra'n bè. Gar-gar, maje kade dinye bel ndil ngaw'n.

Nje Ke Ephese 6

Nganngge se njékoje dege

¹Nganngge, Kuwe-bee ndige kade ilei koje dè njékoje sige't. E ke nè á è nyan ke se go rebe'n.

²«I dɔi bɔi se koin tede kade i ndi'n se ranel dè nang nè ke mari-mari.»

³E ke nè á è ndukunn ke desêin le Nube bita kunn-ndu le'n utu go bai.

⁴Sei bɔ nganngge, an-in kum ngann sige se tà kakak lé, nè wong à ra de. Otoi de i ndói de nyan a, i tɔji de nyan titeke Kuwe-bee ra'n se jéi bè tɔ.

Berge se kuwe dege

⁵Sei berge, ilei koje dè kuwe sige ke ɔje dè danra si. I beli ndil de a, ilei koje dè de't se keɛnda káng titeke ilei koje dè Kuwe-bee't bè tɔ.

⁶I rai tede tàkum de éké le taa'n kum dooge karè lé. Nè i rai kule se keɛnda káng tite berge le Krist ke rai nyan ke keɛ Nube ndige.

⁷I rai kule adi de se keɛnda káng titeke è kule ber le Kuwe-bee á i rai bè, m è kule le dooge karè lé.

⁸Sei geri mbak, ber éké doo ke ndi dè'n pal nga, nanan géa Nube à uge dè ji'n se go kule ra'n ke maje.

⁹Sei kuwe dege géa, i rai se de maje titeke bè tɔ. Ebi ra si dè ra se de majelé. Sei geri mbak titeke kuwe si sei se de nga ndi danrán non. Kuwe si nga è njè ndête kum doo karé bè ndan lé.

Nyankatege le Nube

¹⁰I ndai dingem dè kum nan't bɔk se Kuwe-bee se go tɔgmong le'n m le si lé.

¹¹Otoi nyankatege le Nube bere mbak uwei ji si't tede kade asikum dumi dè gosge le sú, njè keɛ majelé.

¹²M-m, rɔ ke jè rɔi nga, jè rɔi se dooge ke dè nang nè lé, nè jè rɔi se tɔgmong-ge le ndilge ke majelé ke danrán, se njékonbeege, se tɔgmong-ge le njékonbee tilkus't a tɔ.

¹³Gir'n ke nè á, otoi nyankatege le Nube uwei ji si't tede kade ndɔ ke majelé unde loo tee baa utei nin mbeng. Loo ke sei dumi dè ndɔ nè nga bá baa, i ndaii dè nja si't garang-garang.

¹⁴I ndai dè nja si't dɔ njáng i tɔi bede si se ngarankum tà titeke doo tɔ'n bede'n se ndar njanm-njanm; ulei nyanra ke se dè naje'n kàde si't tite kubu rɔ ke nar bè a tɔ.

¹⁵Ilei mber Tà ke Maje se rakólé. Rakólé le si nga tò asenan se gabang't ke doo tule njann't nda'n dɔ dáj bè.

¹⁶Adi kundekem è der le si se ndɔge a, se looge malang tede kade undei tà ndon ningege le njè kem majelé ke on por bilim-bilim nè nga soini i tɔli.

¹⁷Tabai, unni kundekem tchèn dè kaje't ke jɔkɔ kunn banga le si a, unni tà le Nube ke kuye kaskar le Ndil ke ade sei uwei ji si't mong.

¹⁸Ɔji tà se Nube dè nyange ke awi ndoo'n se ndɔ si-ndɔ si a, i kɔi nyange gai-gai takul kum ke umi se Ndil-Keɛnda. I rai bè kum si ke kété-kété m ebi ra si dè't lé. Ɔgi kum si bi ɔji tà se Nube tede njé ke tooi se ninn de malang.

¹⁹Man géa, ɔji tà se Nube ngain tede'm tɔ. I rai titeke bè tede kade Nube ule tà tam't ade m'ile'n mber Tà ke Maje ke tò loo bɔyɔn't nga se keɛnda káng.

²⁰E tede Tà ke Maje á bila m'ndii'n se sulge njam't. Ɔji tà se Nube tede kade m'ile'n mber Tà ke Maje le'n nga se keɛnda káng.

Lapya le Paul ke ngeinn't

²¹Sei géa, ngokon'm Tychique ke è kotár le'm à ede sei tàge malang ke ɔje dè'm kade ooi. E nga è ke maje kule le Kuwe-bee Jésu-Krist.

²²Man m'ule'n ra si't tede kade ede sei tàge ke ɔje dè jé ade bengre si oso'n nang pon.

²³Maje kade Bɔ jéi Nube se Kuwe-bee Jésu-Krist adi sei ngakon jége malang keɛlom. Maje kade rai se si adi tár nan se kundekem le si in-in'n dè made't ke kété-kété.

²⁴Maje kade keɛnoje nain se dooge malang ke tári Kuwe-bee le jéi Jésu-Krist ke njèndi kumgajer sár se non nga.

Nje Ke Philippes

Nje Ke Philippes 1

Lapyà ke Paul ra de

¹Man Paul se Timothée, ber kulege le Jésu-Krist. Jè ndang magtub nè j'ade njé ke tooi se ninn de ke umi nan't bok se Jésu-Krist. Jè ndang magtub nè nga j'ade njékör non dege se njékan dè nyange le njékebe nange le Nube ke ndii keñ bee-bò ke Philippes tɔ.

²Maje kade keñnoje se keñlom ke in ra Bójéi Nube't se ra Kuwe-bee Jésu-Krist nain se si.

Paul ɔje tà se Nube tede le njétaakeñ-Kristge ke keñ bee-bò ke Philippes

³M'ra Nube oiyo dɔ-dɔ loo ke keñ'm olé dè si't.

⁴Se ndɔge-ndɔge loo ke m'ɔje tà se Nube le'm tede le si malang nga, m'ra se ranel kuwe,

⁵tede unn gir keñ ndɔ ke desêin sár tee bila, sei i rai se'm dè kile mber Tà ke Maje't.

⁶Man m'ger è nè mbak: Nube ke unn gir ra kule ke maje keñ si't nga à ra kør son'n njêt sár ndɔ tel ree le Jésu-Krist.

⁷Gir ke m'gir dè si't malang bè nga, è loon't kuwe. M'ndige sei dè bengrem't. Kété ndɔ ke m'nain se si bai nga, m'an-in ngang Tà ke Maje gar-gar m'ade tò loo toon't njáng. Darinè ke m'tò dangai't nè nga géa, sei malang oréi se'm nan dè noje ke Nube uwe sem't nga.

⁸Oiyo, Nube an a, ger a, titeke m'tár sei malang dè bengrem't se keñnda káng titeke Jésu-Krist tár'n jéi bè tɔ.

⁹An-in! nyan ke m'kɔ Nube tede le si á nè: Maje kade tár nan le si in dè made't ke kété-kété a, ade kum si gang dè ngarankum nyanger't a tɔ.

¹⁰Titeke bè á a i geri loo kør kum nyan ke maje dum tede kade ndɔ tel ree le Jésu-Krist baa, sei dooge ke unji nyang-nyang. Doo karé bè géa à kile tà dè si't lé.

¹¹Jésu-Krist à ra se si kade i rai nyange ke se dè naje'n le kade d'ile'n ribar dè Nube't a, dé dɔi'n a tɔ.

Ndikumgajer le jéi è Jésu-Krist

¹²Ngakonmge, m'ndige le kade i geri titeke nyan ke tee dèm't nga ade Tà ke Maje aw kum'n ke kété-kété m nda nang lé.

¹³Njé ke keñ kei le ngar ke bò se dooge ke rang malang nga, doo karé ke nal ger titeke è tede tà le Krist á m'ndii'n se sulge jim't nè nga goto.

- 14** Sulge ke m'ndii'n jim't nga ule dingem kem njetaakem-Kristge ke nange ade ilei mber Tà le Nube se kemnda anje bel nyan karé.
- 15** Kerote kuwe, loo naje'n goto, dooge ke nange dann de't ilei mber Tà le Krist se kemkein a, se ra jang a to. Nè njé ke karége baa ilei mber se tagir ke maje.
- 16** Njé ke ilei mber se tagir ke maje nga, m'ee kotar le de tede geri titeke m'ndi loo ke nè't m'a m'ode nan kan-in ngang Tà ke Maje nga garar-garar bai.
- 17** Njé ke ilei mber le Krist se ra jang nga ilei mber se kemnda kang lé. Ndiim se sulge jim't nè nga, d'an ke nyantosowur lé bai á dé gir le kile made de't kade'm.
- 18** Ké usu'm ri wa? Ke nè á d'ede'n gos éké dé tam'n ngarankum tà géa, dé malang d'ile mber tà le Krist. M'ra ranel de mber't le Krist ke d'ile. M'a m'ra ranel kum'm ke kété-kété bai.
- 19** M'ger titeke nyan nè nga malang à tel gir kaje'm se go tà ke a oji se Nube a, se ra ke Ndil Jésus-Krist à ra se'm a to.
- 20** Se go nyan ke m'ndi m'ngine tchên a, ke m'unde kem'm de't tchên a to nga, nyan karé ke à ile rasol dem't goto. Nè darinè, m'nda kem'm kang se ndoge malang titeke kété, kade né è kaje éké yo géa, danra'm à ile ribar de Krist't.
- 21** Oiyó le'm man baa, ndikumgajer è Krist; yo è nyankinge le'm. Tede ke nè á m'wei baa, m'a m'an kum'n è Krist nga kuwe mbain.
- 22** Nè ke nè á ndii'm kumgajer de nang nè à ade m'a m'ra nyan ke soo't bai baa, m'ger nyan ke kum ra get lé tede kem'm naje nan tà.
- 23** Nyange oji kade'm loo joo, ngur kin kaw ndi se Krist ra'm penn-penn. E á m'an ke nyan ke à too'm soo't ngain.
- 24** Nè nyan ke sei awi ndoo'n ngain darinè baa, è ndii'm kumgajer de nang nè.
- 25** M'ger kem't mbak titeke m'a m'ndi se si, m'a m'ra bee se si malang de nang nè mbor bai, tede le kade awi kum si ke kété-kété a, le kade ingei ranel de kunde kem't le si a to.
- 26** Titeke bè á ndo ke m'a m'tee dangai't le tel kaw ra si't baa, de si à in-in'n tchakm takul kum nan't bok le si se Jésus-Krist nga.
- 27** Nyan karé baa, adi pa njiye si uwe made nan se Tà ke Maje le Krist. Titeke bè á, né m'aw m'an sei, éké m'aw lé géa, m'a m'oo titeke sei umi tagir le si nan't bok a, undei toge si nan't i roi se kem karé. I rai titebè tede kade dooge ke rang undei kem de de Tà ke Maje't nga.
- 28** Inyei loo adi njé bange le si umi bel de si't oje de nyan karé lé. Mbate Tà ke Maje le de nga toje jéi titeke de dooge ke tuju. Nè sei baa, nda njang de nja't le si toje titeke sei ingei kaje ke in ra Nube't nga bá ta.

²⁹Tede Nube uwe se si noje le kade undei keñ si dè Krist't á go karé lé, nè le kade ingei nyankeñkonge tede le Krist.

³⁰I rai rɔ titeke ndɔ ke m'ɔ'n kété made an-in. Rɔ ke m'ndi m'ɔ ke sei ooi ser'n ðarinè nga, m'ebe't lé bai.

Nje Ke Philippes 2

Jésu ɔr ngar dè rann't nè Nube ule ngar dènn't

¹Ke nè á nyan gɔl keñ jéi ke j'umi nan't bɔk se Krist tò a, ke nè á nyan ke ade keñ jéi oso nang pon dè tár nan't tò a, ke nè á kum nan't bɔk se Ndil-Keñnda tò a, ke nè á kan kumndoo le nan tò a, ke nè á ra keñkanm se nan tò dann si't a tɔ baa,

²umi nan't adi dè ranel le'm ɔr'n njê. I tári nan se keñ karé a, umi nan't bɔk adi tàgir le si è karé a tɔ.

³I rai nyan karé bè géa se go jang éké tede ribar ke raikarè nga lé. Nè an-in njé ke rang ke dooge ke bòi dumi sei se go kule dè kade nan le si.

⁴Maje kade doo karé bè dann si't tɔse kum'n dè nyan ke ɔje dè'n è kuwe se kar'n lé, nè maje kade tɔse kum'n dè nyan ke ɔje dè doo madenngé ke rang tɔ.

⁵Adi tàgir ke ndɔ ke tò keñ Jésus-Krist't kété mari nga ur kei keñ si't bila.

⁶Jésu-Krist nga è kum gute tà Nube kété mari ke desèin sàk-sàk. E uwe ra'n gangan ke njè kase nan se Nube lé.

⁷Nè è kuwe ɔr ngar dè rann't, tel ra'n ke ber bè. E tel ra'n asenan se dooge karè bè a, d'an'n ke doo karè bè a tɔ.

⁸Nè è kuwe in se keñ'n ule dè'n ile koje sár aw weii'n kade kage-ke-dese't.

⁹Gir'n ke nè á, Nube unn'n unde'n dɔ ðang ile'n ribar ke dum dè ribarge ke rang malang dènn't.

¹⁰Titeke bè á dooge malang ke danrán se njé ke dè nang nè a, se njé ke gir ngaran nang't a, ɔsi keje de nang non ri Jésus't le ðoi'n.

¹¹Kerɔte kuwe, dooge karé-karé malang à tami ndàt kedi nè Jésus-Krist nga è Kuwe-bee le kilei ribar dè Bɔ'n Nube't.

I ndon-in tite nyan-ndogóge bè dè nang nè

¹²Kotárgé le'm, ilei koje dè Nube't se ndɔge malang titeke ndɔ ke m'ee'n se si. Dariné ke m'goto se si nga, ilei koje dè Nube't adi dum ke kété. I beli Ndil Nube, i rai kule dè kaje't le si se ngonn koje.

¹³Oiyo, è Nube kuwe á ra kule keñ si't ade sei keñndige se tɔge le kade i rai nyan ke maje ke keñ'n ɔje.

¹⁴I rai nyan malang anje murin tà a, anje naje se ra si dè't a tɔ.

¹⁵I rai titeke bè le kade unji nyang-nyang a, d'a kile'n tà dè si't lé a tɔ. Sei a teli k'ei ngann Nube a, tà karé à uwe dè si lé dann girkoje dooge ke ndi dè nang nè nga lé. Dooge ke ndii dè nang nè nga , ei njé ndɔje lɔk-lɔkge se njé ra nyan majelége a tɔ. Sei a ndon-in dann de't asenan se nyan-ndogó bè.

¹⁶Uwei tà ndikumgajer nga gan-gan le kade dè'm in-in'n tchakm ndɔ tel ree le Krist. Titeke bè á ngɔde kan-in le'm se kule ke m'ra m'ɔr yàl-yàl nga à tel k'ee nyan ke kenon-non karé lé.

¹⁷Ké nè á d'ayé kile mese'm nang ke nyankuje-mese dè made't bai tede kundekem le si géa, m'ra ranel se si nan't malang.

¹⁸Sei géa, i rai ranel a, ali ra si se'm nan't a tɔ.

Kule ke Timothée se Epaphrodite rai kem bee ke Philippes

¹⁹M'unde kem'm tchên ke dè Kuwe-bee Jésus't le kule Timothée kalang ra si't le kade ree se tàge ke ɔje dè si ade m'oo. Titeke bè á m'a m'inge'n tɔge'm.

²⁰Kerɔte kuwe, m'inge doo karé bè ke rang ke usu'n éké ke ade kem'n tò kekek dè nyange ke ɔje dè si tite'm man bè goto. Nè Timothée kuwe se kar'n bere.

²¹Dooge malang sangi nyange ke ɔje dè de ei kuwe m sangi nyange ke ɔje dè Jésus-Krist nga lé.

²²Sei geri mbak, Timothée nga è doo ke ndɔ ke dé nan'n dé ger hal'n bá. Titeke ngonn ra'n se bɔ'n bè nga, è ra se'm kule kile mber Tà ke Maje nga nan't.

²³Loo ke ndɔn't m'oo gir nyange ke ɔje dè'm nga njai baa, è è á m'ɔje kem't tchên le kule'n ra si't.

²⁴Man géa, m'unde kem'm tchên ke dè Kuwe-bee't titeke nain ngɔr à ade man kuwe m'a m'aw se ra'm le k'an sei.

²⁵Nè né è bè géa, m'an titeke maje kum tel kule se Epaphrodite ra si't gugu. E njèkawkule le si ke ndɔ ke uleii ram't adi ra se'm dè nyange ke nal'm. Ngokon jéi Epaphrodite nga è njèmade loo kaw le'm se njè made ɔ le'm a tɔ.

²⁶Ngur tel kaw kan sei malang ra'n pênn-pênn. Kem'n tò kekek tede ser ratur le'n ke ndɔ ke ooi.

²⁷Kerɔte kuwe, kété ratur ra'n ngain ade ube tà be tête. Nè Nube an kum ndoo le'n, è á se kar'n lé. Nè an kum ndoo le'm man kuwe tɔ tede le kade nyankemkon ra'm ke nja nan't, nan't lé ta.

²⁸M'a m'tel se Epaphrodite ra si't kalang kade i teli an-in nin baa, i rai ranel. Titeke bè á man géa, kemkon le'm à tel kwei'n pum-pum a tɔ.

²⁹Uwei Epaphrodite ke ra si't tite ngokon si ke njètaakem-Krist bè se ranel ke deri. Dooge ke titeke bè nga, ilei ribar dè de't.

³⁰E tede kule le Krist á ndo ke Epaphrodite ube'n tà be tête'n ile'n ra'n kòke taa'n gute si sei malang loo kule ke sei kuwe asi rai kadi man lé nga.

Nje Ke Philippes 3

Rebe ke kade doo ee'n njè ra nyan se dè naje'n tàkum Nube't

¹Gute tàge ke nain baa, ngakonmge, i rai ranel dè kum nan't le si bok se Kuwe-bee. Tel ndang magtub kade sei oje dè nyange ke kété m'ede sei bá nga, m'a m'or go't lé tede è gir ndi lom le si.

²Undei kum si go bisege't lé a, undei kum si go njékulege ke majelé lé a, undei kum si go njé sule sei kade ujei tà mote sige lé a to.

³Kerote kuwe, è jèi á jèi njékuje tà motege ke get tede jè d'oyi Nube se go Ndil'n. Jè ti ra jé se ri Jésus-Krist m'j'unde ke'm jé dè danra't lé.

⁴Man baa, nyange ke oje dè danra ke kade m'unde ke'm m' dè't tò. Ke nè á doo karé ke rang gir ke'm'n't titeke è asekum kunde ke'm'n dè danrann't baa, man m'dum'n è bai.

⁵D'oje'm m'ra ndo soso baa, d'uje tà mote'm. Man m'ee girkoje Israel ke kon'm béee, man m'ee girkà le Benjamin. Man m'ee Hébreu ke koje kei se go gute-ndu le Pharisien.

⁶Ra'm olé pèl-pèl dè kor njékebe nange le Nube kororoi. Nyanra ke se dè naje'n ke gute-ndu oje nga, doo karé bè asekum kile'n tà dèm't lé sár.

⁷Nè nyange nè ke kété m'an de ke nyankingem nga, darinè m'an dè ke nyange ke tuji tede tà le Krist.

⁸Tabai, man m'an nyange nè malang ke nyange ke tuji tede ger ke m'ger gel Jésus-Krist, Kuwe-bee le'm. Ger gel Jésus-Krist Kuwe-bee le'm nga è nyankingem ke dum dè nyange malang. E tede tà le'n á m'inye'n go nyange malang ke kété m'an de ke nyankingem man kuwe deri nga. M'an nyange malang tooi asinan se nyange ke doo saa um dè birbite't tede kade m'inge'n Krist,

⁹kum'n se'n nan't bok. Dariné, Nube or tà dèm't tede kan ke m'an dè gute-ndu sêw-sêw lé, nè tede kum ke m'um nan't bok se Krist. Nube or tà dè doo't takul kundeke'm dè Krist't.

¹⁰Man m'ndinge ra'm le ger gel Krist, le ger togmong kunde loo tee dann njé ke koo't le'n. M'ndinge ra'm le korè se'n nan dè ke'mkon't le'n a, se le tel tanan se'n dè kwei't le'n a to.

¹¹Titeke bè á, man kuwe géa m'a m'ase'n kunde'n loo tee'n dann njé ke koo't.

Kan-in ngode kum ke kété-kété

¹²Nyan ke m'an-in ngode'n nga, m'uwe se ji'm mêtch lé bai a, m'maje m'or njêl lé bai a tɔ. Nè m'an-in ngode kum'm ke kété-kété le kuwe nyan ke m'an-in ngode'n nga se ji'm mêtch, titeke Jésu-Krist géa uwe'm se ji'n mêtch tɔ.

¹³Ngakonmge, man baa, m'gir titeke m'uwe'n se ji'm mêtch lé bai, nè m'ndi m'ra nyan karé: m'ade ke'm wei nal sêl dè nyange ke m'inye goom't gugu, m'uwe ra'm mong m'tò peke se ngode ɔje dè nyan ke tò nonm't kété.

¹⁴M'an-in ngode m'ɔje'n dè nyankuge dè ji'm. Nube bar'm le kade m'inge nyankuge dè ji'm danrán takul kum ke m'um nan't bok se Jésu-Krist.

¹⁵Jèi malang ke tàgir le jéi bisir baa nga adi tàgir le jéi è karé. Ke nè á tàgir le njé ke nange dann si't tò gai dè nyan karé't bai géa, Nube à ribe dè ke nata kade sei ndɔ ke rang.

¹⁶Nè né è bè géa, adi jè njiyei kum jéi ke kété dè rebe ke jè njiyei tutu sár dariné nga.

¹⁷Ngakonmge, sei malang i ndaji kum'm. Oréi kum si dè njé ke njiyei se go nyan ke ndɔ ke jè tɔje sei nga.

¹⁸Tede doo ke nange bule awi ke njébange le kage-ke-dese le Krist. Titeke dɔ-dɔ m'ede'n sei nga, dariné m'tel m'ede sei se mann non kuwe bai.

¹⁹Dooge nè nga loo tɔl tà'n baa, d'a tuju. Nyankuse ke ke'm de't á d'oré kum de dè't asenan se Nube le de bè a, nyan rasol á d'an ke ribar le de a tɔ. Nyange le nang nè á dé gir dè't se ndɔge malang.

²⁰Nè jéi baa, bee ndi jéi ke get è danrán, loo ke njékaje dooge Kuwe-bee le jéi Jésu-Krist ke jè ndii jèi nginei nin nga, à in tutu le tel ree.

²¹Ra jéi ke dang't ra'n ade uwe ndoo mɔngong nga, Jésu-Krist à tel'n le kade tò tanan se le'n ke ndoin kein-kein. E aw se tɔgmong le dum'n dè nyange malang, ule'n de wɔr-wɔr.

Nje Ke Philippes 4

Tà ndejege ke se ri de, ri de

¹Gir'n ke nè á, ngakonmge ke m'tár sei, ngur tel kan kum si ra'm ngain. Sei sei nyan ranel le'm a, se jɔkɔ kunn banga le'm a tɔ. Kotáрге le'm, i ndai dè nja si't njáng dè kum nan't bok se Kuwe-bee.

²M'ndête Evodie se Syntyche le kade tàgir le de è karé dè kum nan't bok se Kuwe-bee.

³I njémade loo kaw le'm ke get nga géa, man m'deji le kade i ra se Evodie se Syntyche tede ei nga ndɔ ke ilei ra de kɔke se'm nan't loo kile mber Tà ke Maje't. Clément se njémade kulege le'm ke rang ke ri de tò ke'm Magtub ndikumgajer't nga géa Evodie se Syntyche rai se de loo kile mber Tà ke Maje't tɔ.

⁴I rai ranel se ndɔ si-ndɔ si tede k'ee ke sei le Kuwe-bee nga. M'tel m'ede sei, i rai ranel.

⁵Maje kade dooge malang geri sei loo kaw lom-lom le si. Kuwe-bee è ngɔr ta.

⁶Adi keɲ si tò kekek dè nyan karé't lé, nè se ndɔge malang ɔji tà se Nube a, i deji nin nyange ke awi ndoo'n tɔ. I rai nin oiyo dè nyange malang ke i deji nin nga.

⁷Keɲlom le Nube ke dum dè tàgir malang à an-in ngang tàgirge le si ke dè bengre si't sei malang ke umi nan't bɔk se Jésu Krist.

⁸Ngakonmge, gute nyange ke nain á tooi nè: Nyan ke è nyan ke get, éké ribar éké nyan ke se dè naje'n éké nyan ke unju nyang-nyang éké nyan ke taa kum dooge dɛkm éké nyan ke maje dum éké nyan ke kum kinge pite tò tutu baa, uwei keɲ si mong dè't.

⁹Nyan ke ndɔ ke m'ndó sei, nyan ke ndɔ ke ingei ram't a, se nyan ke ndɔ ke ooi tà'n tà'm't éké nyan ke ndɔ ke an-in ram't nga, i rai de se ndɔge malang. Nube ke njè kade dooge keɲlom à nain se si.

Paul ra de oiyo tede nyan-nojege ke d'ule'n d'ade'n.

¹⁰M'ra ranel ngain dè ndikumgajer't le'm se Kuwe-bee. Dariné, tàgir le si ke ɔje dè'm tel ite rang. Sei giri dèm't kété mari kuwe, nè loo tɔje'm titeke i giri dèm't á ingei lé.

¹¹M'tam tà nè bè tede nyan ke nal'm lé, tede m'ndó ger ndi se ranel dè nyan ke tò jim't a, m'ndó ger ndi lom dann nyan ke rara ke tee dèm't a tɔ.

¹²Man m'ger loo ndi dann ndoo't a, loo ndi dann nyanbaw't a tɔ. Se ndɔge malang se loo malang, m'ndó ger ndi dann ndann't se dann bo't, m'ndó ger ndi dann nyankinge't bɔndum éké dann nyan ke nalm't a tɔ.

¹³M'asekum ra nyange nè malang takul Krist tede è ade'm tɔge'm.

¹⁴Nè né è bè géa, sei oréi se'm nan dè nyantosowur't le'm. E maje ke i rai se'm.

¹⁵Sei dooge ke keɲ bee-bò ke Philippes nga, i geri loo kunn gir kile mber Tà ke Maje ke ndɔ ke m'ile nga mbak. Loo ke ndɔ ke m'in beekon ke Macédoine m'ree nga, sei kuwe karé á dann njékebe nange't le Nube á ndɔ ke i rai se'm dè nyange ke nal'm.

¹⁶Loo ke ndɔ ke m'nain keɲ bee ke Thessalonique bai nga, sei ulei se nyan nja karé éké nja joo i rai se'm dè nyan ke m'aw ndoo'n.

¹⁷E nyankunde nja á m'sang ra si't lé, nè le kade kann si in dè made't ke kété-kété ade sei.

¹⁸Nyan malang ke ndɔ ke ulei nga m'inge ade ase'm nák-nák. Dariné m'inge nyan malang ke m'aw ndoo'n tede Epaphrodite ree se nyan-nojege le si ke ulei ade'm.

E nyan-noje ke ete sununu asenan se nyankuje-mese ke ujei adi Nube a, taa kum'n a tɔ.

¹⁹Nè Nube le'm à ade sei nyange malang ke awi ndoo'n kade dann nan ra si't pe^pe^ se go nyanbaw le'n ke à kile ra'n ke nata gir Jésu-Krist't.

²⁰Maje kade ribar è le Bɔ jéi Nube sár se non. Maje kade è titeke bè kuwe.

Lapya ke ngeinn't

²¹Njé ke tooi se ninn de malang ke umi nan't bɔk se Jésu-Krist nga, i rai de lapyá. Njétaakem-Kristge ke ei se'm nga rai sei lapyá tɔ.

²²Ngakonmge ke dé ndi se'm nan't nga, dé ra sei lapyá. Njé ke tooi se ninn de malang rai sei lapyá, njé ke kem kei le César, ngar ke bɔ kuwe mbain géa rai sei lapyá tɔ.

²³Maje kade kemnoje le Kuwe-bee Jésu-Krist nain se ndil si.

Nje Ke Colosses

Nje Ke Colosses 1

Paul or gir ra'n

¹Man Paul m'ee njèkawkule le Jésus-Krist se go keîndige le Nube. Man se ngokon jéi Timothée,

²Jè ndang magtub nè j'ade sei ngakon jé ke njétaakeîm-Kristge ke tooi se ninn de ke i ndii keîm bee-bò ke Colosses. Maje kade keîm-maje se keîmlom ke in ra Bò jéi Nube't nain se si.

Paul ra Nube oiyo tede le njé ke Colosses

³Jè ra Nube ke Bò Kuwe-bee le jéi Jésus-Krist oiyo se ndoge malang loo ke j'à j'oje'n se'n tà tede le si.

⁴J'oo ser kundekèîm dè Jésus-Krist't le si se ser tár ke sei tári dooge malang ke ei le Nube nga.

⁵Sei undei keîm si tchên dè nyan ke Nube uwe nja tede le si keîm beekon ke danrán. Mber ngarankum Tà ke Maje ke ndo ke d'ile d'ade sei nga á è gir kundekèîm tchên le si kuwe.

⁶Loo malang ke Tà ke Maje nè aw tee tutu nga, ule ngire'n nang a, ann ke kété-kété a tó. Sei géa, è titeke bè dann si't, unn gir keîm ndo ke sei ooi a, i geri keîm-maje le Nube se go ngarankum tà a tó.

⁷Epaphras ber kule le Jésus-Krist made jé ke jè tár'n ngain ndó sei Tà ke Maje nè nga kété bá. E ngonn njèkule le Krist ke get tede tà le si.

⁸Epaphras ree ede jè tà le tár ke Ndil-Keîmda ade i tári nan ade j'oo.

⁹Gir'n ke nè á jè géa, unn gir keîm ndon't ke tà'n oso'n mbi jé't nga, ndo karé bè géa j'ebe ra jé kóje tà se Nube tede le si lé. Jè deje'n le kade ade kum si gang dè nyan ke keîm'n ndige't a, tabai jè deje'n le kade Ndil-Keîmda ade sei kumkunju se gos ter nyan ke deri taa ra si pel-pel.

¹⁰Titeke bè á pa njiye si à uwe'n made nan se le Kuwe-bee kade i rai nyan ke keîm'n ndige. Sei a i rai nyange ke se ri de-ri de a, ger gel Nube le si à in dè made't ke kété-kété a tó.

¹¹Jè deje Nube kade ule dingem keîm si't se go togmong le ndubra le'n. Titeke bè á sei a koréi tà si njak a, a kilei keîm si pon dè nyange malang ke ra sei nga.

¹²I rai Bò jéi Nube oiyo se ranel. E tel jèi ke dooge ke asi kingei nyan-ndube ke è uwe dè nja unde konn keîm Konbee't le lookar tede njé ke ei lennge.

¹³E uwe jèi wont ji togmong't le tilkus or jèi ree se jéi keîm Konbee't le Ngonn'n ke è kotár le'n.

14Takul ngonn'n nè nga á j'ingei nyan gang dè jéi a, j'ingei kem tin mbit dè kaiyage't le jéi a tɔ.

Krist è Kuwe-bee dè nyange malang

15Krist Ngonn le Nube nga, è kum gute tà bɔ'n Nube ke doo aseku kan'n se kum'n lé. E ndi se Nube kété mari desêin sàk-sàk bita Nube unde nyange malang bai.

16Krist ndi se Nube nan't kété loo kunde gir nyange malang ke danrán éké ke dè nang nè: nyange ke doo ase kan se nyange ke doo aseku kan se kum'n lé, kutungarge, se konbeege se ndukunge le njékonbeege a, se njé togmong-ge. Nube unde de malang se takul Krist a, tede le'n è a tɔ.

17Krist nga ndi tutu kété ke desêin bita nyankundege malang tooi tutu bai. E ngire ndikumgajer le nyan nyankundege malang.

18E doo dè njékebe nange le Nube. Njékebe nange le Nube ei danra'n. Krist è ngire ndikumgajer se non. E doo ke desêin ke unde loo tee dann njé ke koo't tede le dum'n dè nyange malang se loo malang.

19Nube ndige kum nan't bɔk-bɔk se Ngonn'n.

20Takul Krist á nyange malang ke danrán se ke dè nang nè umi nan't se Nube. Nube unde gir kemlom takul mese Ngonn'n Krist ke ndɔ ke tò se ninn'n.

21Sei nga kété mari d'an sei ke mbage a, ke njébangé le Nube se go tàgirge le si a, se go kule ra sige ke majelé nga a tɔ.

22Nè darinè i teli umi nan't bɔk se Nube takul kwei le danra Ngonn'n le kade sei dooge ke i tooi se ninn si tàkumn't anje kade ra si ɔr bál a, nal kade tà karé géa uwe de si a tɔ.

23I bai nja si nang mong dè kundekem dè Nube't anje kage ndêr ke rang dè Tà ke Maje ke ndɔ ke ooi kété nga. Tà ke maje nè nga è nyan kundekem tchên dè't lé jéi. Tà ke Maje nè nga d'ile mber'n d'ade nyankundege malang ke dè nang nè. Man Paul géa m'ee ngonn njékule le Tà ke Maje nè nga kuwe tɔ.

Kule ra Paul tede le njékebe nange le Nube

24Darinè, m'ra ranel dè nyankemkonge ke m'inge tede le si. Titeke bè á m'oré'n se Krist nan dè nyantosowurge ke ndɔ ke ra'n, se ndɔ'm-ndɔ'm tede le danra'n ke è njékebe nange le Nube nga.

25M'tel m'ee ngonn njékule le njékebe nange le Nube nè nga se go kule ke Nube um jim't tede le si: Kɔr son kile mber tà le Nube nga è kule ke deri ke Nube um jim't.

26Tà le Nube nga kété mari è nyan ke tò loo bɔyɔn't tede le dooge ke ndi dè nang nè. Nè darinè Nube ribe dè ade njé ke ei lenge.

²⁷Njé ke ei le Nube ke tooi se ninn de nga, Nube ndige kade kum de gang dè nyanbaw le'n ke maje ngain ke tò loo bɔyɔn't tede le dooge ke ei Juipge lé. Nyanbaw le'n ke maje ngain ke tò loo bɔyɔn't nga, è Krist ke ndi keɛm si't. Takul è kuwe karé luk-luk á ndɔn't a ingei ndubra le Nube.

²⁸E Krist nè nga kuwe á j'ile mber tà le'n j'ade dooge malang. Jè j'ede nanan a, jè ndó nanan a tà le'n se kumkunju ke deri le kade nanan géa ra'n tɔge dè kum nan't bɔk se Krist a tɔ.

²⁹Gir'n ke nè á m'ra'n kule m'ɔr'n yàl-yàl a, m'ɔ'n se go tɔg le Krist ke ra kule ram't ngain.

Nje Ke Colosses 2

¹Man m'ndige kade i geri titeke m'ra ɔ ke bò tede le si sei, tede le njé ke ndii keɛm bee-bò ke Laodicée a, tede le njé ke an-in kum'm nja karé lé bai a tɔ.

²Man m'ndige kade bengre de oso nang pon a, le kade umi nan't bɔk dè tár nan't a tɔ. M'ndige kade kumkunju se gos ter nyan ke deri taa ra si pel-pel. Titeke bè á a i geri nyanbaw le Nube ke tò loo bɔyɔn't nga. Nyanbaw le'n ke tò loo bɔyɔn't nè nga è Krist.

³Krist nga nyanbawge le kumkunju se le gos nyanger ke se ri de-ri de bɔyɔi ra de rann't sɔk-sɔk.

⁴M'tam tàge nè nga titeke bè le kade doo karé bè géa libe kum si se tàge ke nel karé lé.

⁵Kerɔte kuwe, danra'm ndi ebe se si, nè se tàgir le'm baa m'ee se si nan't. M'ra ranel tede nyange ke dann si't aw maje se gonan-gonan a, tede ba ke sei bai nja si nang dè kundekeɛm dè Krist't a tɔ.

I ndai njáng dè kundekeɛm dè Krist't

⁶Titeke sei an-in Jésu-Krist ke Kuwe-bee nga baa, i njiyei se go rebe le'n ke è tɔje sei.

⁷Ulei ngire si nang rann't janm-janm a, i rɔti ndikumgajer le si dènn't a tɔ. I beberei dè kundekeɛm dè Krist't titeke dé ndón sei kété bá. I rai Nube oiyo se ndo si, ndo si.

⁸Undei kumkunju dè ra si't le kade dé sú kum si se tà ndóge ke lanm a, se tà sú ke raikarè se go nyangirkà le dooge ke dè nang nè nga lé a tɔ. Nyan-ndóge nè nga in-in ra Krist't lé, nè in-in ra dooge ke dè nang nè.

⁹Nube urkei keɛm Krist't a, taa ra'n pel-pel a tɔ.

¹⁰Krist è doo dè njékonbeege se njé tɔgmong-ge malang. Takul'n á sei ingei nyan-nojege adi taa'n ra si pel-pel.

- 11**Takul Krist á d'uje'n tà môte si. E ji doo á uje tà môte si nga lé, nè è Krist á goré nyan le danra or ra si't kòke.
- 12**Dé dubu sei se Krist nan't ndo ke d'ule'n sei manné njonm nga. Nè sei undei loo i teei se'n nan't dann njé ke koo't takul ke'm si ke undei dè togmong't le Nube ke njè kade è unde loo tee'n dann njé ke koo't.
- 13**Kété sei weii yo nyanra sige ke go't lé a, se yo tà môte si ke ujei lé nga a to. Nè dariné, Nube ade i teli i ndii kumgajer se Krist. Nube ade ke'm'n tin mbit dè nyanrage malang ke go't lé le jéi.
- 14**Nube tuju magtub gute-ndu ke njè kile tà dè jéi't nga ndát-ndát kòke. Magtub nè ile tà dè jéi't oje dè ndukunngé ke j'asi rai nyan'n toli mbas lé. Magtub ke njè kile tà dè jéi't nga Krist aw se'n ber'n kàde kage-ke-dese't tuju'n kòke.
- 15**Nube or ngar dè njékonbeege se njé togmong-ge a to. E unn banga dè de't tàkum dooge't nata ndái-ndái. E um de nonn't tite dangaike bè loo kunn banga't le Ngonn'n.
- 16**Gir'n ke nè á, maje kade doo karé ile tà dè si't oje dè nyankuse éké nyankain éké dè ra nan't éké oje dè nan ke tee kige éké oje dè ndo taa kebege lé a to.
- 17**Nyange nè malang nga ei til nyange ke ndii à reei. Nè Krist á è ngarankum nyan ke get.
- 18**Adi dooge ke njé doyi dooge ke danrán nanri se si nyan ke a an-in ngode'n nga taai ji si't lé. Dooge nè nga ndigi ndori sei kaw se si kade ilei koje dè dooge ke danrán't. Dooge nè nga inyei ra de nyein dann nyanpindege't le de ti ra de mugug-mugug se ndáng karè se go tàgirge le danra.
- 19**Dé nè nga dé labe ra de parr ra Krist ke è doo dè de nga lé. Nè dè doo á è njè kade danra doo bere mbak nyan ke danra aw ndoo'n. E takul dè doo á ngire-ra doo se dè kur ranngé bere mbak umi nan't bok; è Nube á ade danra doo nè ra toge ke kété-kété.

Kwei se ndikumgajer se Krist nan't

- 20**Ke nè á sei weii se Krist nan't kerote baa, sei ori ra si kòke dann nyan-ndóge't ke oje dè dooge ke dè nang nè bá. Ké bain tabai sei i teli i rai ber le ndukunngé nè nga titeke ndikumgajer le si tò oje dè nang nè bai wa?
- 21**«Unn lé» a, «I nan lé» a, «Ode ra lé» a to: Eige ke nè á ei ndukunngé nè nga.
- 22**Nyange nè nga malang ei nyange ke à tuji ke nè á dé ra se de kule se go rebe'n lé. Nyange nè nga ei ndukunngé se nyan-ndóge ke in ra dooge't karè.
- 23**Doi dooge ke danrán, kòbe ra kage nga, ei nyange ke an de baa, ei tooi asinan se kumkunju kuwe. Nè né è bè géa, ei nyange ke raikarè m asikum suin tà ngur nyan le danra lé sár.

Nje Ke Colosses 3

I sangi nyange ke ɔje beekon ke danrán tá

¹Sei undei loo i teei se Krist dann njé ke koo't bá. Bè baa, i sangi nyange ke do danran, loo ke Krist ndi tutu dè jikon Nube't.

²I giri dè nyange ke do m dè nyange ke dè nang nè nga lé.

³Kerɔte kuwe, sei weii bá, ndikumgajer le si nga ɓɔɔ ra'n sɔk-sɔk ra Nube't takul kum ke umi bok nan't se Krist.

⁴Krist è ndikumgajer le si. Loo ke è à unde loo tee pan baa, sei géa a undei loo teei se'n nan't a, a oréi nan se'm dè ndubra't le'n a ɔ.

Ndikumgajer ke mari se è ke kige

⁵Gir'n ke nè á inyei go tò se nan ke kaiya't se nyan ke mine, se kemkein se ngur nyan ke majelé se nede nyan ke è mage polé nga, adi wei ra si't mbɔɔk-mbɔɔk. Nyange malang nè nga ei le nang nè.

⁶Eige ke nè á ei nyange ke ndɔri wong le Nube ree'n dè njédum nange't.

⁷Sei géa, kété ke i ndii dann kaiyage't nè bai nga, sei njé ra nyange nè nga ɔ.

⁸Nè ɗarinè, inyei go nyange ke nè malang kɔke: wong, se kol nan, se wurkate, se kemkein ke majelé, se taje ndu a, se tà rasɔl ke rara nga a ɔ.

⁹Edi nan tà lanm titeke kété lé ta, tede nyanra sige ke kété mari nga uwei de ɔri de ra si't tite kubu ke ndis bè.

¹⁰Ke nè á awi se kubu ke kige baa, sei i teli doo ke kige. Doo nè tel ra'n kige se ndɔge malang a, tel tanan se njèkunde'n tcha-tcha a ɔ. Titeke bè á sei asikum geri gel Nube njai.

¹¹Darinè tò gai le Juipge se njé ke ei Juip lé goto, tò gai le doo ke njè kuje tà mɔte'n se è ke nal kuje tà mɔte'n goto. Doo ke do éké doo ke raikarè goto ta. Darinè tò gai le ber éké doo ke ndi dè'n pal goto a ɔ. Nè Krist kuwe karé bere á è doo dè dooge malang a, ndi kem de't malang a ɔ.

¹²Nube tár sei ngain. Gir'n ke nè nè á è ɔr'n sei le kade sei dooge le'n ke i tooi se ninn de. Bè baa, an-in kumndoo le nan, i rai kemkanm se nan, ulei dè si adi nan a, awi lom-lom a, ilei kem si pon a ɔ.

¹³Ilei kem si pon dè nan't. Ke nè á doo karé dann si sei't aw se tà ke aseku kade in'n se made'n se tà géa, adi kem si tin mbit dè nan't. Adi kem si tin mbit dè nan't titeke Kuwe-bee ade kem'n tin'n mbit dè si't nga ɔ.

¹⁴I ɔli tà nyange nè malang se tár nan: tede tár nan nga è kule noje ke maje ɔr njèt ke ɔ sei nan't kade sei dooge ke karé bere.

¹⁵Maje kade keɲlom le Krist on bee dè bengre si't. Sei nga, Nube bar sei le kade keɲ si tò lom a, le kade sei danra ke karé bere a tɔ. Adi keɲ si olé dè keɲ-maje't le Nube, i rai nin oiyo se ndɔge malang.

¹⁶Maje kade tà le Krist urkei keɲ si't bàj-bàj a, ade sei kumkunju ke deri tede kade i ndóii nan nyan a, i toji nan nyan a tɔ. Ɔsi page i rai oiyo se ngarankeɲ si bere mbak. Ɔsi page ke Ndil á ule tà si't i piti Nube tede keɲ-maje le'n.

¹⁷Nyan ke rara ke a i rai, né è tà tam si éké nyanra si géa, i rai se ri Kuwe-bee Jésu. I rai Bɔ jéi Nube oiyo se takul'n è Krist.

Kule ra njé ke le Krist

¹⁸Dinyege, ulei dè si adi ngaw sige tede è nyan ke tuwe dinyege ke ei le Kuwe-bee nga dèw.

¹⁹Ngaw dinyege, i tári dinyege le si m adi kum si il kororo dè de't lé.

²⁰Nganngé, ilei koje dè njékoje sige dè nyange't malang. E ke nè á è nyan ke taa kum Kuwe-bee.

²¹Bɔ ganngé, an-in kum ngann sige se tà kakak lé, nè keɲ de à tête mann.

²²Bolègé, ilei koje dè kuwe sige't ke ɔje dè danra si dè nyange't malang. Ilei koje dè de't tàkum de't karé lé a, tede taa'n kum dooge lé a tɔ. I rai se keɲnda káng i beli Ndil Kuwe-bee.

²³Nyan ke rara ke a i rai nga, i rai se ra si bere mbak titeke i rai adi Kuwe-bee nga bè m adi dooge lé.

²⁴Sei geri mbak titeke Kuwe-bee à unde nja si a, a ingei nyan-ndube ke è unde konn tede le njé ke le'n. Kuwe si è Krist, è è á i rai kule adi nin.

²⁵Nanan ke ra nyan ke nal naje'n baa à inge nyan ke ɔje dè nyanra ke se dè naje'n lé le'n è kuwe. Oiyo, ndête kum doo goto ra Nube't.

Nje Ke Colosses 4

¹Sei kuwe-bolége, i rai bolége le si se dè naje'n a, se go rebe'n a tɔ. Adi keɲ si olé titeke sei géa Kuwe si ndi danrán non tɔ.

Paul ndeje njé ke Colosses

²Uwei ra si mong ɔji tà se Nube se ndɔge malang a, i ndii kum dè ra'n oiyo't a tɔ.

³Ɔji tà se Nube tede tà le jé tɔ. Titeke bè á è à ɔr'n tà rebe kade j'ile'n mber tà le'n. I deji nin le kade ɔr tà rebe ade j'ile'n mber tà le Krist ke tò loo bɔyɔn't bai nga. E tede tà le Krist á bila m'ndii'n se sulge jim't.

⁴Ɔji tà se Nube tede kade ade m'ɔrgir tà le Krist nga ndát-ndát se go rebe'n.

⁵I njiyei se kumkunju'n ra njé ke nata't a, i pabri kurloo ke Nube ade sei nga parr-parr a tɔ.

⁶Maje kade tà tam si è ke maje se ndɔge-ndɔge a, kade tà si tee se tà nelge dɔ-dɔ a tɔ. Titeke bè á sei a geri loo kile nanan géa dè tà't se go rebe'n.

Lapya le Paul se njémade kulege le'n

⁷Nyan malang ke ɔje dè'm nga, ngokon'm Tychique ke è kótar le'm à ɔrgir maje kade ooi. Tychique nga è ngarankum njè gete'm a, è njémade kule le'm gir Kuwe-bee't a tɔ.

⁸Gir'n ke nè á m'ule'n ra si't kade ede sei tàge ke ɔje dè jé kade ooi baa, adi bengre si oso'n nang pon.

⁹M'ule njèke'mnda Onésime m'ade aw se Tychique nga nan't. Onésime è ngokom'm ke m'tár'n ngain. E doo ke bee le si nú. Dé joo mbak kuwe d'a d'ɔrgir nyange malang ke ɔje dè jé loo ke nè't kade ooi.

¹⁰Aristarque njémade dangai le'm ei se Marc ngonn le ngokon Barnabas rai sei lapya tɔ. Marc nga ndɔ ke m'ede sei tàge ke ɔje dè'n kété bá. Ke nè á aw tee ra si't baa, uwei nin ke ra si't se maje'n.

¹¹Jésu ke dé bar'n Justus nga géa ra sei lapya tɔ. Dé ke mute nè nga kuwe se kar de á dé Juipge ke njétaake'm-Krist ke dé ra se'm kule ke ɔje dè konbee le Nube. E dé nè á dé njé sɔl ke'm'mge.

¹²Epaphras, doo ke bee le si nú ra sei lapya. E ber kule le Nube ke ndi ra rɔ se ndɔge malang tede le si loo kɔje tà't le'n se Nube. E ra titeke bè kade i ndai dè nja si't njáng a, i maji ɔri njêt a, i geri nyan malang ke ke'm Nube ndige a tɔ.

¹³Man m'ɔrgo tà le'n m'ede sei titeke è ule ra'n ndibe ngain tede le si a, tede le njé ndii ke'm bee-bò ke Laodicée se Hiéropolis a tɔ.

¹⁴Njèkuge-kaje, Luc, kotár le'm ei se Démas rai sei lapya tɔ.

¹⁵I rai lapya njétaake'm-Kristge ke ndii ke'm bee-bò ke Laodicée adi jè. I rai lapya Nympha se njékebe nange le Nube ke kebi nan ke'm kei le'n adi jè tɔ.

¹⁶Loo ke i tutei magtub nè nga dann si't bá baa, ulei adi njé kebe nange le Nube ke ke'm bee-bò ke Laodicée kade tutei tɔ. Sei géa, maje kade i tutei magtub ke in ra njékebe nange't le Nube ke Laodicée nga an-in tɔ.

¹⁷Edi Archippe edi nè: I ndi kum dè kule ke Kuwe-bee um jii't le kade i ra ɔr son'n njêt.

¹⁸An-in! lapya ke man Paul kuwe m'ra sei se ji'm á nè: Adi ke'm si olé dè sulge ke jim't. Maje kade ke'mnoje le Nube nain se si.

1 Nje Ke Thessalonique

1 Nje Ke Thessalonique 1

Paul ra de lapyà

¹Man Paul se Silas se Timothée jè ndang magtub nè j'ade njékebe nange le Bò jéi Nube a, se le Kuwe-bee le jéi Jésus-Krist ke ndii keñ bee-bò ke Thessalonique. Maje kade keñ-maje se keñlom nain se si.

Kobe kundekem le njé ke Thessalonique oso se loo mbit-mbit

²Jè ra Nube oiyo se ndoge malang tede le si. Jè bar ri si se ndo karé-karé loo kaje taje't le jé se Nube.

³Non Bò jéi Nube't nga, keñ jé olé dè kule ke sei rai dè kundekem't le si. Keñ jé olé dè ra si ke ulei ndibe dè tár nan't a to. Non Bò jéi Nube't nga, keñ jé olé dè korè tà njak le si dè kundekem tchèn dè Kuwe-bee le jéi Jésus-Krist nga a to.

⁴Ngakon jége, jè ger titeke Nube tár sei a, to sei le kade sei lenge a to.

⁵Tà ke Maje ke ndo ke j'ile mber'n j'ade sei nga, è se tà ke tà jé't karè lé, nè ndo ke jè ra nyankobege se togmong ke Ndil-Keñda ade jè. Jè nda keñ jé káng titeke Tà ke Maje nè nga è ngarankum tà. Sei geri nyan ke jè ra tede le si, loo ke ndo ke jè nain'n dann si't bai.

⁶Sei i ndaji nyanra jé jè se nyanra Kuwe-bee. Sei taai Tà ke Maje se ranel le Ndil-Keñda dann nyantosowurge gai-gai ke ndo ke ra sei.

⁷Titeke bè á sei teli sei nyan-ndaje kum le njétaakeñ-Kristge malang ke keñ beekonge ke Macédoine se Achaie.

⁸Kerote kuwe, Tà ke Maje le Kuwe-bee in ra si't aw tee keñ beekonge ke Macédoine se Achaie. Tá è è ke nè á karè lé, nè kobe kundekem dè Nube't le si nga oso se loo mbit-mbit ade j'aw ndoo kor ser'n lé ta.

⁹Loo ke ndo ke j'aw béee le si nga, sei uwei jè ke ra si't. Sei turi gide si adi mage polége osi wan i teli ke ra Nube't tede le ra kule kade'n è Nube ke get ke njèndi kumgajer. Nyange nè malang ke ndo ke i rai nga, dooge à odi nan kor ser'n bai.

¹⁰Darinè sei nginei Ngonn le Nube ke à in danran. Ngonn nè nga, è Jésus ke ndo ke Nube ade unde loo tee dann njé ke koo't. Jésus à in danrán tel ree le kor jèi tà wong ke ndi à ree.

1 Nje Ke Thessalonique 2

Kule ke Paul ra keñ bee-bò ke Thessalonique

¹Ngakon jége, sei kuwe i geri mbak titeke kaw ke ndo ke j'aw ra si't nga, tel è nyan ke raikarè lé.

- ²Sei geri titeke ndo ke nyankeṁkon se taje ndu ase jè ná-k-nák keṁ bee-bò ke Philippes. Nè né è bè géa, Nube ade j'oré tà jè njak j'ile'n mber Tà ke Maje le'n j'ade sei dann nyange gai-gai ke rɔi se jé.
- ³Tà ke j'ede dooge jè ndeje'n de nga tò gai. Tà nè nga j'unde gir'n dè tà ke à ur se doo walé lé a, j'unde gir'n dè tàgir ke majelé't lé a, jè sang le libe kum doo karé taa'n nyan le'n ndan lé a tɔ.
- ⁴Nè Nube ter jè njúng bita um kule kile mber Tà ke Maje le'n nga ji jé't bai. Jè j'ile mber Tà ke Maje tede taa'n kum dooge lé, nè le taa'n kum Nube ke njè ter bengre jé.
- ⁵Sei geri titeke ndo karé bè géa, jè tam tà jè libe'n kum doo le taa'n nyan le'n ndan lé a, j'ede gos le taa'n nar le doo le kite'n dènn't lé a tɔ. Nube an mbak.
- ⁶Jè sang ribar ke in ra dooge't lé a, ke in ra si sei't éké ra njé ke rang't nga ndan lé a tɔ.
- ⁷Kerɔte kuwe, j'asekum kunde nyankoto ke wɔi dè si't le kul'n ra jé tede k'ee ke njékawkulege le Krist bè lé. Nè ndo ke jè ndi lom dann si't asenan se kon nganngé ke tɔse kum'n dè ngannenge't maje oto'n de bè.
- ⁸Jè géa, ndo ke jè tɔse kum jé dè si't titeke bè tɔ. Gir'n ke nè á ndo ke j'an è soo't le kade sei Tà ke Maje le Nube á se kar'n lé. Nè jè ndi dè nja jé't le kinye ra jé kuwe kade yo tede le si tede k'ee ke sei kotárgé le jé.
- ⁹Ngakon jége, loo ke ndo ke j'ile mber Tà ke Maje le Nube j'ade sei nga, j'ule ra jé ndibe jè ra kule j'or yàl-yàl ndo a, kada a tɔ. Jè ra titeke bè tede le tel kɔii'n dè doo karé bè dann si't lé. Ké keṁ si olé dè't bila lé sár wa?
- ¹⁰Nyanra jé se pa njiye jé ke ndo ke jè njiye'n dann si't nga tooi se ninn de a, tooi se dè naje'n a tɔ. Doo aseku kile tà dè jé't lé. Sei njétaakeṁ-Kristge an-in a, i geri a tɔ. Nube géa an a, ger a tɔ.
- ¹¹Tabai sei geri mbak titeke jè tɔse kum jé dè si't karé-karé malang titeke bo ngonn ra'n se ngannenge bè.
- ¹²Jè ndeje sei a, j'ule dingem keṁ si't a, le kade pa njiye si ile ribar dè Nube ke njè bar sei kade on-in bee se'n a, ingeii ndubra le'n nga a tɔ.
- ¹³Loo ke ndo ke j'ede sei tà le Nube j'ade ooi nga, sei taai dè bengre si't. Sei taai tà nè nga ke tà ke in tà Nube't kerɔte kuwe m in tà doo't karé lé. Gir'n ke nè á tà nè nga ra'n kule keṁ si sei njétaakeṁ-Kristge. E ke nè á è gir nyan karé ke rang ke ade jè ra'n oiyo se ndo jé-ndo jé nal kebe't.
- ¹⁴Ngakon jége, ndo ke nyankeṁkon ra njékebe nange le Nube ke ndii keṁ beekon ke Judée ke umi nan't bok se Jésu-Krist. Nyankeṁkon ke dooge ke bee le si rai se si nè nga, è gar è ke ndo ke Juipge rai se se de dé njékebe nange le Nube ke ndii keṁ beekon ke Judée nga tɔ.

15E dé Juipge nè nga kuwe á ndo ke dé tol Kuwe-bee Jésu se njéribé-dè-tàge ke tà Nube't. Jè géa, ndo ke d'or jè kororoi to. Dé dooge ke dé taa kum Nube lé a, dé njé kose tà se dooge malang a to.

16D'oge jè loo kile mber le kade dooge ke ei Juipge lé ingei kaje. Dé ra titeke bè d'ile'n kaiyage le de dè made't se ndoge malang. Nè loo tol tà'n baa, wong le Nube oso dè de't bai.

Ngur tel kan njé ke Thessalonique ra Paul pênn-pênn

17Ngakon jége, j'an-in kum nan lé kò'n tò mbor ndên ta. Nè ngarankeâm jéi baa inye nan lé. Ngur tel kaw kan kum si ra jè pênn-pênn.

18Gir'n ke nè á ndo ke jè ndige le tel kaw ra si't. Kerote kuwe, man Paul m'sang rebe'n nja karé éké nja jooge bè. Nè Sú oge jè loo'n bang.

19Loo ke ndon't Kuwe-bee le jéi Jésu à tel ree baa, nyan kundekem tchên se nyan ranel le jé nga ké è sei lé bai wa? Dè jé à in tchakm nonn't tede kem ndon't nè nga sei a i tooi kasinan se joko kunn banga le jé bè.

20Oiyo, sei sei nyan ndubra le jé se nyan ranel le jé kerote kuwe.

1 Nje Ke Thessalonique 3

1Ndi se kar jé kem bee-bò ke Athènes è soo't ngain dum ndi nan't nal koo ká si.

2Gir'n ke nè á jè j'ule'n ngokon jéi Timothée ra si't. Timothée nga è njè njékule le Nube made jé ke ile mber Tà ke Maje le Krist. Jè j'ule'n le kade ule dingem kem si't a, le kade ndeje sei a to, tede kade kundekem dè Nube't le si bebere'n.

3Jè ra titeke bè le kade nyantosowurge ke rai jèi nè nga yei doo karé géa dann si't lé. Sei kuwe i geri mbak titeke nyantosowurge nè nga è nyan ke Nube oje'n dè jéi.

4Loo ke ndo ke jè nain se si bai nga, j'ede sei kété titeke nyantosowurge à rai jéi. A baa, darinè nyange nè nga teei ade an-in se kum si bá.

5Ndi'm bè anje koo ká si nga tur se'm ngain. Gir'n ke nè á m'ule'n Timothée le kade deje ká kundekem le si ade m'oo. Kerote kuwe, m'bel kem't m'ede nè bainléa Sú sú sei ade kule ra ndibe le jé tel è nyan ke raikarè.

6Timothée in ra si sei't tel ree ra jé't ngor nè bai. E tel ree se ser tàge ke maje ke oje dè kundekem le si se tár nan le si ade j'oo. Timothée ede jè titeke kem si olé dè jé't do-do. Tabai, è ede jè titeke ngur tel kan kum jé ra sei pênn-pênn dum le jé jè bai.

7Ngakon jége, ser kundekem dè Nube't le si ke j'oo nga ade kem jé oso nang pon dann nyankumndoo se nyantosowurge malang ke rai jè.

8An! darinè j'aje katch-katch tede j'oo titeke i ndai dè nja si't njáng dè kum nan't bok se Kuwe-bee.

⁹Ranel malang ke j'inge non Nube't le jéi tede tà le si nga, ké j'ayé ra'n oiyo nja kandang kade ase loon't wa?

¹⁰Jè deje Nube ndo a, kada a, le kade inye loo ade jè tel j'an kum si a, le kade jè tɔl tà nyange ke kundekem le si aw ndoo'n nga a tɔ.

¹¹Maje kade Bɔ jéi Nube kuwe a, Kuwe-bee le jéi Jésu a tɔ, ori non jé awi se jé ra si't.

¹²Maje kade Kuwe-bee Nube ade tár nan le si sei se tár ke sei tári dooge malang nga in dè made't ke kété-kété. Maje kade tár nan le si tanan se tár ke jè tár sei bè tɔ.

¹³Maje kade Kuwe-bee Nube ade bengre si bisir. Titeke bè á ndo tel ree le Kuwe-bee le jéi Jésu se njé ke ei lennge malang baa a k'eei dooge ke i tooi se ninn si non Bɔ jéi Nube't. Doo karé à kase kile tà dè si't ndan lé.

1 Nje Ke Thessalonique 4

Pa njiye se nyanrage ke taa kum Nube

¹Ngakon jége, pa njiye ke le taa'n kum Nube nga sei i ndói ra jét bá. Kerote kuwe, sei rai titeke jè ndó'n sei nga bá. Nè né è bè géa, jè deje sei a, jè ndeje sei se ri Kuwe-bee Jésu a tɔ, le kade awi kum si ke kété-kété bai.

²Ndukunngé ke in ra Kuwe-bee Jésu't nga, jè ndó sei j'ade i geri bá.

³Nyan ke taa kum Nube nga è le kade ra si unju nyang-nyang a, le kade ogi ra si dè tò se nan ke kaiya't a tɔ.

⁴Maje kade nanan géa dann si't ger rebe taa neen'n ke kinge'n le ndii'n se ra'n ke unju nyang-nyang se ribar'n a tɔ.

⁵Inyei ra si adi ngur nyange ke majelé titeke njé ke geri Nube lé rai nga lé.

⁶Maje kade njétaakeñ-Krist sang ngomande éké dinye ke rang ra'n majelé se ngokon'n éké kon nann'n lé. Ndo ke j'ede sei tà nè ndàt kété bá, nè jè tel j'ede sei bai tite Kuwe-bee Nube à dalban nyange nè nga malang.

⁷Nube bar jéi le kade jè ndii se ra jéi ke mine tanm-tanm lé, nè le kade jè ndii se ra jéi ke unju nyang-nyang.

⁸Gir'n ke nè á doo ke ute tàge nè nga mbeng baa, è dooge á ute de mbeng lé. Nè è Nube ke njè kade sei Ndil-Kemnda le'n kuwe á ute'n mbeng.

⁹Tà ke oje dè tár nan le si sei ngakon nange éké kon nann nange ke njétaakeñ-Kristge nga, sei baa awi ndoo kade doo ndang magtub'n ade sei lé ta. Nube ndó sei kuwe tà ke oje dè tár nan ade i geri kété bá.

¹⁰E nyan ke sei rai se ngakon sige ke ndii keñ beekon ke Macédoine bere mbak bá. Nè né è bè géa jè j'ule dingem keñ si sei ngakon jége't le kade awi kum si ke kété-kété kuwe bai.

¹¹Uwei ra si mong le ndii lom, i tósi kum si dè nyange ke ɔje dè si, i rai kule se ji si titeke ndɔ ke j'unn'n ndu jé j'ade sei nga.

¹²I rai titeke bè le kade njé ke natage ilei koje dè si't a, le kade sei awi ndoo nyan ji doo karé ke rang't lé a tɔ.

Tà ke ɔje dè ndɔ tel ree le Kuwe-bee

¹³Ngakon jége, tà ke ɔje dè dooge ke weii, jè ndige le kade i geri maje. Titeke bè á a i rai ra si ndoo tite dooge ke rang ke nyan kundekeñ tchên dè't le de goto nga lé.

¹⁴Jésu wei a, è unde loo tee dann njé ke koo't a tɔ. Njé ke undei keñ de dènn't á weii nga, jè j'unde keñ jé tchên titeke Nube à ade undei loo teei dann njé ke koo't le teli ndii kumgajer takul'n.

¹⁵An-in! jè j'ede sei tà nè nga se go tà karé le Kuwe-bee ke ndɔ ke tam: jèi ke j'à ndii kumgajer sár ndɔ tel ree le Kuwe-bee Jésus nga, j'à j'awi kété non njétaakeñ-Kristge ke weii nga lé.

¹⁶Ndukunn à in ra Kuwe-bee't kuwe. Loo ke ndu doo ke bò ke danrán à bar beng a, burunju le Nube à bar a tɔ. E Kuwe-bee kuwe à in danrán se ra'n le tel ree. Ke loon't nè kuwe, njé ke undei keñ de dè Krist't ke weii nga à undei loo teei pa bita.

¹⁷Jéi ke j'à ndii kumgajer dè nang nè sár ndɔ tel ree le Krist nga, d'ade koto jèi kalu-kalu se de nan't kaw se jéi dann bum't dɔ danrán nú le kade j'ɔji non Kuwe-bee. Titeke bè á j'à nain se Kuwe-bee njing.

¹⁸I ndeji nan se tàge nè nga adi keñ si oso'n nang pon.

1 Nje Ke Thessalonique 5

Adi jè ndii dè nja jéi't tchên se ndɔge malang

¹Ngakon jége, tà ke ɔje ndɔ se kàde tel ree le Kuwe-bee nga, sei awi ndoo kade doo ndang magtub'n ade sei lé ta.

²Sei kuwe i geri maje, titeke ndɔ tel ree le Kuwe-bee nga è tite njèbog ke ree jêke^ dann ndɔɔ bè.

³Loo ke dooge à ndii tami kedi nè: «Loo tò lom bai, loo tò maje bai» baa, ke loon't nè kuwe tuju à ube de nang bus. Tuju à ube de nang bus kade loo kan-in à goto tite ndo ke ɔse dinye ke ndann ngonn nang kekel bè.

⁴Nè sei ngakon jége baa, i ndii dann tilkus't á ndɔ nè à ube'n sei nang tite njèbog lé.

- ⁵Tede sei malang nga sei ngann lookarge se ngann dann kàdege. Jèi nga jèi le dann ndɔ lé a, le tilkus lé a tɔ.
- ⁶Bè baa, adi jè tooi bi tite njé ke rang bè lé; nè adi jè ndii dè nja jéi't, adi jè ndii kum jéi karè.
- ⁷Njé ke tooi bi nga, è dann ndɔɔ á tooi bi, njé ke yibe ule mbe dè de't nga, è dann kada ndái-ndái á yibe ule'n mbe dè de't a tɔ.
- ⁸Nè jéi ke jéi ngann dann kàdege nga adi jè ndii kum jéi karè. Adi j'unni kundekem̄ se tár nan ke nyan rɔ le jéi. Adi j'unni kundekem̄ tchên dè kaje't tite jɔkɔ le jéi a tɔ.
- ⁹Ndɔ ke Nube bar jèi le kade wong le'n nain dè jéi't lé, nè le kade j'ingei kaje takul Jésu-Krist.
- ¹⁰Jésu-Krist wei tede jéi, tede kade ke nè á jè ndii kumgajer éké j'weii géa j'umi se'n nan't bɔk.
- ¹¹Gir'n ke nè á maje kade i ndeji nan a, ulei dingem kem̄ nan't a tɔ, titeke i rai kété bá nga.

Ngei tà ndejege se lapyá le Paul

- ¹²Ngakon jége, jè deje sei kuwe bai le kade ilei koje dè njé ke rai kule dann si't. Tede ei nè nga ulei ra de ndibe ɔri non si, ei ndeji sei le kade umi nan't bɔk se Kuwe-bee a tɔ.
- ¹³I dɔyi de ngain a, i tári de a tɔ, tede kule ke ei rai dann si't. I ndii se nan se kem̄lom.
- ¹⁴Ngakon jége, jè ndeje sei le kade in-in se njé ke ndii à rai nyange ke pás-pàs. Ulei dingem kem̄ njé kem̄ tête mannge. I geti njé tɔg gotoge a, ilei kem̄ si pon dè dooge't malang a tɔ.
- ¹⁵Kem̄ si dè ra si't le kade doo karé bè géa tel ra majelé se doo ke rang gute made't lé. Nè ɔri nja nyan ke maje tēnn-tēnn i rai se nan a, i rai se dooge ke rang malang a tɔ.
- ¹⁶I rai ranel se ndɔ si-ndɔ si.
- ¹⁷Ebi't kɔje tà se Nube lé.
- ¹⁸I rai Nube oiyo dè nyange't malang. E á è nyan ke Nube ndige le kade sei ke umi nan't bɔk se Jésu-Krist i rai.
- ¹⁹ɔgi Ndil-Kem̄nda loo ra kule le'n lé.
- ²⁰I nedi tà ndejege le njékɔrgir tàge le Nube lé.
- ²¹I teri nyange malang an-in, i taai è ke maje.

²²Majelé ke rara géa ɔgi ra si dè't kòke.

²³Maje kade Nube ke keɱlom in ra'n è't kuwe tel sei ke dooge le'n ke i tooi se ninn si gai. Maje kade Nube ngonm ra si bere mbak, ngonm ndil si se nganrankum ra si a, ngonm danra ra si a tɔ, le kade tà karé géa uwe dè si ndɔ tel ree't le Kuwe-bee le jéi Jésu-Krist nga lé.

²⁴E ke njè bar sei nga umi keɱ si dènn't. E kuwe à ra nyange malang kɔr son'n kade sei.

²⁵Ngakon jége, ɔji tà se Nube tede le jé tɔ.

²⁶Uwei ngakon jége malang kàde si't seɱ i rai de lapyà adi jè.

²⁷M'ra ndoo ra si't se ri Kuwe-bee: Maje kade i tutei magtub nè nga adi njétaakeɱ-Kristge malang ooi.

²⁸Maje kade keɱ-maje le Kuwe-bee le jéi Jésu-Krist nain se si.

2 Nje Ke Thessalonique

2 Nje Ke Thessalonique 1

Lapya ke Paul ra de

¹Man Paul se Silas se Timothée, jè ndang magtub nè j'ule'n j'ade njékebe nange le Nube Bɔ jéi se le Kuwe-bee le jéi Jésus-Krist ke ndii keñ bee-bò ke Thessalonique.

²Maje kade Bɔ jéi Nube se Kuwe-bee le jéi Jésus-Krist adi sei keñ-maje se keñlom.

Nube oje le gangtà ndɔ tel ree't le Kuwe-bee Jésus

³Ngakon jége, gar-gar jè ra Nube oiyo se ndɔge malang tede si. Ra ke jè ra'n oiyo bè nga, è loon't kuwe tede kundekem dè Nube't le si se tár ke sei malang i tári nan nga in dè made't ke kété-kété.

⁴Dè jé in tchakm tede tà le si dann njékebe nange't le Nube tede koré tà njak dè kundekem le si dann nyankumndooge se nyantosowurge ke rai sei.

⁵Nyankumndooge se nyantosowurge nè nga ei nyan-tɔje titeke ndɔ gangtà't ke se dè naje'n le Nube baa, sei asikum kingei konbee le'n ke kum si ndi à ra'n ndoo.

⁶Nube à ra nyan ke se dè naje'n: njé ra se si nyantosowurge nga, Nube à ra se de nyantosowurge gute made't le si tɔ.

⁷Sei ke dé ra se si nyantosowurge nè nga, ndɔ ke kuwe jéi Jésus à in danrán le kunde loo tee pan se dooge le'n ke njé tɔgmong-ge baa, Nube à ade a i taai kebe se jé nan't tɔ.

⁸Keñ ndɔn't nè nga, kuwe jéi Jésus à ade kure nyanra njé ke geri Nube lé se njé ke ilei koje dè Tà ke Maje't le kuwe jéi Jésus-Krist lé à ɔde kum de.

⁹Dé nè nga, kure nyanra de ke à ɔde kum de nga, è tuju ke se non a, d'a ndi heb tàkum Kuwe-bee ke tɔgmong le'n dum dè loo.

¹⁰Kuwe-bee Jésus à tel ree le kade njé ke le'n ilei ribar dènn't a, le kade njétaakeñnge malang à an-in nin njai-njai keñ ndɔn't nè nga. Sei géa a k'ei dann de't tede umi keñ si dè tà't ke ndɔ ke j'ede sei.

¹¹Gir'n ke nè á j'ɔje'n tà se Nube se ndɔge malang tede si. Jè deje Nube le jéi le kade ade nyanra si uwe made nan se ndikumgajer se non ke è bar sei tede nga. Maje kade ra se si se go tɔgmong le'n ade i rai nyange malang ke maje ke i ndigi rai. Maje kade Nube ade i ndii kum dè ra kule dè kundekem't le si.

¹²Titeke bè á a ilei ribar dè ri Kuwe-bee't le jéi Jésus a, è géa à ile ribar dè si't a tɔ. Nyan nè malang è noje le Nube le jéi se noje le Kuwe-bee Jésus-Krist.

2 Nje Ke Thessalonique 2

Tà ke ɔje dè ndɔ tel ree le kuwe jéi Jésus-Krist

- ¹Tà ke ɔje dè ndɔ tel ree le kuwe jéi Jésus-Krist se tà ke ɔje dè kɔse nja jéi nan rann't nga, ngakon jéje, jè deje sei
- ²le kade in-in kalang adi tàgir le si aw yo-yo nè-nè lé. Adi keŋ bel ke ɔje dè nel tà ke in ra doo karé't éké tà karé bè, éké magtub karé ke d'ede nè in ra jé jè't ade bainléa i giri edi nè ndɔ tel ree le Kuwe-bee nga tee bá ta.
- ³Adi doo karé libe kum si se nel tàge ke titeke bè nga lé. Gar-gar, kété bita kade ndɔ nè tee bai nga, dooge à in-in le rɔi se Nube a, doo njè kɔse tà mbeng ke è ngonn le njè tuju à kundei loo teei pa bita.
- ⁴Ngonn le njè tuju se non à kɔse nang kin, nyange malang dooge dɔyi nin éké nyan malang ke è ngarankum nyan ke dooge ilei koje dè't nga, è à ute mbeng. Tabai è à ndige le kaw sár ndi keŋ kei ke tò se ninn'n le Nube, à ra ra'n ke Nube géé bai a tɔ.
- ⁵Loo ke ndɔ ke m'nain'n ra si't nú bai nga, m'ede sei tà nè nga. Ké keŋ si wei nal dè't ta wa?
- ⁶Darinè, sei geri nyan ke ɔge'n loo tee nga bá. Doo ke tuju se non nè nga à unde loo tee ndɔn't ke kàde'n le'n ase deŋ.
- ⁷Tɔgmong le njèkeŋyêr nè nga unn gir ra kule bá. Tɔgmong nè nga tò loo bɔyɔn't bai. Loo ke njè kile'n kage ðarinè à goto bá baa, è à unde loo le tee ra kule le'n ta.
- ⁸Njèkeŋyêr ke njè kɔse tà mbeng à unde loo tee baa, ke loon't nè kuwe, kundu tà Kuwe-bee Jésus à unde'n tɔl'n soin. Kuwe-bee Jésus à gudu'n ngoin-ngoin ndɔ tel ree't le'n se ra'n ke ndoin kein-kein dann ndubra't.
- ⁹Loo ke ndɔn't njè kɔse tà se Nube nè nga à unde loo tee baa, è à ra kule se tɔgmong le Sú. E aw se tɔgmong ke bò le ra'n nyankɔbege se nyange ke dum kum a se nyan-tɔjege gai-gai le sú'n dooge.
- ¹⁰Njè kɔse tà se Nube nè nga à ra nyange ke majelé ke se ri de-ri de le sú'n kum dooge kade tuji. Dooge ke njè kɔse tà se Nube à tuju de nga, ei dooge ke ndigi taai ngarankum tà ke ayé kaje de nga lé.
- ¹¹Gir'n ke nè á Nube ule'n se tɔgmong ke njè kade dooge ndemi le kade umi keŋ de dè tà lanm't.
- ¹²Dooge malang ke mbati kundei keŋ de dè ngarankum tà't, nè rai ranel dè nyan ke se dè naje'n lé nga, d'a gangtà dè de't kuwe.

Nube tɔr sei kade aji

- ¹³Ngakon jéje, sei kotárgé le Kuwe-bee, jè baa jè ra Nube oiyo se ndɔge malang tede le si. Jè ra'n oiyo tede tɔr ke è tɔr sei kété mari ke desèin tede le kaje si se go

togmong le Ndil-Keında. Ndil-Keında tor sei undei sei se ninn'n gai tede keın si ke undei dè ngarankum tà't nga.

¹⁴Nube bar sei oje dè è ke nè nga se go Tà ke Maje ke ndo ke j'ile mber'n j'ade sei. Sei oréi nan se Kuwe-bee le jéi Jésu-Krist dè ndubra't le'n.

¹⁵Bè baa, ngakon jége, i ndai dè nja si't njáng i ngonmi nyange ke ndo ke jè ndó sei se tà jé éké se magtub nga meĵ-meĵ.

¹⁶Bo jéi Nube tár jéi, è sol keın jéi sár se non ade jèi kundekem tchên ke maje ngain. Jè deje Bo jéi Nube a, jè deje Kuwe-bee le jéi Jésu-Krist a to,

¹⁷le kade soli ngarankem si adi sei tog si tede kade nyanra si se tà tam si è ke maje se ndo-ndo.

2 Nje Ke Thessalonique 3

Oji tà se Nube tede jé

¹Ngakon jége, nyan ke nain baa, oji tà se Nube tede jé le kade tà le Kuwe-bee an-in ngode kum'n ke kété-kété a, le kade unn banga ade d'ile'n ribar denn't titeke ndo ke unn'n banga béee le si nga bè to.

²Oji tà se Nube le kade taa jè ji njé keın to kuju tà lége se keın majelége tede ei nè nga malang undei keın de dè Nube't lé.

³Kuwe-bee è njègel goto: è à ade a i ndai dè nja si't njáng a, à an dè si sêw-sêw le kade njé keın majelé gang kote si't lé.

⁴Kuwe-bee ade j'um keın jé dè si't bok-bok: nyan ke j'unn'n ndu jé j'ade sei tede nga, sei i rai bá a, a i rai kum si ke kété-kété bai a to.

⁵Maje kade Kuwe-bee ade i tári Nube dè bengre si't. Maje kade i ndai njáng dè kum nan't bok se Krist.

Paul in se dooge ke ndigi rai kule lé

⁶Ngakon jége, j'unn ndu jé j'ade sei se ri Kuwe le jéi Jésu-Krist: Utei ra si mbeng ra njètaakeın-Kristge ke rai dabe a, ke mbati kumi keın de dè nyan-ndó ke ndo jè ndó de't nga lé.

⁷Gar-gar, sei baa, i geri gos ndaje kum jé mbak bá ta: kété ke ndo ke jè nain dann si't bai nga, jè njé ra dabege lé.

⁸Doo karé bè géa ndo ke ade jè mapa j'use karé lé. Nè j'ule ra jé ndibe, jè ra kule j'or yàl-yàl ndo a, kada a to. Jè ra titeke bè tede le koi'n dè doo karé dann si't lé.

⁹Kerote kuwe, j'asekum kinge nyankul ra jé ji si't gar-gar. Nè j'inye ra jé j'ade le kade è nyan ndaje kum le si.

¹⁰Tabai, kété ke ndo ke jè nain se si nú nga, j'unn ndu jé j'ade sei j'ede nè: «Ke nè á doo karé ndige ra kule lé baa, maje ebe ra'n kuse nyan to.»

11Tabai, jè j'oo titeke njé ke nange dann si't ei njé ra dabège. Kule ra de ke rang goto, nè ei njé kunde ra de nyan't le dooge ke rang.

12Dé dooge nè nga, jè ndeje de, tabai j'unn ndu jé j'ade de se ri Kuwe-bee Jésus-Krist: maje kade ei kuwe rai kule se tà de ke mundu a, usei nyankinge de ei kuwe a to.

13Sei ngakon jége baa, adi ra si ate sei dè nyanra ke maje't nga lé.

14Ke nè á doo karé ile koje dè tà't le jé ke j'ede sei keñ magtub't nè nga lé baa, undei kum si goon't tenn-tenn, utei ra si mbeng rann't kòke tede kade ra'n sol'n ade ndii'n gugum.

15An-in nin asenan se njèban le si lé, nè i ndangi nin tite ngokon si bè.

Ndutɔr se lapyà

16Maje kade è Kuwe-bee ke njè keñlom kuwe ade sei keñlom se ndoge malang se loo malang. Maje kade Kuwe-bee nain se si malang.

17Man Paul kuwe m'ra sei lapyà se ji'm. E ke nè á è nyan-toje keñ magtub't le'm karé-karé malang ke m'ndang nga.

18Maje kade keñ-maje le Kuwe-bee le jéi Jésus-Krist nain se si malang.

1 Timothee

1 Timothee 1

Paul ɔrgir ra'n

¹Man Paul njèkawkule le Jésus-Krist tede Nube njèkaje jéi se Jésus-Krist nyan kundekeñ tchên dè't le jéi unni ndu de adi man.

²M'ndang magtub nè m'ade Timothée ngonn keñ'm gir kundekeñ't. Maje kade keñ-maje se keñkanm se keñlom ke in ra Bo jéi Nube't se ra Kuwe-bee le jéi Jésus-Krist nain se si.

Kunde kumkunju dè ra't oje dè njé tête tà kunde tà Nube'tge

³Loo ke ndo ke m'in le kaw keñ beekon ke Macédoine nga, m'deji kade i nain keñ bee-bò ke Ephèse. M'inyei keñ bee-bò't nè le kade in se njé ke nange ade ebi ra de dè ndó dooge tàge ke raikarè.

⁴M'adi i ndi keñ bee-bò ke Ephèse le kade in se doo ke nange dè liger dè sú tàge't se dè kɔrgir kàge ke kété-kété anje kunde ngang'n. Kɔrgir kàge ke titeke bè nga oje tà najege m'ade nyan ke Nube oje le kade doo inge se go kundekeñ tee kɔde lé.

⁵Gir ndukunn nè nga è le kɔse gir tár nan se keñnda káng ke in dè tàgir ke maje ke keñ't se dè kundekeñ dè Nube't ke get nal kede gos kade ra tɔge ke kété-kété.

⁶Njé ke nange inyei go nyange nè nga ndemi osoi kɔke se go tà tamge ke raikarè.

⁷Dé ndige le k'ee njéndó dooge gute-ndu Nube, nè dé ger gir tà ke dé tam éké ke dé tam njáng nga lé a tɔ.

⁸Oiyo, jè ger titeke gute-ndu Nube nga è nyan ke maje tede le doo ke an dè sêw-sêw.

⁹Tabai, jè ger titeke gute-ndu Nube nga tò tede le njé ra nyan se dè naje'n lé, nè tò tede le njékaltàge se njé dum nange se njé nede Nubege se njékaiyage se njé kile rasɔl dè Nube't se dè loo le'n ke tò se ninn't. Gute-ndu Nube tò tede le njé tɔl bo dege se kon dege, tò tede le njé tɔl dooge a tɔ.

¹⁰Gute-ndu Nube nga tò tede le njé tò se dinyege ke rang, tò tede le dingemge ke njé tò se dingem made dege, tò tede le njé kige berge se njé lanmge se njé kubu ra dege. Nyange ke rang malang ke uwei made nan se nyan-ndó ke majelé nga, ute de mbeng.

¹¹Nyan-ndó ke maje nga uwe made nan se Tà ke Maje le Nube ke njè ndubra se njè gir ranel a tɔ. Oiyo, Nube ke njè tɔgmong um kule mber Tà ke Maje nè nga jim't kuwe.

Paul ra Nube oiyo tede keñkanm le'n

¹²Kuwe-bee le jéi Jésu-Krist ke ade'm tɔg'm nga, m'ra'n oiyo. M'ra'n oiyo tede è an'm ke doo ke ase kade um ke'm'n dèm't á unde'm dè kule't le'n.

¹³Man nga, kété m'ee njè kile rasɔl dè rinn't a, m'ee njè kɔr'n kororoi se njè taje'n a tɔ. Nè Nube ra se'm ke'mkanm tede nyan ke m'ra kété nga, m'ra dè mbe't nal kundeke'm dè Krist't.

¹⁴Oiyo, Kuwe-bee le jéi ra se'm ke'm-maje ke bò: è ade m'unde ke'm dènn't tede tár ke Jésu-Krist tár'm ade m'um se'n nan't bɔk a tɔ.

¹⁵Tà nè nga è tà kerɔte ke le kade nanan géa taa um ke'm'n dè't bɔk-bɔk: Jésu-Krist ree dè nang nè le kaje njé ra majelége. Man nga kuwe m'ee ke desêin sàk-sàk le njé ra majelége.

¹⁶Nè Nube ra se'm ke'mkanm. Gir'n ke nè á Jésu-Krist tɔje'n ke'mkile le'n ke deri ke nata tede'm man ke njè ra majelé dum njé ra majelége malang. Krist ra se'm titeke bè le kade m'ee nyan-tɔje tede le njé ke ndɔn't à undei ke'm de dè Krist't le kinge'n ndikumgajer se non.

¹⁷Ngar ke njèndi se non, ngar ke njè kwei lé, ngar ke doo asekuum kan'n lé, Nube karé bere luk-luk nga, maje kade ribar se ndubra ei le'n sár se non. Maje kade è titeke bè kuwe.

¹⁸Ngonn'm Timothée, m'unn ndu'm m'adi se go tàge ke tà Nube't ke dé tam d'ɔje'n dèi kété mari nga. Maje kade tàge nè nga adi nin tɔgi kade i ra'n rɔ maje

¹⁹se kundeke'm a, se tàgir ke maje ke ke'mi't a tɔ. Njé ke nange ndɔ ke surei go tàgir ke maje ke ke'm de't inyei adi kundeke'm le de ndui'n mann.

²⁰Hyménée se Alexandre ei dann dooge't nè nga tɔ. M'inye de ji Sú't. Titeke bè à ndɔ ke rang à teli kilei rasɔl dè Nube't gugu lé ta.

1 Timothee 2

Oji tà se Nube tede dooge malang

¹Nyan ke kété non nyange't malang baa, m'ndeje sei le kade i deji nyange Nube oji se'n tà i kati nin kàt-kàt, i rai nin oiyo tede dooge malang a tɔ.

²Oji tà se Nube tede ngar-beege, tede le njé ke tɔge konbee è ji de't tede kade jè ndii jêke^ se ke'mlom dè kile koje dè Nube't. Titeke bè á j'à ra'n nyange gai-gai ke maje.

³E á è nyan ke maje ke taa kum Nube njèkaje jéi⁴ke ndige le kade dooge malang ingei kaje a, le kade kum de gang dè ngarankum tà't maje a tɔ.

⁵Nube è karé bere luk-luk, njè nda dann Nube't se dooge géa è karé bere luk-luk a tɔ. Doo nè nga è Jésu-Krist.

⁶Jésu-Krist inye ra'n è kuwe ade yo uge'n dè dooge malang. E ke nè á è tà ke è orgo kété ke'm ndon't le'n nga.

⁷E tede korgo tà nè á Nube or'm unde'm ke njèkile mber a, ke njèkawkule a to. Man nga Nube or'm unde'm ke njèndó nyan dooge ke ei Juipge lé kade unde ke'm de dènn't a, dè ngarankum tà't a to.

⁸M'lanm lé; è Nube kuwe or'm unde'm ke njèkile mber le'n. Man m'ndige le kade dingemge oyi ji de ke unju nyang-nyang ke danrán oji tà se Nube se loo malang se ke'mnda káng anje ra wong se naje tà.

Nyan ke kum ra le dinye ke njétaake'm-Kristge

⁹Dinyege géa, m'ndige le kade ulei kubu ke karè ke tuwe de dèw se kumkunju'n. Maje kade ebi ra de kuwe dè de se nyange ke mbirin-mbin éké dè tule mede-mbi ke dé ra se nar-or mbi de't. Maje kade ebi ra de dè tule kubuge ke nar de ur kugu-kugu a to.

¹⁰Nè maje kade nyanrage ke maje á ei kubu kule ra't le de. E ke nè á è nyan ke tuwe dinyege ke njétaake'm-Kristge nga dèw.

¹¹Maje kade dinye ndi loo ndó nyan't tà'n mundu se ngonn koje ke deri.

¹²Man m'inye loo m'ade dinye kade ndó nyan dingem éké le kade on dè'n lé a to. Nè maje kade dinye ndi tà'n mundu.

¹³Tede Nube unde Adam kété pa bita unde Eve ute'n go'n bai.

¹⁴E Adam á ade dé sú'n lé, nè è dinye á ade dé sú'n d'ade al'n tà tà Nube't.

¹⁵Nè né è bè géa, d'a d'ade dinye à aje loo koje nganngé't ke nè á è nda njáng dè kundekem se dè tár nan't se dè ra ke unju nyang-nyang a, se dè nal ti ra't a to.

1 Timothee 3

Tà ke oje dè njèkan dè njékebe nange le Nube

¹Tà nè nga è tà kerote kuwe: ke nè á doo karé sang le k'ee njèkan dè njékebe nange le Nube baa, è aw ndoo ngar kule.

²Doo nè nga, gar-gar à è njègel goto, njè dinye karé luk-luk, njè kain yibe kade ule mbe dènn't lé, à è njè kunde kumkunju dè rann't, à è njè kan go ra'n sèw-sèw, à è njè ra mba, a è doo ke ase ndó nyan njé ke rang a to.

³Gar-gar, njèkan dè njékebe nange le Nube à è ber le yibe lé a, è njè beekos lé, nè gar-gar à è njè kaw lom-lom, à è njè kol se doo lé, à è njè ndige nar lé a to.

⁴Njèkan dè njékebe nange le Nube nga gar-gar à è doo ke ger rebe kor non njéke'mkeige le'n ke kinge'n maje, à è njè kan-in ngang ngann'n kade ei njèkile kojege ke deri.

⁵Ke nè á doo ger rebe kɔr non njékẽmkeige le'n ke kinge'n maje lé baa, ké à ger tɔse kum'n dè njékebe nange't le Nube titeke bain wa?

⁶Gar-gar, njèkan dè njékebe nange le Nube nga è njè kundekem̃ ke kige lé, nè bainléa ti ra à libe kum'n le kade Nube gang'n tà dènn't titeke ndɔ ke gang'n tà dè sú't nga.

⁷Gar-gar, njèkan dè njékebe nange le Nube nga, njé ke nata géa à tami tà le'n maje. Titeke bè á à ndii'n dann rasɔl't le kade oso'n kem̃ gum't le sú nga lé.

Njèkan dè nyange le njékebe nange le Nube

⁸Njèkan dè nyange le njékebe nange le Nube nga géa, gar-gar à ei dooge ke ri de bar maje, à ei njé kum tà minye't joo lé, à ei gon kain yibe lé a, à ei njé kain ngɔde go nyankingé ke se dè naje'n lé lé a tɔ.

⁹Nyan-ndó ke ɔje dè kundekem̃ ke tò loo bɔɔɔn't nga, maje kade an-in dè sêw-sêw se tàgir ke unju nyang-nyang ke kem̃ de't.

¹⁰Njèkan dè nyange le njékebe nange le Nube nga géa, è soo't le nan de kan kété pa bita. Ke nè á tà karé uwe dè de lé baa à rai kule kan dè nyange le njékebe nange le Nube.

¹¹Neen dege géa, gar-gar à ei dinyege ke ri de bar maje, à ei njé tam tede dooge lé, à ei njé kain yibe kade ule mbe dè de't lé a tɔ. Gar-gar à ei ke maje-kojege ɔje dè nyange malang.

¹²Gar-gar, njèkan dè nyange le njékebe nange le Nube nga à ei njé dinye karé luk-luk, à ei njé kain ngang ngann dege, à ei njékɔr non njékẽmkeige le de ke kinge de maje a tɔ.

¹³Kerɔte kuwe, njèkan dè nyange le njékebe nange le Nube ke rai kule le de maje baa à ingei ribar a, à ingei loo tam tà se kem̃nda káng ke deri ɔje dè kundekem̃ ke j'awi takul kum ke j'umi nan't bɔk se Jésus-Krist.

Nyan ke bò ke tò loo bɔɔɔn't

¹⁴M'ndang tà nyange nè m'adi tede m'unde kem̃'m tchên le kaw kingei nú ngɔr.

¹⁵Ke nè á m'aw m'ingei kalang lé bai géa, magtub nè kuwe à toji rebe njiye dann njékẽmkeige le Nube. Njékẽmkeige le Nube ke njèndi kumgajer nga ei njékebe nange le'n; ei kage ngaw-dann kei ke gete ngarankum tà.

¹⁶Kerɔte kuwe, nyanger le jéi ke bò ke tò loo bɔɔɔn't ke jè geri se go kundekem̃ le jéi nga á tò nè: Krist unde loo tee pan tel ra'n tite jéi jèi dooge bè, Ndil-Kem̃nda ɔr tà dènn't. Dooge ke danrán an-in nin loo kunde loo tee dann njé ke koo't a, loo kin kaw danrán't a tɔ. D'ile mber tà le'n dann dooge ke ei Juipge lé. Dooge ke dè nang nè undei kem̃ de dènn't a, d'unn'n mbeng d'aw se'n danrán dann ndubra't a tɔ.

1 Timothee 4

Njéndó dooge tà ke raikarè à undei loo teei

¹Ndil-Keñnda tam ndàt ede nè: keñ ndoge ke ngeinn't dooge ke nange à surei kundekem le de kinyei tede le liger go sú't se dè nyan-ndóge le ndilge ke majelé a tɔ.

²Njé ke nange à ei njé tà lanmge se njékede gosge le súi made dege kade ndemi. Njé tà lanmge se njékede gosge nè nga tàgir le de ke keñ de't wei mɔk-mɔk tite dò ke tɔl se nar nyan ke kule poro kade ker mbon bè.

³Dé nè nga d'oge dooge taa nan a, d'ede de le kade ɔgi ra de dè nyankusege ke nange a tɔ. Nè nyankusege nè nga è Nube á unde le kade njétaakeñ-Kristge ke geri ngarankum tà usei rai nin oiyo.

⁴Nyan malang ke Nube unde nga, è nyan ke maje. Nyan karé bè ke doo à kɔr kile kɔke goto; nè è soo't le ra'n oiyo kété bita kuse bai,

⁵tede tà le Nube se kɔje tà se Nube tel nyan malang ke è unde ade unju nyang-nyang bá.

Ngonn njèndi ke maje le Jésus-Krist

⁶I tee se nyange nè i ndó njétaakeñ-Kristge baa a i ngonn njèndi ke maje le Jésus-Krist kuwe. Titeke bè á d'a d'an-in ke doo ul ra'n se tàge ke ɔje dè kundekem dè Nube't. Tabai d'a d'an-in ke doo ke unn go nyan-ndó ke maje nga nè nga tɛr-tɛr.

⁷Nè tàge ke raikarè se sùtàge le kon dinyege ke uwei made nan se kundekem lé nga, ute mbeng. Ule rai bàj dè kile koje dè Nube't.

⁸Ndaje ngire ra è nyan ke maje kuwe, nè maje tede le nyange malang lé. Nè kile koje dè Nube't baa, maje tede nyange malang. Takul kile koje dè Nube't nga, j'inge'n kunn-ndu ke ɔje dè ndikumgajer ðarinè a, keñ ndoge ke à reei bai a tɔ.

⁹Tà nè nga è tà kerɔte ke le kade nanan géa taa um keñ'n dè't bɔk-bɔk.

¹⁰Ke nè á j'ule ra jé ndibe loo kule't a, jè ra rɔ maje a baa, è tede keñ jé ke j'unde tchèn dè Nube't ke njèndi kumgajer. Nube ke njèndi kumgajer nga è njékaje dooge malang, nè njé ke undei keñ de dènn't tá è njékaje de ke get bai.

¹¹E ke nè á è nyange ke kade i ndó de a, unn ndui ade dé ra a tɔ.

Maje kade i nyan-ndaje kum le dooge ke rang

¹²An tá nè kade doo karé bè géa nedi tede k'ee ke i basa. Nè i tel i nyan-ndaje kum le njétaakeñ-Kristge se tà tami, se pa njiyei, se tár lei, se kundekem lei a, se ra kunju nyang-nyang lei a tɔ.

¹³I tɔse kumi dè tute magtub ke tò se ninn'n kade njétaakeñ-Kristge a, i ndeje de a, i ndó de nyan a tɔ. I ra titeke bè sár kade m'ree m'ingei dè't.

¹⁴Nyan-noje ke Ndil-Kemnda uwe'n sei noje nga i tɔse kumi dè't maje. Nyan-noje nè nga ndɔ ke inge se go tà ke in tà Nube't loo ke ndɔ ke ngatɔgege kebi nan ilei ji de dèi't.

¹⁵I tɔse kumi dè nyan nè malang i rise rai nang tà't. Titeke bè á kaw kum ke kété-kété lei à too'n nata ndái-ndái tàkum dooge't malang.

¹⁶An go rai sêw-sêw a, unde kumkunju dè rai't ɔje dè nyan ke i ndi a i ndó dooge. Ke nè á i nda njáng dè nyange't nè baa, i kuwe a aje'n rai a, a aje'n njé ke i ndi a i ndó de nyan nga a tɔ.

1 Timothee 5

Nyange ke kum ra tede le njétaakem-Kristge

¹In se bɔ dingem i ndáng'n bej-bej lé, nè i ndeje'n tite bɔi bè. I ndeje basa titeke i ndeje'n ngakoinge bè.

²I ndeje kon dinyege asenan se koinge bè a, i ndeje dinyege ke nain-in mande bai titeke i ndeje'n kon nannige bè se tàgir ke unju nyang-nyang.

³Ngarankum njékei-kingege nga, ile koje dè de't.

⁴Ke nè á njèkei-kinge karé aw se ngannenge éké ngannkànge ndii tutu bai baa, è tà le de ei kuwe kété le ndó kile koje dè njékeimkeige le de. D'a ra titeke bè tede kɔr'n kure koto ke ndɔ ke njékoje dege éké kà dege otoi de nga. E ke nè á è nyan ke maje tàkum Nube't.

⁵Ngarankum njèkei-kinge ke ndi se kar'n nga, unde kem'n tchên dè Nube't. E liger lagr-lagr dè kɔje se'n tà't a, dè ndête'n bɔk-bɔk kada a, ndɔɔ a tɔ.

⁶Nè njèkei-kinge ke ndi tede ranel le danra nga, né ndi kumgajer bai géa, è nain ke doo ke wei bá ta.

⁷Ede de tà dè nyange't nè nga ndàt-ndàt tede kade doo karé bè ile'n tà dè de't lé.

⁸Ke nè á doo karé tɔse kum'n dè njénojege't le'n éké dè njékeim-keige le'n kuwe mbain sêw-sêw lé baa, è doo ke naje se ra'n dè kundekem't le'n. E tel majelé ngain dum doo ke unde kem'n dè Nube't lé bai.

⁹Njèkei-kinge ke bal'n ase kɔr-mute-mute lé bai nga, è tà le ndang ri'n kem magtub ke ɔje dè njékei-kingege nga lé; ke nè á bal'n ase kɔr-mute-mute géa, gar-gar maje kade ndɔ ke è njè taa ngaw gir karé bere m è njè taa ngaw kage ke kété-kété lé.

¹⁰Gar-gar, njèkei-kinge à è doo ke d'orgo nyanra'n ke maje a, à è njè koto ngannenge maje a, à è njè ra mba a, à è njè togo nja dooge le Nube a, à è njè ra se njé ke ndii dann nyantosowurge't a, à è njè ra kulege ke maje malang se ndɔ'n-ndɔ'n a tɔ.

- 11**Nè njékei-kingege ke nain-in mande bai nga, i ndang ri de go njékei-kingege't lé. Kerote kuwe, loo ke ngur nyange ule por keñ de't baa, ke loon't nè kuwe dé ndige tur gide de kade Krist le tel taa ngaw.
- 12**Loo ke ei rai titeke bè nga, Nube gangtà dè de't tede kinye ke ei inyei go ndukunn le de ke desêin ke unni adi Krist nga.
- 13**Dé njékei-kingege ke titeke bè nga kule ra de ke get goto, nè d'ase loo nák-nák se tà kei, tà kei. E ke nè á se kar lé bai, nè dé njé kɔje tà neng-neng-ge a, se njé kal bal kur dann nyange ke ndête de't lé a tɔ. Tà ke kum tam lé géa, dé tam a tɔ.
- 14**Gir'n ke nè á m'ndige kade njékei-kingege ke nain-in mande bai teli taai ngaw oji nganngé a, an-in go loo ke keñ kei le de sêw-sêw a tɔ. Titeke bè á njèban à inge'n loo kile'n rasɔl dè jéi't lé.
- 15**Kerote, njékei-kingege ke nange tɔi pum go Njè sú dooge't bá ta.
- 16**Ke nè á njètaakeñ-Krist karé ke dinye éké ke dingem aw se njékei-kingege dann njénojege't le'n éké keñ kei le'n baa, maje kade ra se de. Titeke bè á dè njékebe nange le Nube à òlén pèl tede kade rai se ngarankum njékei-kingege.
- 17**Ngatɔgege ke ɔri non njékebe nange le Nube maje nga, è soo't kade d'ile ribar dè de't nja joo. Nè njé ke ulei ra de ndibe dè kule kɔgir tà't éké dè kule ndó dooge nyan't kuwe mbain á ei dooge ke maje kile ribar dè de't nja joo.
- 18**Kerote kuwe, Magtub ke tò se ninn'n tam ede nè: «Dig mang ke ade njiye dè ko't tal njar'n nga, i a kule d'èng tànn't kɔge'n kuse lé.» Magtub le Nube tam bai ede nè: «Njèkule aseku kinge nyan dè ji'n kuwe.»
- 19**Maje kade njékɔrgo tàge joo éké mute tá ilei tà dè ngatɔge't. Ke nè á è bè lé baa, i taa tà nè nga lé bai.
- 20**Njé ke rai majelé kum de ke kété-kété nga, in se de dè't tàkum njékebe nange't le Nube malang tede kade njètaakeñ-Kristge ke rang beli rai kaiya.
- 21**Man m'ndeji tàkum Nube't a, tàkum Jésu-Krist a, se tàkum dooge ke danrán le Nube a tɔ: an dè nyange nè nga sêw-sêw anje ndête éké kɔr kum doo a tɔ.
- 22**In kalang ile ji dè doo't tede kum'n kule kɔr non njékebe nange le Nube jinn't lé. Um nan't se doo ke rang dè majelége't le'n lé. I kuwe an go rai sêw-sêw.
- 23**I nga ratur rai dɔ-dɔ. Ebe rai kain mann ke karé kuwe njing-njing. An-in mann nduu ndêin bè tede keñi ke rai se ndɔ karé-karé nga.
- 24**Kaiya ra dooge ke nange tò nata ndái-ndái kété pa bita dé gangtà dè de't bai. Nè njé ke nange baa, majelége le de tooi sár bita kilei ra de ke nata bai.
- 25**Kule rage ke maje nga géa tooi nata ndái-ndái tɔ. Kule rage ke majelé nga asikum bɔyɔi ra de sár-sár ndan lé a tɔ.

1 Timothee 6

¹Dooge malang ke ndii se kule ber kɔbe de't bai nga, maje kade ilei koje ke deri dè kuwe dege't se kemnda káng. Titeke bè á doo karé bè géa à nede'n ri Nube éké nyan ke jè ndó dooge nga lé a tɔ.

²Berge ke kuwe dege ei njétaakem-Kristge nga, ei à kilei koje dè kuwe dege't nè m ei à kidi de tede k'ei ke ei njétaakem-Kristge bè lé. Nè gar-gar ei à rai kule maje dum ke kété kadi de, tede kuwe dege ke dé ra kule maje d'ade de nè nga ei kotárgé le Nube. I ndó de tà nyange nè a, i ndeje de a tɔ.

Njé tête tà ndó dooge se tà le nyanbawge ke get-get

³Ke nè á doo karé unn tà ke rang ke uwe made nan se ngarankum tàge le Kuwe-bee le jéi Jésu-Krist éké se nyan-ndó ke uwe made nan se kundekem le jéi lé ndó dooge baa,

⁴è doo ke ti ra libe kum'n m è ger nyan karé lé. E doo ke ngur naje tà se kɔl nan ra'n pènn-pènn. Naje tàge ke titeke bè nga oje kɔl nan se kemkein se taje ndu se girtà ke majelé dè nan't

⁵se naje tàge ke nal kunde ngang'n dann dooge ke tàgir le de ndum. Dooge ke tàgir le de majelé nga geri ngarankum tà lé ta. Dé nè nga dé gir titeke kundekem dè Nube't è rebe kinge nyan.

⁶Oiyo, loo ke kem doo ra ranel dè nyan ke tò jinn't ade kem'n oso nang pon baa, kundekem dè Nube't è nyanbaw ke bò tede le'n kerɔte kuwe.

⁷Oiyo, loo ke ndo ke jè reei dè nang nè nga, jè reei se nyan karé bè ji jéi't lé, j'à j'in-in se nyan karé bè ji jéi't dè nang nè le kaw'n lé tɔ.

⁸Ke nè á j'ingei nyankuse a, kubu kule ra jéi't a tɔ baa, è ke nè kuwe ase jéi.

⁹An! dooge ke ndigi teli k'ei bawge nga osoi dann nyan sú't se dann gum't le ngur nyange ke raikarè ke majelé. Ngur nyange nè nga ile dooge tà yo't a, dubu de dann tuju't bondum a tɔ.

¹⁰Mwei-yo-nar è ngire nyange ke majelé malang. Njé ke nange ke an-in ngɔde go nar't nga ndemi osoi kɔke heb dè kundekem't le de, uwei nyantosowurge gai-gai buki dè de ei't kuwe adi wur de ndir'n njàk-njàk.

Tàge ke Paul ndeje'n Timothée

¹¹Nè i doo le Nube nga, ute rai mbeng kɔke dè nyange't nè. I tel ɔr nja nyanra ke se dè naje'n a, ɔr nja kile koje dè Nube't a, ɔr nja kundekem a, ɔr nja tár nan a, ɔr nja koré tà njak a, ɔr nja kaw lom-lom a tɔ têt-têt.

¹²I ra ɔ maje dè kundekem't lei, i keke jii dè ndikumgajer ke se non ke Nube bari tede nga kek-kek. Ndikumgajer ke se non nga, kété i ɔrgo tà'n maje ngain tàkum njékɔrgo tàge't bule.

13M'unn ndu'm m'adi non Nube't ke è ngire ndikumgajer le nyange malang a, se non Jésus-Krist't ke ndo ke orgo tà maje ngain tàkum ngar Ponce Pilate't:

14an dè ndukunngè nè nga sêw-sêw ade nyan karé géa gang koté éké ade tà karé bè géa uwe dè de lé a tɔ. I ra titeke bè sár kade Kuwe-bee le jéi Jésus-Krist unde'n loo tee'n pan.

15Nube á è njè kɔje ndo kade Krist unde'n loo tee'n pan. Nube è ngire ranel. E kuwe karé bere luk-luk á è njè tɔgmong. Nube kuwe karé bere luk-luk á è Ngar dè ngare a, è Kuwe-bee le kuwe-beege a tɔ.

16Nube kuwe se kar'n bere luk-luk á è njè kwei ndan lé. E ndi dann lookar't ke doo karé bè géa ase gang koté lé. Doo ndul karé bè ke ndo ke an Nube goto. Doo ndul karé bè ke bila asekum kan Nube géa goto a tɔ. Maje kade ribar ke à tò sár se non è le'n è kuwe. Maje kade è titeke bè kuwe.

17I ndeje bawge ke ndii dè nang nè d'arinè le kade tii ra de lé a, le kade undei ke'm de tchên dè nyanbaw ke à tò mbɔr lé nga lé a tɔ. I ndeje de le kade undei ke'm de tchên ke dè Nube't. Nube á è njè kade jèi nyange malang kade tooi ra jéi't ndàj-ndàj tede kade jè ndii dann ranel't.

18I ndeje de le kade dé njé ra majege, éké kade dé baw nyanrage ke maje a, le kade d'uwe noje se go dege, non dege. I ndeje de le kade d'in kalang dé kai nyange le de d'ade dooge ke rang se de se ke'mnda káng.

19I ndeje de titeke bè le kade dé kebe nyanbawge d'unde konn loo ke maje't ke ngiring ngiring-ngiring tede kade ndo ke rang d'inge'n ndikumgajer ke get a tɔ.

20Hai! Timothée, an go nyan ke Nube um jii't nga sêw-sêw. Tà najege ke raikarè ke uwe made nan se kundekem lé nga, ute de mbeng. Tà najege le njégos nyangerge ke lanm nga géa, ute de mbeng a tɔ.

21Njé ke nange ke ndigi le teli njé nyangerge ke lanm nè nga ɔsi kundekem le de pat nali. Maje kade kemnoje le Nube nain se si.

2 Timothee

2 Timothee 1

Paul ɔrgir ra'n

¹Man Paul njèkawkule le Jésus-Krist se go keɛndige le Nube. Man nga Nube um kule kile mber tà ke ɔje dè ndikumgajer ke è unn'n ndu'n kété mari nga. Ndikumgajer nè j'ingei takul kum ke j'umi nan't bok se Jésus-Krist.

²M'ndang magtub nè m'ade Timothée ngonn kotár le'm. Maje kade keɛm-maje se keɛkanm a, se keɛlom ke in ra Nube't se ra Kuwe-bee't le jéi Jésus-Krist nain se si.

Paul ra Nube oiyo tede tà le Timothée

³Nube ke m'ndi m'ra kule m'ade'n titeke ndɔ ke kámge rai se go tàgir ke unju nyang-nyang nga, m'ra'n oiyo ngain. M'ebe ra'm dè kɔje tà se Nube tede lei lé. M'ade keɛm olé dèi't ndɔ a, kada a tɔ.

⁴Keɛm olé dè mann non ke ndɔ ke tee kumi't. Gir'n ke nè á ngur tel kaw kan kumi kade dè ranel le'm ɔr'n njê't ra'm pênn-pênn.

⁵Keɛm olé dè ngarankum kundekem dè Nube't lei. Kundekem nè nga urkei keɛm kài Lois kété bita urkei keɛm koin Eunice't bai. M'ger mbak titeke kundekem nè nga urkei keɛm'i't d'arinè tɔ.

⁶Gir'n ke nè á m'olé'n keɛmi le kade i tel ule por gir nyan-noje ke Nube adi loo ke ndɔ ke m'ile'n ji'm dèi't nga.

⁷Ndil-Keɛnda ke Nube ade jèi nga, è tede kade jèi njé belge lé. Nè è Ndil ke ade jèi tɔgmong se tár nan a, se kumkunju a tɔ.

⁸Ade rai soli dè kɔrgo tà le Kuwe-bee le jéi nga lé. Ade rai soli dè'm man't ke m'tò dangai't tede tà le'n nga lé a tɔ. Ule rai se'm nan't bàj dann nyankeɛmkon ke m'ndi tutu tede Tà ke Maje. Dann nyankeɛmkon't nè nga, um keɛmi dè tɔgmong't le Nube.

⁹E Nube kuwe aje jèi a, bar jèi le kade jèi dooge le'n ke tooi se ninn de a tɔ. Bar ke è bar jèi nga è se go kule ra jéige lé, nè è se go nyan le'n ke è kuwe ɔje keɛm'n't kété mari se go keɛm-maje le'n. E noje ke è uwe se jéi karè kété mari bita unde gir nyange takul kum ke j'umi nan't bok se Jésus-Krist.

¹⁰Noje nè nga, d'arinè tò nata ndái-ndái ndɔ ke njèkaje jéi Jésus-Krist ree'n dè nang nè. Jésus-Krist tuju tɔgmong le yo kɔti-kɔti ade loo gang d'eng dè ndikumgajer ke se non se go Tà ke Maje nè nga.

¹¹Man nga Nube ɔr'm unde'm ke paja mber Tà ke Maje nè nga. Nube ɔr'm unde'm ke njèkawkule a, ke njèndó nyan dooge ke ei Juipge lé a tɔ.

¹²E tede è ke nè á m'ndii'n dann ke mkongé't nè nga. Nè m'ade ra'm sol'm lé; m'nda ke m' káng tede m'ger Jésu ke m'unde ke m' denn't nga mbak; m'ger ke m' mbak tite è asekum le ngonm nyan ke um jim't nga sár ndo ke ngeinn't.

¹³Ngarankum tàge ke oo tám't se mbii bá nga, an de ke nyan-tòje; i nda njáng dè kundeke m't se dè tár nan ke j'ingei takul kum ke j'umi nan't bok se Jésu-Krist.

¹⁴Nyan ke maje ke d'um jii't nga, an dè sêw-sêw se go togmong le Ndil-Ke m'nda ke ndi ke m' jéi't.

¹⁵I ger mbak titeke njé ke ndii ke m' beekon ke Asie malang turi gide de adi man. Phygèle se Hermogène ei dann njé tur gide kadi man nga to.

¹⁶Maje kade Kuwe-bee ra ke m'kanm se njé ke ke m' kei le Onésiphore tede do-do è sol ke m' ade ra'n sol'n dè sul ke d'ile jim't nè nga lé.

¹⁷Nè loo ke è ree tee ke m' bee-bò ke Rome baa, ke loon't nè kuwe sang'm par-par inge'm.

¹⁸Maje kade Kuwe-bee Nube ade inge ke m'kanm ra Kuwe-bee Jésu't ke m' ndo ke ngeinn't. Kulege ngain ke è ra ade'm ke m' bee-bò ke Ephèse nga, i baa, i ger maje dum dooge ke rang.

2 Timothee 2

Njèro ke maje le Jésu-Krist

¹Ngonn'm, i baa, uwe rai mong dè ke m'noje ke in ra Jésu-Krist't nga.

²Nyange ke ndo ke i ndó ram't takum njékorgo tàge't bule nga, inye tà'n ji dingemge't ke ei ke maje kojege ke asi ndói dooge ke rang.

³Oré se'm nan dè nyanke mkongé't asenan se njèro ke maje le Jésu-Krist bè.

⁴Njèro ke rara ke aw ke loo ro't nga à ndoje ra'n tede nyange ke rang ke è inye goon't gugu nga lé ta. Titeke bè á à taa'n kum kuwe'n ke njèkan dè njérøge.

⁵Njè kan-in ngode géa è titeke bè to. Ke nè á an-in ngode ndá-loo kan-in ngode't se go gute-ndu sêw lé baa, è asekum kinge joko kunn banga nga ndan lé.

⁶Gar-gar njè ndr ule ra'n ndibe kété pa bita à inge ko bai.

⁷I girtà dè tàge ke mute nè nga maje an. Kuwe-bee à adi gos ger nyan le kade i ger'n gir gute nyange malang ke nain.

⁸Ade ke mi olé dè Jésu-Krist ngonnkà David. Jésu-Krist nga unde loo tee dann njé ke koo't titeke Tà ke Maje ke m'ile mber'n tam'n ndat.

⁹E tede Tà ke Maje nè nga m'inge'n nyanke mkongé sár ade dé to'm se sul tite njè ra majelé bè. Nè né è bè géa, tà le Nube baa dé to'n lé.

10 Gir'n ke nè á m'oré'n tà'm njak dè nyange malang ke tee dèm't tede le njé ke Nube tɔr de. M'ra titeke bè tede kade dé géa d'inge'n kaje le Jésu-Krist a, se ndubra ke se non a tɔ.

11 Tà nè nga è tà kerɔte kuwe: «Ke nè á j'weii se Jésu-Krist nan't baa, j'à teli ndii kumgajer se'n nan't tɔ.

12 Ke nè á jè ndai dè nja jéi't njáng se'n baa, j'à j'on-in bee se'n nan't tɔ. Ke nè á jè naji se ra jéi dènn't baa, è géa à naje se ra'n dè jéi't tɔ.

13 Ke nè á j'ubei go kunn-ndu le jéi j'invei baa, è è njè kinye go kunn-ndu le'n lé. E asekum naje se ra'n dè kunn-ndu't le'n lé sár.»

Njè kule le Nube ke asekum kinge ribar

14 Olé keñ de dè nyange't nè nga a, i ndeje de non Nube't le kade d'inve go naje tà ke raikarè. Tede tà najege ke raikarè nè nga à tuju njé ke ooi tà'n se mbi de.

15 Ute rai kalang le kade Nube an-in ke njèkule ke dé nan'n d'an'n bá ke ra rasɔl lé, nè kai dooge ngarankum tà se go rebe'n.

16 Tà najege ke raikarè ke uwei made nan se kundekem lé nga, ute de mbeng kɔke. Tede njé naje tàge ke raikarè nè nga utei Nube mbeng kum de ke kété-kété.

17 Tà le de dé dooge nè nga tò asenan se dò ngakɔi ke use ke kété-kété bè. Hyménée se Philète ei dann njé naje tàge't nè nga tɔ.

18 Dé nè nga d'ute ngarankum tà mbeng dé tam d'ede nè: «Kunde loo tee dann njé ke koo't le jéi der bá ta.» Titeke bè á dé ndonm'n kundekem dè Nube't le njé ke nange nang ndalang-ndalang.

19 Nè né è bè géa, gir nyange ke Nube kuwe unde nga ngiring nang ngiring-ngiring. Gir nyange ke Nube unde nga, è kuwe ndang tàge nè dè't se ji'n ede nè: «Kuwe-bee ger njé ke ei le'n mbak. Nanan ke ede nè n'ee le Kuwe-bee baa, gar-gar à ute ra'n mbeng kɔke dè nyanra ke se dè naje'n lé.»

20 Keñ kei ke bòi nga, jó ke dé ra se nar-ɔr se nar-nda à tooi keñé se kar de lé. Nè jó kage se jó hanje géa tooi keñé tɔ. Jó nar-ɔr se jó nar-nda nga tooi tede ngar kule, jó kage se jó hanje tooi tede kule ke karè ke se ndɔ karé-karé.

21 Ke nè á doo karé an go ra'n sêw-sêw ɔje dè nyange ke m'tam tà'n nè nga baa, à tò kasenan se jó ra ngar kule ke tò se ninn'n gai ke rara ke kuwe'n uwe dè nja unde konn le ra'n kule ke maje.

22 Ute rai mbeng kɔke dè ngur nyange ke ra basa madige ke rang. I tel ɔr dè nja nyanra ke se dè naje'n, se dè nja kundekem, se dè nja tár nan. ɔr dè nja keñlom se njé ke bari ri Kuwe-bee se ngarankeñ de ke unju nyang-nyang.

23 Tà naje neng-neng ke raikarè nga, ute de mbeng kɔke. I ger mbak titeke tà najege nè nga à oji rɔ nan.

²⁴Gar-gar, ber kule le Kuwe-bee à è njè beekos lé; nè gar-gar à è njè kaw lom-lom ra dooge't malang. Gar-gar à è njè ger gos ndó dooge nyan a, njè koré tà'n njak dè keñ majelé't le njé ke rang a tɔ.

²⁵Gar-gar, ber kule le Kuwe-bee à è njèndó nyan njé naje se'n tàge se ndu noje tede bainléa Nube à ade d'ade tur hal de le ger'n ngarankum tà.

²⁶Titeke bè á, bainléa tàgir ke maje à tel ree dè de't le kade dé pusuru'n ra de d'ɔr'n tu gum't le sú ke njè kuwe de ber kade dé ra'n nyan ke keñ'n ndige.

2 Timothee 3

Ndoge ke ngeinn't

¹Timothée, i ger tà nè maje: Keñ ndoge ke ngeinn't nga loo à tur ngain.

²Dooge à ei njé tɔse kum de dè ra de ei't kuwe a, à ei njé ndige narge a, à ei njé tɔje ra dege a, à ei njé ti ra dege a, à ei njé taje Nubege a, à ei njékaltà tà njé koje dege't a, à ei njé tel ra oiyoge lé a, è k'ei njé kile rasɔl dè loo ke tò se ninn't nga a tɔ.

³Keñ ndoge ke ngeinn't nga, dooge à ei njé wurkatege a, à ei njé ra nyange kum de ke kété-kété a, à ei njé tam tede made dege a, à ei njé ra nyange ke se go rebe'n lé a, à ei tite dan-tonge bè a, à ei njé bange le dooge ke njé ra majege a tɔ.

⁴Keñ ndoge ke ngeinn't nga, dooge à ei njé kunn dè nange a, à ei njé kin kur dè nyange't bigm ra, à ei njé ndige ranel ke ɔje dè de tá ngain dum ndige Nube.

⁵Keñ ndoge ke ngeinn't nga, dooge à rai ra de ke njékile koje dè Nube't, nè à ei njé naje se ra de dè tɔgmong't le Nube. Dooge ke titeke bè nga, ute rai mbeng ra de't kɔke.

⁶Njé ke nange dann de't ei njé toso keñ keige le libe kum dinyege ke njé keñ mɔrége. Dinyege nè nga kaiya taa ra de pel-pel a, ngur nyange gai-gai ndɔri de a tɔ.

⁷Dé dinyege nè nga, dé ndó nyan se ndoge malang nè d'asekum ger ngarankum tà nga lé.

⁸Dooge nè nga utei ngarankum tà mbeng titeke ndɔ ke Jannès se Jambrès utei Moise mbeng nga tɔ. Dé dooge ke tàgir le de majelé a, kundekem le de géa unde balè a tɔ.

⁹D'a d'asekum kaw kum de ke kété-kété lé, tede dooge malang à an-in mbe de titeke ndɔ ke d'an'n mbe Jannès se Jambrès bè tɔ.

Ngei tà ndejege le Paul

¹⁰Nè i baa, i unn go nyan ndó le'm, pa njiye'm, nyan ke m'ɔje le ra, kundekem le'm, kilekem le'm, tár le'm, se koré tà njak le'm nga têt-têt.

¹¹M'oré tà'm njak dann nyantosowurge se nyankeînkonge ke ndɔ ke teei dèm't keîm bee-bò ke Antioche beekon ke Pisidie, se Iconium se Lystre a tɔ. Ké nyantosowurge ke rage á ndɔ ke kété rai man lé wa? Nè ndɔ ke Kuwe-bee ɔr'm dann nyantosowurge't nè nga malang.

¹²Kerɔte kuwe, dooge malang ke umi nan't se Jésus-Krist, ke ndigi kilei koje dè Nube't nga d'a d'ɔr de kororoi.

¹³Nè njé keîm majelége se njé libe kum dooge à awi kum de ke kété-kété dè majelé't. Njé keîm majelége se njé libe kum dooge nè nga à súi dooge le kade ndemi a, ei kuwe géa à ndemi a tɔ.

¹⁴Timothee, i baa, i liger lagr-lagr dè nyange ke ndɔ ke i ndó a, um keîni dè't bɔk-bɔk. Dooge ke ndɔ ke ndói nin nyange nè nga, i ger de mbak.

¹⁵Magtubge ke tooi se ninn de nga, i ger de se ngonni ndêin bè mari. Magtubge nè asikum kadi nin kumkunju kade inge'n kaje takul keîni ke unde dè Jésus-Krist't.

¹⁶Magtub malang ke tò se ninn'n nga, è tà ke in tà Nube't. Maje tede le ndón dooge nyan, le kin'n se de dè tà't, le ndáng'n de, le kile'n de danné a, le tɔje'n de nyanra ke se dè naje'n a tɔ.

¹⁷Titeke bè á doo le Nube à maje'n kɔr'n njêt, à uwe'n dè nja ra'n le ra'n nyange ke maje ke se ri de-ri de malang.

2 Timothee 4

¹M'ndeji non Nube't se non Jésus-Krist ke à tel ree le gangtà dè njé ke ndii kumgajer se njé ke weii. Kerɔte kuwe, Krist à unde loo tee pan le kon bee. Gir'n ke nè á m'ndeji se tà nè:

²Né loo maje éké majelé géa, uwe rai mong ile mber Tà ke Maje. In se de dè majelé't i ndáng de, ule dingem keîm de't, i ndó de nyan se keînkile ke deri.

³Timothee, oo maje, ndɔ ke dooge à taai ngarankum tà ke maje lé à ree non. Se go ngur nyange ke keîm de dé't kuwe, d'ade kebe njéndó de nyange ke dè de't-dè de't le kade ndói de nyange ke mbi de ndon de sɔk-sɔk le koo.

⁴Dooge à unni mbi de dè ngarankum tà't kɔke le teli turi ra de go tà súde ke raikarè.

⁵Nè né è bè géa, i baa, unde kumkunju dè rai't ɔje dè nyange malang. Oré tàì njak dè nyankeînkonge't, i ra kule ra njèkile mber Tà ke Maje. I ra kule lei ɔr son'n njêt a tɔ.

⁶Man baa, d'a d'um mese'm nang lotch kade Nube. M'tò m'asenan se nyan ke d'a d'unn le kuje'n nyan mese bè. Ndɔ kin kaw le'm ase bá ta.

⁷Man nga, m'ra rɔ maje a, m'ɔr son ngɔde le'm a, m'an dè kundekèîm le'm sêw-sêw a tɔ.

⁸Unn gir'n dariné, jɔkɔ kunn banga le nyanra ke se dè naje'n tò ngine'm. Kuwe-bee ke njègangtà se dè naje'n à ade'm ke'm ndɔn't nè nga. Kuwe-bee à ade'm man á se kar'm lé. Nè dooge malang ke undei ke'm de tchên dè ndɔ tel kunde loo tee pan't le'n nga, è à ade jɔkɔ kunn banga nè nga tɔ.

Tàge ke ɔje dè Paul kuwe se ngonn'n Timothée

⁹Ute rai kalang i ree inge'm.

¹⁰Démas sure'm inye'm tede unde nyange ke dè nang nè dann kunn't ngain. E ɔte aw ke'm bee-bò ke Thessalonique. Crescens ɔte aw kum'n ke beekon ke Galatie a, Tite aw ke'm beekon ke Dalmatie a tɔ.

¹¹Luc kuwe se kar'n luk-luk á nain se'm dariné. Loo ke a i ree baa, ade Marc ree sei nan't tede è ra se'm ngain dè kule't.

¹²Tychique baa, m'ule'n ke'm bee-bò ke Ephèse.

¹³Loo ke a i ree baa, unn kubu le'm ke bòi yùl ke m'inye ke'm bee ke Troas kei le Carpus nga jii't i ree'n ade'm. Magtubge ke dé ndang de ke'm ndarge't nga, ade ke'mi wei nal dè't lé. Oto de jii't tɔ.

¹⁴Kɔde Alexandre ra se'm majelé ngain. Kuwe-bee à ade kure nyanra'n à ɔde kum'n bai.

¹⁵I géa, an'n maje tede è ute tàge le jéi mbeng-mbeng kɔke.

¹⁶Tà ke desêin ke ndɔ ke m'ɔr dè ram't loo gangtà't nga, doo karé bè géa nda se'm tutu lé. Dé malang dé sure'm d'inye'm tutu. Maje kade Nube ade tà'n uwe dè de lé.

¹⁷Nè ndɔ ke Kuwe-bee è der-gir'm ade'm tɔg'm. Gir'n ke nè á, ndɔ ke m'ile'n mber Tà ke Maje m'tɔl'n mbas m'ade dooge malang ke ei Juipge lé ooi. E tede è ke nè á ndɔ ke Kuwe-bee ɔr'm tà toboi't.

¹⁸Kuwe-bee à ɔr'm dann nyan ke majelé't malang, è à aje'm le kade m'aw sár ke'm konbee't le'n ke danrán se ra'm ke mong maj-maj. Maje kade ribar è le'n è kuwe sár se non. Maje kade è titeke bè kuwe.

Ngei lapyà le Paul

¹⁹I ra lapyà Priscille se Aquilas se njéke'mkei le Onésiphore ade'm.

²⁰Eraste nain ke'm bee-bò ke Corinthe. Trophime nga ndɔ ke ra'n tur'n ade m'inye'n ke'm bee ke Milet.

²¹Ute rai kalang i ree inge'm pa bita kade nan bar ree bai. Eubulus, Pudens, Linus, Claudia se njétaake'm-Kristge malang rai nin lapyà tɔ.

²²Maje kade Kuwe-bee nain sei. Maje kade ke'mnoje le Nube nain se si tɔ.

Tite

Tite 1

Paul ɔrgir ra'n

¹Man Paul ber le Nube se njèkawkule le Jésus-Krist. Man nga Krist ule'm le kade njé ke Nube tɔr de unde de se ninn de undei keŋ de dènn't. Kule ke Krist ule'm nga, è tede kade njè ke Nube tɔr de geri ngarankum tà ke uwe made nan se kile koje dè Nube't a tɔ.

²Ger ngarankum tà ke uwe made nan se kile koje dè Nube't nga à ade j'à j'undei keŋ jéi tchên dè ndikumgajer se non. Nube è njè tam tà lanm lé. Ndu'n ke unn ɔje'n dè ndikumgajer se non kété mari bita unde nyange bai nga, à tur rang lé.

³Loo ke ndɔ le'n ke è kuwe ɔje nga ase deŋ baa, è ribe dè tà le'n nga ke nata se go Tà ke Maje ke m'ile mber'n. E Nube ke njèkaje jèi kuwe á unn'n ndu'n ade'm kade m'ile'n mber Tà ke Maje nga.

⁴I ngonn'm Tite ke m'oji gir kundekem't le jéi nga, maje kade keŋnoje se keŋlom ke in ra Bɔ jéi Nube't se ra Jésus-Krist ke njèkaje jèi nain sei.

Kule ke Tite ra keŋ dè goré loo ke Crète

⁵Man m'inYEI dè goré loo ke Crète le kade i gɔl nyange ke nain ade aw maje se gonan-gonan. Tabai man m'inYEI le kade i tɔr ngatɔgege se keŋ bee-bòge karé-karé unde de se go ndu'm ke m'unn m'adi.

⁶Ngatɔge ke rara géa, gar-gar à è doo ke tà karé bè uwe dè'n lé a, à è njè dinye karé luk-luk a tɔ. Ngannge le ngatɔge nga, gar-gar à ei njétaakeŋ-Kristge, d'a kile tà nyanra ke pás-pàs dè de't lé a, à ei njékaltàge lé a tɔ.

⁷Njèkan dè njékebe nange le Nube nga, gar-gar à è doo ke tà karé géa uwe dè'n lé tede è njèkan dè nyange le Nube. Gar-gar, doo ke njèkan dè njékebe nange le Nube à è doo ke njè kede yer éké njè ra wong lé, à è njè ra ber le yibe éké njè beekos lé éké à è njè ra ber le nyankinge ke se dè naje'n lé lé.

⁸Nè gar-gar à è njè ra mba a, njè ndige nyan ke maje a, à ndi kum'n karè a, à è njè ra nyan se dè naje'n a, à è doo ke tò se ninn'n a, à è njè kunde kumkunju dè rann't a tɔ.

⁹Njèkan dè njé kebe nange le Nube nga, gar-gar à è doo ke njè nda njáng dè ngarankum tà ke uwe made nan se nyan-ndó ke maje ke ndɔ ke dé ndó'n. Titeke bè á è à kasekum kin'n se njè kɔse tà tànn't mbeng-ge dè tà't a tɔ.

¹⁰Darinè, njékaltàge se njé kɔje tàge ke raikarè se njé libe kum dooge bulei ngain dann Juipge ke njétaakeŋ-Kristge kuwe mbain.

¹¹Dooge nè nga, gar-gar maje kade uwe tà de. Dé njé tête tà tchap-tchap ndó dooge ndonm'n de bere mbak nang ndalang-ndalang tede le kinge'n nyan ke nal naje'n.

¹²Njèribe-dè-tà le de karé ke kinge de kuwe tam ede nè: «Dooge ke ndii keñ bee ke Crète nga, ei njé lanmge se ndoge malang. Ei tooi asinan se dan-tonge ke majelé a, ei doo nyankusege ke njé dabege a tɔ.»

¹³Tà ke njèribe-dè-tà le de tam nè nga è tà kerɔte kuwe. Gir'n ke nè á, in se de i ndáng de le kade d'unju dè kundekeñ't le de.

¹⁴Tabai in se de i ndáng de le kade dé liger dè sú tàge le Juipge éké dè ndukunngé le dooge ke njé tur gide de kade ngarankum tà nga lé.

¹⁵Njé ke unji nyang-nyang nga, nyan malang è ke unju nyang-nyang tede le de. Nè njé ke minei se njé ke unni mbi de dè tà't nga, nyan karé bè ke unju nyang-nyang tede le de goto. Gos nyanger se tàgir ke keñ de't è ke mine tanm-tanm.

¹⁶Dooge nè nga tami edi nè: N'geri Nube, nè nyanra de ɔrgir de titeke dé ger Nube ndan lé. Dooge nè nga ei dooge ke tooi yêr tàkum Nube't. Dé njé dum nange, d'ase ra nyan ke maje karé bè géa lé.

Tite 2

Ngarankum nyan-ndó ke maje

¹Nè né è bè géa, i baa, i ndó de nyan ke uwe made nan se ngarankum nyan-ndó ke maje nè nga.

²Ede bɔ-dingemge le kade yibe ule mbe dè de't lé. Nè maje kade ei dooge ke njé ke rang asikum kilei koje dè de't a, à ei njé kunde kumkunju dè ra de't a tɔ. Maje kade kundekeñ le de è ke maje unju nyang-nyang a, maje kade ei njé tár dooge a, njé korè tà de njakge a tɔ.

³Kon-dinyege géa, maje kade nyanra de uwe made nan se nyanra dinyege ke tooi se ninn de gai. Maje kade ei njé tam tede dooge lé a, njé kinye ra de nyein dann yibe't lé a tɔ. Nè maje kade ei njé ndó made dege rebe nyan ke maje.

⁴Titeke bè á à ndói dinyege ke nain-in mande loo tár ngaw dege se ngann dege.

⁵Maje kade kon-dinyege ndói njé ke nain-in mande loo kunde kumkunju dè ra de't le kade ra de unju nyang-nyang, le kade geri loo kan-in go keñ kei le de, le kade ei dinyege ke maje ke geri rebe kulei dè de kadi ngaw dege. Titeke bè á doo karé bè géa à ile'n rasɔl dè ta't le Nube nga lé.

⁶I ndeje basage le kade undei kumkunju dè ra de't ɔje dè nyan malang.

⁷I géa, maje kade i nyan-tɔje le de se go nyanraige ke maje. I ndó de nyan ke unju nyang-nyang le kade d'ile koje dè't.

⁸I ndó de ngarankum tà ke maje unju nyang-nyang ke doo ase mbate lé. I ra bè le kade ra njé kɔse sei tàge sɔl'n de. Titeke bè á njé kɔse sei tàge à ingei tà ke majelé karé bè ke le kilei dè jéi't lé.

Tà ndejege ke ɔje dè berge

⁹Ede berge le kade ilei koje dè kuwe dege't ɔje dè nyan malang m naji se de tà lé. Titeke bè á à taai kum kuwe dege.

¹⁰I ndeje de le kade ei njé meendé nyange lé, nè le kade se ndɔge malang ei njé ra nyange ke maje tá kuwe dege à taai keɛm de. Ke nè á berge rai titeke bè baa, ei à ilei riɓar dè nyan-ndó't le Nube ke njèkaje jèi.

¹¹Nube njèkaje jèi ade keɛmnoje le'n kile ra'n ke nata tede kade dooge malang ingei kaje.

¹²Keɛmnoje le Nube nè nga ndó jèi loo mbate nyange ke uwe made nan se le Nube lé a, se ngur nyange ke ɔje dè dè nang nè a tɔ. Nè keɛmnoje nè nga ndó jèi rebe kunde kumkunju dè ra't dann dooge ke ndii dè nang nè ɗarinè. Keɛmnoje le Nube nga ndó jèi nyanra ke se dè naje'n ke uwe made nan se kile koje dè Nube't.

¹³Gar-gar, j'à rai titeke bè le nginei ndɔ tel kunde loo tee pan le Kuwe jéi Jésus-Krist. Ndɔ nè nga, j'undei keɛm jéi dè't tchên. Ndɔ nè nga, ndubra le Nube le jéi ke bò, se ndubra le Njèkaje jèi Jésus-Krist à kile ra'n ke nata ndái-ndái.

¹⁴Jésu-Krist inye ra'n ade yo uge'n dè jéi, ɔr'n jèi dann majelé't bere mbak. E ɔr jèi unde jèi se ninn'n le kade jèi kosdooge le'n kuwe deri. Jésus ra titeke bè tede kade jèi kosdooge le'n ke njé ra nyange ke maje se rakɔlé.

¹⁵E ke nè á è tàge ke kum kade i ndeje'n de a, in'n se de i ndáng'n de se tɔgmong ke Nube adi deri dè tàge ke se go rebe'n lé. Tite, an tá nè à kade doo karé nedi.

Tite 3

Kule ra le njétaakeɛm-Kristge

¹Olé keɛm njétaakeɛm-Kristge malang le kade ulei dè de adi njékɔr non dege se njékonbeege nga gar-gar. Olé keɛm de le kade d'ile koje dè de't a, le kade rai nyan ke maje se ndɔ karé-karé malang.

²Olé keɛm de le kade ei njé taje nduge lé a, njé beekosge lé a tɔ. Nè maje kade ei njé tam tà se ndu noje a, ei njé kaw lom-lom ra dooge't malang a tɔ.

³Jè géa, kété jè njé keɛm tɔ kuju tà lége, njé dum nange tà Nube't a, njé ndemge a tɔ. Jè nga kété jè berge le ngur nyange ke gai-gai a, jè njé ra majelége se njé keɛmkeinge a, jè njé kɔr nan njétge a tɔ.

⁴Nè né è bè géa, Nube Njèkaje jèi kile keɛm-maje se tár le'n ke nata tede dooge malang.

⁵Nube aje jèi tede nyanra jé ke se dè naje'n ke ndo ke jè ra nga lé. Nè è aje jè se go kemkanm le'n. E tel jè ke dooge ke koje kige se koje ke Ndil-Kemnda tel oje jè rang.

⁶Ndil-Kemnda nè nga, Nube ade taa kem jéi pel-pel takul Jésus-Krist Njèkaje jèi.

⁷Jésu-Krist or tà dè jéi't se go kemnoje le'n tede kade jè teli jèi njé kinge nyan-ndubege se go kundeke'm tchên dè ndikumgajer se non nga.

⁸Tà nè nga, è tà kerote. Man m'ndige kade oré kage dè tà't nè nga tede kade njé ke undei kem de dè Nube't awi kum de ke kété-kété dè kule rage ke maje't. Tà nè nga è Tà ke Maje ke à ra se dooge malang.

⁹Nè tà najege ke raikarè se tute girkàge se tà tin nan, se tà najege ke oje dè gute-ndu nga, maje kade ute de mbeng. Tede ei nyange ke rai karè ke asikum rai se doo lé.

¹⁰Tà ndóge nè nga, doo ke tór dann ke nange um kòke ade njétaake'm-Kristge tin-in nan nga, ute'n mbeng dann njékebe nange't le Nube. Nè kété bita kade ute'n mbeng baa, maje kade in se'n ase nja karé éké joo pa bita.

¹¹Doo ke titeke bè nga, maje kade i ger titeke ndem rebe ke danné sêw. E ra majelé kum'n ke kété-kété ile'n tà dè ra'n ee't kuwe.

Tà ndejege ke ngeinn't

¹²M'a m'ule Artémas éké Tychique rai't. Loo ke ndon't à awi teei rai't baa, in kalang i ree inge'm kem bee ke Nicopolis. Tede m'oje njáng le kaw kem bar't nè kuwe le ndi Nicopolis nú.

¹³I ra se Apollos se Zénas njèndó dooge gute-ndu dè kaw mba't le de. I tõe kumi dè de't le kade nyan karé nal de lé.

¹⁴Maje kade njétaake'm-Kristge ke béee le jéi jèi géa ndói ra kulege ke maje se ndo karé-karé. D'a ra titeke bè le kinge'n nyange ke le ra'n se njé ke nyan nal de. Loo ke ei ndii se dè de do bai nga, ke nè á ei rai se njé ke nyan nal de baa, kann de a tò.

¹⁵Njé ke se'm malang rai nin lapyà ngain. I ra lapyà njétaake'm-Kristge made jége ade jè. Maje kade kemnoje nain se si malang.

Philemon

Philemon 1

Paul ɔrgir ra'n a, ra lapy a tɔ

- ¹Man Paul m'tò dangai't tede tà le Jésus-Krist. Timothée è se'm nan't. M'ndang magtub nè m'adi i Philémon kotár le jé se made kule le jé.
- ²Magtub nè nga m'ndang m'ade kon nann jé Appia se ngokon jé Archippe ke njè made ɔ le jé a, se njékebe nange le Nube ke kebi nan keñ kei lei a tɔ.
- ³Maje kade Bɔ jéi Nube se Kuwe-bee Jésus-Krist adi sei keñnoje se keñlom.

Tár se kundekem le Philémon

- ⁴M'ra Nube oiyo. Philémon, keñ'm olé dèi't se ndɔge malang loo ke m'ndi m'a m'ɔje'n tà se Nube le'm.
- ⁵Tede m'oo kɔbe tár ke i tár Kuwe-bee Jésus se njé ke tooi se ninn de malang. Tabai m'oo kɔbe keñi ke unde dè Kuwe-bee Jésus't nga a tɔ.
- ⁶M'deje Nube le kade kundekem ke oré se jé nan dè't nga aw kum'n ke kété-kété ade i ger'n nyange malang ke maje ke j'asikum rai takul kum ke j'umi nan't bɔk se Krist.
- ⁷Ngokon'm, tár ke i tár njé ke tooi se ninn de nga ule dingem keñ't a, ade'm ranel ngain a tɔ. Tàkuli i á keñ njétaakeñ-Kristge oso'n nang pon.

Paul gɔl rebe tà le Onésime

- ⁸Man Paul nga, m'ndi dè'm pal ke deri takul kum ke m'um nan't bɔk se Krist le kunn ndu'm kade i ra'n nyan kuwe.
- ⁹Nè m'ra ndoo rai't tede k'ee ke i kotár le'm. Man Paul ke m'ee ngatɔg doo nga, m'tò dangai't ðarinè tede tà le Jésus-Krist.
- ¹⁰M'ra ndoo rai't tede tà le ngonn'm Onésime. E nga m'oje'n gir Krist't loo ke m'ndii'n se sulge jim't dangai't nè.
- ¹¹Onésime nga, kété baa è doo ke raikarè; nè ðarinè è tel è doo ke maje tede lei a, tede le'm a tɔ.
- ¹²E nga tò asenan se balkum ra'm; nè né è bè géa, m'tel m'ule se'n rai't gugu.
- ¹³M'ndige le ngonm'n meĵ-meĵ ram't le kade taa guti ra se'm dè Tà ke Maje't. Sul ke m'ndii'n jim't nga è tede Tà ke Maje.
- ¹⁴Nè m'ndige le kin se dè'm ra nyan nal koo tàgir lei lé. M'ra titeke bè le kade i kuwe in se keñi i ra maje anje kade m'unde dèi't.
- ¹⁵Bainléa è tede è ke nè á d'ɔr'n Onésime jii't d'ade kò'n too'n mbɔr bita kade i tel inge'n se non bai.

¹⁶Tel ke i tel inge'n nga, maje kade an'n asenan se ber karè lé ta, nè è soo't dum ber. Maje kade dariné baa i an'n ke kotár le'm man kuwe mbain. I géa, maje kade an'n ke kotár lei gir danra't a, è kotár lei ke njètaakeñ-Krist madi.

¹⁷Ke nè á an'm ke njèmade loo kaw lei baa, uwe'n ke rai't tite è man bè.

¹⁸Ke nè á kété Onésime ra sei majelé éké kure lei tò dènn't géa, inye dèm't.

¹⁹Man Paul kuwe m'ndang magtub nè se jii'm m'unn'n ndu'm madi titeke m'a m'ugei kure ke tò dènn't. M'a m'aw ndoo kedi titeke kure le'm tò dèi i't kuwe to lé ta.

²⁰Nyan ke m'deji nga, maje kade ade'm tede kum ke jè sei j'um nan't bok se Kuwe-bee. Ngokon'm, ade keñ'm oso nang pon takul Krist.

²¹Loo ke m'ndang magtub nè m'adi nga, m'nda keñ'm káng titeke a i ra nyan ke m'deji nga kuwe. M'ger keñ't mbak titeke a i ra nyan ke m'deji nga kade al dè le'm ke m'oje nga bai.

²²Tabai, maje kade uwe dè nja kei mba ade'm. M'unde keñ'm tchên le tel kaw ra si't se go takul kaje ke oji tà se Nube nga.

Ngei lapyà le Paul

²³Epaphras, njé made dangai le'm gir Jésus-Krist't rai lapyà.

²⁴Njé made kulege le'm, Marc, Aristarque, Démas se Luc rai nin lapyà ngain.

²⁵Maje kade keñnoje le Kuwe-bee Jésus-Krist nain se si.

Hebreuge

Hebreuge 1

Nube ede jè tà se rebe ke ra Ngonnenn't

¹Kété mari, Nube ade njéribé-dè-tàge ke tànn't edi kà jéige tà se rebege gai-gai nja bule.

²Nè keâm ndoge ke ngeinn't ðarinè baa, Nube ade Ngonn keâm'n kuwe ree ede jèi tàge le'n ade j'ooi. Nube òr'n unde'n ke njè kòï nyan-ndubege malang. E unde nyange se dooge malang takul Ngonn'n nè nga.

³Ngonn nè nga, è njè kade ndubra le Bò'n Nube kile ra'n ke nata a, è kum gute tà Bò'n kuwe tcha-tcha a tɔ. Ngonn nè nga gete nyankundege malang se go tà ke tee tànn't. Loo ke Ngonn nè nga òr se-kaiyage tɔl kon'n bá baa, è aw ndi dɔ nú dè jikon Nube ke njè dum dè nyange malang.

Krist Ngonn le Nube bòi dum dè dooge ke danrán malang

⁴Ngonn nè nga tel maje ngain dum dooge ke danrán bai. E inge ri ke tò gai se le de ke nyan-ndube.

⁵Kerɔte kuwe, Nube nga teen tà'n nja karé bè kuwe ede doo ke danrán ede nè: «I i Ngonn keâm'm, bila man m'ee Bòï ke m'ojii» bè ndan lé. Tabai Nube nga teen tà'n nja karé bè kuwe tam'n tà se doo ke danrán ede nè: «M'a tel k'ee bɔ koje'n a, è à tel k'ee Ngonn keâm'm a tɔ» bè ndan lé.

⁶Tabai loo ke ade Nube ule Ngonn der'n ke è dagi ade ree dè nang nè bá baa, è tam titeke bè ede nè: «Maje kade dooge le Nube ke danrán malang ɔsi keje de nang non Ngonn Keâm'n't nè nga le ðoyi nin.»

⁷Nube tam tà ɔje'n dè dooge ke danrán ede nè: «Nube tel dooge le'n ke danrán ke nelge a, è tel ngann njékulege le'n ke ndon por ke on bilm-bilm a tɔ.»

⁸Nè loo ke Nube tam tà ɔje'n dè Ngonn'n ke dagi nè baa, è ede'n ede nè: «Kutunгар lei i Nube tò sár se non a, kage konbee lei nga è kage konbee ke se dè naje'n a tɔ.

⁹I unde nyanra ke se dè naje'n dann kumi't a, i òr nyanra ke se dè naje'n lé nga njêt a tɔ. Hei! Nube, gir'n ke nè á Nube lei òri dann njémade loo kawge't lei ndum'n wubu ranel dèi't.»

¹⁰Nube tel tam tà ɔje'n dè Ngonn'n loo ke rang't bai ede nè: «E i Kuwe-bee kuwe á unde gir nang nè kété mari ke desêin. Danrange géa, è i kuwe á i unde de se jii a tɔ.

¹¹Danrange se nang à jɔréi yɔgrɔm bai, nè i baa, a i ndi sár se non. Danrange se nang à osoi ndis malang tite kubu bè.

¹²I Nube a i tête de ndêl-ndêl asenan se kubu ke bòi yùl bè. D'ade mbel gide de titeke dé mbel'n gide kubu ke ndis bè. Nè i baa, i ndi kum ndii ke mari kuwe se bali-bali.»

¹³Kerote kuwe, Nube nga teen tà'n nja karé bè kuwe ede doo ke danrán ede nè: «I ndi dè jikonm't sár kade m'ade njé bange lei teli ei nyan-sure-nja kum lei» bè ndan lé bai.

¹⁴Dooge ke danrán malang nga, ké ei nel nyange ke ei ngann njékulege le Nube kuwe lé wa? Ké è Nube á ule de kade dé ra se njé ke à ingei kaje nga lé wa?

Hebreuge 2

Keâm jéi dè ra jéi't nè j'à ndemi

¹Gir'n ke nè á, gar-gar ade j'adi keâm jéi è dè ra jéi't dum ke kété oje dè nyange ke j'ooi tà'n bá nga. Ke nè á jè rai bè lé baa, j'à nditei ndàl kosoi kòke.

²Tà ke ndo ke dooge ke danrán ndói kà jéige nga, ke nè á doo karé al dè éké unn mbi'n dè't baa, kure'n à ode kum'n se go rebe'n titeke d'oje'n nga kuwe.

³Kaje ke bò nè nga, ke nè á j'an-in ke nyan lé baa, ké tà à uwe dè jéi lé titeke bain wa? Kaje ke bò nè nga, Kuwe-bee kuwe unn gir kile mber'n kété bita njé ke ooi tà'n tànn't se mbi de edi jèi ade aw go lenn't deŋ bai.

⁴Nube kuwe géa ra nyan-tojege se nyange ke dum kum a, se nyankobege gai-gai le kade njékorgo tàge an-in tà tam de ke ngarankum tà le'n è Nube kuwe. Tabai, Nube kai nyan-nojege le Ndil-Keâmnda se go keâmndige le'n è kuwe.

Jésu è njèkaje dooge ke maje or njêt

⁵Konbee ke ndi à ree ke j'à j'ilei mber'n nè nga, è dooge ke danrán á Nube à ade à on-in lé, nè è dooge ke dè nang nè á à on-in.

⁶Nè doo karé tam tà nè nga kèl loo karé ke rang't keâm Magtub ke tò se ninn'n ede nè: «Ké doo nga, è nyan ri kade keâm olé dènn't wa? Ké dookunde nga è nyan ri kade i tose kumi dènn't wa?

⁷Oiyo, i ra doo ade togmong le'n nain gugu ndêin go le dooge ke danrán't ade kur'n aw mbor. I ade ndubra se ribar taai ra doo ndul nga pel-pel.

⁸I ade doo è njèkonbee dè nyange malang ke i ra de bá nga.» Nyan karé ke nal k'ee gir togmong't le doo nga goto. Nè né è bè géa, darinè jè j'an titeke doo è njèkon dè nyange malang lé bai.

⁹Nè jè tose kum jé dè nyan ke nè't: Jésus, è ke dé tel se'n d'ade togmong le'n nain go le dooge ke danrán ndêin bè, bita go't gugu dé tel d'ule ndubra se ribar dènn't tede nyankeâmkongé ke inge ji yo't. Takul keâmnoje le Nube, è á Jésus inge'n yo weii'n tede dooge malang.

- ¹⁰Nube è njèkunde nyange malang, nyange malang tooi takul'n. E ndige tel dooge bule ke ngann keŋnge kade ingei ndubra le'n se'n n'ee Nube nan't tɔ. Gir'n ke nè á è tel'n Jésu ke njèkaje dooge ke maje ɔr njèt tede nyankeŋkonge ke è inge.
- ¹¹Jésu togo se-kaiyage le dooge ɔr de unde de se ninn de gai. E a, dooge ke è unde de se ninn de gai a tɔ nga, ei girkà karé. Gir'n ke nè á ra Jésu sol'n dè bar dooge ngakonngé lé.
- ¹²Kerɔte kuwe Jésu ede Nube ede nè: «M'a m'tee se rii non ngakonmge't a, m'a m'dɔyi se pa dann kosdooge ke Israel a tɔ.»
- ¹³Jésu tel tam bai ede nè: «Man baa, m'a m'unde keŋ'm dè Nube't kuwe karé.» E tel tam kuwe bai ede nè: «An'm, man se nganngé ke Nube ade'm se de.»
- ¹⁴Nganngé ke d'oje de se go danra nga ei dooge ke yo on bee dè de't. Jésu géa ade d'oje'n ke doo made de bè tɔ. E ra tite bè tede le kɔr'n tɔgmong le njè keŋ majelé ke njè tɔ ko dooge wont kɔke se go kwei le'n.
- ¹⁵Jésu ra titeke bè tede le taa'n dooge ke yo ra de ber ade ndebi nginn-nginn.
- ¹⁶Kerɔte kuwe, Jésu ree dè nang nè tede din-in dooge ke danrán lé, nè è ree tede din-in ngannkà Abraham.
- ¹⁷Gir'n ke nè á, gar-gar Jésu tel tanan se ngakonngé tcha-tcha dè nyange't malang tede kade tel ee'n maw njèkuje nyan-mese le Nube a, tabai è njè keŋkanm ke dooge asi kundei keŋ de dènn't tede kase ke è ase kɔr se-kaiyage le kosdooge malang kade taai kum Nube kerɔte.
- ¹⁸Darinè, Jésu asekum ra se njé ke nyankeŋkon nan de; tede è kuwe géa, ndɔ ke orè tà'n njak dè nyange ke nan'n tɔ.

Hebreuge 3

Jésu Krist dum dè Moise

- ¹Gir'n ke nè á, ngakonmge, sei ke i tooi se ninn si ke Nube bar sei nga, i giri dè Jésu't. Jésu nga Nube ule'n ade è maw njèkuje nyan-mese ɔje dè kundekem ke jè ndi j'ile mber'n.
- ²Moise nga, ndɔ ke è ke maje-kule ke ra kule le'n se ngonn koje keŋ kei le Nube bere mbak. E Nube kuwe á ndɔ ke bar'n ade'n kule nè. Jésu géa ra kule ke Nube um jinn't se ngonn koje titeke ndɔ ke Moise ra'n nga tɔ.
- ³Doo ke njè kunde kei nga, d'ile ribar dènn't dum danra kei bai. Jésu nga géa d'ile ribar dènn't dum le Moise bai.
- ⁴Kei ke ra ra géa, njè kunde'n ndi non. Nè njè kunde nyange malang nga è Nube.

⁵Moïse nga ndo ke ra kule le'n se ngonn koje ke'm kei't le Nube bere mbak. Nè né è bè géa, è ngonn njèndi ke Nube ade tam tà le nyange ke ndon't n'ee Nube kuwe n'ayé tam tà'n bai nga.

⁶Nè Krist baa, è Ngonn ke ase; è á Nube or'n unde'n ke njèkan dè loo ke'm kei le'n. E ra kule le'n se ngonn koje. Ke nè á jè ndai ke'm jéi káng dè kundekem tchèn ke jè ndii jè pitii ra jéi't nga baa, j'à jè kei le Nube kuwe.

Loo taa kebe le kosdooge le Nube tò non

⁷Gir'n ke nè á Ndil-Ke'mnda tam'n ede nè: «Ke nè á bila ooi ndu Nube baa,

⁸adi ke'm si nder titeke ndo ke kà sige rai wong in-in ilei kate kum Nube't ke'm dile't nga lé ta.

⁹Ke'm ndon't nè kà sige an-in kule ramge ke ndo ke m'ra ase bal kor-so, nè né è bè géa, ei in-in ilei kate kum't le nain man kan-in.

¹⁰Gir'n ke nè á wong ra'm dè de't ke'm baln't nè ade m'tam'n m'ede nè: Tàgir le de ke dè bengre de't aw yo-yo, nè-nè se ndoge malang ade geri rebe nyange le'm karé bè lé.

¹¹Kerote kuwe, wong ra'm ngain ade m'unn ndu'm m'ede nè: D'a d'ile nja de bè géa loo taa kebe't le'm nga ndan lé.»

¹²Ngakonmge, undei kumkunju dè ra si't le kade doo karé bè géa dann si't ndi se ke'm majelé éké kunn mbi dè tà't tede kade bengre'n tel tur gide'n ade Nube ke njèndi kumgajer nga lé ta.

¹³Nè sei kuwe i ndeji nan sár-sár adi ndo ke dé bar'n «bila» nga tee'n. I rai titeke bè se ndo si-ndo si tede kade majelé libe kum doo karé dann si't ade tel è njè ke'm nder lé ta.

¹⁴Ke nè á jè ndai njáng dè kundekem't le jéi ke desèin sár ndo ke ngeinn't baa, j'à j'oréi nan se Krist dè nyanbawge't le'n kerote kuwe.

¹⁵Magtub ke tò se ninn'n ede jèi ede nè: «Ke nè á bila ooi ndu Nube baa, adi bengre si nder titeke ndo ke kà sige rai wong in-in ilei kate kum Nube't ke'm dile't nga lé ta.»

¹⁶Ké nange á ndo ke ooi tà le Nube mbak kuwe rai wong in-in ilei kate kumn't wa? Ké è njé ke ndo ke Moïse or de malang ke'm beekon ke Egypte tee se de nga lé wa?

¹⁷Ké è njé ke ra á ndo ke wong ra Nube dè de't ase bal kor-so nga wa? Ké è njé ke ndo ke rai majelé adi ninn de too'n rabak-rabak ke'm dile't nga lé wa?

¹⁸Ké è njé ke ra á ndo ke Nube unn ndu'n ede nè: «A ilei nja de loo taa kebe't le'm nga ndan lé» wa? Ké Nube tam tà nè nga oje'n dè njé ke ndo ke ali tà tànn't nga lé wa?

¹⁹Jéi j'an-in titeke ndo ke d'asekum kile nja de loo taa kebe't le Nube nga ndan lé tede kunn mbi dè tà't le de.

Hebreuge 4

¹Ndo ke Nube unn ndu'n ede nè j'à j'awi loo taa kebe't le'n. Ndukunn le'n nè nga tò njáng bai. Bè baa, ade j'undei kumkunju dè ra jéi't le kade doo karé dann si't ose loo taa kebe nè nga pat nal lé.

²Jèi géa d'ile mber Tà ke Maje d'ade jèi titeke ndo ke d'ile'n d'ade kà jéige nga to. Nè tà ke ndo ke ei ooi nga, ei taai undei kem de dè't kade è soo de't lé.

³Jèi nga, ke nè á j'umi kem jéi dè tà't nè nga baa, j'à j'ilei nja jéi loo taa kebe't le Nube nga. Loo nè nga, ndo ke Nube tam tà oje'n dè kété ede nè: «Wong ra'm ngain ade m'unn ndu'm m'ede nè: D'a d'ile nja de loo taa kebe't le'm nè nga ndan lé.» Nube tam tà nè nga titeke bè kété mari bita unde nyange malang ke dè nang nè tol mbas bai.

⁴Dé tam tà loo karé ke rang't d'oje'n dè ndo ke njèkon't ji sejimute d'ede nè: «Loo ke Nube unde nyange malang tol mbas bá baa, è taa kebe ndo ke njèkon't ji sejimute.»

⁵Nube tam tà nè loo karé ke rang't bai ede nè: «D'a d'ile nja de loo taa kebe't le'm ke m'uwe dè nja m'unde konn tede le de nga ndan lé.»

⁶Njé ke ndo ke d'ile mber Tà ke Maje d'ade ooi kété sàk-sàk nga, ei ilei nja de loo taa kebe't nè nga lé tede ei unni mbi dè tà't nè nga. Nè dooge ke nange à ilei nja de loo taa kebe't le Nube nè nga kerote.

⁷Gir'n ke nè á Nube tel oje'n ndo karé ke rang. Ndo nè nga dé bar'n «Bila». E tam tà nè nga ra bal aru bule ngain bita ade ngar David ndang tà'n kem Magtub Pa't ke j'ooi tà'n kété bá ede nè: «Ke nè á bila ooi ndu Nube baa, adi bengre si nder titeke kété nga lé ta.»

⁸Ke nè á ndo ke Josué uwe dè nja loo taa kebe ke get ade kosdooge ke Israel baa, né bila Nube à tam tà kaje'n dè ndo taa kebe ke rang gugu lé ta.

⁹Bè baa, loo taa kebe ke get le kosdooge le Nube tò tutu. Loo taa kebe nè nga tò tite loo taa kebe le Nube ke njèkon't ji sejimute nga bè.

¹⁰Oiyo, nanan ke aw loo taa kebe't le Nube baa, è géa à taa kebe dè kulege't ke è ra titeke ndo ke Nube taa'n kebe dè kulege't ke kinge'n bè to.

¹¹Ade jè pabrai loo par-par tede kile nja jéi loo taa kebe't nè nga. Maje kade doo karé tel è njè dum nan tite kosdooge ke Israel ose'n loo taa kebe ke get nè nga pat nal lé.

¹²Tà le Nube è tà ke tò kumgajer ke ra kule ngain dum kuye kaskar ke ate ngang joo. E aw sár tee ngarankem doo't se tàgir le'n, se dè kur rage se wubu ke kem

kinge ra't a tɔ. Tà le Nube ndi ter tàgir le doo ke dè bengrenn't se nyan ke doo ɔje keɛn't le ra bai a tɔ.

¹³Nyankunde le Nube karé bè ke ɔɔɔ ra'n tàkumn't goto. Nyan malang tò nata ndái-ndái tàkum è ke ndɔn't j'à tutei go nyanra jéi kadi nin.

Jésu è maw njèkuje nyan-mese tede le jéi

¹⁴Ade j'uweï kundekeɛn ke j'ilei mber'n nga mong tede j'awi se njèkuje nyan-mese ke bò. Njèkuje nyan-mese ke bò nè nga è Jésus Ngonn le Nube ke unde keɛn danran ndàt gang aw sár ra Nube't nú.

¹⁵Kerɔte kuwe, maw njèkuje nyan-mese le jéi nga ase ra se jéi dè yaige't le jéi kuwe. Loo ke ndɔ nain dè nang nè bai nga, nyange nan'n titeke nan'n jéi bè tɔ, nè è ute kaiya mbeng.

¹⁶Ade j'agi ngɔr kɔte kutu-ngar't le Nube ke njè keɛnnoje se keɛnda káng. Loo nè nga Nube à ade keɛn à tin mbit dè jéi't, à ade jèi nyan-noje ke à ra se jéi ndɔ ke kanm't bai.

Hebreuge 5

¹Maw njèkuje nyan-mese ke rara géa d'ɔr'n dann dooge't d'unde'n kade ra kule non Nube't tede le de. E ndi le kunn nyan-noje se nyankuje-mese kade Nube tede majelé le dooge.

²Maw njèkuje nyan-mese nga géa, è njè ra majelé tite dooge nga tɔ. Gir'n ke nè á è ase kile'n keɛn pon dè njé ke geri nyan lé a, dè njé ke ndemi't a tɔ.

³Maw njèkuje nyan-mese nga è doo ke majelé ule'n poré tite dooge ke rang bè tɔ. Gir'n ke nè á è unn'n nyankuje-mese ade Nube uge'n dè majelé le dooge á se kar de lé, nè è uge'n dè majéle le'n è kuwe tɔ.

⁴Doo karé ase kin se dè'n è kuwe ɓar ra'n maw njèkuje nyan-mese lé. Nè doo ke è Nube kuwe ɓar'n titeke ndɔ ke ɓar'n Aaron tá asekum kinge riɓar ke ɔje dè maw njèkuje nyan-mese nga bai.

⁵Krist géa, le'n è titeke bè tɔ. E kuwe in se dè'n naje riɓar ke ɔje dè maw njèkuje nyan-mese lé. Nè è Nube kuwe á ede'n ede nè: «I i Ngonn keɛm'm, unn gir bila man m'ee ɓoi.»

⁶Nube tam tà ɔje dè Krist loo karé ke rang't ɓai ede nè: «I i njèkuje nyan-mese sár se non tite le Melkisédec.»

⁷Krist nga, loo ke ndɔ ke è ndi se dè'n dɔ dè nang nè bai nga, è ɔje tà se Nube a, è ndête'n se mann non kumn't se ndu'n ke bòi beng a tɔ. Nube asekum taa Krist tà yo't tede koje ke è ile dènn't.

⁸Krist nga è Ngonn keɛm'm Nube kuwe. Nè né è bè géa, è unn gir ndó kile koje dè ɓon't dann nyankeɛnkon malang ke ndɔ ke ra'n.

⁹Nube tel'n ke doo ke maje or njêt. Krist tel è njè kade dooge malang ke ilei koje dènn't ndii kumgajer sár se non.

¹⁰Kerote kuwe, ndo ke Nube bar Krist beng ede nè: E è maw njèkuje nyan-mese tite Melkisédec.

I rai rakate dè kundekem't le si lé

¹¹J'aw se tãge ngain le kede sei dè eige ke nè bai. Nè loo korgir nyange nè nga dèi-dèi tur se jé tede sei i teli i rai rakate dè koo girtà kor sonn't.

¹²Kò si tò ngain kade né gar-gar bila sei njéndó nyan made sige ta. Nè dariné, sei awi ndoo kade dé tel dé ndó sei nyange le Nube titeke dé ndón sei nyange desêin kuwe bai-bai. Sei teli tooi asinan se nganngé ke awi ndoo mbà se mur ke móré tá bè.

¹³Nanan ke ndi à odenan kil mbà bai nga, è asekum ger gir nyan ke maje se nyan ke majelé lé tede è ngonn ke kide bai.

¹⁴Nè dooge ke tãgi káng-káng baa, mur ke móré lé á oje dè de. Mur ke móré lé nga oje dè njé ke tãge ke asi kori kum nyan ke maje se nyan ke majelé se ndo de, ndo de.

Hebreuge 6

¹Bè baa, ade j'inyei go nyan-ndóge ke desêin ke dé ndó jèi oje dè kundekem' dè Krist't nga baa, ade j'awi kum jéi ke kété dè nyan-ndó ke maje or njêt le dooge ke tãgi káng-káng. Ade jè teli dè nyan-ndó ke desêin't lé ta. Nyan-ndó ke desêin nga oje dè kinye go nyanrage ke majelé ke à awi se jéi kile jèi tà yo't a, oje dè kundekem' dè Nube't a to.

²Nyan-ndó ke oje dè kule doo manné njonm éké kile ji dè doo't éké kunde loo tee dann njé ke koo't éké gangtà ke se non ke a tò sár se non nga, dé ndó sei kété bá m j'à tel ke dè't bai-bai lé ta.

³Ke nè á Nube inye loo ade jè baa, j'à ndó sei nyan ke oje dè dooge ke tãge tá ta.

⁴Doo ke nange ke teli osoi dann majelé't nga, ei dooge ke ingei lookar le Nube bá. Ei dooge ke nan-in nyan-noje le Nube geri nel'n bá a, ingei Ndil-Kemnda bá a to.

⁵Dooge nè nga nan-in tà le Nube geri maje'n bá a, an-in nyankobege ke oje dè Konbee le Nube ke ndi à ree nga bá a to.

⁶Nè né è bè géa, ei teli oasi kundekem' le de pater nali osoi gide loo't nata. Dooge nè nga, loo tel tur hal de dum de bang ta. E dooge nè á toli Krist Ngonn le Nube beri nin kade kage-ke-dese't a, ilei rasol dènn't takum dooge't nata ndái-ndái a to.

⁷Loo ke nang njibe mann ndi ke ede do-do á go't gugu tee se kam nyange ke maje ade njéndorge baa, Nube tor ndu'n dè nang't a to.

⁸Nè né è bè géa, nang nè ade konnge se tiroge tá kujei nan hakl-hakl baa, tel è nyan ke karè. Mbør baa Nube à mann'n a, ndêin-ndêin baa d'ade ró'n se por rák-rák kòke a tɔ.

⁹Kotárge le jé, ke nè á jè tam tàge nè nga bè géa, jè ger kem̄ jé't mbak titeke sei umi nja si rebe ke maje ke à tee se si dè kaje't.

¹⁰Nube è njè banm doo lé. Kem̄'n à wei nal dè nyan ke sei rai tede tà le'n nga lé. Sei i ndii rai se njétaaker̄-Kristge ke rang kum si ke kété bai tede tár ke i tári Nube nga. Kem̄ Nube à wei nal dè ra ke i rai se de nga lé.

¹¹Nè jè ndige kade nanan géa dann si't ute ra'n kalang titeke kété sár kade è an'n nyan ke è unde kem̄'n tchên dè't nga se kum'n ndɔ ke rang.

¹²I teli njérakatege lé ta. I ndaji kum dooge ke orèi tà de nják-nják dè kundekem̄'t le de á ingei nyan-ndube ke Nube unn ndu'n ade de nga.

Nube nda njáng dè kunn-ndu't le'n

¹³Ndɔ ke Nube unn'n ndu'n ade Abraham. Doo karé ke rang ke bòi dum dè Nube kade ubu ra'n se ri'n ade Abraham goto.

¹⁴E Nube kuwe á ubu ra'n ade Abraham ede nè: «Kerote kuwe, man tɔr ndu'm dèi't kade ngannkàige bulei d̄ik-d̄ik ke kété-kété.»

¹⁵Ndɔ ke Abraham ile kem̄'n pon ngine'n titeke bè bita Nube ade'n nyan ke ndɔ unn'n ndu'n le kade nga bai.

¹⁶Dooge ubi ra de se ri doo ke bòi dum dè de. Kubu ra è tà ke tɔl gang tà najege le de malang.

¹⁷Ndɔ ke Nube ra se Abraham titeke bè tɔ. Ngannkà Abrahamge ayé kingei nyange ndɔ ke Nube unn'n ndu'n ade'n. Nube ndige kade ngannkà Abraham geri njai titeke kunn-ndu le'n n'ee Nube nga, è kunn-ndu ke tò njáng. Gir'n ke nè á è tɔl'n tà'n se kubu ra.

¹⁸Kunn-ndu le Nube se kubu ra le'n nga ei nyange joo ke à tooi njáng. Nyange ke joo nè nga tɔji jèi titeke Nube tam tà lanm ndan lé. Nube sɔl kem̄ jéi se nyange ke joo nè nga. Gir'n ke nè á j'ubei go nyange malang j'inYEI jè paberii nyan ke j'undeI kem̄ jéi tchên dè't ke Nube à ade jèi nga.

¹⁹Kundekem̄ tchên nè nga tò asenan se nar nyan dɔɔ bato nang ke ngiring ngiring-ngiring ke jè tɔi ra jéi't. Kundekem̄ tchên nè nga aw sár al gide kubu gang gile loo ke tò se ninn'n.

²⁰Gile loo ke tò se ninn'n nè nga, Jésu kuwe è doo le jéi ke desêin ke ur lèbêt aw tutu tede tà le jéi. E tel è maw njèkuje nyan-mese tite Melkisédec sár se non.

Hebreuge 7

Melkisédec è ngar a, è njèkuje nyan-mese a tɔ

- ¹Melkisédec nè nga, ndo ke è ngar ke keûm bee ke Salem. E njèkuje nyan-mese le Nube ke njè dum dè nyange malang. Loo ke ndo ke Abraham tête ro ngarge tel à ree ke béee baa, Melkisédec tile non'n se rebe tor ndu'n denn't.
- ²Nyan malang ke Abraham in'n loo ro't nga, ke nè á è dog baa è or tà karé-karé ade Melkisédec. Melkisédec nga tel se tà koje jéi è «ngar ke njè ra nyan se dè naje'n». Melkisédec è ngar ke keûm bee ke Salem. Salem nga, kor gir'n se tà koje jéi baa è «ngar ke njè kade dooge keûlom».
- ³Melkisédec nga, Magtub ke tò se ninn'n tam tà oje'n dè bo'n se kon'n éké girka le'n ade j'ooi lé. Jè geri ndo koje'n éké ndo kwei'n lé a to. E tò asenan se Ngonn le Nube. E njèkuje nyan-mese se ndoge malang a, se bal-bal a to.
- ⁴An-in! Melkisédec nga è doo ke bò. Kà jéi Abraham ndo ke tor tà nyange ke maje-maje ke in'n loo ro't karé-karé ade'n. Ke nè á nyan è dog baa, è or tà karé ade Melkisédec.
- ⁵Girkoje le Lévi ke ei girka njèkuje nyan-mesege nga géa, magtub gute-ndu ede de le kade ke nè á nyan le kosdooge ke Israel è dog baa, ei deji de kade tori tà'n karé-karé. Ei rai titeke bè se kosdooge ke Israel ke ei ngakon dege ke girka't le Abraham kuwe mbain.
- ⁶Melkisédec nga è girka le Lévi lé. Nè né è bè géa, ke nè á nyan è dog ji Abraham't baa, è unn tà karé ade'n. Abraham è doo ke ndo ke Nube unn ndu'n ade'n bá. Nè né è bè géa, Melkisédec tor ndu'n denn't.
- ⁷Kerote kuwe, loo n'aje'n goto. Doo ke tor ndu'n de madenn't nga, è doo ke bòi dum dè made'n nè nga kuwe.
- ⁸Ngannkà Lévi ke ei girka njèkuje nyan-mesege nga, ke nè á nyan è dog baa d'unn tà karé d'ade de. Ei dooge ke yo ra bee keûm de't kade à gotoi ndo karé bai. Melkisédec géa, ke nè á nyan è dog baa d'unn tà'n karé d'ade'n to. Nè Melkisédec baa è doo ke njèndi kumgajer sár se non titeke Magtub ke tò se ninn'n tam'n nga.
- ⁹Titeke Abraham ra'n, nyan è dog baa è unn tà karé ade. Lévi kuwe géa ra titeke bè to. Tede ngannkànge géa, ke nè á nyan è dog ji kosdooge ke Israel baa, ei unni tà karé-karé adi de.
- ¹⁰Loo ke ndo ke Melkisédec an-in ngode tile kum Abraham nga, d'oje Lévi lé bai. Abraham è kà dog Lévi.
- ¹¹Keûm magtub gute-ndu ke or non kosdooge ke Israel nga, è ngannkà Lévi á d'or de ke njèkuje nyan-mesege. Ei njèkuje nyan-mesege tite Aaron bè. Ke nè á ndo ke dooge asi maji kori njèt se go nyankuje-mese le ngannkà Lévi baa, né d'a d'aw ndoo njèkuje nyan-mese ke rang ke tanan se Melkisédec lé ta.
- ¹²Ke nè á rebe ra nyankuje-mese tel tur tò gai baa, Nube à tur magtub gute-ndu nga kade tò gai to.

¹³Krist ke dé tam tàge nè d'oje'n dè'n nga, è girkà ke rang't ta. Doo karé bè ke girkà't le'n ra kule loo ñinger loo nyankuje-mese't nga ndan lé.

¹⁴Dooge malang geri njai titeke Kuwe-fee le jéi Jésu nga d'oje'n girkà't le Juda. Ndo karé bè géa Moise tam tà oje'n dè girkà nè titeke ei njèkuje nyan-mesege bè lé.

Jésu è njèkuje nyan-mese tite Melkisédec bè

¹⁵Gute-ndu ke oje dè nyankuje-mese ke dé tur gir rang nga, è nyan ke tò nata ndái-ndái. D'or njèkuje nyan-mese karé ke rang ke tite Melkisédec d'unde'n bá.

¹⁶Njèkuje nyan-mese ke rang ke d'or'n d'unde'n nè nga è se go ndukunngé le girkà dooge lé, nè è se go togmong le njèndi kumgajer sár se non.

¹⁷E njèkuje nyan-mese ke dé tam tà d'oje'n dè'n kem Magtub ke tò se ninn'n d'ede nè: «I i njèkuje nyan-mese sár se non se go ra'n le Melkisédec bè.»

¹⁸Ndukunn ke kété desêin nga dé tuju'n kòke tede tog'n goto ade tel è nyan ke raikarè.

¹⁹Gute-ndu le Moise ase kade doo ra nyan ke maje or njèt tàkum Nube't lé. Nè ñarinè Nube ade jèi nyan kundekem tchên dè't ke maje dum madege malang. Takul'n è á j'agi ngor ke ra Nube't.

²⁰Kor ke Nube or Krist unde'n ke njèkuje nyan-mese nga, Nube mann ra'n. Njèkuje nyan-mesege ke rang baa, d'unde de karé anje mann-ra.

²¹Nè loo ke Nube or Jésu unde'n ke njèkuje nyan-mese nga, è ede'n ndàt ede nè: «Kuwe-fee mann ra'n. E mann-ra ke à tò sár m è à tur ndu'n rang ndan lé: I a i Njèkuje nyan-mese sár se non.»

Jésu è der gir mann-ra ke maje dum

²²Gir'n ke nè á Jésu tel ee'n der gir mann-ra ke maje dum madege nè nga.

²³Njèkuje nyan-mesege ke rang bulei ngain taai gute nan-nan tede yo on fee dè de't oge de ndii kumgajer.

²⁴Nè Jésu baa, è njèkuje nyan-mese ke doo à taa gute'n lé, tede è njèndi kumgajer sár se non.

²⁵Gir'n ke nè á njé ke reei ra Nube't se takul Jésu baa, è ase kaje de nja karé bere ke ngang'n. Jésu nga ndi kumgajer sár se non. E oje tà se Nube do-do tede le de.

²⁶Jésu nga è maw njèkuje nyan-mese ke j'awi ndoo'n. E tò se ninn'n gai, tà karé géa uwe dè'n lé a, nyan ke mine karé géa bar ri'n lé a to. E or ra'n ndi mbeng se njé ra majelége a, Nube unn'n unde'n do mbeng dè nyange't malang a to.

²⁷Jésu è tite maw njèkuje nyan-mesege ke rang lé. E aw ndoo kunn nyankuje-mesege kade kuge'n dè majelége le'n se le dooge ke rang se ndo karé-karé lé. Nè è

unn ra'n è kuwe ade ke nyankuje-mese uge'n dè majelé le dooge nja karé bere luk-luk ke ngang'n.

²⁸Gute-ndu or dooge ke yo on bee dè de't unde de ke njékuje nyan-mesege. Nè tà mann-ra le Nube ree utu go gute-ndu. Tà mann-ra nè or Ngonn ke'm Nube unde'n ke maw njèkuje nyan-mese ke maje or njêt.

Hebreuge 8

Jésu è maw njèkuje nyan-mese le jéi ke kige

¹Maw tàge malang ke jè ndige le kede sei nga á nè: J'awi se maw njèkuje nyan-mese ke bò. E ndi danrán kote kutu-ngar't le Nube ke njè dum dè nyange malang.

²E Ngonn njèkule le Nube. E ra kule ke'm gile kei ke tò se ninn'n gai. Gile kei ke tò se ninn'n gai nè nga, è Kuwe-bee kuwe á ra m è doo á ra lé.

³Maw njèkuje nyan-mese ke rara géa, d'or'n d'unde'n kade unn nyan-noje se nyankuje-mese ade Nube. Gir'n ke nè á Jésus nga géa, è soo't kade unn nyan ade Nube to.

⁴Ke nè á Jésus nain dè nang laa bai baa, ayé k'ee njèkuje nyan-mese ndan lé. Tede njékuje nyan-mesege ke d'or de se go gute-ndu ndii d'èng-d'èng bai.

⁵Kulege malang ke njékuje nyan-mesege rai se go gute-ndu adi Nube nga, ei til ngarankum nyange ke danrán. Gir'n ke nè á, loo ke ndo ke Moise ayé ra kei kubu kade Nube nga, Nube ede'n kété ede nè: «Ade ke'mi dè rai't tede a i ra nyange malang le tol mbas se go rebe ke ndo ke m'toji dè mbal't nga.»

⁶Nè kule ke Nube um ji Krist't ade ndi à ra d'arinè nga, è kule ke tò gai ke maje ngain dum le njékuje nyan-mesege ke rang ke kété bai. Jésus-Krist è njè nda dann mann-ra ke maje ngain dum è ke kété. Mann-ra nè nga, Nube unde gir'n dè ndukunngé ke maje ngain dum ndukunngé ke kété mari.

⁷Ke nè á ndo ke mann-ra ke desêin nga maje or njêt baa, d'a sang loo kunde gir mann-ra ke njèkon't joo taa'n gute'n lé ta.

⁸Kuwe-bee Nube an nyan ke majelé ra kosdooge't le'n. Gir'n ke nè á è ndáng'n de ede nè: «Kuwe-bee tam ede nè: An! ke'm ndoge rang ke à reei nga, m'a m'tol tà mann-ra le'm ke kige kade kosdooge ke Israel se kosdooge ke Juda.

⁹Mann-ra ke kige nè nga, è tite mann-ra ke kété m'mann'n ra'm m'ade kà dege kété ndon't ke m'uwe'n de se ji'm m'ade undei loo teei nata ke'm beekon ke Egypte nga lé. Mann-ra ke kété nga kà dege ali dè. Gir'n ke nè á man géa m'inye'n go de to.

¹⁰Kuwe-bee tel tam ede nè: An! ke'm ndoge ke à reei non nga, m'a m'mann ra'm kade kosdooge ke Israel. M'a m'ule gute-ndumge dann tàgirge't le de a, m'a

m'ndang gute-ndumge dè bengre de't a tɔ. Man m'a m'ee Nube le de a, d'a dé kosdooge le'm a tɔ.

¹¹Doo karé dann de't à ndó njè made bee le'n éké ngokon'n k'ede nè: Ké i ger Kuwe-bee kuwe wa? à goto ta. Dooge malang à geri man ke'm ndɔn't nè unn gir dè nganngé ke ndêin bè sár tee'n dè dooge ke bòi't.

¹²M'a m'ade ke'm'm à tin mbit dè nyanra dege ke pás-pàs a, m'a m'ade ke'm'm à olé dè majelége't le de gugu ndan lé a tɔ.»

¹³Loo ke Nube tam tà ɔje'n dè ri mann-ra ke kige nè baa, è tel mann-ra ke desêin ade è nyan ke ndis ta. Nyan ke ndis nga è nyan ke buge ke nain ngɔr baa, à unde nang ndàs ta.

Hebreuge 9

Mann-ra ke mari nga maje ɔr njêt lé

¹Mann-ra ke desêin nga aw se ndukunngé ke ɔje dè ra kule kade Nube se go rebe'n ke'm gile kei kubu ke tò se ninn'n ke dè nang nè.

²Kété mari dé ra kei kubu. Dé gang ke'm'n se tà kubuge danné loo joo. Ke'm'n ke desêin, dé bar'n gile kei ke tò se ninn'n. E loo ke d'unde'n kage nan lampe se table tunde ngurwalge tutu.

³Ke'm'n ke njèkon't joo baa, dé bar'n gile kei ke tò se ninn'n gai.

⁴Dè d'inger loo ke dé ra se nar-ɔr tò ke'm gile kei ke tò se ninn'n gai't nè nga. E loo nè á dé ró nyange ke ete sununu tutu d'ade Nube. Sandu mann-ra ke dé loin gide bere mbak se nar-ɔr tò ke'm gile kei ke tò se ninn'n nè nga tɔ. Jóbai ke dé leen se nar-ɔr tò ke'm sandu mann-ra't nè nga. Mur ke ri'n nè manne se kage tɔse le Aaron ke ndɔ ke putu njin tooi ke'm sandu mann-ra't nè nga tɔ. Tabai begre mbal ke dé ndang gute-nduge tutu tooi ke'm sandu mann-ra't nè nga tɔ.

⁵Dé leen nar nyange ke ndoin kein-kein taai nan se dooge ke danrán ke ndai tàkum Nube't bè, ei naji bage de dè d'inger loo nyankuje-mese tede kunn'n ke'm tin mbit le Nube nga lát-lát. Loo kɔrgir nyange nè malang kêrêr-kêrêr kade sei goto darinè bai.

⁶Dé gang ke'm kei kubu nè nga se tà kubuge danné loo joo. Dé tunde nyange malang tutu se loo'n-loo'n bá baa, njékuje nyan-mesege awi ke'm kei ke desêin't se ndɔge malang rai kule tutu.

⁷Nè ke'm kei ke njèkon't joo baa, è maw njékuje nyan-mese kuwe se kar'n luk-luk á ile njà'n tutu nja karé bere ke'm bal karé. Gar-gar à aw se mese dan kade tede majelége le'n è kuwe kété bita tede kaiyage le kosdooge ke rai majelé dè mbe't nga bai.

⁸Ke nè á keâm kei kubu ke desêin ke dé bar'n loo ke tò se ninn'n nè nga goto lé bai baa, Ndil-keâmnda tɔje jèi ade jè geri titeke tà rebe kaw gile kei ke tò se ninn'n gai't nga tò se kutu'n bere bai.

⁹Keâm kei ke desêin ke tò se ninn'n nga è nyan-tɔje ke ɔje dè kurloo ke ðarinè. Dè kurloo ke ðarinè nga, nyan-nojege se nyankuje-mesege ke doo unn ade Nube nga asekum tel tàgir le'n ke keâm't kade maje ɔr njêt lé.

¹⁰Tàge ke ɔje dè nyankuje-mese se nyankain a, se togo rage ke se ri de-ri de nga, ei ndukunngé le dooge. Ndukunngé nè nga d'unde de d'ade tooi bè sár le ngine'n ndɔ ke Nube à tel ɔl'n nyan malang kade aw danné.

¹¹Nè ðarinè, Krist unde loo tee pan. E maw njèkuje nyan-mese ke ɔje dè nyange ke maje ke ndii à reei. Krist aw keâm kei kubu ke bò a, ke maje ɔr njêt a tɔ. Kei kubu nè nga è ji doo á ra lé a, tabai è kei kubu ke tò ɔje dè dè nang ke è dann nyankundege't le Nube karè lé a tɔ.

¹²Gile kei ke tò se ninn'n gai nè nga, Krist aw ile njà'n tutu nja karé bere luk-luk ke ngang'n. E aw keâm kei nè nga se mese bal binyege éké mese ngann mangege lé. Nè è aw gile kei ke tò se ninn'n gai nè nga se mese'n è kuwe taa'n jèi inye'n jèi dɔ sár se non.

¹³Mese bal binyege se bɔ mangege éké bu kon-mang ke dé ró de dé siye dè njé ra majelége't nga ɔri se-ra de ke nata ade tooi se ninn de.

¹⁴Nè Krist inye ra'n ade Nube ke nyankuje-mese ke maje ɔr njêt takul Ndil ke njèndisenon. Mese Krist nga ɔr se-tàgir le jéi ke majelé ndát-ndát dum le mese dange bai. Mese'n ɔr jèi unde jèi se ninn'n tede kade jè rai kule j'adi Nube ke njèndi kumgajer.

¹⁵Gir'n ke nè á Krist ee'n njè nda dann dooge se Nube ɔje'n dè mann-ra ke kige nè nga. E wei uge dè dooge ke ali tà kété mari gir mann-ra ke desêin't. Titeke bè á dooge ke Nube bar de à asi kingei nyan-majege ke tooi se non ke ndɔ ke è unn'n ndu'n le kade de nga.

¹⁶Loo ke magtub ke ɔje dè kai nyan-ndube tò tutu bai baa, gar-gar è tà le kade kuwe njè ndang magtubge nè wei pa bita.

¹⁷Magtub ke ɔje dè kaya nyan-ndube nga, njèndang'n wei pa bita d'a ra'n kule bai. Loo ke njèndang magtub mann-ra ke ɔje dè kai nyan-ndube ndi kumgajer bai baa, doo karé ase ra kule se magtub nè nga lé.

¹⁸Gir'n ke nè á mann-ra ke desêin nga géa, d'ile mese nang pa bita d'unde'n gir bai.

¹⁹Moise ɔrgir ndukunngé nè titeke dé ndang'n keâm magtub gute-ndu't nga ade kosdooge malang pa bita. Tabai è unn mese ngann mangege se bal binyege pɔti se mann. E siye mese nè nga dè magtub gute-ndu't kuwe kété bita siye dè

kosdooge't malang bai. Moise siye mese nè se balkum kage karé ke dé bar'n Hysope a, se bin bate ke ker a tɔ.

²⁰E tam ede nè: «E ke nè nga è mese mann-ra ke Nube unn'n ndu'n le kade ilei koje dè't.»

²¹Moise siye mese dange nè nga dè kei kubu kebe nan't se dè nyanra kulege malang ke tooi ke'm kei kubu't nga tɔ.

²²Se go gute-ndu nga, nyange ke mese ɔr se-de á bulei ngain géé. Loo ke mese oso nang lé baa, loo kinge ke'm tin mbit dè majelége't goto.

²³Kerɔte kuwe, ke nè á til nyange ke danrán nga géa d'ɔr se-de titeke bè baa, danra nyange ke danrán géa awi ndoo kade d'ɔr se-de se nyankuje-mese ke maje ngain dum dè è ke kété.

Kwei le Krist ade majelége ɔri dè jéi't kɔke

²⁴Kei ke tò se ninn'n ke dooge rai nga è til ngarankum kei ke tò se ninn'n. E kei ke tò se ninn'n ke dooge rai nè á Krist aw ke'm lé. Nè è ke'm danran't nú ra Nube't á è ndi ra rebe tà le jéi d'arinè.

²⁵Se bal-bal nga, maw njèkuje nyan-mese le Juipge aw gile kei ke tò se ninn'n gai nè se mese dange. Nè è Krist baa aw ke'm gile kei ke tò se ninn'n nè nga le kinye ra'n kade ke nyankuje-mese nja bule lé.

²⁶Ke nè á è inye ra'n ade ke nyankuje-mese nja bule baa, né ndɔ ke nyanker'mkongé à rai nin nja bule unn gir'n mari loo ke Nube unde'n gir nang nè. Nè d'arinè Krist tɔje ra'n nata ndái-ndái ke nyankuje-mese nja karé bere luk-luk ke ngang'n ke'm ndɔge ke ngeinn't nè tede kudu'n kum majelé le dooge.

²⁷Dookunde le Nube nga, gar-gar à wei nja karé bere ke ngang'n. Go't gugu bita Nube à gangtà dènn't bai.

²⁸Krist inye ra'n ade ke nyankuje-mese nja karé bere luk-luk ke ngang'n tede kɔr'n majelé le dooge bule. E à tel le ree ke njèkon't joo baa, è tede kɔr majelé le dooge tɔ lé ta, nè tede kaje njé ke ndii nginei nin tchên ta.

Hebreuge 10

¹Kerɔte kuwe, gute-ndu le Moise nga è til nyan-majege ke ndii à reei bai m è ngarankum nyange nga lé bai. Gir'n ke nè á gute-ndu ase kade dooge maji ɔri njê se go nyankuje-mese ke d'uje se bal-bal nga ndan lé.

²Ke nè á ndɔ ke nyankuje-mese nè nga ɔr se-kaiya le njé ra majelége ade maji ɔri njê nja karé ke ngang'n a, tàgir ke ke'm de't ile tà dè de't lé a tɔ baa, ké d'a kaw ndoo nyankuje-mese nja bule-bule bai wa?

³Nè nyankuje-mesege nè nga oléi ke'm dooge dè kaiya ra dege ke se bal-bal.

- ⁴Kerɔte, mese bɔ mangege se bal binyege ase kɔr kaiyage kɔke ndan lé.
- ⁵Gir'n ke nè á loo ke Krist ayé ree dè nang nè nga, è ede Nube ede nè: «I ndige nyankuje-mese se nyan kade noje lé, nè i unde danra'm.
- ⁶Nyankuje-mesege ke ró se por se nyankuje-mese ke ɔje dè kaiya nga, taa kumi lé.
- ⁷E á m'tam'n m'ede nè: An! Nube, m'ree tede le ra nyan ke keñi ndige. Dé ndang tà nè nga d'ɔje'n dè'm titeke bè keñ Magtub ke tò se ninn'n.»
- ⁸Krist tam ede Nube kété titeke bè ede nè: «Nyankuje-mesege éké nyan kade nojege, nyankuje-mesege ke ró se por éké nyankuje-mesege ke ɔje dè kaiya ke d'adi i Nube nga, i ndige de lé a, taa kumi lé a tɔ.» Nyankuje-mesege ke Nube ute de mbeng nè nga, ei nyankuje-mesege ke dooge rai se go gute-ndu ke Moise ndang.
- ⁹Go't gugu, Krist tam bai ede nè: «An! Nube, m'ree tede le ra nyan ke keñi ndige.» Krist tɔ ko nyankuje-mesege ke mari kɔke tel taa gute se nyankuje-mese ke kanm ke ɔje dè kwei le'n kàde kage-ke-dese't.
- ¹⁰Jésu-Krist ra nyan ke keñ Nube ndige. E inye danra'n ade dé tɔl nja karé bere luk-luk ke ngang'n. Gir'n ke nè á è ɔr'n se-kaiyage ra jéi't kɔke tel'n jèi dooge ke tooi se ninn de ta.
- ¹¹Njèkuje nyan-mese ke rara géa nda ndêrm se ndɔ karé-karé tede ra kule tàkum Nube't a, tede le kunn nyankuje-mesege kade'n a tɔ. Nè nyankuje-mesege nè nga asi kɔri kaiya dè dooge't ndan lé.
- ¹²Nè Krist nga unn danra'n ade ke nyankuje-mese nja karé kuwe njing tede majelé le dooge. Go't gugu bita è aw ndi dè jikon Nube't sár se non bai.
- ¹³E ndi dè jikon Nube't ðarinè ngine sár kade Nube ade njébange le'n teli ei nyan-sure-nja kum le'n.
- ¹⁴Njé ke Krist unde de se ninn'n gai nga, è tel de ke dooge ke maji ɔri njèt sár se non takul danra'n ke è unn ade ke nyankuje-mese nja karé bere luk-luk.
- ¹⁵Ndil-Keñnda géa ede jèi tà nè nga titeke bè tɔ. E tam tà nè kété ke desêin ede nè:
- ¹⁶«An-in! mann-ra le'm ke m'a m'mann'n ra'm kade de keñ ndɔge ke à reei non. M'a m'ndang gute-nduge le'm dè bengre de't a, m'a m'ule gute-nduge dann tàgirge't le de a tɔ. Kuwe-bee Nube á tam tà nè titeke bè.»
- ¹⁷Nube tel tam bai ede nè: «M'a m'ade keñ'm à olé dè kaiyage't le de éké dè nyanra pás-pásge't le de nga gugu ndan lé ta.»
- ¹⁸Ke nè á Nube ade keñ'n tin mbit dè kaiyage't bá baa, doo aw ndoo kunn nyankuje-mese kade tede le kaiya tɔ lé ta.

Ade jè ndai njáng dè kundekem't le jéi

- ¹⁹Ngakonmge, Jésu wei tede tà le jéi. Takul mese'n á dè jéi too'n pal ade j'awi ke'm gile kei ke tò se ninn'n se ke'mnda káng d'arinè ta.
- ²⁰Jésu pà rebe ke kige ke tò kumgajer unde'n tà kubu gang gir loo danné gang. Tà kubu gang gir loo ke tò se ninn'n nè nga toje danra'n è kuwe.
- ²¹J'aw se njèkuje nyan-mese ke bò ke d'or'n d'unde'n ke njèkan dè kei le Nube.
- ²²Bè baa, j'agi ngor ke ra Nube't se ke'mnda káng a, se kundekem ke deri tede Jésu togo se-tàgir ke majelé ke dè bengre jéi't. E togo danra jéi se mann ke unju nyang-nyang bá a to.
- ²³Kundekem tchên le jéi ke j'ilei mber'n nga, ade j'uwei gan-gan anje kade ke'm jéi tête mann. Oiyò, Nube à ra nyan ke è unn ndu'n le ra nga kuwe. Adi j'umi ke'm jéi dènn't bok-bok.
- ²⁴Ade jé tósi kum jéi dè nan't a, adi j'osi gir nan dè tár nan't a, se dè nyanra ke maje't a to.
- ²⁵Adi j'inyei loo kebe nan le jéi titeke njé ke nange ebi ra de dè't se ndoge, ndoge nga lé. Adi j'ulei dingem ke'm nan't dum ke kété tede sei an-in ndo tel le Kuwe-bee Krist nain ngor ta.
- ²⁶Jèi ke jè geri ngarankum tà njai bá, ke nè á jè teli j'inyei go kundekem le jèi le tel rai kaiya titeke ke'm jéi ndige baa, nyankuje-mese karé ke rang ke à or se-majelége le jéi goto ta.
- ²⁷Nè nyan karé ke jè nginei baa, è tà ke tò bel ngain ke Nube à gang dè jéi't. Nyan karé ke rang ke jè nginei bai to baa, è por ke on bilm-bilm ke à ró njébangé le Nube ndo gangtà't le'n.
- ²⁸Nanan ke altà tà gute-ndu ke Moise ndang, ke nè á dooge joo éké mute ori go njai baa, d'a d'unn kum de mbeng le tol'n m doo karé à an kumndoo le'n lé.
- ²⁹Doo ke an Ngonn le Nube ke nyan lé nga, d'a gangtà ke tò bel dènn't dum madege ke rang. Ké sei giri bè an-in lé wa? Kerote kuwe, doo nè nga ile koje dè mese mann-ra ke d'or'n d'unde'n se ninn'n gai nga lé. E nede Ndil-Ke'mnda ke njé kade jè geri ke'mnoje le Nube nga.
- ³⁰Oiyò, è Nube ke njè tam kede nè: «Dalban oje dè'm, nanan ke ra majelé nga è man á m'a m'ade kure nyanra'n à ode kum'n» nga, jè geri nin bá. E tel tam bai ede nè: «Kuwe-bee à gangtà dè kosdooge't le'n.»
- ³¹Koso ke doo à nal pater koso ji Nube ke njèndi kumgajer't nga, è nyan ke tò bel ngain.
- ³²Adi ke'm si olé dè nyan ke tee dè si't kété loo ke ndo ke ingei lookar le Nube. Sei ingei lookar le Nube mbor lé bai baa, sei unni gir ra ro ke bò a, ingei nyanke'mkongé a to.

³³Ndo ke nange dé ra se si nyantosowur a, d'ile rasol de si't tàkum dooge't dé tel sei ke kurkogo le dooge a, ndo ke nange to baa sei kuwe in-in se kem si oréi ra si nan't se njé ke dé ra se de nyange ke titeke bè nga a to.

³⁴Sei an-in kumndoo le dangaige. Loo ke dooge oyi nyankinge sige géa, sei rai ranel tede sei geri mbak titeke nyankinge le si ke maje dum ke doo à taa ji si't lé tò ra Nube't non bai.

³⁵Inyei go kundekem le si nga lé, tede takul'n á d'a d'uge'n dè ji si.

³⁶Sei awi ndoo korè tà njak tede le ra'n nyan ke kem Nube ndige kor son'n njét. Titeke bè á a ingei nyan ke ndo ke Nube unn'n ndu'n le kade sei nga.

³⁷Magtub le Nube ke tò ninn'n tam ede nè: «E ke ndi à ree nga, mbor baa, è à ree kuwe m à tile mbor lé.

³⁸Nube tam ede nè: Doo le'm ke ra nyan se dè naje'n baa, è à ndi kumgajer takul kundekem. Nè ke nè è inye go kundekem le'n koke baa, ra'm à nel'm denn't lé.»

³⁹Dooge ke nange inyei go kundekem le de koke awi dann tuju't. Jèi nga jèi tite de lé. Jèi baa, j'undei kem jèi dè Nube't tede kaje'n ngarankum ra jèi.

Hebreuge 11

Dooge ke kobe kundekem le de bar ngain kété mari

¹Kundekem nga, è nyan ke doo unde kem'n dè't tchèn. Kundekem nga, è nyan ke doo an se kum'n lé bai nè è um kem'n dè't bok-bok titeke è inge nyan nè nga bá bè.

²Dooge ke kété mari ri de bar ngain nga taai kum Nube takul kundekem le de.

³Takul kundekem á jè geri titeke Nube unde nang nè se go tà ke tee tànn't. Nyange ke doo an se kum'n nga in-in ra nyange ke doo asekum kan se kum'n lé.

⁴Takul kundekem á Abel ree'n se nyankuje-mese ke maje dum le Cain ade Nube. Takul kundekem á Nube or'n tà dè Abel't a, tam'n tà ke maje oje dè nyankuje-mesege ke è ree'n a to. Abel nga wei mari kuwe, nè takul kundekem le'n á bila ndi à odenan tam'n tà bai.

⁵Takul kundekem á d'or'n Hénok njél d'aw'n se'n ra Nube't anje kaw se rebe ke ra yo't. Doo karé géa tel inge Hénok gugu lé tede è Nube kuwe unn'n aw se'n unde'n kotenn't. Kété bita kade d'or'n njél d'aw se'n nga, Magtub ke tò se ninn'n tam titeke Hénok taa kum Nube.

⁶Ke nè á kundekem goto baa, doo asekum taa kum Nube ndan lé. Doo ke age ngor ke ra Nube't tede kum se'n nan't bok nga, gar-gar maje kade ger titeke Nube ndi tutu. Nube à uge dè ji njé ke sangi nin se kemnda kang nga.

⁷Nyange ke ndɔn't ayé teei bai nga, ndɔ ke Nube ribe dè de ede Noé kété ade oo takul kundekem̄. Noé ile koje dè tà ke Nube ede'n, è in ra bato ade njé ke kem̄ kei le'n awi kem̄é ajii. Ra ke Noé ra titeke bè nga è ile'n tà dè dooge ke dè nang nè. Tabai, takul kundekem̄ á ndɔ ke Nube ɔr'n tà dè Noé't ade tel ee'n njè ra nyan se dè naje'n.

⁸Takul kundekem̄ á Abraham ile'n koje dè bar ke ndɔ ke Nube bar'n. Abraham in aw kem̄ beekon ke ndɔ ke Nube unn'n ndu'n le kade'n. E in jain aw nal ger loo ke get ke è ndi à aw ke tutu.

⁹Takul kundekem̄ á Abraham ndii'n kem̄ beekon ke ndɔ ke Nube unn'n ndu'n le kade'n asenan se njè nanm bè. Abraham uwe nanm kem̄ kei kubuge't nan't se Isaac a, se Jacob a tɔ. Isaac a, Jacob a tɔ nga, ndɔ ke Nube unn'ndu'n ade de titeke unn'n ndu'n ade Abraham bè tɔ.

¹⁰Abraham ndi ngine bee-bò ke d'unde gir'n d'ade ngiring ngiring-ngiring. Bee-bò nè nga, è Nube kuwe á è njè koje gir'n a, njè kunde'n a tɔ.

¹¹Sara nga kuwe géa buge gɔk-gɔk nè takul kundekem̄ á tel'n ase'n kum kunde'n ko gir'à dooge. E um kem̄'n bɔk-bɔk dè Nube't titeke ayé ra nyan ndɔ ke unn'n ndu'n nga kuwe.

¹²Gir'n ke nè á Abraham ke è bɔ dingem ke buge gɔk-gɔk a, yo uje bu rann't bá a tɔ, oje'n ngonn ade oje'n ngannkànnge. Gir'à Abrahamge bulei nyanmi-nyanmi tite kɔnyonge ke danrán a, bulei dum mbɔje tite nyeenger ke tà ba-bò't bè a tɔ.

¹³Dooge nè nga undei kem̄ de dè Nube't sár weii anje kingei nyan ke ndɔ ke Nube unn'n ndu'n le kade de nga. Nè né è bè géa, ei an-in nyange nè nga se go ngal'n rai oiyo Nube. Ei tami ndàt edi nè: «N'ee n'ei mbage ke n'uwei nanm dè nang nè karè.»

¹⁴Dooge ke tami tà titeke bè nga tɔji jéi adi jè geri njai titeke ei dooge ke ndii à sangi beekon le de ke get.

¹⁵Ke nè á ndɔ ke kem̄ de olé dè beekon le de ke in-in tutu baa, né ayé teli tutu mari bere ta.

¹⁶Nè beekon ke maje ngain dum dè madege ke ngur'n ra de pênn-pênn d'arinè nga, è beekon ke danrán. Gir'n ke nè á ra Nube sol'n dè bar ke dé bar'n Nube le de nga lé. Kerɔte kuwe, è uwe dè nja bee-bò karé tede tà le de bá.

¹⁷Takul kundekem̄ á ndɔ ke Nube nan'n kem̄ Abraham ade unn'n Isaac ke nyankuje-mese ade'n. Isaac è ngonn dagi ke ndɔ ke Abraham oje'n se go kunn-ndu le Nube. Nè né è bè géa, è unn'n ade Nube ke nyankuje-mese.

¹⁸Nɔ ke Nube ede Abraham kété ede nè: «A inge ngannkàige se go rebe ke ra ngonni Isaac't kuwe.»

- 19** Abraham ger keâm't mbak titeke né Isaac wei géa, Nube asekum kade unde loo tee dann njé ke koo't karè. Gir'n ke nè á Nube tel'n se ngonn'n ade'n gugu asenan se doo ke unde loo tee dann njé ke koo't bè.
- 20** Takul kundekem á ndo ke Isaac tór'n ndu'n dè Jacob se Esau oje'n dè nyange ke à reei ndo ke rang.
- 21** Jacob unde kem'n dè Nube't. Loo ke ndo ke nain ngor kade à wei baa, è tór ndu'n dè ngann le Joseph't karé-karé malang. Jacob oré dè kage tóse le'n nang gan tá oje keje'n nang pite'n Nube.
- 22** Joseph unde kem'n dè Nube't. Loo ke ndo ke nain ngor kade wei baa, è tam tà oje'n dè tee ke ndon't ngann Israelge à undei loo teei kem' bee ber't beekon ke Egypte. Tabai è unn ndu'n ade ngann Israelge oje'n dè nyan ke kade ndon't rai se kingenngé.
- 23** Njé koje Moisege undei kem' de dè Nube't. Loo ke ndo ke oji nin baa, ei boyoï nin nan mute. Ei an-in titeke ngonn de maje kum de't ngain. Ei beli ndukunn le ngar nga lé.
- 24** Moise unde kem'n dè Nube't. Loo ke ndo ke tóge bá baa, è mbate kade dooge bari nin ngonn le ngonn Pharaon ke dinye.
- 25** Nè è ndige kade dé ra kum'n ndoo se kosdooge le Nube nan't; è soo't ngain dum ndi ra ranel mbor dann kaiya't.
- 26** Moise an rasol ke ndon't d'a d'ile dè Krist't nga ke nyanbaw ke dum dè nyanbawge malang ke beekon ke Egypte. E oré kum'n sêw dè nyankuge dè jinn't ke ndo ke rang.
- 27** Moise unde kem'n dè Nube't á ndo ke è inye'n beekon ke Egypte nal bel wong ke ayé ra ngar dènn't. E nda dè njann't njáng titeke an Nube ke dookunde le'n ase kan'n se kum'n lé nga bá bè.
- 28** E takul kundekem á ndo ke Moise ade dé tol ngann batege unde'n gir ra nan Paque. E ade dé røke mese ngann batege tàbit keige't le de tede kade doo ke danrán ke njé tó ko dooge tol ngann der kosdooge ke Israel lé.
- 29** Kosdooge ke Israel undei kem' de dè Nube't á ndo ke gangi ba-bò kate titeke è nang ke tutu bè. Nè loo ke dooge ke Egypte nan-in le ndaji kum de baa, nain manné wont.
- 30** Kosdooge ke Israel undei kem' de dè Nube't. Gir'n ke nè á ndo ke njiyei guguri dè bee-bò ke Jéricho ndo ji sejimute baa, ndogo bor ke d'unde d'an-in'n dè bee-bò ke Jéricho nga unde nang rap-ráp.
- 31** Rahab, kaiya dinye unde kem'n dè Nube't á ndo ke dé tol'n se njékaltàge tà Nube't lé. E uwe njé gon looge ke rann't ra de mba se kemlom.

³²Ké ta ri á m'a tam bai wa? Ke nè á m'ndige kɔrgir tà ke ɔje Gédéon, Barac, Samson, Jephté, David, Samuel se njéribé-dè-tàge ke tà Nube't se ngang'n lèr-lèr baa, kurloo le'm ayé kase lé.

³³Dooge nè malang undei ke'm de dè Nube't á ndɔ ke tɛti rɔ beekonge a, rai nyan ke se dè naje'n a, ingei nyange ke ndɔ ke Nube unn'n ndu'n ade de a, uwei tà toboige a tɔ.

³⁴E takul kundekem á ndɔ ke ei tɔli por ke on bilm-bilm dè de't a, teei tà yo kuye kaskar't a tɔ. Ke nè á d'oso se ratur ke tò bel ngain géa, ra de tel tò karè a, dé gon rɔge ade dé yal njérɔge ke dè beege ke rang karé-karé a tɔ.

³⁵Dinyege undei ke'm de dè Nube't. Titeke bè á ndɔ ke njé ke nange teli ingei dooge le de ke undei loo teei dann njé ke koo't. Dingemge ke nange ndɔ ke dé ra se de nyantosowurge, nè né è bè géa, ei mbatì kade doo taa de inye de dɔ. Ei rai titeke bè tede undei ke'm de tchèn dè kunde loo tee dann njé ke koo't ke maje ngain géé nga.

³⁶Nè njé ke nange ke rang baa, ndɔ ke d'ule mbe dè de't a, dé tunde de se ndèin a tɔ. Ndɔ ke dé tɔ njé ke nange se sul a, dum de dangai't a tɔ.

³⁷Dé tile njé ke nange se kuberi her mbàs-mbàs dé tɔl de a, dé tuje de danné mɔr-mɔr dé gang de a, dé tɔl de se kuye kaskar a tɔ. Dé ra de d'ade d'ile dɔ gam-gam a, d'ɔi nyange le de ndát-ndát ade bann ngire batege se binyege á d'utu'n dè ra de a tɔ. Dangte ra de tede dé ra se de majelé ngain a, d'ɔge de loo taa kebe a tɔ.

³⁸Dé nga, njé ke dè nang nè utei de mbeng ade d'ile ganm-ganm se ke'm dile a, se dè mbalge, d'an-in dé bɔyɔ ra de ke'm bolè mbalge't se gute bee nang't a tɔ.

³⁹Dooge nè malang nga taai kum Nube tede ke'm de ke undei dènn't, nè né è bè géa, ingei nyan ke ndɔ Nube unn'n ndu'n le kade nga lé bai.

⁴⁰Ndɔ ke Nube ɔje rebe nyan karé ke maje ngain dum tede le jéi, nè è ndige le kade d'inge nyan nè nga anje jèi ndan lé.

Hebreuge 12

I ndai dè nja si't njáng

¹Jèi géa, njékɔrgo tàge le jéi ndii dèng-dèng tɔ. Bè baa, nyan ke rara ke wɔi jèi a, se kaiya ke ule jèi poré ɔge jèi kaw kum jéi ke kété nga adi jè risi de j'undei de nang. J'an-in ngɔde kum jéi ke kété ɔje dè nyan ke tò non jéi't.

²Jésu è njèkunde gir kundekem le jéi a, è njè kade kundekem le jéi maje ɔr njèt a tɔ. Ade j'oréi kum jéi dènn't sêw-sêw se ndɔge malang. Jésus inye ra'n ade dé tɔl kade kage-ke-dese't anje kan rasɔl'n ke nyan. Kerɔte kuwe, Jésus oré kum'n dè nyan ranel ke tò nonn't kété baa, d'arinè è ndi dè jikon kutu-ngar't le Nube ta.

³Jésu nga géa njékaiyage utei nin mbeng, nè oré tà'n njak. I giri dènn't baa uti kum si parr m adi keñ si tête mann lé.

⁴Sei rɔi se kaiya utei nin mbeng, nè i ndai garang-garang sár kade ingei yo lé bai.

⁵Sei adi keñ si wei nal dè tà ke Nube ndeje'n sei titeke bɔ nganngé ndeje'n de bè nga. «Ngonn'm, kumkunju ke Kuwe-bee tɔji nga, maje kade an ke nyan ke karé lé. Ke nè á Kuwe-bee ndángi baa, ade keñi tête mann lé.

⁶Doo ke Kuwe-bee tár'n bita tɔje'n kumkunju a, dooge malang ke è an de ke ngann'n bita um ndèin dè de't bai a tɔ.»

⁷Nube an sei tite ngannenge bè á tɔje'n sei kumkunju. Maje kade oréi tà si njak. Ké gonn ke ra á bɔ'n tɔje'n kumkunju lé wa?

⁸Ke nè á Nube tɔje sei kumkunju titeke tɔje'n ngannenge malang nga lé baa, sei sei ke bɔ gotoge m sei ngann keñnge lé.

⁹Bɔ jéige ke d'ɔje jèi nga, loo ke d'ɔje jèi kumkunju tede kade jè ndii maje baa, j'ulei dè jéi j'adi de. Bɔ jéi Nube ke njè kade jèi ndikumgajer nga, ké j'à kulei dè jéi kadi nin dum bɔ jéige ke oji danra jéi nga bai lé wa?

¹⁰Bɔ jéige ke oji jè nga tɔji jèi kumkunju mbɔr se go tàgirge le de ei. Nè Nube baa tɔje jèi kumkunju tede kade j'ubei maje a, jè tooi se ninn jéi gai tite'n è bè tɔ.

¹¹Kɔje doo kumkunju ke rara nga, kété baa è kumndoo m è ranel lé. Nè go't gugu bita njé ke dé tɔje de kumkunju à teli ndii se keñlom, tede nyanra de ke se dè naje'n ke unni gir rai nga.

Undei kumkunju dè ra si't

¹²Bè baa, adi ji si ke wei sululu nga tel mong káng-káng a, adi merkeje si ke unde balè nga tel mong ɗaj-ɗaj a tɔ.

¹³I rai rebege ke ndai danné sêw i njiyei tutu, tede kade njèmete tel njiye maje tá m kade ɔse rebe pat nal lé.

¹⁴Uwei ra si mong le ndii se keñlom se dooge malang. Awi kum si ke kété-kété le k'eei dooge ke tooi se ninn de gai. Ke nè á è bè lé baa, doo karé bè géa à an Kuwe-bee se kum'n ndan lé.

¹⁵An-in go ra si maje le kade doo karé bè géa tel uwe ndube keñnoje le Nube nga lé ta. Tabai undei kumkunju dè ra si't tede kade ngire wurkate ke ase tuju dooge ube dann si't lé, nè bainléa ngire wurkate nè nga à kin tuju dooge bule ngain.

¹⁶An-in go ra si maje le kade doo karé bè géa tel è njè tò se nan ke kaiya't éké njè nede nyan tite Esau lé. Esau nga, ndɔ ke ige nyan ke ɔje dè ngonn der nga kɔke tede nyankuse ke nja karé bere.

- 17**Sei geri mbak, Esau nga ndo ke mbor go't gugu baa, è ndige le kinge ndutor ke nyan-ndube nè bo'n ute'n mbeng. E non se mann non kumn't a, è sang loo kade bo'n tel tur ndu'n nè ase nan't ade'n lé ta.
- 18**Loo ke sei ndoti ngor ke ra Nube't nga, sei asikum ndai kote mbal karé ke ri'n nè Sinai nga lé. Mbal nè nga è mbal ke doo ase kode se ji'n le'm lé. Mbal nè nga taa por gegeg a, tilkus sebe dè't rip a, loo ke dè't tel tuge ndul a, nel bò ule dè't mbin-mbin a to.
- 19**Sei ooi ká burunju ke ndo ke bar ase loo nák-nák éké ndu Nube ke ndo ke bar beng-beng nga lé to. Loo ke ndo ke kosdooge ke Israel ooi ndu Nube ke bar nè nga baa, ei beli ngain ade ndigi kade Nube tel tam tà ede de gugu lé ta.
- 20**Ndo ke Nube unn ndu'n ade de ede nè: «Ke nè á è doo ndul éké dan ke rara géa odo mbal nè le'm baa, d'a t'ile'n se kuberi her mbás-mbás tol'n koke.» Bel ra de ngain ade dé taa ndukunn nè nga lé.
- 21**Nyan ke ndo ke Nube ade d'an nga tò bel ngain ade Moise kuwe géa tam ede nè: «Bel ra'm ngain ade m'ndebe nginn-nginn.»
- 22**Nè sei baa, i reei ngor ke dè mbal ke ri'n nè Sion, bee-bò le Nube ke njèndi kumgajer. Bee-bò nè nga è Jérusalem. E loo ke dooge ke danrán ke kor de dum mboje oosi nja de nan't ndai rai ranel.
- 23**Sei reei ra njékebe nange le Nube ke ei ngann dernge ke d'unde ri de kem Konbee ke danrán't. Sei reei ra Nube ke njèngantà dè dooge't malang a, se dè njè ra nyan se dè najenngé ke ori son kule le de njèt bita weii bai a to.
- 24**Sei reei ra Jésus ke njè nda dann mann-ra ke kige't le Nube se kosdooge le'n. Mese Jésus or tà dè jéi't dum le Abel ke ndo ke an-in nang nga bai.
- 25**Kem si dè ra si't nè bainléa a kin-in mbati kooi tà tà Nube ke ndi ede sei tà't nga. Kosdooge ke Israel ke ndo ke mbati kooi tà tà Moise't ke njè kede de tà dè nang nè nga, ndo ke d'ade kure nyan ra de odo kum de. Jèi baa, Nube ndi danrán nú á ede'n jèi tà. Jèi géa, ke nè á jè mbati kooi tà tànn't baa, kure nyan ra jéi à odo kum jéi dum le de ei nè bai m loo naje'n goto.
- 26**Ndo ke ndu Nube bar beng-beng ade nang yei buk-buk. Nè dariné è unn ndu'n ede nè: «M'a m'ade nang à yei nja karé bai. E nang á m'a m'ade à yei buk-buk se kar'n lé ta, nè danrán géa m'a m'ade à yei buk-buk se'n nan't to.»
- 27**Tà ke Nube tam ede nè: «Nja karé bai» nga toje jèi njai titeke nyankundege à yei buk-buk, à gotoi njèl le kinyei loo kadi nyange ke à yei buk-buk lé.
- 28**Ade jè rai oiyo Nube tede beekon ke j'ingei nga è beekon ke à yei ndan lé. Tabai ade jè rai nyan ke taa kum'n a, j'ilei koje dènn't a, jè beli ndil'n a to.
- 29**Kerote kuwe, Nube le jéi nga è tite por ke ró nyan bè.

Hebreuge 13

Tà ndejege ke ngeinn't

- ¹I tári nan se ndooge malang tite ngakon nange bè m ebi't lé.
- ²Adi keâm si wei nal dè ra mba't lé. Ra mba ke titeke bè á njé ke nange uwei dooge ke danrán ke ra de't anje kade geri.
- ³Adi keâm si olé dè njé ke tooi dangai't titeke sei géa, sei dangaige se de nan't bè to. Adi keâm si olé dè njé ke dé ra kum de ndoo tite sei géa, sei danra ke karé se de nan't a to.
- ⁴Maje kade dooge malang ilei koje dè taa nan't. Maje kade dingem se dinye adi taa nan le de unju nyang-nyang. Kerote kuwe, Nube à gangtà dè dooge ke njé tò se nan ke kaiya't a, à gangtà dè njé tò se dinye le dooge a to.
- ⁵Adi ngur nar ule aljeâm tà si't uwe'n sei ber lé. I rai ranel dè nyan ke tò ji si't tede Nube kuwe tam ndàt nè: «M'a m'inyei sengel lé a, m'a m'inye gooi ndan lé a to.»
- ⁶Gir'n ke nè á jè ndaii keâm jéi káng j'edi nè: «Kuwe-bee è der gir'm, m'a m'bel ndan lé. Doo ase ra se'm nyan karé lé.»
- ⁷Adi keâm si olé dè njékòr non sige ke ndo ke ilei mber tà le Nube adi sei nga. Adi keâm si olé dè ndi kumgajer le de dè nang nè a, se dè kwei't le de a to. An-in kundekem le de ke nyan-toje le si to.
- ⁸Jésu-Krist nga tel ra'n rang lé. E ndi titeke tagela a, titeke bila a to. A ndi titeke bè sár se non.
- ⁹Inyei loo adi njéndó dooge nyan ke se ri de-ri de ke rang libi kum si lé. Nyan ke soo't baa, è noje ke Nube uwe se jéi á ule dingem keâm jéi't m è ndukunngé ke oje dè nyankusege lé. Nè dooge ke ilei koje dè ndukunngé ke oje dè nyankuse nè nga, nyan karé ke è soo de't tutu goto sár.
- ¹⁰Jèi nga j'awi se dinger loo nyankuje-mese le jéi ke njékuje nyan-mesege ke ndo ke rai kule gile kei ke mari ke tò se ninn'n nga ndête kade awi tutu usei nyan lé.
- ¹¹Nyankulge ke maw njèkuje nyan-mese uje'n mese keâm gile kei ke tò se ninn'n gai nga, è tede kuge'n kure majelé le dooge. Danra nyankulge ke d'uje'n mese nè nga, d'oto d'aw'n gide loo't nata dé ró se por rák-rák kòke.
- ¹²Gir'n ke nè á Jésus géa weii'n gide bee-bò ke Jérusalem nata tede kade mese'n or'n kosdooge unde de se ninn de gai.
- ¹³Bè baa, ade jè taai nyan rasol le'n j'otoi dè jéi't j'awi jè tilei non'n gide loo ndi't nata heb.
- ¹⁴Oiyo, dè nang nè nga j'awi se beekon le jéi ke get ke tò se non lé, nè jè sangi beekon ke get ke ndi à ree.

15Bè baa, adi tà jéi teen ile ribar dè Nube't se ndoge malang takul Jésus. Pite Nube nga tò asenan se nyankuje-mese ke j'unni j'adi nin bè.

16Adi keñ si wei nal dè ra maje't, se dè kai tà nyankinge le si kade dooge ke rang nga lé. Nyankuje-mesege ke titeke bè nga taa kum Nube.

17Ilei koje dè njékör non sige't a, ulei dè si adi de a tɔ. Dé nè nga, dé tɔse kum de dè ngarankum ra si't se ndoge malang. E dé nè á ndɔ ke rang d'a d'ɔrgir tà ke ɔje dè ngarankum ra si kade Nube. Ilei koje a, ulei dè si adi de titeke bè le kade dé ra'n kule nè nga se ranel anje bar tà. Ke nè á dé bar tà baa, ayé maje dè si't lé.

18Ɔji tà se Nube ngain tede le jé. Kerɔte kuwe, jè ger mbak titeke tàgir le jé ke keñ jé't nga unju nyang-nyang. Tabai jè ndige kade pa njiye jé maje se ndoge-ndoge.

19Nè m'tel m'ra ndoo ra si't nja karé bai le kade ɔji tà se Nube tede le'm le kade inye loo ade m'tel kalang m'aw ra si't gugu.

Koje tà se Nube

20Nube ke njè kade jèi keñlom, è ade Kuwe-bee le jéi Jésus unde loo tee dann njé ke koo't. Nube ɔr'n unde'n ke maw njèkul batege. Jésus unde gir mann-ra ke à tò sár se non se mese'n è kuwe.

21Maje kade Nube ke njè kade jèi keñlom ade sei tɔg si ade i rai nyange ke maje ke se ri de-ri de. Maje kade ade sei tɔg si kade i rai nyan ke keñ'n ndige. Maje kade Nube ade jè rai nyange ke taai kum'n takul Jésus-Krist. Maje kade ndubra è le Krist sár se non. Maje kade è titeke bè kuwe.

Tàge se lapyà ke ngeinn't

22Ngakonmge, m'deje sei kade i taai tà ndejege nè nga se keñnda káng, tede tàge ke m'ndang keñ magtub't m'ule'n m'ade sei nga, ase loon't bè karè.

23Maje kade i geri titeke ngokon jéi Timothée nga d'inye'n dɔ bá ta. Ke nè á ree law baa, j'à j'aw se'n nan't le kan sei.

24I rai lapyà njékör non sige se njétaakeñ-Kristge malang adi man. Njétaakeñ-Kristge ke keñ beekon ke Italie rai sei lapyà.

25Maje kade keñnoje le Nube nain se si malang.

Jacques

Jacques 1

Jacques ɔrgir ra'n

¹Man Jacques, ber kule le Nube se Kuwe-bee Jésu-Krist, m'ndang magtub nè m'ade girkàge le Israel ke dɔg-gidé-joo ke yali nan karé-karé m'ra'n de lapyà.

Kundekeṁ se kumkunju

²Ngakonmge, ke nè á nja si tuge sei dè nyan nange't gai-gai baa, an-in ke nyan ranel ke deri.

³Sei geri mbak, nyan ke nan kundekeṁ le si nga à oje korè tà njak.

⁴Korè tà njak le si nga maje kade undeì dè se rebe lé. Titeke bè á sei a maji kɔri njêt a, nyan karé bè géa à nal sei lé a tɔ.

⁵Ke nè á doo karé dann si't nal kumkunju baa, maje kade kɔ Nube. Nube è njè kade dooge malang nyan se keṁ karé anje ndáng de.

⁶Nè gar-gar, maje kade i deje'n nyan se kundekeṁ m i naje se rai lé. Doo ke naje se ra'n nga è doo ke keṁ'n è joo. Doo ke keṁ'n è joo nga tò asenan se kɔr mann ke tal bungus-bungus ke nel ɔr'n aw se'n yo-yo, nè-nè bè.

⁷E soo't kade doo ke titeke bè nga gir keṁ'n't ede nè n'a n'inge nyan karé ji Kuwe-bee't lé.

⁸E doo ke njè keṁ joo ke aw yo-yo, nè-nè dè rebege malang ke aw tutu.

Njèndoo se baw

⁹Maje kade njètaakeṁ-Krist ke njèndoo ade dè'n in tchakm tede kunde ke Nube unde'n dɔ dɛng.

¹⁰Maje kade njètaakeṁ-Krist ke è baw ade dè'n in tchakm tede tel ke Nube tel se'n gugu. Baw tò asenan se putu kage éké walè bè.

¹¹Loo ke kàde ube, in ɔse ramam ade kam kage ndolè a, putu'n ur nang a, kin mande le'n ɔse ngei ngai a tɔ. Baw nga géa, le'n à è titeke bè tɔ. Ndɔ karé à goto njêl dann nyanbawge't le'n.

Tà ke ɔje dè nyan nange se nyan sùge

¹²Doo ke oré tà'n njak dè nyange ke nann't baa, ra'n à nel'n. Doo ke oré tà'n njak dè nyange ke nan-in nin baa à inge jɔkɔ kunn banga le ndii'n kumgajer. Jɔkɔ kunn banga nga, ndɔ ke Nube unn'n ndu'n le kade njé ke tárii.

¹³Loo ke nyan nan doo karé baa, è soo't kade tam ede nè: «E Nube á nan'm lé.» Oiyò, Nube aw ndoo ra doo majelé lé a, Nube géa asekum sú doo ndan lé a tɔ.

14Nè nanan géa è ngur nyange le'n ke dè bengrenn't kuwe á leše'n aw se'n dann nyan nange't.

15Ke nè á j'inyei loo j'adi ngur nyange nè baa, à ndann ngonn le koje kaiya. Loo ke kaiya nè ra tɔge bá baa à in ke kété koje yo tɔ.

16Sei kotárgé le'm, adi kum si sú sei dè tà't nè nga lé.

17Nyan kade noje ke maje se nyan kunde njage ke maji ɔri njê't nga in-in do danrán ra Bɔ jéi Nube ke njè kunde kàde se kɔnyonge. Nube nga tur hal'n rang lé a, loo ke rann't tel tuge ndul ndɔ karé bè lé a tɔ.

18E ɔje se go kemndige le'n le kade jèi ndikumgajer takul Tà ke Maje le'n ke è ngarankum tà. Gir'n ke nè á jéi le'n kuwe deri dann nyankundege le'n malang.

Tà ke ɔje dè koo tà le Nube ra'n nyan'n

19Ooi tà nè maje, kotárgé le'm. Maje kade nanan géa in kalang ur mbi'n oo'n tà. Nè maje kade in kalang tam tà éké ade wong in se'n kalang lé a tɔ.

20Kerɔte kuwe, doo ke wong in se'n nga à ra nyan ke se dè naje'n tàkum Nube't lé.

21Gir'n ke nè á ɔri ra si kɔke dann nyan ke mine't bere mbak se gute nyange ke rang ke majelé. I taai Tà ke Maje ke Nube dubu bengre si't se ngonn koje. Tà nè nga ase kaje ngarankum ra si.

22Adi kum si sú sei lé. Tà ke Maje ke ooi nga, i rai nyan'n se ndɔge malang m ooi ke koo karé lé.

23Oiyo, doo ke oo tà á ra nyan'n lé baa, tò asenan se doo ke gon kum'n se kuturam bè.

24E gon ra'n an, loo ke è ɔte aw mbɔr baa, ke loon't nè kuwe kem'n wei nal sêl dè rann't ke gon bá nga.

25Nè doo ke ter gute-ndu ke maje ɔr njê't ke njè kade jè ndii dè jéi pal nga, nda dè't njáng ra nyan'n, oo ade kem'n wei nal sêl dè't lé baa, doo nè nga ra'n à nel'n dè kule rann't kuwe.

26Ke nè á doo karé dann si't an ra'n ke njè ger Nube, nè è ger loo kule alje'm tann't lé baa, è sú kum ra'n è kuwe. Ger Nube le doo nè nga tel è nyan ke raikaré.

27Tɔse kum dè ngann halge't se njékei-kingege dè nyantosowurge't le de a, kan go ra sêw-sêw dè nyange ke mine ke dè nang nè a tɔ, è ngarankum ger Nube ke taa kum Bɔ jéi Nube.

Jacques 2

Ori kum njèndoo se baw lé

¹Ngakonmge, sei undei keñ si dè Kuwe-bee't le jéi Jésu-Krist ke d'ile ribar dènn't bá. Ɔri kum dooge lé, tede kɔr kum dooge nga uwe made nan se kundekeñ dè Krist't lé.

²Bainléa doo karé ule ninge bise ke dé ra se nar-ɔr jinn't a, ule kubu ke ndolé rann't ree'n loo kebe nan't. Bainléa doo karé ke njèndoo ule kubu ke tò yoro rann't ree'n loo kebe nan't nè nga tɔ.

³Nè sei oréi kum si dè doo ke njè kule kubu ke ndolé kein-kein se ndɔ'n-ndɔ'n nè tá edi nin edi nè: «I baa, i ree i ndi loo ke maje't nè tá.» Nè njèndoo baa edi nin edi nè: «I baa, i nda se njai dɔ loo ke nè't» éké «I ndi nang njam't dè nang ndul't nè.»

⁴Ke nè á sei rai titeke bè, à baa ké è kɔr kum nan ke sei ɔri dann si't lé bai wa? Ké è tà ke sei kuwe in-in kalang i gangi dè nan't se go tàgirge ke majilé ke dè bengre si't lé wa?

⁵Ngakonm ke m'tár sei ooi maje. Ké è Nube kuwe á tɔr njé ke d'an de ke njèndooge ke dè nang nè le kade ei baw kundekeñge lé wa? Ké è Nube kuwe á tɔr de kade on-in se'n bee le'n titeke unn'n ndu'n ade njé ke tári nin nga lé wa?

⁶Nè sei baa, ilei rasɔl dè njèndoo't. Ké nange á ei njékon sei njanm-njanmge a, njé kali sei kawi se si loo gangtà't nga wa? Ké è dé bawge nè nga lé bai wa?

⁷Ké è dé á dé njé nede sei njétaakeñ-Kristge nga lé bai wa?

⁸Kerɔte kuwe, gute-ndu ngar ke dé ndang keñ Magtub't d'ede nè: «I tár doo ndul madi titeke i tár'n danrai i kuwe bè» nga, ke nè á i rai ɔri son'n njét baa, sei rai maje.

⁹Ke nè á sei ɔri kum dooge baa, i rai majilé karé bá ta. Gute-ndu ile tà dè si't tede sei ali tà tànn't.

¹⁰Ke nè á doo an dè gute-ndu bere sêw-sêw nè è ɔse è ke karé pat nal baa, tà uwe dè'n ɔje dè gute-ndu bere mbak.

¹¹Kerɔte kuwe, è Nube ke karé ke njè tam kede nè: «I sang dinye éké dingem ke rang lé» nga kuwe á tam bai ede nè: «I tɔl doo lé.» Nè ke nè á i sang dinye éké dingem ke rang lé géa, nè i tɔl doo baa, i tel i njèkal tà tà gute-ndu't bá ta.

¹²Bè baa, i tami tà á in-in i rai nyan'n a tɔ. Sei sei dooge ke d'a gangtà dè si't se go gute-ndu ke ade i ndii dè si pal nga gar-gar.

¹³Doo ke an kumndoo le madenngé lé baa, ndɔn't Nube à unn kum'n mbeng le gangtà dènn't nal kan kumndoo le'n tɔ. Nè doo ke an kumndoo le madenngé baa, à nda loo gangtà't se keñ bel ndan lé.

Kundekeñ ke anje ra kule dè't

¹⁴Ngakonmge, ke nè á doo karé tam ede nè: «M'unde keñ'm dè Nube't» anje ra kule dè't baa, ké kundekeñ le'n nè nga à kaje'n wa?

- 15**Bainléa ngokon si éké kon nann si karé awi ra de karè nal kubu éké nal nyankuse se ndo karé-karé a tɔ.
- 16**Bainléa doo karé dann si't ede de ede nè: «Awi i ndii se keɱlom, ulei kubu ra si't, usei nyan i ndanni a tɔ» nal kade adi de nyange ke awi ndoo'n le ndii kumgajer nga baa, ké ri á à è soo't tede le de wa?
- 17**Kundekeɱ nga géa è titeke bè tɔ. Kundekeɱ ke anje ra nyan karé dè't nga tò asenan se nyan ke wei se dè ra'n bá bè.
- 18**Nè doo karé à tam kede nè: «I, i ndi se kundekeɱ a, man m'aw se kule rage a tɔ.» M'a m'tel deje'n kede nè: «I tɔje'm kundekeɱ lei ke anje ra kule dè't nga ade m'an baa, man géa m'a m'tɔji kundekeɱ le'm se kulege ke m'ra dè't kade an tɔ.»
- 19**I gir titeke Nube è karé bere luk-luk. Tàgir lei aw loon't kuwe. Nè ndilge ke majelé géa giri keɱ de't titeke bè tɔ, nè bel ra de ade ndebi nginn-nginn.
- 20**Habi! i doo ke njè keɱ tɔ kuju tà lé, ké i ger titeke kundekeɱ ke anje ra kule dè't nga è nyan ke raikarè lé wa?
- 21**Kà jéi Abraham nga, ké ndo ke ra bain á Nube ɔr'n tà dènn't wa? Ndo ke Nube ɔr tà dè Abraham't tede ngonn'n Isaac ke unn'n ade ke nyankuje-mese dè d'inger't loo't.
- 22**I an titeke kundekeɱ le Abraham a, kule ra'n a tɔ nga, asinan deɱ. Kundekeɱ le'n maje ɔr njèt takul kule ranngé.
- 23**Tà ke dé ndang keɱ Magtub't d'ede nè: «Abraham unde keɱ'n dè Nube't. Gir'n ke nè á Nube an'n ke doo ke tà ɔr dènn't a, bar'n made'n a tɔ» nga, aw loon't deɱ.
- 24**Sei an-in mbak titeke kule ra doo á Nube ɔr'n tà dènn't an'n ke njè ra nyan se dè naje'n m è takul kundekeɱ á se kar'n lé.
- 25**Rahab kaiya dinye nga géa, le'n è titeke bè tɔ. Nube ɔr tà dènn't an'n ke njè ra nyan se dè naje'n takul kule ranngé. Rahab uwe dooge ke d'ule de ke rann't ra de mba bita inye de ade unni rebe ke rang teli awi bai.
- 26**Kerɔte kuwe, danra ke kebe goto keɱé nga tel è ninn ta. Kundekeɱ ke anje ra kule dè't nga géa, tel è ninn titeke bè tɔ.

Jacques 3

Ndon doo ade doo ra majelé

- 1**Ngakonmge, è soo't kade dooge bule teli ei njé ndó nyan made dege lé. Sei geri mbak titeke tà ke d'a gang dè jéi jèi njéndó nyan made jéige't nga à tur ngain dum le dooge ke rang.

²Jèi malang jè rai nyange ke se go rebe'n lé nja bule. Ke nè á doo karé ur tà ninge't salang lé baa, è doo ke maje or njêt kuwe. E doo ke asekum kule aljem' tann't kan-in'n ngang ra'n garar-garar.

³J'ulei aljem' tà sindege't kade ulei dè de adi jèi a, le tête'n de titeke kem' jèi ndige a to.

⁴An-in! batoge ke bò-bò. Nel bòge oasi de awi se de yo-yo, nè-nè. Nè né è bè géa, njè kunn de nda kem'n káng tête de titeke kem'n ndige takul màn de ke ngênên bè.

⁵Ndon doo géa è balkum ra'n ke ndèin bè to. Nè è ti ra'n ngain a, oje nyange nyanmi-nyanmi a to. An-in! kor por ke ndèin bè kuwe oso loo't baa, ró loo rák-rák.

⁶Ndon doo nga géa tò asenan se por bè to. Ndon doo nga è kei ndi le nyanrage ke pás-pàs. Ndon jèi nga ube dann balkum ra jéige't, nè ra ade danra jèi bere mbak tel mine tanm-tanm. Ndon doo nga è njè tee se tàge ke majelé tuju'n dookundege le Nube titeke kor por oso'n loo't ró'n bè. Tàge ke majelé ke ndon doo tuju'n dooge nga in loo ke tur ke dooge à non-in se mann non kum de't tutu.

⁷Dange gai-gai ke walé, helge se nyange ke agi nang se tà kem' de, dange ke dann ba-bò't malang a to nga, doo asekum kon dè de njanm-njanm kul de.

⁸Nè ndon doo nga, doo karé bè géa ase kon'n njanm-njanm kade tò kotch loo karé lé. Keng'n ke tol'n doo rusu ra'n tap-tap.

⁹Ndon jèi á jè d'oyi Kuwe-bee a, Bò jèi a to. Ndon jèi ke karé nè kuwe á j'ubi se dooge ke Nube ra de adi taai nan se'n tcha-tcha a to.

¹⁰Tà doo ke karé bere nè kuwe tee se ndutor a, tee se ndu mann a to. Ngakonmge, i rai titeke bè lé gar-gar.

¹¹Kum kanran mann ke karé nga, ké mann ke sol se ke ate à teei kutch-kutch nan't tutu wa?

¹²Ngakonmge, ké kage koté asekum kann d'oy wa? Ké kage nduu asekum kann koté wa? Kum kanran mann ke karé nga, mann ke tò kate jiiim se mann ke sol asikum teei kutch-kutch nan't tutu lé.

Kumkunju ke in danrán se kumkunju ke dè nang nè

¹³Ké nan dann si't á è njèkumkunju a, njègos nyanger a to wa? Ke nè á njè kumkunju éké njègos nyanger è dann si't baa, maje kade ra nyange ke maje a, aw lom-lom a to.

¹⁴Ke nè á ra jang éké nin se naje nan tà rusu bengre si njin-njin baa, i ti ra si dè kumkunju't le si i tami tà lanm utei ngarankum tà nga mbeng lé.

¹⁵Kerote kuwe, kumkunju nè nga è kumkunju ke in danrán lé. Kumkunju nè nga è kumkunju ke in ra doo ke dè nang nè a, in ra njè keñ majelé't a tɔ.

¹⁶Oiyo, Tede loo ke rara ke ra nan jang éké ra nan nin se naje nan tà tooi tutu nga, dooge awi dè nan't kutri a, nyanrage ke majelé gai-gai in-in dè made't ke kété-kété a tɔ.

¹⁷Nè kumkunju ke in danrán nga à ade doo unju nyang-nyang a, à ade doo à ee'n njèkeñlom a, njè kaw lom-lom a tɔ. Kumkunju ke in danrán nga à ade doo à è njè kile koje a, keñkanm à taa ra'n pel-pel a, à è njè ra nyan ke maje a, à è njè kum tà go doo karé't lé a, à è njèkede gos lé a tɔ.

¹⁸Dooge ke dubi keñlom dann made dege't nga a ingei kann nyanra ke ɔje dè nyanra ke se dè naje'n nga tɔ.

Jacques 4

Doo ke uwe made nan se dè nang è njèban le Nube

¹Kɔl nan se tin nan le si nga, ké i geri loo ke in-in tutu wa? Kɔl nan se tin nan le si nga in-in ra ngur nyange't le danra si sei't á ndii à rɔi se si.

²Sei ndingei nyan nè ingei lé. Loo ke sei ndingei nyan á ingei lé ɓaa, i teli i rai keñkein a, i rai jang se nan a tɔ. Nè né è bè géa sei asi kingei nyan ke i ndigei nga lé. Sei i kɔli nan a, i tin-in nan a tɔ. Sei kɔi nyan nè ingei lé tede i kɔi Nube se go rebe'n lé.

³I kɔi nyan ɓaa ingei lé tede sei kɔi le kaw tuji kɔke dè ngur nyange ke majelé ke ra si't nga karè.

⁴Sei njé mbate Nubege! Doo ke uwe made nan se nang nè nga è njèban le Nube. Ké sei geri titeke bè lé wa? Doo ke ndige kuwe made nan se nang nè ɓaa, è kuwe tel ra'n ke njèban le Nube ta.

⁵Tà ke dé ndang keñ Magtub't d'ede nè: «Kebe ke Nube ade urkei keñ jéi't nga, ngur konɓee dènn't ra Nube pènn-pènn. Ké sei giri titeke Magtub tam tà nè nga kenon-non karè wa?

⁶E uwe se jéi noje ke bò. Gir'n ke nè á Magtub ke tò se ninn'n tam'n ede nè: «Nube ute njé ti ra dege mbeng, nè è uwe noje se njé kule dè dege.»

⁷Ulei dè si adi Nube. Ilei rɔ adi sú ɓaa, à an-in sei kaw heb.

⁸Agi ngɔr ke ra Nube't ɓaa, è géa à age ngɔr ke ra si't tɔ. I togoi ji si, sei njé ra majelége; ɔri se-nyange ke majelé kɔke dè bengre si't, sei njé keñ jooge.

⁹Habi! an-in kumndoo le si sei kuwe ɓaa, i turi hal si, i non-in tede nyanra sigé't adi gɔge kogo le si tel gɔge non a, adi ranel le si tel è keñkon a tɔ.

¹⁰Ulei dè si adi Kuwe-ɓee ɓita à tel sei ke dooge ke bòi bai.

I gangi tà dè ngokon si't lé

¹¹Ngakonmge, i tami tà ke majelé se nan lé. Doo ke tam tà ke majelé se ngokon'n ke njètaakem-Krist éké gangtà dènn't baa, è tam tà ke majelé dè gute-ndu't a, gangtà dè gute-ndu't a tɔ. Ke nè á i gangtà dè gute-ndu't baa, i njèkan dè gute-ndu sêw-sêw lé ta, nè i tel i njègangtà dè gute-ndu't.

¹²Nube kuwe karé á njèkunde gir gute-ndu a, è njègangtà a tɔ. E nga asekum kaje doo éké asekum tuju doo a tɔ. Nè i ke njègangtà dè doo ndul madi't nga, ké i nan wa?

Adi kum si sú sei lé, ndɔ ke barè è le Nube

¹³Ooi! sei njé tam d'arinè kedi nè: «Bila éké barè j'à j'aw kem bée ke nè't éké ke nú't. J'à ndi tutu bal karé, j'à tur gir ji jé le kinge nar» nga, adi kum si sú sei lé.

¹⁴Nè sei geri nyan karé bè ke à tee dè si't barè nga lé. Ké ndikumgajer le si nga è nyan ri wa? Sei i tooi tite kundu mann ke tee, nè mbɔr baa sanrin sakte bè.

¹⁵E soo't kade i tami edi nè: «Ke nè á Kuwe-bée ndige baa, j'à ndi kumgajer a, j'à ra nyan ke bè éké nyan ke nè.»

¹⁶Nè d'arinè, sei kuwe in-in se dè si ɔji rebe nyange le si undei kàde si. Kunde kàde ke titeke bè nga majelé.

¹⁷Loo ke doo karé ger nyan ke maje ke kum ra, nè è ra lé baa è ra majelé.

Jacques 5

Sei baw nyankingege a ain-in bai

¹Ooi! sei baw nyankingege, i non-in ra si kaláng-kaláng undei kon'n bat bita. Dangte à ra sei tede nyankumndooge ke à gebi nan dè si't.

²Nyanbaw le si oso kodé dɔk-dɔk a, kubuge le si géa kinder-kode use ndát-ndát a tɔ.

³Nar-ɔr se nar-nda le si nga kar uwe de. Kar ke uwe de nga à ile tà dè si't a, à bɔr ra si mbɔtch-mbɔtch tite por bè. Ngei ndɔge è ngɔr ta, nè sei unni kum si dɔ i kebi nyanbawge le si ke dè nan't, dè nan't.

⁴An-in! dooge ke adi rai kule sa ko kem ndɔrge't le si nga géa, ɔgi de nar kuge dè ji de mbeng kɔke. Kure nar kuge dè ji de nga bar yoror-yoror a, non le njé sa koge nè nga oso mbi Kuwe-bée't ke Njèkunde nyange malang.

⁵Sei i ndii deê dann ranelge't dè nang nè. Sei usei a, an-in a, adi kem si ndann gɔj-gɔj a tɔ, i nginei ndɔ gangtà le Kuwe-bée. Sei uli ra si eri lɔt-lɔt asinan se dange ke uli ra de nginei ndɔ ke kade dé tɔl'n de bè.

⁶Sei ilei tà dè njé ra nyan se dè najenngé, i tɔli de se ndáng karè anje kade ilei rɔ adi sei.

Ilei keŋ si pon, Kuwe-bee à tel ree bai

- ⁷Ngakonmge, ilei keŋ si pon-pon sár ndɔ tel ree le Kuwe-bee. An-in! njèndɔr. E ndi ngine njar ko. Unn gir dè ndi hel't kuwe ile keŋ'n pon ndi ngine njar ko sár ade ndi aw'n béee.
- ⁸Sei géa, ilei keŋ si pon a, oréi tà si njak a tɔ, tede ndɔ tel ree le Kuwe-bee nain ngɔr ta.
- ⁹Ngakonmge, ke nè á i ndigi kade Nube gangtà dè si't lé baa ebi ra si kim nan. An-in! njègangtà nga in nda dɔ tàbit kei't bá ta.
- ¹⁰Ngakonmge, an-in! njéribè-dè-tàge ke tà Nube't ke ndɔ ke ilei mber se ri Kuwe-bee nga, nyankeŋkon ra de kuwe, nè ei ilei keŋ de pon-pon. An-in! de ke nyantɔjege le si bè.
- ¹¹An-in! dooge ke ndai dè nja de't njáng nga, j'ede nè ei njérelge. Kerɔte kuwe, sei ooi sertà ke ɔje dè korè tà njak le Job. Sei geri nyange ke Kuwe-bee ade'n utu go nyankumndoo ke ra'n. Oiyò, Kuwe-bee nga è baw kan kumtondoo a, è baw keŋkanm a tɔ.
- ¹²Ngakonmge, gar-gar ebi ra si kubu ra si se danran éké se nang nè éké se nyan karé ke rang lé. Nè maje kade ke nè á edi nè oiyò baa, è oiyò go karé; ke nè á edi nè m-m baa, è m-m kuwe go karé. I rai titeke bè baa, Nube à gangtà dè si't lé.
- ¹³Ké nan dann si't á ndi dann nyankeŋkon't wa? Ke nè á doo karé dann si't ndi dann nyankeŋkon't baa, maje kade ɔje tà se Nube kum'n ke kété-kété. Ké nan dann si't ndi se keŋnda káng wa? Ke nè á doo karé ndi se keŋnda káng baa, maje kade ɔse page dɔi'n Nube.
- ¹⁴Ké nan dann si't á ndi se ratur wa? Ke nè á dann si't doo karé ndi se ratur baa, maje kade bar ngatɔgege le njékebe nange le Nube le kade ɔji tà se Nube tede'n a, kade ndumi nin wubu se ri Kuwe-bee a tɔ.
- ¹⁵Ke nè á ngatɔgege ɔji tà se Nube kerɔte baa, Nube à unn njèratur nè kur'n dɔ. Ke nè á njèratur nè ra majelé baa, Kuwe-bee à ade keŋ'n à tin mbit dènn't.
- ¹⁶Ɔri gir majelé le si adi nan. Ɔji tà se Nube tede nan le kade ratur ɔr'n dè si't. Doo ke Nube ɔr tà dènn't nga, nyan ke è deje'n se kundekèŋ ke nunge tchanm nga, è ase ra nyan ke bòi ngain.
- ¹⁷Elie è doo ke è gar jéi jèi. E ɔje tà se Nube ade nunge tchanm tede kade ndi ede lé. Baa, ndi oso nang dèin lé sár bal mute se nan mute-mute.
- ¹⁸Go't gugu, è tel ɔje tà se Nube. Ke loon't nè kuwe, ndi tête ede ade nyange teli kujei nan nang hakl.
- ¹⁹Ngakonmge, ke nè á doo karé dann si't ndem rebe ngarankum tà, doo karé ase tel ree se'n tu rebe ke maje't.

²⁰Maje kade i geri titeke njè tel se njè ra majelé kile'n rebe ke maje't nga, taa ngarankum ra'n tà yo't a, utu kum majelége le'n bule a ta.

1 Pierre

1 Pierre 1

Pierre or gir ra'n a, ra de lapy a to

¹Man Pierre, njèkawkule le Jésus-Krist, m'ndang magtub nè m'ade njé ke Nube or de unde de se ninn de ke ei njé nanmge ke sanrin nan awi ndii keñ beekonge ke Pont, Galatie, Cappadoce, Asie a, se Bithynie a to.

²Sei nga Bo jéi tor sei kété mari ke desêin se go gos nyanger le'n. E or sei unde sei se ninn si gai ke kosdooge le'n takul Ndil-Keñnda. Nube ra titeke bè tede kade ilei koje dè Jésus-Krist't a, tede kade mese'n or'n kaiyage le si ndát-ndát a to. Maje kade keñnoje se keñlom oji nan ra si't nyanmi-nyanmi.

Kundekeñ tchên dè kaje't

³Bo Kuwe-bee le jéi Jésus-Krist nga, maje kade dè'n mong káng-káng. E tel oje jèi kige se go keñkanm le'n ke al dè loo takul kunde ke è ade Jésus unde loo tee dann njé ke koo't. Gir'n ke nè á j'unde keñ jéi tchên dè ndikumgajer't.

⁴Jè ndii jè ngeinei nyan-majege ke Nube uwe dè nja unde kann tede njé ke le'n. E nyan-majege ke à jori lé a, à mite lé a, a ndolè lé a to. Nyan-majege nè nga Nube uwe dè nja unde kann tede le si keñ Konbee ke danrán nú.

⁵Sei nga togmong le Nube an-in ngang si garar-garar takul kundekeñ le si. E an-in ngang si titeke bè tede kaje ke è uwe dè nja tede le si nga, nain ngor baa à kile ra'n ke nata ndo ke ngeinn't.

⁶Nyantowurge gai-gai nan-in sei darinè mbor. Nè né è bè géa, i rai ranel oje dè kaje ke Nube uwe dè nja unde kann tede si nga.

⁷Nyantowurge nè nga nan-in kundekeñ le si ke gate'n dum nar-or bai nga le kan, ké kundekeñ le si nga è kundekeñ ke get kuwe wa? Nar-or è nyan ke à tuju a, à goto bai a to. Nè nè bè géa, d'ule poro dé nan'n d'an. Kundekeñ le si nga géa d'ade nan'n le kan to. Ke nè á è kundekeñ ke get baa, d'a pite'n sei a, a ingei ndubra se ribar a to, ndo kunde loo tee pan't le Jésus-Krist.

⁸Jésu-Krist nga, sei an-in nin lé bai nè sei tári nin. Dariné sei an-in nin lé bai nè sei unde keñ si denn't a to. Gir'n ke nè á sei ndii dann bò ranel ke maje or njêt't.

⁹Keñ si ke unde dè Jésus-Krist't nga, loo tol tà'n baa à aji ngarankum ra si.

¹⁰Kaje nè nga, njéribè-dè-tàge ke tà Nube't sangi gir ke get se ngang'n lêr-lêr a, nderi gir uyi tete unde. Noje ke Nube ayé kuwe se si nga, ei tami tà'n kété mari ke desêin.

¹¹Ndil Krist ndi keñ de't ede tà nyankeñkonge ke ayé ra Krist se ndubra ke ayé kutu go nyankeñkon nè nga kade ooi. Dé ter loo le ger ké ndo ke ra á nyan nè nga

à tee wa? Njéribé-dè-tàgé ke tà Nube't teri loo le geri ké nyan nè nga à tee titeke bain wa?

¹²Nyange ke njéribé-dè-tàgé ke tà Nube't ribei dè kété nga, Nube tee se gir ade geri titeke nyange ke è ade dé ribe dè nga ɔje dè de lé, nè ɔje dè si sei. Nyange ke njéribé-dè-tàgé ke tà Nube't ribei dè kété mari nga, ɗarinè njékile mber Tà ke Majege ilei mber'n adi sei se go Ndil-Kemnda ke d'ule'n danrán d'ade de. Dooge ke danrán kuwe géa, ngur ter nyange nè nga ra de pênn-pênn.

Ndi se ra ke unju nyang-nyang dè kundekem't

¹³Bè baa, adi tàgir le si ndikum a, i ndii kum si karè. Undei kem si tchên dè noje ke d'a d'uwe se si ndo tel ree't le Jésus-Krist.

¹⁴Ilei koje dè Nube't. Inyei go nyanrage ke majelé ke kété i rai loo ke ndo ke i geri Krist lé bai nga kòke ta.

¹⁵Nube è ke njè bar sei nga tò se ninn'n gai. Bè baa, sei géa adi nyanra si tò se ninn'n gai a tɔ,

¹⁶tede dé ndang kem Magtub ke tò se ninn'n d'ede nè: «I tooi se ninn si tede man nga m'tò se ninn'm gai.»

¹⁷Nube ke njè ndête kum doo lé nga á ke njègangtà dè nanan géa se go kule ra'n-ra'n nga, sei bari nin Bɔ si. Bè baa, i beli ndil'n loo ke sei i nain-in ke mbage bè dè nang nè bai.

¹⁸Sei geri mbak titeke ei nyange ke ayé tuji tite nar-ɔr éké nar-nda á Nube uge'n dè si ɔr'n sei gir hal ke raikarè ke kà sige telii adi sei nga lé.

¹⁹Nè Nube uge dè si se mese Krist ke nar'n ur kugu. Krist nga tò asenan se ngonn bate ke gel'n goto a, ra'n ɔr bál lé a tɔ.

²⁰Krist nga Nube ɔr'n ke njè kuge dè dooge kété mari ke desêin bita unde nyange malang ke dè nang nè bai. Nè ɗarinè è kile ra'n ke nata kem ndoge ke ngeinn't nè tede tà le si.

²¹E takul'n è Krist á sei undei kem si dè Nube't ke njè kade unde loo tee dann njé ke koo't a, ke njè kule ndubra dènn't a tɔ. Gir'n ke nè á sei undei kem si dè Nube't a, kem si too'n tchên ke dènn't a tɔ.

²²Koje ke sei ilei dè ngarankum tà't nga á i telii sei dooge ke unji nyang-nyang le tár'n njétaakem-Kristge se kemnda káng. I tári nan ngain dè bengre si't.

²³Sei nga dé tel d'oje sei kige. Koje ke d'oje sei kige nè nga in ra kà sige ke njékweige lé; dé tel d'oje sei gugu kige takul tà le Nube ke njèndi kumgajer sár se non.

²⁴Magtub ke tò se ninn'n tam ede nè: «Danra dooge malang tò tite walè bè a, ribar le de malang tò asenan se putu kage bè a tɔ. Walè tutu a, putu gein nang a tɔ.

²⁵Nè tà le Kuwe-bee tò sár se non.» Tà nè nga è Tà ke Maje ke d'ile mber'n d'ade sei bá.

1 Pierre 2

Jésu-Krist è mbal ke kumgajer

¹Bè baa, inyei go keñyêr se nyanra ke se go ngein, se kede gos, se keñkein a, se tam tede nan a tɔ. Inyei go nyange nè bere mbak kɔke.

²Adi ngur tà le Nube ra sei pênn-pênn titeke ngur kil kum kate mba ra'n ngann kidege bè tɔ. Takul mba á sei a rai tɔge ke kété-kété dè kaje't.

³Kerɔte kuwe, sei nan-in maje le Kuwe-bee an-in bá ta.

⁴Agi ngɔr ke ra Kuwe-bee Jésu ke è kuberi her ke kumgajer. Kuberi her ke kumgajer nè nga, dooge mbati nin, nè gate'n è ngain tàkum Nube't á è ɔr'n unde'n gai.

⁵Sei géa i tooi asinan se kuberi her ke tò kumgajer. Dé rɔte sei tà nan't d'ade i teli sei kei le Ndil a, i teli njékuje nyan-mesege ke i tooi se ninn si tede kade unni nyankuje-mesege se goo Ndil Nube adi nin. Nube à taa nyankuje-mese nè nga takul Jésu-Krist.

⁶Gir'n ke nè á dé ndang'n keñ Magtub ke tò se ninn'n d'ede nè: «An! man m'ɔr kuberi her ke gate'n è ngain ke njè mong dè kum kei m'unde'n keñ bee-bò ke Sion. Nanan ke unde keñ'n dènn't baa à ndi dann rasɔl't ndan lé.»

⁷Kuberi her nè nga è ribar tede le si sei njétaakeñ-Kristge. Nè njé ke ei njétaakeñ-Kristge lé baa «Kuberi her ke gate'n è ngain ke njékunde keige mbati nin nga, tel è kuberi her ke njè mong dè kum kei.»

⁸Loo ke rang't bai, Magtub le Nube ke tò se ninn'n tam ede nè: «Kuberi her nè nga tel è jig ke tuge de ade d'aw tebel-tebel. E her ke tuge de ade d'oso.» Dooge nè nga, kuberi her nè tuge de ile de tede kunn mbi dè tà't le de. E ke nè á è nyan ke d'ɔje'n dè de.

⁹Nè sei baa, sei girkà ke d'ɔr sei ke njékuje nyan-mesege ke gir si è ngar. Sei sei girkoje dooge ke i tooi se ninn si gai. Sei kosdooge le Nube ke kinge'n kuwe deri. E bar sei ade undei dann tilkus't i teei, i reei dann lookar't tede kade ilei mber nyanrage ke maje dum nga.

¹⁰Sei nga kété mari sei kosdooge le Nube lé, nè ðarinè sei dooge le'n ta. Sei nga kété mari ingei keñ tin mbit dè majelége't le si ndan lé, nè ðarinè Nube ade keñ'n tin mbit dè majelége't le si.

Nyanra njétaakeñ-Kristge dann njé ke geri Nube lé

¹¹Kotárgé le'm, sei tooi asinan se njé nanmge a, se mbage ke ndii dè nang nè. M'ndeje sei kade ɔgi ra si dè ngur nyange le danra ke ndi à rɔ se ngarankum ra si.

¹²Dooge ke geri Nube lé nga tami tede si a, an-in sei ke njè ra majelége a tɔ. Nè né è bè géa, i njiyei dann de't se maje'n tede kade teri nyanra sige ke maje. Titeke bè á à ilei ribar dè Nube't ndɔ ke à ile'n kum'n dè de't.

¹³Ulei dè si adi njékon sige malang ke dooge d'unde de dè si't tite ngar-beege éké njékonbeege ke bò tede le Kuwe-bee.

¹⁴Ulei dè si adi ngarge tede ei ngann njékulege le Kuwe-bee tede kade kure nyanra majelé le njé ra majelége ɔde'n kum de a, le kade njé ra majege ingei pite a tɔ.

¹⁵Nube ndige kade i rai nyange ke maje tede kade uwei tà njé kem̄ tɔ kuju tà lége dè tàge ke tami se si dè mbe't nga.

¹⁶I njiyei asinan se dooge ke ndii dè de pal. Edi gos dè ndi dè pal't le ra'n nyange ke majelé lé. Nè sei i ndii dè si pal le ra ber le Nube.

¹⁷Ilei ribar dè dooge't malang. I tári ngakon sige ke njétaakēm-Kristge malang. I beli ndil Nube a, ilei ribar dè ngar't a tɔ.

Nyankēm̄kon ke ra Krist è nyan-toje le si

¹⁸Sei ngann njéndige, ulei dè si adi kuwe sige a, ilei koje ke deri dè de't a tɔ. Kuwe sige ke njé kem̄ majege ke awi lom-lom tá ulei dè si adi de se kar de lé, nè kuwe sige ke njé ndɔje lɔk-lɔkge géa ulei dè si adi de a tɔ.

¹⁹Ke nè á doo orè tà'n njak dè nyankumndoo ke ra'n nal naje'n tede koje ke ile dè Nube't baa, è nonkar ke d'ade'n.

²⁰Doo ke orè tà'n njak dè kunde ke d'unde'n ɔje dè nyanra majelé le'n nga, ké d'a kile ribar dènn't titeke bain wa? Nè ke nè á doo orè tà'n njak dè nyankēm̄kon ke ra'n ɔje dè ra maje le'n baa, è nonkar ke Nube kuwe ade'n.

²¹E è ke nè á è nyan ke dé bar sei tede kade i rai. Krist nga ndɔ ke inge kem̄kon tede tà le si. Nyankēm̄kon ke ndɔ ke ra'n nga è inye ke nyan-toje le si tede kade sei kuwe géa unni dè nja'n têt-têt tɔ.

²²Loo naje'n goto. Krist nga ndɔ ke ra kaiya karé bè lé a, tà libe kum doo tee tànn't ndɔ karé bè lé a tɔ.

²³E nga ndɔ ke dé taje'n, nè è taje de gute made't lé. Ndɔ ke dé ra se'n nyankēm̄kon, nè è tam se de ede nè a an-in bai lé a tɔ. Nè è inye ra'n bere mbak ji Nube't ke njègangtà se dè naje'n kuwe karé.

²⁴Krist nga oto majelége le jéi dènn't aw'n wei'n kade kage-ke-dese't tede kade j'ebi ra jéi dè ra majelége't le jéi le teli ndii kumgajer ɔje dè nyanra ke se dè naje'n. Takul dòge ke è inge rann't á j'aji.

²⁵Kété sei tooi asinan se batege ke ndemi awi yo-yo, nè-nè bè. Nè d'arinè, dé tel se si ke ra è ke njèkul si se njèkan dè ngarankum ra si a tɔ.

1 Pierre 3

Nyanra njétaakem-Kristge ke taai nan

- ¹Sei dinyege géa, ulei dè si adi ngaw sige. Ke nè á njé ke nange ke undei kem de dè tà't le Nube lé géa à teli kundi kem de dè't takul nyanra si m takul tà tam si lé.
- ²D'a d'unde kem de dè Nube't takul nyanra ke maje or ndat ke d'an a, takul kule dè le si a to.
- ³I sangi rebe rai mande se nyange ke ra si't nata karè lé. Nyange ke tite kuwe dè si a, tule ninge-kasege ke ra se nar-or a, tule kubuge ke maji ngain ke mbirin-mbin a to.
- ⁴Nè maje kade i sangi mande ke dè bengre si't tá. Kaw lom-lom se ndi lom á ei nyange ke à udi lé tabai ei nyange ke gate de è ngain takum Nube't.
- ⁵E ke nè á ei kubu kule ra't le dinyege ke kété mari ke tooi se ninn de a, ke undei kem de tchèn dè Nube't a to. Dinyege nè nga, ei kuwe in-in se kem de ulei dè de adi ngaw dege.
- ⁶Titeke bè á ndo ke Sara ile'n koje dè Abraham't bar'n ede nè: «Ngar le'm». Ke nè á sei rai nyan ke maje se ndo si-ndo si anje bel nyan karé baa, a i teli k'ei ngann Sara ke dinyege.
- ⁷Sei ngaw dinyege géa i ndii se dinyege le si se kumkunju'n. Maje kade i geri titeke dé tò d'asenan se jó ke bann bè. I tsi kum si dè de't a, ilei ribar dè de't a to. Kaje ke Nube uwe'n se si noje nga, dé géa d'a d'inge se si nan't. I rai titeke bè tede kade nyan karé bè géa oge sei loo koje tà se Nube lé.

Kinge kemkon tede nyanra ke se dè naje'n

- ⁸I ndigi tà go nan't malang a, unni kum si dè nan't lé a, i ndigi nan tite ngakon nange bè a, i rai kemkanm se nan a, ulei dè si adi nan a to.
- ⁹I rai majelé se doo gute majelé ke ra se si't lé a, i teli taji doo ndu ke taje sei nga lé a to. Nè i tōri ndu si dè dooge't tede sei nga Nube bar sei kade ingei ndutor.
- ¹⁰Magtub ke tò se ninn'n tam ede nè: «Doo ke ndige le ndi lom a, ndige le kan ndoge ke maje baa, maje kade ebe ra'n dè tà ke majelé't a, dè tà libe kum dooge't a to.»
- ¹¹Maje kade ute ra'n mbeng dè nyanrage ke majelé't, tel ra nyan ke maje se ndo'n-ndo'n. Maje kade sang kemlom a, or dè nja'n tēr-tēr a to.
- ¹²Oiyo, kum Kuwe-bee tò dè njé ra nyan se dè najenngé. E ur mbi'n oo'n tège ke oji se'n. Nè è unn kum'n mbeng dè njé ra nyan majelége.»
- ¹³Ke nè á ra si olé pël-pël dè nyanra ke maje't baa, ké nan à in ra se si nyan ke majelé wa?

¹⁴Ke nè á ingei keṁkon tede nyanra si ke se dè naje'n baa, ali ra si. I beli dooge lé a, adi keṁ si olé bɔt-bɔt lé a tɔ.

¹⁵Krist kuwe karé bere á è Kuwe-bee le si. Undei nin se ninn'n dè bengre si't. Uwei dè nja ra si le kade nanan ke deje sei tà oje dè kundekeṁ tchên't le si baa, ori gir adi nin.

¹⁶Nè ilei nanan géa dè't se ndu noje a, se kile koje a tɔ. Adi tàgir ke keṁ si't è ke maje se ndoge-ndoge. Titeke bè á njé tête tà kunde tà sige't se njé tam tàge ke majelé dè pa njiye si ke maje oje dè njétaakeṁ-Kristge nga, à ndii dann rasol't.

¹⁷E soo't kade nyankeṁkon rai oje dè nyanrai ke maje. E ke nè á è nyan ke keṁ Nube ndige dum kade nyankeṁkon rai oje dè nyanrai ke majelé.

¹⁸Krist nga kuwe géa, nyankeṁkon ra'n nja karé bere luk-luk ke ngang'n tede nyanra majelé le dooge. Krist è njè ra nyan se dè naje'n. Nyankeṁkon ra'n oje dè nyanra majelé le dooge tede le tel ree'n se si ra Nube't. Danra'n á dé tɔl nè è tel ndi kumgajer takul Ndil-Keṁnda.

¹⁹Takul Ndil-Keṁnda nè á Krist aw'n sár ile'n mber ade ndilge ke tooi dangai't.

²⁰Ndilge ke tooi dangai't nè nga, ei dooge ke njé dum nange ke kété mari keṁ ndoge't le Noé. Nè ndo ke Nube ile keṁ'n sár ade Noé ra'n bato tɔl mbas. Bato nè nga dooge sɔsɔ bere á awi keṁé aji yo ndo ke mann bêlm ndum'n gute dooge ndarak dè nang nè.

²¹Mann bêlm nè nga è nyan-toje ke oje dè kule doo manné njonm. Kule doo manné njonm nga è gir kaje ke sei ajii d'arinè. Kule doo manné njonm nga or nyan ke mine le danra ra si't lé, nè è ndukunn ke sei unni se tàgir ke maje ke keṁ si't adi Nube. Kule doo manné njonm nga aje sei takul kunde ke Krist unde loo tee dann njé ke koo't.

²²Krist nga in aw ndi dè jikon Nube't do danrán. Dooge ke danrán se njékonbeege a, se njé tɔgmong-ge malang a tɔ, ulei dè de adi nin.

1 Pierre 4

Inyei go hal si ke kété kɔke

¹Krist nga nyankeṁkon ra ra'n. Sei géa, maje kade unni tàgir le Krist nè nga ke nyankate le rɔ'n se kaiya. Doo ke nyankeṁkon ra ra'n nga à ebe ra'n dè ra majelé't.

²E ebe ra'n dè ra majelé tede le ra nyange ke keṁ dooge ndige nga ndan lé, nè le ra nyan ke keṁ Nube á ndige loo ke è ndii'n kumgajer dè nang nè bai.

³Kété mari sei ndigi rai nyange ke uwei keṁ dooge ke geri Nube lé tá ngain. Nè adi ase bè d'arinè ta. Tede kété mari sei rai nyange ke pás-pàs. Sei njé ra ber le ngur nyange gai-gai a tɔ. Kété nga, sei njé ra ber le yibege a, sei doo nyankusege a,

sei gon kain yibege a, se njé kule ra de mbiriri dann polé mage ke tò yêr tàkum Nube't.

⁴Kebe ke sei ebi ra si dè ra nyange ke pás-pàs nan't se njé ke geri Nube lé nga, ðarinè an-in ke nyankòbe. Gir'n ke nè á ei unni gir taji sei mbòk-mbòk.

⁵Nè d'a d'or gir nyanra de le kade Nube ke ndi dè njann't tchên le gangtà dè njé ke ndii kumgajer se njé ke weii.

⁶Gir'n ke nè á njé ke weii bá géa, d'aw d'ile mber Tà ke Maje nga d'ade de. Dé gang tà dè de't tite gute dooge ke rang loo ke ndii se dè de ðò bai. Nè ðarinè asi teli ndii kumgajer takul Ndil-Kemnda tite Nube ndii'n kumgajer nga tó.

Nyan-noje ke ingei nga, i kayai tà adi njé ke rang se si

⁷Nð le ngei nyange malang è ngor ta. I njiyei se kumkunju'n a, i ndii kum dè kòje tà se Nube't a tó.

⁸I tári nan se kemnda káng. E ke nè á i rai kété gar-gar. Oiyò, tár nan nga utu dè kaiyage bule ngain.

⁹I rai nan mba se kemnda káng anje bar tà nyon-nyon.

¹⁰Nube ade sei nyan-nojege ke se ri de-ri de. Bè baa, maje kade nanan géa kai tà nyan-noje ke Nube ade'n nga ade njé ke rang se'n tó. Kerote kuwe, sei sei njékan dè nyan-majege le Nube.

¹¹Ke nè á doo karé aw se nyan-noje ke oje dè korgir tà baa, maje kade ile'n mber tà le Nube se go rebe'n. Ke nè á doo karé è ngonn njékule le madenngé baa, maje kade ra kule nè nga se togmong ke Nube ade'n. I rai titeke bè tede kade d'ile'n ribar dè Nube't oje dè nyange malang takul Jésus-Krist. Ribar se togmong ei le Nube sár se non. Maje kade è titeke bè kuwe.

Oréi tà si njak dè nyankemkonge't

¹²Kotarge le'm, nyan ke tee dè si't asenan se por ke on bilm-bilm bè nga, an-in ke nyankòbe ke tee dè si't pan lé. E nyan ke tee le nan kundekem le si.

¹³Nè maje kade i rai ranel tede korè ke sei oréi nan se Krist dè nyankemkonge ke ra'n. Nð ke Krist à tel ree dann ndubra le'n tàkum dooge't malang baa, sei géa a ali ra si tó.

¹⁴Ke nè á dé taje sei tede ri Krist baa, i rai ranel tede Ndil Nube ke njè ndubra nain se si.

¹⁵Maje kade doo karé bè géa dann si't inge nyankemkon oje dè tól doo éké boge, éké ra majelé éké kin gang ke dann nyan ke oje dènn't lé nga lé.

¹⁶Nè ke nè á nyankemkon ra doo tede k'ee ke è njetaakem-Krist baa, maje kade ade ra'n sol'n lé, nè maje kade ra Nube't oiyò tede ri Krist ke è unn.

¹⁷Ndo gangtà nain ngər. D'a d'unn gir dè kosdooge't le Nube. Ke nè á d'unn gir gangtà dè jéi jèi't kuwe kété bita baa, ké le njé ke mbati kundei keâm de dè Tà ke Maje't nga à tò bain ta wa?

¹⁸Magtub ke tò se ninn'n tam titeke bè ede nè: «Ke nè á doo ke njé ra nyan se dè naje'n loo kinge kaje le'n tur baa ké njè kile koje dè Nube't lé se njè ra majelé à rai se ra de bain ta wa?»

¹⁹Bè baa, njé ke nyankeâmkon ra de tede kile ke ilei koje dè Nube't nga, maje kade inyei ra de bere mbak ji Njèkunde de't, rai nyange ke maje kum de kété. Nube ke njèkunde de nga inye go ndukunn le'n ndan lé.

1 Pierre 5

I tsi kum si dè bate kosge le Nube

¹M'ndeje ke ngatogege ke dann si't, tede man géa m'ee ngatoge made de tɔ. Man nga m'ee njèkɔrgo nyankeâmkon ke ra Krist. Ndo ke Krist à tel ree baa, man m'oré se'n nan dè ndubra't le'n.

²Uli bate kosge le Nube ke um de ji si't nga se keâmnda káng. Adi doo unde dè si tá lé, nè i tsi kum si dè de't se keâmnda káng titeke Nube ndige'n. I rai se keâmnda káng m i rai tede kinge'n nar tá lé.

³Njé ke Nube kai de um de ji si't nga, on-in de njanm-njanm tite ngarge bè lé; nè maje kade i teli sei nyan-tɔjege le bate kosge.

⁴Titeke bè á loo ke ndɔn't maw njèkul bate kosge à tel kunde loo tee pan baa, à ingei jɔkɔ kunn banga le ribar ke à ndis ndan lé.

⁵Sei basage géa, maje kade ulei dè si adi ngatogege. Maje kade sei malang i rai ra si ke ngann njékulege le nan tede Nube ute njé ti rage mbeng, nè è uwe noje se njé kule dè dege.

⁶Ulei dè si gir tɔgmong't le Nube tede kade è kuwe unn sei unde sei dɔ mbeng keâm ndo ke è ɔje.

⁷Nyange malang ke ade keâm si olé bɔt-bɔt nga, i risi undei dè Nube't tede è tɔse kum'n dè si't.

⁸I ndii kum si karè, ɔgi kum si bi. Sú ke è njèban le si nga uje rɔ ringe'n tite toboi bè. E sang doo ke le kuwe'n kuse'n.

⁹Ilei rɔ adi nin. I ndai dè kundekerâm't le si njáng tede sei geri mbak titeke nyankeâmkonge nè nga kété teei dè ngakon sige't dè nang nè bá ta.

¹⁰Nyankeâmkonge ke à rai sei nga, kò'n à tò mbɔr lé. Nè Nube ke bar sei nga, nyan-nojege malang in rann't. E bar sei le kade oréi nan se'n dè ndubra't le'n ke à tò sár se non takul kum ke sei umi nan't bɔk se Krist. Nube kuwe à tel gɔl sei kade i teli i ndai dè nja si't njáng anje tɔ pum.

¹¹Maje kade tɔgmong è le'n kuwe sár se non. Maje kade è titeke bè kuwe.

Lapya ke ngeinn't le Pierre

¹²Man m'an Silas ke ngokon jéi ke get. Takul'n è á m'ndang'n magtub ndêin bè m'ade sei le kule'n dingem keâm si't, le kede'n sei ngarankum noje ke Nube uwe se si nga kade i ligri tutu lagr-lagr.

¹³Njé ke tooi se ninn de ke keâm bee-bò ke Babylone rai sei lapya. Dé nga, Nube bar de titeke bar'n sei bè tɔ. Ngonn'm Marc géa ra sei lapya tɔ.

¹⁴Uwei nan kàde si't seâm, i rai nan lapya. I tári nan. Sei malang ke umi nan't bɔk se Krist nga, maje kade keâmlom nain se si.

2 Pierre

2 Pierre 1

Pierre or gir ra'n

¹Man Simon Pierre ber le Jésus-Krist a, se njèkawkule le'n a to. M'ndang magtub m'ade njé ke undei kem̄ dè Jésus't titeke j'unde'n kem̄ jéi dènn't nga a to. Kundekēm ke gate'n è ngain ke toje ndá Nube ke njè ra nyan se dè naje'n a, toje ndá Jésus-Krist ke njèkaje jèi a to.

²Sei geri Nube a, sei geri Kuwe-bee le jéi Jésus nga maje a to. Maje kade adi kem̄noje se kem̄lom le si in-in dè made't ke kété.

Nube tor dooge le'n bar de

³Kuwe-bee Jésus nga ade jèi nyange malang ke j'awi ndoo'n se go togmong le'n le kade jè ndii kumgajer a, j'ilei koje dè Nube't a to. Kuwe-bee Jésus-Krist ade jè geri nin è ke njè bar jèi kade j'oréi nan se'n dè ndubra't le'n a, dè togmong't le'n a to.

⁴Takul ndubra se togmong nè á j'ingei nyan-majege ke bòi ke gate de è ngain ke ndo ke Nube unn'n ndu'n le kade jèi nga. E ade sei nyan-majege nè nga titeke bè tede kade ngur nyange ke majelé le nang nè tuju'n sei lé, nè le kade i teli seii girkoje le Nube.

⁵Gir'n ke nè á utei ra si kalang le roti nyanra ke maje tà kundekēm't le si. Tabai utei ra si kalang le roti gos nyanger tà nyanra ke maje't a to.

⁶Utei ra si kalang le roti kunde kumkunju dè ra't tà gos nyanger't. Utei ra si kalang le roti koré tà njak tà kunde kumkunju't dè ra't a, utei ra si kalang le roti kile koje dè Nube't tà koré tà njak't a to.

⁷Utei ra si kalang le roti kan nan ke ngakon nange tà kile koje dè Nube't a, i roti tár nan tà kan nan ke ngakon nange a to.

⁸Ke nè á awi se nyange nè nga adi tooi ra si't ndàj-ndàj baa, dabe ger gel Kuwe-bee le jéi Jésus-Krist à ra sei lé, nè à adi a i geri gel Kuwe-bee le tel taai nan se'n tcha-tcha.

⁹Doo ke aw se nyange nè nga lé baa, è njè kum libe ke tò asenan se njèkumto ke manm loo mēm-mēm bè. Doo nè nga kem̄'n wei nal sêl dè majelége ke mari ke d'or'n tutu nga.

¹⁰Gir'n ke nè á ngakonmge, utei ra si kalang ke kété le nda njáng dè bar ke Nube bar sei't a, dè kor ke è or sei unde sei se ninn si nga a to. Ke nè á i rai nyange nè nga malang baa, nyan karé géa à tuge sei kile sei ndan lé.

¹¹Titeke bè á Nube à or'n tà rebe kaw kem̄ konbee ke à tò sár se non le Jésus-Krist Kuwe-bee le jéi ke njèkaje jèi kinye wei bendeng kade jèi.

¹²Gir'n ke nè á m'ndi m'olé'n keñ si do-do dè nyange't nè nga. Sei geri nyange nè nga bá, sei i bai nja si nang dè ngarankum tà't nga a to, ade m'ger mbak kuwe. Nè né è bè géa, m'a m'olé keñ si dè't kuwe.

¹³M'an titeke è nyan ke kum ra kuwe. Loo ke m'ndi se ndi kumgajer dè nang nè bai nga, m'a m'olé keñ si dè nyange't nè nga kuwe.

¹⁴Jésu-Krist Kuwe-bee le jéi ade m'ger bá titeke nain ngor baa, danra'm à inye nang nè ta.

¹⁵Nè né è bè géa, m'a m'ute ra'm kalang le kolé keñ si se ndo karé-karé dè nyange't nè nga tede kade né m'wei géa, keñ si weii'n nal dè nyange't nè nga ndan lé.

Jè j'an ndubra le Krist se kum jé

¹⁶Ger ke ndo ke j'adi i geri togmong a, se ndo tel le Jésus-Krist Kuwe-bee le jéi nga, jè ndolé'n go kumkunju le sùtâge lé. Nè j'orgo nyange nè nga j'ade sei tede ndubra le'n ke ndo ke jè kuwe j'an se kum jé.

¹⁷Jésu-Krist oo ndu Nube njè ndubra ke bò loo ke ndo ke inge'n inge'n ribar se ndubra ra Bó'n Nube't. Ndo ke Nube tam nè: «E nè nga è Ngonn keñ'm ke m'tár'n ngain a, ra'm nel'm dènn't ngain a to.»

¹⁸Jè géa, j'oo ndu Nube ke tam tà danrán nú nga se mbi jé loo ke ndo ke jè nda'n se Jésus-Krist dè mbal ke tò se ninn'n nga.

¹⁹Tà ke njéribè-dè-tàge ke tà Nube't tami kété mari oji dè Krist nga, è tà kerote kuwe. Sei géa, maje kade i tosi kum si dè tà't nè nga to. Tà nè nga tò asenan se por lampe ke ndogó loo ke ndul't bè. Por lampe nè nga ndogó sár ade mbonron unde'n loo tee'n a, ade loo ar'n dè bengre si't a to.

²⁰I geri tà nè nga maje kété bita: Tà ke tò keñ Magtub ke tò se ninn'n ke njéribè-dè-tàge ke tà Nube't ori gir nga, è tà ke ei kuwe in-in se dè de ori gir lé.

²¹Oiyo, tà ke in tà Nube't nga è se go keñndige le doo karé ndan lé. Nè Ndil-Keñnda á ose dooge balang-balang ade ilei mber tà ke in tà Nube't.

2 Pierre 2

Njé tête tàge kunde tà Nube't

(An-in Jude 4-13 to)

¹Njé tête tà kunde tà Nube't nga, ndo ke kété undei loo teei dann kosdooge't bá. Bila géa njéndó dooge nyan ke lanmge à undei loo teei pan dann si't titeke bè to. Dé nè nga, d'a d'unn nyan-ndóge ke gai pat kule dann si't le tuju'n sei. D'ade mbate Ngar Jésus ke njèkuge dè de. Gir'n ke nè á d'a dé bar'n tuju kalang d'ile'n dè de't.

- ²Dooge bule à ndolèi go nyanra pás-pàs le de. Dooge ngain à nedi nyanra si se tà tam si tede nyanrage ke pás-pàs.
- ³D'a gol dè tàge gai-gai le libe'n kum si. D'a ra titeke bè tede kite'n dè si't se go ngur nar ke ra de. Nè tà ke dé gang dè de't mari bere nga, kure'n à ɔde kum de m tuju inye go de lé sár.
- ⁴Dooge ke danrán ke ndo ke rai majelé nga, Nube ngonm de rann't lé. Nè è inye de ade dé tɔ de se sul d'um de keɛm bolè ke ndul ndin-ndin ngine'n ndo gangtà.
- ⁵Dooge ke njé ra majelége ke kété mari ndii dè nang nè nga, Nube inye de lé. Nè è ade mann bêlm in pujur dè nang nè ndum de ndarak. Nè ndo ke Nube aje dooge ɔɔɔ bere. Noé njè kile mber nyanra ke se dè naje'n è dann dooge ke ɔɔɔ nè nga tɔ.
- ⁶Ndo ke Nube gangtà dè bee-bòge ke Sodome se Gomorrhe ade por ró dooge ke ndo ke ndii keɛm bee-bòge nè nga rák-rák ade teli ei bu. E ade bee-bòge nè nga teli ei nyan-tɔje tede le dooge ke njékaltàge ke ndo ke rang.
- ⁷Lot è doo ke njè ra nyan se dè naje'n. Wur'n ndir'n njàk-njàk tede nyanrage ke bann-bann le dooge. Nube ɔr Lot dann de't aje'n.
- ⁸Lot è doo ke njè ra nyan se dè naje'n, nè è ndi dann dooge ke njé ra majelége nè nga se ndoge malang tede nyanrage ke pás-pàs ke è an se kum'n a, oo tà'n se mbi'n a tɔ.
- ⁹Kuwe-bee Nube ger loo kɔr njé ke ilei koje dènn't dann nyan ke à nan de. Nè è ger loo kunde njé keɛm majelége konn le ngine'n ndo gangtà. Ndo nè nga, kure nyanra de à ɔde kum de labi-labi.
- ¹⁰Dooge ke ulei ra de mbiriri dann ngur nyange ke majelé le danra nga minei tanm-tanm tàkum Nube't. E dé nè kuwe mbain á Nube à gangtà dè de't. Dé dooge ke njé nede tɔgmong le Nube. Dé njé tà turge ke d'an ra de ke dooge ke asi. Dooge ke danrán ke ndubra le Nube gan dè de wak nga géa, dé d'ile koje dè de't lé a, dé taje de a tɔ.
- ¹¹Dooge ke danrán ke tɔg de se tɔgmong le de ngain dum dè doo made dege géa gangi tà dè de't non Kuwe-bee't lé a, taji de lé a tɔ.
- ¹²Dé dooge nè nga, dé ra nyan nal gir tite dange ke dé ndon baa, d'uwe de se gum a, dé tɔl a tɔ bè. Nyan ke dé gir njai lé géa, d'in dé tam tà ke majelé dè't. Yo de à tò tite le dange ke walé bè tɔ.
- ¹³Nyanra ke se dè naje'n lé le de nga, kure'n à ɔde kum de bai. Nyanrage ke pás-pàs ke d'ule ra de tutu mbiriri dann kada ndái-ndái nga, d'an ke nyan ranel le de. Dé dooge ke ra de ɔr bál a, mine a tɔ, loo ke dé ndii'n se si tà nyankuse tár nan't. Libe ke dé libe kum si loo nyankuse't nga, d'an ke nyan ranel.

14Kum de tò dè kaiya-dinyege't kakak a, d'aw kum de ke kété-kété dè ra majelé't a tɔ. Dooge ke nange ke nja de uwe nang ba lé nga, dé leše de leš-leš. Dé dooge ke njé nede nyange. Nduɔr le Nube goto dè de't.

15Dé njé njé tête tà kunde tà Nube't nè nga, dé ndem tede d'inye go rebe le de ke danné sêw, dé ndolè'n go Balaam, ngonn le Béor. Balaam nga ndɔ ke d'ade'n nar tede ra'n nyan ke majelé.

16Nè d'in se'n dè kaltà't le'n. Kon koro unn gir tam tà se Balaam njèribe-dè-tà ke tà Nube't ɔge'n dè nyanra mbe't le'n.

17Dé dooge nè nga dé tite bolè mann ke mann ii tutu san-san bè a, dé tò asenan se bum ke dīse tunn-tunn ke nel bò ɔr'n aw se'n bè a tɔ. Nube uwe dè nja loo ke ndul ndin-ndin unde konn ngine'n de.

18Njé tête tà kunde tà Nube't nè nga leši dooge ke nange ilei de dann ngur nyange ke pás-pàs se tàge ke raikarè ke oji nan tà de't pɔt-pɔt. Njé ke dé leše de d'ile de dann ngur nyange ke pás-pàs nè nga, ei dooge ke ɔri ra de dann njé ndemge't ngɔr nè bai.

19Dé dooge nè nga, d'unn ndu de d'ade njé ke ɔri ra de dann njé ndemge't ngɔr nè bai nga, d'ede de titeke n'a n'adi à ndii dè de pal. Nè dé kuwe géa, dé berge le nyange ke à tuji de. Kerɔte kuwe, nanan géa è ber le nyan ke dum dè'n.

20Dooge ke kété ɔri ra de dann nyange ke mine ke dè nang nè takul ger ke geri Jésu-Krist Kuwe-bee njè kaje jèi njai nga. Dooge nè nga, ke nè á teli ulei ra de dann nyange ke mine't adi on-in bee dè de't bai baa, ndɔn't à majelé dè de't ngain dum ke kété.

21Kade dé ger rebe ke danné sêw nga lé è soo't dum kade dé ger ndukunn ke tò se ninn'n le Nube ke ndɔ ke dé ndó de nga d'inye d'ɔse wan dé tel.

22Gostà ke get ke dé tam d'ɔje'n dè de d'ede nè: «Bise tel on tɔmon le'n» a, «kɔsnyon ndogo mann, nè mbɔr baa tel aw bebel ra'n dann bɔr't babel-babel» a tɔ nga, aw loon't deɛ.

2 Pierre 3

Kuwe-bee Jésu à tel ree bai

1Kótarge le'm, magtub ke m'ndang nè nga, è njèkon't joo. Keɛm è ke kété't se è ke d'arinè, m'ndige le kolé keɛm si kade tàgir le si aw maje dè nyange ke ndɔ ke m'ndó sei nga.

2M'ndige le kade keɛm si olé dè tàge ke njèribe-dè-tàge ke tà Nube't ke tooi se ninn de tami kété nga. M'ndige le kade keɛm si olé dè ndukunn't ke ndɔ ke njékawkulege le Kuwe-bee njèkaje jéi ndó sei kété bá nga a tɔ.

- ³Gar-gar, maje kade i geri nyange nè kété bita kade ndo'n ree bai. Njé sòke looge à undei loo teei le ringei se tà sòke loo titeke keñ de oje,
- ⁴à tami kedi nè: «Ndo ke Jésu unn ndu'n ede nè n'a n'tel ree. A baa, ké tel ree le'n nga à è ndo ke ra't wa? Tede bo jége weii bá, nè nyange malang tooi se loo tò de titeke mari desêin loo kunde gir nyange't nga kuwe bai.»
- ⁵Nè njé sòke looge nè nga ndigi kade keñ de wei nal sêl dè nyan ke ndo ke tee. Keñ de wei nal sêl titeke kété mari Nube unde danrán se go tà ke tee tànn't. Nube ade nang unde loo tee dann mann't a, Nube ube nang se mann a to.
- ⁶Mann nè nga ndo ke in pujur dè dooge ke dè nang nè ndum'n de ndarak se go tà ke in tà Nube't kuwe bai.
- ⁷Nè danran se nang ke ðarinè nga, Nube unde de konn se go tà ke in tànn't kuwe bai ngine'n ndo ke à gang'n tà dè njékaltàge le tuju'n de kòke. Ndo'n nè nga, danran se nang nè géa por à ró de rák-rák a to.
- ⁸Kotárgé le'm, adi keñ si wei nal dè tà't nè nga lé: Ndo ke karé bere nga tò asenan se bal aru dog a, bal aru dog nga è tite ndo ke karé bere tàkum Nube't a to.
- ⁹Kuwe-bee tile mbor dè ndukunn ke oje dè ndo tel ree le'n titeke njé ke nange giri nga lé. Nè è ile keñ'n pon dè si't tede è ndige le kade doo karé bè géa dann si't tuju lé. E ndige le kade dooge malang oji wan teli turi hal de.
- ¹⁰Ndo tel ree le Kuwe-bee nga à è tite ndo ree le njèbog bè. Keñ ndon't nè nga, danran à ndubu tong-tong le kòte goto njêl karè. Nyange malang ke danrán à leein larr-larr. Nang nè se nyange malang ke tooi tutu nga, por à ró de rák-rák a to.
- ¹¹Titeke nyange malang à leein larr-larr le gotoi njêl karè nga, gar-gar ilei koje dè Nube't a, adi pa njiye si se nyanra si tò se ninn'n gai a to.
- ¹²Sei ndii i nginei le kade ndo le Nube ree kalang. Ndo nè nga, por à ró danrán rák-rák kade goto. Nyange malang ke keñ danran't nga, por à leen de larr-larr a to.
- ¹³Nè jè ndii jè nginei danran ke kige se nang ke kige se go ndukunn ke Nube unn ade jèi nga. Danran ke kige se nang ke kige nga, nyanra ke se dè naje'n à on bee tutu.
- ¹⁴Gir'n ke nè á, kotárgé le'm, uwei ra si mong, i ndii i nginei ndo le Nube. I rai titeke bè le kade Nube ree inge sei se ra si ke unju nyang-nyang, nal kade tà karé uwe dè si nonn't. Ke nè á ra si unju nyang-nyang a, tà karé géa uwe dè si nonn't lé a to baa, a i ndii se'n se keñlom kuwe.
- ¹⁵An-in! keñkile le Kuwe-bee Nube nga á è gir kaje le si. E ke nè á è tà ke ndo ke ngokon jéi Paul ke è kotár le jéi ndang'n magtub ede'n sei tà nè bá. E ede sei tà nè se kumkunju ke Nube ade'n.

16Keêmkile le Nube nga, Paul tam tà'n keâm keâm magtubge't le'n malang ke è ndang loo ger gir tur ngain. Dooge ke nyanger le de ase lé a, ke nja de uwe nang ba lé a tɔ nga, ei turi tàge nè ilei gel titeke ei rai se gute Magtubge le Nube ke rang tɔ. Dooge nè nga rai titeke bè tuji ra de ei kuwe.

17Sei geri tà nè kété bá. Bè baa, kotárgé le'm, undei kumkunju dè ra si't nè bainléa njékaltàge à ndonmi sei nang ndalang dè nda njáng't le si se sútàge le de nga.

18Awi kum si ke kété-kété dè noje't a, se dè ger Jésu-Krist Kuwe-bee le jéi ke njékaje jèi nga a tɔ. Maje kade ribar è le'n đarinè sár se non. Maje kade è titeke bè kuwe.

1 Jean

1 Jean 1

Tà ke ɔje dè ndikumgajer

¹Jè ndang magtub j'ede'n sei tà ke ɔje dè ndikumgajer ke ndi tutu kété mari ke desêin. Tà ke ɔje dè ndikumgajer nè nga, ndɔ ke kété j'oo tà le'n a, j'an'n se kum jé a tɔ. Tà nè nga, ndɔ ke kété jè jè ter'n j'an'n mbiri-mbiri a, jè manm'n se ji jé j'an a tɔ.

²Ndikumgajer ke ndɔ ke unde loo tee nga, jè j'an'n se kum jé kuwe. Gir'n ke nè á jè j'ɔr'n go tà le'n a, j'ile mber tà le'n j'ade sei a tɔ. Ndikumgajer ke se non nè nga ndi ra Bɔ jéi't kété mari bita ade unde loo tee pan ke kum jé't bai.

³Nyan ke j'an se kum jé a, j'oo se mbi jé a tɔ á j'ile mber'n j'ade sei. Jè j'ile mber'n j'ade sei titeke bè tede kade j'umi nan't bɔk se Bɔ jéi a, se Ngonn'n Jésus-Krist a tɔ.

⁴Jè ndang tà nyange nè nga j'ade sei tede kade dè ranel le jéi ɔr'n njêt.

Nube è lookar

⁵Nube è lookar, tilkus karé bè géa goto rann't. E ke nè a è tà ke j'oo tà Jésus-Krist't á j'ɔr gir ndát-ndát j'ade sei.

⁶Ke nè á jè tami j'edi nè j'umi nan't nan't bɔk se Nube nè jè njiyei dann tilkus't kél karé bai baa, jè tami tà lanm nal ra ngarankum nyan se ndɔge malang.

⁷Ke nè á jè njiyei dann lookar't titeke Nube ndii'n dann lookar't nga bè baa, j'umi nan't bɔk a, mese Ngonn'n Jésus-Krist togo kaiya le jéi bere mbak ndát-ndát ɔr kɔke.

⁸Ke nè á jè tami j'edi nè jè rai kaiya lé baa, jè súi kum ra jéi jèi kuwe a, ngarankum tà goto kem̄ jéi't a tɔ.

⁹Nube à inye go ndukunngé le'n lé. E njè ra nyan se dè naje'n. Ke nè á j'ɔri gir majelége le jéi ke nata baa, è à ade kem̄'n à tin mbit dè majelége't le jèi. Nube à inye go nyanrage ke se dè naje'n lé le jèi nga bere mbak kɔke.

¹⁰Ke nè á jè tam j'ede nè jè ra kaiya lé baa, jè ra Nube ke njè tà lanm a, tà le'n urkei kem̄ jéi't lé a tɔ.

1 Jean 2

Krist è njè ra rebe tà le jéi

¹Ngannemge, m'ndang tà nyange nè m'ade sei tede kade i rai majelé kum si ke kété lé. Ke nè á doo karé ra majelé baa, njè ra rebe tà le jéi ndi ra Bɔ jéi't non bá ta. Njè ra rebe tà le jéi è Jésus-Krist ke Njè ra nyan se dè naje'n.

²E nga inye ra'n ade yo ke nyan kor kure kaiya tede kade ke'm Nube tin'n mbit de majelege't le jei. Nube a ade ke'm'n a tin mbit de majelege't le jei se kar jei le, ne a ade ke'm'n a tin mbit de majelege't le dooge malang ke de nang ne.

³Ke ne a j'an-in de ndukunne le Nube sew-sew baa, je geri titeke je geri Nube.

⁴Doo ke tam ede ne n'ger Nube, ne an de ndukunne le'n sew-sew le baa, e nje lanm. Ngarankum ta nga gea urkei ke'm'n't le a to.

⁵Ne doo ke an de ta le Nube sew-sew baa, e tar Nube kerote kuwe. Titeke be a j'a geri titeke j'umi nan't bok se'n.

⁶Nanan ke tam ndat ede ne n'um nan't bok se Nube baa, gar-gar a njiye titeke ndo e Jesu njiye'n.

Ndukunne ke kige

⁷Kotarge le'm, ndukunne ke m'ndang m'ade sei ne nga, e ke kige le, ne e ke mari ke sei ingei kete mari ke desain nga kuwe. Ndukunne ke mari ne nga, e ta ke sei ooi kete ba ta.

⁸Ne ne e be gea, e ndukunne ke kige a m'ndang m'ade sei. E ndukunne ke kige ke ngarankum nyan'n ribe ra'n ke nata takul Krist a, takul si sei a to. Tilkus ndi sanrin koke ade lookar ke get unn gir ndogo ba ta.

⁹Doo ke ede ne n'ndi dann lookar't ne or ngokon'n njete baa, doo ne nga nain dann tilkus't sar darin ba.

¹⁰Doo ke tar ngokon'n baa ndi dann lookar't. Nyan karé ke rann't ke a tuge nja doo ke rang kade oso dann majele't goto.

¹¹Ne doo ke or ngokon'n njete baa, ndi dann tilkus't. E njiye dann tilkus't anje ger loo ke ndi a aw ke tutu, tede tilkus tel'n ke nje kum libe.

¹²Ngannemge, m'ndang magtub ne m'ade sei tede ke'm Nube tin mbit de majelege't le si ba ta takul ri Jesu-Krist ke undei ke'm si denn't nga.

¹³Sei bo nganne, m'ndang magtub ne m'ade sei tede sei geri e ke ndi tutu kete mari ke desain nga ba ta. Sei basa dooge, m'ndang magtub ne m'ade sei tede sei teti ro nje ke'm majele nga ba.

¹⁴Sei nganne, m'ndang magtub ne m'ade sei tede sei geri Bo jei nga ba. Sei bo nganne, m'ndang magtub ne m'ade sei tede sei geri e ke ndi tutu kete mari ke desain nga ba. Sei basa dooge, m'ndang magtub ne m'ade sei tede sei nga sei dooge ke tog si to mar bai a, ta le Nube urkei ke'm si't ade i teti ro nje ke'm majele a to.

¹⁵Nang ne se nyange ke tooi tutu nga, undei de dann kum si't le. Ke ne a doo unde nang ne dann kunn't baa, e tar Bo jei Nube nga le.

16Nyange malang ke ei le nang nè nga á tooi nè: Kemkein le danra a, ngur kinge nyange malang ke kum jéi an a, ti ra ke oje dè nyankingege ke dè nang nè a to nga, in-in ra Bɔ jéi Nube't lé, nè ei in-in dè nang nè.

17Nang se ngur nyange le'n malang ke ra dooge't nga ndii à ndoti kawi. Nè doo ke ra nyan ke kem Nube ndige or son'n njê't baa à ndi kumgajer sár se non kuwe.

Njê kɔse tà se Krist

18Ngannemge, è dè kàde ke ngeinn't ta. Sei ooi kété titeke Njê kɔse tà se Krist karé à unde loo tee. Nè d'arinè nga njé kɔse tà se Kristge ngain ndii unde loo teei ta. Gir'n ke nè á jè geri titeke è kàde ke ngeinn't nga kuwe ta.

19Njé kɔse tà se Krist nga in-in dann jéi't nè kuwe, nè kété géa ei le jéige lé. Gir'n ke nè á unde loo teei dann jéi't kɔke. Ke nè á né ndo ke ei le jéi baa, né à nain-in se jéi. Nè kunde ke unde loo i teei dann jéi't kɔke nga, ade jè geri njai titeke ei le jéige ndan lé.

20Nè sei baa, sei dooge ke è Krist kuwe ndum wubu dè si't unde sei gai. Gir'n ke nè á sei malang i geri Nube ke get.

21M'ndang magtub nè m'ade sei tede ger ke i geri ngarankum tà lé lé. Nè m'ndang magtub nè m'ade sei tede ger ke i geri ngarankum tà a, i geri titeke tà lanm karé bè géa in ra ngarankum tà't lé a to.

22Doo ke naje se ra'n ede nè Jésus è Krist lé nga, ké è njè tà lanm lé bai wa? Doo ke titeke bè nga, è njè kɔse tà se Krist tede è naje se ra'n dè Bɔ jéi Nube't a, dè Ngonnenn't a to.

23Nanan ke naje se ra'n ede nè Jésus-Krist è Ngonn le Nube lé baa, è naje se ra'n dè Bɔ jéi Nube't a to. Nanan ke tam ndàt ede nè Jésus è Ngonn Nube kerote baa, è um nan't bok se Bɔ jéi Nube nga bá ta.

24Nè sei baa, tà ke ndo ke ooi kété mari ke desêin nga, adi urkei kem si't. Ke nè á tà nè urkei kem si't baa, sei umi nan't bok se Krist a, se Bɔ'n Nube a to.

25Ndikumgajer sár se non nga, è nyan ke Krist unn'n ndu'n ade jèi kété bá.

26M'ndang tà nyange nè m'ade sei oje dè dooge ke sangi le súi sei kade i ndemi rebe ke maje't.

27Nè sei baa, wubu ke Krist ndum dè si't nga nain ra si't bai. Gir'n ke nè á sei awi ndoo kade doo karé ndó sei nyange lé ta. Nè Ndil-Kemnda le'n ke ade sei nga ndó sei nyange malang. Nyange ke Ndil-Kemnda ndó sei nga, ei nyange ke kerote m ei tãge ke lanm lé. Bè baa, umi nan't bok se Krist titeke Ndil-Kemnda ndó'n sei nga.

28Oiyo, ngannemge, umi nan't bok se Krist tede kade ndo ke à unde loo tee pan baa, jè ndii heb tàkumn't lé se kemnda káng anje rasol.

²⁹Sei geri mbak titeke Krist è Njè ra nyan se dè naje'n. Nanan ke ra nyan ke se dè naje'n se ndɔ karé-karé baa, è ngonn Nube ke Nube kuwe oje'n.

1 Jean 3

Jèi jèi ngann Nube

¹An-in! tár ke bò ke Bɔ jèi Nube tár jèi á bar'n jèi ke ngannenge. Jèi jèi ngannenge kerɔte kuwe. Gir'n ke nè á dooge ke dè nang nè geri jèi ke ngann'n lé. Dé ger jèi ke ngann Nube lé tede Nube géa dé ger'n lé.

²Kotárgé le'm, darinè jèi ngann Nube. Nè táa ke jè táai nan se'n nga, darinè tò nata ndái-ndái lé bai. Nè né è bè géa, nyan karé ke jè geri á tò nè: Ndɔ ke Krist à tel kunde loo tee pan baa, j'à tooi táai nan se'n tcha-tcha tede j'à j'an-in nin se kum jèi ndan-ndan ke'm ndɔn't nè nga.

³Nanan ke unde ke'm'n tchên dè Krist't baa, maje kade ade ra'n unju nyang-nyang titeke Krist géa ade ra'n unju'n nyang-nyang bè tɔ.

⁴Nanan ke ra kaiya se ndɔ'n-ndɔ'n baa altà tà gute-ndu't, tede kaltà tà gute-ndu't nga è kaiya.

⁵Sei geri mbak titeke Krist unde loo tee tede kɔr majelé kum kɔke. Nè è nga majelé karé bè géa goto rann't.

⁶Nanan ke um nan't bɔk se'n baa, ebe ra'n ra majelé se ndɔ'n-ndɔ'n. Nanan ke ra majelé se ndɔ'n-ndɔ'n baa, an Krist lé a, ger'n lé a tɔ.

⁷Ngannge, adi doo karé sú sei lé. Nanan ke ra nyan ke se dè naje'n se ndɔ'n-ndɔ'n baa, è njè ra nyan se dè naje'n titeke Krist ee'n njè ra nyan se dè naje'n bè tɔ.

⁸Nanan ke ra kaiya se ndɔ'n-ndɔ'n baa in ra njè ke'm majelé't, tede njè ke'm majelé nga unn gir ra majelé se ndɔge malang kété mari ke desêin. Gir'n 'ke nè á Krist, Ngonn Nube unde'n loo tee'n pan tede le tuju nyanrage le njè ke'm majelé nga kɔke.

⁹Nanan ke Nube kuwe oje'n baa à ebe ra majelé se ndɔge malang, tede ko nyan le Nube urkei ke'mn't. E asekum ra majelé kum'n ke kété-kété lé tede è Nube kuwe á oje'n.

¹⁰E ke nè á d'a ger'n ngann Nube se ngann le njè ke'm majelé nga njai-njai. Nanan ke ra nyan ke se dè naje'n lé se ndɔ'n-ndɔ'n baa, è le Nube ndan lé. Nanan ke tár ngokon'n lé baa, è le Nube ndan lé tɔ.

Ade jè tári nan

¹¹I tári nan. E ke nè á è tà ke d'ede sei kété mari ke desêin d'ade ooi bá.

¹²Ade jèi tite Cain bè lé. Cain nga ndo ke è doo le njè ke'm majelé. Gir'n ke nè á ndo ke uje'n kɔbe ngokon'n. Ké ri á è gir kade ndo ke uje'n kɔbe ngokon'n wa? E uje kɔbe ngokon'n tede nyanra'n ke majelé, nè nyanra ngokon'n á è se dè naje'n.

¹³Ngakonmge, ke nè á dooge ke dè nang nè ɔri sei njêť baa, adi ndil si tee an-in soin-soin lé.

¹⁴Jèi baa, jè geri mbak titeke jè tugei loo yo jè gangi j'uri loo ndikumgajer't. Tede jèi baa, jè geri gir tár ke jè tári ngakon jéige nga. Nanan ke tár ngokon'n lé baa, yo on bee dènn't bai.

¹⁵Tabai nanan ke ɔr ngokon'n njêť baa, è njè tɔl doo. Sei geri mbak titeke njè tɔl doo nga ndikumgajer urkei keɱn't ndan lé.

¹⁶Darinè, jè geri ngarankum tár nan takul kinye ke Krist inye ra'n ade yo tede le jéi. Gir'n 'ke nè á, jèi géa, gar-gar j'à kinyei ra jéi kadi yo tede le ngakon jéige tɔ.

¹⁷Ke nè á doo karé aw se nyankinge ngain dè nang nè, nè è unn kum'n mbeng dè ngokon'n ke nyan nal'n. A baa, ké tár ke doo nè ede nè n'tár Nube nga tò ra wa?

¹⁸Ngannemge, ade jè tári nan se tà ke tà jéi't karè lé. Nè ade jè tári nan se nyanra jéige. Nyanra jéi á à tɔji titeke tár ke jè tári nan nga è ngarankum tár kerɔte.

Jè ndii se keɱnda káng non Nube't

¹⁹E ke nè á è nyan ke ade j'à geri titeke jèi le ngarankum tà kuwe. Gir'n ke nè á j'adi bengre jéi oso'n nang pon non Nube't.

²⁰Ke nè á bengre jéi ile tà dè jéi't baa, maje kade jè geri titeke Nube bòi dum dè bengre jéi a, è ger nyange malang a tɔ.

²¹Kotáрге le'm, ke nè á bengre jéi ile tà dè jéi't lé baa, jè ndai keɱ jéi káng non Nube't.

²²Nyange malang ke jè kɔi Nube nga, j'à j'ingei tede kan ke j'an-in dè ndukunngé le'n sêw-sêw a, jè rai nyan ke taa kum'n a tɔ.

²³Nube unn ndu'n ade jèi le kade j'undei keɱ jéi dè ri Ngonn'n Jésus-Krist't a, jè tári nan titeke ndɔ ke Krist unn'n ndu'n ade jèi.

²⁴Doo an dè ndukunngé't le Nube sêw-sêw baa, è um nan't bɔk se Nube a, Nube géa um se'n nan't bɔk a tɔ. Jè ger titeke Nube um se jéi nan't bɔk takul Ndil-Keɱnda ke è ade jèi nga.

1 Jean 4

Ndil le Nube se ndil le njè kɔse tà se Krist

¹Kotáрге le'm, umi keɱ si dè ndil tà't le dooge ke tami edi nè n'awi se Ndil-Keɱnda nga lé. Nè i nan-in dooge nè nga an-in ké awi se Ndil-Keɱnda le Nube nga kerɔte kuwe wa? Tede njé tète tà kunde tà Nube't undei loo teei ngain dè nang nè ɗarinè ta.

²Nyan ke kade i geri Ndil ke in ra Nube't á tò nè: Doo ke rara ke tam ndàť ede nè Jésus-Krist ree dè nang nè se danra'n baa, è doo ke Ndil Nube in keɱn't kuwe.

³Nè doo ke rara ke tam ndàt ede nè Jésu-Krist ree dè nang nè se danra'n lé baa, è doo ke Ndil Nube goto ke'mn't. Nè ndil ke ke'mn't nga, è ndil ke njèke'myêr. Sei ooi kété titeke njèkɔse tà se Krist à ree dè nang nè bá ta.

⁴Ngannemge, sei tėti rɔ njétête tà kunde tà Nube't tede k'ee ke sei lennge a, tede Ndil le'n ke ndi ke'm si't a tɔ. Ndil Nube ke ndi ke'm si't nga á tɔg'n dum dè le njè ke'm majelé ke ndi ke'm dooge ke dè nang nè.

⁵Njé tête tà kunde tà Nube't nga ei le nang nè. Gir'n ke nè a, ei tami tà se go tà tam dooge ke dè nang nè a, njé ke ei le dè nang nè uri mbi de ooi tà le de a tɔ.

⁶Nè jèi baa, jèi le Nube. Doo ke ger Nube baa à ur mbi'n le koo'n tà le jéi. Doo ke ger Nube lé baa à ur mbi'n koo'n tà le jéi lé. E ke nè á j'à ger'n ngarankum Ndil ke in ra Nube't se ndil ke in ra njè ke'm majelé't ke njè kade dooge ndemi rebe ke maje't nga.

Nube è njè tár dooge

⁷Kotárgé le'm, adi jè tári nan tede tár nan nga in ra Nube't kuwe. Nanan ke tár doo ndul made'n baa, ger Nube a, è Nube kuwe á oje'n a tɔ.

⁸Doo ke tár doo ndul made'n lé baa, ger Nube lé tede Nube è njè tár dooge.

⁹Nube ule Ngonn'n ke dagi dè nang nè tede kade jè ndii kumgajer takul'n. E ke nè á tár ke Nube tár jèi too'n nata ndái-ndái.

¹⁰E jèi á j'in-in se ke'm jéi jè tári Nube kété lé, nè è Nube kuwe á tár jèi kété. Gir'n ke nè á è ule'n Ngonn'n ke nyankɔr kure majelége le jéi.

¹¹Kotárgé le'm, tár ke Nube tár jèi titeke bè nga, gar-gar jèi géa adi jè tári nan titeke bè tɔ.

¹²Doo karé bè géa an Nube se kum'n ndan lé bai. Nè ke nè á jè tári nan baa, Nube um jèi nan't bɔk a, tár ke è tár jéi nga maje ɔr njêt.

¹³Nube ade jèi Ndil'n. Gir'n ke nè á jè geri titeke Nube um se jéi nan't bɔk a, jèi géa j'umi se'n nan't bɔk a tɔ.

¹⁴Bɔ jéi Nube ule Ngonn'n le kade è njèkaje dooge dè nang nè. Ngonn'n ke ule'n nga, jè j'an'n se kum jé. Gir'n ke nè á j'ɔr'n go tà le'n j'ede'n sei.

¹⁵Ke nè á doo karé tam ndàt ede nè Jésu è Ngonn Nube baa, Nube um se'n nan't bɔk a, è géa um nan't bɔk se Nube a tɔ.

¹⁶Jèi géa, tár ke Nube tár jèi nga á j'umi ke'm jéi dènn't bɔk-bɔk a tɔ. Nube è njè tár dooge. Nanan ke nain dann tár't bai baa, um nan't bɔk se Nube't a, Nube géa um se'n nan't bɔk a tɔ.

¹⁷Ke nè á tár nan maje ɔr njêt ra jéi't baa, j'à ndai ke'm jéi káng ndɔ ke Nube à gang'n tà dè jéi't. J'à ndai ke'm jéi káng tede ndikumgajer le jéi dè nang nè táa nan se le Jésu-Krist.

¹⁸Bel goto keñ tár nan't, nè tár nan ke maje or njêt nga rɔ bel unde'n nú. Ke nè á doo bel baa, è tede kure nyanra'n ke à ɔde kum'n. Ke nè á doo bel baa, tár nan ke maje or njêt goto keñn't bai.

¹⁹Jèi baa, jè tári Nube tede è kuwe á tár jèi kété.

²⁰Ke nè á doo karé tam ede nè n'tár Nube, nè è or ngokon'n njêt baa, doo nè nga è njè lanm karè. Doo nè nga è njè lanm tede doo ke mbate tár ngokon'n ke an'n se kum'n nga baa asekum tár Nube ke è an'n se kum'n lé nga ndan lé.

²¹Doo ke tár Nube baa, gar-gar à tár ngokon'n tɔ. E ke nè á è ndukunn ke Krist kuwe unn ade jèi kété mari.

1 Jean 5

Rebe tête rɔ dooge ke dè nang nè

¹Nanan ke unde keñ'n dè Jèsu't titeke è Krist baa, doo nè nga è Nube kuwe oje'n. Nanan ke tár Bɔ jèi Nube baa à tár jèi ngannenge nga tɔ.

²Tár Nube a, kan dè ndukunngè le'n sêw-sêw a tɔ nga è nyan ke toje jèi ade jè geri titeke jè tári ngann Nube kerɔte.

³Tár Nube nga ɔje dè kan dè ndukunngè le'n sêw-sêw. Ndukunngè le Nube nga doo asekum kan dè de sêw-sêw karè.

⁴Oiyo, nanan ke Nube kuwe oje'n baa à tête rɔ dooge ke ei le nang nè. Rɔ ke jè tėti dooge ke ei le nang nè nga, è kundekem le jèi.

⁵Ké nan á è doo ke asekum tête rɔ dooge ke ei le nang nè nga wa? Doo ke unde keñ'n dè Jèsu't titeke è Ngonn Nube kerɔte kuwe á asekum tête rɔ dooge ke ei le nang nè.

Tà ke d'or ɔje dè Jèsu

⁶E Jèsu-Krist nga ree dè nang nè se mann a, se mese a tɔ. E ree se mann á karé lé, nè è ree se mann a, se mese a tɔ. Ndil-Keñnda nga è ngarankum tà. E è kuwe á orgo tà nè nga titeke bè.

⁷Njékɔrgo tàge nè nga ei mute.

⁸Ndil-Keñnda a, mann a, se mese a tɔ á ei njékɔrgo tàge ke mute nè nga. Ei mute mbak umi tà go nan't bɔk.

⁹Tà ke dooge d'orgo d'ade jèi nga, jè taai. Nè tà ke Nube orgo nga dum dè le dooge ke ori go adi jèi nè nga bai. Nube orgo tà ɔje'n dè Ngonn'n.

¹⁰Nanan ke unde keñ'n dè Ngonn Nube't baa à taa tà ke Nube tam ɔje'n dè Ngonn'n. Nè nanan ke unde keñ'n dè Nube't lé baa, tel Nube ke njè lanm, tede è taa tà ke Nube tam ɔje'n dè Ngonn'n nga lé.

¹¹Nube ade jèi ndikumgajer se non. Ndikumgajer se non nè nga, è ade jèi takul kum ke j'umi nan't bok se Ngonn'n. E ke nè á è tà ke Nube tam oje'n dè Ngonn'n nga.

¹²Nanan ke um nan't bok se Ngonn nè nga baa, è aw se ndikumgajer bá ta. Nanan ke um nan't bok se Ngonn Nube nè nga lé baa, è nal ndikumgajer nga bá ta.

Tà ke oje dè ndikumgajer se non

¹³Sei ke undei keñ si dè ri Ngonn Nube't nga, m'ndang tà nyange nè nga m'ade sei tede kade i geri titeke sei ingei ndikumgajer ke se non nè nga bá.

¹⁴Gir'n ke nè á jè ndai keñ jéi káng non Nube't: Ke nè á jè deji nyan se go keñndige le'n baa, jè geri mbak titeke è oo tà le jéi.

¹⁵Loo ke jè geri titeke è oo tà le jéi baa, jè geri titeke nyange ke jè deji nin nga, j'ingei de bá ta.

¹⁶Loo ke doo an ngokon'n ndi ra kaiya karé ke aw se'n loo yo't lé bai baa, maje kade deje Nube le kade ade ngokon'n nè nga ndi kumgajer. Tà nè nga oje dè njé ke rai kaiya ke aw se de loo yo't lé bai. Kaiya karé ke aw se doo loo yo't tò tutu. Kaiya ke titeke bè nga, man m'ede sei kade oji tà se Nube tede lé.

¹⁷Nyanra ke se dè naje'n lé malang nga, è kaiya kerote kuwe. Nè kaiya karé ke aw se doo loo yo't lé tò tutu.

¹⁸Jè ger mbak titeke nanan ke Nube kuwe oje'n nga à ra kaiya se ndo'n-ndo'n lé. Nanan ke Nube kuwe oje'n baa à ngonm ra'n è kuwe sêw-sêw. Njè keñ majelé asekum tee rann't lé.

¹⁹Jè geri titeke jèi le Nube, nè dooge ke dè nang nè malang ei keñ ji togmong't le njè keñ majelé.

²⁰Jè geri titeke Ngonn Nube ree dè nang nè bá. E kuwe ade jèi gos nyanger tede kade jè geri Nube ke get-get. J'umi nan't bok se Nube ke get-get nga takul Ngonn'n Jésus-Krist. Jésus-Krist nga è ngarankum Nube a, è njèndi kumgajer sár se non a to.

²¹Ngannemge, an-in go ra si maje oje dè mage polége!

2 Jean

2 Jean 1

Jean or gir ra'n

¹Man ngatoge doo nga, m'ndang magtub nè m'adi i Kyria se ngannige. I nga i dinye ke d'undei se ninn'n gai. I se ngannige malang nga, m'tár sei kerote kuwe. E man á m'tár sei se kar'm lé, nè dooge malang ke geri ngarankum tà nga géa tári sei to.

²Jè tár sei tede ngarankum tà ke urkei kem̄ jéi't d'arinè. Ngarankum tà nè nga à nain se jéi sár se non.

³Maje kade kem̄noje se kem̄kanm a, se kem̄lom ke in ra Nube't se ra Ngonn'n Jésu-Krist a to, nain se jéi tede kade jè tári nan kerote kuwe.

Njiye dann ngarankum tà't se tár nan

⁴Ra'm nel'm ngain dè kinge ke m'inge ngannige njiyei dann ngarankum tà't titeke Bò jéi unn'n ndu'n ade jèi.

⁵Kyria, d'arinè m'ra ndoo rai't: ade jè tári nan. E ndukunn ke ndo ke j'ingei kété mari ke desèin nga kuwe á m'ndang m'adi m è ke kige lé.

⁶Ke nè á jè tári Nube kerote baa, ade jè tári nan. E ke nè á è ndukunn le Nube ke ndo ke j'ede sei tà'n.

Undei kumkunju dè ra si't oje dè njé tam tà lanmge

⁷Njé tam tà lanm sú'n dooge kade ndemi bule ngain undei loo teei d'arinè bá ta. Njé lanmge nè nga mbati tami ndàt titeke Jésu-Krist ree dè nang nè se danra'n. Doo ke tam ndàt ede nè Jésu-Krist ree se danra'n dè nang nè lé nga, è njè tà lanm a, è njè kose tà se Krist a to.

⁸Undei kumkunju dè ra si't tede kade kule ke jè ra nga to ra jéi't karè lé, nè le kade ingei nyankuge dè ji si tá.

⁹Nanan ke nda njáng dè nyan-ndó't le Krist lé á unn tà ke rang karè ile dèt baa, um se Nube nan't bok lé. Nanan ke nda njáng dè nyan-ndó't le Krist baa, um nan't bok se Nube a, se Ngonn'n a to.

¹⁰Ke nè á doo karé ree ra si't á ree se nyan-ndó le Krist nè nga lé baa, uwei nin ke ra si't kem̄ kei le si lé a, edi nin edi nè: «I ree se maje'n» lé a to.

¹¹Ke nè á edi nin edi nè: «I ree se maje'n» baa, sei umi se doo nè nan't bok dè kule ranngé ke majelé nga bá ta.

Ngei tàge le Jean

¹²M'aw se nyange bule ngain le ndang kade sei. Nè m'ndige le ndang tà'n keâm magtub't lé. Nè m'unde keâm'm tchên le kaw ra si't kɔje se si tà se tà'm njan-njan. Titeke bè á dè ranel le jéi à maje kɔr'n njêt.

¹³Ngann le ngokoin ke dinye ke Nube ɔr'n unde'n se ninn'n gai nga, rai nin lapyà ngain.

3 Jean

3 Jean 1

Jean ɔrgir ra'n

¹Man ngatɔge doo nga, m'ndang magtub nè m'ade kotár le'm Gaius ke m'tár'n ke kerɔte kuwe.

²Kotár le'm, m'ndinge kade aw maje ke kété-kété ɔje dè nyange malang. M'ndinge kade danrai aw maje ke kété titeke ngarankum rai aw'n maje nga bè ɔ.

³Ra'm nel'm ke dum tede njétaakeŋ-Kristge ke nange reei edi man titeke i liger lagr-lagr dè ngarankum tà't nga bai. Tabai, ei edi man titeke i njiye se go ngarankum tà nè nga bai a ɔ.

⁴Ranel le'm ke bò ngain baa, è koo ke m'oo titeke ngannemge njiyei dann ngarankum tà't se ndɔge malang.

Jean pite Gaius dè kule ra ke maje't

⁵Kotár le'm, i ra nyan ke maje se keŋnda káng tede le njétaakeŋ-Kristge ke ei mbage.

⁶Dé nè nga, d'ɔrgo ser tár ke i tár de non njékebe nange't le Nube. I ra se de dé mbage ke d'a d'aw, tede kade ile ribar dè Nube't.

⁷E tede ri Jésu-Krist á dé tee d'aw'n anje kinge nyan ji njé ke geri Nube't lé.

⁸Dooge ke titeke bè nga, gar-gar adi j'ɔsi gir de loo kile mber ngarankum tà't nga. Ke nè á jè rai titeke bè baa, jèi njémade kulege le de kerɔte kuwe.

Diotrèphe se Démétrius

⁹M'ndang tà karè bè ke ase loon't m'ade njékebe nange le Nube. Diotrèphe ke ndige k'ee ngawtà de nga ute tà le jé mbeng.

¹⁰Gir'n ke nè á loo ke ndɔn't m'a m'aw baa, m'a m'ede'n nyange ke majelé ke ra nga ndàt. Tabai, m'a m'ede'n tàge ke majelé ke è tam ɔje'n dè jé. E ke nè kuwe ase'n lé bai, è mbate kuwe njétaakeŋ-Kristge ke rann't. Dooge ke ndigi kuwei de ke ra de't géa, ɔge de dè't a, rɔ de kɔke dann njékebe nange't le Nube a ɔ.

¹¹Kotár le'm, i ndaje nyanra ke majelé lé, nè i ndaje nyanra ke maje tá. Doo ke ra nyan ke maje nga è le Nube. Doo ke ra nyan ke majelé nga an Nube lé.

¹²Dooge malang ɔri go tà le Démétrius ke maje. Ngarankum tà nga kuwe géa ɔrgo tà le'n ke maje a ɔ. Nè jè géa, j'ɔrgo tà le Démétrius ke maje ɔ. I Gaius, i ger mbak titeke tà ke jè tam nga è ngarankum tà kuwe.

Lapya ke ngeinn't

¹³M'aw se tàge ngain le ndang kadi. Nè m'ndige le ndang tà'n keŋ magtub't lé.

14M'unde keŋ'm tchên le kaw kan-in ngɔr kade j'ɔje'n nan tà se tà jé njan-njan.

15Maje kade keŋlom nain sei. Basa madige rai nin lapyá ngain. I ra lapyá made jége ke nú karé-karé se ri de-ri de ade jè tɔ.

Jude

Jude 1

Jude ɔrgir ra'n

¹Man Jude, ber kule le Jésu-Krist, man ngokon Jacques. M'ndang magtub nè m'ade njé ke Bɔ jéi Nube bar de. Njé ke Bɔ jéi Nube bar de nga, ei lennge. E an dè de sêw-sêw takul Jésu-Krist.

²Maje kade kemkanm se kemlom a, se tár nan a tɔ, oji nan ra si't nyanmi-nyanmi.

Njé tête tàge kunde tà Nube't

(An-in 2 Pierre 2.1-17 tɔ)

³Kotárgé le'm, m'in kalang m'ndang magtub nè m'ade sei ɔje dè kaje le jéi ke j'orèi nan dè't nga. Gar-gar è tà le'm le ndang magtub kade sei kule'n dingem kem si't tede kade i rai rɔ dè kundekem't. Kundekem nga Nube ade njétaakem-Kristge nja karé bere ke ngang'n.

⁴Dooge ke nange uri dann si't se go ngein. Tà ke ɔje dè kemnoje le Nube le jéi nga, ei turi ilei gel tede le ra'n nyange ke pás-pàs. Dé dooge nè nga, dé mbate Jésu-Krist, Ngar le jéi se Kuwe-bee jéi ke karé bere luk-luk nga sár. Gangtà ke dé ndang tà'n kété mari d'ɔje'n dè de nga tò ngine de tchên.

⁵Sei geri nyange nè nga malang bá kuwe. Nè né è bè géa, m'ndige kolé kem si dè tà't nè: Ndɔ ke Kuwe-bee Nube ɔr kosdooge le'n kɔke kem beekon ke Egypte aje de nja karé ke ngang'n. Nè go't gugu, è tuju njé kunn mbi dè tàge't kɔke ndát-ndát.

⁶Adi kem si olé dè dooge ke danrán ke mbati ngonmi ribar ke d'ule dè de't a, ke ndɔ ke inyei loo ndi de ke ɔje dè de. Nube ngonm de dann loo ke ndul ndin-ndin't se sul ji de't se nja de't dangai't sár se non ngine'n ndɔ gangtà ke bò.

⁷Adi kem si olé dè dooge ke kem bee-bòge ke Sodome se Gomorrhe se bee-bòge ke gan-in dè de nga. Dooge nè nga ndɔ ke rai nyange ke pás-pàs tite dooge ke danrán bè tɔ. Dingemge ke sangi dingem made dege tooi se de ke dinye't. Nè Nube ade por ke à wei ndan lé in danrán ree ró de rák-rák ade kure nyanra majelé le de ɔde kum de. Nyan ke tee dè de't nga, è nyan-tɔje tede le dooge malang.

⁸Kerɔte kuwe, dooge ke uri dann si't nga, ei rai nyange ke pás-pàs tite dooge ke kem bee-bòge ke Sodome se Gomorrhe nga tɔ. Dé gir nyange ke se go rebe'n lé kem de't a, d'ule ra de mbiriri dann nyange ke mine't. Dé njé kute tɔgmong le Jésu-Krist mbeng a, dé nede dooge ke danrán a tɔ.

⁹Michel ngar le dooge ke danrán nga, ndɔ ke gaki nan se sú dè ninn njèyo Moise't. Michel ndige le gangtà dè sú't lé a, ndige le taje'n lé a tɔ. Nè è ede sú ede nè: «Maje kade Kuwe-bee kuwe ndángi.»

10Nè dé dooge ke m'ede sei tà le de nè nga, nyan ke dé ger gir njai lé nga ndor de aw se de loo tuju't tite dange ke tàgir le de goto bè.

11Dé dooge nè nga, d'a d'an bai! tede d'unn rebe le Cain. Kum de sú de ade dé tam tà lanm le taa'n nar titeke ndo ke kété Balaam ra'n bè. D'ile ro d'ade Nube titeke ndo ke Koré ra'n bè to. Kerote kuwe, d'ade tuju titeke ndo ke Koré tuju'n nga bè to.

12Dé nè nga dé d'asenan se her ke à tuge sei kile sei tà nyankuse't tár nan't le si nga. D'on mur se si se go dege non dege anje bel d'ul'n ra de dé kuwe. Dé tò d'asenan se ndi ke in ngiring-ngiring ke nel or'n aw se'n ade ede lé bè. Dé d'asenan se kagege ke anni lé a, dé tite kagege ke nel dann-or-made tor de se ngire'n bere mbak ade weii njanm-njanm.

13Dé tite kor mann ba ke tal bungus-bungus ade pululu'n ke majelé in pok-pok bè. Dé tò d'asenan se konyonge ke gangi ndiling-ndiling bè. Nube uwe dè nja loo ke ndul ndin-ndin unde konn le kade dé ndi tutu sár se non.

14Hénok,ngonnkà dog Adam ke njèkon't ji sejimute nga, ndo ke tam tà kété mari oje'n dè de ede nè: «An-in! Kuwe-bee à ree se dooge le'n ke danrán aru dog loo bule,

15le gang'n tà dè dooge't karé-karé malang oje dè nyanra de ke majelé. Kuwe-bee à ree le gangtà dè njé kile koje dè Nube't lége malang. E à ree le gangtà dè njé ra majelége malang tede tàge ke majelé ke tami se'n nga a to.»

16Dé dooge nè nga, dé njé bar tà nyon-nyon se ndoge malang a, ra de ate de kárar a to. Dé njiye se go ngur nyange ke kem de dé't kuwe a, tàge ke kum tam oji nan tà de't pot-pot a to. Dé njé toi dooge tede libe'n kum de taa'n nyan ji de't oje dè maje le de dé kuwe karé.

Tà ndejege

17Nè sei kotarge le'm baa, adi kem si olé dè tàge ke ndo ke njékawkulege le Jésus-Krist Kuwe-bee le jéi ede sei kété bá nga.

18Ndo ke edi sei kété edi nè: kem ndoge ke à reei, njé soke looge à undei loo teei le ringei se tà soke Nube. Dooge à rai nyange ke majelé titeke kem de oje.

19E dé dooge nè á dé njé tin njétaakem-Kristge! Tàgirge le de ei tàgirge ke in-in ra dooge't m è tàgir ke se go Ndil Nube lé.

20Nè sei kotarge le'm baa, sei kuwe ulei dingem kem nan't, awi kum si ke kété dè kundekem't le si ke tò se ninn'n nga. Oji tà se Nube se go Ndil-Kemnda.

21I ndii dann tár ke Nube tár sei. Undei kem si dè Kuwe-bee't le jéi Jésus-Krist, i nginei ndikumgajer se non se ke à ade sei se go kemkanm le'n.

22An-in kumtondoo le njé ke ndii à ilei mber mbor dè kundekem't le de bai nga.

²³Uwei njé ke nange hont ɔri de dann por't aji de. An-in kumtondoo le njé ra majelége ke nange se keɛnda geng. Nè kubu ke ulei keɛ made't rai majelé nga géa, ɔri nin njê.

Jude ɔɔi Nube

²⁴Nube aw se ɔɔgmong le kan'n dè si kade osoi lé. Nube à ade a i ndai non ndubra't le'n ke bò se ranel anje tà karé dè si't.

²⁵Nube le jéi karé bere ke Njèkaje jèi takul Kuwe-bee le jéi Jèsu-Krist nga, maje kade ndubra se riɓar, se ɔɔgmong konbee ei le'n sár se non. Maje kade è titeke bè kuwe.

Lookilera'n

Lookilera'n 1

Gir nyan ke Jean ndang'n magtub nè

¹Nyange ke tooi loo bɔyɔn't ke Nube ribe dè ade Jésu-Krist. Jésu-Krist ribe dè nyange ke tooi loo bɔyɔn't nè nga ade ber kulege le'n. Nyange ke Nube ade Jésu-Krist ribe dè ade ber kulege le'n nga, gar-gar ei nyange ke à reei ngɔr kuwe. Jésu-Krist ule doo le'n ke danrán karé ade ree toje Jean ber le'n nyange nè nga.

²Jean nga ɔrgo nyange malang ke è an se kum'n. E ɔrgo tà le Nube a, le Jésu-Krist a tɔ.

³Doo ke tute magtub nè nga ra'n à nel'n. Njé ke uri mbi de ooi tàge ke in tà Nube't a, tɔsi kum de dè nyange ke dé ndang tà'n ke'm Magtub't nè nga baa, ra de à nel de tɔ. Nyange ke ndɔ ke m'tam tà'n nè nga, ndɔ'n nain ngɔr ta.

Jean ra lapya njékebe nange le Nube ke gir ji sejimute

⁴Man Jean, m'ndang magtub m'ade njékebe nange le Nube ke gir ji sejimute ke ndii ke'm beekon ke Asie. Maje kade Nube ade sei ke'mnoje se ke'mlom. E nga ndi tutu kété mari sár d'arinè. E ndi à ree sei non a tɔ. Maje kade ndilge ke ji sejimute ke ndai non kutu-ngar't le Nube adi sei ke'mnoje se ke'mlom.

⁵Maje kade Jésu-Krist njèkɔrgo tà ke get-get ade sei ke'mnoje se ke'mlom. Jésu-Krist nga è kuwe karé bere á è doo ke desêin sàk-sàk ke unde loo tee dann njé ke koo't. E nga è ngar ke on bee dè ngarge ke dè nang nè. Jésu-Krist nga tár jèi a, ɔr jèi dann kaiya't le jéi takul mese'n a tɔ.

⁶Jésu-Krist tel jéi ke dooge ke ke'm konbee't le Nube. E tel jèi ke njékuje nyan-mesege tede ra kule le Bɔ'n Nube. Maje kade ribar se tɔgmong ei lennge sár-sár se non. Maje kade è titeke bè kuwe.

⁷An-in! Jésu-Krist nga à ree dann kil't le ndi; dooge karé-karé malang à an-in nin a, njé tɔse'n tɔlɔnge géa à an-in nin se kum de a tɔ. Kosdooge malang dè nang nè à non-in kundei kàde de dai-dai tede tà le'n. Oiyò, maje kade è titeke bè kuwe.

⁸Kuwe Nube tam ndàt ede nè: «Man nga m'ee ke desêin a, ke ngeinn't a tɔ. Man m'ndi tutu kété ke mari sár tee bila. M'ndi m'aw sei non.»

Jean an Jésu-Krist

⁹Man m'ee ngokon si Jean á m'ndang magtub nè. M'um se Jésu nan't bɔk tite si sei tɔ. Man nga m'ee made bee le si ɔje dè konbee le Nube. Nyantosowur ke ra sei á oréi tà si njak i ndii nginei ndɔ tel ree le Krist nga, man géa ra'm se si tɔ. Man Jean nga d'uwe'm d'aw se'm d'ile'm dè goré loo ke ri'n nè Patmos tede tà le Nube ke ndɔ ke m'ile mber'n a, tede tà le Jésu ke ndɔ ke m'ɔrgo a tɔ.

¹⁰Ndo karé bè è ndo le Kuwe-bee. Ndil ade m'oo ndu doo bar goom't beng tite ká burunju ke bar bè.

¹¹Ndu doo ke bar beng á m'oo nè nga, ede'm ede nè: «Nyan ke i an se kumi d'arinè nga, i ndang keñ magtub't ule'n ade njékebe nange le gir ji sejimute ke beekon ke Asie: Ephèse, Smyrne, Pergame, Thyatire, Sardes, Philadelphie a, se Laodicée a tɔ.»

¹²M'tur goo'm le kan doo ke ede'm tà nè nga. Loo ke m'tur goo'm bè baa, m'an lampege ji sejimute ke ra se nar-ɔr.

¹³Dadann lampege't nè nga, m'an doo karé bè ke tanan se Ngonn doo. Doo nè nga ule kubu ke ngal ɔr gide nja'n nang ndêt-ndêt. E do kàde'n se ndar ke ndoin kein-kein tite ɔr bè.

¹⁴Dè'n se bin dè'n putu nda káng-káng tite bin bate ke nda éké tite kɔtche bè. Kum'n taa por bilm-bilm tite ndon por bè a tɔ.

¹⁵Nja'n ndolé kein-kein tite ninge-kase ke d'ule tà tor't d'ade yede'n tee bè. Ndu'n bar ase loo nák-nák tite ká mann ba-bò kate ke bar bè.

¹⁶Doo nè nga uwe konyonge ji sejimute jikonn't, kuye kaskar ke ate ngang joo ke tà ate njêt tee tànn't. Tà kum'n ndoin tite kàde ke ndobe ráng-ráng bè.

¹⁷Loo ke m'an doo nè nga bè baa, m'oso njann't nang rɔk tite doo ke wei bè. E ile jikon'n dèm't neñ ede'm ede nè: «Ebe rai bel. Man nga m'ee ke desèin a, ke ngeinn't a tɔ.

¹⁸Man nga m'ee njèndi kumgajer. Man nga ndo ke wei bá. An! d'arinè, m'ndi kumgajer sár se non. Man nga m'aw se tɔgmong dè yo't a, dè bee le njé ke koo't a tɔ.

¹⁹Nyange ke i an se kumi bá a, nyange ke reei bai a tɔ nga, i ndang keñ magtub't.

²⁰Nyan ke tò loo bɔyɔn't oje dè konyonge ji sejimute ke an jikonm't a, lampege ji sejimute ke dé ra se nar-ɔr ke an a tɔ nga, gir'n á tò nè: Konyonge ke ji sejimute nga, ei njékan dè njékebe nange le Nube ke ji sejimute. Lampege ji sejimute ke dé ra se nar-ɔr nga, ei njékebe nange ke gir ji sejimute nè nga tɔ.»

Lookilera'n 2

Magtub ke Jean ndang ade njékebe nange ke Ephèse

¹Doo ke m'an'n nga, ede'm ede nè: «I ndang magtub ade doo ke danrán ke njékan dè njékebe nange le Nube ke keñ bee-bò ke Ephèse. E ke njè kuwe konyonge ke ji sejimute jikonn't rige'n dadann lampege ke ra se nar-ɔr nga tam ede nè:

²M'ger pa njiyei mbak. M'ger mbak titeke i ra kule ɔr yàl-yàl a, oré tàl njak dè nyantosowurge't a tɔ. M'ger maje titeke ase kile ngire gir njé ra majelége't lé. Njé ke ei kuwe edi nè n'ei njékawkulege nga, i ger de ke njé lanmge karè.

³M'ger titeke i nda dè naji't njáng a, oré tàì njak dè nyankeîmkonge ke ndo ke rai tede tà le'm a to. Nè keîmi tète mann lé.

⁴Nè tár ke i tár'm kété nga, ðarinè i inye go kòke. E ke nè á è nyan karé ke ade m'aw'n sei se tà.

⁵Ade keîmi olé dè loo ke in tutu oso nga. I tel i tur hali, unn kule ke ndo ke i ra kété i ra. Ke nè á i tel i tur hali lé baa, m'a m'awi non. Lampe lei ke ra se nar-or nga, m'a m'aw le ndote'n kòke.

⁶I or njé ke le Nicola njêt tede kule ra dege, titeke man géa m'or'n de njêt bè to. E ke nè á è nyan karé ke soo't ndèin tedei.

⁷Nanan ke ka mbi'n tò tutu baa, maje kade ur mbi'n oo'n tà ke Ndil ede njékebe nange le Nube. Dooge ke tète ro baa, m'a made de kann kage ndikumgajer ke tò loo ke maje't le Nube kade usei.»

Magtub ke Jean ndang ade njékebe nange ke Smyrne

⁸Doo ke m'an'n nga tam ede nè: «I ndang magtub nè ade doo ke danrán ke njèkan dè njékebe nange le Nube ke keîm bee-bò ke Smyrne. E ke kété desèin se è ke ngeinn't, è wei kété ðita tel ndi kumgajer nga tam ede nè:

⁹Nyantosowur ke rai se ndoo ke rai nga, m'ger mbak kuwe. Nè né è bè géa i baw nyankinge. Tà ke majelé ke njé ke ei kuwe edi nè n'ei juipge tami sei nga, m'ger mbak kuwe. Nè dé nè nga, ke get-get baa, dé kei kebe nan le njèkeîmyêr.

¹⁰I ðel nyankumndoo ke à rai nga lé. An! njè keîm majelé à tile dooge ke nange dann si't dangai't tede nan'n sei. Nyantosowur à ra sei ndo ðog. Um keîmi dèm't i nda njang sár ndo kwei't baa, m'a m'adi jòkò kunn banga ke ndikumgajer nga to.

¹¹Nanan ke ka mbi'n tò tutu baa, maje kade ur mbi'n maje oo'n tà ke Ndil ede njékebe nange le Nube. Dooge ke tète ro baa, yo ke njèkon't joo à ra kum de ndoo ndan lé.»

Magtub ke Jean ndang ade njékebe nange ke Pergame

¹²Doo ke m'an'n nga tam ede nè: «I ndang magtub nè ade doo ke danrán ke njèkan dè njékebe nange le Nube ke keîm bee-bò ke Pergame. E ke aw se kuye kaskar ke tà ate ngang joo nga, tam ede nè:

¹³Loo ke i ndi tutu nga, m'ger mbak, è kutu-ngar le njèkeîmyêr. Keîm ndon't ke ndo ke dé tol'n Antipas, njèkorgo tà le'm ke maje kule dann si't nga géa, ile ri'm nang lé a, i naje se rai dè keîmi ke unde dèm't nga lé a to. Loo ke ndo ke dé tol Antipas tutu nga, njè keîm majelé urkei tutu bajaj.

¹⁴Nè i ngonm dooge ke nange ke njé liger lagr-lagr dè nyan-ndó't le Balaam nga sár bila bai. Balaam nga kété ndó Balak kade tel è jig non ngann Israelge't. E ndó de kuse dan ke dé tol d'ade magege a, le kade tooi se nan ke kaiya't a to. E ke nè á è nyan ke ade m'aw'n sei se tà ndèin.

- 15**Tabai, i ngonm ke njé ke ligeri lagr-lagr dè nyan-ndó't le Nicola rai't tɔ.
- 16**Bè baa, i tur hali. Ke nè á i tur hali lé baa, m'a m'awi non d'ari-d'arinè. M'a m'aw le rɔ se dooge nè nga se kuye kaskar ke tàm't.
- 17**Nanan ke ka mbi'n tò tutu baa, maje kade ur mbi'n maje oo'n tà ke Ndil ede njékebe nange le Nube. Dooge ke tėti rɔ baa, m'a m'ade de mur ke tò loo bɔyɔn't ke ri'n nè manne kade on-in. M'a m'ade'n ngonn her ke nda kade ɔr'n tà dè dooge't. Ri ke kige ke dé ndang tu ngonn her ke nda't nè nga, doo ke rang karé bè géa ger lé. Nè doo ke inge ngonn her ke nda nè kuwe se kár'n bere á ger.»

Magtub ke Jean ndang ade njékebe nange ke Thyatire

- 18**«I ndang magtub nè ade doo ke danrán ke njèkan dè njékebe nange le Nube ke keâm bee-bò ke Thyatire. Ngonn le Nube ke kum'n taa por bilm-bilm tite ndon por bè a, nja'n ndoin tite ninge-kase a tɔ nga, tam ede nè:
- 19**M'ger pa njiyei se tár lei a, se kundekerâm lei a tɔ. M'ger kile koje lei se nda dè nja't njáng lei nga mbak kuwe. Kule raige ke i ra gugu laa nga maje ngain dum kule raige ke ndɔ ke kété.
- 20**Nè i inye Jézabel, dinye ke ra ra'n ke njèribe-dè-tà ke tà Nube't nga rai't bai. Dinye nè nga ade ber kulege le'm ndemi rebe tede è ndó de tò se nan ke kaiya't a, ade usei dan ke polé'n magege a tɔ. E ke nè á è nyan karé ke ade m'aw'n sei se tà.
- 21**M'inye kurloo m'ade'n kade tel tur hal'n. Nè è ndige tel tur hal'n ke ɔje dè tò se nan ke kaiya't le'n nga lé.
- 22**An! m'a m'uwe'n le kile'n dè tire't nang pèlèl dann dunge nyantosowur ke bò. Dooge ke njé tooi senngé nga, ke nè á teli turi hal de inyei go kule ra dege ke Jézabel ndó de nga baa, m'a m'ade nyantosowur nè à ra de lé.
- 23**M'a m'ade yo-kos à tɔl ngannenge kabak. Bè tá njékebe nange le Nube malang à geri titeke man m'ee njè ter tàgir le dooge ke dè bengre de't. Man m'uge nanan géa dann si't se go kule ra'n.
- 24**Nè gute si sei njékebe nange le Nube ke keâm bee-bò ke Thyatire ke i taai nyan-ndó nè nga lé a, i sangi le geri nyanger ke dé bar'n «dunge nyangerge le njè keâm majelé» nga lé a tɔ. Man m'ede sei ndàt titeke man m'unde nyankoto ke wɔi ke rang dè si't lé ta.
- 25**Nè nyan ke karé ke tò ji si't nga, uwei mong-mong sár adi m'ree'n.
- 26**Dooge ke tėti rɔ a, ilei koje dèm't sár ndɔ ke ngeinn't baa, m'a m'ade de tɔgmong ke ndɔ ke Bɔ'm ade'm. M'a m'ade de tɔgmong kade on-in bee.
- 27**Dooge ke tėti rɔ nga à ɔri non dooge ke geri Nube lé se kage-tɔse nar a, à rundi de titeke dé rundu'n jó hanje bè tɔ.

²⁸E ke nè á è tɔgmong ke ndɔ ke Bɔ'm ade'm. Doo ke tête rɔ nga, m'a m'ade'n mbonron.

²⁹Nanan ke ka mbi'n tò tutu baa, maje k'ade ur mbi'n maje oo'n tà ke Ndil ede njékebe nange le Nube.»

Lookilera'n 3

Magtub ke Jean ndang ade njékebe nange le Nube ke Sardes

¹«I ndang magtub nè ade doo ke danrán ke njèkan dè njékebe nange ke keñ bee-bò ke Sardes. E ke ndilge ke ji sejimute le Nube se kɔnyonge ke ji sejimute tooi jinn't nga, tam ede nè: M'ger pa njiyei mbak. Ri ndikumgajer kuwe bar dèi't karè, nè ke get baa, i tò asenan se doo ke wei bá. E tam ede nè:

²Ute rai kalang, ade kundekeñ lei beber le kade gute nyanraige ke nan-in ke maji nga weii kɔke tɔ lé. Man m'an pa njiyei maje ɔr njèt tàkum Nube't leñ lé.

³Ade keñi olé dè tà ke i oo a, ke ndɔ ke i taa se keñi a tɔ. I ngonm tà nè nga a, i tel i tur hali rang a tɔ. Ke nè á i tel i ndikum lé baa, m'a m'ree kubei nang bus tite njèbog m a i ger kàde ke m'a m'tee'n dèi't nga lé.

⁴Nè né è bè géa, i aw se dooge ke nange kubu le de mite lé keñ bee-bò ke Sardes. Dooge nè nga à njiyei se kubuge ke nda tede asikum njiyei se'm kuwe.

⁵Titeke bè á nanan ke tête rɔ baa, d'a tule kubu ke nda káng-káng rann't. M'a m'tuju ri'n kɔke keñ magtub ndikumgajer't nga lé. Nè m'a m'tam ndàt non Bɔm't se non dooge le'n ke danrán titeke dooge nè ei lemge kerɔte kuwe.

⁶Nanan ke ka mbi'n tò tutu baa, maje kade ur mbi'n maje oo'n tà ke Ndil ede njékebe nange le Nube nga.»

Magtub ke Jean ndang ade njékebe nange ke Philadelphie

⁷Doo ke m'an'n nga tam ede nè: «I ndang magtub ade doo ke danrán ke njèkan dè njékebe nange ke keñ bee-bò ke Philadelphie. E ke njè tò se ninn'n a, njè tam ngarankum tà a tɔ. E uwe lakêlé le ngar David jinn't. Ke nè á teen tà rebe baa, doo karé géa asekum kutu gugu lé a, ke nè á utu tà rebe baa, doo karé géa asekum teen gugu lé a tɔ. E tam ede nè:

⁸M'ger pa njiyei mbak. An! m'teen tà rebe m'inye wei noin't. Doo karé bè géa ase kutu tà rebe nè nga lé. Tɔgi è ndèin bè ade m'ger kuwe. Nè né è bè géa ile koje dè tà't le'm, m i tam ede nè i ger'm lé lé.

⁹An! njé ke keñ kei kebe nan't le Sú tami edi nè n'ei Juipge. Nè ei lanmi karè m ei Juipge ke get lé. M'a m'ade d'ade ree le kɔse keje de nang noin't a, d'ade ger titeke m'tári a tɔ.

10Ndo ke m'unn ndu'm m'adi kade oré tà njak dè kundekem't. Dariné i an dè ndukunn le'm nga sêw-sêw; baa, man géa, man m'ee der giri ndo nyantosowur't. Kerote kuwe, nyantosowur à ree le nan dooge malang ke ndii dè nang nè.

11Man m'ree kalang. Nyan ke tò jii't nga, uwe mong-mong tede kade doo karé bè géa taa joko tête ro lei nga aw'n lé.

12Doo ke tête ro baa, m'a m'ade à è kage ngaw gile kei ke tò se ninn'n le Nube le'm. M'a m'ade à tel kunde loo tee nata gile kei't nè nga ndan lé. M'a m'ndang ri Nube le'm se ri bee-bò le Nube le'm dènn't a to. Bee-bò nè nga è Jérusalem ke kige ke in danrán ra Nube't le'm. Doo ke tête ro baa, m'a m'ndang ri'm ke kige dènn't a to.

13Nanan ke ka mbi'n tò tutu baa, maje kade ur mbi'n maje oo'n tà ke Ndil ede njékebe nange le Nube.»

Magtub ke Jean ndang ade njékebe nange ke Laodicée

14Doo ke m'an'n nga tam ede nè: «I ndang magtub nè ade doo ke danrán ke njèkan dè njékebe nange le Nube ke kem bee-bò ke Laodicée. Doo nè nga dé bar'n «Amen», maje kade è titeke bè kuwe. E ke njèkorgo tà ke get ke dooge undei kem de dènn't. E kuwe è ngire gir nyankundege le Nube malang. E tam ede nè:

15M'ger pa njiyei mbak. M'ger titeke i sol lé a, olé lé a to. Man baa, m'ndinge kade i sol éké olé tá.

16A baa, titeke i obe jor karé anje kolé éké sol nga, m'a m'tomoin tam't lotch koke.

17I tam ede nè: Man m'ee baw, nyankingege taai ra'm pel-pel, ndoo nyan karé bè géa ra'm ndan lé. Nè i ke njè nonkil, i dangte ke kumi tò ndoo, i ndoo ngain, i njèkumto ke aw mburi suturu karé. Ké i ger bè lé wa?

18M'a m'ra ndoo rai't, tà tò njak kuwe, i ndogo se'm nar-or ke dé leen poro d'ade yede'n tee baa, a i baw nyankingé. I ndogo se'm kubuge ke nda i tule rai't utu'n dè rasol mburi ke tò suturu. M'ra ndoo rai't, tà tò njak kuwe, i ndogo se'm kuge i rii'n kumi baa, a i tel kan loo njai-njai.

19Man baa, dooge malang ke m'tar de nga, m'ndang de a, m'um ndèin dè de't a to. Maje kade in kalang i tur hali.

20An! m'nda tà kei't nata m'unde tà kei. Ke nè á doo karé oo ndu'm á or tà kei ade'm baa, m'a m'aw kem kei goon't, m'a m'use se'n nyan a, è géa à use se'm nyan a to.

21Doo ke tête ro baa, m'a m'ade à ndi se'm kutu-ngar't le'm, titeke man géa m'tête'n ro bita m'aw m'ndi'n se Bò'm dè kutu-ngar't le'n bai.

22Nanan ke ka mbi'n tò tutu baa, maje kade ur mbi'n maje oo'n tà ke Ndil ede njékebe nange le Nube.»

Lookilera'n 4

Dooge ke danrán ilei ribar dè Kuwe-bee't

- ¹Go nyange't nè nga baa, m'an tàbit kei karé ke danrán teen. M'oo ndu doo ke ndo ke tam se'm tà nga bar tite burunju bè. Doo nè nga tam se'm ede nè: «Al ke ram't nè ade'm tɔji nyange ke à reei kuti go nyange nè nga gar-gar.»
- ²Ke loon't nè kuwe, Ndil lá'm mêtch uwe'm baa, m'an kutu-ngar karé ke d'unde keŋ danran't. Doo karé ndi dè kutu-ngar't nè nga.
- ³Doo ke ndi dè kutu-ngar't nga ra'n ndoin kein-kein asenan se herge ke bal ke ri de nè Jaspe se Sardoine. Munde-ba ke ndul turuk-turuk tite her ke ri'n nè Emeraude bè an-in dè kutu-ngar't nè nga ulei nan't wàk.
- ⁴Dé tunde kutu-ngarge ke rang kɔr-joo-gidé-sɔ d'an-in'n dè kutu-ngar ke karé nè nga d'ule nan't wàk. Ngatɔgege kɔr-joo-gidé-sɔ tulei kubuge ke nda káng-káng a, tulei jɔkɔ tête rɔ ke dé ra se nar-ɔr dè de't ndii dè kutu-ngarge't nè nga tɔ.
- ⁵Ndu doo bar beng-beng a, ndi tɛl a, ndang a tɔ, tu kutu-ngar ke karé ke madege an-in dè'n ulei nan't nga. Lampege ji sejimute ndogói kotong non kutu-ngar't nè nga. Lampege ke ji sejimute nga ei Ndilge ke ji sejimute le Nube.
- ⁶Ba-bò kate karé ke unju njai-njai tite nyan karé ke ri'n nè Cristal bè tò non kutu-ngar't nè nga tɔ. Nyankundege sɔ ndai dann kutu-ngar't danné bɔp a, ndai ngangé-ngangé a tɔ. Nyankundege ke sɔ nè nga kum de bule nan ndari-ndari non de't a, go de't a tɔ.
- ⁷Nyankunde ke desêin tanan se toboi, njèkon't joo tanan se ngonn mang, njèkon't mute baa, kum'n tanan se kum doo, njèkon't sɔ baa, tanan se kiro ke nel bage'n bè.
- ⁸Nyankundege ke sɔ nè nga awi se bage de mute-mute karé-karé malang, kum de bule ndari-ndari dè bage de't se gir bage de't a tɔ. Loo taa kebe le de goto sár. Ndɔɔ a, kada a, ɔsi pa ilei ribar dè è ke ndi dè kutu-ngar't edi nè: «Njè tò se ninn'n, njè tò se ninn'n, njè tò se ninn'n nga è Kuwe-bee Nube ke Njètɔgmong ke dum dè loo, è ke njè ndi tutu kété mari sár d'arinè a, ndi à ree sei non a tɔ.»
- ⁹E ke njè ndi dè kutu-ngar't se lo'n-lo'n sár se non nga, dange ke sɔ nè ulei ndubra se ribar dènn't a, rai nin oiyo a tɔ.
- ¹⁰Ngatɔgege ke kɔr-joo-gidé-sɔ nè nga ɔsi keje de nang non è ke ndi dè kutu-ngar't. Ngatɔgege nè nga ulei dè de nang dɔyi njèndi kumgajer sár se non nga. Dé tɔr jɔkɔ tête rɔ le de d'um nang non kutu-ngar't d'ede nè:
- ¹¹«Kuwe-bee Nube le jé, i asekum kinge ndubra se ribar a, se tɔgmong a tɔ. E i kuwe á i njèkunde nyange malang. E se go keŋndige lei i kuwe á unde'n nyange malang ade tooi tutu.»

Lookilera'n 5

Magtub ke tinye tà

- ¹E ke ndi kutu-ngar't nga, m'an magtub ke dé ndang nyan gidé a, kemé a tɔ, jikonn't. Magtub nè nga, dé tinye tà se nyankorji ji sejimute.
- ²Go't gugu baa, m'an doo ke danrán ke njètɔg. E deje tà se ndu'n ke bòi bèng ede nè: «Ké nan asekum tutu tà nyankorjige ke dé tinye'n tà magtub't nè nga le teen kem kan wa?»
- ³Nè doo karé bè ke danrán éké dè nang nè, éké gir nang't ke ase teen tà magtub nè nga le kan kem goto.
- ⁴M'non gain tede d'inge doo karé bè ke asekum teen tà magtub nga le kan kem goto.
- ⁵Nè ngatɔge karé dann madenng'e't ede'm ede nè: «I non lé ta. An! toboi ke girkoje't le Juda, toboi ke in girkà't le ngar David nga tête rɔ. E asekum tutu tà nyankorjige ke dé tinye'n tà magtub nè nga le teen kem kan.»
- ⁶M'an Ngonn bate nda dɔ dann kutu-ngar't danné bɔp. Ngonn bate nè nga tò titeke d'uje kɔbe'n bè. Dange sɔ se ngatɔgege an-in dè'n king-king. Ngonn bate nè nga aw se gajenng'e ji sejimute a, kumng'e ji sejimute a tɔ. Kumng'e ke ji sejimute nga ei ndilge le Nube ke ji sejimute ke è ule de se loo malang dè nang nè.
- ⁷Ngonn bate nga ree taa magtub jikon è ke njè ndi kutu-ngar't.
- ⁸Loo ke è taa magtub nè nga pat baa, nyankunde ke sɔ se ngatɔgege ke kɔr-joo-gidé-sɔ ɔsi keje de nang non Ngonn bate't dɔyi nin. Ei karé-karé malang ei se kundu-jèng se baige ke dé ra se nar-ɔr. Wubu ke dé ra se katchatcha rusu kem baige nè neŋ-neŋ. Wubu ke ra se katchatcha nga è kɔje tà se Nube le njé ke tooi se ninn de.
- ⁹Nyankundege ke sɔ se ngatɔgege ke kɔr-joo-gidé-sɔ nè ɔsi pa ke kige dɔyi Ngonn bate edi nè: «I kuwe se kari asekum taa magtub nè le tutu nyankorji ke dé tinye'n tà'n. Tede è i kuwe á ndɔ ke dé tɔli. E i kuwe á uge dè girkoje dooge malang dè nang nè ke tà tam de è gai-gai se kosdooge a, se girkoje dooge se dè-bee-dè bee se mesi ade Nube.
- ¹⁰I tel de ke ngarge a, ke njékuje nyan-mesege le Nube le jé. Dooge nè nga à on-in bee dè nang nè.»
- ¹¹Tabai m'an loo gerer baa, m'oo ndu dooge ke danrán an-in dè kutu-ngar a, dè nyankunde ke sɔ a, dè ngatɔgege a tɔ, ulei nan't wàk. Kosdooge ke danrán nè nga kɔr de dum mbɔje.
- ¹²Ei ɔsi pa se ndu de ke bòi beng edi nè: «Ngonn bate ke ndɔ ke dé tɔl'n nga, maje kade inge tɔg se nyanbaw, se kumkunju se tɔgmong se ribar se ndubra a, se dɔi a tɔ, ei le'n.»

¹³Go't gugu, m'oo ndu nyankundege malang ke danrán se ke dè nang nè, ke gir nang't se nyankundege ke dè ba-bò't se nyankundege malang ke Nube unde de ɔsi pa edi nè: «E ke njè ndi kutu-ngar't a, Ngonn bate a tɔ nga, maje kade dɔi se ribar, ndubra se tɔgmong ei le'n kuwe sár se non.»

¹⁴Nyankundege ke sɔ nè nga tami edi nè: «Oiyò, maje kade è titeke bè kuwe.» Ngatɔgege ɔsi keje de nang dɔyi Ngonn bate.

Lookilera'n 6

Ngonn bate tutu tà nyankorjige ke dé tinye'n tà magtub

¹Loo ke m'an loo gerer ɓaa, m'an Ngonn bate tutu tà nyankorji karé dann madege ke ji sejimute't nga. M'oo ndu dan karé dann madege't ke sɔ tam tà ade ndu'n bar tite ndi ke ndang bè, ede nè: «I ree.»

²Go't gugu, m'an sinde-gaglam. Doo ke al dè sinde't nè nga uwe ngɔndong jinn't. Doo nè nga d'ade'n jɔkɔ gon rɔ. E gon rɔ ke aw tede le tête rɔ.

³Loo ke Ngonn bate tutu tà nyankorji ke njèkon't joo ɓaa, m'oo ndu dan ke njèkon't joo tam ede nè: «I ree.»

⁴Sinde-ndai unde loo tee pitring. Doo ke njèkal'n nga d'ade'n kuye kaskar ke bòi bember jinn't a, d'ade'n tɔgmong le kade uwe'n keɓlom wont ɔr kɔke dè nang nè. E ra titeke bè tede kade dooge tɔli nan.

⁵Loo ke Ngonn bate uwe tà nyankorji ke njèkon't mute tutu ɓaa, m'oo ndu dan ke njèkon't mute tam ede nè: «I ree.» Loo ke m'an loo gerer ɓaa, m'an sinde-gann. Doo ke njèkal'n nga uwe nyan-kɔje kwɔi nyan jinn't.

⁶M'oo ká nyan ɓar asenan se ndu doo dann nyankundege ke sɔ't tam ede nè: «Ko tɛl keɓ ngonn nyan-mbɔje nyan karé bere kuwe à è kum nar kule ke ndɔ karé. Ko gɔje keɓ ngonn nyan-mbɔje nyan mute bere kuwe à è kum nar kule ke ndɔ karé tɔ. Nè wubu se yibe ndu ɓaa, i tuji de kɔke lé.

⁷Loo ke Ngonn bate tutu tà nyankorji ke njèkon't sɔ ɓaa, m'oo ndu dan ke njèkon't sɔ tam ede nè: «I ree.»

⁸An! loo ke m'an loo gerer ɓaa, m'an sinde-mɔse. Doo ke njèkal'n nga ri'n nè yo-kos. Bee le njé ke koo ndolè goo'n. Dè kum nang ke tɔ sɔ nga, d'ade yo-kos se bee le njé koo gang ɔje dè è ke karé. Yo-kos se se bee le njé ke koo à tɔli dooge se kuye kaskar ke bòi bember se ɓo a, se yo-kos a, se dan-tonge ke dè nang nè a tɔ.

⁹Go't gugu, Ngonn bate tutu tà nyankorji ke njèkon't mi. Ke loon't nè kuwe, m'an ngarankum ra njé ke ndɔ ke dé tuje kɔbe de tede tà le Nube ke kété ɔri go nga tooi gir dinger loo nyan-kuje mese't.

¹⁰Dooge nè nga tami tà se ndu de ke bòi beng edi nè: «Kuwe-bee, i i doo ke get ke i tò se ninni gai. Dooge ke ndii dè nang nè nga, ké a i tile mbɔr sár ndɔ ke ra a i

gangtà dè de't wa? Ké ndɔ ke ra a i deje tà dè tɔl ke ndɔ ke ei tɔli jè nga wa?»¹¹Dooge karé-karé malang ke ndɔ ke dé tɔl de nga, d'ade de kubu ke nda ke bòi ɔr gide nja de nang ndêt-ndêt. Tabai d'ede de kade taai kebe ndêin bai a, le kade kɔr njémade kulege le de se ngakon dege ke d'ade tɔl de ase deŷ bita.

¹²Loo ke Ngonn bate teen tà nyankorji ke njèkon't mute mute nga, m'an loo gerer baa, nang unn gir yei buk-buk. Ke loon't nè kuwe kàde tel ndul ndang-ndang tite kubu ndoo bè. Ra nan bere mbak tel ker tite mese bè.

¹³Konyonge ke kàde danran't teei tosoi nang asenan se kage koté ke nel-bò yei'n ade bew'n ur nang bè.

¹⁴Danran bir ra'n tite kam magtub ke dé bir bè. Tabai mbalge se dè goré looge malang ndɔti inyei loo nda de ke kété karè.

¹⁵Ngarge se dooge ke ngak-ngak se njékan dè njérɔge ke ngak-ngak se bawge se njé tɔgmong-ge se berge a, se dooge ke ndii dè de pal dè nang nè an-in awi bɔyɔi ra de keŋ bolè mbalge se bolè herge a tɔ.

¹⁶D'ede mbalge se herge nè nga d'ede nè: «I jɔréi dè jé't adi kum è ke ndi kutu-ngar't nga oso dè jé't lé. I jɔréi dè jé't tede kade wong ra Ngonn bate nga dè jé't lé a tɔ.

¹⁷Ndɔ ke wong ke bò le è ke ndi kutu-ngar't a, se le Ngonn bate nga ree bá. Ké nan aseku nda dɔ keŋ ndɔn't nè nga wa?»

Lookilera'n 7

Kosdooge le Nube ke 144 000 dann ngann Israelge

¹Go't gugu, m'an dooge ke danrán sɔ ndai se nja de dɔ dè kum nang ke sɔ't. Dooge ke danrán nè nga on-in nelge ke sɔ ke dè nang nè njanm-njanm tede kade nel karé bè géa ule dè nang nè éké dè ba-bò't éké dè kage karé bè lé a tɔ.

²Tabai m'an doo ke danrán karé ke rang in loo tee't le kàde. E uwe nyankorji le Nube njèndi kumgajer jinn't. E tam tà se ndu'n ke bòi beng ede madenŋe ke sɔ ke d'ade de tɔgmong le tuju'n nang se ba-bò ede nè:

³«An-in! tá nè a kin-in tuji nang se ba-bò a, se kagege a tɔ. I nginei sár adi jè tɔse nyankorji nat-non berge't le Nube le jéi pa bita.»

⁴D'ede'm kɔr dooge ke ei girkoje le Israel ke dé tɔse nyankorji nat-non de't malang d'ade m'oo. Ei aru dɔg loo aru se kɔr-sɔ-gidé-sɔ.

⁵Njé ke girkoje't le Juda ke dé tɔse nyankorji nat-non de't ei aru dɔg loo dɔg-gidé-joo. Njé ke girkoje't le Ruben ei aru dɔg loo dɔg-gidé-joo. Njé ke girkoje't le Gad ei aru dɔg loo dɔg-gidé-joo.

⁶Njé ke girkoje le Aser ei aru dɔg loo dɔg-gidé-joo. Njé ke girkoje't le Nephtali ei aru dɔg loo dɔg-gidé-joo. Njé ke girkoje't le Manassé ei aru dɔg loo dɔg-gidé-joo.

⁷Njé ke girkoje't le Siméon ei aru dɔg loo dɔg-gidé-joo. Njé ke girkoje't le Lévi ei aru dɔg loo dɔg-gidé-joo. Njé ke girkoje't le Issacar ei aru dɔg loo dɔg-gidé-joo.

⁸Njé ke girkoje't le Zabulon ei aru dɔg loo dɔg-gidé-joo. Njé girkoje't le Joseph ei aru dɔg loo dɔg-gidé-joo. Njé ke girkoje't le Benjamin ke dé tɔse nyankorji nati non de't ei aru dɔg loo dɔg-gidé-joo.

Kosdooge ke se dè bee-bee bulei nan dik-dik

⁹Go nyange nè nga, m'an loo gerer baa, m'an kosdooge ke se dè bee-bee bulei dik-dik ade doo asekuu mbɔje de lé ndai girm. Dooge nè nga in-in dann girkoje dooge ke se dè bee-bee a, se dann girkoje le dooge malang ke dè dè nang nè ke tà tam de è gai-gai a, se kosdooge malang a tɔ. Dooge nè nga tulei kubuge ke nda ke bòi ɔr gide nja de nang ndêt-ndêt. Tabai uwei mbi mar ji de't ndai se nja de do non kutu-ngar't se non Ngonn bate't.

¹⁰Dé tam tà se ndu de ke bòi beng d'ede nè: «Nube le jéi ke ndi kutu-ngar't a, Ngonn bate a, á ei njékaje jèige.»

¹¹Dooge ke danrán malang ndai se nja de do an-in dè kutu-ngar se ngatɔgege a, se nyankundege ke so ulei nan't wàk. Dooge ke danrán undei ke burmba nang non kutu-ngar't dɔyi Nube edi nè:

¹²«Kerɔte kuwe, maje kade dɔi se ndubra, se kumkunju, se ra oiyo, ribar se tɔgmong se dèmong ei le Nube le jéi kuwe sár se non. Maje kade è titeke bè kuwe.»

¹³Ngatɔge karé dann madenngé't deje'm ede nè: «Dooge ke tulei kubu ke nda ke bòi yul-yul nè nga, ké ei nange? Ké in-in ra wa?»

¹⁴M'tel m'ile ngatɔge nè nga dè't m'ede nè: «Kuwe'm, i i ger de mbak.» Ngatɔge nè nga ede'm ede nè: «Dé nè nga d'in dann nyantosowur ke bò't. Dé togo kubuge le de ke bòi yul se mese Ngonn bate d'ade nda káng-káng.

¹⁵Gir'n ke nè á dé nda'n non kutu-ngar't le Nube, dé dɔi'n kada a, ndɔ a, gile kei't le'n ke tò se ninn'n gai. E ke ndi kutu-ngar't à ra kei kubu dè de't.

¹⁶Dé nè nga, bo se kunde mann à teli rai de gugu ndan lé a, kàde à tel kɔse de gugu ndan lé a, loo à tel nunge de gugu ndan lé a tɔ.

¹⁷Kerɔte kuwe, Ngonn bate ke nda dann kutu-ngar't danné bɔp nga à è njèkul de a, à ɔr non de kaw se de tà ngur mann ndikumgajer't. Nube à tise mann non kum de't ndát-ndát a tɔ.»

Lookilera'n 8

Nyankorji ke njèkon't ji sejimute

¹Loo ke Ngonn bate tutu tà nyankorji ke njèkon't ji sejimute nga baa, ká loo ke danrán tel pa keng ase ngann kàde kɔr-mute.

²Go't gugu baa, m'an dooge ke danrán ji sejimute ndai non Nube't. D'ade de burunju ji sejimute ji de't karé-karé.

³Doo ke danrán karé ke rang ree nda ngor se ke dè dinger loo nyankuje-mese. E uwe bai ró katchatcha jinn't. Doo ke danrán nè nga d'ade'n katchatcha ngain kade unn ade nan't se kɔje-tà se Nube le dooge malang ke oji se'n dè dinger loo nyankuje-mese't. Dinger loo ke ra se nar-or nè nga tò ngor se kutu-ngar.

⁴Sà katchatchage ke ró tee tukuk-tukuk ji doo ke danrán't nè nga aw non Nube't nan't se tà kɔje ke dooge le'n malang oji se'n nga.

⁵Doo ke danrán nè nga uge yal por ke dè dinger loo nyankuje-mese't ke m̄ bai ró katchatchage't ade rusu neŋ baa, è lɔke ile piring dè nang nè. Ke loon't nè kuwe, ndi ndang a, tɛl a, ndu dooge bar wuu-wuu a, nang unn gir yei buk-buk a tɔ.

Burunjuge ke mute-mute

⁶Dooge ke danrán ke ji sejimute ke d'ade de burunjuge ji sejimute ji de't karé-karé nga, uwei dè nja ra de le kɔli burunju.

⁷Doo ke danrán ke desêin dann njé ke ji sejimute't nè nga kɔl burunju baa, ke loon't nè kuwe, ndi kɔtche ede se por a, se mese a tɔ, nan't dè nang nè. Debe nang ke karé dann madege ke mute't nga, por ró rák-rák. Walè ke tebe bere mbak géa por ró'n rák-rák a tɔ. Debe kagege karé dann madege ke mute nga géa, por ró de rák-rák a tɔ.

⁸Loo ke doo ke danrán ke njèkon't joo kɔl burunju baa, d'ade nyan karé ke tanan se mbal ke bòi ke taa por bilm-bilm or barak oso dann ba-bò kate't. Debe ba-bò kate karé dann madege ke mute't tel mese.

⁹Debe nyankundege karé dann madege ke mute't ke awi kumgajer dann ba-bò kate't weii kabak. Debe batoge ke karé dann madege ke mute't tuju kɔke.

¹⁰Doo ke danrán ke njèkon't mute kɔl burunju. Ke loon't nè kuwe, kɔnyon ke bòi ke on por njoï-njoï tite lampe bè in danrán oso nang. Kɔnyon nè nga oso dè debe ba karé't dann madege ke mute't se dè ngur manngé't a tɔ.

¹¹Ri kɔnyon nè nga è Absinthe, ate karar. Debe mann ke karé dann madege mute't tel ate karar. Dooge ngain weii tede kate ke manngé nè teli ati karar.

¹²Loo ke doo ke danrán ke njèkon't sɔ kɔl burunju baa, debe kàde se nan se kɔnyonge ke karé dann madege ke mute't ingei dò ade ndogó le de ke debe karé dann ke mute't tel tuge ndul bigm. Ndogó le lookar se dann ndɔ ke karé dann madege ke mute't teli tugei ndul bigm.

¹³M'an loo gerer baa, m'oo ká kiro ke nel bage aw dann danran't danné bɔp. Kiro nè nga tam tà se ndu'n ke bòi bèng ede nè: «Sei dooge malang ke i ndii dè nang nè nga, a an-in bai! a an-in bai! loo ke dooge ke danrán ke mute ke nan-in à unni gir kɔli burunjuge le de!»

Lookilera'n 9

- ¹Loo ke doo ke danrán ke njèkon madenng'e't mi kɔl burunju ɓaa, m'an kɔnyon karé ke ndɔ ke in danrán oso nang nè. D'ade'n lakêlé nyan kɔr tà bolè ke son'n goto.
- ²Kɔnyon nè nga teen tà bolè ke son'n goto. Ke loon't nè kuwe, sà tee kemé tukuk-tukuk tite sà por mbo-bò bè. Sa tee utu kum loo ke dɔ lêt ade kàde tel tuge ndul bigm.
- ³Bêtege undei loo teei dann sà't nè taai loo pel-pel dè nang nè. D'ade de tɔgmong ke tò asenan se tɔgmong le kuju-nang-ge ke dè nang nè.
- ⁴D'unn ndu de d'ade de le kade on-in walè se nyan ke tebe karé éké kage karé bè géa dè nang nè lé. Nè d'inye loo d'ade de le kade rai kum dooge ke nyankorji le Nube goto nat-non de't ndoo.
- ⁵Tabai, d'unn ndu de d'ade bêtege nè le kade toli dooge lé, nè le kade rai se de nyantosowur karè ase nan mi. Nyantosowur ke d'ade ra se dooge nga è tite tur le kuju-nang ke tuge doo bè.
- ⁶Kem nange ke mi nè nga, dooge à sangi yo nè à ingei nin ndan lé. Dooge à ndingei yo, nè à an-in de le nda heb.
- ⁷Bêtege nè nga taai nan se sinde rɔge ke d'uwe dè nja le kaw'n rɔ't bè. Dé tule jɔko tète rɔ ke tò tite ɔr bè dè de't a, tàkum de tanan se tàkum dooge bè a tɔ.
- ⁸Bin dè de tanan se bin dè dinyege bè a, gɔge de tanan se gɔge toboige bè a tɔ.
- ⁹Sɔl-kàde de tò tanan se der-rɔ ke nar bè. Ká bage de ɓar asenan se ká wotro rɔ ke sindege bule ndɔri se ngɔde-ngɔde awi ke loo rɔ't bè.
- ¹⁰Tà ɓong de ate njêt tite ɓong kuju-nang-ge bè. Tɔgmong le de ke le ra'n se dooge nyantosowur ase nange mi nga, tò ɓong de't.
- ¹¹Ngar le bêtege nè nga è doo karé ke ndi kem bolè ke son'n goto. Ngar le de nga, ri'n tà Hébreu nè «Abaddon», ke se tà grec ɓaa è «Apollyon», tel se tà koje jéi è «Njè tɔ ko dooge.»
- ¹²Nyankeɓkon ke desêin nga dere ɓá. An! nyankeɓkonge ke rang joo à reei kuti go è ke nè ɓai.
- ¹³Doo ke danrán ke njèkon't mute-mute kɔl burunju. M'oo ndu doo ɓar sɔbe dè kil dɔnger loo nyankuje-mese ke sɔ ke dé ra se nar-ɔr. Loo nyankuje-mese nè nga tò non Nube't.
- ¹⁴Ndu doo ke m'oo nga tam se doo ke danrán ke njèkon madenng'e't mute-mute ke uwe burunju jinn't ede nè: «I tutu dooge ke danrán ke sɔ ke dé tɔ de dè ba ke bò ke ri'n nè Euphrate inye de dɔ.»

¹⁵Dooge ke danrán ke so ke dé tutu de d'inye de do nga ndii de nja de't tchên nginei kàde'n, ndo'n, nan'n se bal'n a to, le kin-in kawi toli debe dooge ke karé dann ke mute't.

¹⁶Kor njérɔge ke awi se sindege nga d'ede'm d'ade m'oo. Kor de malang nga dum mboje.

¹⁷Dé toje'm sindege nè nga d'ade m'an de se go nyanpinde. Nje kal dege otoi der ke ker tite por a, ke ndul tite hel ban-an a, se ke ker jengleng ji de't a to. De sindege nè nga to tite de toboige bè. Por se sa a, nyan ker jengleng tite ndon por bè ube ta de't ngok-ngok.

¹⁸Nyange ke gir mute ke teei ta sindege't nga toli debe dooge ke karé dann ke mute't koke.

¹⁹Toɔmong le sindege nè nga è ta de't a, bong de't a to. Bong de to asenan se lige bè. Bong de nga de'n to tutu. Toɔmong ke dé ra'n kum dooge ndoo nga, è bong de't.

²⁰Gute dooge malang ke por se sa por a, se nyan karé ke ker jengleng tol de lé nga mbati turi hal de. Ei doyi ndilge ke majelé a, se mage polége ke asi kan-in loo éké kooi ta éké njiyei lé a to. Mage polége nè nga, è dé dooge nè kuwe á dé leen de se nar-ɔr, se nar-nda, se ninge-kase éké se mbal éké se kagege ke dé tol a to.

²¹Dooge nè nga mbati kinyei go tol dooge se ra nyan mbelige, se to se nan ke kaiya't, ei mbati kinyei go boje le de a to.

Lookilera'n 10

Doo ke danrán uwe ngonn magtub jinn't

¹Tabai m'an doo ke danrán karé ke rang ke njetoɔg in danrán rise nang. Doo nè nga bum utu de'n lét-lét a, an-in de'n king-king a to. Takum'n ndoin tite kàde bè a, nja'n to tite por ke suri nan deŋg-deŋg bè a to.

²Doo nè nga teen ta ngonn magtub karé bè uwe jinn't. E ile nja'n ke kon de ba-bò kate't a, ile nja'n ke gel de nang't a to.

³E ra nyan se ndu'n ke bòi beng asenan se toboi ke uje ro bè. Loo ke doo nè ra nyan se ndu'n ke bòi beng baa, ndi ndang pain-pain nja ji sejimute.

⁴Loo ke ndi ndang titeke bè baa, m'ayé kunn gir ndang nyan. Nè loon't nè kuwe, m'oo ndu doo bar danrán ede nè: «Ndi ke ndang nja ji sejimute nè nga, ade ta'n to loo boɔɔn't jêke^ m i ndang kem magtub't lé banm.»

⁵Doo ke danrán ke kété m'an'n nda se nja'n do de ba-bò kate't se de nang nè nga ule jikon'n njung ke danrán.

⁶E mann ra'n se ri ke njèndi kumgajer se non, ke njèkunde danran se nang, se ba-bò kate a, se nyange malang ke tooi tutu a tɔ. Doo ke danrán nè nga tam ndàt ede nè: «Ase nan't lé ta.

⁷Nè ndɔ ke doo ke danrán ke njèkon madenng'e't ji sejimute à unn gir kɔl burunju baa, Nube à ra nyan le'n ke ɔje ke tò loo boyɔn't le kɔr son'n njêt. Nyan ke ɔje le ra ke tò loo boyɔn't bai nga, ndɔ ke è ade ber kulege le'n ke ei njéribè-dè-tàge ke tànn't ilei mber'n kété mari bere.»

⁸Ndu doo ke bar danrán ke kété m'oo nga tel ede'm ede nè: «Aw, i taa ngonn magtub ke doo ke danrán karé ke nda se nja'n dɔ dè ba-bò kate't se dè nang't nè teen uwe jinn't nda'n non.»

⁹M'ɔte maw kum'm ke ra doo ke danrán't nè m'deje'n le kade ade'm ngonn magtub nè nga. E tel ede'm nè: «I taa ngonn magtub nè nga ur kem'i't. A linde tàit nata laa tite wubu tuju bè, nè kate'n à toso wuri karar-karar.»

¹⁰M'taa ngonn magtub nè ji doo ke danrán't m'ur lang baa, linde tànt' asenan se tuju bè nè kate'n toso wur'm karar-karar.

¹¹Doo ke danrán tel ede'm ede nè: «Gar-gar, i tel i ribe dè tàge ke tà Nube't nè ade kosdooge se girkoje dooge ke dè nang nè ke tà tam de è gai-gai nè nja karé bai. I ribe dè tàge nè nga ade ngar-beege bule a tɔ.»

Lookilera'n 11

Njékɔrgo tàge ke joo tėti rɔ dè nang nè

¹Go't gugu baa, d'ade'm kage tuwe-mann ke tanan se kage tɔse bè. Baa d'ede'm d'ede nè: «In dɔ ɔje ngal gile kei se là kei ke tò se ninn'n le Nube a, ɔje là dinger loo nyankuje-mese se ngal'n a tɔ. Tabai i mbɔje kɔr njé ke ndii à dɔyi Nube kem' kei nè nga a tɔ.

²Nè loo ke kem' kei't nata baa, inye ade tò m i mbɔje lé. Loo nè nga d'inye d'ade girkoje dooge ke geri Nube lé. Girkoje dooge ke geri Nube lé à tubei bee-bò ke tò se ninn'n nja de't ase nange kɔr-sɔ-gidé-joo.

³M'a m'ade tɔgmong njékɔrgo tàge le'm ke joo nè nga kade ilei mber se ri Nube ase ndɔge aru dɔg gidé-joo se kɔr-mute-mute. Njékɔrgo tàge le'm ke joo nè à tulei kubu-sile ra de't.»

⁴Dé nè nga dé kage Olivierge ke joo a, dé lampege ke joo ke ndai non Kuwe-bee ke dè nang nè.

⁵Ke nè á doo karé ndige ra se de majelé baa, por à tee tà de't le ró njébange le de rák-rák. Ke nè á doo karé nan le ra se de majelé baa, gar-gar kum'n a udu titeke bè tɔ.

⁶Njékɔrgo tàge le'm ke joo nè nga awi se tɔgmong le kuti kum danrán kade mann ndi oso nang dèin lé keŋ ndɔge aru dɔg-gidé-joo ke a ilei mber tà le Nube nga. Dé nga d'aw se tɔgmong le kade manngé teli mese a, le kilei nyantosowurge ke se ri de-ri de dè nang nè titeke keŋ de ndige.

⁷Loo ke njékɔrgo tàge le'm ke joo nè nga à ɔri son le kule le de njêt bá baa, dan-ton à unde loo tee keŋ bolè ke son'n goto't, le kile rɔ dè de't. Dan-ton nè nga à tête de rɔ a, à tɔl de a tɔ.

⁸Ninn de à tò nang ka-rebe kɔse't keŋ bee-bò ke dé ber Kuwe-bee le de kàde kage-ke-dese't tutu nga. Bee-bò nè nga dé ɓar'n se gos d'ede nè: Sodome se Egypte.

⁹Ninn de à tò dɔ ngɔr se ndɔ sɔ kade dooge ke nange dann kosdooge't a, girkoje dooge ke dè nang nè ke tà tam de è gai-gai a, dooge ke se dè bee-bee à an-in. Nè à inyei loo kade dé dubu ninn de nga lé.

¹⁰Dooge ke ndii dè nang nè à rai ranel tede kwei le de a, à ali ra de ngain a tɔ. Tabai à ulei se nyange kuwei noje se nan ke yo ke nè, tede njéribè-dè-tàge ke tà Nube't ke joo nè nga, ei njé kade keŋ dooge ke nang nè olé bɔt-bɔt.

¹¹Ninn de tò dɔ ngɔr se ndɔ sɔ. Go't gugu baa, Nube ule kebe keŋ njéribè-dè-tàge ke joo nè nga ade teli tɔsi ndeli in-in ndai se nja de dɔ. Dooge malang ke an-in de nga, ɓel ke bòi unde de ndàt gang de.

¹²Njéribè-dè-tàge le Nube ke joo nè nga ooi ndu doo ɓar danrán beng ede nè: «Ali ke dɔ laa.» Ke loon't nè kuwe d'in d'al dɔ dann bum't d'aw danrán. Njé bange le de malang an-in de sikm.

¹³Ke loon't nè kuwe, nang yei ɓuk-ɓuk. Debe bee-bò ke karé dann ke dɔg't ɔr oso. Loo ke nang yei ɓuk-ɓuk nga, dooge aru dɔg loo ji sejimute weii kabak. ɓel unde gute dooge ne nan-in ndàt gang de ade teli ulei ndubra dè Nube't ke ndi danrán.

¹⁴Nyantowur ke njèkon't joo nga tuge gang bá. An-in! è ke njèkon't mute à ree ngɔr.

Burunju ke njèkon't ji sejimute ɓar

¹⁵Tabai doo ke danrán ke njèkon madenngé't ji sejimute kɔl burunju. Ke loon't nè kuwe, ndu dooge ɓar danrán beng-beng edi nè: «Tɔgmong konbee ke dè nang nè oso ji Kuwe-bee Nube't le jéi se Krist le'n a tɔ. Kuwe-bee à on bee sár se non.»

¹⁶Ngatɔgege ke kɔr-joo-gidé-sɔ ke ndii kutu-ngar't le de non Nube't nga ɔsi keje de nang nonn't,

¹⁷ei dɔyi nin edi nè: «I Kuwe-bee Nube ke njè tɔgmong ke i ndi tutu kété mari sár tee ɗarinè. Jè rai oiyo ngain tede i kuwe uwe tɔgi ba a, tede kunn ke i unn gir konbee a tɔ.

¹⁸Girkoje dooge ke se dè bee-dè bee adi wong ra de, nè dariné wong ke lei in sei tɔ ta. Bila è ndɔ gangtà dè njé ke koo't. Ndɔ kuge dè ji ber kulege lei ke ei njéribè-dè-tàge lei nga ase bila ta. Dooge ke bòi se njé ke nganngè ke ei leige a, ke ilei koje dèi't a tɔ nga, ndɔ kuge dè ji de ase bila bá ta. Dooge ke njé nuju dè nang nè nga géa, ndɔ kade i tuju de ase deŷ bá a tɔ.»

¹⁹Tà gile kei ke danrán ke tò se ninn'n le Nube nga teen. Sanduk mann-ra le Nube ke tò gile kei't le'n ke tò se ninn'n nga tò nata doi. Go't baa, ndi têt a, ndang a, nang yei buk-buk a, ndi ede ade kɔtche toso danm-danm a tɔ.

Lookilera'n 12

Dinye se dan-kɔbe

¹Go't gugu, nyantɔje ke bò unde loo tee kàde danran't. Dinye karé ule kàde rann't tite kubu bè. E ube nan gir njann't a, ule jɔkɔ kɔnyonge dɔg-gidé-joo dènn't a tɔ.

²Dinye nè nga ndann ngonn keŋ'n tɔge lèng-lèng. Ndo ule'n ndibe ngain ade non kaláng-kaláng a tɔ.

³Nyantɔje karé ke rang unde loo tee kàde danrán't bai. An! nyantɔje nè nga è dan-kɔbe ke ker siw, dè'n è ji sejimute a, gaje'n è dɔg a tɔ. E tule jɔkɔ ke ndoin asenan se kɔnyon gajenn't ke ji sejimute't nga karé-karé malang.

⁴Bong'n uwe debe kɔnyonge karé dann è ke mute't jɔrè'n nang nè. Dan-kɔbe nè nda non dinye ke ayé koje ngonn; è nda um tà'n le kade loo ke à oje ngonn baa, è à unn kuse kɔke.

⁵Dinye nga oje ngonn ke dingem. Ngonn nè nga à è njèkɔr non girkoje dooge malang se kage-tɔse ke nar. Nè gar-gar, d'uwe ngonn le dinye nè nga wont d'ɔr'n d'aw se'n ra Nube't a, kɔte kutu-ngar't le Nube a tɔ.

⁶Dinye nè nga an-in ranm-ranm aw bɔyɔ ra'n keŋ dile't. Nube uwe dè nja loo keŋ dile't nè tede kade d'ul'n tutu ndɔ aru dɔg-gidé-joo se kɔr-mute-mute.

⁷Rɔ oso keŋ danran't tip. Michael se dooge le'n ke danrán rɔi se dan-kɔbe nè ngain. Dan-kɔbe se dooge le'n géa rɔi se de ngain a tɔ.

⁸Nè tɔg dan-kɔbe ase tête rɔ lé. E se dooge le'n nga, loo le de goto danrán ta.

⁹Dan-kɔbe ke bò ke ri'n nè li ke mari, dé bar'n sú, njèkɔse tà se dooge a tɔ nga, dé sure'n mbeng d'ile'n nata dè nang nè. Dan-kɔbe ke bò è njè libe kum dooge dè nang nè bere mbak. E se dooge le'n nga, dé sure de mbeng d'ile de nata dè nang nè.

¹⁰Go't gugu bai, m'oo ndu doo bar danrán beng ede nè: «Kaje se tɔgmong a, se konbee le Nube le jéi nga, dariné reei bá ta. Dariné, tɔgmong è ji Krist't le Nube nga ta. Njè kile tà dè ngakon jéige't non Nube't ndɔ a, kada a nga, dé sure'n mbeng d'ile'n nata dè nang nè.

- ¹¹Ngakon jéige tēti rɔ njè kile tà dè de't nga takul mese Ngonn bate a, takul tà le Krist ke ɔri go edi dooge a tɔ. Ngakon jéige nè nga ndēti ra de adi yo lé.
- ¹²Gir'n ke nè sei dooge ke i ndii danrán, i rai ranel. Nè sei dooge malang ke i ndii dè nang nè éké nyange malang ke dann ba-bò kate't nga, a an-in bai! Sú nga wong ra'n ngain ade rise nanga à aw sei non. E ger mbak titeke ndo le'n nain ndēin bè karè ta.»
- ¹³Loo ke dan-kɔbe an titeke dé sure'n d'ile'n nata dè nang nè baa, è unn gir rɔ go dinye ke ndo ke oje ngonn ke dingem nga par-par.
- ¹⁴D'ade dinye nè ndime bage kiro ke bò joo tede kade in nel'n bage tel aw'n dè dile loo ke ndo ke è bɔyɔ ra'n tutu nga. Dinye nè à ndi ke'm dile't ase ndo aru dɔg-gidé-joo se ndo kɔr-mute-mute kade d'ul'n heb tàkum li't.
- ¹⁵Li nga ubu mann tà'n go dinye't pur-pur ade tel tò tite mann ba bè. E ndige le kade mann tà'n ke ubu nga uwe dinye nè aw se'n kɔke.
- ¹⁶Nè nyan ra maje ade nang din-in dinye. Nang teen tà'n njibe mann tà dan-kɔbe ke ubu go dinye't pur-pur nè nga njab.
- ¹⁷Wong ra dan-kɔbe ngain dè dinye't. E in aw ile rɔ dè gute ngannkà dinye't nè nga. Ngannkà dinye nè nga, ei dooge ke ilei koje dè ndukunngē't le Nube a, dè ngarankum tà ke ndo ke Jésus ede de nga a tɔ.
- ¹⁸Go't gugu, dan-kɔbe nga aw nda dè nyeenger't tà ba-bò kate't.

Lookilera'n 13

Dan-kɔbege ke bò-bò joo

- ¹Tabai m'an dan karé ke rang unde loo tee dann ba-bò kate't. Dan nè nga ube gajenngē dɔg a, dēnngē ei ji sejimute a tɔ. E tule jɔkɔ ke ndoin asenan se kɔnyon tu gajenngē't karé-karé malang. Rige ke dé ndang tu dēnngē't karé-karé malang nga ei rige ke oje dè tam tà ke majelé se Nube.
- ²Dan ke m'an'n nga tanan se kak. Nè nja'n baa tanan se nja dan ke ri'n nè «Ours» a, tà'n tanan se tà toboi a tɔ. Dan-kɔbe ade dan nè nga tɔgmong le'n se kutu-ngar le'n a, se dēmōng le'n ke bò a tɔ.
- ³Dan nè nga d'ade'n dò ke ase yo'n dē'n karé't. Nè dò nè nga ide ndarr. Dooge ke dè nang nè bere mbak nga, ndil de tee an-in soin-soin ade umi goon't.
- ⁴Dooge malang ulei dè de nang non dan-kɔbe't dɔyi nin tede tɔgmong le'n ke tel'n ade dan nè nga. Dooge ulei dè de nang non dan't nè nga dɔyi nin edi nè: «Ké nan á tɔg'n asenan se le dan nè nga wa? Ké nan asekum rɔ se'n wa?»
- ⁵D'innye loo d'ade tàge ke tur-tur se tà nede Nube kujei nan tà dan't nè nga pɔt-pɔt. D'ade'n tɔgmong kade ra'n kule ase nange kɔr-sɔ-gidé-joo.

⁶E unn gir tam tàge ke majelé se Nube. E taje ri Nube a, loo ndi'n a tɔ. Dan nè nga taje dooge ke ndii danrán a tɔ.

⁷D'inye loo d'ade'n kade rɔ se dooge le Nube ke tooi se ninn de a, kade tête de rɔ a tɔ. D'ade'n tɔgmong kade on kosdooge se girkoje dooge ke dè nang nè ke tà tam de è gai-gai a, dooge ke se dè bee-dè bee a tɔ.

⁸Dooge malang ke ndii dè nang nè nga à ulei dè de nang non dan't nè dɔyi nin. Njé ke ulei dè de nang non dan't dɔyi nin nè nga, ei dooge ke mari loo kunde gir nang't kuwe, dé ndang ri de kem magtub ndikumgajer le Ngonn bate ke ndɔ ke dé tɔl'n nga lé.

⁹Nanan ke ka mbi'n tò tutu baa, maje kade ur mbi'n oo'n tà nè:

¹⁰Doo ke d'uwe dè nja dangai d'ɔje'n dè'n baa, à aw dangai't kuwe. Doo ke d'ɔje kade wei yo kuye kaskar baa, à kwei yo kuye kaskar kuwe gar-gar. Gir'n ke nè á, maje kade dooge le Nube ke tooi se ninn de oréi tà njak dè kundeke'm dè Nube't le de.

¹¹Go't gugu, m'an dan karé ke rang unde loo tee dè nang nè. Dan nè nga ube gaje'n joo tite gaje ngonn dege-bate. Dan nè nga tam tà tite dan dan-kɔbe.

¹²Dan ke unde loo tee darinè nga aw se tɔgmong le ra'n nyange tàkum dan ke desèin't. E ra ade nang nè se dooge bere ke ndii tutu ulei dè de nang non dan ke kété d'ade'n dò á ide ndarr nè nga, dɔyi nin.

¹³Dan ke njèkon't joo nè nga ra nyankɔbe ke bò. Tabai è ade por in danrán been ree oso nang ade dooge malang an-in se kum de.

¹⁴E libe kum dooge ke dè nang nè se nyankɔbege ke kade tɔli nyan ndajii dan ke ndɔ ke d'ade'n dò ke ase yo'n á tel ndi kumgajer bai nè nga.

¹⁵Dan ke unde loo tee dè nang nè nga ule kebe kem nyan ke dé tɔl ke dé ndaje'n dan ke kété d'ade'n dò nga. Nyan ke dé tɔl dé ndaje'n dan nè nga unn gir tam tà. Dooge malang ke mbati kulei dè de nang nonn't nga, è ade dé tɔl de kɔke.

¹⁶Dan ke njèkon't joo nè ɔse dooge malang, nganngé se njé ke tɔgege, bawge se njéndooge, berge se dooge ke ndii dè de pal, ade dé tɔse nyankorji jikon de't se nat-non de't.

¹⁷Doo karé bè géa, ke nè á d'ɔse nyankorji éké ri dan éké kɔr nyan ke aw nan't se ri dan nè nga rann't lé baa, è ase ndogo éké kige nyan ndan lé.

¹⁸Doo ke njèkumkunju baa à ter gir nyan nè nga. Doo ke njègos nyanger baa à mboje kɔr nyan ke ɔje dè dan nè nga. Kɔr nyan ke ɔje dan nga, è aru mute-mute se kɔr-mute-mute gidé-mute-mute.

Lookilera'n 14

Pa le dooge ke Ngonn bate gang dè de

¹M'an loo gerer baa, m'an Ngonn bate nda dè mbal ke bee-bò ke Sion. Dooge le'n ke aru dɔg loo aru se kɔr-sɔ-gidé-sɔ ei se'n nan't. Dé ndang ri Ngonn bate se ri Bɔ'n nat-non de't.

²M'oo ndu doo bar danrán asenan se ká mann ba-bò kate ke ule wuu-wuu bè. Ndu doo nè nga bar ngain tite ndi ke ndang bè a tɔ. Ndu doo ke m'oo nga bar asenan se kundu-jêng ke njékundenge undei adi bar bè.

³Dooge ke aru dɔg loo aru se kɔr-sɔ-gidé-sɔ nga ɔsi pa ke kige non kutu-ngar't tákum nyankundege ke sɔ se tákum ngatɔgege. Doo karé bè ke asekkum ndó pa ke kige nè nga goto. Nè njé ke aru dɔg loo aru se kɔr-sɔ-gidé-sɔ ke in-in dè nang nè kuwe karé á asi ndói pa ke kige nè geri. Ei dooge ke ndɔ ke Ngonn bate gang dè de dè nang nè.

⁴Ei dooge ke rai nyan se dè naje'n a, inyei ra de nyêin dann mage polé le dooge ke dè nang nè lé a tɔ. Loo malang ke Ngonn bate aw tutu nga, d'unn dè nja'n têt-têt. Dé nè nga dé dooge ke Ngonn bate gang dè de dann dooge ke dè nang nè. E gang dè de le kade dé ko nyange ke desêin le Nube a, le'n è a tɔ.

⁵Tà lanm tee tà de't ndɔ karé bè lé. Dé njé ra nyan se dè najenngé m doo ile tà dè de't nja karé bè géa lé.

Dooge ke danrán ke mute

⁶Tabai, m'an doo ke danrán karé ke rang nel se bage'n aw dann danran't danné bɔp. E aw se Tà ke Maje ke tò se non tede kile mber'n kade dooge malang ke ndii dè nang nè. Mber Tà ke Maje nga ɔje dè kosdooge a, girkoje dooge malang ke dè nang nè ke tà tam de è gai-gai a, se dooge ke se dè bee-dè bee a tɔ.

⁷Doo ke danrán ke m'an'n nel bage nga tam tà se ndu'n ke bòi beng ede nè: «Ilei koje dè Nube't a, ulei ndubra dènn't a tɔ, tede kàde gangtà le'n nga tee bá. I ɔyi Nube ke njèkunde danran se nang a, ba-bò kate se ngire manngé ke an-in kutch-kutch a tɔ.»

⁸Doo ke danrán ke njèkon't joo ndolè go njè ke desêin nga se tà tànn't ede nè: «Babylone ke bòi nga oso! Babylone ke bòi nga oso! Babylone nga è njè kade girkoje dooge gai-gai malang weii yo wong tò se nan ke kaiya't asenan se yibe nduu wong ke tɔl dooge singling bè.»

⁹Doo ke danrán ke njèkon't mute ndolè go madenngé. E tam ndàt se ndu'n ke bòi beng ede nè: «Ke nè á doo karé ule dè'n nang ɔi'n dan nè éké nyan ke dé tɔl dé ndaje'n dan nè nga, éké inge nyankorji nat-nonn't éké da-jinn't baa,

¹⁰è géa d'ade nim yibe nduu wong ke m̄ bai wong't le Nube kade an-in. Dooge nè nga d'a d'ade nyan ke ker jengleng à mbutu por kon de kade nyantosowur ra de. Nyantosowur nè nga à ule de ndibe tákum dooge ke danrán ke tooi se ninn de a, tákum Ngonn bate't nga a tɔ.

¹¹Dooge malang ke ulei dè de nang dɔyi dan nè nga éké nyan ke dé tɔl dé ndaje'n dan nè, éké nanan ke d'ɔse nyankorji se ri dan nè nga rann't baa, loo taa kebe le de à goto. Sà nyantosowur ke ra de nga ube ngɔk-ngɔk se bal-bal ndɔɔ a, kada a tɔ.»

¹²Gir'n ke nè á, maje kade dooge le Nube ke ilei koje dè ndukunngé le'n nga oréi tà de njak dè kunde ke'm de dè Jésu't.

¹³Go't gugu baa, m'oo ndu doo bar danrán ede nè: «I ndang tà nè: njé ke umi nan't bɔk se Kuwe-bee á weii nga, d'arinè ndii dann ranel't ta.» Ndil tam ede nè: «Oiyó, maje kade dé taa kebe dè kule ra ndibe loo kulege't le de kerɔte kuwe, tede kule nyanra de ke maje nga à utu go de.»

Ndo sa ko ke dè nang nè ase bá

¹⁴Loo ke m'unn kum'm ke dɔ baa, m'an kil ndi ke nda káng-káng. Doo karé ke tanan se Ngonn doo ndi dann kil't le ndi nè nga. E ule jɔkɔ ke ra se nar-ɔr dènn't, uwe ngɔrong ke ate pe'm jinn't a tɔ.

¹⁵Tabai doo ke danrán karé ke rang unde loo pitring tee ke'm kei ke tò se ninn'n. E tam tà se ndu'n ke bòi beng ede doo ke ndi dann kil ndi't ede nè: «Ile ngɔrong lei nang lêr-lêr uje'n ko, tede ko ke dè nang nè nga tutu bá a, nan sà'n tee bá a tɔ.»¹⁶Doo ke ndi dann kil ndi't nga ile ngɔrong le'n lêr dè nang nè, uje'n ko.

¹⁷Doo ke danrán karé ke rang unde loo tee gile kei le Nube ke tò se ninn'n danrán. E nga géa uwe ngɔrong ke ate pe'm jinn't tɔ.

¹⁸Doo ke danrán karé ke rang ke aw se tɔgmong dè por't unde loo tee pitring dè d'inger loo nyankuje-mese't. E tam tà se ndu'n ke bòi beng ede made'n ke uwe ngɔrong ke ate pe'm jinn't nga ede nè: «Ile ngɔrong lei ke ate pe'm non nang lêr uje'n kul nduu ke dè nang nè d'ap i gang, tede kul'n nga ɔɔ bá.»

¹⁹Doo ke danrán nga ile ngɔrong le'n lêr nang uje'n kul nduu d'ap gang ile ke'm rebe mboré mann nduu wong ke bò le Nube nga.

²⁰Dé mbule kul nduu nè se nja de ke'm rebe mboré mann nduu't nè gide bee-bò't nata. Mese tee ke'm rebe mboré mann nduu't nè nga ule loo gɔngong-gɔngong ase kurloo aru mutege bè a, in sár aw ɔde alje'm ke tà sindege't a tɔ.

Lookilera'n 15

Dooge ke danrán adi dooge ingei nyantosowur

¹Go't gugu baa, m'an nyantɔje ke rang ke bò ke dum kum ke'm danran't. M'an dooge ke danrán ji sejimute uwei nyantosowurge ji sejimute ji de't ndai. E ngei nyantosowurge ke Nube à ra se dooge le tɔl'n tà wong le'n.

²Tabai, m'an mann ba-bò ke unju nyang-nyang a, por ndɔbe danné batat-batat a tɔ. M'an njé ke ndɔ ke tēti rɔ dan, se nyan ke dooge tɔli ndajii nin a, se kɔr nyan ke

ɔje dè ri dan nè nga a tɔ. Dooge nè ndai dè ba-bò ke unju nyang-nyang't nè nga. Ei uwei kundu-jèng ke Nube ade de ji de't ndai.

³Ei ɔsi pa le Moise ber kule le Nube a, le Ngonn bate a tɔ, edi nè: «Kuwe-bee Nube ke njètɔgmong, nyange malang ke i ra nga ei nyange ke bò-bò ke dum kum! Ngar le girkoje dooge malang, rebe nyange lei ke ɔje nga ei se dè naje'n a, se go rebe'n kuwe a tɔ.

⁴Kuwe-bee! ké nan à nal kile koje éké nal kile ribar dè ri't nga wa? Oiyò, i kuwe se kari bere luk-luk á i tò se ninni, girkoje dooge se dè bee-dè bee malang à reei ndò karé kɔsi keje de nang non-in't dɔyi nin tede nyanrage lei ke se dè naje'n tooi nata ndái-ndái tàkum de't.»

⁵Go nyange't nè nga, m'an gile kei kubu le Nube ke tò se ninn'n danrán teen tà'n. Sanduk mann-ra le Nube tò kemé.

⁶M'an dooge ke danrán ji sejimute uwei nyantosowurge ji sejimute ji de't, undei loo teei gile kei't le Nube ke tò se ninn'n nga. Dooge ke danrán nè nga tulei kubu ke nda ke unju nyang-nyang ndai. Tabai, ei tɔi kàde de se ndar ke dé ra se nar-ɔr njanm-njanm.

⁷Nyankundege ke sɔ nè nga, è ke karé dann de't ade dooge ke danrán ke ji sejimute bai nyankuje-mesege ji sejimute ke ra se nar-ɔr. Wong le Nube ke Njèndi kumgajer sár se non nga rusu kem baige nè nga neŋ-neŋ.

⁸Ndubra se tɔgmong le Nube adi sà por utu dè gile kei ke tò se ninn'n nga lèt. Doo karé bè géa asekum kaw gile kei ke tò se ninn'n le Nube nga lé sár kade nyantosowurge ke ji sejimute le dooge ke danrán ke ji sejimute rai dooge ɔri son'n njèt bita.

Lookilera'n 16

Bai wong-ge le Nube

¹Tabai, m'oo ndu doo in gile kei ke tò se ninn'n le Nube bar beng ede dooge ke danrán ke ji sejimute ede nè: «Otoi nyantosowurge ke kem bai wong-ge ke ji sejimute le Nube nga awi bênglei dè nang nè.»

²Doo ke danrán karé ke desêin ɔte aw unn nyantosowurge ke kem bai wong-ge le Nube ke ji sejimute bêngle dè nang nè. Ke loon't nè kuwe, dò-ngakɔige ke majelé age lêw oso ra dooge't. Dooge nè nga, ei njé ke dé tɔse nyankorji le dan ra de't a, ulei dè de nang non nyan ke dé tɔl dé ndaje'n dan nga.

³Doo ke danrán ke njèkon't joo unn nyantosowurge ke kem bai wong't le'n bêngle dann ba-bò kate't. Tajinan't nè kuwe, mann ba-kate tel mese tite mese doo ke dé tɔl'n bè. Nyange malang ke awi kumgajer dann ba-kate't nè nga weii kabak.

⁴Doo ke danrán ke njèkon't mute unn nyantosowurge ke kem bai wong't le'n aw bêngle dann mann bage't se ngur mannge ade teli mese.

- ⁵Go't gugu, m'oo ndu doo ke danrán ke njèkan dè mannge tam ede nè: «Gangtà lei ke titeke bè nga, è se dè naje'n kuwe, i kuwe se kari bere luk-luk á i tò se ninni gai, i nga i ndi tutu kété mari ke desêin sár tee darinè.
- ⁶Ndo ke dooge umi mese njétaakem-Kristge se njéribè-dè-tàge lei nang. Darinè, i ade de mese kade d'an-in to ta. Mese ke ade de ade d'an-in nga, è kure nyanra de kuwe á unde'n nja de.»
- ⁷Tabai, m'oo ndu doo in se ke dè dinger loo nyankuje-mese't ede nè: «Oiyò, Kuwe-bee Nube ke njètogmong, tàge ke i gang nga è se dè naje'n kerote kuwe, loo naje'n goto.»
- ⁸Doo ke danrán ke njèkon't so unn nyantosowur ke kem bai wong't le'n bêngle dè kàde't gangang. D'inye loo d'ade'n le kade ró dooge se por rák-rák.
- ⁹Loo tunge ke tò bel ngain tunge dooge ade taji ri Nube ke njékule nyantosowurge se go togmong le'n. Nè né è bè géa, dé mbate tel tur hal de tede kule'n ndubra dè Nube't.
- ¹⁰Doo ke danrán ke njèkon't mi uwe nyantosowur ke kem bai wong't le'n bêngle dè kutu-ngar't le dan. Tilkus sebe ràp-ràp dè beekon't le dan nè nga. Nyantosowur ra dooge ade ton-in tà de vbat-vbat.
- ¹¹Dé taje Nube ke danrán dap-dap tede nyantosowurge ke ra de a, se dò ke ngakõige ke gebi nan dè de't. Nè né è bè géa, dooge nè turi hal de dè nyanra de ke majelé't nga lé.
- ¹²Doo ke danrán ke njèkon't mute-mute uwe nyantosowur ke kem bai wong't le'n bêngle dann mann ba ke rin nè Euphrate. Tajinan't nè kuwe, mann ba nè nga ii san-san inye rebe ade ngarge ke in-in loo tee't le kàde.
- ¹³M'an ndilge ke majelé ke majelé mute undei loo teei taai nan se kanran bange bè. E ke karé tee tà dan-kõbe't, è ke karé tee tà dan't a, è ke karé unde loo tee tà doo ke ra ra'n ke njéribè-dè-tà ke tà Nube't a to.
- ¹⁴Ndilge ke majelé nè nga ei ngann njékulege le ndilge ke yêr ke njé ra nyankõbege gai-gai. Tabai ei awi ra ngar-beege ke dè nang nè bere mbak, õsi nja de nan't tede ngine'n ndõ ro ke bò le Nube ke njètogmong.
- ¹⁵Kuwe-bee tam ede nè: «An! man m'ree titeke njébog bè. Doo ke ndi dè njann't a, ngonm kubuge le'n kõtenn't a to baa, ra'n à nel'n. Titeke bè á è à njiye'n mbur'n suturu lé a, ra'n à sol'n tàkum dooge't lé a to.»
- ¹⁶Ndilge ke majelé nè nga õsi nja ngar-beege nan't loo karé ke dé bar'n se tà Hébreu d'ede nè: «Harmagédon.»
- ¹⁷Doo ke danrán ke njèkon madenng'e't ji sejimute uwe nyantosowurge ke kem bai wong't le'n sanrin ke do. Ndu doo in se ke dè kutu-ngar't bar beng gile kei ke tò se ninn'n le Nube ede nè: «Girtà gang bá ta.»

¹⁸Ke loon't nè kuwe, ndi têt a, ndu doo bar beng-beng a, nang unn gir yei buk-buk a tɔ. Unn gir mari ke doo ndii'n dè nang nè nga, nang yei buk-buk tite è ke nè nja karé lé bai!

¹⁹Bee-bò nga kai ra'n danné loo mute. Bee-bòge ke dè beege ke rang malang nga géa, tosoi tuji a tɔ. Keâm Nube olé dè kaiyage't le bee-bò ke Babylone. Nube ade'n nyantosowur ke keâm bai yibe nduu wong't le'n an-in.

²⁰Dè goré-looge malang an-in gotoi kɔke a, mbalge géa gotoi njêl karè a tɔ.

²¹Kɔtchege ke bò-bò ke ɔyi tite nar-nda bè in-in danrán tilei dè dooge vbang-vbang. Dooge taji Nube dap-dap tede nyantosowur ke kɔtchege rai se de. Nyantosowur ke ra de nè nga, è nyantosowur ke tò bel ngain dum madege ke rang malang.

Lookilera'n 17

Tà ke Nube à gang dè bee-bò ke Babylone't

¹Tabai, doo ke danrán karé dann madenngé ke ji sejimute ke ndai se bai nyantosowurge ke ji sejimute ji de't nga ree ede'm ede nè: «I ree ade m'edi tà ke d'ade gang dè bee-bò ke tò tà ba-bòge't. Bee-bò nè ra ra'n ke kaiya-dinye.

²Ngar-beege ke dè nang nè tooi se'n ke kaiya't a, dooge ke ndii dè nang nè nga géa, tò se nan ke kaiya't le'n tɔl de singling tite yibe nduu ke tɔl dooge bè.»

³Doo ke danrán nè nga unn ndil'm seen aw se'n keâm dile't. Ke loon't nè kuwe, m'an dinye karé ndi dè dan ke ker mbon. Ri ke ɔje dè taje Nube taa ra dan nè nga pel-pel. Dan ke dinye ndi dènn't nga, dènnge ei ji sejimute a, gajenngé ei dɔg a tɔ.

⁴Dinye nè nga tule kubu ke ker piriri se ke ker perm-perm rann't. E dolè ra'n se nar-ɔr, se her ke gate'n è ngain a, se mede-ngarge a tɔ. E uwe nyankain mann ke dé ra se nar-ɔr jinn't. Nyange ke yêr se nyange ke mine ke ɔje dè tò se nan ke kaiya't le'n rusu keâm bai le'n ke jinn't neĵ.

⁵Dé ndang ri ke tò loo bɔyɔn't nat-non dinye't nè nga d'ede nè: «Bee-bò ke Babylone, è ke njèkunde gir tò se nan ke kaiya't a, kunde gir nyange ke yêr dè nang nè a tɔ.»

⁶Mese dooge le Nube ke tooi se ninn de se mese njé ke dé tɔl de tede keâm de ke undei dè Jèsu't ra dinye nè nga tite yibe bè. Loo ke m'an'n bè baa, ndil'm tee an-in soin-soin.

⁷Doo ke danrán ede'm ede nè: «Ké bain á ade ndili tee an-in soin-soin bè wa? M'a m'ɔrgir nyan ke tò loo bɔyɔn't ɔje dè dinye se dan ke unn'n gidenn't nga, kade oo. Dan nè nga dènnge ei ji sejimute a, gajenngé ei dɔg a tɔ.»

⁸Doo ke danrán nga tel ede'm ede nè: «Dan ke i an'n nga tò tutu kété mari, nè d'arinè goto ta. A unde loo tee keâm be ke son'n goto le kaw ke loo tuju't. Dooge ke

ndii dè nang nè, ke dé ndang ri de keâm magtub ndikumgajer't lé mari loo kunde gir nang't nga, loo ke à an-in dan nè nga bè baa, tà à ige de sêl. Tà à ige de sêl tede dan nè nga tò tutu kété mari, nè go't gugu goto njêl. Dan nè nga, ndon't à tel kunde loo tee bai.

⁹Doo ke njègos nyanger se kumkunju baa à ter gir nyan nè nga. Dan ke dènnge ei ji sejimute nga, ei mbalge ke ji sejimute ke dinye nè ndi dè't. Mbalge ke ji sejimute nga ei ngar-beege ke ji sejimute tɔ.

¹⁰Ngar-beege ke ji sejimute nga, dé sure njé ke mige d'ile de bá ta. Nè è ke karé ke njèkon de't mute-mute ndi on bee a, è karé ke rang ndi à ree bai a tɔ.

¹¹Dan ke tò tutu kété mari á ðarinè goto njêl nga, è kuwe è ngar-bee ke njèkon't so-so. E géa è dann dange ke ji sejimute't nè nga tɔ. E ɔte aw loo tuju't nga.

¹²Gaje dan ke dɔg ke i an nga, ei ngar-beege ke dɔg. Dé nè nga d'on bee lé bai, nè d'ade de tɔgmong asenan se ngar-beege bè, tede kade d'on'n bee nan't kum kàde karé se dan.

¹³Ngar-beege ke dɔg nè nga, tel se tɔgmong se dèmong le de kade dan kuwe karé bere á è tàgir le de.

¹⁴D'a d'um nan't bok le rɔ se Ngonn bate, nè è à tête de rɔ; tede Ngonn bate nga è Kuwe-bee ke on kuwe-beege a, è Ngar ke on ngarge a tɔ. Ngonn bate se njé ke le'n ke è bar de, tɔr de a, ke undei keâm de dènn't a tɔ nga, à têtì de rɔ.»

¹⁵Doo ke danrán nè nga tel ede'm ede nè: «Mann bage ke kaiya-dinye ndi dè't ke i an de kété nga, è kosdoo-bulege se girkoje dooge malang ke dè nè ke tà tam de è gai-gai a, dooge ke se dè bee-dè bee a tɔ.

¹⁶Gaje dan ke dɔg se dan ke i an de kété nga, à ɔri kaiya-dinye nè nga njêt a, à uwei nin le tɔri kubuge rann't ndát-ndát kinyei nin mbur'n suturu karé. D'a d'use dan'n a, d'a rón se por rák-rák a tɔ.

¹⁷Nube kuwe à ule tàgir le'n dè bengre de't tede kade dé ra'n nyan se go keâmndige le'n. E ade d'um tà le de nan't karé, dé tel se konbee le de kade dan sár kade tàge le Nube aw'n loon't deɓ.

¹⁸Dinye ke kété án'n nga, è bee-bò ke njèkonbee dè ngar-beege ke dè nang nè.»

Lookilera'n 18

Bee-bò ke Babylone tuju

¹Go nyange't nè baa, m'an doo karé ke rang in danrán rise nang. E aw se tɔgmong ke bò. Ndubra le'n ndogó ade loo ke dè nang nè bere mbak unju njai-njai.

²Doo ke danrán nè nga tam tà se ndu'n ke bòi beng ede nè: «Bee-bò ke Babylone nga tuju! bee-bò ke Babylone nga tuju! Bee-bò nè nga tel è kei ndi ndilge ke

majelé a, kei ɓɔɔ ra le ndilge ke yêr a tɔ. Bee-bò nè nga tel è kei ndi helge ke yêr a, dange ke yêr ke kum kan lé a tɔ.

³E ade girkoje dooge se dè bee-dè bee an-in yibe nduu wong tò se nan ke kaiya't le'n. Ngar-beege ke dè nang nè géa tooi se bee-bò nè nga ke kaiya't. Njé ra gatege ke dè nang nè nga géa ubei maje nyankinge takul nyan maje le'n ke mbin.»

⁴Go't gugu, m'oo ndu doo karé ke rang bar beng ede nè: «Sei kosdooge le'm, undei loo i teei kɔke ke'm bee-bò't nè nga. Undei loo i teei tede kade oréi se'n nan dè majelége le'n nga lé a, tede kade ingei nyantosowurge le'n nga lé a tɔ.

⁵Kaiyage le bee-bò nè nga ndur nan sár ɔde kàde danran. Gir'n ke nè á ke'm Nube olé'n dè nyanrage ke pás-pàs le bee-bò nè nga.

⁶I rai n'ee titeke ndɔ ke n'rai sei bè tɔ. Nyan ke ndɔ ke bee-bò nè ra se si nga i rai se'n guté nja joo. Nyankain mann ke ndɔ ke n'nim yibe nduu ke'mé n'ade an-in nga, i nimi yibe nduu ke ate karar tutu nja joo adi n'an-in tɔ.

⁷Bee-bò nè nga ndɔ ke unde kàde'n ngain a, ndi de's dann maje't a tɔ. Titeke ndɔ ke unde kàde'n a, ndi de's dann maje't a tɔ nga, sei géa, i rai se'n nyantosowur adi ndii'n se kubu ndoo. Bee-bò nè nga tam ke'mn't ede nè: N'ndi tite dinye le ngar bè, n'ee dinye ke njèkei-kinge lé a, kumndoo yo à ra'n ndan lé a tɔ.

⁸Gir'n ke nè á ndɔ karé bere kuwe, nyantosowurge malang ke d'uwe dè nja d'ɔje'n dè'n nga, à teei dènn't kuwe. Eige nè á tooi nè: yo-kos, kumndoo yo a, ɓo-bò a tɔ. D'ade ró bee-bò nè nga se por rák-rák. Tede Kuwe-bee Nube ke Njètɔgmong á gangtà dè bee-bò't nè nga.»

⁹Ngar-beege ke dè nang nè malang ke njé tooi se'n ke kaiya't a, ke njé korè se'n nan dè ndi de's dann maje't le'n nga, loo ke à an-in sà por ke à ró bee-bò ɓaa, ei à non-in kundi kàde de dai-dai.

¹⁰D'ade ɓel nyantosowur ke à ra bee-bò nè nga ɓaa, d'a nda heb se'n tá d'a tam kede nè: «Habi! nyantosowur ke bain á tanan bè! ké nyantosowur ke bain á tee dè bee-bò ke Babylone, ke njètɔg nga, titeke bè wa! Ké i nga kuwe á Nube gangtà dèi't kum kàde karé bere nè wa?»

¹¹Njé ra gatege ke dè nang nè géa, non-in tede bee-bò nè a, rai ndoo'n a tɔ, tede doo karé bè ke njè ndogo se de nyan gatege le de goto ta.

¹²Nyan gatege ke uri kugu dè nan't bing-bing: nar-ɔr, nar-nda, herge ke gate de è ngain se mede-ngarge, kubu ke ker perm-perm, kage ke rara ke bus'n ete maje, jó-bai ke ra se gɔge kede se kage ke rara ke gate'n è ngain se ninge-kase, nar ke mong, her ke ndang mbin,

13kàde kage ke ete ke ri'n nè Canelle, non-kage, wubuge ke dé ra se putu nyange ke ete sununu se yibe nduu a, wubu a, nduju koge a, se mangege a, se batege a, se sindege a, se wotro rɔge ke nja sɔ a, se berge a, se dooge ke karè a tɔ.

14Njé ra gatege à tami kedi nè: «Nyange ke maje-maje ke ngur ndogo'n ra dooge ke kem̄ bee-bò ke Babylone nga, gotoi. Nyanbawge le'n ke ndolé mbeble a, se ke ndoin-in kein-kein nga géa, gotoi rann't njêl a tɔ. Doo à tel kinge de gugu ndan lé ta.»

15Njé ra gatege ke teli ei baw nyankingege kem̄ bee-bò't nè, takul nyan gatege le de nga, à ndai heb ngain tede beli nyantosowur ke à ra bee-bò ke Babylone nè nga. Njé ra gatege à non-in a, à ndingei ndoo tede le'n a, à non-in kaláng-kaláng kedi nè:

16«Habi! nyantosowur ri á tanan bè wa! Nyantosowur ri á tee dè bee-bò't nè nga bè wa! Dooge ke kem̄ bee-bò't nè nga tulei kubu ke sɔl lom-lom se kubu ke ker perm-perm se kubu ke ker jengleng se kubu ke ndoin kein-kein tite ɔr a, tulei her ke gate'n è ngain a, se mede-ngar ra de't a tɔ.

17Nè kum ke tuge jip kuwe baa, nyanbawge le bee-bò ke Babylone ke tooi bel nè nga, dé tuju de ndát-ndát kɔke.» Njé kunn batoge se njé kaw mba se bato a, se njé ra kule kem̄ batoge't a, se njé ra kule dann ba-bò kate't a tɔ nga, ndai mbeng.

18Loo ke an-in sà por ke ndi à ró bee-bò nè nga baa, tami tà se ndu de ke bòi beng edi nè: «Bee-bò ke tanan se bee-bò nè nga goto.»

19D'ɔi bubur d'um ke dè de't, dè de't dé non'n kaláng-kaláng a, dé ndinge'n ndoo a tɔ, d'ede nè: «Nyantosowur ri á tanan bè wa! Nyantosowur ke bain á tee dè bee-bò't titeke bè wa! Kuwe-batoge ke dann ba-bò kate't teli ei baw nyankingege takul nyankingege le bee-bò ke Babylone ke tooi ndàj-ndàj. Nè kum ke tuge jip kuwe, bee-bò nè nga tel è ndube-bee se non.»

20Sei ke i ndii danran, i rai ranel! Sei kosdooge le Nube ke i tooi se ninn si, njékawkulege a, se njéribè-dè-tàge ke tà Nube't a tɔ nga, ali ra si ɔje dè tuju ke Nube tuju bee-bò nè nga! E è Nube kuwe á gangtà se dè naje'n dè bee-bò't nè ɔje'n dè majelége ke ndɔ ke ra se si.

21Doo ke danrán karé ke njètɔg unn her ke tò titeke mbal kusu ko ke bòi bè lɔke piring ile dann ba-bò kate't, ede nè: «Bee-bò ke Babylone nga, d'a d'ile'n piring kɔke titeke bè kuwe tɔ. Doo à tel kan'n gugu ndan lé sár.

22Doo à koo ká kundu-jêng-ge se ká njékunde nyan kɔse'n page, ká têbege se ká burunju à bar kem̄i i bee-bò't nè nga gugu ndan lé ta. Doo à tel kinge kɔde ke njé ra kule ke rara éké doo à koo ká bir bar kem̄i i bee-bò't nè nga gugu ndan lé ta.

23Por lampe à ndoin ndên kem̄i i bee-bò't nè nga gugu ndan lé a, doo à koo ndu njé taa dinye kige se njé ngaw kige kem̄i i bee-bò't nè nga gugu ndan lé ta. Oiyo,

njé ra gatege ke ndii keñi i bee-bò't nè nga géa, ndo ke ei baw nyankingege de nang nè: tede i libe kum girkoje dooge malang se de bee-de bee ade ndemi a to.»

²⁴I Bee-bò ke Babylone nga, ta mese njéribè-de-tàge ke ta Nube't se dooge le'n se njé ke ndo ke de tol de nga, ta'n uwe deì dariné bá ta.

Lookilera'n 19

¹Go nyange't nè nga, m'oo ndu doo bar danrán beng tite ndu kosdoo-bulege bè ede nè: «Alléluia! i piti Kuwe-bee le jéi, tede kaje a, se ndubra a, se togmong a to ei le'n è kuwe.

²Gangtàge le'n è se de naje'n kerote kuwe! Nube gangtà de bee-bò't nè ke ndo ke dooge ke kemé ei njé tooi se nan ke kaiya't nga. Nube gangtà de bee-bò't nè nga tede tol ke ndo toli ber kulege le'n ade mese de an-in nang.»

³Kosdoo-bulege nè nga teli tami ke njèkon't joo edi nè: « Alléluia! I pitii Nube! Sa por ke ró bee-bò nè rák-rák nga su tukuk-tukuk se bal-bal sár se non.»

⁴Ngatogege ke kor-joo-gidé-so se nyankundege ke so nga osi keje de nang non Nube ke ndi de kutu-ngar't doyi nin edi nè: «Amen! Maje kade è titeke bè kuwe! I piti Kuwe-bee!»

Mur dann bee le Ngonn Bate

⁵Ndu doo bar se ke de kutu-ngar't ede nè: «Sei ber kulege le Nube le jéi malang, sei nganngè se dooge ke togege ke i beli ndil'n nga, osi pa i pitii nin!»

⁶M'oo ndu kosdoo-bulege bar asenan se ká mann ba-bòge a, bar tite ndi ke ndang se tog'n bè a to, ede nè: «I piti Kuwe-bee! I piti Kuwe-bee Nube le jéi ke njé togmong nga tede taa konbee jinn't dariné bá ta!

⁷Jè rai ranel a, j'ali ra jéi a, j'osi pa j'ilei ribar de Nube't a to. An! ndo ra nan taa nan le Ngonn Bate nga ase bá! Njèng le'n nga géa uwe de nja ra'n bá a to.

⁸Njèng le Ngonn bate nga d'ade'n kubu ke sol lom-lom, ke nda káng-káng a, ke unju nyang-nyang a to, d'ade ule rann't. Kubu ke nda káng-káng nè nga ei nyanrage ke se de naje'n le dooge le Nube ke tooi se ninn de.»

⁹Doo ke danrán ede'm ede nè: «I ndang ta nè nga: Njé ke de bar de loo mur dann bee't le Ngonn bate nga, ra de à nel de.» Tabai, è ede'm ede nè: «Tàge nè nga ei ngarankum tàge le Nube kuwe.»

¹⁰M'oso nang nja doo ke danrán't nè nga rap, m'ule de'm m'ade'n. Nè è tel ede'm nè: «Ebe't ra titeke bè, tede man nga m'ee made-ber kule lei a, le ngakoinge ke njékorgo tàge le Jésu a to. Gar-gar, i doì Nube.» Ngarankum ta ke Jésu orgo nga, è ta ke ndo ke Ndil ule ta njéribè-de-tàge ke ta Nube't ade tami.

Doo karé ke al de sinde-gaglam't

- 11**Go't gugu, m'an danrán teen tà'n. An! ke loon't nè kuwe, sinde-gaglam unde loo tee pitring se doo gidenn't. Doo ke al dènn't nga, dé ɓar'n Ngarankum Maje kule. E gangtà a, ɾɔ se dè naje'n a ɬɔ.
- 12**Kum'n on por njoy-njoy asenan se por bilm-bilm bè. Jɔkɔ tête ɾɔ bule tò dènn't a ɬɔ. Dé ndang ri ke doo karé bè géa ger lé dènn't. Ri nè nga è kuwe se kar'n á ger.
- 13**Kubu ke ule rann't nga è ke d'ule dann mese't. Doo nè nga ri'n nè «Tà le Nube.»
- 14**Njérɔge ke danrán ali sinde-gaglam ndolèi goo'n. Njérɔge nè nga tulei kubu ke nda káng-káng, ke unju nyang-nyang ra de't.
- 15**Kuye kaskar ke bòi bember ke tà'n ate njèt unde loo tee tà doo't nè nga, tede jeng girkoje dooge ke se dè bee-bee dè nang nè. E è kuwe á ul de a, ɔɾ non de se kage-tɔse ke nar a ɬɔ. E à raje de ráj-ráj ndɔ wong bò't le Nube ke njè tɔgmong, titeke doo raje'n kul nduu keɓ nyan mboré mann nduu't bè ɬɔ.
- 16**Doo ke danrán ke al dè sinde-gaglam't nga, dé ndang ri doo tu kubu't le'n ke bòi yul a, dè bingenn't a ɬɔ, d'ede nè: «Ngar dè ngarge a, Kuwe-bee le kuwe-beege a ɬɔ.»
- 17**Tabai, m'an doo ke danrán karé nda se nja'n dɔ kum kàde't. E tam tà se ndu'n ke bòi beng ede helge malang ke in-in se bage dann danran't danné ɓɔp, ede nè: «Ɔsi nja nan, i reei tà mur dann bee ke bò't le Nube!
- 18**I reei tede kade usei danra ngar-beege se njékan dè njérɔge, njé tɔgmong-ge se sinde-rɔge a, se njé kal dege a ɬɔ. I reei usei danra dooge malang, njé ndii dè de palge se ɓerge, se ngann dooge a, se dooge ke tɔge a ɬɔ.»
- 19**M'unn kum'm ɓaa, m'an dan se ngar-beege ke dè nang nè ɔɓi nja njérɔge le de nan't káng-káng le kawi kosoi ɾɔ ra è ke ndi dè sinde-gaglam't se njérɔge le'n.
- 20**Dan se è ke njè ra ra'n ke njèribe-dè-tàge ke tà Nube't nga, d'uwe de joo mbak. E ke njè ra ra'n ke njèribe-dè-tàge ke tà Nube't nga ndɔ ke è ra nyankɔbege gai-gai tàkum dan't nè libe'n kum dooge ke nyankorji le dan tò ra de't a, ke ɗɔyi nyan ke dé ra dé ndaje'n dan nè nga a ɬɔ. Dan se njè ra ra'n ke njèribe-dè-tàge ke tà Nube't nga, d'uwe de joo mbak d'ile de kumgajer dann por nyan ke ker jengleng ke laa tong-tong a, ke on bilm-bilm a ɬɔ.
- 21**Gute dooge ke nan-in nga, kuye kaskar unde loo tee tà è ke ndi dè sinde-gaglam't jeng kɔbe de ɗèng-ɗèng ɬɔl de. Helge malang usei dan de adi ase de ná-kák.

Lookilera'n 20

Loge ke aru ɗɔg

- 1**Go't gugu, m'an doo karé in danrán rise nang. E uwe lakêlé kɔɾ tà be ke son'n goto jinn't. Doo ke danrán nè nga uwe sul ke mong mêr-mêr jinn't nda'n.

²E uwe dan-kɔbe ke è li ke mari, ke njè tête tà kunde tà dooge't a, se njèkɔse tà se dooge a tɔ nga mêtch, tɔw'n se sul njanm-njanm ase loge aru dɔg.

³Tabai, è uwe'n ile'n piring keɛm be ke son'n goto't, utu tà'n a, ɔse nyankorji le'n tà be nè nga a tɔ. Doo ke danrán ra titeke bè tede le kade dan-kɔbe inge loo libe kum girkoje dooge ke se dè bee-bee nga gugu ndan lé sár kade loge ke aru dɔg nga ase'n deɛ. Go't gugu bita, gar-gar d'a tutu'n kinye'n dɔ mbɔr bai.

⁴M'an dooge ndii dè kutu-ngar't. D'inye loo d'ade de le kade gangi tà dè dooge't; tabai, m'an dooge ke ndɔ ke dé jeng kɔbe de se kunge dé tɔl de tede keɛm de ke ndɔ ke undei dè tà't le Krist a, dè tà't le Nube a tɔ. Tabai, m'an dooge ke ndɔ ke ulei dè de nang non dan't dɔyi nin lé éké ke non nyan ke dé ra dé ndaje'n dan nè nga lé a tɔ. Dé nè nga, dé dooge ke ndɔ d'unde nyankorji le dan nat-non de't éké da ji de't lé a tɔ. Dé tel dé ndikumgajer a, d'on bee nan't se Krist loge aru dɔg.

⁵E ke nè á è kunde loo tee dann njé ke koo't ke desêin. Gute njé ke koo ke nan-in nga, looge aru dɔg nè à dere pa bita à undei loo ke le de le teei dann njé ke koo't bai.

⁶Njé ke tooi se ninn de ke undei loo teei desêin dann njé ke koo't nga, ra de à nel de. Yo ke joo à on bee dè de't ndan lé ta. D'a dé njékuje nyan-mesege le Nube a, se le Krist a tɔ. D'a d'on bee se Krist nan't loge aru dɔg.

Dé tête rɔ njèkɔse tà se dooge

⁷Loo ke loge aru dɔg nè nga ase deɛ bá baa, d'ɔr njèkɔse tà se dooge dangai't le'n, dé tutu'n d'inye'n dɔ.

⁸Njèkɔse tà se dooge à unde loo tee le libe kum girkoje dooge se dè bee-bee dè kum nang ke sɔ't. E ɔse nja Gog se Magog nan't tede kaw rɔ'n. Dooge le'n ke ɔse nja de nan't le kaw kile'n rɔ nga, kɔr de bule asenan se nyeenger ke tà ba-bò kate't.

⁹D'unn laa nang nè lát-lát, d'an-in'n dè loo ndi njérɔge le kosdooge le Nube a, se dè bee-bò ke Nube tár'n ngain nga king-king a tɔ. Nè ke loon't nè kuwe, por in danrán ree ró de rák-rák.

¹⁰Njè tête tà kunde tà dooge't se njè libe kum de nga, d'uwe'n d'ile'n patak dann por nyan ke ker jengleng, ke on se laa'n bilm-bilm nga, ndɔ ke kété d'ile dan se njè ra ra'n ke njèribe-dè-tàge ke tà Nube't danné. D'a d'ade nyantosowur à ra de kada a, ndɔɔ a, se bal-bal sár se non.

Tà gang ke ngeinn't

¹¹Go't gugu, m'an doo karé bè ndi dè kutu-ngar ke nda ke bòi't. Nang se danran ɔti an-in nan tà kum'n ta.

¹²M'an njé ke weii, dooge ke bò se ngann dooge ndai non kutu-ngar't nè nga. D'uwe tà magtubge dé teen. Magtub karé ke ɔje dè ndikumgajer nga géa, dé teen

tà'n tɔ. Go't gugu, dé gangtà dè njé ke koo't ɔje'n dè kule ra de, ra de, se go nyange ke dé ndang tà'n keɛ magtub't nè nga.

¹³Njé ke koo ke ndɔ ke rai bee dann ba-bò kate't nga, ba-bò kate ree se de buku de nata. Njé ke koo ke ndii se yo bee le yo nga géa, yo se bee le yo reei se de buki de nata a tɔ. Nanan géa dé gangtà dènn't se go kule ra'n, ra'n.

¹⁴Yo se bee le yo nga, dé tile de patak-patak dann por ke laa tong-tong't. Yo ke njèkon't joo nga, è por ke laa tong-tong.

¹⁵Doo ke rara ke dé ndang ri'n keɛ magtub ndikumgajer't nè nga lé baa, d'a kile'n patak dann por ke on se laa'n bilm-bilm nè nga tɔ.

Lookilera'n 21

Danran ke kige se nang ke kige

¹Tabai, m'an loo gerer baa, m'an danran ke kige tede danran ke desêin se nang ke desêin gotoi njêl karè. Ba-bò kate géa goto njêl karè a tɔ.

²M'an Jérusalem ke kige, è bee-bò ke tò se ninn'n ke in danrán ra Nube't rise nang. Bee-bò nè nga tò asenan se ngomande ke ra ra'n mande tàkum ngawn't bè.

³M'oo ndu doo bar beng se ke dè kutu-ngar't ede nè: «An! kei kubu le Nube nga è dann dooge't! Nube à ra bee se dooge a, d'a dé kosdooge le'n a tɔ. E Nube kuwe á nain se de a, à è Nube le de kuwe a tɔ.

⁴Nube à tise mann non kum de't ndát-ndát. Yo se kumndoo yo se keɛkon à gotoi njing se non. Non se wuwi à bar gugu bè lé njing ta. Nyange ke mari gotoi njêl karè.»

⁵E ke ndi kɔte kutu-ngar't nga tam ndát ede nè: «An! nyange malang nga, m'tel m'ra de gugu kige.» Tabai, è ede'm ede nè: «I ndang tàge nè nga tede ei ngarankum tàge ke get ke le taa kum keɛ dè't kuwe.»

⁶Tabai, è tel ede'm ede nè: «Girtà gang bá ta. Man nga, m'ee ke desêin a, m'ee ke ngeinn't a tɔ. Man nga m'ee loo kunde gir nyan a, loo tɔl ngang nyan a tɔ. Doo ke kunde on'n baa, m'a m'ade'n ngur mann ndikumgajer kade an-in karè m à ndogo lé.

⁷Doo ke tête rɔ baa, m'a m'ade'n nyan nè nga kuwe. M'a m'ee Nube le'n a, à è ngonn'm ke dingem a tɔ.

⁸Nè njé belge, njé kunn mbi dè ta'tge, njé ra nyange ke tò yêr, njé tɔl dooge, njé tò se nan ke kaiya'tge, njé ra nyan mbelige, njé polé magege se njé tà lanmge nga, loo le de à è dann por nyan ke ker jengleng ke on se laa'n bilm-bilm tɔ. Por ke on se laa'n bilm-bilm á è yo ke njèkon't joo.»

Jérusalem ke kige

- ⁹Dooge ke danrán ji sejimute uwei baige ji sejimute ji de't ndai. Bai wong nè nga, nyantosowurge ji sejimute rusi keñ neñ-neñ. E karé dann de't ree tam se'm ede nè: «I ree laa ade m'tɔji njènonng ke è dinye le Ngonn bate ke taa'n ke kige nga.»
- ¹⁰Doo ke danrán nè nga unn ndil'm seen aw se'm dè mbal ke bòi ke ngal lêng-lêng. E toje'm bee-bò ke tò se ninn'n gai. Bee-bò nè nga è Jérusalem ke in ra Nube't danrán á ree.
- ¹¹Bee-bò ke tò se ninn'n nè nga ndubra le Nube ndogó dènn't kotong. Loo ke keñ bee-bò't nè ndolé kein-kein tite her ke ri'n nè Jaspe, ke unju nyang-nyang a, gate'n è ngain a tɔ.
- ¹²Bee-bò nè d'ile geng-bɔr ke bò a, ngal a, d'an-in'n dè'n. Geng-bɔr nè nga tà rebenngé ei dɔg-gidé-joo. Dooge ke danrán dɔg-gidé-joo ndai tà rebe geng-bɔr't nè nga karé-karé malang. Dé ndang ri gir'à le Israel ke dɔg-gidé-joo tà rebe't karé-karé malang.
- ¹³Tà rebe ke loo tee't le kàde è mute. Tà rebe ke loo kur't le kàde è mute, dè jikon tà rebe è mute a, dè jigel géa tà rebe è mute a tɔ.
- ¹⁴Geng-bɔr le bee-bò nè nga, d'unde gir'n dè mbalge ke dɔg-gidé-joo. Dé ndang ri njékawkulege ke dɔg-gidé-joo le Ngonn bate dè mbalge't nè nga karé-karé malang.
- ¹⁵Doo ke danrán ke tam se'm tà kété nga, uwe kage mbɔje nyan jinn't. Kage mbɔje nyan ke uwe jinn't tede le mbɔje'n bee-bò se tà rebege le bee-bò a, se geng-bɔr le'n a tɔ. Kage mbɔje nyan ke jinn't nga, dé ra se nar-ɔr.
- ¹⁶Bee-bò nga d'unde kil'n loo sɔ d'ade ngal'n a, laa'n a, asi nan deñ. Doo ke danrán mbɔje bee-bò nè se kage mbɔje nyan ke jinn't nga baa, ngal'n ke nang se laa'n, se ngal'n ke dɔ a tɔ nga, ase kurloo aru dɔg loo joo se gide ke aru joo se kɔr-joo-gidé mige bè.
- ¹⁷Doo ke danrán mbɔje geng-bɔr ke d'unde d'an-in'n dè bee-bò nè nga. Ngal'n ke dɔ è kil ji doo aru se kɔr-sɔ-gidé-sɔ se nyan mbɔje nyan ke tò ji doo ke danrán't nè nga.
- ¹⁸Geng-bɔr le bee-bò nè nga, d'unde se her Jaspe ke bal ke ker se ke ndul turukturuk a, ker ke yede mann sinde a tɔ. Loo ke keñ bee-bò nè nga ndolé kein-kein tite nar-ɔr ke deri a, ndolé kein-kein tite mede-kɔtche bè a tɔ.
- ¹⁹Gir geng-bɔr le bee-bò nè nga, d'unde se herge ke se ri de, ri de ke gate de è ngain. Her ke desèin ke tɔr bál nga ri'n nè Jaspe, è ke njèkon't joo ri'n nè Saphir, è ke njèkon't mute ri'n nè Calcédoine, njèkon't sɔ ri'n nè Émeraude,
- ²⁰Njèkon't mi è Sardoniks, njèkon't mute-mute è Sardoine, njèkon't ji sejimute ri'n nè Chrysolite, njèkon't sɔsɔ ri'n nè Béryl, njèkon't jisɔ-jimi è Topaze, njèkon't

dɔg ri'n nè Chrysoprase, njèkon't dɔg-gidé-karé è Hyacinthe, njèkon't dɔg-gidé-joo ri'n Améthyste.

²¹Tà rebe geng-bɔr ke dɔg-gidé-joo nga è mede-ngar ke dɔg-gidé-joo. Tà rebe karé tò ɔje dè mede-ngar karé tɔ. Ndá-loo ke keɲm bee-bò't nè nga dé ra se nar-ɔr ke deri ke ndolé kein-kein tite mede kɔtche bè.

²²M'an kei ke tò se ninn'n le Nube keɲm bee-bò't nè nga lé, tede Nube ke njè tɔgmong a, Ngonn Bate a tɔ nga kuwe á ei kei ke tò se ninn'n le Nube.

²³Bee-bò nè nga aw ndoo kàde éké nan ke nyan-ndogó le'n lé. Nè Nube kuwe è nyan-ndogó le'n a, Ngonn bate á è lampe le'n a tɔ.

²⁴Girkoje kosdooge se dè bee-dè bee à njiyei takul lookar le'n. Ngar-beege ke dè nang nè à reei se nyanbawge le de kadi bee-bò nè nga.

²⁵Tà rebege le geng-bɔr nè nga doo à utu kada ndan lé, tede ndɔ à tel kil tutu gugu ndan lé.

²⁶Gir kosdooge se dè bee-dè bee à reei se nyankingege se nyanbawge le de kadi bee-bò nè nga.

²⁷Nyan ke mine ke rara karé bè géa à aw keɲm bee-bò't nè nga ndan lé. Doo ke njé ra nyan ke yêr éké njè tam tà lanm se ndɔ'n-ndɔ'n nga à ile nja'n keɲm bee-bò't nè nga ndan lé a tɔ. Nè njé ke dé ndang ri de keɲm magtub ndikumgajer't le Ngonn Bate kuwe karé á à ilei nja de keɲm bee-bò't nè nga.

Lookilera'n 22

¹Doo ke danrán tɔje'm ba karé ke an-in mann'n baa, a i ndi kumgajer; mann ba nè nga unju njai-njai tite nyan karé ke dé bar'n Cristal bè. Ba nè nga in gir kutu-ngar't le Nube se le Ngonn bate.

²Mann ba nè ule dann ndá-loo ke keɲm bee-bò't nè nga. Kage karé ke d'use dé ndii'n kumgajer nda dè kong ba't ke nú't a, ke nè't a tɔ. Kage nè nga ann nja dɔg-gidé-joo keɲm bal karé, nan karé baa ann nja karé tɔ. Mbi kage nè nga è kuge kɔr ratur ra girkoje kosdooge se dè bee-dè bee.

³Nyan karé bè ke à ade Nube à gangtà dè dooge ke keɲm bee-bò't nè nga goto ta. Kutu-ngar le Nube se le Ngonn bate à tò keɲm bee-bò't nè nga. Ber kulege le Nube à dɔyi nin.

⁴Ber kulege le Nube à an-in nin se kum de a, ri'n à tò nat-non de't a tɔ.

⁵Ndɔ à tel kil keɲm bee-bò't nè nga ndan lé ta. Ber kulege le Nube à awi ndoo ndogó le lampe éké le kàde nga lé ta. E Kuwe-bee Nube kuwe á è lookar le de a, d'a d'on bee sár se non.

Jésu à tel ree ngɔr

⁶Doo ke danrán ede'm ede nè: «Tàge nè nga ei ngarankum tàge ke get ke le taa kum ke'm de't kuwe. Kuwe-bee Nube ade Ndil-ke'mnda ule tà tà njéribè-dè-tàge le'n. E ule doo le'n ke danrán le kade toje ber kulege le'n titeke ngor baa, nyange nè nga gar-gar à teei kuwe.»

⁷Jésu ede nè: «Ooi maje, m'a m'tel ree ngor. Doo ke ngonm tà ke tà Nube't ke dé ndang ke'm magtub't nè nga sêw-sêw baa, ra'n à nel'n kuwe!»

⁸E man Jean kuwe á m'oo tà nè se mbi'm a, m'an nyange nè se kum'm a to. Loo ke m'oo tà nè a, m'an nyange nè bè baa, m'oso nang nja doo ke danrán ke kété toje'm nyange nè nga le d'oi'n.

⁹Nè è ede'm ede nè: «Ebe rai ra nyan titeke bè! Man m'ee ngonnn njèkule madi a, m'ee njè made kule le ngakoin ke njéribè-dè-tàge ke tà Nube't. Man m'ee njèmade kule le njé ke ngonmi tàge ke dé ndang ke'm magtub't nè sêw-sêw. Nube á maje kade i d'oi'n gar-gar!»

¹⁰Doo ke danrán nè nga tel ede'm ede nè: «Tàge ke tà Nube't ke dé ndang ke'm magtub't nè nga, maje kade i bɔyɔ dè lé, tede ndɔ ke kade nyange nè teei nain ngor ta.

¹¹Doo ke è njè ra nyan ke se dè naje'n lé baa, maje kade aw kum'n ke kété dè nyanra ke nal najenn't le'n nga baa, ndɔn't à an bai. Doo ke ndi se ra'n ke mine baa, maje kade aw kum'n ke kété dè nyan ke mine't le'n nga baa, ndɔn't à an bai. Doo ke è njè ra nyan ke se naje'n nga, maje kade aw kum'n ke kété dè nyanra ke se dè najenn't le'n nga. Doo ke ndi tede le Nube nga, maje kade aw kum'n ke kété dè ndi tede le Nube't le'n nga a to.»

¹²Jésu ede nè: «Oo maje, man m'tel ree ngor. M'a m'aw se nyankuge dè ji le'm jim't tede kuge'n dè ji dooge karé-karé malang se go kule ra de, ra de.

¹³Man nga m'ee ke desêin a, ke ngeinn't a to. Man m'ee loo kunde gir nyan a, loo toɔl ngang nyan a to.

¹⁴Njé ke togoi kubu le de ke bòi yul-yul nga, ra de à nel de kuwe. Ei asikum kuse kann kage ke doo à ndii'n kumgajer nga a, à asi kingei tà rebe kaw ke'm bee-bò't nè nga a to.

¹⁵Nè njé ra nyan rasolge se njé ra nyan mbelige se njé tò se nan ke kaiya'tge se njé toɔl dooge se njé polé magege a, se njé ndige tà lanm éké tami tà lanm se ndɔ de, ndɔ de a to nga, à nain-in gide bee-bò't nata.

¹⁶Man Jésus kuwe á m'ule doo le'm ke danrán kade aw ɔrgo tà nyange nè ade sei njétaake'm-Kristge malang loo kebe nange't le si. Man m'ee ngonnkà David a, m'ee mbonron lookar a to.»

¹⁷Ndil Nube se dinye ke njè ngaw kige nga tami edi nè: «I ree.» Doo ke oo tà nè baa, maje kade tam ede nè: «I ree.» Doo ke kunde mann on'n baa, maje kade ree

taa mann an-in. Doo ke ndige taa mann kan-in ndii'n kumgajer baa, à inge karé m à ndogo lé.

Ngei tàge le Jean

18Dooge malang ke ooi tàge ke tà Nube't ke dé ndang keñ magtub't nè nga, man Jean m'ede de ndàt: Ke nè á doo ile tà karé ke rang dann tàge nè baa, Nube à ra se'n nyantosowur ke dé ndang tà'n keñ magtub't nè nga bai.

19Ke nè á doo or nyan karé dann tàge ke tà Nube't ke tò keñ magtub't nè ile ngang karé baa, Nube à oge'n kuse kann kage ndikumgajer nè éké à oge'n kile nja'n keñ bee-bò ke tò se ninn'n ke dé ndang tà'n keñ magtub't nè nga.

20Jésu ke njèkorgo tà nyange nè nga tam ede nè: «Oiyò, m'a tel ree ngor.» Maje kade è titeke bè kuwe, Kuwe-bee Jésus, i ree.

21Maje kade keñnoje le Kuwe-bee Jésus nain se si malang.

Esclarecimento

Trata-se de iniciativa particular, com os seguintes objetivos: (i) colaborar para divulgação dos diversos textos bíblicos disponíveis, e, (ii) facilitar o acesso a esses textos, inclusive por meio de download.

Todo esforço em tornar a Palavra de Deus acessível a todos, em quaisquer localidades e falantes das mais diversas línguas, precisa ser um objetivo de todos os que são guiados pelo Espírito Santo. Ele inspirou o profeta Jeremias a dizer “não ensinará jamais cada um ao seu próximo, nem cada um ao seu irmão, dizendo: Conhece ao SENHOR, porque todos me conhecerão, desde o menor até ao maior deles, diz o SENHOR” (Jer. 31:34).

Jesus, também, falou assim: “e será pregado este evangelho do reino por todo o mundo, para testemunho a todas as nações” (Mat. 24:14).

Muitas organizações foram constituídas com o propósito de fazer a Bíblia disponível nas diversas línguas. Não é uma tarefa simples. Anos de trabalho, dedicação e entrega são necessários para esta tão extraordinária missão.

O texto deste trabalho está disponível na internet, em páginas eletrônicas de organizações que produzem ou divulgam bíblias, sem acréscimos de notas ou comentários. Assim, reconhecendo e respeitando os direitos que possuem sobre seus trabalhos, incumbe a todos os que amam a Palavra de Deus, o esforço em contribuir para amplificar sua divulgação.

Se possível, faça download do texto, para que sejamos, também, guardiões da Bíblia, e, com isso, preservando-a para as futuras gerações.

Divulga a Palavra de Deus, ela mostra o Caminho e permite a todos, que se conheça Sua vontade, em todos os lugares e épocas.

Marcel da Glória Pereira
2021, Vitória/ES - Brasil